



দীনবন্ধু মিত্র



গিৰিশচন্দ্র ঘোষ



দি,জম্মলাল নায়




কীরোদপ্রসাদ বিজাবিনোদ


নাট্যসাহিত্যের আলোচনা

ও


নাটকবিচার



॥ প্রথম খণ্ড ॥



ডঃ সাধন কুমার ভট্টাচার্য



জাতীয় সাহিত্য পরিষদ সংকল্প
প্রথম খণ্ড

প্রথম প্রকাশ : মহালয়া, ১৩৬৭

প্রচ্ছদ : প্রণব শূর

স্কেচ : কে, পাল

দাম : ১০.৫০

গ্রন্থকার কর্তৃক সর্বস্বত্ত্ব সংরক্ষিত

১৪, রমানাথ মজুমদার স্ট্রীট কলিকাতা-২ জাতীয় সাহিত্য পরিষদ
থেকে এস. দত্ত কর্তৃক প্রকাশিত। ৬০, পোটুয়াটোলা লেন
কলিকাতা-২ রূপলেখা প্রেস হইতে অজিত কুমার সাউ কর্তৃক মুদ্রিত।

উৎসর্গ

এক বছর বয়সে পিতৃহীন

পাঁচ বছর বয়সে মাতৃহীন—শিশুকে

মায়ের অধিক স্নেহে যিনি লালন পালন করেছিলেন ,

মা জীবিত থাকতেও ষাঁকে মা বলে ডেকেছি—আমার সেই মায়ের-
অধিক-স্ন।

বড় জ্যেষ্ঠাইমা

৬ ক্ষীরোদা সূন্দরী দেবীর

পবিত্র স্মৃতির উদ্দেশে

নাট্যসাহিত্যের আলোচনা ও নাটকবিচার

[প্রথম খণ্ড]

গ্রন্থকারের নিবেদন

নাট্যসাহিত্যের আলোচনা ও নাটক বিচার গ্রন্থমালার প্রথম ও দ্বিতীয় খণ্ড পুথি-ঘর কর্তৃক এবং তৃতীয়, চতুর্থ ও পঞ্চম খণ্ড জিজ্ঞাসা কর্তৃক প্রথম প্রকাশিত হয়েছিল। কিন্তু প্রথম মুদ্রণের সমস্ত সংখ্যা কালক্রমে বিক্রীত হয়ে যাওয়ায় পঞ্চম খণ্ড বেশ কয়েক বছর ধরে অমুদ্রিত অবস্থায় পড়ে আছে এবং নানাকারণে নতুন সংস্করণ-রূপে আত্মপ্রকাশ করতে পারেনি।

জাতীয় সাহিত্য পরিষদের অন্ততম স্বত্বাধিকারী নাট্যকার ও নাট্যসমালোচনা-রসিক শ্রীযুক্ত সুনীল দত্ত মহাশয় নাটক-বিচার গ্রন্থমালার পাঁচটি খণ্ড পুনঃপ্রকাশের জন্য আগ্রহ প্রকাশ করেন, কিন্তু আমি তাকে এই কথাই জানাই যে শ্রীশ বাবু সম্মতি না দিলে আমার পক্ষে অল্পমতি দেওয়া সম্ভব হবে না। শ্রীশ বাবুকে আমি সুনীল বাবুর প্রস্তাব জানাতেই তিনি সানন্দে সম্মতি দেন এবং লেখকের প্রথম রচনার উপরে মমতা-দুর্বলতা স্বাভাবিক—বোধ হয় তা' উপলব্ধি করেই দেন। শ্রীশ বাবুর সম্মতি পাওয়ার পরে আমি জাতীয় সাহিত্য পরিষদকে নাট্যসাহিত্যের আলোচনা ও নাটকবিচার পাঁচ খণ্ড গ্রন্থ প্রকাশ করবার অল্পমতি দিয়েছি এবং দিয়েছি এই শর্তেই যে জাতীয় সাহিত্য পরিষদ পাঁচ খণ্ডে প্রকাশিত সমস্ত নাটকের সমালোচনা খণ্ডে খণ্ডে একের পর এক প্রকাশ করবেন এবং ঐ প্রকাশে কোনরূপ বিবর্তিত বা দীর্ঘ বিলম্ব ঘটবে না। এই শর্তেই জাতীয় সাহিত্য পরিষদ আমার নাটক বিচার গ্রন্থমালা প্রকাশ করছেন।

* জাতীয় সাহিত্য পরিষদ প্রকাশিত গ্রন্থমালা সম্বন্ধে প্রথমেই যে কথাটি

পরিকার করে বলা দরকার তা' এই যে এই গ্রন্থগুলি পূর্ব-প্রকাশিত কোম খণ্ডের দ্বিতীয় মুদ্রণ বা নতুন সংস্করণ নয়। নামে এক হলেও এই খণ্ডগুলি এক হিসাবে নতুন সন্নিবেশ। জাতীয় সাহিত্য পরিষদ প্রকাশিত গ্রন্থমালার প্রথম খণ্ডে—পাঁচখানি নাটকের সমালোচনা স্থান পেয়েছে এবং এই পাঁচখানি নাটক—“নীলদর্পণ” (দীনবন্ধু), “প্রফুল্ল” ও “জনা” (গিরীশচন্দ্র) “মেবার-পতন” (দ্বিজেন্দ্রলাল) এবং “নরনারায়ণ” (কীর্ত্তীপ্রসাদ)। “জনা” নাটকের সমালোচনা এর আগে প্রকাশিত হয়নি; এই নতুন প্রথম খণ্ডের জন্মই লিখিত। আমার ইচ্ছা আছে—দশটি খণ্ডে এই গ্রন্থমালা সম্পূর্ণ করব এবং রামনারায়ণ থেকে অতি আধুনিক নাট্যকার পর্যন্ত, নাট্যকারদের উল্লেখযোগ্য প্রতিনিধিমূলক রচনার সমালোচনা করে, বাংলার নাট্যকারদের প্রতিভার এবং নাট্যসাহিত্যের মূল্যায়ন করার চেষ্টা করব। জাতীয় সাহিত্য পরিষদ মাঝ পথে থেমে না গেলে এবং আমার সংকল্প টলে না গেলে, আশা করি, অল্পদিনের মধ্যেই দশ খণ্ড নাটকবিচার-গ্রন্থ প্রকাশ করতে পারবো।

এই অবকাশে নাট্যসাহিত্যের আলোচনা ও নাটকবিচার গ্রন্থমালার পরিকল্পনা ও বৈশিষ্ট্য সংক্ষেপে ছ'একটি কথা পাঠকদের সামনে রাখতে চাই। যে গ্রন্থখানি আমাকে এই পরিকল্পনা গ্রহণে প্রেরণা দিয়েছিল সেই বিখ্যাত গ্রন্থখানির নাম সেক্সপীয়ারীয়ান ট্র্যাজেডি। মনীষী সমালোচক এ. সি. ব্র্যাডলে রচিত এই গ্রন্থখানি পাঠ করার পরে আমার মতো ‘বামনের’ মনে এই জাতীয় সমালোচনা গ্রন্থ লেখার সাধ জেগেছিল—নাট্যতত্ত্বের আলোচনা সহযোগে নাটক বিচার করার ইচ্ছা উদগ্র হয়ে উঠেছিল। বলা বাহুল্য বাংলা সাহিত্যের ইতিহাসে এমন কি বাংলা নাটকের ইতিহাসেও নাটকের সমালোচনা চিন্তার সম্পন্ন তথ্য পূর্ণাঙ্গ হওয়ার অবকাশ পায় না। ইতিহাস-লেখকরা স্থান-ভাবেই আলোচনাকে যথেষ্ট বিস্তারিত ও পূর্ণাঙ্গ করে তুলতে পারেন না।” নাট্যসমালোচক ব্র্যাডলে হ্যামলেট সমালোচনার জন্ম ৯৪ পৃষ্ঠা ব্যয় করেছেন, কিন্তু কোন ইতিহাস লেখকের পক্ষে একমাত্র হ্যামলেটের জন্ম

এতখানি স্থান ছেড়ে দেওয়া সম্ভব হয়নি। এই একই কারণে বাংলা সাহিত্যের ইতিহাস লেখক বা বাংলা নাটকের ইতিহাস লেখক কোন একগানি নাটকের জ্ঞান পাঁচ ছয় ফর্মা ব্যয় বরাদ্দ করতে পারেননি এবং পারেননি বলেই তাঁদের নাটক-সমালোচনা তত্ত্বভিত্তিক পরিপাটি সমালোচনায় পরিণত হয়নি। এই তত্ত্বভিত্তিক পরিপাটি সমালোচনার অভাব দূর করবার জন্তই, আমি এই পরিকল্পনা গ্রহণ করেছিলাম এবং তারই ফল—নাট্যসাহিত্যের আলোচনা ও নাটকবিচার গ্রন্থমালা। এই নামের মধ্যেই বৈশিষ্ট্যের পরিচয় পাওয়া যাচ্ছে। “নাট্যসাহিত্যের আলোচনা” অংশ দ্বারা সূচিত হচ্ছে এই যে, এই গ্রন্থে নাট্যতত্ত্ব সম্বন্ধে আলোচনা আছে এবং “নাটকবিচার” অংশ সূচিত করেছে এই যে আলোচনা দ্বারা গৃহীত সিদ্ধান্তের মানদণ্ড নাটকের গুণাগুণ বিচার করা হয়েছে। মোট কথা এই যে, এই গ্রন্থগুলিতে একাধারে, নাট্যতত্ত্ব ও নাটক সমালোচনা-সূত্র এবং বিশেষ নাটকে সেই সূত্রের প্রয়োগ অন্তর্ভুক্ত হয়েছে। এই হিসাবে গ্রন্থগুলি বাংলা নাট্য সমালোচনায় একটি নতুন পর্যায়। কথাটি যে মিথ্যা নয়, দ্বিতীয় খণ্ডের ভূমিকায় বিখ্যাত অধ্যাপক-সমালোচক ডঃ শ্রীকুমার বন্দ্যোপাধ্যায় মহোদয় যে মন্তব্য করেছিলেন সেই মন্তব্য উদ্ধৃত করলেই বুঝতে পারা যাবে। তিনি লিখেছিলেন—

—“সাধারণতঃ নাট্যসাহিত্য বিষয়ে যে কয়েকটি সমালোচনা গ্রন্থ লিখিত হইয়াছে তাহারা প্রত্যেক লেখক বা নাটক সম্বন্ধে কিছু সাধারণ, ভাষা-ভাষার ক্রমের উক্তিভেদেই সীমাবদ্ধ। তাহাদের মধ্যে যুক্তিশৃঙ্খলার রীতিটি বা সিদ্ধান্ত গ্রহণের পারস্পর্য সূত্রটি সব সময় স্পষ্টভাবে উল্লিখিত থাকে না। সাধন কুমার এইরূপ অর্ধসূত্র সাধারণ মন্তব্যে সন্তুষ্ট নহেন। তিনি তাহার পূর্ববর্তীদের প্রত্যেকটি যুক্তি যাচাই করিয়া লইয়াছেন। প্রতিটি সিদ্ধান্তের পিছনে যে স্বতঃ স্বীকৃতি স্পষ্ট উল্লিখিত না হইয়াও লেখকের যুক্তিদ্বারাকে নিয়ন্ত্রিত করিয়াছে, প্রশ্ন ও জিজ্ঞাসা দ্বারা তাহার স্বরূপটি উদ্ঘাটিত করিতে চাইয়াছেন।……প্রশ্নাধিকার পূর্বসংস্কার প্রচলিত মতবাদের নিবিচার অঙ্গুরণ মধ্যপথে চিন্তাবিরতিব উপভোগ্য আরাম তাহার তীক্ষ্ণ খোঁচায় বিব্রত হইয়া অর্ধস্বপ্নের আবেশ

হইতে রূপভাবে জাগ্রিত হইয়াছে—রসস্বাদনেব বন্ধ জলাশয়ে তরঙ্গ সঞ্চার হইয়াছে।” ডঃ বন্দ্যোপাধ্যায়ের এই মন্তব্যে আমি আমার জীবনের শ্রেষ্ঠ পুরস্কার লাভ করিছিলাম এবং বাংলা নাটক সমালোচনার মান ও মর্যাদা বৃদ্ধি করতে পেরে নিজেকে ধন্ত মনে করছি। এ দাবী আমি করব না যে আমার প্রত্যেকটি সিদ্ধান্ত চিরকাল অভ্রান্ত এবং অকাট্য হয়ে থাকবে। তবে একটা দাবী করলে নিশ্চয়ই অন্তায় স্পৃহা প্রকাশ করা হবে না যে বাংলা নাটক সমালোচনাকে নাট্যতত্ত্বের পটভূমিকায় স্থাপন করার চেষ্টা এর আগে লক্ষণীয় মাত্রায় দেখা যায়নি এবং নাট্যসাহিত্যের আলোচনা ও নাটকবিচার গ্রন্থমালা প্রথম এই চেষ্টা করেছে—আর সেই চেষ্টার ফলেই বাংলা নাটকের পঠন-পাঠনের মান ইংরেজি-নাটকের পঠন-পাঠনের সমপর্যায়ে পৌঁচেছে। এই কারণেও এই গ্রন্থমালার পুনঃপ্রকাশ আমার কাছে, আশা করি নাটকের অধ্যাপকদের কাছে এবং নাট্য রসিকদের কাছেও, বহুকাম্য।

জাতীয় সাহিত্য পরিষদ আমার কামনা পূরণ করতে এগিয়ে এসে আমাকে কৃতজ্ঞতাপাশে আবদ্ধ করেছেন। এই গ্রন্থমালা যারা আগে প্রকাশ করেছেন এবং যিনি নতুন পরিকল্পনায় এখন প্রকাশ করছেন তাঁদের সকলকেই আমি আন্তরিক ধন্যবাদ ও কৃতজ্ঞতা জানাচ্ছি।

‘ক্ষীরোদা স্মরণ’

৪২ নং শরৎ বসু রোড

সুভাষনগর

কলিকাতা—২৮

নিবেদন

ইতি

সাধনকুমার ভট্টাচার্য

নীলদর্পণ

অষ্টকে না জানিলে সৃষ্টির 'কি ও কেন'র ইতিহাস জানা যায় না এবং অষ্টকে জানিতে হইলে অষ্টার পরিবেশ—(race, milieu and moment) অবশ্যই জানা দরকার,—এ সকল কথা লইয়া আজ আর তেমন বিসংবাদ নাই, মনস্বী কবি টি. এস. এলিয়ট মহাশয় পযাস্ত অকপটে ঘোষণা করিয়াছেন "The great poet in writing himself, writes his own time." অর্থাৎ বড় কবি এই আত্মপ্রকাশ করিতে গিয়া তাঁহার নিজের যুগকেই প্রকাশ করেন। এই সূত্রটিতে যে শুধু বড় কবিরাই বাঁধা তাহা নহে, আমার মনে হয়—শিল্পী যত ছোটটি হউন আর যত বড়ই হউন, সৃষ্টি করিতে গিয়া নিজের যুগকেই অর্থাৎ নিজের যুগের কোন-না-কোন প্রবণতাকেই—বিশেষতঃ কোন-না-কোন ভাব ও রূপকেই, প্রকাশ করিয়া থাকেন ; আর ভাব ও রূপকে প্রকাশ করিতে গিয়া নিজেকেই অর্থাৎ ব্যক্তি-মানসের অনুভব-শক্তিকে, কল্পনা-শক্তিকে এবং ভাবনা-শক্তিকেই প্রকাশ করেন। 'নাসতো বিত্তে ভাবঃ'—শুধু জগৎ সৃষ্টিতেই নহে, শিল্প-সৃষ্টিতেও সত্য। যবে ছোট ও বড় প্রতিভার পার্থক্য এখানেই যে বড়রা যে-পরিমাণে-সমগ্র ইতিহাসকে আপনার মধ্যে গ্রহণ ও ধারণ করিতে পারেন, যে-পরিমাণে ভাব ও রূপকে বোধে ও বোধিতে গ্রহণ করিতে তথা প্রকাশ করিতে পারেন, ছোটরা তাহা পারেন না। এক কবির সহিত অত্র কবির পার্থক্য,—ওয়ার্ডসওয়ার্থের ভাষা ধার করিয়া বলা যাক—more lively sensibility, more enthusiasm and tenderness-এর পার্থক্য, "a greater knowledge of human nature"-এর পার্থক্য এবং "a more comprehensive soul"-এর পার্থক্য। এই অধিকতর সংবেদনশীলতা, স্নেহদয়তা ও ক্রান্তদর্শিতা

লইয়া শিল্পীরা সমাজের দশজনের একজন রূপেই জীবনধাপন করেন এবং নিজের পরিবেশের সহিত নানাভাবে অভিযোজন করিতে চেষ্টা করেন। শক্তির তারতম্যের জন্য অভিযোজনের রূপে ও সাফল্যে পার্থক্য দেখা দেয়। কারণ সৃষ্টি শেষ পর্যন্ত নিজেকেই সৃষ্টি..... আত্মসংস্কৃতি। কবি এলিয়টের মন্তব্যটি—“What every poet starts from is his own emotions” (Shakespeare and the Stoicism of Seneca—প্রবন্ধে) এই কথাটিকেই অন্তর্ভাবে ব্যক্ত করিয়াছে। বাস্তবিক, যে কবি-চিত্তে সহৃদয়তার—তন্ময়ীভবনযোগ্যতার মাত্রা কম, সেই কবির পক্ষে তীব্র ও সূক্ষ্ম অনুভূতির রূপ সৃষ্টি করা সম্ভব হয় না, তেমনি যে কবির কল্পনা-শক্তির জোর কম, তাঁহার কাব্যে কল্পনা-দৈন্ত্র অবশুস্তাবী এবং বাঁহার ক্রান্তদর্শিতা ও মনস্থিতা যথেষ্ট মাত্রায় নাই, তাঁহার সৃষ্টিতে মনন-মহিমার অভাব অবশুই দেখা দেয়। এই হিসাবে প্রত্যেক সৃষ্টি, কবি-মানসের শক্তি-সম্ভাবনারই (Potentiality) ব্যক্ত রূপ—সামাজিক পরিবেশের ভাব ও রূপের মাধ্যমে কবির মানসিক শক্তির উপলব্ধি—স্বসংবিৎ-সাক্ষাৎকার, কবির আপন পরিবেশের সহিত শৈল্পিক (aesthetic) অভিযোজন।

অবশু, কবি-মানস এবং কবির পরিবেশ কোনটিই অলৌকিক বা অনৈতিহাসিক নহে। উভয়েই ইতিহাসের বিবর্ত-বিলাসেরই বিশেষ বিশেষ রূপ। বিশেষ জাতির অন্তর্ভুক্ত ব্যক্তি-বিশেষের দেহ-মনে ইতিহাসের যে রূপ তাহারই নাম ‘ব্যক্তি-মানস’, আর বাহিরে প্রাকৃতিক, রাজনৈতিক-অর্থনৈতিক-নৈতিক-সামাজিক ও সাংস্কৃতিক সংস্থা বা বিধি-ব্যবস্থার মধ্যে ইতিহাসের যে রূপ, তাহারই নাম—“পরিবেশ”। এক ইতিহাসই ব্যক্তি-দেহে ‘ব্যক্তি-মানস’-রূপে এবং প্রকৃতিতে ও সমাজ-দেহে ‘পরিবেশ’-রূপে আত্মপ্রকাশ করে। অজৈব জগতের এবং জৈবজগতের বিবর্তন একই প্রাকৃতিক বিবর্তনের ধারা—এক ইতিহাসেরই অন্তর্ভুক্ত! বিশ্বপ্রকৃতি, মনুষ্যসমাজ, ব্যক্তি—একই ইতিহাসের বিশেষ রূপ। স্থিতিশীল রূপে রূপে বিধে গতির এক নিত্যপ্রবাহ চলিয়াছে। মনীষী বের্গস মহাশয়ের

নীলদর্পণ

ভাষায় বলা যাক—“Duration is the continuous progress of the past which gnaws into the future and which swells as it advances” এবং—“The past in its entirety is prolonged into the present and abides there actual and acting.” সর্বক্ষেত্রেই এই কথা প্রযোজ্য। বিশ্বপ্রকৃতিতেই শুধু ‘অতীত’ ‘বর্তমান’-রূপে ব্যক্ত হইয়া ‘ভবিষ্যৎ’ সৃষ্টি করিতেছে না, মনুষ্য-সমাজে এবং ব্যক্তি-মানসেও এই নিত্যলীলা চলিয়াছে—‘অতীত’ ‘বর্তমানে’ পরিবর্তিত-পরিবন্ধিত হইতে হইতে—‘অকারণ-অবারণ’ চলার পথে আগাইয়া চলিয়াছে। তবে তাই বলিয়া উহারা পরস্পর বিচ্ছিন্ন নহে, একের সহিত অপরের ওতপ্রোত যোগ বর্তমান। বিশ্বপ্রকৃতি মনুষ্যসমাজেই আধার, মনুষ্য-সমাজ আবার ব্যক্তির আধার, বিশ্বপ্রকৃতির সহিত বুঝাপড়া করিতে করিতে মনুষ্য-সমাজের বিবর্তন, সমাজের জ্ঞান-প্রেমও কর্মের ক্রমবিকাশ; ব্যক্তি-মানস মনুষ্য-সমাজেরই অন্তর্ভুক্ত এবং যে সকল ব্যক্তির সমবায়ে সমাজের সামষ্টিক সত্তা উহাদেরই অনেকের মধ্যে অগ্ৰতম। সমাজ ও ব্যক্তি পরস্পরে ‘জন্ম-জনক’-সম্পর্কে সম্পর্কিত। সমাজ যেমন ব্যক্তি-মানসের জনক, ব্যক্তিও তেমনি সমাজের অগ্রগতির নিমিত্ত কারণ বা জনক। অগ্রভাবে বলা যায়—সমাজ ব্যক্তির মধ্য দিয়াই নিজের সম্ভাবনাকে বা প্রবণতাকে ব্যক্ত করিতে করিতে অগ্রসব হয়। ব্যক্তি-স্বাতন্ত্র্য এই অর্থেই সত্য যে প্রত্যেক ব্যক্তির মধ্যেই সমাজের প্রাক্তন সংস্কারের সহিত অতীত জ্ঞান, অনুভব-কর্মের সহিত, প্রতিক্রমণের ‘বর্তমানে’র অবিরাম বুঝাপড়া চলিয়াছে এবং তাহারই ফলে—ব্যক্তির মধ্যে জ্ঞান-প্রেম-কর্মের নূতন নূতন ধারণা-প্রেরণা সৃষ্টি হইতেছে। ইতিহাসের ধারা ব্যক্তির ভিতরে ভিতরে অতীত জ্ঞান-প্রেম-কর্মের রূপে থাকিয়া এবং বাহিরে পরিবেশ রূপে বিরাজ করিয়া, ব্যক্তির মধ্যে যে ক্রিয়া-প্রতিক্রিয়া সৃষ্টি করে, তাহারই নাম—ব্যক্তি-স্বাতন্ত্র্য।

এই কারণেই ব্যক্তি-মানসের পক্ষে সমাজ নিরপেক্ষ হওয়া সম্ভব নহে।

ব্যক্তির স্বতি—সমাজের স্বতি এবং পরিবেশজনিত প্রত্যক্ষ দিয়া পঠিত, ব্যক্তির মনন—সমাজের আবিষ্কৃত তত্ত্ব ও তথ্যের মধ্যে সম্পর্ক স্থাপনের চেষ্টা তথা তত্ত্ব ও তথ্যকে নৈয়ামিক সঙ্গতির মধ্যে বাঁধবার চেষ্টা, ব্যক্তির বিশেষ বাসনা কামনা—সমাজের বাসনা-কামনারই অঙ্গস্বরূপ অথবা পরিবর্তন-পরিবর্তন। এ কথাটা অবশ্যই মনে রাখা দরকার—“Doubtless we think with only a small part of our past, but it is with our entire past..... that we desire, will and act.” আমরা যে একটি সমগ্র অতীতের পরিণতি (end product)—প্রত্যেক ব্যক্তির দেহ-মনের বৈশিষ্ট্য ও আচরণ (জ্ঞান-অনুভব ও কর্মের বৈশিষ্ট্য), ব্যক্তি যে সমাজের অন্তর্ভুক্ত সেই সমাজের ক্রম-বিবর্তনের ইতিহাস দ্বারা নিয়ন্ত্রিত, এ কথা ভুলিয়া গেলে চলিবে না। এই হিসাবে প্রত্যেক ব্যক্তি এক অর্থে যেমন আধুনিক, অত্র অর্থে তেমনি প্রাচীনও বটে। ব্যক্তির অন্তরে বাহিরে ইতিহাস। ইতিহাসের দ্বারা সৃষ্ট হইতে হইতেই ব্যক্তি ইতিহাসের সহিত অভিযোজন করিতে করিতে চলে। শিল্প-সংস্কৃতি ব্যক্তি-মানসের এই অভিযোজনেরই বিশেষ রূপ। সুতরাং স্রষ্টাকে জানিতে হইলে প্রথমেই স্রষ্টার ‘পরিবেশ’কে জানিয়া লওয়া দরকার।

এই কারণেই আমাদের প্রথম আলোচ্য—দীনবন্ধুর পরিবেশটি।

দীনবন্ধুর পরিবেশ, আপাতদৃষ্টিতে মনে হয়,—:৮৩০ খ্রিঃ

দীনবন্ধুর হইতে :৮৭৪ খ্রীষ্টাব্দ পর্য্যন্ত সময়ের ইতিহাসটুকু; কিন্তু এই

পরিবেশ ইতিহাসটুকুর পশ্চাতে আছে দীনবন্ধু যে বাঙালীজাতির

একজন ব্যক্তি, সেই জাতির বা সমাজের সুদীর্ঘকালের

ইতিহাস—জাতির রাজনৈতিক, অর্থনৈতিক, সামাজিক ও সাংস্কৃতিক ইতিহাসের ধারাটি। বেগুনের কথাটি মনে রাখিতে হইবে—“The past in its entirety

is prolonged into the present and abides there actual and acting”। যদিও সমগ্র অতীত ইতিহাসকে তন্ন তন্ন করিয়া আলোচনা

করিবার অবকাশ এখানে নাই, তবু মোটামুটিভাবে বাঙালীর ইতিহাসের বিবর্তন

ধারাটি নির্দেশ করা অত্যাশঙ্কক। কারণ দীনবন্ধুর মধ্যে বাংলার সমগ্র অতীত সংস্কার-রূপে আহিত এবং দীনবন্ধুর ভাষা-ভাব-ভাবনা বাঙালীর ইতিহাসে বিশেষ যুগের সহিত যুক্ত। অতএব বাংলার ইতিহাসের পরিপ্রেক্ষিতেই দীনবন্ধুর অন্তর ও বাহিরকে জানিতে হইবে।

বাংলার ইতিহাসকে মোটামুটিভাবে আমরা তিনটি যুগে ভাগ করিয়া পর্যবেক্ষণ করিতে পারি। এক—বৌদ্ধ-হিন্দু বা হিন্দুযুগ, দুই—মুসলমান যুগ (পাঠান+মোগল যুগ), তিন—ইংরেজ-যুগ। হিন্দু-যুগেই বাঙালী-সংস্কৃতি নিজের স্বাতন্ত্র্য লইয়া আত্মপ্রতিষ্ঠিত হয়—বাংলা ভাষা এই সংস্কৃতির ধারক ও বাহক হয়। ‘বৌদ্ধ-গান ও দোহা’র মধ্যে বৌদ্ধ-সম্প্রদায়ের ধর্মীয় আবেগের যে নিদর্শন পাওয়া যায় তাহাতেই বাংলা ভাষার ও সাহিত্যের প্রাথমিক স্তরটি প্রকাশিত। তারপর, সেনরাজগণের আমলে বাংলার সমাজ ও সাহিত্যে বিলক্ষণ পরিবর্তন হয়। বরলল সেন যে সামাজিক কাঠামো তৈয়ারী করেন—তাহা আজও একেবারে লোপ পায় নাই। যে বৈষ্ণব সাহিত্যের রস-ধারায় পরবর্তী বাঙলা আধ্যাত্মিক পিপাসা মিটাইয়াছে, সেনরাজগণের আমলেই সে ধারা উৎস হইতে বাহির হয়। বিদ্যাপতি-চণ্ডীদাসে এই ধারারই কলনাদিনী মূর্তি দেখা যায়। (জয়দেবের কোমলকান্ত পদাবলীর অক্ষম অম্লসরণ দেখা যায় শ্রীকৃষ্ণ-কীর্তনের কবির রচনায়।)

মুসলমান-আক্রমণে ইতিহাসের মোড় ঘুরিয়া যায় এবং হিন্দু-সমাজের স্বাভাবিক গতি ব্যাহত হয়। যদিও একদিনে সমগ্র দেশ মুসলমান অধিকারে যায় নাই, তবু মুসলমান-যুগের ব্যাপ্তি বলিতে সংক্ষেপে আমরা ত্রয়োদশ শতাব্দী হইতে অষ্টাদশ শতাব্দীর শেষ পাদ পর্যন্ত—এই ছয় শত বৎসর বুঝি। তিন শত বৎসর পাঠান-শাসন এবং তিন শত বৎসর মোগল-শাসন—মোট ছয় শত বৎসরের মুসলমান শাসনে, বাঙালী হিন্দু-সমাজের রাজনৈতিক অবস্থা মোটামুটি একভাবে থাকিলেও, সামাজিক ও সাংস্কৃতিক জীবনে অন্দোলন বহু থাকে নি। এই যুগের ইতিহাস, একদিকে বিজয়ী জাতির দৃষ্টি-অদৃষ্টি চাপের সহিত

বুঝাপড়া করার ইতিহাস, অতীতকালে সমাজের আভ্যন্তরীণ সংহতি রক্ষার এবং জাতীয় সংস্কৃতি রক্ষার ও তথা আত্মপ্রকাশের চেষ্টার ইতিহাস।

ইতিহাসের স্বাভাবিক নিয়মেই, হিন্দু-সমাজ মুসলমান-শাসনের সহিত বুঝাপড়া করিতে গিয়া ভিতরে ভিতরে অজ্ঞাতসারেই দেহ-মনে পরিবর্তিত হইতে থাকে। প্রথমতঃ—নিয়ন্ত্রণের বহু হিন্দু এবং উচ্চশ্রেণীর কেহ কেহ ভয়ে বা লোভের বশে, মুসলমান ধর্ম গ্রহণ করে—ফলে বাঙালী হিন্দুর সংখ্যা কমিতে থাকে। দ্বিতীয়তঃ—মুসলমান-সরকারের অধীনে চাকরী করিয়া বহু হিন্দু সামাজিক প্রতিষ্ঠা লাভ করেন—[আলাউদ্দিন হোসেন শাহের আমলেই দেখা যায়—উজীর-গোপীনাথ বসু (পুরন্দর খান), হোসেনের গৃহ-বৈজ্ঞানিক মুহম্মদ দাস, প্রধান দেহরক্ষী=কেশব চন্দ্রী, টাকশালের অধ্যক্ষ=অতুল, সেনাধ্যক্ষ=গৌর মল্লিক] ইহার ফলে একদিকে অবশ্যই গোঁড়াদের গোঁড়ামিতে ধাক্কা লাগিতে থাকে এবং গোঁড়া ব্রাহ্মণরা সমাজ-শাসনের বিবিধ-ব্যবস্থা কঠোর করিতে থাকেন কিন্তু অতীতকালে ভিতরে ভিতরে, বাস্তব অবস্থার চাপে সমাজের সহিষ্ণুতা না বাড়িয়া যায় না। আলাউদ্দীন হোসেন শাহের সময়ে—(১৪২৩-১৫১২) বাঙলার সমাজ-জীবনে যেন একটা নবজীবনের জোয়ার আসে। গৌর-চন্দ্রের আকর্ষণেই এই জোয়ার সৃষ্টি হয়। খ্রীষ্টচতুর্থের আধ্যাত্মিক তাৎপর্য্য যাহাই হউক না কেন, ঐতিহাসিক তাৎপর্য্যটি খুবই লক্ষণীয়। হিন্দু-সমাজের মধ্যে আধ্যাত্মিকতার সঞ্চার করিয়া সমাজকে আত্মবক্ষায় উদ্বুদ্ধ করা তাঁহার অগ্রতম উদ্দেশ্য ছিল এ কথা বলার সঙ্গে সঙ্গে আর একটি কথাও যেন বলা দরকার এবং তাহা এই যে—খ্রীষ্টচতুর্থই প্রথম উপলব্ধি করেন যে হিন্দু-সমাজকে যদি আত্মরক্ষা করিতে হয়, প্রচলিত ধর্মের সংস্কার করা অপরিহার্য্য; ধর্মকে গণতন্ত্রায়িত না করিতে পারিলে—হিন্দু-সমাজের মধ্যে সংহতি সৃষ্টি করা সম্ভব নহে। চণ্ডাল ও দ্বিজকে এক মধ্যাদায় প্রতিষ্ঠিত করার আন্দোলন বুদ্ধের পরে—এই প্রথম। (চণ্ডালোৎপাদি দ্বিজশ্রেষ্ঠে হরিভক্তিপরায়ণঃ—এই আন্দোলনেরই ঘোষণা)।

হোসেন শাহের সময়ে বাংলায় বৈষ্ণব-ধর্মের এক প্রবল বহু আসে। এই বহুর পলিমাটিতেই বাংলা-সাহিত্যে, পদাবলী-সাহিত্যের এবং চরিত-সাহিত্যের সোণার ফসল ফলিয়া উঠে। অবশ্য তাহা বলিয়া বাংলার লৌকিক ধর্মের ধারাটি শুকাইয়া যায় না। ধর্মমঙ্গল-চণ্ডীমঙ্গল-মনসামঙ্গলের ধারা সমান্তরাল-ভাবেই বহে। হোসেন শাহের সমসাময়িক বাঙালী কবিদের মধ্যে—মালাধর বসু ও ষোশোঁরাজ খান ছাড়াও, বিপ্রদাস ও বিজয় গুপ্ত প্রভৃতিকে দেখা যায়। মোট কথা—এই সময়ে বাঙালী-জীবনে এবং বাংলা-সাহিত্যে একটা জোয়ার আসে। সঙ্গে সঙ্গে, জাতীয়-সংস্কৃতির-বাহন বাংলা ভাষার গতি প্রকৃতিতেও লক্ষণীয় পরিবর্তন আসে। ‘তন্তু-তংসম-দেশী’ শব্দের পাশে আরবী-ফারসী শব্দের অন্তিমতর আমদানী হইতে থাকে [কারণ, রাজনৈতিক-অর্থনৈতিক জীবন মুসলিম অত্যাচারিত বলিয়াই, ব্যবহারিক জীবনের নানাদিকে আরবী ফারসী শব্দের প্রচলন হয়], ভাষার সূক্ষ্ম ও পবিবর্তনশীল হৃদয়-ভাব এবং জটিলতর দার্শনিক মনন প্রকাশের যোগ্যতা বৃদ্ধি পায়। সংক্ষেপে বলা যায়, বাংলা-কাব্য-ভাষার আকৃতি-প্রকৃতি এই সময়েই (ষোড়শ শতাব্দীতেই) অনেকটা স্থানির্দিষ্ট হইয়া যায়। কিন্তু বাংলার জন-সমষ্টিতে এবং ভাষায় মুসলমানের ছাপ পড়িলেও, হিন্দু-মুসলমান এক জাতি-দেহে লীন হয় না। জাতীয় অভিমানের কেন্দ্র-বৃত্তটি সংস্কৃতি দ্বারা গঠিত বলিয়া হিন্দু ও মুসলমান জাতি-হিসাবে আসলে পৃথক থাকিয়া যায়। শক-হুগদল যে-ভাবে আর্ধ্য-সংস্কৃতির মধ্যে মিশিয়া গিয়াছে, পাঠান-মোগল সে-ভাবে মিশিতে পারে না, ফলে হিন্দু-মুসলমান সংস্কৃতির সমন্বয় সম্ভব হয় না। অষ্টাদশ শতাব্দীতে ইতিহাস দিক পরিবর্তন না করিলে দুই জাতির দ্বন্দ্ব কি ভাবে সমাধানের পথে অগ্রসর হইত কে জানে! এই সমাধানের পথে বাধা আসে—পলাশী-প্রান্তরে ইংরেজ-বণিক শক্তির কাছে নবাব-বাহিনীর পরাজয়ে।

পলাশীতে যে পরিবর্তনের সূচনা হয়, তাহার আরম্ভ হয়, বলা চলে, সপ্তদশ শতাব্দীতে। সপ্তদশ শতাব্দীর রাজনৈতিক ইতিহাস সংক্ষেপে মোগল শাসনের

ইতিহাস এটে, কিন্তু এই শতাব্দীতে বাংলার অর্থনৈতিক জীবনে তথা সামাজিক

বাঙালীর
জীবনধারায়
বৈদেশিক

জীবনে উল্লেখযোগ্য পরিবর্তন দেখা দেয়। এই শতাব্দীতেই
আধুনিক বাংলার গোড়া পত্তন হয়—এ কথা বলিলে অগ্রায়
বলা হয় না। বিখ্যাত ঐতিহাসিক যদুনাথ সরকার

প্রভাব মহাশয় লিখিয়াছেন—In one word, during

the first century of Mugal rule (1575-1675) the outer world came to Bengal and Bengal went out of herself to the outer world, and the economic, social and cultural changes that grew out of this mingling of peoples mark a most important and distinct stage in the evolution of modern Bengal—(History of Bengal II.)। বহির্বাণিজ্যের স্রোতে
বাংলাদেশ দেশ-বিদেশের সাহিত্য যুক্ত হয়। পর্তুগীজ, ওলন্দাজ, ইংরেজ, ফরাসী

নানা দেশীয় বণিকের আবির্ভাবের ফলে বাংলার অর্থনৈতিক তথা সামাজিক
সংস্থায় বিলক্ষণ পরিবর্তন ঘটে। এক কথায়, ইউরোপের চাহিদার টানে
বাংলার অর্থনৈতিক জীবনে জোয়ার উপস্থিত হয়। আমরা দেখি—মুসলমান
আমলের প্রথম দিকে বাংলার রপ্তানি-বাণিজ্য, মুষ্টিমেয় চানদেশীয়, মালয়-দেশীয়
আরবীয়, এবং পর্তুগীজ বণিক-সম্প্রদায়ের (পর্তুগীজরা বৎসরে বা দুই বছরে
একবার বাংলার মাল-পত্তর কিনিতে আসিত) মধ্যে এবং উড়িষ্যা ও তেলেগু-
প্রদেশের মধ্যে সীমাবদ্ধ, কিন্তু সপ্তদশ শতাব্দীতে নানাদেশীয় বণিকের প্রতি-
যোগিতায়, বাংলায় বানের জলেব মত রোপ্য প্রবেশ করিতে থাকে। প্রথম
পর্বে চলে—সোনার (Salt petre) ব্যবসা। ইউরোপীয় কামান-বন্দুকের
খোরাক—বাক্রদের ভগ্ন বিহারের লালগঞ্জের সোরা অবশ্যই চাই। বাংলার মধ্যে

নীল
ব্যবসায়

দিয়া এই সোরা বপ্তানি হইতে থাকে। দ্বিতীয় পর্বে—
দেখা যায় রেশম, কার্পাসবস্ত্র ও * নীলের চাহিদা।

বাংলার বহির্বাণিজ্যের অবস্থা বুঝাইতে একটি দৃষ্টান্তই
যথেষ্ট। (১৬৮০-১৬৮৩) মোট চার বৎসরে একমাত্র ইংরেজ কোম্পানী দুইলক্ষ
পাউণ্ড মূল্যের রোপ্য আমদানী করে।

আরো পুরাতনব্যবসায়ী ওলন্দাজরা নিশ্চয়ই পিছাইয়া থাকিবে না। তাঁহারাও বার্ষিক ৮০ লক্ষ টাকা বাংলার বাজারে ছড়াইয়া দেয়। **বাণিজ্যের** (১৮৬৩ খ্রিঃ)
 বাহা লিখিয়াছেন তাহাতে দেখা যায়—বাংলায় শিল্প-কারখানার প্রথম পর্ব
 দেখা দিয়াছে—এবং ‘কারখানার-শ্রমিক’ শ্রেণী গড়িয়া উঠি-
 বাংলার রেশম ও তুলা শিল্প তেছে। বাণিজ্যের লিখিয়াছেন—“The Dutch have
 sometimes seven or eight hundred natives
 employed in their silk factory at Kashimbazar, wherein
 like manner the English and other merchants employ a
 proportionate number... I have been sometimes amazed
 at the vast quantity of Cotton goods which the Hollanders
 alone export,” **ট্যাভাণিজ্যেরও** একই রূপ মন্তব্য করিয়াছেন। একদিকে
 রেশম-কার্পাসের কারখানা, অত্রদিকে নীল-কুঠি। ঐতিহাসিক সরকার
 অবস্থাটি বর্ণনা করিতে গিয়া লিখিয়াছেন—By their chain of agents at
 every mart, by their system of advances (dadan) to the
 workmen, by their setting up of workshops for Indian
 labourers in their factories (where they could work under
 European supervision) and by their bringing out from
 England dyers and ‘twist’-throwers who taught the indege-
 nous artisans better methods—they raised Bengal indus-
 trial production to a higher level of quality, besides
 immensely increasing its quantity” এইভাবে বহির্বাণিজ্যের ফলে
 দেশের প্রচুর অর্থাগম ঘটে। অবশ্য টাকাটা উচ্চ ও উচ্চ মধ্যবিত্তদের হাতেই
 পড়ে এবং বিলাস-ব্যসনের ভাগ্য তাঁহাদেরই একচেটিয়া থাকে। অষ্টাদশ
 শতাব্দীতে (১৭৫৭ খ্রীষ্টাব্দে) যে স্মরণীয় ঘটনা ঘটে—তাহার প্রস্তুতি এখান
 হইতেই আরম্ভ হয়।

১৭৫৭ খ্রীষ্টাব্দে যে ইংরেজ বণিক কোম্পানী সিরাজ-বাহিনীকে পরাজিত করিয়া কার্যতঃ দেশের রাজা হইয়া বসে, তাহারা প্রথমে ১৬৩২ খ্রীষ্টাব্দে উড়িষ্যার উপকূলে হরিহরপুরে এবং ১৬৩৩ খ্রীষ্টাব্দে বালেশ্বরে কুঠি ইংরেজের তথা পদস্থাপনা করিয়া ক্রমে হুগলীতে (১৬৭০), কাশিম-পদক্ষেপ বাজারে (১৬৫৭), এবং কলিকাতায় (১৬৯০) কুঠি বা বাণিজ্য-দুর্গ গড়িয়া তুলে। ইহারা শুধু যে নাগরিক জীবনের কেন্দ্রস্থল হইয়া দাঁড়ায় তাহা নহে, কালক্রমে ঘড়ঘস্ত ঘাঁটি এবং সামরিক ঘাঁটিতে পরিণত হয়।

অষ্টাদশ শতাব্দীতে ইংরেজ আরো শিকড় মেলিয়া বসে এবং দেশের রাজনীতি অর্থনীতির উপর জোরালো প্রভাব বিস্তার করে। ১৭১৭ খ্রীষ্টাব্দে ইংরেজরা (Surman Embassy) বাদশাহ্ ফরুকশিয়রের নিকট হইতে নির্দিষ্ট পরিমাণ অর্থের বিনিময়ে অবাধ বাণিজ্যের আদেশ আদায় করে, ফলে ইংরেজরা বাংলার বুকে আরো চাপিয়া বসিবার সুযোগ লাভ করে। কলিকাতা দেখিতে দেখিতে বৃহৎ একটি বাণিজ্যের কেন্দ্রে ও নগরে পরিণত হয়। ১৭০৪ খ্রীষ্টাব্দে কলিকাতার জনসংখ্যা—১৫০০০, ১৭৫০ খ্রীষ্টাব্দে জনসংখ্যা বাড়িয়া এক লক্ষ হয়। এক কথায় দেশীয় ও বিদেশী বণিকগোষ্ঠী অষ্টাদশ শতাব্দীতে বেশ প্রবল এবং অসুক্ষেপণীয় শক্তি হইয়া দাঁড়ায়।

অর্থনৈতিক অবস্থার ইহা এক পিঠ। অন্য পিঠে আছে মুর্শিদকুলীখাঁর ভূমি রাজস্ব আদায় ব্যবস্থা—“জমা কামেল তুমারী” (৭২২)। প্রথমতঃ তিনি জায়গীর প্রথা রহিত করিয়া জায়গীরগুলি ‘খালসা’য় পরিণত করেন এবং দ্বিতীয়তঃ

ইজারা প্রথা প্রবর্তন করেন (মালজামিনি প্রথা)।
বাংলার ভূমি টোডরমল যে ‘জবতি’ প্রথা প্রবর্তন করিয়া কৃষকদের নিকট ব্যবস্থায় হিন্দু হইতে কর আদায়ের ব্যবস্থা চালু করেন, বাংলায় তাহা অধিকার অপ্রচলিত বলিয়া, তিনি ‘ইজারা’ প্রথা চালু করেন।

প্রাচীন জমিদারগণ এই সকল ইজারাদারদের অধীন হইয়া পড়েন এবং কালক্রমে ইহারাই রাজা মহারাজা উপাধি ধারণ করিয়া জমিদার সাজিয়া বসেন।

আশ্চর্যের কথা হইলোও সত্য—মুর্শিদকুলিখাঁ। বাংলার ভূমি-সম্পত্তি কার্ধ্যতঃ হিন্দু রাজা-মহারাজাদের হাতে তুলিয়া দেন। ঐতিহাসিক সলিমুল্লাহর কথা সত্য হইলে, ঐতিহাসিকের সহিত একমত হইয়া স্বীকার করিতে হইবে—
“Murshid Quli khan employed none but Bengali Hindus in the collection of revenues, because they were most easily compelled by punishment to discover their malpractices...”
ঐতিহাসিক সরকারও সিদ্ধান্ত করিয়াছেন—“He thus created a new landed aristocracy in Bengal whose position was confirmed and made hereditary by Lord Cornwallis। দেখা যাইতেছে—
অষ্টাদশ শতাব্দীতে বাংলার ভূমি সম্পদ কার্ধ্যতঃ হিন্দু জমিদারগণের হস্তে এবং
বারসা-বাণিজ্য ইংরেজ বণিক ও দেশীয় বণিকগণের (জগৎশেঠ-উমিচাঁদ প্রভৃতি)
হস্তে ন্যস্ত। নবাবের আসল শক্তি—জমিদারের ও বণিকের সম্পদের মধ্যে নিহিত
থাকায়, জমিদার বণিকের অসহযোগে নবাবের পতন অনিবার্য হইয়া দাঁড়ায়।

১৭১৭ খ্রীষ্টাব্দে ইতিহাস নতুন পর্ধ্যায়ে প্রবেশ করে। ইংরেজ কার্ধ্যতঃ
দেশের কর্ত্তা হইয়া উঠে। “ক্লাইবের গদ্দভ”—হইতে যে গররাজি তাহাকে
দিয়া শাসন-শোষণ চলে না। ক্রমে ক্রমে ব্রিটিশ-সিংহ দেশের বৃকে বেশী করিয়া
থাবা বসাইতে থাকে। ১৭৬৫ খ্রীঃ দেওয়ানী এবং ১৭৯০ খ্রীষ্টাব্দে ফৌজদারী

বিচার কার্ধ্য হস্তগত করিয়া ইংরেজ বণিক কোম্পানী শাসন
পলাশীর পরবর্ত্তী
অবস্থা
শোষণের অবাধ স্রযোগ করিয়া লয়। এমন ভাবে ধীরে
ধীরে দেশে কোম্পানী রাজত্ব কায়েম হয়—বণিকের মানদণ্ড

রাজদণ্ড রূপে দেখা দেয়। ১৭৯৩ খ্রীষ্টাব্দের সনদের মিয়াদ ১৮১৩ খ্রীষ্টাব্দে শেষ
হয়—এবং ১৮১৩ খ্রীষ্টাব্দের সনদে—ভারতবর্ষে ইংলণ্ডরাজের সার্বভৌম অধিকার
ঘোষিত হয়—অবশ্য আবার বিশ বছরের জন্ত কোম্পানীর উপরই শাসন ভার
গুস্ত হয়।

এই সনদে (১৮১৩) ইস্ট ইণ্ডিয়া কোম্পানীর একচেটিয়া বাণিজ্য অধিকার
বিলুপ্ত হয় এবং ইংলণ্ডরাজের যে কোন প্রজা ভারতে বাণিজ্য করিবার অধিকার

পায় অর্থাৎ সকলেরই লুঠের অধিকার জন্মায়। ইহার পর, ১৮৩৩ খ্রীষ্টাব্দের সনদ (১৮৩৫ খ্রীঃ ইংরেজী শিক্ষার প্রচলন), ১৮৫৩ খ্রীষ্টাব্দের সনদে (১৮৫৭ খ্রীঃ সিপাহী বিদ্রোহ) এবং *১৮৫৮ খ্রীষ্টাব্দের ভারত-শাসন আইন দ্বারা ইংলওরাজ ব্রিটিশ-অধিকৃত ভারতকে অষ্টপৃষ্ঠে বাঁধিয়া ফেলেন এবং স্বযোগ পাইয়া তদনুচর ইংবেজবা অবাধে শাসন ও শোষণ চালাইয়া যায়।

কোন কোন ঐতিহাসিক মুসলমান শাসনেব অবসানেব পর ইংবেজ অধিকারের প্রতিষ্ঠাকে—“beginning . . . of a glorious dawn (সরকাব) বলিয়া অভিনন্দিত করিয়াছেন। এবং truly Renaissance wider and deeper .. বলিয়া উচ্ছাসও প্রকাশ করিয়াছেন। এ যে একটা যুগ-সন্ধি এ

বিষয়ে কোন সন্দেহই নাই, কিন্তু সকলেরই পক্ষে যে ইহা ইংরেজ অধিকারের
ফলাফল ও তৎ-
প্রতি ঐতিহাসিকের
মনোভাব
রেণেসাঁস তাহা বলা যায় না। এ বিষয়ে হিন্দু ঐতিহাসিক
এবং মুসলমান ঐতিহাসিক একমত এক কথা বলা যায় কি।
শ্রদ্ধেয় সবকার মহাশয় যে মুক্তি দিয়াছেন তাহার প্রথমটি
এই যে—দেশ “theocratic” (শারিয়তী শাসন) হইতে

মুক্ত হইয়াছে। কিন্তু এই মুক্তি হিন্দুর কাছে আদরণীয় হইতে পারে, কিন্তু মুসল-
মানের কাছে অশ্রদ্ধেয়, কারণ শারিয়তী শাসন মুসলমানের কাছে অসহ ও
অপ্রীতিকর হইতে পারে না। মুসলমানের বিষদাত ভাঙিয়া যাওয়ায় হিন্দুর
উল্লাস হইতে পারে, কিন্তু মুসলমানের মধ্যে বিপরীত প্রতিক্রিয়াই স্বাভাবিক।
তবে অবশ্য যদি এই কথার উপর জোর দেওয়া হয় যে, পলাশী যুদ্ধের বিঘবছরের
মধ্যে—[১৭৫৭—১৭৭৬ (ওয়ায়েন হেস্টিংস)] জাতির দেহে নব জীবনের সাদা
জাগে—জাতির ধমনীতে উষ্ণ রক্তস্রোত বহিতে আরম্ভ করে এবং ইংরেজের
সংস্পর্শে Education, literature, society, religion, man's handi-
work and political life, all felt the revivifying touch of the
new impetus from the west” তাহা হইলে বিশেষ আপত্তি করিবার কিছুই
নাই। এ কথা মিথ্যা নূহে যে ইংরেজী-শিক্ষার মাধ্যমেই ভারতবাসী ইউরোপের

জ্ঞান-বিজ্ঞান সাহিত্যের রাজ্যে ভ্রমণ করিবার ছাড়পত্র পায়, তথা চিন্তোৎকর্ষ লাভের একটা স্বর্ণ স্বযোগ পায়। কিন্তু এ কথাও অতি সত্য যে ইংরেজের শাসন-শোষণের তলে মাথা পাতিয়া দিয়াই এই ছাড়পত্র পাইতে হয়। একদিকে ইংরেজের বাণিজ্য-দুর্গ বা রাজধানী কলিকাতায় নাগরিক সভ্যতা—বিশেষতঃ ইংরেজ-সভ্যতার ভাল-মন্দ উভয়ই সমাজ-দেহে সংক্রামিত হইতে থাকে। অন্যদিকে ইংরেজের বাণিজ্যের বেড়া জাল সারা দেশ জুড়িয়া ছড়াইয়া পড়ে। আরো নিদ্রিষ্ট করিয়া বলিলে, পঞ্চম বাহিনী পাঞ্জীদের ধর্মাস্তরিত করণের স্থল-স্থল, অভিযান, শিক্ষাদীক্ষার মধ্য দিয়া বীণ-মাহাত্ম্য প্রচার—পৌত্তলিক উপাসনার প্রতি কটুকি-বধণ, ইউরোপীয় সংস্কৃতির মন্দের দিকটির অর্থাৎ ম-কার সাধন প্রদর্শন—এমনি নানাবিধ প্রক্রিয়ায় সমাজের সংহতি ও

নীলকর-

অত্যাচার

মেরুদণ্ডটি ভাঙ্গিয়া দেওয়ার চেষ্টা চলে। বাবু ও “ইয়ঙ বেঙ্গল”-শ্রেণীর জন্য এই প্রক্রিয়ারই ফল। আবার অন্তর্দিকে ইষ্ট ইণ্ডিয়া কোম্পানী সকলকেই নীলচাষের ও ব্যবসায়ের

অধিকার দিলে (১৭৭২), যেতদ বণিকগণ নীলের ব্যবসায় মতিয়া উঠেন। নীল কুঠিতে দশ ছাইয়া যায়। প্রথমতঃ, দেশীয় জমিদার-জোতদারদের প্রলুব্ধ করিয়া জমিতে নীলের চাষ করান হয়, আর কুঠিতে কুঠিতে রপ্তান দ্রব্য নিকাশিত হয়। ১৭২০ খ্রীষ্টাব্দে ‘চিরস্থায়ী বন্দোবস্ত দ্বারা প্রজাদের জমিদারদের করলে মাপিয়া দেওয়া হইলে—প্রজারা ‘ভাঙায় বাঘ জলে কুমৌর’ অবস্থায় দিন কাটাইতে থাকে। ১৮১০ খ্রীষ্টাব্দে ১০ই জুলাই তারিখের ‘গভর্ণর জেনারেল ইন্স কাউন্সিল-এর সাকুলারে যে যে অভিযোগের উল্লেখ পাওয়া যায় তাহা হইতেই অবস্থাটা অনুমান করা যায়—অভিযোগ—(১) হিংসামূলক কার্যকলাপ (acts of violence.) (২) অবৈধ গ্রেপ্তার ও কয়েদ বাধা—(illegal detention.)

কিন্তু সাকুলারে কোন ফল হয় না। শাদা চামড়ার শত খুন মাপ। নীলকরদের দৌরাঙ্গ্য বাড়িয়াই চলে। জমিদারদের মুখাপেক্ষী থাকিবার বৈধাটুকু

লোপ পাইয়া যায়। অনেকেই জমিদারি পত্তনি লইতে আরম্ভ করে (১৮৩৩ সনের পরে)। বেড়াঙ্গালের সব ফাঁক বন্ধ। প্রজাদের ভিটে-মাটি, জাতি, সাহেবদের খেয়াল খুসীর ব্যাপারে পরিণত হয়। দেশীয় ছবু-ভদ্রদের হাতে রাখিয়া নীলকর সাহেবরা চরম দৌরাভ্যাও হামলা করে। বিচারক ম্যাজিস্ট্রেটদের অনেকেই গুড়ির সাক্ষী মাতাল। মদ-মেম ও মুজার বশে বিচার নামে বাহা করেন তাহাতে বিচারের লেশও থাকে না। শাদা-চোখে সব-কিছুই শাদা দেখেন—সাহেব মাত্রই সাক্ষা, আর 'নেটিভ' মাত্রই মিথ্যাবাদী। 'সম্রাসের রাজা' লটসাহেব হ্যালিডের আমলে (১৮৫৪-৫৮) নীল-বীদরে শোণার বাংলা একেবারে ছারেখারে দিতে বসে। ইণ্ডিগো কমিশনের রিপোর্ট (১৮৬০), 'শ্রার এসলি ইডেনের মিনিটস অফ এভিডেন্স' গ্রাণ্টের বিবরণী প্রভৃতি নীলকরদের কুকৌস্তির ইতিহাসে যাহা লিপিবদ্ধ আছে তাহাতে দেখা যায়—নারীধর্ষণ, গৃহদাহ, ভিটেমাটি-ছাড়া-করা, কুটির-বন্ধ কক্ষে কয়েদ রাখা, দাদন লইতে চাবীকে বাধ্য করা—চামড়া-দিয়া মোড়া বেতের লাঠি দিয়া (শ্রামচাঁদ) বেদম প্রহার—সাহেবদের নিত্যনৈমিত্তিক কর্ম হইয়া দাঁড়ায়। বাহারাই মুখ ফুটিয়া দুই একটা প্রতিবাদের কথা বলিতে চেষ্টা করিয়াছেন, তাঁহারাই নানাভাবে লাক্ষিত ও উৎপীড়িত হইয়াছেন। বঙ্গীয় সাহিত্য পরিষৎ-প্রকাশিত দীনবন্ধু গ্রন্থাবলীর ভূমিকায় এ সম্বন্ধে সংক্ষেপে যাহা লেখা হইয়াছে তাহা উল্লেখযোগ্য—“উনবিংশ শতাব্দীর স্বত্বপাত হইতেই তাহা দরিদ্র প্রজাদের পক্ষে ভয়াবহ আঁকার ধারণ করে। স্ব স্ব শ্রায্য অধিকার দাবি করিতে গিয়া বহু প্রজা ভিটে-মাটি সহ উচ্ছন্ন এবং তাহাদের সমর্থক বহু বন্ধিষু গ্রামবাসী অকারণে কুঠিতে কয়েদ হইয়া বিপন্ন হয়।...স্থানীয় ইংরেজ এবং ম্যাজিস্ট্রেটরা অধিকাংশ ক্ষেত্রে ঘৃষ এবং অগ্রাগ্র কারণে কুঠিয়ালদেরই পক্ষ অবলম্বন করাতে শ্রায়বিচার হয় নাই। ফলে নীলকরদের পীড়ন অব্যাহত চলিতে থাকে।”

*[নীলদর্পণ-নাটকে দীনবন্ধু নীলকরদের এই অত্যাচারের এবং দেশবাসীর নিকৃপায় প্রতিরোধের রূপটি উপস্থাপিত করিয়াছেন]

উল্লিখিত রাজ-আর্থনৈতিক পরিবেশটি সম্মুখে রাখিয়া এইবার আমরা
 দীনবন্ধুর সামাজিক ও সাংস্কৃতিক পটভূমির বিশেষ পরিচয় দিতে
 চেষ্টা করিতে পারি। তবে পরিচয় দেওয়ার আগে সংক্ষেপে
 সাংস্কৃতিক একটি কথা বলিয়া লওয়া ভাল। রাজনীতি-অর্থনীতিকে
 পরিবেশ বলা হয়—সংস্কৃতির ভিত্তিহীন (basis), এই ভিত্তির
 উপর সংস্কৃতির (নৈতিক, সামাজিক, আধ্যাত্মিক, শৈল্পিক) প্রাসাদ গড়িয়া উঠে,
 ভিত্তির পরিবর্তন ধীরে ধীরে প্রাসাদ-কক্ষেও যে পরিবর্তন আনিয়া দেয়,
 একটু ঐতিহাসিক দৃষ্টিভঙ্গী থাকিলেই (এই কার্যকারণ-যোগটুকু) দেখা যায়।
 ইংরেজের হাতে দেশের রাজনৈতিক অধিকার চলিয়া যাওয়ায় দেশের অর্থনীতি
 যে পরিবর্তিত না হইয়া যায় না ইহা প্রত্যক্ষ সত্য। কিন্তু উহারই ফলে দেশের
 নৈতিক বিধি-নিষেধ, সামাজিক বিধি-বিধান, শিল্প-সংস্কৃতি নানাতাবে প্রভাবিত
 ও পরিবর্তিত হয় ইহাও কম প্রত্যক্ষ সত্য নহে। [দুঃখের বিষয়—অনেকে এ
 বিষয়ে জাগিয়া ঘুমান এবং ঘুমাইবার ভাণ করিয়াই ইতিহাসের বস্তুবাদী ব্যাখ্যা
 খণ্ডন করিতে চেষ্টা করেন] প্রথমতঃ—সামাজিক অবস্থার কথাই ধরা যাক।

পলাশীতে সামগ্রিক বিজয়ের পরে, ইংরেজ সাংস্কৃতিক বিজয়ের জ্ঞান নানা-
 ভাবে অভিযান চালাইতে থাকে। ভারতীয়রা আধ্যাত্মিক চেতনার দিক দিয়া
 অনেক নিয়ন্ত্রণে পড়িয়া আছে,—নিরাকার ঈশ্বরের ধারণা ষাঁহাদের উপাসনায়
 স্থান পায় নাই তাহার। সভ্যতার অনেক নিয়ন্ত্রণে আছে, যে ধর্ম মানুষকে ঘৃণা
 করিতে শিখায় তাহা ধর্মই নহে, শিল্পে-সাহিত্যেও ভারত ইউরোপের হাটুর
 কাছে পড়িয়া আছে—এই ধরনের প্রচাবের মারফৎ বৌদ্ধিমত মিশনারী অভিযান
 চলিতে থাকে। মুসলমান-আমলে সমাজের অস্পৃশ্য শ্রেণীর অনেকে যেমন
 মুসলমান ধর্ম অর্থাৎ রাজধর্ম গ্রহণ করিয়া সামাজিক প্রতিষ্ঠা অর্জন করে; তেমনি
 ইংরেজ-আমলেও ধর্মাস্তর-গ্রহণের প্রবণতা দেখা দেয়। পাদ্রীবাহিনী ছল-বল-
 কোশলে হিন্দু-সমাজের সংহতি নষ্ট করিতে চেষ্টা করে, হিন্দু-অভিমানের
 কেন্দ্রস্থলে আঘাত করিতে থাকে। * [পাদ্রীরা চিরকালই পঞ্চম বাহিনীর

কাজ করিয়া আসিয়াছে, আজও করিয়া চলিয়াছে। মিশনারী স্কুল-কলেজগুলিকে শিখণ্ডীর মত খাড়া করিয়া পাত্রীরা ভারত-বিরোধী কার্য করিয়া যাইতেছে]।

হিন্দু-সমাজ এই আক্রমণের বিরুদ্ধে মোটামুটি তিন ভাগে ভাগ হইয়া প্রতি-ক্রিয়া দেখায়। একদল—(রামমোহন) নিরাকার উপাসনা প্রবর্তিত করিয়া, জাতি-ভেদ তুলিয়া দিয়া, সমাজকে ঢালিয়া সাজিতে চেষ্টা করেন—ব্রাহ্ম ধর্ম ও ব্রাহ্ম-সমাজ প্রতিষ্ঠিত করেন। অগ্ৰদল—(বিভাগাগর) হিন্দু-সমাজের সংস্কার বাঞ্ছনীয় বলিয়া মনে করিলেও প্রচলিত ধর্ম-মতে বিশ্বাস রাখিয়াই চলেন অর্থাৎ হিন্দু-সমাজের গণ্ডীর মধ্যে থাকিয়াই হিন্দু-সমাজের সংস্কার করিতে চেষ্টা করেন, অগ্ৰদল (গোঁড়া হিন্দুদল)—হিন্দু-সমাজেব প্রত্যেকটি বিধানকেই পবিত্র বলিয়া মনে করেন এবং সূ-সু'ব বিচার বাদ দিয়া প্রাচীন ব্যবস্থাকেই ঐক্যডাওয়া থাকেন। একদল অবশ্য কুসংস্কার বর্জন করিতে গিয়া—স্ব-কু দুইটিকেই বর্জন কবেন এবং জাতিগোত্রহীন ‘সধবার একাদশী’র দল গড়িয়া ম-কার সাধনায় জীবনপাত করেন। রামমোহন প্রমুখ ব্রাহ্মনেতার হিন্দু-সমাজ হইতে কিছুটা বিচ্ছিন্ন হইলেও, হিন্দু-সমাজে অন্তর্বিবাদ দেখা দিলেও এবং ব্রাহ্ম-সমাজ খ্রীষ্টান-সমাজেরই ভারতীয় সংস্করণ হইয়া দাঁড়াইলেও, পাত্রীদের বাড়াভাতে ছাঁই পড়ে বলিয়া, পাত্রীরা রামমোহনকে সুনজবে দেখেন না। নিরাকার উপাসনা এবং জাতিভেদশূন্য সমাজ প্রবর্তিত করিয়া রামমোহন খ্রীষ্টান পাত্রীদের ব্যবসাতাই মাটি করিয়া দেন। যাহা হউক—সমাজে, ব্রাহ্ম, সংস্কার-পন্থী প্রগতিশীল হিন্দু এবং গোঁড়া রক্ষণশীল-হিন্দু এই তিন সম্প্রদায়ের মধ্যে পারস্পরিক দ্বন্দ্ব দেখা দেয়। ব্যাপক সুরাসক্তি, বেথুাসক্তি—প্রভৃতি মারাত্মক সামাজিক ব্যাধির বিরুদ্ধে সাধারণ একটা প্রতিক্রিয়া সকলের মধ্যেই কম বেশী দেখা যায় কোলিঙ্গ-প্রথা, বহুবিবাহ-প্রথা (বুদ্ধের বিবাহ-বাতিক) প্রভৃতি প্রথার সংস্কার বিষয়েও অনেক পরিমাণে মতৈক্য লক্ষিত হয়, কিন্তু বিধবা-বিবাহ নারী-শিক্ষা প্রভৃতি বিষয়ে রক্ষণশীলদল রীতিমত বিরুদ্ধ মনোভাব দেখায়—য়েচ্ছাচার

বলিয়া উহাদের খিকার দেয়। সামাজিক পরিস্থিতি আমরা মোটামুটি এই ভাবে সাজাইয়া রাখিতে পারি :— [রাজ-সামন্ততান্ত্রিক-বনিয়াদ]

১। রাজ-অর্থনৈতিক— (ক) নীলকর সাহেবদের অত্যাচার উৎ-
দিকের পীড়ন—বিচারক ম্যাজিষ্ট্রেটদের নীলকর
সাহেবদিগকে সমর্থন—বিচারের নামে
অবিচার

(খ) একদিকে জমিদারের চাপে, অত্রদিকে নীল-
কর সাহেবের অত্যাচাবে প্রজার দুর্গতি

(গ) সিপাহী-বিদ্রোহ— ও বিজ্রোহ-দমন

(ঘ) (পরাধীনতার গ্লানি—অবমাননাবোধের
উত্তেজনা)

(ঙ) স্বদেশ-প্রীতির উন্মেষ

(ক) কোলাহল-প্রথা (সতীদাহ)

(খ) বহু-বিবাহ প্রথা

(গ) সুরাসক্তি—

(ঘ) বেগাসক্তি—

(ঙ) ব্রাহ্মধর্মের আন্দোলন— পাশ্চাত্যদের
প্রচার

(চ) বিধবা বিবাহ আন্দোলন (গোঁড়া-
দেব গোঁড়ামি)

(ছ) নারী-শিক্ষা-আন্দোলন

প্রভৃতি

(খ) সাংস্কৃতিক বা শৈল্পিক পরিবেশ—(১৭৫৭-১৮৭০)

‘বৌদ্ধান ও দোহা’ হইতে রামপ্রসাদ-ভারতচন্দ্র পর্যন্ত যে সাহিত্য সৃষ্টি
হইয়াছে উহার প্রতি দৃষ্টিপাত করিলেই দেখা যাইবে—সাহিত্যের বিবর্তন-রূপ-
রসের বিবর্তনের মূলে, সমাজ-বিবর্তনের ধারাটি অবিচ্ছেদ্যভাবে যুক্ত হইয়া আছে।

নাট্য সাহিত্য—২

আমরা দেখি, বৌদ্ধ-যুগের সংস্কৃতি তথা সামাজিক আবেগের একটি দিক ‘বৌদ্ধ গান ও দোহা’ শিল্পে রূপ পাইয়াছে—এবং যে-ভাবে অর্থাৎ যে ভাষায় রূপ পাইয়াছে—সে ভাষাটি বাঙালী-সমাজের একটি বিশেষ পর্যায়ের ভাষা—ভাষাটি তখনও অপভ্রংশের খোলস সম্পূর্ণ ত্যাগ করে নাই। এই সময় হিন্দু-সংস্কৃতির কি অবস্থা ছিল, তাহার কোন সাহিত্যিক নিদর্শন পাওয়া যায় নাই বটে, তবে একেবারেই যে ছিল না এ কথা বলার মত যুক্তিও নাই। যাহা হউক, ইহার পরে বাংলার ইতিহাসে হিন্দু সংস্কৃতির পুনরভ্যাস ঘটে। “সংস্কৃত-ভারতে”র সহিত বাংলার যোগ প্রতিষ্ঠিত হয়—বাংলায় বৈষ্ণব-সংস্কৃতি ও সাহিত্যের আবির্ভাব ঘটে। গীতগোবিন্দ, সংস্কৃত রামায়ণ-মহাভারতের ও শ্রীমদ্ভাগবতের অনুবাদে, শ্রীকৃষ্ণকীর্তন (পালাগান) ও পদাবলী-তে, নানারূপ মঙ্গলকাব্যে, এই সময়ে—বাঙালী সংস্কৃতির ও সাহিত্যের তথা বাঙালী-জীবনের নূতন আবেগের পরিচয় পাওয়া যায়। সংস্কৃতের সংস্পর্শে একদিকে যেমন বাঙলাভাষার মুখে তৎসম তত্ত্ব শব্দের কথা ফুটিতে থাকে, অগ্র দিকে সংস্কৃত ছন্দের তাল-লয়ের সঙ্গে চলিতে গিয়া ভাষার গতিতেও নূতন ছন্দ দেখা দেয়। দেশী এবং সংস্কৃত ছন্দের ও গানের তাল লয়ের গতি-বেগ, বাংলা ভাষায় সঞ্চারিত হইয়া নূতন গতি-বৈচিত্র্য সৃষ্টি হয়। কৃত্তিবাস-কবিকল্প মুকুন্দরাম চক্রবর্তী হইতে ভারতচন্দ্র পর্যন্ত বাংলা-ভাষার ক্রম-বিকাশ লক্ষ্য করিলেই—এই বিষয়টি চোখে পড়িবে—দেখা যাইবে—সাধারণতঃ বিবরণের জন্ত (prosaic poetry) পয়ার ছন্দ ব্যবহৃত এবং আবেগের গতিবুদ্ধির সঙ্গে সঙ্গে ত্রিপদী, চৌপদী প্রভৃতি ছন্দ প্রযুক্ত হইয়াছে—অর্থাৎ ভাব-প্রকাশের স্বাভাবিক গতির সহিত সঙ্গতি রাখিবার জন্য, ভাবানুগ ছন্দ প্রয়োগ করার চেষ্টা হইয়াছে। দেখা যাইবে, ভারতচন্দ্রে আসিতে আসিতে বাঙলা-কব্যের ভাষা, নানা ভঙ্গিমায় আপন গতিছন্দকে প্রকাশ করিয়াছে। যাত্রা, পাঁচালী, ‘হাফ-আখড়াই’ প্রভৃতির প্রভাবটিও উপেক্ষা করিবার মত নহে। একথা অবশ্যই বলা যায় যে রামপ্রসাদী, বাউল, কীর্তন ‘কবির-ছড়া’র মধ্যে ছন্দের যে সহজ স্বচ্ছন্দ গতি দেখা যায়—এই পরবর্তীযুগের ইংরেজী কাব্যের আদর্শের অনুপ্রেরণায়, রোমান্টিক

কাব্যের মুক্ত ধারার উৎসারিত হইয়াছে। মোট কথা—অষ্টাদশ শতাব্দীর শেষ ভাগ পর্যন্ত, বাংলা কাব্যে একটা প্রশংসনীয় ঐতিহ্য গড়িয়া উঠে—এবং “ঈশ্বরগুপ্ত” পর্যন্ত এই প্রাচীন ধারাই প্রবাহিত হয়।

কিন্তু ঊনবিংশ শতাব্দীর গোড়াতেই—ব্যবহারিক প্রয়োজনেই—ইংরেজী-ভাষা-শিক্ষার প্রয়োজন তথা চাহিদা বৃদ্ধি পাওয়ায়, বাতাস অল্পদিকে বহিতে শুরু করে—নূতন বাংলা বলিতে আমরা যাহা বুঝি সেই বাংলার গোড়াপত্তন হয়।

প্রথমতঃ দেখা যায় এই সময়েই বাংলা গল্প রচনার ও সাহিত্যের চাহিদা সৃষ্টি হয়। একটা দেশকে ভালোভাবে শাসনাধীন রাখিতে গেলে দেশের নাড়ী-নক্ষত্র ভালোভাবে জানা চাই-ই চাই; সুতরাং ইংরেজের পক্ষে একদল বাংলা-জানা সাহেব তৈয়ারী করার তাগিদ অবশ্যজ্ঞাবী (যেমন অত্যাবশ্যক—সেবা-কার্যের দৃষ্ট কাক্স-চালানো-গোছের ইংরেজিবিদ্যা-ওয়াল দৈন্য লোক)। ফোট উইলিয়াম কলেজটি এই বাংলা-জানা সাহেব গড়ার কারখানা, বাংলা গল্প-সাহিত্যের উৎপত্তির মূলে এই কলেজটির যে দান তাহা অবশ্যই স্বরণীয়। তেমনি উল্লেখযোগ্য—পঞ্চমবাহিনী পাত্রীদের (*শ্রীরামপুর মিশনারী) ধর্ম-প্রচারের অধ্যবসায় ও আয়োজনটুকু। মাতৃভাষায় প্রচ্ছন্ন করিতে পারিলে খ্রীষ্ট সমাচারকে যে পরিমাণে মর্মে পৌছাইয়া দেওয়া সম্ভব—অন্তোপাসে সেভাবে সম্ভব নহে। এই কারণে দেশী বোল-চালের চাহিদা পাত্রী বাহিনীর মধ্যেও অপরিহার্যরূপে দেখা দেয়। একদিকে পাত্রী বাহিনীর প্রচার অভিযান চলে, অল্পদিকে চলে—পাত্রী বাহিনীর আক্রমণ প্রতিহত করিবার চেষ্টা। এই দুই পক্ষের বাদ-প্রতিবাদের ফলে আর যাহাই হউক বা না হউক, বাংলা সাহিত্যের ভাণ্ডারে বাংলা গল্প রচনার ফসল জমিতে থাকে। এই বাদ-প্রতিবাদের প্রধান বাহন হয়—সংবাদপত্র। একদিকে ‘পাঠ্য পুস্তক’, অল্পদিকে—‘সংবাদপত্র’—প্রধানতঃ এই দুই ‘মাধ্যম’ আশ্রয় করিয়া বাংলা গল্প আপন গতিপথে অগ্রসর হয়। এমনি ভাবেই তদানীন্তন সমাজের নানা চাহিদা (শৈল্পিক চাহিদাও অন্তর্ভুক্ত) অল্পসারেই বাংলা গল্প সাহিত্য গড়িয়া উঠিতে থাকে।

কিন্তু লক্ষ্য হইতে হইবে যে 'লেখ্য'-রীতিটি গোড়া হইতেই 'কথ্য'-রীতি হইতে দূরে সরিয়া পড়ে। 'লেখ্য'-রীতিতে বাংলা পণ্ডের ক্রিয়া রূপ, সংকত শব্দ, এবং অনেকক্ষেত্রে ইংরেজী বাক্য-ভাসরীতি মিশিয়া একটা কৃত্রিম চালের সৃষ্টি হয়। ফলে কথ্য রীতির সহিত লেখ্য-রীতির একটি দুরতিক্রমা ব্যবধান গড়িয়া উঠে। [* লেখ্য-কথ্যের ব্যবধান আজও দূর হয় নাই]

এ সম্বন্ধে লিখিতে গিয়া ডাঃ শ্রীমশীল কুমার দে মহাশয় লিখিয়াছেন যে ভারত-চন্দ্রের—“ভাষা ছিল সহজ ও স্বচ্ছ, অথচ স্তম্ভজিত ও গাঢ়বন্ধ। ইহার নিপুণ প্রকাশ ভকীতে যে শিক্ষিত রসবোধ ও বিদ্বৎশ্রুত বৈদগ্ধ্য রহিয়াছে, তাহাতে ইহার বিশুদ্ধ স্বাক্ষর রীতিকে বাংলা সাহিত্যে ক্লাসিকাল রীতির প্রথম উৎকৃষ্ট নিদর্শন বলা যাইতে পারে। * কিন্তু ভাষার এ আদর্শ প্রতিষ্ঠিত হইতে পারিল না, হইলে হয়ত পরবর্তীকালের ভাষা-সমস্যার অতি সহজ ও সুন্দর সমাধান হইত। কেবল রাষ্ট্রীয় গোলযোগ বা সামাজিক অব্যবস্থা ইহার কারণ নয়। যে ভাব-বিপ্লব তৎকালের শিক্ষিত মনোভাবকে পাশ্চাত্যাভিমুখী করিয়াছিল, তাহার সঙ্গে আসিল—প্রথমে মিশনারী, পণ্ডিত ও মুনশীদের নূতন করিয়া ভাষাসৃষ্টির প্রয়াস এবং পরে ইংরেজী ভাব প্রকাশের জন্য ইংরেজী ধরনের ভকী ও রীতির প্রয়োজন।... পরবর্তী ভাষার আদর্শে ভারতচন্দ্রের বাণীভকী টিকিতে পারিল না।” (দীনবন্ধু মিত্র)। এ কথা স্বীকার্য যে বাংলা গল্পের “প্রসূতিকাল ছিল দীর্ঘ অর্দ্ধ শতাব্দী—ইহাও অনেকাংশে সত্য যে “একদিকে ছিল নিতান্ত অসাধু সাধুভাষার জের, অত্রদিকে নিতান্ত অচল চলতি ভাষার প্রচার”, কিন্তু যে বিষয়টি এখানে বিশেষভাবে আলোচনা করিবার অর্থ উপেক্ষিত তাহা এই যে বাংলা গল্পের শব্দ যোজনায় সংস্কৃতের প্রাধান্য এবং বাক্য-রীতিতে ইংরেজীর ও সংস্কৃতের বাক্য বিজ্ঞাসের প্রভাব লক্ষণীয় হইলেও বিশেষ লক্ষণীয় বাংলা গল্পের ক্রিয়াপদ ব্যবহারের রীতিটি। বাংলা গল্পের ক্রিয়াপদ কেন কথ্য ভাষাভাষ্যগামী না হইয়া গোড়া হইতেই লেখ্য-ভাষার ভাষ্যগামী হইয়াছে ইহাই বড়বিচার বিষয়। আমার

বজায় রাখিয়াই বাংলায় একটি আদর্শ গল্প রীতি গড়িবার প্রবণতা দেখা দেয়। হুতরাং “গল্প সাহিত্যের ভাষা তখনও নিজস্ব ভঙ্গী ও রূপ লাভ করিতে পারে নাই”—এ কথা যেমন সত্য তেমনি এ কথাও সত্য—বাংলা গল্পে দুইটি রীতি পাশাপাশি চলে,—এক লেখ্য, দুই কথা। * [এই কথাটি বিশেষভাবে মনে রাখা দরকার; কারণ, ইহার পরে আমরা দেখাইতে চেষ্টা করিব যে দীনবন্ধু প্রতিভা বলে লেখ্য-কথ্যের দ্বন্দ্ব কাটাইয়া উঠিতে পারেন নাই] *

উনবিংশ শতাব্দীর পূর্বার্দ্ধ (১৮০০-১৮৭২) বাংলা গল্পভাষা ও সাহিত্য উভয়ের পক্ষেই প্রস্তুতি-পর্ব। বাংলা গল্প—রামমোহন, ঈশ্বরচন্দ্র, অক্ষয় দত্ত, প্যারীচাঁদ প্রভৃতির সাধনায় পরিপুষ্ট হইতে হইতে বহুমুখের উপজ্ঞানের ভাষায় পরিণত হয়। বাংলা-কাব্যে, ইংরেজী কাব্যের সংস্পর্শে নূতন ছন্দে—“অমিত্রাক্ষর” ছন্দের গতি ভঙ্গিমা দেখা দেয়, পয়ারের যতি-লয়ের বীধ ভাঙ্গিয়া যায় তথা মুক্ত-ছন্দের সূত্রপাত হয়। মাইকেল মধুসূদনের প্রতিভা, বাংলা কাব্য নিবন্ধের স্বপ্নভঙ্গ ঘটাইয়া তাহার প্রাণ শক্তির সম্ভাবনাকে “মেঘনাদ বধ” মহাকাব্যে মুক্ত করিয়া দেয়—এক কথায়—যুগান্তর সৃষ্টি করে। শ্রব্য কাব্যের চাহিদার পাশেই—দৃশ্য কাব্যের চাহিদার সমান্তরাল ধারা প্রবাহিত হয়। কিন্তু দৃশ্য কাব্যের সৃষ্টির জন্য প্রধান প্রেরণা—অভিনয়-অনুষ্ঠান। ইংরেজী নাটকের অভিনয় দেখিয়া দেখিয়া এই সময়ে অনুরূপ অভিনয় অনুষ্ঠান করিবার জন্য বাঙালী সমাজে ঐকান্তিক ইচ্ছা জাগে। “সখের নাট্যালা”য় এই ইচ্ছার প্রথম অভিব্যক্তি এবং ১৮৭২ ‘গ্ৰাণনাল থিয়েটার’-এ (সাধারণ রঙ্গালয় প্রতিষ্ঠায়), ইচ্ছার ঐতিহাসিক প্রতিষ্ঠা ঘটে। মনে রাখা দরকার মধুসূদন-দীনবন্ধু সখের নাট্যালায় নাট্যকার এবং এমন সময়ে তাঁহাদের আবির্ভাব যখন বাংলা-সাহিত্যে ট্র্যাজেডির বা কমেডির কোন উচ্চ “আদর্শ” প্রতিষ্ঠিত হয় নাই। যখন ট্র্যাজেডি বলিতে সাধারণতঃ বিয়োগান্ত এবং কমেডি বলিতে হাস্যরসাত্মক বা মিলনান্তক নাটক বুঝাইত।

এইবার, উল্লিখিত পরিবেশের সহিত [রাজ-আর্থনৈতিক-সামাজিক—শৈল্পিক]

দীনবন্ধু কি ভাবে অভিযোজন করিতে চেষ্টা করিয়াছেন তাহা দেখা যাক ।
প্রথমেই ১৮৫২ হইতে ১৮৭২ পর্য্যন্ত—এই ২০ বছরের নাটকের ইতিহাস পর্য্য-
লোচনা করিয়া, অভিযোজনের সাধারণ রূপটি খুঁজিয়া দেখা যাইতে পারে ।

১। তারাচরণ শিকদার—ভদ্রাজ্জুন (১৮৫২) [পৌরাণিক]

২। শোভেন্দ্র চন্দ্র গুপ্ত—কীৰ্ত্তিবিলাস (১৮৫২) [বুদ্ধের বিবাহ-সমস্তা]

সপত্নীপুত্র-বিষেধ

৩। রামনারায়ণ—কুলীনকুলসর্বস্ব (১৮৫৪) । কৌশীক-প্রথা]

* বেণীসংহার নাটক (১৮৫৬) [পৌরাণিক]

* রত্নাবলী নাটক (১৮৫৮) (সংস্কৃত-নাটক]

* অভিজ্ঞান শকুন্তল নাটক (১৮৬০) [সংস্কৃত-নাটক]

বহুবিবাহ প্রভৃতি কুপ্রথা বিবয়ক নব নাটক

(১৮৬৬) [বহুবিবাহ]

* মালতী-মাধব (১৮৬৭) [সংস্কৃত-নাটক]

উভয় সঙ্কট (১৮৬৯)

চক্ষুদান (১৮৬৯)

* কল্মষীহরণ (১৮৭১) (পৌরাণিক)

৪। হরচন্দ্র ঘোষ—ভাস্করমতী চিত্তবিলাস (১৮৭৩) (ম্যাচেন্ট অফ ভেনিস)

অবলম্বনে)

কৌরব-বিরোধ (১৮৭৮) (পৌরাণিক)

চারুমুখ চিত্তহরা (১৮৬৭) (রোমীয়-জুলিয়েট অবলম্বনে)

৫। নন্দকুমার রায়—অভিজ্ঞান শকুন্তল (১৮৭৫) [সংস্কৃত-নাটক]

৬। উমেশ চন্দ্র মিত্র—বিধবা বিবাহ নাটক (১৮৭৬)

৭। উমাচরণ চট্টোপাধ্যায়—বিধবোদ্ধাহ নাটক (১৮৭৬)

৮। রাধামাধব মিত্র—বিধবা মনোরঞ্জন (১৮৭৬)

৯। ষড়্গোপাল চট্টোপাধ্যায়—চপলা চিত্ত চাপলা (১৮৭৭)

বিধবা
বিবাহ

- ১০। নারায়ণ চট্টরাজ—কলিকৌতুক নাটক (১৮৫৮)
- ১১। শ্রীশিমূল পীর বক্স—বিধবা-বিরহ নাটক (১৮৫২)
- ১২। ? শুভদ্রা শীত্ৰং (১৮৬২ ,
- ১৩। হরিশ্চন্দ্র মিত্র—ম্যাণ্ড ধরবে কে ? (১৮৬২)
- ১৪। যদুনাথ চট্টোপাধ্যায়—বিধবা বিলাস নাটক (১৮৬৪)
- ১৫। বিপিন বিহারী দে—একাদশীর পারণ
- ১৬। মণিমোহন সবকার | মহাখেতা— (১৮৫২) (সংস্কৃত)
উষানিরুদ্ধ নাটক (১৮৬৩) (পৌরাণিক)
- ১৭। শৌরীন্দ্রমোহন ঠাকুর— মুক্তাবলী নাটিকা (১৮৫৮)
মালাবিকাগ্নিমিত্র (১৮৬০ ,
- ১৮। সত্যেন্দ্রনাথ ঠাকুর— স্তম্ভীলা বীর সিংহ (সিংহেলিন অবলম্বনে)
নাটক (১৮৬৩)
—জ্ঞানকী নাটক (১৮৬৬ ,
—জয়দ্রথবধ বৃত্তান্ত (১৮৬৪)
—আগমনা (১৮৭০)
—প্রহ্লাদ নাটক (১৮৭২)
বাবু নাটক (১৮৫৪)—(গ্রহসন)
বিক্রমোর্বশী (১৮৫৭) (সংস্কৃত নাটক)
সাবিত্রী সত্যানান (১৮৫৮) (পৌরাণিক)
মালতী মাধব নাটক (সংস্কৃত)
- * কালীপ্রসন্ন সিংহ— শশিষ্ঠানাটক (১৮৫২)—(পৌরাণিক)
একেই কি বলে সভ্যতা (১৮৬০) (গ্রহসন)
বুড়ো শালিকের ঘাড়ে রোঁ (১৮৬০) (গ্রহসন)
পদ্মাবতী—(১৮৬০) (পৌরাণিক-কল্প)
কৃষ্ণকুমারী নাটক—(১৮৬১)—(ঐতিহাসিক)
ট্রাজেডি
- * মধুসূদন দত্ত— [মায়াকানন—১৮৭৪]

*দীনবন্ধু তিফ্রী—নীলদর্পণ নাটক (১৮৬০) [নীলকর অত্যাচার]

নবীন তপস্বিনী (১৮৬৩) [পাতিব্রত অবলম্বনে]

বিষেপাগলা বুড়ো (১৮৬৬) [বহুবিবাহ]

সববাব একাদশী (১৮৬৬) [ইয়ং বেঙ্গল প্রহসন]

লালাবতী - (১৮৬৫) [কৌলীন্যপ্রথা বর্জন]

[বোমাষ্টিক নাটক]

জামাই বারক—(১৮৭২) [ঘর জামাই]

কমরে কামিনী (১৮৭৩) [সপত্নী বিদ্বেষ-মূলক বোমাষ্টিক
নাটক]

*উল্লিখিত তালিকাটি পধ্যালোচনা করিলে মোটামুটি পাওয়া যায়—(ক) সংস্কৃত নাটকেব অন্তবাদ (খ) পৌরাণিক কাহিনীর নাট্যাখন (গ) সামাজিক বিকৃতিব ও সমস্তাব উপস্থাপনা (ঘ) ইংরেজী নাটকের মর্মান্বকরণ - ইংরেজী টগজেডির ও কমেডির আদর্শ অর্থাৎ রূপ ও বস আমদানী করার চেষ্টা ।

অভিযোজনে মধুসূদন ও দীনবন্ধু

মধুসূদন ও দীনবন্ধু সাহিত্যক্ষেত্রে অতিনিকট সমসাময়িক এবং উভয়েই বাংলা নাট্য সাহিত্যের ইতিহাসে অরণ্য স্থান অধিকার করিয়া আছেন । এই কারণেই নাট্যকার মধুসূদন এবং নাট্যকার-দীনবন্ধুর মধ্যে তুলনামূলক আলোচনাব একটা অবকাশ আছে এবং বলাবাহুল্য এই আলোচনা খুবই প্রত্যাশিত ।

এই আলোচনা ধারাকে আমরা নিম্নলিখিত প্রশ্নে ভাগ করিয়া লইতে পারি—(ক) বিষয়বস্তু-নির্বাচনে ও রূপায়নে অভিযোজনের কোন রূপটি প্রকাশ পাইয়াছে ? (খ) রূপায়নদক্ষতা—কাঁহার কতখানি অর্থাৎ কাহিনীর বীধুনিতে, পরিস্থিতি কল্পনায়, চরিত্র-সৃষ্টিতে—(চরিত্রের হৃদয়াবেগ; কল্পনা ও ভাবগৌরব), মাত্রা-বোধে এবং জীবন-ধারণায়, কে কতখানি শক্তির পরিচয়

দিয়াছেন। প্রথমতঃ দেখা যাক—বিষয়বস্তু-নির্বাচনে ও রূপায়নে পরিবেশের সহিত অভিযোজন কিভাবে প্রতিফলিত হইয়াছে।

১৮৫৯ খ্রীষ্টাব্দে—মধুসূদনের প্রথম নাটক **শর্মিষ্ঠা** রচিত হয়। এই নাটকে পরিবেশের যে দিকের চাহিদা মিটানো হইয়াছে তাহা মুখ্যতঃ রাজ-আর্থনৈতিক ও সামাজিক কোন চাহিদা নহে। এহ নাটক সৃষ্টির মূলে যে প্রেরণা প্রবাহিতঃ কাজ করিয়াছে তাহাকে আমরা এক কথায় বলিতে পারি—শৈল্পিক(aesthetic অর্থাৎ বাংলা সাহিত্যে ভাল নাটক সৃষ্টির উদ্দেশ্যই প্রধান প্রেরণা। এই নাটকের বিষয়বস্তু পরিকল্পনা এবং ভাবাদর্শ সবই পৌরাণিক (classical)।

১৮৬০ খ্রীষ্টাব্দে—মধুসূদন তিনখানি নাটক বচনা করেন। (১) একেই কি বলে সভ্যতা (২) বুড়োশালিকের ঘাড়ে রো, (৩) পদ্মাবতী। প্রথম দুইখানি গ্রহসন—তৃতীয়টিতে—গ্রীক-পুরাণের একটি রোমান্টিক কাহিনীকে ভারতীয় পবিচ্ছদ দেওয়া হইয়াছে। (‘কাহিনী-বস’ সৃষ্টি এখানে মুখ্য উদ্দেশ্য)

গ্রহসন দুইখানিতে মধুসূদনের অভিযোজন সমাজ-সমস্তার অভিযোগ হইয়াছে। প্রথমটিতে—ইয়ঙ বেঙ্গলের বিকৃতি, স্বরাপান ও বেজাসক্তি, দ্বিতীয়টিতে (রক্ষণশীল সমাজের) বকবাধিক্য ও গুণি—(বুদ্ধের নির্বিচার কাম-লালসা) উপহাসিত। * এই বৎসরে দীনবন্ধুর ‘নীলদর্পন-নাটক’ প্রকাশিত]

‘একেই কি বলে সভ্যতা’র মুখ্যতঃ ‘কলির রাজধানী’ ‘মহাপাপ নগর’—কলিকাতার লেখাপড়া শেখা নবাবুদের স্বরাপান ও বেজাসক্তি দ্বারা ‘সুপারিস্টমেনের সিকলি’ কাটিয়া ‘ফ্রি’ হওয়ার বিকৃত চেষ্টা—উপহাসিত হইয়াছে গোঁণতঃ অবস্থা মাতালের মুখে প্রচার করা হইয়াছে—“তোমাদের মেয়েদের এজুকেট কর তাদের স্বাধীনতা দেও জাতভেদ তফাৎ কর—আর নিধবাদের বিবাহ দেও, তা’ হ’লে—এবং কেবল তা’ হ’লেই আমাদের প্রিয় ভারত-ভূমি ইংলণ্ড প্রভৃতি দেশের সঙ্গে টঙ্কর দিতে পারবে, নচেৎ নয়।” ‘একেই কি বলে সভ্যতা’ গ্রন্থহমে মধুসূদন তথাকথিত “রিকর্ডার”দের বিকৃতিকে ব্যঙ্গ করিয়াছেন। নায়ক নবাবুকে ‘সধবার একাদশী’র প্রথম সংস্করণ বলা চলে

তাহার জীব আক্ষেপোক্তি—“এমন স্বামী থকলিই বা কি আর না থাকলিই বা কি ? ‘সধবার একাদশী’ কথাটিরই ব্যাস বাক্য।

সমাজের এক কোটিতে নববাবু, অথ কোটিতে—আছেন বুড়ো শালিক ভক্তপ্রসাদবাবু। ভক্তপ্রসাদবাবু গোঁড়া সমাজের সমাজপতি—“বড় মানুষ—রাজা”—পটীসমাজেব দণ্ডমুণ্ডের বিবর্ত। কলিকাতায় যে একাকার হওয়ার আন্দোলন হইতেছে—‘কায়স্থব্রাহ্মণ কৈবর্তসোনারবেনে কপালী তাঁ নী জোলা তেলী কলু সকলেই নাকি একত্রে উঠে বসে, আর খাওয়া দাওয়া করে’—ইহা তাহার অদৃষ্ট। হিন্দুয়ানীর মর্যাদা থাকিতেছে না দেগিয়া তিনি খুবই দুঃখিত—হিন্দু হইয়া বাবুচি নেড়ের ভাত খায়—এ কথা ভাবিতেই তাঁহার বমি আসে, ইংরেজী-শিক্ষাই যত নষ্টের গোড়া—নাষ্টিকোর জন্মদাতা এ বিষয়ে তিনি নিশ্চিত। কিন্তু ‘ভক্তপ্রসাদের—

বাইরে ছিল সাধুর আকার

মনটা কিন্তু ধম্ম ধোয়া

পুণ্য খাতায় জমা শূন্য

ভগ্নামীতে চারিটি পোয়া।”

তাই হানিফের জীব ফতিমাকে হাত করিয়া কামপ্রবৃত্তি চরিতার্থ করিতে তাঁহার বাধে না। মাথায় তাজ চড়াইয়া—ফতিমাকে ‘তুমি আমাব চন্দো পুরুষ!’—বলিয়া অহুন্নয়-বিনয় করিতে কোন সংস্কারেই আঘাত লাগে না।

১৮৬১ খ্রিষ্টাব্দে :—মধুসূদনের শ্রেষ্ঠ নাটক ‘কৃষ্ণকুমারী নাটক’ রচিত হয়। ইংবেঙ্গী ট্রাজেডির মত ট্রাজেডি-রসের নাটক রচনা বাংলা সাহিত্যে আমদানী করা এখানে মুখ্য উদ্দেশ্য। গৌণভাবে, হিন্দুভারতের গৌরব স্মরণ করা হইয়াছে, বিশেষতঃ—মুসলমান-শাসনাধিকৃত তথা পরাধীন ভারতের দুর্গতির প্রতি দৃষ্টিপাত করা হইয়াছে—রাজার মুখে আক্ষেপ প্রকাশ পাইয়াছে—“এ ভারতভূমির কি আর সে শ্রী আছে! এ দেশের পূর্বকালীন বৃত্তান্ত সকল স্মরণ হ’লে আমরা যে মন্তব্য, কোনমতেই তো এ বিশ্বাস হয় না। জগদীশ্বর যে আমাদের প্রতি কেন এত প্রতিকূল হলেন তা’

বলতে পারিনে। হায়! হায়! যেমন কোন লবণাশু-তরঙ্গ কোন হুমিষ্ট-বারি নদীতে প্রবেশ করে, তার স্তম্ভাদ নষ্ট করে, ও ছুট যবনদলও সেইরূপ এ দেশের সর্বনাশ করেছে। ভগবতি! আমরা কি আর এ আপদ হ'তে কখনও অব্যাহতি পাবো? "(২য় অঙ্ক-১ম গর্তাঙ্ক)" —এই আক্ষেপের মধ্যে তদানীন্তন হিন্দু-সমাজের মনোভাব অনেক পরিমাণে প্রতিকলিত হইয়াছে। সিপাহী বিদ্রোহের মত ঘটনা বাংলার শিক্ষিত হিন্দুদের মনে কেন যে আলোড়ন সৃষ্টি করে নাই, তাহাও এই আক্ষেপ হইতে অনুমান করা যায়। অন্ততঃ মধুসূদনের মনোভাব যে — 'ছুট যবনদল'-বিরোধী এবং মুসলমান-শাসনাধিকার যে তাহার কাছে আপদ — এইরূপ অনুমান অহেতুক নহে। মধুসূদনের হিন্দু সত্তাটি এখানে যেন মাথা তুলিয়া দাড়াইয়াছে — কৃষ্ণকুমার ট্রাজেডির মধ্য দিয়া মধুসূদন মুসলমান-শাসিত হিন্দু-সমাজের ট্রাজেডিকে ও পরোক্ষভাবে রূপ দিতে চেষ্টা করিয়াছেন। এই রূপায়নে নিশ্চয়ই স্বাধীনতাকামনাকে উদ্বোধিত ও সঞ্চারিত করার চেষ্টা প্রকাশ পায় নাই; কারণ মধুসূদনের ব্যক্তি-মানস এ জন্ত প্রস্তুত ও প্রবণায়িত ছিল না। [* মায়া-কানন একখানি রোমান্টিক (কল্প-ঐতিহাসিক) ট্রাজেডি এবং কাহিনী সর্বস্ব নাটক]

এইবার দীনবন্ধুর দিকে দৃষ্টিপাত করা যাক।

১৮৬৩ খ্রীঃ দীনবন্ধুর নাটক 'নীলদর্পণ'। এই নাটকের পরি-তি— অর্থনৈতিক, নীলকর-সাহেবদের অত্যাচার-উৎপীড়নের বিরুদ্ধে প্রজাবর্ণের প্রতিক্রিয়া—বিষয়বস্তুর উপস্থাপনায় নাট্যকারের মনোভঙ্গী খুবই 'সিরিয়ান' ফলে—নাটকখানি রস-পরিণামের দিক দিয়া ট্রাজেডি-গোষ্ঠীর অন্তর্ভুক্ত ট্রাজেডি মধ্যে কোলান্ত-প্রথা যেন প্রচলিত হয় নাই—এই ধারণা লইয়াই ট্রাজেডি-গোষ্ঠী কথাটি লেখা।

এক কথায়, দীনবন্ধুর বিষয়বস্তু-নির্বাচনে, শৈল্পিক চাহিদার পূরণ অপেক্ষা সমস্যা-সমাধানের চেষ্টাই স্পষ্ট। এই নাটকে দীনবন্ধু একজন যুগধান

[আমার ছাত্র অধ্যাপক শ্রীজিত বন্দ্যোপাধ্যায় "কৃষ্ণকুমারী"—সম্বন্ধে বিস্তারিত এবং নতুনভাবে আলোচনা করেছে। এই আলোচনা অবশ্য দ্রষ্টব্য]

শিল্পী। [মহম্মদন প্রত্যক্ষভাবে রাজ-আর্থনৈতিক সমস্যার সন্মুখীন হন নাই]

১৮৬৩ খ্রীঃ—নবীন তপস্বিনী (কমেডি) প্রত্যক্ষত ইহাতে ‘বিজয়-কামিনী’র ‘প্রথম—বিশেষতঃ ‘তপস্বিনী-অবলম্বনে শকুন্তলা-প্রতিষ্ঠিত “ভর্তৃবি-প্রকৃতাপিবোধণতয়া মাম্ম প্রতীপং গমঃ”—নীতি-তত্ত্বটি অর্থাৎ ভারতীয় সাধ্বী-স্ত্রীর ধর্মটি প্রকটিত করা হইয়াছে এবং পরোক্ষত—নাটকে হংসাময়িক (১) ‘বুদ্ধেব তরুণী-বিবাহ’-প্রথা। [বনেব লোভে কখনই মেয়ে প্রবীণ রাজাকে দিতে পাববো না” (২) সপত্নী-বিদ্বেষ, (৩) শাস্ত্রী-পুত্রবধূর বিবাদ (৪) পুরুষেব বহুবিবাহ—স্বগতা, (৫) অধ্যাপক ভট্টাচার্য্যগণের আচরণ ও হস্ত গুরুদেবের মুখতা (৬) মোসাহেব-নিষ্ঠা (৭) সমাজের হৌন্দলকৃত্যকৃত্যদের লাম্পট্যা... প্রভৃতি নানা বিষয় সমালোচিত ও দ্বিকৃত হইয়াছে।

১৮৬৬ খ্রীঃ—বিয়েপাগলা বুড়ো (প্রহসন) নামেই প্রকাশ—বুদ্ধের বিবাহ-বাতিক এখানে উপহাস্য করা হইয়াছে, কিন্তু এই বুদ্ধ কেবল ষাট বছর বয়স নহে—রক্ষণশীল সমাজের ‘মস্তক’,—কলেজে পড়া তাহার কাছে জাত দেওয়া, বিধবা-বিবাহের নাম শুনিলে তিনি ‘মেচোচাটা’ মুখখান খুলিয়া দিয়া গালিগালাজ করেন—বাগান বেচিয়া তিনি দলাদলি করেন,—যাহাকে তাহাকে একঘবে করিয়া রাখেন। এই “বিয়েপাগলা বুড়ো” উপলক্ষ্য হইলেও লক্ষ্য এখানে রক্ষণশীল সমাজের “মস্তক” রাজীব মুখোপাধ্যায়ের মত লোককে সমাজ হইতে বিদায় করা—“যথার্থ কথা বলতে কি রাজীব মুখোজে না মলে দেশের নিস্তার নাহ” —এই সত্যটি প্রচাব করা—(খ) বিধবা-বিবাহের পক্ষে জোরালো ওকালতি করা :—ইন্স্পেকটরের উক্তি—“আপনার ষাট বৎসর বয়সে স্ত্রীবিয়োগ হওয়াতে অধীর হয়ে পুনর্ব্বার দার পরিগ্রহের ক্ষমতা উন্নত হয়েছেন, অতএব আপনার পোণের বৎসর বয়সে বিধবা কন্যা পুনর্ব্বার বিবাহ করিতে ইচ্ছুক কি না বিবেচনা করে দেখুন” এবং প্রথমঅঙ্কের তৃতীয় গর্তাঙ্কে—রাসমণি ও গৌরমণির কথোপকথন—(গৌরমণির

উক্তিগুলি) “আমার এই নবীন বয়স, পূর্ণ যৌবন, ক’ আশা ক’ত বাসনা মনের ভিতর উদয় হচ্ছে…… ভাল পেতে, ভাল পস্কে, ভাল করে সংসারধর্ম ক’তে কাব না। সাধ যায়?”—“বালিকা বিধবাদের ক’ত যাতনা—একাদশীর উপবাসে অঙ্গ জ্বলে যায়—খিদ্রের যদি মবি তবু আর খেতে পাব না। দেখ দিদি এ সব পরমেশ্বর করেননি, মানষে করেচে তিনি যদি ক’তেন তবে আমাদের ক্ষুধা, পিপাসা, আশা, বাসনা স্বামীর সঙ্গে গুহ্য হ’য়ে যেতো”—। “ছোট মেয়েটি কি আর বড় মেয়েটি কি, বিববা বিয়েতে দোষ নাই বিধবা বিবাহ চলে গেলে কেউ বিয়ে করবে, কেউ কববে না …… * সকল দেশে নিম্না বিয়েবরীতি আছে, আমাদের শাস্ত্রে বিববার বিয়ে দেওয়ার মত আছে… ..”—বিধবা বিবাহের পক্ষে এ সকল সমর্থ প্রচার। (গ) রক্ষণশীল সমাজে বক্ষক—ভট্টাচার্য-পণ্ডিতদের ব্যবস্থা দেওয়া সম্পর্কে এক হাতে নেওয়া—(“টাকা পালি তানাবা, গাক খাতি বস্তা দিতি পাবে, মোব দেব বস্তা তো তুচ্ছ কথা”)। সংক্ষেপে ‘বিয়েপাগলা বুড়ো’ বুদ্ধেব বিবাহ বহুবিবাহ, কোলান্ত প্রথা, বিববা বিবাহ বক্ষণশীল সমাজপতি প্রভৃতিব সমালোচনা। অবশুদনেব ‘বুড়ো শালিক’টি “বিয়েপাগলা বুড়ো”ব—মবে। নবকপে বেপা দিয়াছে।

১৯৬৬ খ্রীষ্টাব্দেইদ’নবদূর শ্রষ্টকীর্তি—“সধবার একাদশী” প্রক, ত হম। নাটকখানি একেই কি বলে সভ্যতার’ স্ব-পবিবদ্ধিত সংস্করণ—স্বরাপান মিষাবণী সভার (১৮৬১ রাজনাবাগণ বঙ্গ কর্তৃক মেদনাপুবে স্থাপিত, ১৮৬৭ খ্রি: প্যারীচরণ সবকার কর্তৃক কলকাতায় স্থাপিত) পটভমিকায় ও প্রচাবার্থে লেখা—এবং স্বরাসক্তি ও বেঙ্গাসক্তিব পরিণাম দেখানই ইহার মুখ্য উদ্দেশ্য। ইহাতে মাতালের মান...গণিকারগতি ‘সধবার একাদশী’—ধনিকপুত্রঅটল বিহাবার মতনবাবু ও তাহার সান্তোপাঙ্গ ইয়ায়-বন্ধুনিমটাদ—ভোলা প্রভৃতিক সমাজের চোখের সামনে স্পষ্টাকাবে তুলিয়া বরা হইয়াছে। মুখ ও ধনীর তুলাল খেল, মেধাবী—শিক্ষিত অথচ দরিদ্র নিমটাদ, ঘটরাম ভেপুটি, বামমাণিক্য প্রভৃতি সমাজের বিভিন্নস্তরের মনুষ্যায়ীদের উপর আলোকপাত করা হইয়াছে। বস্তুত:

নিমিটাদের মত শিক্ষিতলোকের পরিণাম, মন্তশানদোষের বিরুদ্ধে নির্বাক প্রচাব। নিমিটাদ যেমন স্বরাপান-নিষাবণী সভার ভণ্ড সদগুণদের তেমন ভণ্ড ব্রাহ্মদেরও একহাতলইয়াছে, তবে তাহার সমালোচনার উদ্দেশ্য সভা ভাঙ্গিয়া-দেওয়া নহে, সভার দুর্বলতা দূব কবা। নাটকে ব্রাহ্মপন্থীদের উচ্চ প্রশংসাও করা হইয়াছে—“তোমরা মাতার মণি, তোমাদের মধ্যে মদও চলে না, বেগুণও চলে না, আর তোমরা একত্র হয়ে পরোপকাব, স্কুল, ডিস্‌পেন্সরি করবের সুযোগ কর। (জীবনচক্রে উক্তি—১ম অঙ্ক ২য় গর্ভাঙ্ক) সধবার একাদশীতে দীনবন্ধু সমাজের নৈতিক সমস্তার বিরুদ্ধে সম্মুখ সংগ্রামে ব্যাপ্ত।

১৮৬৭ খ্রীষ্টাব্দে—“নীলাবতী” প্রকাশিত। এই নাটকে, কৌলীন্ত-প্রথাব পটভূমিতে, শিক্ষিতা কন্যার মনোমত পাত্রের সহিত বিবাহ—নিরিয়্যাস কম্‌মেডি' রূপে উপস্থাপিত হইয়াছে। ইহাতে একদিকে আছে কৌলীন্ত প্রথাব বিরুদ্ধে জোর প্রচার—“কুলান-অকুলীনে সমাজেব বিভাগ পবমেশ্বরের অভিপ্রেত নহে। পবমেশ্বর জীবকে যে যে শ্রেণীতে বিভাগ করেছেন তাহাব পরিবর্তন নাই। কৌলীন্ত পরমেশ্বর দত্ত নহে। ধর্মের সঙ্গে কৌলীন্ত অকৌলীন্তের কিছুমাত্র সংশব নাই।” অন্যদিকে আছে ব্রাহ্মধর্মের পক্ষে প্রচুর প্রশংসা তথা প্রচার। আবার—(হেমচাঁদের মুখে)—গোনা যায, মাতৃভাষার উন্নতির জন্ত আবেদন—“তোমরা মাতৃভাষাকে বড় কর—মাতৃভাষা বড় হলে দেশের দশেব অনেক ভাল হবে। বিধবার বিয়ে হবে...জাতিভেদ উঠে যাবে, বহুবিবাহ বন্ধ হবে,—কুলীনের মিছে মর্যাদা থাকবে না।” অর্থাৎ নাটকের মুখ্য উপস্থাপ্য—প্রেমজ বিবাহের প্রতিষ্ঠা দেখানো, গোণ উদ্দেশ্য—কৌলীন্ত প্রথার বিরুদ্ধে, বিধবা বিবাহের পক্ষে, জাতিভেদ প্রথার বিরুদ্ধে, বহুবিবাহের বিরুদ্ধে এবং ব্রাহ্মধর্মের পক্ষে প্রচার করা।

১৮৭২ খ্রীঃ—“জামাই বারিক।” কৌলীন্ত প্রথা হইতে উৎপন্ন আর একটি প্রথা—“ধনীর বাড়ীতে জামাই পুঁয়িয়ারাখা”র প্রথালইয়া গ্রহনথানি মচিত।

১৮৭৩ খ্রীঃ—শেষ নাটক—‘কমলে-কামিনী নাটক’ (রোমান্টিক কমেডি) রচিত। এই নাটকের রোমান্টিক কাহিনীটি ‘সপত্নী-বিষেপ’-এর ভিত্তির (দ্বিতীয় রাণীর ঈর্ষার) উপর দাঁড়াইয়া আছে বটে কিন্তু নাটকের মুখ্য উদ্দেশ্য রোমাঞ্চকর পরিস্থিতির সাহায্যে চমক প্রদ প্রেমকাহিনী রচনা করা তথা তদানীন্তন বহিমুখী রোমাঞ্চ সাহিত্যের আবহাওয়ায় আপন শৈল্পিক অধিকার প্রতিষ্ঠা করা।

এইবার আমরা দীনবন্ধুর অভিযোজন-বৈশিষ্ট্য-সম্বন্ধে সিদ্ধান্ত করিতে পারি—বলিতে পারি যে দীনবন্ধু তাঁহার নাট্য-রচনায়—প্রধানতঃ পরিবেশের প্রত্যক্ষ সমস্তা সমূহের সম্মুখীন হইতে চেষ্টা করিয়াছেন। মধুসূদনের অভিযোজন—(প্রহসন ছাড়া) যেখানে প্রধানতঃ শৈল্পিক, দীনবন্ধুর অভিযোজনে সেখানে প্রধানতঃ—সামাজিক অর্থাৎ রাজ-স্বার্থমৈত্রিক ও সামাজিক সমস্তা কেন্দ্রিক। অভিযোজনের দিক দিয়া দেখিতে গেলে, দেখা যায় দীনবন্ধু—তখনকার প্রত্যেকটি প্রগতি আন্দোলনের অকপট এবং নির্ভীক সমর্থক। এইবার রূপায়ন বা নাট্যকার-প্রতিভা সম্বন্ধে আলোচনা করা যাক।

দীনবন্ধুর “নাট্যকার-প্রতিভা”

‘নাট্যকার প্রতিভা’র স্বরূপ নির্ধারণ না করিয়া, বিশেষ কোন নাট্যকারের প্রতিভার মাত্রা পরিমাপ করা সম্ভব নহে। প্রতিভা ছোটকি বড় তাহা তখনই বিশেষভাবে পরিমাপ করা যায় যখন প্রতিভার সাধারণ ও বিশেষ সব লক্ষণ সম্বন্ধেই স্পষ্ট চেতনা থাকে। শিল্পের সাধারণ লক্ষণ, আমরা ক্রোচের বা রবীন্দ্রনাথের ভাষায় বলিতে পারি—Art is expression,—“প্রকাশই কবিত্ব” এবং এ কথাও বলিতে পারি—শিল্পীর দক্ষতা বা প্রতিভা—ভাবের বা জীবনের চিত্তাকর্ষক রস-রূপ সৃষ্টিতে অর্থাৎ যে শিল্পী যত গভীরভাবে ও যথাযথভাবে জীবনকে প্রকাশ করিতে পারেন তিনি তত দক্ষ শিল্পী। সাহিত্য-শিল্পের এই সাধারণ লক্ষণ সর্বত্র প্রযোজ্য বটে, কিন্তু, যেহেতু সাহিত্য শিল্পের মধ্যে বিশেষ বিশেষ প্রজাতি (species) আছে এবং প্রত্যেক প্রজাতি সামান্ত্র লক্ষণে

এক হইলেও বিশেষ লক্ষণে পৃথক, নাট্য, সাহিত্য-শিল্পের বিশেষ একটি প্রজাতি—ইহা জীবন-সত্যকে বিশিষ্ট রীতিতে (দৃশ্য) রস-রূপ দান করে, সেইহেতু নাট্যকার প্রতিভা সাধারণতঃ সাহিত্যিক প্রতিভা হইলেও, বিশেষতঃ দৃশ্য-রীতিক কাব্য সৃষ্টির প্রতিভা—দৃশ্য রীতিক উপস্থাপনার বিধি-নিষেধ—সচেতন এবং দোষ-গুণাভিজ্ঞ প্রতিভা। দেখা গিয়াছে, বড় কবি হইলেও বড় নাট্যকাব্য হওয়া সম্ভব হয় নাই। আমরা জানি—বায়রন, শেলি প্রমুখ বড় কবিরা নাটক লিখিতে গিয়া সফল হন নাই। উচুদরের কবিতা লিখিতে পারিলেই উচুদরেব নাটক লেখা যায় না—টি. এস. এলিয়ট, আমাদের রবীন্দ্রনাথ তাহার আধুনিক দৃষ্টান্ত।

সুতরাং নাট্যকার-প্রতিভা শুধুমাত্র প্রকাশ-দক্ষতা নহে—বিশেষ ধরনের প্রতিভা—জীবনের বাস্তবিক প্রত্যক্ষ রূপ সৃষ্টি করিবার প্রতিভা—জীবনের উপলব্ধিকে একাধারে দৃশ্য বাস্তবিকরূপ ও চিত্রাকর্ষক কবিবার প্রতিভা অর্থাৎ নাট্যকীয় প্রতিভা—উপস্থাপনা বিষয়কে সন্ধি-বিভক্ত একটি কাহিনীতে রূপ দেওয়া, কাহিনীতে স্তানস্কাচিৎ ঘটনা বা পৰিস্থিতি কল্পনা কব' এবং সেই পরিণতিতর পটভূমিতে মাসককে প্রধানভাবে, পাত্র-পাত্রীকে আত্মমুগ্ধক হিসাবে দাও কবাইয়া—সমুচিত আবেগ সংলাপ ও ক্রিয়ার মধ্য দিয়া চরিত্র ও বস অভিযুক্ত কবা তথা সব কিছুর মধ্য দিয়া মূখ্য উদ্দেশ্যটি সিদ্ধ কবার—প্রতিভা। নাট্যকার প্রতিভাকে বড়ো বলিয়া তখনই ম্যাদ দেওয়া উচিত, যখন নাট্যকাবের সৃষ্টি সর্বতোভাবে অর্থাৎ রূপে ও রসে অনবদ্য হইয়া উঠে। অনেকক্ষেত্রে স্রষ্টা বড় না হইয়াও, মিথ্যা মায়া দ্বারা আমাদের ভ্রান্তিঃ পারেন এবং অংশের প্রতি আকৃষ্ট করিয়া বাগিয়া 'সমগ্র'-এব হিয়া ভ্রান্তিয়া দিও পারেন। তাহারা এই 'সমগ্রের পরিকল্পনা'গত হ্রস্বলতানানা ভাবে ঢাকিবার চেষ্টা করেন—পাত্র-পাত্রীর মুখে বড় বড় কথা দিয়া কল্পনাশক্তি অর্থাৎ উপমা-উৎপ্রেক্ষাদির বাহার দেখাইয়া সংলাপে বক্তোক্তি'রেষ প্রভৃতির চটক দেখাইয়া, চরিত্র-চিত্রণে বাস্তবিকতার মায়া সৃষ্টি করিয়া অথবা অস্বাভাবিকতার (abnormality) দ্বারা কোতুল উদ্দীপিত

ইহারা রূপ-পরিপাট্যের এবং রস-গভীরতার ক্রটি চাকিতে চেষ্টা কবেন। এ সম্পর্কে এরিস্টটলের টীকাটি অরণীয়—“novices in the art attain to finish of diction and precision of portraiture before they can construct the plot” (Poetics vi)। বাস্তবিক যে শ্রেষ্টার ‘অথগু-দৃষ্টি’ যত স্বচ্ছ—গণ্ডে-নিভক অথগু রূপটির দারণা যত সঙ্গতিময় ও যথাযথ সেই শ্রেষ্টা তত বড় প্রতিভাব অধিকারী। বড় প্রতিভাব মনো—সদা জাগ্রত। ঔচিত্যোপাধি, অনিমেয় মাত্রা-১০০০, ব্যাপক কাস্তুদর্শিতা, গভীর সহনশক্তি (power of identification) ও রসাত্ত্বভিত্তিক-একত্র সমাবেশ অবশ্যস্তাব্য।

বড় নাট্যকার হওয়ার ক্ষেত্রে শুধু ভাববে কল্পনা-পরিপাট্য নয়—বিস্মারকবিদ্যার শক্তিও যথেষ্ট নহে, শুধু চমৎকার পরিপাট্য ও কাহিনী কল্পনার শক্তি যথেষ্ট নহে, শুধু চরিত্র-বিশ্লেষণের গভীর দক্ষতা ও চরিত্রের জ্ঞান যথেষ্ট নহে, শুধু গল্পপেব অথগোপন ও সাদৃশ্যতা ও চমৎকারিত্ব যথেষ্ট নহে, বড় নাট্য-প্রতিভা তাহাবই যিনি এত সব গণ্ডের বিশেষ উৎকর্ষের প্রয়োজনীয় দক্ষতা বটেই, অবিকল্প যিনি সহস্র মাধ্যমে যাব দ্বারা সঙ্গ উপকরণকে একত্র মনো-সঙ্গতিময় রূপে রূপ-পরিপাট্যের দ্বারা চরিত্র সঙ্গ-।

উল্লিখিত সিদ্ধান্ত নমুনে পান্ডিত্য প্রদান এবং এখান দীনবন্ধু নাট্য-প্রতিভা পাবমাপ কবিত্তে অগ্রসর হইতে পারেন। দীনবন্ধু প্রতিভাসক প্রথম যিনি বিশ্লেষণ কবিত্তে চেষ্টা কাংসাচেন—‘কখন আব কেহ নাগেন, তদন্তে’ বাৎসব শ্রেষ্ঠ মনোবী এবং শ্রেষ্ঠ প্রেমী এবং সমালোচক—স্বাক্ষর। স্বাক্ষরচক্রেব পরে অনেক দীনবন্ধু প্রতিভা সহজে এখা কম আশাচনা কবিগোচর এবং প্রায় সকলেই স্বাক্ষরচক্রে অগ্রসর করিগোচর। একদিকে স্বাক্ষরচক্রে আলোচনা অর্থাৎ সম্প্রতি প্রকাশিত ভাঃ শ্রীলক্ষ্মণের দে মহাশয়ের “দীনবন্ধু মিত্র” (শব্দচক্রে-বক্তৃতা) গ্রন্থ দীনবন্ধু-প্রতিভা বিশ্লেষণে—৩ই পান। মাঝখানে আছেন—কবি-সমালোচক মোহিতলাল, শ্রীলক্ষ্মণের ইতিহাস

লেখক শ্রেণী এবং বাংলা নাটকের ইতিহাস-লেখক শ্রেণী—[শ্রীমুকুমার সেন, শ্রীহেমেন্দ্রনাথ দাশগুপ্ত, শ্রীমন্নথমোহন বসু, শ্রীঅজিত কুমার ঘোষ শ্রীআশুতোষ ভট্টাচার্য প্রমুখ সমালোচক ।]

বঙ্কিমচন্দ্র দীনবন্ধু-প্রতিভায় দুইটি প্রধান বৈশিষ্ট্য লক্ষ্য করিয়াছেন— এক—‘অলৌকিক সমাজজ্ঞতা—বিস্ময়কর সামাজিক অভিজ্ঞতা, দুই—তঁার দীনবন্ধুর প্রতিভা-মহানুভূতি তিন—কল্পনাশক্তির অভাব। অন্য বৈশিষ্ট্য বিলম্বেষণে বঙ্কিমচন্দ্র বাকপটুত্ব ও রসিকতা—গম্ভীর প্রিয়তা। ব্যাপক অভিজ্ঞতার ফলে—পাত্রপাত্রীর আচার-বিচার, হাব-ভাব প্রভৃতিতে বাস্তবিকতা, মহানুভূতির ফলে—“যাহার চরিত্র আঁকিতে বসিয়াছেন, তাহার সমুদয় অংশই তাঁহার কলমের অগায় আদিয়া পড়িত। কিছু বাদ দাদ দিবস তাহার শক্তি ছিল না, কেন না তিনি মহানুভূতির অধীন, মহানুভূতি তাঁহাব অধীন নহে।.....

উহার পর সর্বাপেক্ষা উল্লেখযোগ্য—* কবি-সমালোচক মোহিতলাল মজুমদার মহাশয়ের ‘দীনবন্ধু’-প্রবন্ধটি (১৩৩৮, পৌষ, প্রকাশিত), কাবণ এই প্রবন্ধটিও পরবর্তী সমালোচনাকে নানাভাবে প্রভাবিত করিয়াছে। সমালোচকের সিদ্ধান্তরাজি সংক্ষেপে লেখা যাইতেছে—

(১) “দীনবন্ধু সেকালের হইলেও চিবকালের বাঙ্গালী”

(২) “তাঁহার দৃষ্টি, প্রত্যক্ষের অন্তরালে যে পরোক্ষ আছে তাহা সেদ করিতে চাহে নাই, যাহার সঙ্গে প্রাণ-মনের সম্পর্ক অব্যবহিত যাহা বাস্তবের বিকাশভঙ্গিমাতেই, অতি উচ্চ ভাবুকতা ও কল্পনাব্যতিরেকেই এসম্পৃক্ত হইয়া উঠে, তিনি ছিলেন সেই জীবনের যুগ্ম-উপাসক”

(৩) “জীবনকে বর্ণনীয় না করিয়া তাহাকে দর্শনীয় করিবার আবেগেই নাটকের সৃষ্টি হয়। এ আবেগের মূল—কল্পনার objectivity, বাহিরের নিকট আত্মসমর্পণ—আত্মগত ব্রহ্মকল্পনায় বস্তুসকলকে মণ্ডিত না করিয়া, বস্তুসকলের

রস-সত্তায় আপনাকে বিলাইয়া দেওয়া কল্পনার এই objectivity, উৎকৃষ্ট নাটকীয় প্রতিভার লক্ষণ আমাদের সাহিত্যে অল্পই প্রকাশ পাইয়াছে—সেই অল্পের মধ্যে দীনবন্ধুর প্রতিভাই আমাদের শ্রেষ্ঠ সম্পদ”

(২) “পরকায়-প্রবেশের মত প্রবেশ করিবার শক্তি”—অনন্তললিত
(বঙ্কিমের ‘সহানুভূতির’ যুক্তি)

(৫) দীনবন্ধুর স্বভাব-প্রেরণা, ট্রাজেডি বা অতি উচ্চ ভাবকল্পনা, বিরোধী”।

(৬) যে “উৎকৃষ্ট হু আ উৎকৃষ্ট ক’ব্যকল্পনার মতই দলভ, (কারণ উভয়ে) মধ্যেই জগৎ ও জীবনকে গভীরভাবে দেখিবার শক্তি আছে), দীনবন্ধু সেই হিটমার বসের রসিক। “এই হানুমানই দীনবন্ধুর প্রতিভার মূল প্রেরণা।”

(৭) প্রতিভায়—কৌতুক প্রাণের অসংখ্য, নমনীয় নমনীয় প্রভাব
“তাঁই আমবা একটা আশ্রয় পাই। আমরা আজীবী আস্ত নিমটাদ দেখিতে পাই। কটন মুখ রঙ্গ কামিনে । ন ছাড়া গোপন, কটা আতরা, ভাঙ নি টাদ আমবা পাঃ তাম।” এই স্তম্ভী প্রেরণা করিয়া বঙ্কিম দীনবন্ধুর দোষ-ক্রটিগুলিও ব্যাখ্যা করিতে চেষ্টা করিয়াছেন। দীনবন্ধুর—গ্রাম্যতা বা অল্পীলতা এই সহানুভূতিরই ফলন। —“দীনবন্ধুর কাঁচর দোষ তাঁহার ইচ্ছায় ঘটে নাঃ তাঁহার তাঁর সহানুভূতির গুণেই জন্মিয়াছে ” আবার যেখানে চরিত্র ভাষায় খাটে ও অখ্যাভাবিক হইয়াছে, তাহার কারণও, বঙ্কিমের মতে—(ক) অভিজ্ঞতার বা ‘জীবন্ত আদর্শের’ অভাব—এবং কাজে কাজেই সর্বব্যাপী সহানুভূতির অভাব (খ) জীবন্ত আদর্শ পরিত্যাগ কাবয়া পুণ্ডরিক ও আদর্শ অবলম্বন ।”

বঙ্কিমচন্দ্রের এই দুর্বলত্বগুলিই খুবই অন্তর্দর্শী। তিনি যে সূত্র আবিষ্কার করিয়াছেন তাহা দীনবন্ধুর গুণ-দোষ উভয়কেই স্বন্দরভাবে ব্যাখ্যা করিয়াছে।

* অজ্ঞেয় সমালোচক ডাঃ শ্রীসুকুমার সেন মহাশয় বঙ্কিমচন্দ্রের মোহিতলাল্য

সমালোচনার সহিত কিছু কিছু যোগ-বিয়োগ করিয়া দীনবন্ধুর প্রতিভা সম্বন্ধে সিদ্ধান্তে পৌঁছিয়াছেন। তাঁহার প্রথম বক্তব্য এই—(ক) ডাঃ সুকুমার সেন “দীনবন্ধুর অভিজ্ঞতা বিচিত্র হইলেও গভীর ও মহাশয়ের মস্তব্য বিরাট ছিল না এবং মানব জীবনের মূল সমস্যাগুলির অপেক্ষা তুচ্ছ ও অজ্ঞাত জীবনের ক্ষুদ্র ক্ষুদ্র স্থখদুঃখের প্রতি তাঁহার আকর্ষণ স্বাভাবিক ও প্রবল ছিল” * দ্বিতীয় বক্তব্য—“বঙ্কিমচন্দ্র ঠিকই বলিয়াছেন যে দীনবন্ধুর সহানুভূতি যত প্রবল ছিল কল্পনাশক্তি তত প্রখর ছিল না।” * তৃতীয় বক্তব্য—“দীনবন্ধুর নাটকে অবাস্তব আখ্যানের প্রাধান্য ও প্রাচুর্যের জন্য মূল পট সর্বদাই কৃত্রিম এবং অন্তর্জাল”, * চতুর্থ বক্তব্য—“যথার্থ নাট্যকারের প্রতিভা দীনবন্ধুর ছিল না, তাঁহার মধ্যে ছিল স্থগ্ন ঔপন্যাসিক-প্রতিভা”। [এই শেষোক্ত মন্তব্যটির জন্য ডাঃ সুশীলকুমার দে মহাশয় ‘উক্ত সমালোচকের প্রতি তীব্র কটাক্ষ করিয়া লিখিয়াছেন—“দীনবন্ধুর নাট্যপ্রতিভা ছিল কি না তাহার সবিস্তার আলোচনা আমরা পরে করিব, কিন্তু তাঁহার যে ঔপন্যাসিক প্রতিভা ছিল না, তাহাব সাক্ষ্য দিতেছে তাঁহার দুইটি গল্প রচনাব্যর্থ চেষ্টা।]

সমালোচক অধ্যাপক ঘোষ দীনবন্ধুর প্রতিভা বিশ্লেষণে বেশ স্বকীয়তার পরিচয় দিয়াছেন। প্রথমতঃ তিনি স্পষ্ট করিয়া এই কথাটি বলিয়াছেন যে দীনবন্ধুর প্রতিভা ‘গভীর ভাবাত্মক’ নাটকের উপযোগী ছিল না, দ্বিতীয়তঃ—তিনি বঙ্কিমচন্দ্রকে সমালোচনা করিতে ইতস্তত করেন নাই এবং বলিতে চাহিয়াছেন যে দীনবন্ধুর অনেক চরিত্র প্রাণহীন ও কৃত্রিম হইয়াছে, তাহার কারণ—অভিজ্ঞতাব অভাব নহে—“নাটকীয় কলা-কৌশলের দৈহিক”; তৃতীয়তঃ দীনবন্ধুর নাটক—অপ্রাকৃত ও প্রাণহীন ... আতিশয্য দোষদুষ্ট। [অজিতবাবু বঙ্কিমের—“পুস্তকগত আদর্শ অবলম্বন—” এই যুক্তিটুকু উপেক্ষা করিয়াছেন]

ডাঃ শ্রীহর্শীলকুমার দে মহাশয় (‘‘দীনবন্ধু মিত্র’’-গ্রন্থে) দীনবন্ধু প্রতিভার বৈশিষ্ট্য সম্বন্ধে পরিপাটি আলোচনা করিবার ডাঃ দে মহাশয়ের চেষ্টা করিয়াছেন এবং প্রাচীন ও আধুনিক অনেক মতের আলোচনা সমালোচনা করিয়া, তিনি দীনবন্ধুর প্রাপ্য মর্যাদা উদ্ধার মাঘ—১৩৪৮ করিতে প্রশংসনীর অব্যবহায় দেখাইয়াছেন। তাঁহার সিদ্ধান্ত এই :—

(১) দীনবন্ধু প্রতিভা বাহুমুখী বাস্তব তত্ত্ব

২) দীনবন্ধু প্রাণে-মনে খাঁটি বাঙালী ছিলেন...মানস প্রকৃতি ছিল—বাঙালীর ; নিচল নান্দ্যব ও সংস্কৃতি দিয়া গঠিত প্রকাশভঙ্গী ছিল বাঙালীর নিজস্ব পদ্ধতি, বাঙালীর দৈনন্দিন সহজ ভাষা, যাহা কেবল অভিজাত নয় মাঠে-ঘাটে হাতে-বাগারে অন্তঃপুরেও বোধগম্য।

ব্যাপক জীবনদৃষ্টি—

(৩) অভিজ্ঞতা ছিল ব্যাপক ও বিচিত্র (বন্ধিমের—বিচিত্র সামাজিক অভিজ্ঞতা)

(৪) সমবেদনা—সহজাত রসবোধ এবং অনুভূত বিষয়ের মধ্যে আত্ম-বিলোপ করিবার শক্তি ছিল খেঁচ নাট্যকারের উপযুক্ত (বন্ধিমের—সংস্খৃতি)

(৫) গ্রাম্যতা বা অগ্নীলতা তাহা দুর্নীতি বা ঘাটের অগ্নীলতা নয় চরিত্রের অপরিহার্য বৈশিষ্ট্য ‘মোহিতলালের যুক্তি)

৬) ভাষাগত অতিদোষ আছে, কারণ :—

(ক) কাব্যসম্মত বা শিষ্ট চারত্রগুলি সম্বন্ধে তাঁহার অনুভূতি সেরূপ স্পষ্ট বা তীক্ষ্ণ ছিল না। সহজগত গল্পের আখ্যানের গুরুগম্ভীর সাধুভাষার প্রয়োগ করিয়াছেন।

(খ) সাধুভাষা সম্বন্ধে দীনবন্ধু প্রচলিত প্রথা ও কালের প্রভাব সম্পূর্ণ অতিক্রম করিতে পারেন নাই।

(গ) সাময়িক রোমান্স—‘‘তাই যেখানে বাস্তব ছাড়িয়া দীনবন্ধু

ভাবুকতার আশ্রয় লইয়াছেন, অথবা নূতন রোমান্টিক সাহিত্যের প্রবোচনায় পুস্তকগত আদর্শের বশীভূত হইয়াছেন সেখানে তাঁহার চিত্র, ভাব ও ভাষার অতিদোষে, স্বভাবসঙ্গত হয় নাই। (বঙ্গিমের স্মৃতিটি পবিবর্জিত)
‘যেখানে রোমান্স ও বাস্তবের সংঘর্ষ হইয়াছে সেখানে তাহার সহজাত বস-
বোধও তাঁহা-র ভাবাবেশের আতিশয্য হইতে রক্ষা কবিবে পাবে নাই।’

(৭) শাস্ত্রবাহিত ছিল দীনবন্ধুর প্রতিভার স্বতন্ত্র বৈশিষ্ট্য,

দীনবন্ধু-প্রতিভার বিশ্লেষণ অক্ষয় করিবে দেখা যায়—বঙ্গিমচন্দ্রের সমালো-
চনাই সকলের আলোচনাকে আভ্যন্তরীণ করিয়া দিতে করিয়াছে এবং এ কথাটিও
বলা যায় যে বঙ্গিমচন্দ্রের স্মৃতিগুলি আজও এক সময়ে অকাটা হইবার আছে।
বঙ্গিমকে যাঁরা সমালোচনা করিয়াছেন তাঁরাও স্বীকার করেন যে একটি স্মৃতিকে
এক কবিতা দেখেন নাই। দখিলেই দেখিতে পারেন যে—বঙ্গিমচন্দ্র অংক-
নগের অবকাশ বাখেন নাই। আউট ও ইনসাইড চরিত্র কোন দেখা দিবাছে
তাহা ব্যাখ্যা করিতে শিখা বঙ্গিম যেমন আভ্যন্তরীণ বা জীবন্ত আদর্শের
অভাবের খুঁজি—সব ব্যাপি। সত্যজুড়তি অভ্যন্তরীণ মুখ, উপাত্তত কারিবাছেন
তেমনি “জীবন্ত আদর্শ” বাবা ন বড় সত্যজুড়তি কাহ বাবতে
পারে নাই—এব পুস্তকগত আদর্শ অবলম্বনই যে তাহার কাবণ একথাটিও
বলিয়াছেন। আস কথা এ যে বঙ্গিম-সাহিত্যে সাহিত্য—দীনবন্ধুর
সমবেদনাব শক্তি (power of identification) তাই কিন্তু অভিজ্ঞতা বা
জীবন্ত-আদর্শ যেখানে নাই সেখানে তাহা কাহ কারে পাবে নাই, আবার
অনেকক্ষেত্রে অভিজ্ঞতা বাক্য মধ্যেও অল্প একটি পঙ্ক্তি—প্রথা বা পুস্তকগত
আদর্শ অল্পসংখ্যের প্রবণতা সহায়ত্ব তব সহজ ক্রিয়া প্রাপ্য কবিতা দেখাছে।
তারপর দীনবন্ধুতে কল্পনা-শক্তির দৈবত্ব যে আছে এ কথাটি বিনোদিতও তিনি
কার্পণ্য করেন নাই।

বঙ্গিমের বিশ্লেষণ হইতেই এইটুকু স্পষ্টভাবেও প্রতিভাত হইয়াছে যে
দীনবন্ধুর প্রতিভা প্রথম জ্ঞেয় প্রতিভা নহে—‘জীবন্ত আদর্শ’ সম্মুখে না
থাকিলে সহায়ত্ব তাহার কাজ কবে না, যিনি কল্পনা-বলে ‘রূপোচ্চয়ন

মনসা-রুত মূল্যিতে প্রাণ প্রতিষ্ঠা করতে পাবেন না, যিনি সহজ রসবোধের দৃঢ়তা ছাড়া প্রখার প্রলোভনকে জয় করিতে পারেন না, রস-দৃষ্টি মূঢ়তার আশঙ্ক অতন্ত্র বা মদ্যজাগ্রত নহে, তাঁহাকে নিশ্চয়ই আমরা প্রথম শ্রেণীর প্রতিভার অধিকারী বলিতে পারি না।

যাগা গোড়াতেই মনে রাখা দরকার যে সকল বর্ণভাই সমস্যাটা হইতে পাৰেন না। ট্যাগেটি এবং কমেডি বস্তু বা সমান চিহ্নই, এমন প্রতিভা খুব অল্পই আছে। কবি-মানসের প্রকৃতি, নানো ভঙ্গীর বৈশিষ্ট্য, প'রবেশের নিয়ন্ত্রণ ও চাঞ্চল্য এসা বাগান বিবেচ্য প্রকার বিস্তারিত বিষয় থাকে। দেখা যায়—কেও কমেডি-সৃষ্টিতে, কেও বা ট্যাগেটি সৃষ্টিতে মনঃ অধিকার ও দক্ষতা দেখাওঁতা থাকেন। কবিদের দৃষ্টিতে কমেডি দানবের মনঃ-প্রকৃতি কমেডি-সৃষ্টিতে অন্তর্ভুক্ত, ট্যাগেটিতে, চরিত্র ও প্রসঙ্গের আঁক-প্রশমন বা হাস্যরসের সূত্র জড়িয়ে পড়া কমেডি। কিন্তু এটা, প্রবাসী, 'সিবি'র কমেডি'র দৃষ্টি-পুঙ্খবিশীল বসের জন্ত ও বলা সঙ্গতিতে মনে যখানে কোথাক, যেখানে বসিকণা, যেখানে তাই বসে পড়ে পড়ে, তাই দমনবন্ধু যেন 'ঘবে হুনে'। দমনবন্ধু এক নাশক হাস্যবসিক। শুধু স্থলীকৃতি হইতে তিনি বসটাকে ছাড়ে। তাকে পাবে, তাই আছে - যখন চোখে বসের গভীর কেন্দ্রে হাস্যবসি শিশি আছে, সেখানে হইতে তিনি 'কমেডি' ফাঁমি-বাষ্পমাব্যাস—হাসটাকে টানিয়া বাহির করিয়া পাবেন। হাস্যবসের ক্ষেত্রে মাণিক্য। তাই তা খুঁজি বসটাকে—এটা অস্বাভাবিক স্পর্শকাতরতা বোধ মাত্র। বোধকে সর্বাঙ্গিত কাঁববাছে।

কিন্তু মাশ্বেয্যেব কবী, গুরুগণ্যেব বসস্থষ্টিব ক্ষেত্রে নাট্যকারেব বীণ্যেব পথে
অন্তবাব হ'বাবে।—এই মাত্র' বোধেবই তথা ঔচিত্যজ্ঞানেবই অ'ব। একথা
মত। নহে যে নাট্যকার ভ্যানক বা করণ পারিস্থিতি সৃষ্টি কবতে পারে ন না বা
সেই পবিস্থিতি-উপযোগী অমু'ব-সঞ্চারি'ব সৃষ্টি কবিতে একেবারেই 'অক্ষম'
—অন্ততঃ নালদর্পণ-নাটকের কয়েকটি দৃশ্বে যে নাট্যকারের সেই শক্তির পরিচয়

আছে তাহা সত্য—কিন্তু যে কারণে করুণ দৃশ্যগুলি বিলাপ-প্রলাপের অতিশয়ো-
অবাস্তব হইয়া উঠিয়াছে তাহা এই মাত্রাজ্ঞানেরই অভাব।

শোকরূপ স্থায়ীভাবে অল্পভাব-সঞ্চারিভাব উপলব্ধির ক্ষমতা দীনবন্ধুর একেবারে
ছিল না একথা সত্য নহে—সাবিত্রীর উন্নততা পারকল্পনা করার মধ্যে এবং সেই
অবস্থাটি ব্যক্ত করার মধ্যে নাট্যকারের রসাত্মকপ্রবেশের ক্ষমতা অবশ্যই প্রকাশ
পাইয়াছে, কিন্তু এ কথাটি অবশ্যই স্বীকার্য যে দীনবন্ধু করুণরস প্রভৃতি গম্ভীর
রস সৃষ্টিতে সাধকের ভাব-সমাধির অবস্থায় পৌঁছিতে পারেন নাই এবং করুণ-
রস সৃষ্টির কালে, স্রষ্টার প্রধান গুণ—মাত্রাবোধটিই হারাইয়া ফেলিয়াছেন, ফল
চরিত্র ভাবে ও ভাষায় অল্পচিত্রিত ও অপ্রকৃত হইয়া পড়িয়াছে। * এখানেই
মধুসূদনের সহিত দীনবন্ধুর একটা বড় পাথক্য চোখে পড়ে। মধুসূদনের নাটকে
আর যাহাই থাক আর না থাক—ভাষাপ্রয়োগে একটি প্রশংসনীয় মাত্রা চেতনা
লক্ষ্য করা যায়—যেখানে মধুসূদন সংলাপে নিয়মিতভাবে কথ্য ভাষার ক্রিয়াক্রম
ব্যবহার করিয়া খানিক পরিমাণে বাস্তবিকতার আবহাওয়া সৃষ্টি করতে সক্ষম
হইয়াছেন তথা সংলাপকে অন্ততঃ রীতির দিক দিয়া কৃত্রিমতামুক্ত করিতে চেষ্টা
করিয়াছেন, দীনবন্ধু সেখানে মারাত্মক দুর্বলতা দেখাইয়াছেন—লেখ্য
ক্রিয়াক্রম ব্যবহার করিয়া অনেক স্থলে সংলাপকে অতিকৃত্রিম করিয়া
তুলিয়াছেন। এত ক্ষীণ মাত্রা-চেতনা প্রতিভার পক্ষে খুবই বড় কলঙ্ক।
সর্বব্যাপী মাত্রাবোধ, সহজসতর্কতা বড় প্রতিভার স্বভাবধর্ম। দীনবন্ধুর মধ্যে
এই ধর্মটির অভাব বেদনাঙ্গায়ক মাত্রায় দেখা যায়। এই দিক দিয়া, মধুসূদনের
প্রতিভা দীনবন্ধুর প্রতিভা অপেক্ষা আরো বড়। গুরুগম্ভীর রসের গভীরতায়
ডুবিয়া যাইবার ক্ষমতা—এবং গভীরতায় পৌঁছিয়া—উচিত্য ও মাত্রা, কল্পনার
objectivity” (মৌহিতলাল) বজায় রাখিবার ক্ষমতা, দীনবন্ধুর অপেক্ষা
মধুসূদনের বেশী। তবে এ কথাও সঙ্গে সঙ্গে বলা দরকার যে, দীনবন্ধুর মাত্রা
বোধের, কল্পনাশক্তির এবং ‘হৃদিরত্নাকরের অগাধ জলে, ডুবিবার ক্ষমতার
বতকটাই থাক একটি বিষয়ে দীনবন্ধু মধুসূদনকে ছাড়াইয়া গিয়াছেন এবং

এই বিষয়টি হইতেছে অভিজ্ঞাত চরিত্রকে সহানুভূতি বলে তাজা একটি রক্ত-মাংসের ব্যক্তিতে পরিণত করা—হাবভাণ ভাষায় একটি আস্ত চরিত্রে সৃষ্টি করা, অর্থাৎ যেখানে দীনবন্ধুর সহানুভূতি অব্যাহতভাবে কাজ করিতে পারিয়াছে সেখানে দীনবন্ধু যেন খানিকটা তাজা জীবনকেই তুলিয়া ধরিয়াছেন। এই সকল তাজা প্রাণের টাটকা রসের আশ্বাদ দীনবন্ধুর নাটকের অন্ততম বিলম্বণ আকর্ষণ। আর এক আকর্ষণ—দীনবন্ধুর ‘কমিক’ চরিত্রগুলির সংলাপ ও রসিকতার বৈচিত্র্য। নাটকে শুধু সংলাপকেই যে ক্রিয়া-শক্তির (action) প্রধান উপায় হিসাবে ব্যবহার করা যায়, সংলাপকে নাটকের প্রাণ-শক্তির কেন্দ্র করিয়া তুলি যাহা চলার প্রথম ও সূক্ষ্ম নিদর্শন পাওয়া যায়—দীনবন্ধুর নাটকেই। আসলে, বড় প্রতিভার সাধারণ মাল-মসলা দীনবন্ধুতে বেশী কম প্রায় সবই আছে কিন্তু যাহার অভাবে বড় ট্রাজেডি বা মিরহাস-কমেডি তিনি রচনা করিতে পারেন নাই তাহাও প্রয়োগ-নৈপুণ্যের অভাব—বড় শিল্পী-স্বলভ সহজাত মাত্রাবোধের অভাব। বাস্তবিক দীনবন্ধুর নাট্যকার-প্রতিভা সম্বন্ধে এক কথায় সিদ্ধান্ত করিতে যাওয়া নিরাপদ নহে। নাট্যকারের অভিজ্ঞতা ব্যাপক এ কথা যেমন সত্য, আবার অভিজ্ঞতা খুব ব্যাপক নহে ইহাও প্রমাণ করা যায়। সহানুভূতি গ্রীষ্ম—ইহা যেমন সত্য, অংশ সহানুভূতির গভাব আছে তাহাও সত্য, কল্পনার—objectivity আছে ইহা যেমন দেখান যায় আবার ইহাও দেখান যায়—বাস্তব তন্ময়তা অনেক ক্ষেত্রেই নাই। ভবে-ভাষায় আস্ত চরিত্র সৃষ্টির ক্ষমতা—অসাধারণ—এ কথা যেমন বলা যায়, তেমনি এ কথাও বলা যায় অনেক চরিত্র শুধু শাবগত ও ভাষাগত কৃত্রিমতার জন্তই নষ্ট হইয়া গিয়াছে। তারপর রস-সৃষ্টির ব্যাপারেও, দীনবন্ধু দুই এক ক্ষেত্রে যেমন খুবই দক্ষতা দেখাইয়াছেন, তেমনি অনেক স্থলেই শোচনীয় দুর্বলতার পরিচয় দিয়াছেন। এই কারণেই দীনবন্ধুর নাট্যকার-প্রতিভা সম্বন্ধে এক কথায় রায় দেওয়া যায় না।

তবে, একটুকু অবশ্যই বলা যায় যে দীনবন্ধু প্রথম শ্রেণীর সব্যসাচী

নীলদর্পণ নাটক নাট্যকার নিম্নলিখিত বিষয়টি প্রতিকলিত করিতে চেষ্টা করিয়াছেন—

(ক) প্রচার ধন-প্রাণ নানের প্রতি নীলকব মাতৃদেবের চরম অভিচারের কপ—গোয়ে-গাঁ ছাবথার করিয়া দেওয়াব প্রতিবাদ (২) যে ইংবেজ দেশের হতাকর্তা দ্বারা দেশে সংঘটিত হইয়াছে তাহা। কব-মাতৃদেবের অভিচারের মুখে নিকটায় দেশের অবস্থা প্রকাশিত হইয়াছে। 'বেব মা বলা' 'বলা' এই দুই শব্দে একই গাতিদ্বারা অভিচারের বিরুদ্ধে প্রতিবাদ—এই ধর্মোত্তো-প্রাণ মায়া পড়া। (৩) "মাতৃদেব দেশ, তা কবের ভার-ব্রাহ্মণ" দ্বারা মায়া হইতে দেশের প্রভাব বলা হইতেছে। অংশ সব নান্দেব দ্বারা প্রকাশিত। অমরনাথের মায়াভুক্তের মা লোক গাঁও—দুই পক্ষের মধ্যে তর্ক বিতর্ক। ইংলন্দে মাতৃদেবের প্রতিবাদ মাতৃদেবের গলায় গলায় পাইতে। ইংলন্দে প্রচার বিচার—"কার কাহে হিন্দব পান্দা", "কার কাহে কামিনা নান্দে প্রায় কামিনা নান্দা" বিষয় মাতৃ হতাকর্তা-প্রাণতা মায়েদেব মাতৃ-মাতৃদেব ও অন্যান্যদের তুলনায় পান্দা-প্রাণ চার প্রকারে প্রকাশিত হইয়াছে।—ভাগ্যবিধা—এই পান্দা প্রাণ প্রকাশের 'ট্যাংচি'।

এই বিষয় মুখ্যক ট্যাংচে উল্লেখ করা যায় উপস্থাপিত বর্ণনার জন্য, নাট্যকার যে ঘটনা ও চরিত্রের মায়া কাব্যরূপে হাছারা কান্দিত হইতেছে। এ সম্বন্ধে বৈজ্ঞানিক দৃষ্টান্ত প্রমাণ করা গিয়াছে—“নান্দপুণের অভিনয়শ ঘটনার পক্ষ প্রমাণস্বরূপ দৃষ্টান্ত, মাতৃদেবের মায়াবিন্দু নান্দেব মায়া চরিত্র প্রমাণিত হইয়াছে। এতদ্ব্যতীত স্বতন্ত্র ও স্বাধীন বোধ্য প্রমাণ নান্দেব দেবতা। হবনাথ নামী একটি চাষাব মেয়ে ছিল। জ. আনন্দের গেলে কচিকাটা কৃষি Arcibald Hill সাহেবের আদেশে পালকিতে করিয়া তাহাকে আনিয়া দ্বিপ্রহর রাত্রি পর্যন্ত হিন্দুদের দ্বারা রাখা হয়। কমিশনের কাছে জনৈক পাত্র সাহেব এই সম্বন্ধে বিবৃতি দেওয়ায় কমিশনার কৃষ্ণনগরের

ম্যাজিষ্ট্রেটকে ঘটনার সম্বন্ধে রিপোর্ট দিতে অস্বীকার করেন। হার্সেল সাহেব ঘটনাটির সত্যতা যথার্থ বলিয়া রিপোর্ট করেন। সিভিলিয়ান ইডেন সাহেব (পরবর্তী ছোট ল্যাট স্মার এস্‌ল ইডেন) সাক্ষ্য বলিয়াছিলেন, বেঙ্গল ইণ্ডিগো কোম্পানীর বড সাহেব মিঃ লারমুর চাবুকের সহায়তায় চাষীদের সায়েস্তা করিতেন।... এই মিঃ লারমুর, হিলস্ ও হরমণি যথাক্রমে নীলদর্পণ নাটকের উদ্, রোগ ও ক্ষেত্রমণি, আর হার্সেল সাহেব নবীন মাধবের “অমর নগরের নিরপেক্ষ ম্যাজিষ্ট্রেট”।* “নদীয়া জেলার চৌগাছা গ্রামের বিষ্ণুচরণ বিশ্বাস ও তাহার ভাই দিগম্বর বিশ্বাস বহু ত্যাগ স্বীকার করিয়া যে প্রজাগণের পক্ষ গ্রহণ করিয়াছিলেন ইহা প্রকৃত ঘটনা। নাটকের নবীনমাধব ও বিন্দুমাধব রূপে ইহারাই শোভা পাইতেছে।” তবে দীনবন্ধুর ভূমিকায় এ সম্বন্ধে যে তথ্য সংগ্রহ করা হইয়াছে, তাহার সহিত অদ্বৈত দাশগুপ্ত মহাশয়ের অস্বমনে মিল নাই।” দীনবন্ধুর মৃত্যুর পর “ভারত-সংস্কারক’ পত্রিকার ৮ নবেম্বর (১৮৭৩) সংখ্যায় সম্পাদকীয় স্তম্ভে যাহা লিখিত হয়, তাহাতে এই নাটকের বাস্তব-ভিত্তির কিছু উল্লেখ আছে। তাহা এইরূপ—“নদীয়ার অন্তর্গত গুয়াতেলির মিত্র পরিবারের হৃদয় নীলদর্পণের উপাখ্যানটির ভিত্তি-ভূমি।” উপাখ্যানের ভিত্তি যে জেলারই ঘটনা হউক, নীলদর্পণ বর্ণিত ঘটনাগুলি প্রত্যেক (নীল-উৎপাদক) জেলায় এবং কৃষ্টিতে কৃষ্টিতেই ঘটয়াছিল। Hindu Patriot-এ পৃষ্ঠা খুলিলেই নানা সংবাদদাতার সংবাদে এই সকল ঘটনার নিদর্শন চোখে পড়িবে। ১৮৬০ খ্রীষ্টাব্দের ২২শে আগষ্ট—“Jessoie correspondent-এর (শিশিরকুমার ঘোষ মহাশয়ের) যে পত্রখানি প্রকাশিত হইয়াছিল তাহা পাঠ করিলেই দেখা যাইবে—নীলদর্পণ নাটকের সব উপাদানই সেখানে আছে। সংবাদদাতা লিখিয়াছেন—“A hundredth part of the actual oppression has not been reported to the commission... .. Even now traces of house-burning plunder etc..... innumerable rich men ruined to satisfy the

unquenchable thirst for gain of the planters can be seen in the indigo districts.....wives and daughters are carried and confined in the godown, where they are of course treated with the greatest insolence that can be imagined।” Oates, Oman প্রভৃতি নীলকর এবং Skinner, Molony প্রভৃতি ম্যাজিস্ট্রেটদের অঘণ্ড অত্যাচার ও আচরণের বিবরণে পত্রপানি পূর্ণ।

উল্লিখিত বিষয়বস্তুকে নাট্যকার ট্যাজেডির ‘রস-রূপে’ উপস্থাপিত করিতে চেষ্টা করিয়াছেন। বলা বাজনা এই বিষয়বস্তুই সাহিত্যে তদানীন্তন পল্লী বাঙালীর কঠিন একটি ‘সং’ প্রত্যক্ষভাবে ত্রুটিত স্বতন্ত্র বিষয়বস্তুটি নিজেই ভাষ্যের পক্ষে সহজউদ্দীপক। এই সহজ সংবেদনা হইতে কবিরূত অতিবক্ত কল্পনা-পরিকল্পনার সংবেদনাত্মক পুথক করিলে যাহা পাওয়া যাইবে তাহাই এই নাটকের শৈল্পিক সংবেদনা বা মূল্য।

[নীলদর্পণ-নাটকের রচনা প্রকাশ ও অভিনয়]

নীলদর্পণ-নাটক ১৮৬০ খ্রিষ্টাব্দে রচিত ও প্রকাশিত হয় গ্রন্থে গ্রন্থাকারের নাম ছিল না। গ্রন্থের আখ্যাপত্র ছিল এইরূপ—“ [নীলদর্পণঃ নাটকঃ নীলকর-বিষয়ঃ-সংস্করণ কাতব প্রজাগিকর ক্ষেমকরণে কেনাচিং পুঁ কন্যাচিং-প্রণীতং ঢাকা শ্রীরামচন্দ্র ভৌমিক কর্তৃক বাঙলাদেশে মুদ্রিত শকাব্দা ১৮৭২ ২ আশ্বিন] তারপর“দীনবন্ধুর জীবিতকালে বিভিন্ন স্থান হইতে বিভিন্ন প্রকাশক কর্তৃক উহার বহু সংস্করণ প্রকাশিত হয়। ‘বঙ্গীয়-সাহিত্য-পরিষৎ’ কর্তৃক প্রকাশিত দীনবন্ধু গ্রন্থাবলী (১ম খণ্ড), ‘প্রকাশিত ১৩৫০, আষাঢ়ে প্রথম সংস্করণ, ১৩৫১ সালের আবেশে দ্বিতীয় সংস্করণ’—নির্ভরযোগ্য এবং এখনকার শেষ সংস্করণ। নাটকখানির অভিনয় নানা কারণে ঐতিহাসিক মর্যাদা লাভ কবিযাচ্ছে। “ঢাকায় দীনবন্ধু মজুমদার নীলদর্পণ পাড়ায় পাড়ায় অভিনীত হয়। ইহাতে তুমুল আন্দোলন উখিত হয়। ১৮৬০-৬১” (হেমেন্দ্রনাথ দাশগুপ্ত ভারতীয় নাট্যমঞ্চ)। বাঙলার আশ্রয়াল

থিয়েটার (পারলিক থিয়েটার, নাট্যকার দীনবন্ধুর নীলদর্পণ-নাটকের অঘা লইয়া ১৮৭২ খ্রীঃ সামাজিকবর্ণের সম্মুখে উপস্থিত হয়। প্রথম রজনীর অভিনেতৃবর্গ :—

[গোলক বস+উড সাহেব+জৈনক বাইয়ত সাবিত্রী=অর্দ্ধেন্দুশেখর মুস্তাফি, নবীন মাধব=নগেন্দ্র বন্দ্যোপাধ্যায়, বিন্দুমাধব=কিরণ বন্দ্যোপাধ্যায় তোবাপ+বাইচরণ গোপ এবং নীলকরদিগের মোক্তাব=মতিলাল স্তর সাধুচরণ+ম্যাজিস্ট্রেট+পদাধিকারী=মহেন্দ্রলাল বসু, সৈরিক্রি=অমর বসু রোগ সাহেব=অবিনাশ কব, গোপী দত্তদাস=শিব চট্টোপাধ্যায়, (মোক্তাব+আদুবা=গোপাল দাস, কবিরাজ-শশী দাস, মনোহর=শেখর গাঙ্গুলি, বীরত-তিনকড়ি মুখোপাধ্যায়, বাটী দাস—পূর্ণানন্দ, বাখাল খান—দেবীচন্দ্র, খালাসী—গোলক বন্দ্যোপাধ্যায়।

এই প্রথম ‘গণ-নাটক’ের অভিনয় সম্বন্ধে শিল্পীর শাস্ত্রী মহাশয় তাহা লিখিয়াছেন তাহা উদ্ধৃত কবাট যথেষ্ট—“নাটকখানি বঙ্গ প্রদেশে কি উদ্দীপনার আবির্ভাব কার্যসিদ্ধি পাত্ৰ গণ্যবা কখনও হুলা না। অবশ্য বুদ্ধ বর্ণিতা আমরা সকলেই ক্ষিপ্তপ্রায় হইয়া গিয়াছিলাম। এবং যবে নট কথা। বাসাতে বাসাতে তাহাব অভিনয়। ড্রামটিক্সের আ। বন্দনেশেব সীমা হইতে সীমা পর্যন্ত কাপিয়া যাহকে লাগিল। এই মহা উদ্দীপনার কাজ স্বরূপ নীলকবের সকল বচনা সামাজিক দুঃসীতির বিরুদ্ধে সংগ্রাম করবার উদ্দেশ্যই জন্মগ্রহণ করিয়াছে এবং সংগ্রামে জয়লাভ করিয়া বহু হইয়াছে, দীনবন্ধুর নীলদর্পণ তাহাদেবই একজন। Uncle Tom’s Cabin, Ju lice প্রভৃতি রচনার পাশেই দীনবন্ধুর নীলদর্পণের আসন। বঙ্কিমচন্দ্রের ভাষায় বলা যাক—“নীলদর্পণ Uncle Tom’s Cabin. “টমকাকার কুটীবা” আমেরিকায় কাহিনীদিগের দাসত্ব ঘুচাইয়াছে, নীলদর্পণ নীলদাসদিগের দাসত্ব মোচনের অনেকটা কাজ করিয়াছে।”

নীলদর্পণ নাটকের জাতিবিচার

নীলদর্পণ নাটকখানির “বিষয়বস্তুকে উৎসেবা দিক দিয়া বিচার কবিয়া আপাতদৃষ্টিতে সামাজিক’ আখ্যা দিতে হয় বটে, কিন্তু একটু তলাইয়া দেখিলে

বিষয় বস্তু দেখা যাতবে যে, যে ঘটনাকে কেন্দ্র করিয়া নাটক গড়িয়া উঠিয়াছে, সে ঘটনাটি বাংলাব ইতিহাসের অবলম্বিত একটি অর্থনৈতিক আন্দোলন। নীলকবদের অসহ্য অত্যাচারেব ফলস্বরূপ বাংলাব পল্লবরা ইংল্যান্ডে যাত্রা-প্রতিবেদ-আন্দোলন।

আরও কলিযাচি—এক অনেক বন্ধিত পরিবার না। বঙ্গদেশের শ্রমিক দৃষ্টিতে পলিযা সে ভাবে অবলম্বিত হইয়া গিয়াছিল—নীলদর্পণ-নাটক অত্যাচারেব, প্রজা-প্রতিবেদেব এবং বহু পরিবারের শোচনীয় ভাণ্ডারিণ্যের দৃষ্ট কান্দি। স সকল যাক অত্যাচার বরিয়াছিল যে সকল প্রজা প্রতিবেদ কবিয়াছিল এবং যে সকল পরিবার প্রতিবেদ কবিয়া গিয়া ধনে-মাণে-পাণে মাথা পড়িয়াছিল, ইতিহাসে তাহাদের নাম অবলম্বিত হইয়া নাই—এই ভিষয় অবলম্বিত নাটকেব পাত্র-পাত্রী বা চিত্রের ‘ঐতিহাসিক ব্যক্তি’ দিয়া দাওয়া করিতে পারেন না। কিন্তু এক্ষণে অস্বাভাবিক রিবার উপায় নাই যে নীল হান্ধামা একটি ঐতিহাসিক ঘটনা এবং যে সকল প্রসিদ্ধি ও ঘটনা ঐটকে বর্ণিত হইয়াছে তাহা বস্তুতঃ ঐতিহাসিক (কমিশনের বিবেচনায় সাক্ষ্য) অর্থাৎ পাত্র-পাত্রী নামতঃ ঐতিহাসিক না হইলেও, নাটকের ঘনা এবং পাত্র-পাত্রী কামতঃ ঐতিহাসিক অংশ ঐতিহাসিক শব্দে এখানে শুধু বাস্তবিক ঘটনাবলি ব্যক্তির ইতিহাস অর্থে ব্যবহৃত হইতেছে না ইতিহাস কথাটি এখানে ব্যাপক অর্থে গৃহীত, যে অর্থে সামাজিক ইতিহাস, অর্থনৈতিক ইতিহাস, রাজনৈতিক ইতিহাস প্রভৃতি ইতিহাস কথাটির মধ্যে অন্তর্ভুক্ত। অতএব নাটকখানি উৎস-ভিত্তিতে—ঐতিহাসিক ‘কল্প বলিয়াই গ্রহণ করা বাঞ্ছনীয়। ‘সামাজিক’-বিশেষণটি যে অবস্থায় প্রয়োগ করা হয় এখানে

সেইরূপ অবস্থা পাওয়া যায় না। এই নাটকে যে দ্বন্দ্ব দেখান হইয়াছে তাহার একপক্ষে আছে নীলকর-সাহেবদের নিরঙ্কুশ শাসন-শোষণ-ক্ষমতা অর্থাৎ একটা অর্থনৈতিক পরিবেষ্টনী, অন্যপক্ষে আছে শাসিত-শোষিত-উৎপীড়িত প্রজা-শক্তি। সুতরাং এই দ্বন্দ্বটিকে, ঠিক ভাবে বলিলে, “অর্থনৈতিক সমস্লামূলক” নাটক বলা যায়।

অত্যাশ্চর্য ভিত্তিতে নাটকখানিকে কি কি বলা যায়, সেই বিচার স্বাগত রাখিয়া এবাং রস-সংবেদনার দিক দিয়া বিচার করিয়া জাতি-বিচার মুখ্য কাজটি শেষ করা যাক। এই বিচারকে একটি প্রশ্নের আকারে উপস্থাপিত করা যাইতে পারে—**নীলদর্পণকে ট্রাজেডি বলা যায় কি?**

এই প্রশ্নটি অনিবার্য, অপরিহার্য ও বটে। নাটকখানিকে যখন ‘কমেডি-’ গোত্রের মধ্যে অন্তর্ভুক্ত করা সম্ভব নহে, তখন নিশ্চয়ই ট্রাজেডি মেলোড্রামা প্রভৃতির একটির মধ্যে স্থান করিয়া দিতেই হইবে। সুতরাং যিনি নীলদর্পণ সম্পর্কে আলোচনা করিয়াছেন তিনিই উক্ত প্রশ্নের অল্প বিস্তার মায়াংসা করিতে চেষ্টা করিয়াছেন। সকলের মত উদ্ধার করিবার আবশ্যকতা নাই! প্রচলিত মতগুলি জানিতে পারিলেই এক্ষেত্রে কাজ চলিয়া যাইবে। **কবি-সমালোচক মোহিতলাল মজুমদার** মহাশয় লিখিয়াছেন—“নীলদর্পণের ঘটনা-বস্তু (action) melodrama-য় পর্য্যবসিত হইয়াছে, মাত্রাতিরিক্ত emotion-এর উপর বিশেষ জোর দেওয়ার প্রয়োজনে লেখকের কল্পনা সংযম হারাইয়াছে, * তাছাড়া লেখক এখানে বহুবস্তু সম্বল লইয়া সাধারণ চরিত্র অবলম্বনে নাটক-খানিকে ট্রাজেডির ছাঁচে ঢালিতে গিয়া বিফল মনোরথ হইয়াছেন”— (দীনবন্ধু, ১৩৩৮)

‘বঙ্গলা সাহিত্যের ইতিহাস’ (দ্বিতীয় খণ্ড, ১৩৫০)—ডাঃ শ্রীহরকুমার সেন মহাশয় লিখিয়াছেন—“নীলদর্পণ কল্পণ রসাত্মক” (২৬ পৃষ্ঠা).....

নীলদর্পণের উপসংহারে মৃত্যুর ঘনঘটা নাটকটির ট্রাজিডিকে তরল ও অবাস্তব করিয়া দিয়াছে... **নীলদর্পণ ঠিক নাটক নহে, নাট্যাচিহ্ন।** ইহাতে

কোন চরিত্রের পরিণতি অথবা মানবজীবনের কোন মূল সমস্যা কিংবা মাহুষের সঙ্গে মাহুষের চিত্ত সংঘর্ষ আলিখিত হয় নাই”—(১০০ পৃষ্ঠা)

‘বাজলা নাটকের ইতিহাস’—লেখক বন্ধুদর ডাঃ শ্রীঅজিতকুমার ঘোষ মহাশয় লিখিয়াছেন—“যুদ্ধক্ষেত্রে অথবা অশানে মুহূর্তঃ মৃত্যুর দৃশ্য অন্তরে যেমন কোন চাকলা সৃষ্টি করে না, এই নাটকেও তেমনি বারবার মৃত্যু দেখাইয়া মৃত্যুর ট্রাজিক অহুভূতি নষ্ট করিয়া দেওয়া হইয়াছে। গোলক,ক্ষেত্রমণি ও নবীনমাধবের মৃত্যু, সাবিত্রীর শোচনীয় মস্তিষ্ক বিকলিত, ক্ষিপ্ত স্বপ্নের হাতে মধুর স্বভাবা সরলতার হত্যা প্রভৃতি দৃশ্য চতুর্দিকে এক লোমহর্ষণ বিভাষিকার সৃষ্টি করিয়াছে। এই সব দৃশ্য নাটকখানিকে বীভৎসতামূলক (Horror Tragedy) করিয়া ফেলিয়াছে। এই রকম ট্রাজেডি পাত্রপাত্রীর চরিত্রের অভ্যন্তর হইতে গড়িয়া উঠে না, কেবলমাত্র বাহ্যঘটনা ও দৃশ্যই এই ট্রাজেডির মূল উপাদান ট্রাজেডির নিকরূপ বৈরাগ্যা ও সমুন্নত মহিমা এই শ্রেণীর নাটকে নাই।”—(৭৪ পৃষ্ঠা)

বাজলা নাটকের ইতিবৃত্ত (১৩৫৬)—লেখক শ্রীহেমেন্দ্রনাথ দাশগুপ্ত মহাশয় লিখিয়াছেন—“নীলদর্পণ যেমন নিষ্ঠুর কহিনুর পরিচায়ক, তেমনি মর্মস্কন্দ”...

১৯৭৭

“পুত্রশোকে সাবিত্রীর উন্মাদ দশা-প্রাপ্তি, পুত্রবধূর প্রাণনাশ, পুনর্জানসংস্কার, অহুতাপ ও মৃত্যুতে নাটকের শেষ হওয়া

‘হাকে বিয়োগান্ত নাটক বলা চলে’ (৭৩ পৃষ্ঠা)। * [সাধারণ মন্তব্য]

ডাঃ শ্রীহর্শীল কুমার দে মহাশয় (দীনবন্ধু মিত্র-গ্রন্থে) লিখিয়াছেন—“কিন্তু এই সব জীবন্ত চরিত্রে ও চিত্রে আশ্রয় স্বভাবাকর্ষণ ও করুণ রসের অভিব্যক্তি থাকিলেও আধুনিক কালের বিশিষ্ট সংজ্ঞায় নীলদর্পণ প্রকৃত ট্রাজেডি হইতে পারিয়াছে কি না তাহাতে সন্দেহ আছে।

১৯৫১

করুণ ও ট্রাজেডি একার্থক নয়। বিয়োগ বা মৃত্যু ট্রাজেডির মূল কথা নয়, কারণ অকরুণের মধ্যে এমন কি জয়ের মধ্যে মিলনের মধ্যেও ট্রাজেডি থাকিতে পারে।.....

“ইহা সত্য, অসহায় সংগ্রামের নিষ্ফলতা, দুঃখদুর্দশার কারুণ্য অথবা মৃত্যুর ঘনঘটা নীলদর্পণে ষথেষ্ট রহিয়াছে। মনুষ্যজন্মের অকারণ লাজনা, জীবনের নিষ্ঠুর অপমান—এ সমস্তই রহিয়াছে। কিন্তু এই যে অসহায়তা দুঃখদুর্দশা, লাজনা, অপমান ও মৃত্যু—এখানে এ সকলের কারণ সম্পূর্ণ বহিরঙ্গ, কেবলমাত্র কতকগুলি আকস্মিক ঘটনার দুর্বিপাক। ইহাকে দৈব বলিতে পারা যায়, কিন্তু এ দৈব শুধু বাহিরের অন্ধ প্রকৃতির মত জগন্নাথের নিষ্পেষক রথচক্র।... ইহার মধ্যে দুঃসহ শোক বা কারুণ্য আছে, কিন্তু সত্যাকার ট্রাজেডি কোথায়? ট্রাজেডির মূলে যে স্থূল ভাব-কল্পনা থাকে, যাহা কেবল বাহিরের ঘটনা-রূপ দৈব নয়, অন্তরের পরস্পর দ্বন্দ্ব-প্রবণ প্রকৃতিকে মানুষের নিয়তি বলিয়া গ্রহণ করে, তাহা নীলদর্পণে নাই বলিলেও চলে। . . কিন্তু আধুনিক নাটকের না হোক, প্রাচীন গ্রীক নাটকের অন্তর্গত যে ট্রাজেডি পরিকল্পনা, তাহার সহিত নীলদর্পণের করুণ ভাবের সাদৃশ্য আছে। বাহিরের বৃহত্তর নির্মম শক্তির সহিত মানুষের অসহায় জীবনের নিষ্ফল সংগ্রাম—ক্ষুদ্র মানুষ যেন দুলভ্য দৈবের ক্রীড়নক মাত্র—এই গ্রীক ভাবটি বোধ হয় দীনবন্ধুর বিস্তীর্ণ ও বাস্তব—সচেতন সহানুভূতির উপযোগী ছিল। তথাপি ট্রাজেডি হউক না হউক, নীলদর্পণের করুণ রস অলীক বা অসত্য হয় নাই।”

এইবার উল্লিখিত মন্তব্য সমূহকে সিদ্ধান্তের আকারে এইভাবে সাজাইয়া লওয়া যাক।

(১) মোহিতলাল মজুমদার—

(ক) action মেলোড্রামায়
পর্যবসতি (মাত্রাতিরিক্ত
ইমোশানের উপর জোর।)

(খ) স্বল্পবস্তু মঞ্চ — (কাহিনী)

(গ) সাধারণ চরিত্র-(নায়ক) ফলে

(ঘ) ট্রাজেডির ছাঁচে ঢালিতে
গিয়া বিকল মনোরথ

* [সিদ্ধান্ত—“ট্র্যাজেডি” হয় নাই “[মেলোড্রামা ?]

(২) ডঃ স্কুমার সেন

| (ক) ঠিক নাটক নহে—

নাট্যচিত্র [?]

(খ) করুণরসাত্মক—

(গ) (মৃত্যুর ঘনঘটায়) ট্র্যাজেডি—

ভরল ও অবাস্তব

* [সিদ্ধান্ত—স্পষ্ট হয় নাই। ট্র্যাজেডি ভরল ও অবাস্তব হাওয়া
সঙ্গেও “ট্র্যাজেডি”ই—অক্ষুণ্ণ আছে কি না বা না থাকিলে কি
হইয়াছে, তাহার উল্লেখ নাই]

(৩) ডঃ অজিত ঘোষ—

(ক) বারবার মৃত্যু মৃত্যুর ট্র্যাজিক
অমুভূতি নষ্ট করিয়াছে।

(খ) বীভৎসতামূলক (horror
tragedy) করিয়া ফেলিয়াছে।

(গ) ট্র্যাজেডির নিষ্করণ বৈরাগ্য ও
সমুন্নত মহিমা এই শ্রেণীর
নাটকে নাই।

* [সিদ্ধান্ত :—বারবার মৃত্যুতে ট্র্যাজিক অমুভূতি নষ্ট হইয়া গেলেও
বীভৎসতা-মূলক ট্র্যাজেডি (হরর ট্র্যাজেডি) হইয়াছে—যদিও ট্র্যাজেডির—
(নিশ্চয়ই ট্র্যাজেডি বলিতে এখানে উচ্চাঙ্গ ট্র্যাজেডি ধরা হইয়াছে। নিষ্করণ
বৈরাগ্য ও সমুন্নত মহিমা নাই।]

(৪) ডাঃ হুশীলকুমার দে—

(ক) গ্রীক ট্রাজেডি-পরিকল্পনার
সহিত সাদৃশ্য আছে(খ) বিশিষ্ট সংজ্ঞায় প্রকৃত ট্রাজেডি
হইতে পারিয়াছে কিনা
তাহাতে সন্দেহ আছে।

* [সিদ্ধান্ত :—উভয়-কোটিক। বিশিষ্ট সংজ্ঞায় প্রকৃত ট্রাজেডি না হইলে
কি হইবে, তাহা বলা হয় নাই

(ক) কবি সমালোচক মোহিতবাবুর মন্তব্য বিশ্লেষণ করিয়া দেখা যায়—
অদ্বৈত সমালোচক ট্রাজেডিকের বিরুদ্ধে তিনটি আপত্তি উত্থাপন করিয়াছেন—
এক—ঘটনার বা ক্রিয়ার মেলোড্রামাত্ব, দুই—বিষয়বস্তুর স্বল্পপ্রাণত্ব, তিন—
নায়কের সাধারণত্ব। এই আপত্তির মূলে যে প্রধান ধারণাটি কাজ করিয়াছে
তাহা এই যে, এই ধরনের সাধারণ বিষয়বস্তু এবং চরিত্র লইয়া ট্রাজেডি
সৃষ্টি সম্ভব নয়। ট্রাজেডির জন্ম চাই—মহাপ্রাণ ঘটনা এবং অসাধারণ—(বোধ
হয় ধনে-মানে,) ব্যক্তি-চরিত্র। কিন্তু, নবীনমাধবের মত ধনী মানী নায়ক
এবং নীলদর্পণ-বর্ণিত ঘটনা লইয়া ট্রাজেডি সৃষ্টির পক্ষে নিয়মতান্ত্রিক কোন
বাধা নাই। আসল কথা—উপাদানকে উপাদেয় শিল্পকর্মে পরিণত করাব
ক্ষমতা। আর একটা কথাও এ ক্ষেত্রে বলিবার আছে—ঘটনাবস্তু কোন কোন
ক্ষেত্রে মেলোড্রামায় পৰ্ববসিত হইয়াছে সত্য কিন্তু মনে রাখা দরকার, মেলো-
ড্রামাটিক ঘটনা থাকা সত্ত্বেও নাটক ট্রাজেডির স্তরে উন্নীত হইতে পারে কিনা
তাহাও বিচার্য। [সিরাজদ্দৌলা—দ্রষ্টব্য] এ কথাও অবশ্য স্মরণীয় যে সব
ট্রাজেডিরই বিষয়বস্তুর প্রাণ একরূপ নহে এবং সব ট্রাজেডির আবেদনে সমান
মাত্রার সর্বজনীনতা থাকে না। গেটের 'ফাউন্ট' শেক্সপীয়রের 'ম্যাকবেথ',
গললুওয়াদির 'স্ট্রাইফ', পিনেরোর 'সেকেও মিসেস ট্যাঙ্কেরী',—একইরূপ
আবেদন জাগায় না।

এ কথা ঠিক বটে যে, যে ট্রাজেডীতে মানবজীবনের কোন-মৌলিক বা স্থায়ী সমস্যা কে উপস্থাপিত করা হয়, জীবনকে কোন অদৃশ্য অমোঘ মহাশক্তির বিরুদ্ধে বিশ্বয়জনক অথচ বার্ষ সংগ্রাম করিয়া শোচনীয় পরিণাম লাভ করিতে দেখা যায়, সেই ট্রাজেডি যথার্থই উচ্চাঙ্গের সৃষ্টি, কিন্তু একথাও সত্য যে সকল ট্রাজেডির দ্বন্দ্বের প্রকৃতি এক নয়। রসের আন্বাদনও এক নয়।

(খ) ডাঃ শ্রীকুমার সেন মহাশয়ের মন্তব্যটি পর্যালোচনা করা যাক।
প্রথমতঃ ডাঃ সেন নীলদর্পণকে ‘নাটক’ বলিতেই চাহেন নাই। তাঁহার মতে ইহা নাট্যাচিত্র। তাঁহার যুক্তি—“ইহাতে কোন চরিত্রের পরিণতি অথবা মানব-জীবনের মূল সমস্যা কিংবা মানুষের সঙ্গে মানুষের চিত্তসংঘর্ষ আলিখিত হয় নাই। একটি বিশেষ সময়ে বিশেষ অবস্থায় পতিত কতকগুলি অসহায় মানুষের অত্যাচার পীড়নের বাস্তব চিত্র ছাড়া ইহাতে আর কিছু নাই।” নাটক ও নাট্যাচিত্রের পার্থক্য নির্দেশিত না হওয়ায় ডাঃ সেনের এই মন্তব্য যুক্তির মর্যাদা পায় নাই।

দ্বিতীয়তঃ—“মৃত্যুর ঘনঘটা নাটকটির ট্রাজেডিকে তরল ও অবাস্তব করিয়া দিয়াছে”—এই দ্বিধাস্তি নাটকখানি ব্রজাতি পরিচয় নিরূপণে বিশেষ কোন সহায়তা করে না। নাটকখানি ট্রাজেডি কি না এই প্রশ্নের স্পষ্ট উত্তর ইহাতে পাওয়া যায় না। ট্রাজেডি ওরুল ও অবাস্তব হইলেও ট্রাজেডি থাকে কি না, অথবা অন্ত কোন শ্রেণীর স্তরে নামিয়া যায় কিনা অথবা ট্রাজেডির মধ্যে কোন শ্রেণী বিভাগ আছে কি না এ সম্বন্ধে তিনি কোন উচ্চবাচ্য করেন নাই।

বন্ধুদের ডাঃ শ্রীঅজিতকুমার ঘোষ মহাশয়ের সিদ্ধান্ত এই দিক দিয়া অনেক পরিমাণে স্পষ্ট। নীলদর্পণ নাটক, তাঁহার মতে—“Horror Tragedy”। তাঁহার প্রথম বক্তব্য এই যে ‘এই নাটকেও তেমনি বারবার মৃত্যু দেখাইয়া মৃত্যুর ট্রাজিক অশুভূতি নষ্ট করিয়া দেওয়া হইয়াছে।’ অর্থাৎ বারবার মৃত্যু দেখান হইয়াছে, ফলে ট্রাজিক অশুভূতি—(Tragic impress-

ion) নষ্ট করিয়া দেওয়া হইয়াছে—বক্তব্যের তাৎপর্য নিশ্চয়ই এই যে শেষ দিকে বারবার মৃত্যু ঘটাইয়া **ট্রাজিক অমুভূতি** নষ্ট করা হইয়াছে। **দ্বিতীয় বক্তব্য** এই যে নাটকখানি—বীভৎসতামূলক (Horror Tragedy)—[“বাহু ঘটনা ও দৃশ্যই এই ট্রাজেডির মূল উপাদান”—আর Horror Tragedyও এক রকমের ট্রাজেডি] **তৃতীয় বক্তব্য**—‘ট্রাজেডির নিষ্করণ বৈরাগ্য ও সমুন্নত মহিমা এই শ্রেণীর নাটকে নাই ॥’ প্রথম প্রশ্ন এই যে বারবার মৃত্যু ঘটিলেই কি মৃত্যুর ট্রাজিক অমুভূতি নষ্ট হয়?—মৃত্যুর সংখ্যা অপেক্ষা মৃত্যুর উপস্থাপনা-রীতিই কি ট্রাজিক অমুভূতিকে নষ্ট করে না? তারপর, ট্রাজিক অমুভূতিই যদি নষ্ট করিয়া দেওয়া হইয়া থাকে, তাহা হইলে—‘হরর ট্রাজেডি’ বলা যুক্তি সঙ্গত কি না—(ট্রাজিক অমুভূতি যে নাটকে নষ্ট, সে নাটক ট্রাজেডির মর্যাদা পাইতে পারে কি?), দ্বিতীয় কথা এই যে ‘হরর ট্রাজেডিও’ যখন এক শ্রেণীর ট্রাজেডি তখন তৃতীয় বক্তব্যের—‘ট্রাজেডি’ শব্দটার আগে ‘উচ্চাঙ্গের’ বা ‘প্রথম শ্রেণীর’ এইরূপ একটি বিশেষণ যোগ করা দরকার, অথবা এইরূপ ধারণা ভ্রমিতে পারে যে “নিষ্করণ বৈরাগ্য ও সমুন্নত মহিমা”ই যেন ট্রাজেডির সামান্য লক্ষণ। ** ডঃ ঘোষ নিশ্চয়ই স্বীকার করিবেন—সামাজিক ট্রাজেডিতে তথাকথিত “নিষ্করণ বৈরাগ্য ও সমুন্নত মহিমা”—বোধ জাগাইতে কোন দেশের কোন নাট্যকারই সমর্থ হন নাই। তাই বলিয়া সামাজিক ট্রাজেডিকে ট্রাজেডির তালিকা হইতে বাদ দেওয়া হয় নাই।

(ঘ) পরম অদ্ভুত ডাঃ দে’ মহাশয় “দীনবন্ধু মিত্র” গ্রন্থে এ বিষয়ে অর্থাৎ জাতি-পরিচয় সম্বন্ধে বিস্তৃত আলোচনা করিবার অবকাশ পাইয়াছেন। (ডাঃ সেন বা অধ্যাপক ঘোষ সেইরূপ অবকাশ পান নাই) এবং অবকাশের সদ্ব্যবহার করিতেও চেষ্টা করিয়াছেন। তাঁহার প্রথম বক্তব্য এই যে **আধুনিক কালের বিশিষ্ট সংজ্ঞায়** নীলদর্পণ প্রকৃত ট্রাজেডি হইতে পারিয়াছে কি না, তাহাতে সন্দেহ আছে” এই সন্দেহের কারণ—“ট্রাজেডির মূলে যে হৃদয় ভাব কল্পনা থাকে, বাহা কেবল বাহিরের ঘটনারূপ দৈব নয়, অন্তরের পরস্পর

দ্বন্দ্ব প্রবণ প্রবৃত্তিকেও মানুষের নিয়তি বলিয়া গ্রহণ করে, তাহা নীলদর্পণে নাই বলিলেও চলে”—অর্থাৎ নীলদর্পণে যে দ্বন্দ্ব ব্যক্ত হইয়াছে তাহা বহিঃস্বন্দ্ব অন্তঃস্বন্দ্ব নয়। এ সম্বন্ধে প্রথম বক্তব্য এই যে ডাঃ দে মহাশয়ের আলোচনায় “আধুনিক যুগের বিশিষ্ট সংজ্ঞাটি” উল্লিখিত হইলেও বিশেষ বিস্তারিতভাবে লিখিত হয় নাই এবং এ কথাটিও বলা হয় নাই যে, “There are tragedies of different kinds and that these kinds may differ widely from each other

A general principle applicable to all tragedy is not to be found in the old saying that character is destiny and in the notion that tragedy reveals the influences from within which work unconsciously on outward events,

(এবং এমন অনেক নাটক আছে যেখানে)—there is no working out of destiny by the influence of the mind and temperament of the victim on his own fate. The overwhelming blow has come from without, from the deeds of others, the passions or errors, the ignorance or neglect of those who are plunged into misery—[Tragedy—John. S. Smart]

আসল কথা “আধুনিক কালের বিশিষ্ট সংজ্ঞা-টি খুব স্পষ্টভাবে এবং বিস্তারিতভাবে আলোচিত বা নির্দ্ধারিত হয় নাই। তেমনি বিশিষ্ট সংজ্ঞায় এমন কথাও পাওয়া যায় না যে ট্রাজেডির জগৎ সব ক্ষেত্রেই একটা “sense of mystery” বা “Spiritual conflict, অপরিহার্য। দ্বিতীয় বক্তব্য এই যে—গ্রীক-নাটকের অন্তর্গত যে ট্রাজেডি পরিকল্পনা তাহার সহিত নীলদর্পণের করুণভাবের সাদৃশ্য আছে—অর্থাৎ গ্রীক-মতে যেন ইহাকে ট্রাজেডি বলা যাইতে পারে। তৃতীয় বক্তব্য এই যে “ট্রাজেডি হউক বা না হউক নীলদর্পণের করুণরস অলীক বা অসহ

হয় নাই।’ এখন, গ্রীক মতে যাহা ট্রাজেডি, আধুনিক মতে তাহা কেন ট্রাজেডি হইতে পারিতেছে না—ট্রাজেডির প্রাচীন সংজ্ঞা ও শ্রেণী-বিভাগের সহিত আধুনিক সংজ্ঞা ও শ্রেণী বিভাগের পাঠ্য কি তাহা ডাঃ দে সম্যক আলোচনা করেন নাই। বিশেষ করিয়া আধুনিক মতে—নীলদর্পণকে কোন শ্রেণীর অন্তর্ভুক্ত করিতে হইবে সে বিষয়েও তিনি কোন সিদ্ধান্ত গ্রহণ করেন নাই। ইংরেজী-মতানুসারে জাতি-নিরূপণ করিতে অগ্রসর হইয়া, ‘ট্রাজেডি হউক বা না হউক’ বলিয়া ক্ষান্ত হওয়া অথবা ‘করণরসাত্ত্বক’ বলিয়া পাশ কাটাইয়া যাওয়া—দুইটির কোনটিই বাঞ্ছনীয় নহে। ডাঃ দে প্রস্তুতি লইয়া প্রশংসনীয় আলোচনা করিয়াছেন বটে কিন্তু নিশ্চিত কোন সিদ্ধান্তে পৌছিতে চেষ্টা করেন নাই বলিয়া আলোচনা একটু অসম্পূর্ণ হইয়া আছে।

আমার ধারণা—নীলদর্পণের জাতি-পরিচয় নির্ধারণ করিবার মূলে এত গুণগোলের কারণ এই—যে আলোচনার আগে প্রধান একটি কাজ সারিয়া লওয়া হয় নাই—সেই কাজটি, আর-কিছুই নয়—(ক) ট্রাজেডি-গোষ্ঠীয় নাটকগুলির শ্রেণী-বিভাগ এবং (খ) ট্রাজেডি ও মেলোড্রামার স্বরূপ বিচার বিশেষতঃ এই সকল প্রশ্নের মীমাংসা :—(১) ট্রাজেডি-রচনার চেষ্টা কোন কারণে ‘মেলোড্রামা’-সৃষ্টিতে পরিণত হয়, (২) (ট্রাজেডি) রস নিষ্পত্তি না ঘটিলেই নাটক মেলোড্রামা হয় কি না (৩) মেলোড্রামাটিক ঘটনা থাকিলেও নাটক ট্রাজেডি হইতে পারে কি না—যদি পারে কি কারণে পারে। (৪) ট্রাজেডিতে স্বন্দর কত রূপ হইতে পারে (৫) ট্রাজেডির অগ্ন্যাশ্রু লক্ষণ থাকিলে বহিঃস্বন্দর সদভাবেই ট্রাজেডি হইতে পারে কি না। এই সকল প্রশ্ন এড়াইয়া গেলে জাতি-বিচার-চেষ্টা কিছুতেই সফল হইতে পারে না, কারণ বিচার মাজই বিধান সাপেক্ষ। সুতরাং প্রথমেই শ্রেণী-বিভাগের রূপটি দেখা যাক। শ্রেণী-বিভাগের প্রথম পর্বে—(এরিস্টটলের পোয়েটিকস-এ) মাত্র দুইটি শ্রেণীর নাম দেখা যায়। এক—ট্রাজেডি (imitation of serious actions— incidents arousing pity and fear) ; দুই—(dramatising the

ludicrous) ট্রাজেডিতে ভয়ানক ও করুণ (অথবা ভয়ানক বা করুণ ?) ঘটনার উপস্থাপনা—এমন সব নায়কের ঘটনা যাহারা—“have done or suffered something terrible”। আর কমেডি নিম্নস্তরের লোকের ভাব ও হাস্যোদ্দীপক ঘটনার উপস্থাপনা—এইরূপ কথা থাকিলেও, এরিস্টটলের কাছে “spirit of comedy” শুধুমাত্র যে হাস্যরস নয়, আনন্দ-পরিণামস্বই কমেডির আত্মা, তাহা প্রমাণ করা চলে। যাহা হউক দৃষ্টান্তক serious imitation বলিতে এরিস্টটল মোটামুটিভাবে ট্রাজেডিই বুঝিয়াছেন এবং ট্রাজেডিকে সাকল্যে চার (পাঁচ বলা যায়) ভাগে ভাগ করিয়াছেন—যেমন । ১) কমপ্লেক্স ট্রাজেডি (গঠন-ভিত্তিতে) (২) সিম্পল ট্রাজেডি (গঠন ভিত্তিতে) (৩) প্যাথোটিক-ট্রাজেডি (রস-ভিত্তিতে) (৪) এথিকাল ট্রাজেডি (তত্ত্ব-ভিত্তিতে) (৫) স্পেক্টাকুলার ?—(দৃশ্য-ভিত্তিতে)।

তারপর, রোমান ট্রাজেডি ও কমেডির প্রকৃতি, শ্রেণী-বিভাগের উপর প্রভাব বিস্তার কবে। ‘সেনেকা’র ট্রাজেডিতে ভয়ানক-রস প্রাধান্য লাভ করে—‘pitv’ অপেক্ষা ‘fear’ সৃষ্টির দিকে তথা ‘moral sense’ চরিতার্থ করার দিকে ঝুঁকিয়া পড়ে। তেমনি প্লাটাস ও টেরেন্সের কমেডিতে হাস্যরস বেশ গাঢ় হইতে থাকে—লঘু ঘটনার সহিত গুরুভাবাত্মক ঘটনার সংমিশ্রণ ঘটে। এইভাবে ক্রমে ট্রাজেডির শ্রেণী-বিভাগে “হরর ট্রাজেডি” শ্রেণী এবং কমেডির শ্রেণী-বিভাগে—“নিউ কমেডি” শ্রেণী দেখা দেয়।

তারপর, ষোড়শ-সপ্তদশ শতাব্দীতে নাটকে এবং নাটকের শ্রেণী-বিভাগে আরো নতুন সংযোজনা ঘটে। কমেডি বলিতে আর শুধু হাস্যোদ্দীপকের নাট্যরূপ বুঝায় না, কমেডি এখন—“deal with the most familiar and domestic not to say base vile operations” (ডেনিয়েল্লা ১৫৩৬) অতীতকে ট্রাজেডির ক্ষেত্রেও লক্ষণীয় পরিবর্তন দেখা যায়। প্রাচীন ট্রাজেডিতে নায়ক ও ঘটনা প্রধানতঃ ঐতিহাসিক অর্থাৎ রাজরাজড়া গোছের ব্যক্তি। এরিস্টটল প্রমাণ তুলিয়া দেখাইয়াছেন যে ট্রাজেডিতে

নায়কের বা ঘটনার ঐতিহাসিকত্ব অপরিহার্য নয়, কাল্পনিক চরিত্র ও ঘটনা লইয়াও ট্রাজেডি লেখা সম্ভব, তবে এ কথাও বলিয়া দিয়াছেন— চরিত্র ও ঘটনাকে অবশুই যথাক্রমে উচ্চবংশীয় এবং গুরু-গভীর হইতে হইবে। রেণোঁসাঁসে এই সিদ্ধান্তটি এই ভাবে গ্রহীত হইয়াছে—ট্রাজেডির কাজ কববার—“with the death of high Kings and the ruins of great empires”। কিন্তু এই সময়েই “Domestic Tragedy” জাতীয় ট্রাজেডির জন্ম হয় এবং-নাট্যকার মালের ডাঃ ফসটাসে—ডোমেস্টিক ট্রাজেডির নায়কে তথা ট্রাজেডি-নায়কের সংজ্ঞায় সুদূরপ্রসারী পরিবর্তন দেখা যায়। ট্রাজেডি লিখিতে হইলে রাজা-মহারাজাকে বা বাজ-পরিবারের লোককেই নায়ক করিতে হইবে তথা সর্বজনীন কোন বিখ্যাত ঘটনাকেই বিষয়বস্তু করিতে হইবে—এই নিয়মটি শিথিল হইতে থাকে।—‘Arden of Feversham’-এর মত নায়ক এবং তাঁহার মত লোকের পারিবারিক ঘটনা ট্রাজেডির উপস্থাপ্য বিষয় হইবার যোগ্যতা লাভ করে।

অধিকন্তু এই সময়েই—ট্রাজেডি-কমেডি জাতীয় নাটকও জন্ম লইতে থাকে। স্পেনদেশীয় লোপ-ডি ভেগা ও ক্যালডিগের রচনাতে এবং ইংলণ্ডের ‘জন লিলির’ (Joan Lyly)—রচনায় (Campaspe A Tragical Comedie—1584) এই শ্রেণীর নিদর্শন পাওয়া যায়। তারপর ড্রাইডেনের—An Essay of Heroique plays (1672)—গ্রন্থে একটি নূতন শ্রেণী-কল্পনার সাক্ষাৎকার ঘটে—এই নাটকের বিষয়বস্তু—“love and valour ought to be the subject of it.।

অষ্টাদশ শতাব্দী, নাটকের শ্রেণী-বিভাগের দিক দিয়া, খুবই স্বরণীয় ফরাসী দেশীয় দিদেরো এবং বুমারকেইস ‘সিরিয়াস ড্রামা’কে শ্রেণী-বিভক্ত করিতে প্রশংসনীয় উদ্যম দেখান। দিদেরো লিখিয়াছেন—(১৭৫৮) “Here is the whole field of drama . the gay Comedy whose purpose it is to ridicule and chastise vice ; Serious Comedy whose

office it is to depict virtue and duties of man ; .that sort of tragedy which is concerned with our domestic troubles and finally, the sort of tragedy which is concerned with public catastrophes and misfortunes of the great” এই শ্রেণী বিভাগ ছাড়াও আরো কয়েকটি শ্রেণীর কল্পনা তিনি করিয়াছেন—যেমন “Moral Drama” যাহাতে“the most important moral problems will be discussed without interfering with the swift and violent action of the play” [বার্ণার্ড শ’ মহাশয়ের Drama is discussion and nothing but discussion—নৃতন চিন্তা বা কথা নয়], যেমন—“Philosophical Drama”.....

ইহা ছাড়াও দ্বিদেশী—নাটকে, ঘটনা, রস ও চরিত্রের আপেক্ষিক প্রাধান্তের ভিত্তিতে শ্রেণী-বিভক্ত করিতে চেষ্টা করিয়াছেন—তাঁহার মতে—“play of incident” (ঘটনা-মুখ্য নাটক) অপেক্ষা—রস-মুখ্য (play of Passion, Ideas) এবং চরিত্র-মুখ্য নাটক (play of character) অধিকতর উন্নত সৃষ্টি। বুনারকে মহাশয়—“সিরিয়াস ড্রামা”র পক্ষে ওকালতি করিতে গিয়া লিখিয়াছেন—(১৭৬৭) “Tragi Comedy, Bourgeois Tragedy, Tearful Comedy— I can find no term to designate this hybrid.”—তাঁহার সিদ্ধান্ত The serious emotional drama stands midway between heroic Tragedy and light Comedy” অর্থাৎ বুনারকেইস-দ্বিদেশীর “Domestic Tragedy” এবং “সিরিয়াস কমেডি”—সিরিয়াস ড্রামার অন্তর্ভুক্ত। তবে এই ভঙ্গলোকের একখানি চিঠিতে (Dedicatory Letter to the Barber of Seville) “Pathetic drama” লেখার জন্য আক্ষেপ প্রকাশ পাইয়াছে এবং উলটো ধরনের একটা ঘোষণাও আছে—“There is no mean way between Comedy and Tragedy”। এই শতাব্দীরই শেষ দিকে (১৭২২) ব্রিটিশ

ভন শিলার মহাশয় (on Tragedy Art প্রবন্ধ) ঐতিহাসিক রচনা (historic imitation) এবং রস-রচনার (poetic imitation) মধ্যে একটা পার্থক্য দেখাইতে চেষ্টা করিয়াছেন। এই আলোচনার মধ্যে আমরা পরবর্তীকালের “হিষ্ট্রো প্লে”, এবং “হিষ্টোরিকাল ট্রাজেডি-কমেডি” বিভাগের রচনা দেখিতে পাই। যাহা হউক অষ্টাদশ শতাব্দীতে আমরা মোটামুটিভাবে এইরূপ শ্রেণী-বিভাগ পাই—(১) হিরোইক ট্রাজেডি (২) ড্যামেটিক ট্রাজেডি (বুর্জোয়া ট্রাজেডি, প্যাথোটিক ড্রামা) (৩) সিরিয়াস কমেডি—(৪) গে কমেডি * [(১) ইতিহাস নাট্য, (৬) সমস্তামূলক নাট্য .. প্রভৃতির জগাবস্থা] তবে এই শতাব্দীর শেষেই, সিরিয়াস ড্রামার বিশেষতঃ ট্রাজেডির শ্রেণী বিভাগের মধ্যে উপরিভাগের ক্ষেত্র প্রস্তুত হইতে থাকে। এই ক্ষেত্র “মেলোড্রামার” ক্ষেত্র। আমরা দেখিয়াছি—এরিস্টটল ট্রাজেডির শ্রেণী বিভাগ করিতে গিয়া—‘স্পেকটাকুলার’ ট্রাজেডিকে অধ্যয়ন বলিয়া নির্দেশ করিয়াছেন এবং এই কথাটিই বলিতে চাহিয়াছেন—যে, নাটকে রস যে পরিমাণে বাহ্য-দৃশ্য বা উপায়ের মুখাপেক্ষী সেই পরিমাণেই নাটকের লঘুত্ব। আব একটি বিষয়েও তিনি দৃষ্টি আকর্ষণ করিয়াছেন—তাহা এই যে ‘within the action there be nothing irrational’ তাৎপর্য এই যে, নাটকে যেখানে দৃশ্যের বা বাহ্য উপায়ের প্রাধান্য থাকে, ঘটনায়, রসে ও চরিত্রে অনৌচিত্য দোষ প্রকটভাবে দেখা দেয়, সেখানে নাটকের রস নিষ্পত্তি অনবশ্য হইতে পারে না। ট্রাজেডি-তত্ত্বের ইতিহাস আলোচনা করিয়া দেখা যায়—এরিস্টটলের নির্দেশের মধ্যেই মেলোড্রামার স্বরূপটি বীজাকারে পাওয়া যায়। পরবর্তীকালে মেলোড্রামার স্বরূপ আলোচনায় এই বীজটিই অঙ্কুরিত এবং পল্লবিত হইয়াছে।

‘মেলোড্রামা’ শব্দটির ব্যুৎপত্তিগত—অর্থ (Melos=গীত+drame নাট্য গীতিনাট্য। ইতালীতে “অপেরা” ও মেলোড্রামা প্রায়ই একই অর্থে প্রযুক্ত হইয়াছে। ইতালী হইতে ক্রমে একটি অপেরা-অর্থ লইয়াই প্রবেশ করে এবং

উনবিংশ শতাব্দীর গোড়ার দিকে “বিশিষ্ট”-অর্থ পরিগ্রহ করে, এই “specialized significance—signifying a popular play with a sensationally serious plot broken by comic scenes and accompanied throughout by incidental music. In this kind of production no attempt is made at securing depth of purpose or literary grace; hence the melodramatic characters tend to become a series of stock types, presented in simple terms of white and black, while the author frankly allow action to preponderate over dialogue,”—(World Drama—Nicoll.) ‘Kotzebue’ এবং ‘pexere’ court এই জাতীয় মেলোড্রামার প্রবর্তক এবং বলা যায় রোমাণ্টিসিজিমেরই বিকৃতি হইতে ইহার জন্ম গ্রহণ করে। দুর্বল রোমাণ্টিকের মাত্রাহীন ও আপাত-গভীর অসংযত আবেগ হইতেই ইহাদের উৎপত্তি।

উনবিংশ শতাব্দীতে, এইরূপ উদ্ভেজক ঘটনাময়, ধরাবাধা বা ছাঁচে-ঢালা—চরিত্র-যুক্ত, মাত্রাহীন ভাবাবেগোচ্ছাসময়, অগভীর ট্রাজেডি-জাতীয় সিরিয়াস ড্রামা’ অথেষ্ট মেলোড্রামা একটি প্রযুক্ত হইয়াছে। বিংশ শতাব্দীর নাট্যতত্ত্ব-গ্রন্থে ‘মেলোড্রামা’র লক্ষণ নিরূপণে উল্লেখযোগ্য প্রচেষ্টা দেখা যায়—অধ্যাপক এলারডাইন নিকল মহাশয়ের—“দি থিওরি অফ ড্রামা”—গ্রন্থে (১৯৩১)। অধ্যাপক নিকলের মতে মেলোড্রামা—one of the chief antitheses to high tragedy” এবং উচ্চাঙ্গের নাটক (“great drama”) যাহা distinguished by……penetrating and illuminating and power of characterisation or at least by an insistence upon something deeper and more profound than mere outward events.” তাঁহার সিদ্ধান্ত, এক কথায়,—“It is, then, some inner quality—the stressing of the spiritual as opposed to the

merely physical—that makes tragedy out of melodrama and comedy out of farce অধ্যাপক নিকলের আলোচনা হইতে এই সিদ্ধান্তই সংগ্রহ করা যায় যে মেলোড্রামা ট্রাজেডিরই ‘plebeian relative’ অর্থাৎ ট্রাজেডি রচনার উদ্দেশ্য যখন সিদ্ধ হয় না, তখনই ‘মেলোড্রামা’র সৃষ্টি হয়। কিন্তু নিকলের এই সিদ্ধান্তকে সকলে মানেন না। কেহ কেহ এমন কথাও বলেন যে শুধু ট্রাজেডি লেখায় ব্যর্থ হইলেই যে মেলোড্রামাব সৃষ্টি হয় তাহা নয়—‘প্রব্লেম প্লে’ লেখার চেষ্টা ব্যর্থ হইলেও, মেলোড্রামার সৃষ্টি হইতে পারে। দ্বিতীয়তঃ ট্রাজেডি রসোত্তীর্ণ না হইলেই মেলোড্রামায় পর্যাবসিত হয় না, অরসোত্তীর্ণ ট্রাজেডি মাত্রই মেলোড্রামা নয়।

এই দ্বিতীয় সিদ্ধান্তটি খুবই প্রাণধান যোগ্য। ট্রাজেডি অরসোত্তীর্ণ বা অসার্থক রচনা হইয়াও যদি মেলোড্রামা না হয়, তাহা হইলে বুঝিতে হইবে যে মেলোড্রামাত্ব বিশেষ ধরনের অসার্থকতা—যে অসার্থকতা দেখা দেয়—বিষয়বস্তুর বাস্তবিক গুরুত্বের অভাবে, ঘটনা ও চরিত্রের ওচিত্য গুরুত্বের অভাবে, জীবনের রস ও রূপের এক কথায় জীবনের গভীর তাৎপর্য্য-ব্যঞ্জনার অভাবে। বিষয়বস্তুর গুরুত্ব, এবং ঘটনা-চরিত্র রস প্রভৃতির মধ্যে ট্রাজিক সংবেদনা থাকিলে—এবং তদ্বারা ট্রাজেডি-বোধ (impression of tragedy) উদ্ভিক্ত হইলে চরিত্র-সৃষ্টির চমৎকারিত্বের অভাব, রস-নিষ্পত্তির অভাব সত্ত্বেও, নাটককে ট্রাজেডি-শ্রেণীর মধ্যেই অন্তর্ভুক্ত করিতে হইবে। অর্থাৎ ট্রাজেডি, রসনার দিক দিয়া দুর্বল বা অসম্পূর্ণ হইলেও বোধ অংশের দাবীতে ট্রাজেডির তালিকায় স্থান পাইবে—অবশ্য, ‘অসার্থক’ সৃষ্টি হিসাবেই পাইবে।

নীলদর্পণ নাটকের জাতি-পরিচয় দেওয়ার আগে উল্লিখিত আলোচনা স্মরণ করিয়া লওয়া বাঞ্ছনীয়। এ কথা সত্য—নীলদর্পণে মেলোড্রামাটিক ঘটনা আছে, চরিত্র পরিষ্কৃষ্ট রূপ পায় নাই, রসনিষ্পত্তিও ভাব-ভাষার অনোচিত্যের

প্রতিবন্ধকতায় তেমন চিত্তাকর্ষক হয় নাই ; কিন্তু এ কথাও সত্য, নীলদর্পণ নাটকের ঘটনাবস্তুর বাস্তবিক বা সামাজিক গুরুত্ব অবিংসবাদিত । ইহাতে—ডাঃ ব্রীহ্মশীলকুমার দে মহাশয়ের ভাষায়—“অসহায় সংগ্রামের নিষ্ফলতা, দুঃখ-দুর্দশার কারুণ্য, অথবা মৃত্যুর ঘনঘটা……। মল্লভ্রাত্ত্বের অকারণ লাঞ্ছনা, জীবনের নির্ভর অপমান……রহিয়াছে ।’ আর এ কথাও স্বীকার্য্য যে—এই অসহায়তা দুঃখদুর্দশা, লাঞ্ছনা, অপমান ও মৃত্যু” —প্রভৃতির কারণ সম্পূর্ণ বহিরঙ্গ, কেবল কতকগুলি অকস্মিক ঘটনার দৃষ্টিপাক” নয় । নাটকে যে পরিবেষ্টনীর সহিত নায়কের দ্বন্দ্ব দেখান হইয়াছে তাহাকেও ‘তাত্পর্যহীন শক্তি’ বলাও চলে না, কারণ যে রাজনৈতিক অর্থনৈতিক বা সামাজিক পরিবেষ্টনী উপস্থাপিত করা হইয়াছে তাহা কাল্পনিক নহে—বাঙালীর ইতিহাসের বিশেষ পর্বের একটি জীবন-মরণ সমস্তার দিয়া এই পরিবেষ্টনী গঠিত ।

তারপর এ কথাও বলা চলে না যে নায়কের ভাগ্য বিপর্য্যয় বা শোচনীয় পরিণতির মূলে নায়কের কোন ‘প্রবৃত্তি’র দায়িত্ব মোটেই নাই । বস্তু-পরিবারের শোচনীয় পরিণামেব জন্ম, নবীনমাধবের আত্মমর্ষাদাবোধ, প্রজা-বাৎসল্য, উপচিকীর্ষা প্রভৃতি প্রবৃত্তি যে অংশতঃ দায়ী, এ কথা অনায়াসেই প্রমাণ করা যায় । যাহা হউক (১) প্রথমতঃ দেখা যায় নাটকের দ্বন্দ্বের জন্ম যে পরিবেষ্টনী সৃষ্টি করা হইয়াছে, তাহার প্রকৃতি এক অর্থে অর্থনৈতিক বটে কিন্তু বিশেষ অর্থে ঐতিহাসিক-কল্প (semi-historical) । এই কারণেই এই দ্বন্দ্বটি “game-level” এর কোন ব্যাপার নয়—ইহার সহিত বাঙালী-জীবনের একটি ঐতিহাসিক সমস্তা জড়িত রহিয়াছে । এই দ্বন্দ্ব শুধু বস্তু-পরিবারের দ্বন্দ্ব নয়, বস্তু-পরিবার এখানে পল্লী-বাংলারই প্রতিনিধি—নীলকর-অত্যাচারের বিরুদ্ধে নিরুপায় বাঙালী কৃষক প্রজার কেন্দ্রীভূত প্রতিরোধ । এই কারণেই যাহাকে বলে—depth of purpose বা ‘pervasiveness of problem’ তাহা এখানে আছে । সুতরাং ইহা যে সামাজিক ট্রাজেডির উপযুক্ত

পরিস্থিতি এ বিষয়ে কোন সন্দেহ নাই। **দ্বিতীয়তঃ** এই নাটকের যে নায়ক, সেই বহু-পরিবারটির শ্রেষ্ঠ সন্তান নবীনমাধবের এই জাতীয় ট্রাজেডি-নাটকের নায়ক হইবার যোগ্যতা অবশ্যই আছে। অবশ্য ইহা আমরা জানি বংশগৌরবে নায়কের অপরিহার্য্য কোন গুণ নয়, বংশে সাধারণ গুণে অসাধারণ যে-কোন লোকই ট্রাজেডির নায়ক হইতে পারে। নবীনমাধব ধনে মানে সুখ্যাতি ব্যক্তি। **নবীনমাধবের সাহস** বিস্ময়কর। সাহেবের সামনে দাঁড়াইয়া বলে—“আমার গত সনেব ৫০ বিঘা নীলের দাম চুকাইয়া না দিলে এ বৎসর এক বিঘাও নীল করিব না, এতে প্রাণ পষাস্ত পণ, বাড়ী কি ছার।” **নবীনমাধব নীলকর গোষ্ঠীর প্রধান শত্রু**—“পলাশপুর জালান কখনই প্রমাণ হইত না যদি নবীন বহু ওর ভিতরে না থাকিত। বেটা আপনি দরখাস্তের মুসাবিদা করিয়া দেয়,...” **নবীনমাধব প্রজারক্ষার্থে দীক্ষিত**। তাঁহার কথা—“গোরিব প্রজাগণের বক্ষাতে দীক্ষিত হইয়াছি, নিষ্ঠুর নীলকরের পীড়ন হইতে যদি একজন প্রজাকেও রক্ষা করিতে পারি তাহা হইলেই আপনাকে ধন্য জ্ঞান করিব” অর্থাৎ নবীনমাধবের নায়ক হইবার নৈতিক যোগ্যতাও যথেষ্ট।

তৃতীয়তঃ নবীন মাধবের চরিত্রে যদি কোন দোষ থাকিয়া থাকে তাহা তাঁহার মহত্ব, বস্তুতঃ মহাপ্রাণতাই তাঁহার শোচনীয় পরিণতিব জন্য অনেকাংশে দায়ী। মানের প্রতি বা প্রজার দুঃসুদর্শার জহ্ন মমতা না থাকিলে তাঁহার জীবনে অত বড় শোচনীয় পরিণাম অত শীঘ্র দেখা দিত না। **চতুর্থতঃ** নায়কের আচরণে একটা নির্ভীক অথচ নিরুপায় সংগ্রামের দৃশ্য একটা reaction against calamity” ফুটিয়া উঠিয়াছে, **পঞ্চমতঃ**—নাটকে যথেষ্ট ভয়ানক ও শোকাবহ ঘটনা আছে। **ষষ্ঠতঃ**—নাটকের পরিণাম রীতিমত বিষাদাস্ত—মৃত্যু, হত্যা, উন্নততা, প্রলাপ, বিলাপ প্রভৃতিতে “element of calamity and suffering (Smart-এর) নিদর্শন পাওয়া যায়। মোটামুটিভাবে বলা যায় ট্রাজেডির বহিরঙ্গ লক্ষণ নাটকে সবই আছে এবং নাটকখানি tragic

impression-এর প্রধান লক্ষণটি—“the unmeritted suffering”—এর বোধও জাগ্রত করে। এ কথা সত্য—নাটকের শেষে ভয়ানক ও কৰুণ রসের মাত্রাধিক্য ঘটিয়াছে, কিন্তু রসনিষ্পত্তির ত্রুটিটির কথা বাদ দিলে—আপাততঃ হিসাবের বাহিরে রাখিলে এবং জন এস স্মার্ট মহাশয়ের নিম্নলিখিত উক্তিটি—“A general principle applicable to all tragedy is not to be found in the old saying that character is destiny and in the notion that tragedy reveals the influences from without...”

“A person in ordinary life who has been conspired against and sinned against, brought to misery or death by the crimes of others, becomes for most men a tragic figure .. It is a legitimate one, and we can only refuse to call it tragic by putting some refined or esoteric significance,—সত্য বলিয়া স্বীকার করিলে, এ কথাও সত্য বলিয়া মানিতে হইবে—নৌলদর্পণ ট্রাজেডি-গোত্রীয় নাটক বটে তবে, পূর্ণমাত্রায় রসোত্তীর্ণ নয়। মেলোড্রাম-স্থলত ঘটনা বিব্রাস থাকিলেও বিষয়বস্তুর গাভীয়া ও তাৎপর্য—ঘটনার গুরুত্ব, নায়কের জীবনের সংগ্রাম এবং শোচনীয় পরিণতি, নাটকখানিকে মেলোড্রামার পংক্তি হইতে উদ্ধার করিয়াছে : নৌলদর্পণ পংকল্পনায় এবং সংবিদ সৃষ্টির দিক দিয়া (impression) ট্রাজেডি বটে কিন্তু রস নিষ্পত্তির দিক দিয়া অসামর্থক রচনা হইয়া আছে। এ কথা আগেই বলা হইয়াছে, রসনিষ্পত্তির দিক দিয়া অসামর্থক হইলেই ট্রাজেডি মেলোড্রামা হইয়া যায় না। নৌলদর্পণ অসামর্থক বা অনবত্ত সৃষ্টি হয় নাই বটে, কিন্তু তাই বলিয়া মেলোড্রামা হইয়া পড়ে নাই।

* নায়ক কে ?

এই প্রশ্নেই প্রশ্ন উঠিতে পারে—নৌলদর্পণ নাটকের ‘নায়ক’ বলিয়া ‘যিনি পরিচিত, সেই নবীনমাধব স্বার্থই ট্রাজেডি নায়কের একক প্রাধান্য পাইয়াছেন

কি না? একথা স্বীকার করিতেই হইবে যে নাটকে নেতৃচরিত্র যতখানি প্রত্যক্ষবৎ হওয়া উচিত ততখানি হয় নাই এবং হয় নাই বলিয়াই নবীনমাধব প্রাধান্য পাইয়াও সমুন্নত এককত্বের অধিকারী হইতে পারেন নাই। এখন, প্রশ্ন এই ‘একমেবাদ্বিতীয়ম’-প্রাধান্য ট্রাজেডির নায়কের পক্ষে অপরিহার্য কি না? এই প্রশ্নে নাট্যতত্ত্ব-বিশারদ অধ্যাপক নিকল “দি ট্রাজিক হিরো”—অধ্যায়ের “দি হিরোলেস ট্রাজেডি”—পরিচ্ছেদে যে আলোচনা করিয়াছেন তাহা স্মরণ করা যাইতে পারে। নাট্যকার গলস্‌ওয়ার্ডের “স্ট্রাইফ্” এবং “জাষ্টিস” নাটক, নাট্যকার মিঃ ও-‘কেসি’র “সিলভার ট্যাসি” নাটক, তাঁহার মতে—“seem to be entirely lacking in a hero of adequate proportions.” তিনি বলেন—“In none of these play, does one single figure, or one single pair of figures, loom up sufficiently large to take dominating importance in our minds, and we have, therefore no hero or heroes in the older sense of the word”—কিন্তু তবু “each of those plays definitely summons something of a tragic impression। ট্রাজিক সংবিদ ভাগে কেন তাহা ব্যাখ্যা করিতে গিয়া বলিয়াছেন—এই ধরনের নাটকে ব্যক্তি-এককতার প্রাধান্য আপেক্ষিত নয়—কারণ এই নাটকে প্রধানপাত্র-পাত্রীবা “are regarded merely as symbols, or as part of humanity”। এই ধরনের নাটকে “The person who takes the chief role in the play is there, not in himself the hero, he is such only by virtue of the fact that he is a man” নীলদর্পণ নাটকের নায়ক নবীনমাধব প্রতিরোধ-শক্তির অধিনায়ক—প্রতিরোধের প্রতীক নবীনমাধব শুধু স্বরপুরের ‘বডবাবু’ ন’ন, সমগ্র বাঙলা দেশের বডবাবু—যিনি নীলকর অত্যাচারের বিষ আকণ্ঠ পান করিয়া, মরিয়া অমরতা লাভ করিয়াছেন। তাঁহার একক প্রাধান্য স্পষ্টভাবে রূপায়িত না হইলেও তিনিই এই নাটকের নায়ক। অগ্রভাবে বলিলে বলা যায়—এই নাটকে নায়ক এক নয়—নায়ক একটি ‘দল’ (group), নবীনমাধব সেই দলের দলপতি।

সমালোচনা

রক্তের গঠন

নীলদর্পণ নাটকে উপস্থাপ্য বিষয়—গোলোক বন্থ ও সাধুচরণ—এই দুইটি পরিবারের ট্রাজেডির দর্পণে নীলকর সাহেবদের অত্যাচার, অবিচার সন্ধি অঙ্ক ও জুলুম এবং প্রজাব ধন-প্রাণ-মান-ইজ্জৎ লইয়া চিনিমিনি খেলাব দৃশ্য প্রতিকলিত করা। গোলোক বন্থের পুত্র নবীন গভাক-বিভাগ মাধব সাহেবদিগেব প্রধান প্রতিপক্ষ, কারণ সাহেবদেব প্রজা পীড়নেব বিরুদ্ধে কোমর বাঁধিয়া তিনিই দাঁড়াইয়াছেন। প্রথম অত্যাচার—ধন-মানের উপর জুলুম, তাহাব প্রধান লক্ষ্য নবীনমাধবের পরিবার। দ্বিতীয় এবং চরম অত্যাচার নারীর ইজ্জতেব উপর—সাধুচরণেব কন্যা ক্ষেত্রমণি ইহার লক্ষ্য। তৃতীয় অত্যাচার—সাধারণ প্রজাদের উপর সাত কুটির জলগাওয়ানে, আমচাঁদেব প্রহাব, বুটের লাথি, গ্রামকে গ্রাম জালাইয়া দেওয়া ... অবশ্য কত কি। এখানে বন্থ পরিবারের বৃদ্ধ প্রধান কাহিনী 'আধিকাবিক', সাধুচরণ ক্ষেত্রমণি কাহিনী প্রাসঙ্গিক। *

* প্রথম সন্ধিতে বীজস্থাপনা -(Exposition)। প্রথম অঙ্কের চাবিটি গভাকে এই বীজ স্থাপনা করা হইয়াছে। প্রথম গভাকে—গোলোকচন্দ্র বন্থ ও সাধুচরণের কথোপকথনেব মধ্য দিয়া বন্থ পরিবারের অবস্থা—‘শোনার স্বরপূবে বস্ত্র স্বাচ্ছন্দ্যের চিত্র—বাস্তবতািব প্রতি স্বাভাবিক মমতা (sentiment), সাহেবদের পতন লওয়ার পরে গ্রামেব দুর্বস্থা—সাহেবদেব অত্যাচারেব নমুনা, নায়ক নবীনমাধবের চরিত্র—সাহেবদের জুলুমের মুখে সংসাহস দেখান—সাহেবদের বিরুদ্ধে মোকদ্দমা করার সঙ্কল্প উপস্থাপিত। দ্বিতীয় গভাকে—সাধুচরণের পরিবারের উপর—অত্যাচারেব আরম্ভ :—‘সাঁপোলতলাব জমিতে

দাগ মেয়েচে', তারপর রাইচরণ-সাধুচরণকে জোর করিয়া কুঠিতে ধরিয়া লইয়া যাওয়া। তৃতীয় গর্তাঙ্কে—কুঠির সাহেব ও তদন্তচরণের চরিত্র ও নির্ভর আচরণের পরিচয় দেওয়া হইয়াছে—সাহেবের উৎপীড়ন হইতে সাধুচরণকে বাঁচাইতে গিয়া নবীনমাধবের ভাগ্যে—‘শালা বাঞ্চৎ, পাজি, গোরুখোর, গালা-গালি ও চরম লাঞ্ছনা। চতুর্থ গর্তাঙ্কে—নবীন মাধবের পারিবারিক সম্প্রীতি—স্বথের সংসারের চিত্র—শাণ্ডী ও পুত্রবধূর মধ্যে দুই জায়ে জায়ে মধুর সম্পর্ক—সাবিত্রীর সহিত ক্ষেত্রমণির-মা রেবতীর আলাপ আলোচনায়—পদী ময়রাণীর আনাগোনা ও ক্ষেত্রমণির প্রতি সাহেবের লোভের কথা প্রকাশ। * ভাবী ঘটনা ও রস সৃষ্টির আয়োজন এই অঙ্কে সূক্ষ্মর মিতব্যয়িতার সহিত স্থাপিত হইয়াছে। এই নাটকে যে রস সংবেদনা সৃষ্টি করা উদ্দেশ্য হইয়াছে, তাহাতে একাধারে গোলোক বস্তুর সোনার সংসার—নবীনমাধবের সংসাহস ও প্রজাদরদ যেমন আবশ্যক, তেমনি আবশ্যক সাধারণ রাইয়ত সাধুচরণ-রাইচরণের সংসার—বিশেষতঃ গর্ভবতী ক্ষেত্রমণি। শেষদিকে যে করুণ রস সৃষ্টির চেষ্টা করা হইয়াছে তাহার জ্ঞা সাবিত্রী, সরলা ও সৈরিক্তার মধুর সম্পর্কটি অপরিহার্য উপাদান।

প্রতিমুখ-সন্ধি—দ্বিতীয় অঙ্কে—তিনটি গর্তাঙ্কে। বীজ এখানে অঙ্কুরিত। নবীনমাধবকে জব্দ করিবার উদ্দেশ্যে সাহেবরা মিথ্যা মোকদ্দমা সাজাইয়াছে, নবীনমাধবের অন্তরক্ত প্রজাদের মুখ হইবে মিথ্যা সাক্ষ্য আদায় করিবার জ্ঞা প্রজাদের কুঠির গুদাম-ঘরে আটক করিয়া অত্যাচার চালানো হইতেছে। প্রথম গর্তাঙ্কে :—বেগুনবেড়ের কুঠির গুদাম-ঘরে তোরাপ ও আরও চারজন রাইয়ত বন্দী। তাহাদের মনে বড় দ্বন্দ্ব—“ঝে বড়বাবুর জ্ঞি জাত বাঁচেচে যার ছিলেয় বসতি কত্তি নেগিচি, ঝে বড়বাবু হালগোরু বৈঁচয়ে নে ব্যাড়াচ্ছে মিত্যে সাক্ষী দিয়ে সেই বড়বাবুর বাপকে কয়েদ করে দেব?—(তোরাপ) কিন্তু ‘রামকান্ত’ ও বুটের গুঁতায় সকলেরই প্রাণ যায় যায়। দ্বিতীয় গর্তাঙ্কে—বিন্দুমাধবের পত্র মারফৎ মোকদ্দমার সংবাদ জ্ঞাপন করা হইয়াছে এবং সরলতার

বিরহ-ব্যথার সাহায্যে হৃদয়-পীড়নের বেদনা সঞ্চারণ করার চেষ্টা হইয়াছে। তৃতীয় গভর্নকে—পদীময়রানীর স্বগতোক্তির সাহায্যে—ক্ষেত্রমণির জন্ত সাহেবের জিদ, এবং লাঠিয়ালপক্ষীয় সংলাপে—লুঠের বিবরণ পেশ করা হইয়াছে—নবীনমাধবের স্বগতোক্তিতে—মোকদ্দমার অবস্থা—ম্যাজিস্ট্রেট ও নীলকুঠি সাহেবের বন্ধুত্বের সংবাদ প্রভৃতি আক্ষিপ্ত হইয়াছে।

গভর্নসিদ্ধি।—তৃতীয় অঙ্কে—চাবটি গভর্নকে ॥

প্রথম গভর্নকে—গোপী ও উডের কথোপকথনে নবীনমাধবের বর্তমান অবস্থা বর্ণিত—“নবীন বসের চক্ষে এইবার ভাল বাহির হইয়াছে। বেটার এমন শাসন কিছুতেই হয় নাই। বেটার বাগান বাহির করিয়া লওয়া গিয়েছে, গাঁতি গদাট পোদকে পাটা করিয়া দেওয়া গিয়াছে, আবাদ একপ্রকার রহিত করা গিয়াছে, বেটার গোলা সব খালি পড়ে রহিয়াছে, বেটাকে দুইবার ফোজদারিতে সোপান করা গিয়াছে, এত ক্রোধেও বেটা খাড়া ছিল, এইবারে একেবারে পতন হইয়াছে”। অবশ্য নবীন বহুর ব্রত এখনও ভাঙ্গে নাই। প্রজার ধনপ্রাণ বাঁচাইবার ঝোঁক এখনও আছে। দ্বিতীয় গভর্নকে নীলকর-সাহেবদিগের অত্যাচারে দেশের যে চোচনীয় অবস্থা হইয়াছে নবীনমাধবের জবানিতে তাহা ব্যক্ত হইয়াছে—‘এই আইনে কত ব্যক্তি বিনাপরাধে কারাগারে জন্দন করিতেছে—তাহাদের স্ত্রী পুত্রের হুঃখ দেখিলে বসঃ বিদীর্ণ হয়—উনানের হাঁড়ি উনানেই রহিয়াছে, উঠানের ধান উঠানেই শুকাইতেছে, গোয়ালের গোরু গোয়ালেই রহিয়াছে—ক্ষেত্রের চাষ সম্পূর্ণ হ্রাস না, সকল ক্ষেত্রে বাজ বপন হ্রাস না...’এক কথায় চরম কৃষি সঙ্কট। তারপর—চরম অত্যাচার—নারীর ইজ্জৎ নষ্ট করা—লাঠিয়ালরা ক্ষেত্রমণিকে কুঠিতেধরিয়া লইয়া যায়। নবীনমাধব—বড়গাবু; বড়গাবু ছাড়া আর কে উদ্ধার করিতে পারে? নবীন ক্ষেত্রমণিকে উদ্ধার করিতে ছুটিয়া যান।* তৃতীয় গভর্নকে বিখ্যাত পাশবিক অত্যাচারের দৃশ্যটি—(মোহিতলালের মতে—‘এ দৃশ্যে দীনবন্ধুর নাটকীয় প্রতিভার অগ্নি-পরীক্ষা হইয়া গিয়াছে) গভিনী নারীর প্রতি পৈশাচিক অত্যাচারের—এবং

নবীনমাধব ও তোরাপের সংসাহস ও বীরত্বের দৃশ্য। চতুর্থ গর্ভাঙ্কে—সাবিত্রীর আক্ষেপ ক্রন্দনের মাধ্যমে গোলোক বস্তুর দুঃখ হৃদেীগ ‘ফোজছুরিতে ধর্যে নে গেল, তাঁর জেলে যেতে হবে’—প্রভৃতি দৃষ্টটনার উপস্থাপনা।

চতুর্থ অঙ্কে—বিমর্ষ-সন্ধি। এই অঙ্কে ঘটনা ট্রাজেডির উপকণ্ঠে অগ্রসর হইয়াছে। প্রথম গর্ভাঙ্কে—‘ইজ্জাদার ফোজদারি কাছারি’তে বিচারের গ্রহণ। গোলোক বস্তুর প্রতি—নীলকর-কীতদাস মৃচমতি ম্যাজিস্ট্রেটের মুখ হইতে নিষ্ঠুর কারাবাসানুমতি’। দ্বিতীয় গর্ভাঙ্কে—নবীনমাধব বিন্দুমাধব প্রভৃতির অন্তর্দাহ। ডেপুটির মুখে নবীনমাধবের ট্রাজেডির উদঘোষণা—“নবীনবাবু অতি বীরপুরুষ পরোপকারী, বদাম্ভ, বিছোৎসাহী, দেশহিতৈষী, কিন্তু নির্দয় নীলকর কুজ্বাটিকায় নবীনবাবুর সদগুণ সমূহ মুকুলেই স্ত্রিয়মাণ হইল।” পণ্ডিতের মুখে—সমস্ত শাসন ও বিচার বিভাগীয় কর্মচারীদের সমালোচনা এবং শেষ অংশ—জেলে কৌনরূপ বিপত্তির ইঙ্গিত। তৃতীয় গর্ভাঙ্কে—ইজ্জাদার জেলখানায়—গোলোকচন্দ্রের মৃতদেহ দোদুল্যমান—বিন্দুমাধবের শোকোচ্ছ্বাস বস্ত্র-পরিবারের চরম ভাগ্য-বিপর্যয়ের দৃশ্য।

পঞ্চম অঙ্কে—উপসংহার। যাহাকে বলা যায় Catastrophe—Calamity and suffering-এর একশেষ—বীজের চরম পরিণতি। প্রথম গর্ভাঙ্কে :—গোপী ও গোপের কথোপকথনের মধ্য দিয়া নবীন বস্তুর পরিবারটির জন্ত গোপীর আক্ষেপ দেখান হইয়াছে এবং সাবিত্রী ও সবলার গুণপনার প্রতি সকলের দৃষ্টি আকর্ষণ করিয়া সরলা-হত্যাজনিত করুণ রসের উদ্দীপন-বিভাব সৃষ্টি করা হইয়াছে। গোপীর ভক্তিতে অনন্ত নেতৃচরিত্রের উপর নূতন করিয়া আলোক প্রক্ষিপ্ত হইয়াছে—জানানো হইয়াছে—“নবীন মরেও এক কামড় কামড়াবে।” গোলোক বস্তুর অপমৃত্যুর শোচনীয়ত্বও ব্যাখ্যাত হইয়াছে—“হিন্দুর ঘরে গলায় দড়ি দিয়ে বিশেষ জেলের ভিতরে মরা বড় দোষ এবং ধিকারান্ধ।”—(গোপী)। নবীন বস্তুর বিরুদ্ধে উড সাহেবের নূতন অত্যাচারের উত্তোষ করিতে দেখা যায়—“হারামজাদাকে কাল আমি

গ্রেপ্তার করবো।” আর বিশেষভাবে দেখানো হইয়াছে—গোপীর চরিত্রটির মাধ্যমে নীলকর সাহেবদিগের অহুচরদের অধঃ-পতনকে। দ্বিতীয় গর্ভাঙ্কে—নবীনমাধবের মান বাঁচাইতে গিয়া প্রাণ দেওয়ার দৃশ্য—তোরাপ প্রভৃতির বডবাবুর প্রাণ বাঁচাইবার জন্ত চেষ্টা—কিন্তু নিষ্ফল চেষ্টা। মুচ্ছাপন্ন নবীন-মাধবকে লইয়া শোকের উৎক্ষেপ—সাবিত্রীর মুচ্ছা—সৈরিক্তীর বিলাপ ও প্রলাপ (এমন কি পয়ার-ছন্দে বিলাপ)—‘সর্বনাশের উপর সর্বনাশ’ সাবিত্রীর উদ্গাদ অবস্থা। তৃতীয় গর্ভাঙ্কে—‘ক্ষেত্রমণির শয্যাকটকি—ও মৃত্যু। (সাধুচরণের পরিবারে চূড়ান্ত দুঃখের আঘাত)। চতুর্থ গর্ভাঙ্কে—সাবিত্রীর মৃতপুত্রের শবদে উদ্গাদ-প্রলাপ—উদ্গাদ সাবিত্রীর হাতে মরলতার অপমৃত্যু (গলায় পা দিয়া দণ্ডায়মান—গলার উপর নৃত্য, বিন্দুমাধবের আর্তিনাদ—সাবিত্রীর জ্ঞানসঞ্চার এবং সঙ্গে সঙ্গে শোকাঘাতে ভূতলে পতনান্তর মৃত্যু... বিন্দুমাধবের ‘রোদন—আক্ষেপ = = ‘স্বরপুর্বনিবাসী বহুকুল নীলকৌত্তি-নাশায় বিলুপ্ত হইল।’ এবং শেষে পয়ারবন্ধে বিলাপ।

নাটক দৃশ্যকাব্য। স্তবরাং নাটকে উপযুক্ত ঘটনার স্থানিকীচন অবশ্যই চাই এবং ঘটনাকে অধিকতর মাত্রায় দৃশ্য বা প্রত্যক্ষবৎ করিবার প্রয়োজনও বেশী। দৃশ্য-পরিকল্পনা নাট্যকার-প্রতিভার প্রথম পরীক্ষা বলিয়া মনে করা যাইতে পারে। এই নাটকের দৃশ্য-পরিকল্পনায় অধিকতর মাত্রায় প্রত্যক্ষ উপস্থাপনা রীতি অবলম্বিত হয় নাই, নাটকের গুণ ও চরিত্রকে যত পরোক্ষভাবে রূপ দেওয়া হইয়াছে তত প্রত্যক্ষভাবে উপস্থাপিত করা হয় নাই। তাহা করা হইলে অবশ্যই নাটকের ব্যক্তি-প্রাধান্যের এবং নাটকের রসনিম্পত্তির মাত্রা আরো বৃদ্ধি পাইত। তবে নীলদর্পণের বৃত্ত সমালোচনার সময় এই কথাটি সব সময়ই মনে রাখিতে হইবে যে নাটকখানির ‘এ্যাকশান’ অনেক পরিমাণে যাহাকে বলে ‘ইলাস্ট্রেটিভ এ্যাকশান’ তাহা না হইয়া পারিবে না। নীলকরদের অত্যাচারের রূপগুলি উপস্থিত করাই দেখানে মুখ্য উদ্দেশ্য, সেখানে দৃশ্য পরিকল্পনার মধ্যে অত্যাচার নির্দেশগুলির প্রদর্শনের দিকে অধিকতর যৌক্তিক

পড়িবে ইহাই স্বাভাবিক। তাই বলিয়া ইহা নীলকর অত্যাচারের খাপছাড়া কতকগুলি দৃশ্য নহে। আগেই দেখাইয়াছি এই বৃত্তটি যথারীতি সজ্জি বিভক্তি এবং একটি আরম্ভ হইতে উপসংহার পর্যন্ত কাহিনীতে ক্রমগতি রহিয়াছে। প্রতিরোধের সংকল্পে কাষের আরম্ভ হইয়াছে এবং নবীনমাধবের শোচনীয় মৃত্যুতে প্রতিরোধের অবসান ঘটয়াছে। ইহাও লক্ষণীয় যে, প্রধান বৃত্তের পাশাপাশি, অপ্রধান বৃত্তটিকে অর্থাৎ সাধুচরণের পরিবারের ঘটনাকে নাট্যকার এমনভাবে স্থান দিয়াছেন যে অপ্রধান বৃত্তটি অসংলগ্ন কোন বৃত্তে পরিণত হয় নাই প্রধান বৃত্তটির পরিপোষকই হইয়াছে। রাইচরণকে কুঠি হইতে উদ্ধার করিবার চেষ্টার দৃশ্যের মধ্যে অথবা ক্ষেত্রমণিকে কুঠিয়াল সাহেবের কবল হইতে ছিনাইয়া লইয়া আসিবার দৃশ্যের মধ্যে, একদিকে যেমন নীলকর সাহেবদের অত্যাচারের রূপ প্রকটিত হইয়াছে, অন্যদিকে তেমনি নবীনমাধবের প্রাতিরোধ চেষ্টার নিদর্শনও ফুটিয়া উঠিয়াছে। মোট কথা নেতৃ চরিত্রের সঙ্গে এই সব দৃশ্যের সংঘর্ষ বা সম্পর্ক বহিয়াছে। তারপর বেগুনবেড়ের কুঠির দৃশ্যগুলিতে মূল কাষের সহিত সম্পর্কশূন্য নহে। প্রজাদেয় ও কুঠির কর্মচারীদের আলাপ-আলোচনার ইতস্ততঃ নানা বিষয়ে পরিভ্রমণ করিলেও, শেষ পর্যন্ত মূল কাষেব দিকেই ফিরিয়া আসিয়াছে—নবীনমাধবের চরিত্র ও বহু পরিবারের সংবাদ প্রতিফলিত করিয়াছে। এই কারণে, এ কথা কোন মতেই বলা চলে না যে নীলদর্পণ নাটক না হইয়া নাট্যচিত্র হইয়াছে।

[চরিত্র]

নীলদর্পণ নাটকে পুরুষ চরিত্রের সংখ্যা—ছোটবড় মিলাইয়া ৩০ এবং নারী চরিত্রের সংখ্যা—সাত (৭)। পুরুষের মধ্যে প্রধান—গোলোকচন্দ্র বহু, নবীনমাধব, বিন্ধ্যমাধব, সাধুচরণ, রাইচরণ, গোপী, উড়, রোগ প্রভৃতি, বাকী সব অপ্রধান বটে কিন্তু চরিত্র-হিসাবে লক্ষণীয়। স্ত্রী-চরিত্রগুলি সকলেই বিশিষ্ট এবং উল্লেখযোগ্য।

এই নাটকে অশরীরী নায়ক একজনকে ধরা যায়—তাহার নাম ‘বসু-পরিবার’। বসু পরিবারের সোনার সংসার। নবীনমাধবের আক্ষেপে এই সোনার সংসারের চিত্র প্রতিফলিত হইয়াছে—“আমার ৭ শত টাকার মুনাকার গাঁতি, আমার ১৫ গোলা ধান, ১৬ বিঘার বাগান, আমার ২০ খানা লাঙ্গল,

নায়ক স্থানীয়
বসু-পরিবার

৫০ জন মাইন্দার, পূজার সময় কি সমারোহ, লোকে বাড়ী
পরিপূর্ণ, ব্রাহ্মণ ভোজন, কাঙ্গালোকে অন্নবিতরণ, আত্মীয়-
গণের আহাৰ, বৈষ্ণবের গান, আমোদজনক যাত্রা, আমি

কত অর্থ ব্যয় করিয়াছি, পাত্র বিবেচনায় এক শত টাকা দান করিয়াছি।

আহা! এমন ঐশ্বর্য্যশালী হইয়া ।” প্রজাদের অনেকেরই মুখের

কথা বলিয়াছে গোপ—“হুম না থাকিলে হুম চেয়ে আনছি, তেল পলাডা

তেল পলাডাই আনলাম, ছেলেডা কাস্তি লাগলো গুড চেয়ে দেলাম—

বসিগার বাড়ী সাত পুরুষ পেয়ে মাহুষ, ... ।” এই পরিবারের হুম

খায় নাই এমন রাইয়ত কমই আছে। এই পরিবারের কর্তা—গোলোক বসু

সাধু ব্যক্তি এবং ‘কায়স্থ কুল তিলক’ বলিয়া অধ্যাপক ‘মহলে’ সুপরিচিত।

কিন্তু এই গোলোকচন্দ্র “অতি নিরীহ মনুষ্য, নীলকর সাহেবদের ব্যাপ্ত অপেক্ষা

ভয় করে, কোন গোলের মধ্যে থাকে না, কখন কাহারও

গোলোক বসু মন্দ করে না, কাহাকে মন্দ হইতে উদ্ধার করিঃ ও সাহসী

হয় না.....” গোলোকচন্দ্র বসু যে সূচরিত্রের লোক তাহা জেলার সকল

লোক জানে।”

গোলোক অতি নিরীহ “ঘরবাসী মাহুষ” বটে কিন্তু নির্বোধ নন—তিনি

ভালভাবেই জানেন—“সাহেবদিগের রাজি রাখিতে পারিলেই মঙ্গল।

সাহেবদের দেশ ‘হাকিম ভাই ব্রাদার, সাহেবদের অমতে চলিতে আছে?”

তবুও অবস্থাচক্রে—নবীনমাধবের প্রজাবাৎসল্য ও মহামুভবতার জগু তাঁহার

জীবনে শোচনীয় দুর্ভোগ! বস্তুতঃ তখনকার দিনের সম্রাস্ত হিন্দু-পরিবারের

পক্ষে এতবড় বিপত্তি কি হইতে পারে—‘মানী মাহুষ-এর কারাবাস—অস্পৃশ্য

লোকের হাতের অন্নজল নিশ্চয়ই ‘মরণাদতিরিচ্যতে।’ গোলোক বহু স্বভাবে নিরীহ হইলেও হিন্দু-সংস্কারের দিক দিয়া দুর্বল নন। এখানে তিনি অটল অভিমানী এবং দুঃসাহসী ব্যক্তি, নবীনের বহু মিনতির সংক্ষিপ্ত উত্তর—“নবীন তিনদিন গত হইলে আহাৰ করি না করি বিবেচনা করিব, তিনদিনের মধ্যে এ পাপ মুখে কিছু মাত্র দিব না।” পাপমুখ যাহাতে আব না দেখাইতে হয় এই জ্ঞা তিনি শেষ পর্যন্ত উডানি-পাকান, দড়ি দিয়া উদ্ভবনে প্রাণ-ত্যাগ করেন।

এইরূপ বহু-পরিবারে নবীনমাধবের জন্ম।—অস্বিস্ত নিগুণং গোত্রে নাপত্যমুপজায়তে—অধাপকের কথাটি বর্ণে বর্ণে সত্য। নবীনমাধবের সম্বন্ধে ডেপুটিবাবু যাহা বলিয়াছেন তাহার একবর্ণও মিথ্যা নয়
 নবীনমাধব —“নবীনবাবু অতি বীর পুরুষ, পরোপকারী, বদাম্ভ, বিদ্বোৎসাহী, দেশহিতৈষী।”

প্রথমতঃ সাধুচরণের মুখে (১ম+গভীরে) নবীনমাধবের সাহসেব উল্লেখ—পরোক্ষ নিদর্শন পাওয়া যায়—“বড়বাবুর কিন্তু ভালা সাহস।” সাহসই বটে। যিনি সাহেবের শাসানির মুখে—খে সে শাসানি নয়—“যদি তুমি আমিন খালাসির কথা না শোন, চিহ্নিত জমিতে নীল না কর তবে তোমার বাড়ী উঠাইয়ে বেত্রবতীর জলে ফেলাইয়া দিব এবং তোমাকে কুটির গুদামে ধান ঝাওয়াইব—” এইরূপ শাসানির মুখে, বলিতে পারেন—“আমাব গত সনের ৫০ বিঘা নীলের দাম চুকাইয়ে না দিলে এ বৎসর এক বিঘাও নীল করিব না এতে প্রাণ পরিস্ত পণ বাড়ী কি ছার” তিনি শুধু সাহসী নন—দুঃসাহসী। “সাহেবদের দেশ, হাকিম ভাই-ব্রাদার, এই কথা জানিয়া গুনিয়াও তিনি সাহেবদের বিরুদ্ধে মোকদ্দমা লড়িতে পশ্চাৎপদ নন। এই সাহসের জন্মই নবীন বহু নীলকুঠির প্রধান শত্রু। গোপীর কথায় প্রমাণ—‘পলাশপুর জালান কখনই প্রীমাণ হইত না যদি নবীন বস ওর ভিতরে না থাকিত। বেটা আপনি দরখাস্তের মুসাবিদা করিয়া দেয়, উকীল মোক্তারদের এমন সলা

পরামর্শ দিয়াছিল যে তাহার জোরেই হাকিমের রায় ফিরিয়া যায়। এই বেটীর কৌশলেই সাবেক দেওয়ানের দুই বৎসর মেয়াদ হয়।’ এই হুঃসাহসের পরিচয় পাওয়া যায়—ক্ষেত্রমণিকে রোগ সাহেবের কামরা হইতে উদ্ধার করার দৃশ্যে। কিন্তু নবীনমাধবের এই বীরত্বের মধ্যে ঔদ্ধত্য ও নিষ্ঠুরতা নাই। রোগের মত শয়তানের সহিত বাবহারেও নবীনমাধবের সহজ উদারতা ও ক্রমা-বস্তার পরিচয় প্রকাশ পাইয়াছে। ভীষণ উত্তেজনার মুহূর্ত্তেও তাঁহার মুখে শোনা যায়—“তোরাপ, মারবার আবশ্যক কি, ওরা নিদ্রিয় বলে আমাদের নিদ্রিয় হওয়া উচিত নয়।” ধারোদান্ড নায়কেবই লক্ষণ। কিন্তু যেখানে আত্ম-মর্যাদা অপমৃত্যুর সম্মুখীন সেখানে নবীনমাধবের এই ঐশ্বর্য্য নির্ভীক প্রতিশোধ চেষ্টা রূপেই আত্মপ্রকাশ করিয়াছে। পঞ্চম অঙ্কের দ্বিতীয় গর্ত্তাঙ্কে—কাতব প্রার্থনার উত্তরে সাহেব যখন বলে—‘যখনই জ্বলে চোর ডাকাইতের সঙ্গে তোর পিতার ফাঁস হইয়াছে, তার আদে অনেক বাঁড় কাটিতে হইবে নেই নিমিত্তে টাকা রাখিয়া দে’ এবং পায়ের জুতা নবীনমাধবের ঠাটুতে ঠেকাইয়া বলে—“তোব বাপের আদে ভিক্ষা এঃ” তখন নবীনমাধব ‘সাহেবের বক্ষঃস্থলে’ পদাঘাত করিতে ইতস্তত করেন না। বাস্তবিক নবীনমাধবের বীরত্বের নিদর্শন পরোক্ষ প্রত্যক্ষভাবে যথেষ্টই পাওয়া যায়। যদিও যতখানি পরোক্ষভাবে পাওয়া যায়, ততখানি প্রত্যক্ষভাবে পাওয়া যায় না।

কিন্তু এই বীরত্ব নিছক অহঙ্কারের ক্ষুদ্রিত মাত্র নয়—ইহার রসূল বা ধাবণ-শক্তি নিহিত আছে পরোপকার বৃত্তির মধ্যে। পরোপকার বৃত্তি বহু পরিবারের সকলের মধ্যেই কম-বেশী আছে, ‘বসিগার বাড়ী সাতপুরুষ খেয়ে মানুষ’—এমন মানুষ গোপের মত আরো অনেকেই আছে। নবীনমাধবের মধ্যে ‘পরোপকার’ ধর্মে পরিণত হইয়াছে। নবীনমাধবকে গোপীর কথার উত্তরে স্পষ্ট ভাষায় বলিতে শোনা যায়—“গরীব প্রজাগণের রক্ষাতে দীক্ষিত হইয়াছি নিষ্ঠুর নীলকরের পীড়ন হইতে যদি একজন প্রাণীকেও রক্ষা করিতে পারি তাহা হইলেই আপনাকে ধন্য জ্ঞান করিব”... প্রথম মোক্তারের স্বীকৃতিও

ইহার প্রমাণ—“আমার মক্কেলের পুত্র নবীনমাধব বস্ত্র করাল নীলকর নিশাচরের কর হইতে উপায়হীন চাষাদিগকে রক্ষা করিতে প্রাণপণে যত্ন করিয়া থাকেন এ কথা স্বীকার করি, এবং তিনি উড সাহেবের দৌরাশ্রা নিবারণ করিতে অনেকবাব সফলও হইয়াছেন তাহা পলাশপুর জ্বালান মোকদ্দমাঃ নথিতে প্রকাশ আছে।”* নবীনমাধব শুধু নিজের স্বার্থ রক্ষা করিবার জন্তই সাহেবদের বিরুদ্ধে দাঁড়ান নাই; তিনি পরার্থপরতার অল্পপ্রেরণাতেই নীলকর সাহেবদের খামখেয়ালীর বিরুদ্ধে দাঁড়াইয়াছেন।

পিতা গোলোক বস্ত্র “ফৌজদারীর ভয়ে ৬০ বিঘা নীলেব দান লইতে” চাহিলে নবীনমাধব যে যুক্তি দিয়াছেন তাহা পরার্থপরতার বড় প্রমাণ—“পিতা, আমাদিগের অগ্র আয় আছে, এক বৎসর কিম্বা দুই বৎসরের নীলেব লোকসানে কেবল ক্রিয়া কলাপি বন্দ হবে, এবেবারে অন্নভাব হবে না, কিন্তু যাহাদের লাঙ্গলের উপর সম্পূর্ণ নিভর তাহাদের উপায় কি? আমরা এষ্ট হারে নীল করিলে সকলের তাই করিতে হইবে।” নবীনমাধবের সম্মুখে একবার বড় পরীক্ষা আসে যখন তিনি পিতার চক্ষে জল দেখেন। বিপব্যয়ের পর বিপব্যয়ে দুর্বলতা দেখা দেয়—প্রশ্নও জাগে—“আমি কত দিকে সাহসনা করিব, সপারিবারে পলায়ন করা কি বিনী—?”—কিন্তু ইহা ক্ষণিকের দুর্বলতা, সঙ্গে সঙ্গেই স্থির সঙ্কল্পে মন দৃঢ় হয় ‘না, পরোপকার পরম ধর্ম্য মহলা পরাঙ্ মুখ হব না,’ পুরুষসিংহ—অথবা বিশেষণ নহে।

এই পরোপকার বৃত্তির ধারাটিই দেশ-হিতৈষিতা এবং বিজ্ঞানসাহিত্যের ধারায় পাখায়িত হইয়া বহিয়া গিয়াছে। অবশ্য তাই বলিয়া নবীনের দেশহিতৈষিতার মধ্যে কোনরূপ রাজনৈতিক আবেগ উত্তাপ নাই—ইহাতে আছে শুধু প্রজ-সাধারণের ধন-প্রাণ-মানের নিরাপত্তার এবং নৈতিক ও সাংস্কৃতিক উন্নতির কামনা। নবীনমাধব স্কুল স্থাপনের মত মাঙ্গলিক কাণ্ডে অর্থ ব্যয় করিতে কুণ্ঠিত নন, বরং উৎসাহী। ইনস্পেক্টর বাবুর প্রস্তাব প্রসঙ্গে তাঁহার মনোভাব—“আমি এ মাঙ্গলিক ব্যাপারে অর্থব্যয় করিতে

কাতর নই, আমার বড় আটচালা পরিপাটি বিজ্ঞানমন্দির হইতে পারে, দেশের বালকগণ, আমার গৃহে বলিয়া বিজ্ঞানার্জন করে এর অপেক্ষা আর মুখ কি, অর্থের ও পরিশ্রমের সার্থকতাই এই। [উনবিংশ শতাব্দীর প্রথমার্ধের একজন যথার্থ উত্তমবিস্তৃত ব্যক্তি এই নবীনমাধব। তখনকার সমাজচেতনা এই কথাটি হিন্দুর বাহিরে সম্প্রসারিত হইতে পারে নাই। ইংরেজ শক্তির বিরুদ্ধে সংঘবদ্ধ আন্দোলন করিবার মানসিকতা তখনও দানা বাধিয়া উঠে নাই।]

এই সকল গুণ চরিত্রের অঙ্গ বটে কিন্তু নবীনমাধবের চরিত্রের মর্মস্থান তাঁহার পিতৃভক্তি। গোপী ইহা ভালভাবেই জানে এবং জানে বলিয়াই নবীনমাধবকে শাসিত করিবার জন্য বৃদ্ধ গোলোক বসুকে আসামী করিতে পরামর্শ দেয়—ফলও হাতে হাতে ফলে। সত্যই গোপীব কথা ঠিক—“নবীনবসের চক্ষে এইবার জল বাহির হইয়াছে। বেটার এমন শাসন কিছুতেই হয় নাই। বেটার বাগান বাহির করিয়া লওয়া গিয়াছে গাঁতি গদাই পোদকে পাটা করিয়া দেওয়া গিয়াছে আবাদ এক প্রকার রহিত করা গিয়াছে বেটার গোলা সব খালি পড়ে রহিয়াছে, বেটাকে দুইবার ফৌজদারিতে মোপদ্দ করা গিয়াছে এত ক্রোশও বেটা খাড়া ছিল এইবারে একেবারে পতন হইয়াছে।” পিতার জেল নবীনমাধবের বুকে সাংঘাতিক আঘাত। পিতৃভক্তি মাতৃভক্তি ভ্রাতৃবাৎসল্য পত্নী প্রেম—সব বিষয়েই নবীনমাধব প্রশংসার অধিকারী।

কিন্তু চরিত্র-সৃষ্টি বলিতে গুণ-খ্যাতি ছাড়াও আরো বেশী কিছু বুঝায়। বিশেষতঃ নাটকে, চারিত্রকে শুধু গুণের আধার বলিয়া প্রচার করাই যথেষ্ট নয়, চরিত্রকে জীবন্ত ও গোটা একটা ব্যক্তিত্বে পরিণত করিতে হইবে—এবং তাহা করিতে হইবে চরিত্রের নিজেরই আচরণের ভিতর দিয়া। অবশ্য তাই বলিয়া যে পরোক্ষ উপস্থাপনা মোটেই থাকিবে না তাহা নহে। যে যে ঘটনায় চরিত্রের জীবনীয় শক্তির বা ব্যক্তিত্বের প্রকাশ পায়, চরিত্র স্বধর্ম লইয়া দর্শকের কাছে প্রত্যক্ষবৎ প্রতিভাত হয় তাহাদের যথাসম্ভব প্রত্যক্ষভাবেই উপস্থাপিত করা বিধেয়। নবীনমাধব চরিত্রের উপস্থাপনায় প্রত্যক্ষ অপেক্ষা পরোক্ষ রীতির

সাহায্যই অধিক পরিমাণে লওয়া হইয়াছে। ফলে চরিত্রটি যে-পরিমাণে অল্পমান-গম্য হইয়াছে সে পরিমাণে দৃশ্য বা প্রত্যক্ষ-গোচর হয় নাই। ‘সাধুচরণের পৃষ্ঠে হস্ত দিয়া আবরণ’—করিয়া ‘উড’-সাহেবের শ্যামচাঁদ-প্রহারে বাধা দান এবং ক্ষেত্রমণিকে রোগ-সাহেবের অত্যাচারের মুখ হইতে ছিনাইয়া লইয়া আনা—এই দুই ক্ষেত্র ছাড়া আর সব স্বপ্নের ক্ষেত্রে পরোক্ষভাবেই নবীনকে দেখান হইয়াছে। নায়ক-চরিত্রের উপস্থাপনায় এইরূপ পরোক্ষ-উপস্থাপনারীতি নায়কের গুণগণ্য প্রকাশ কবিলেও চবিত্রের জীবনী-শক্তি নষ্ট করে। কাব্য চরিত্রের জীবনী-শক্তির অভিব্যক্তি ঘটে পরিস্থিতির সহিত প্রত্যক্ষভাবে বুঝাপড়া করার চেষ্টার মাধ্যমেই—শারীরিক ক্রিয়া, অল্পভূতি ও মননের প্রতিক্রিয়ার মাধ্যমে। যে চরিত্রের দৈহিক ও মানসিক ক্রিয়ার রসোদ্বীপকত্ব বেশী সেই চরিত্রই সৃষ্টি হিসাবে প্রশংসনীয়। নবীনমাধব-চরিত্র অল্পভব ও মননের দিক দিয়া উচ্চাঙ্গের সৃষ্টি হইয়া উঠিতে পারে নাই।

নবীনমাধবের পবেই এই পক্ষের দুইটি চবিত্রের কথা মনে আসে। এক—সাধুচরণ, দুই—তোরাপ।

সাধুচরণ বস্ত্র-পরিবারের আশ্রিত। গোপীর মতে ‘মাতব্বর রাইঘত’ বটে, কিন্তু আসলে ‘ক্ষুদ্র প্রজা’। তাঁহার দেউখানি লাঙ্গল, আবাদ হদ্দ ২০ বিঘা। সেই ২০ বিঘার মধ্যে ৯ বিঘাই নীলে গ্রাস কবিয়াছে।

সাধুচরণ

এবং নূতন করিয়া সাঁপোলতলার জমিতে দাগ মাঝিয়া গিয়াছে—আর এ যেমন তেমন জমি নয়—রাইচরণের মায়ায় ‘জমি তো না যান সোণার চাঁপা। এক কোন্ কেটে মহাজন কাং কস্তায়’।

সাধুচরণ এই সব উৎপাতে দেশ ত্যাগ করিতে চাহে—গোলোক বাবু মহাশয়কেও দেশত্যাগের পরামর্শ দিয়াছে। কিন্তু বড়বাবুকে ছাড়িয়া যাইতে মন চাহে না বলিয়াই থাক। তবে সাঁপোলতলার জমিতে দাগ মারার পরেই মন স্থির করে—“কাল হাল গোরু বেচে গাঁর মুখে ঝাঁটা মেয়ে বসন্তবাবুর জমিদারিতে পালয়ে যাব।” কিন্তু যাওয়া আর হয় না। সঙ্গে সঙ্গে নীলকুঠিতে

ধরিয়া লইয়া গিয়া ঞ্চামটা দ প্রহারে জর্জরিত করা সত্ত্বেও, সাধুচরণ পলাইয়া যায় না। সাধুচরণের সংকল্প ও আচরণের মধ্যে ঐক্য নাই এবং সঙ্কল্পের পরিবর্তন কেন ঘটয়াছে তাহাও দেখান হয় নাই বটে কিন্তু সাধুচরণ যে বড়বাবু গত-প্রাণ ইহা দেখানই নাট্যকারের উদ্দেশ্য। সাধুচরণ বার বা সাহসী নয়। ক্ষেত্রমণিকে লাঠিয়ালরা ধরিয়া লইয়া গিয়াছে—এ কথা জানিয়া সে যাহা করিয়াছে তাহা পুরুষের কাজ নয়। নবানের প্রশ্নের উত্তরে সেই কাজের বিবরণ রেবতীর মুখেই শোনা যায়—“বাইরি এসে কান্দি নেগেচে।” এই পরিস্থিতিতে মেয়ে-কান্নার বেশী আর কোন প্রতিক্রিয়া দেগা যায় না। তারপর, বড়বাবুর মাথা ফাটিয়া গিয়াছে—বড়বাবু অচৈতন্ত হইয়া পড়িয়াছেন, ইহা দেখিয়া শুনিয়াও সে যাহা করে তাহার বিবরণ সে নিজমুখেই দিয়াছে ‘আমি অনেক যত্ন করিয়াও গোলের ভিতর যাইতে পারিলাম না।’ মোটকথা তাহার সাধ আছে সাধা নাই—গোল ভেদ করিবার সামর্থ্য তাহার নাই। তাই বলিয়া সে বড়বাবুকে কম ভালবাসে, কম ভক্তি করে—এ কথা বলা চলে না—সবরকম অসহ জালা সে সহ করিতে পারে কিন্তু “প্রজাপালক বড়বাবুর বিরহ” সহ করিতে পারে না। সাধু নিজমুখেই তাহা ব্যক্ত করে কবিরাজের কাছে এবং এমন সময়ে করে যখন কন্যার চরম কাল উপস্থিত। একটু অস্বাভাবিক হইলেও সাধুচরণের কল্পনা শক্তি ও আবেগ উল্লেখযোগ্য। —“চৈতন্ত বিলের একশত কেউটে সর্প আমার অঙ্গময় একেবারে দংশন করে তাহাও আমি সহ করিতে পারি, ইটের গাথমি উনানে হুঁদরি কাঠের জালে প্রকাণ্ড কড়ায় টগবগ করিয়া ফুটতেছে যে গুড় তাহাতে অকস্মাৎ নিমগ্ন হইয়া খাবি খাওয়াও সহ করিতে পারি, অমাবস্তার রাত্রিতে হারে রে হৈ হৈ শব্দে নির্দয় দুই ডাকাইতেরা হুশীল সবিদ্বান একমাত্র পুত্রকে বধ করিয়া, সম্মুখে পরমা-হৃদয়ী প্রতিপ্রাণা দশমাস গর্ভবতী সহস্রমিনীর উদরে পদাঘাত ঝাড়া গর্ভপাতন করিয়া সপ্তপুরুষাঙ্কিত ধনসম্পত্তি আহরণ পুরুক আমার চক্ষু তলোয়ার দিয়া অঙ্ক করিয়া দিয়া যায়, তাহাও সহ করিতে পারি ; গ্রামের ভিতরে একটা ছাড়িয়া

দশটা নীলকুটি স্থাপিত হয় তাহাও সহ্য করিতে পারি, কিন্তু এক মুহূর্তের নিমিত্তেও প্রজাপালক বড়বাবুর বিরহ সহ্য করিতে পারি না।” এহেন প্রভুভক্তির প্রমাণ সাধুচরণ কার্যো না দিক বাক্যে যথেষ্টই দিয়াছে— জেলে কর্তাগৃহাশয়ের সেবা করিবার জন্ত সে চুরি করিয়া জেলে যাইতে প্রস্তুত—সে বলে—“আমি চুরি করি, আপনারা আমাকে চোর বলে ধরে দেন, আমি একরার করিব, তা হলেই আমাকে জেলে দেবে আমি সেখানে কর্তা মহাশয়ের চাকর হয়ে থাকিব”। সাধুচরণের এই প্রভুভক্তির দিকটা খুব স্পষ্ট ও বাস্তবিক রূপ পায় নাই এ কথা স্বীকার্য। তবে একথা স্বীকার করিতেই হইবে যে ক্ষেত্রমণির মৃত্যুর দৃশ্যে সাধুচরণের পিতৃ-সন্তাটিকে বেশ একটি অচঞ্চল শোকের গভীরতা ব্যক্ত হইয়াছে।

এই পক্ষের দ্বিতীয় সহায়ক চরিত্র * তোরাপ। নীলদর্পণ নাটকে যতগুলি জীবন্ত চরিত্র আছে তাদের মধ্যে তোরাপ একটি বিশিষ্ট স্থান অধিকার করিয়া আছে। তোরাপ একটি আস্ত তোরাপ—ষেমনি ভাবে-
 তোরাপ
 ভাষায় তেমনি আচরণে। তোরাপ একজন চাষী। তাহার আকৃতির কোন বিবরণ না দেওয়া হইলেও, দুই একটি কথা হইতে চেহারাটা অনুমান করা যাইতে পারে। তোরাপকে সাধুচরণ ‘একগুঁয়ে মহিষ’ বলিয়াছে—এ অবশ্য পরোক্ষ উক্তি মাত্র, তোরাপের আকৃতির প্রত্যক্ষ পরিচয় তোরাপ নিজেই একটা দিয়াছে—রোগ সাহেবের উদ্দেশ্যে সে বড়বাবুকে বলিয়াছে—“ও ব্যামন কুকুর মুই তেমনি মুগুর, সমিন্দির ব্যামন চাবালি মোর তেমনি হাতের পোঁচা”। সত্যিই, “সাহেবের গলদেশে ধরিয়া গালে চপেটাঘাত” করিবার……‘গাল টিপে ধরা’……‘কানমলন’ দেওয়ার শক্তি বাহার আছে, তাহার দৈহিক শক্তি সহজেই অনুমেয়। তোরাপের “হাতের পোঁচা”র স্নায়ুগুলি যে বেশ সহজেই উত্তেজিত হয়, বেগুনবেড়ের কুটির গুদামঘরের আলাপেও তাহার নিদর্শন আছে—প্রথম রাইয়তের বুকের রক্ত দেখিয়া তোরাপ অকৃত্রিম উত্তেজনায় বলিয়াছে—“উঃ কি বলবো, সমিন্দরি

আক্‌বার ভাতারমারি মাঠে পাই, এমনি খাম্বোড় ঝাঁকি, সমিন্দ্রি চাবালিডে
 আসমাণে উড়য়ে দেই, ওর গ্যাড ম্যাড করা হের ভেতব দে “বার করি।”
 তোরাপের দৈহিক শক্তি রেখাচিত্রে অঙ্কিত। তবে তোরাপের এই বলিষ্ঠ
 রূষক-দেহের মধ্যে যে একটি তাজা প্রাণ সহজ হৃদয় ও সরল জায়-নীতিনিষ্ঠ
 একটি মন আছে, তাহাতেই তোরাপের আসল ব্যক্তিত্ব। তোরাপ প্রাণ
 গেলেও ‘নেমোখ্যারামি’ করিতে পাবিবে না;—সে আন্তরিক আবেগেই
 বলে—‘ম্যারে ক্যান ক্যানায় না, মুই নেমোখ্যারামি কন্তি পারবো না—ঝে
 বড়বাবুর জন্মি জাত বেঁচেচে, বার হিল্লয়ে বসতি কন্তি নেগিচি, ঝে বড়বাবু
 হাস গোন্ধ বেঁচেয়ে নে ব্যাডাচ্ছে মিতো সাক্ষী দিয়ে সেই বড়বাবুর বাপ্‌কে
 কয়েদ করে দেব ? মুই তো কথমুই পারবো না—জান কবুল।’ ইতি
 তোরাপের অন্তরের কথা। কিন্তু তাই বলিয়া তোরাপ শুধু “ভাবে-ভরা
 ফাল্গুন” মাত্র নহে। ‘রোগের হস্তে রামকান্ত’-রূপী ‘নাদনা’ দেখিয়া স্বাভাবিক
 ভাবেই তোরাপের আত্মরক্ষা প্রবৃত্তি প্রবল হইয়া উঠে—সে “স্বগত”-উক্তি
 করে—“যে নাদনা, আকোন তো নাজি হই, তাকন ঝা জানি তা করবো।”
 প্রাণ-প্রবৃত্তি সাময়িক ভাবে মনোবৃত্তিকে আচ্ছন্ন করে দতা, কিন্তু মনোবৃত্তির
 মধ্যে কোন পরিবর্তন ঘটাইতে পারে না। নবীনমাধবের দৃঢ় বিশ্বাস—
 “. তোরাপ বোব করি কখনই মিথ্যা বলিবে না”। অবশ্য তোরাপ ‘র এই
 জায়নিষ্ঠার কঠিন কোন পরীক্ষা হয় নাই। ইল্লাবাদ হইতে তোরাপ
 “মোক্তার সমিন্দ্রি আস্তাবলেব ঝরকা ভেঙ্গে পেলয়ে” একেবারে বসন্তবাবুব
 জমিদারীতে পালাইয়া যায়। ফলে ‘জান কবুল’ করিয়া নোমখ্যারামির বিরুদ্ধে
 সংগ্রাম করিবার অবকাশ আর আসে না। রোগ সাহেবের অত্যাচারের মুখ
 হইতে ক্ষেত্রমণিকে উদ্ধার করিবার দৃশ্যে নবীনমাধবের সহিত তোরাপের
 সহযোগ ঘটে— অবশ্য কোথায়, কিভাবে ঘটে তাহা অদৃশ্য, (প্রমাণ নবীনমাধবের
 উক্তি—“তুই কিরূপে ইল্লাবাদ হইতে পালাইয়ে এসি, এবং এখন কোথায় এস
 করিতেছিস তাহা আমি শুনিতে চাই”—এই কথাটিতে মনে হয় নবীনমাধবের

সহিত তোরাপের সাক্ষাৎকারের পর এতটুকু সময়ও যেন পাওয়া যায় নাই, বাহার মধ্যে ঐ কথা জিজ্ঞাসা করিয়া উত্তর পাওয়া সম্ভব।) এখানেও “নেমোখারামি”র প্রতি তোরাপের সহজ স্বাধীন ব্যক্তি করা হইয়াছে। (তাতে আবার নেমোখারামি কস্তে বলে)

তোরাপ নাদনার গুতার ভয়ে মুখে বাহাই বলুক বা মিথ্যা সাক্ষী দিতে অস্বীকার করিয়া ‘জানকবুল’-এর পরীক্ষা দিক বা না দিক, যে বড়বাবুর কাছে সে শতভাবে ঋণী, যে বড়বাবু তাহাকে অনেকবার বাঁচাইয়াছেন, সেই বড়বাবুকে বাঁচাইবার জন্য তোরাপ সত্যই জানের পরোয়া করে না। এই বে-পরোয়া তোরাপকেই আমরা দেখি যখন সে, সাধুচরণের ভাষায়—“বড়বাবুকে ঘেরাও করিতেই একগুঁয়ে মহিষের মত দৌড়ে গোল ভেদ করে বড়বাবুকে কোলে লইয়া বেগে প্রস্থান করিল।” তোরাপের কথাও অবিশ্বাস্য নয়—“এটু আগে যাতি পাল্লে বড়বাবুকে বেচেয়ে আনতি পাতাম, আর দুই সমদিরি বরকোৎ বিবির দরগায় জবাই কভাম।” সাধুচরণের কথাও অল্পতম প্রমাণ “ছোট সাহেব পতিত বড়বাবুর উপর এক তলোয়ারের কোপ মারে, তোরাপ হস্ত দিয়া রক্ষা করে, তোরাপের বামহস্ত কাটিয়া যায়।” কিন্তু এই আক্রমণের ও আঘাতের মধ্যেও তোরাপের লক্ষ্য—বড়বাবু। তাই নাক কামড়াইয়া ছিঁড়িয়া লইয়াই তাহাকে ক্ষান্ত হইতে হইয়াছে। কাণ দুইটি ছিঁড়িয়া আনিবার সময় সে পায় নাই—“বড়বাবু যদি আপনি পলাতি পাতেন তাহা হইলে সে ‘সমিগির কাণ দুটো’ ছিঁড়িয়া আনিতে পারিত। বড়বাবুর জন্য তোরাপ যেভাবে কপালে ঘা মারিয়া রোদন করে—তাহাতে অবশ্যই মনে হয় বড়বাবুর সহিত তোরাপের নিছক কৃতজ্ঞতার বন্ধন ছাড়া আরো একটু কিছু অর্থাৎ হৃদয়ের যোগ আছে।

তোরাপ হৃদয়ের দিক দিয়া স্বভাবতই বেশ একটু স্পর্শকাতর। প্রথম রাইয়তের বৃকে রক্তের ধারা দেখিতেই তাহার দেহ শিহরিয়া উঠে—নিজের সুখেই সে বলে—“লৌ দেখে গাভা মোর ঝাঁকি মেয়ে ওঠে।” এবং তাহার

সমবেদনার স্বাভাবিক প্রতিক্রিয়াও অসহিষ্ণু উত্তেজনার ব্যক্ত হয়। এই অর্শ-কাতর স্নায়ুর স্থল্লর প্রমাণ পাওয়া যায় যেখানে সে বলে—‘বড়বাবুর মাতা দেখে মোর হাত পা প্যাটের মধ্যে গেল তা সমিন্দ্রিগা মারবো কখন?’ যে বড়বাবুকে প্রাণ ভরিয়া ভাল না বাসে সে কখনও এমন কথা বলিতে পারে না। এই হৃদয়বস্তার সহিত তাহার অশিক্ষিত নৈতিকবোধের একটা সহজ যোগ স্থাপিত হইয়াছে। যদিও উত্তেজনার মুহূর্ত্তে সে দুই সাহেবকে জোরার বাড়ী পাঠাইতে প্রস্তুত, তবু খোদার জীবকে প্রাণে মারিতে তাহার বাধে। নীলকর সাহেবের মত অত্যাচারীকেও প্রাণে মারিতে তাহার এই যে আপত্তি তাহা গভীর অখচ সহজ নৈতিক সংস্কারেরই নিদর্শন। এই সহজ ন্যায়-অন্যায়বোধ আছে বলিয়াই বোধ হয় তোরাপ নিবিচারে সব সাহেবকে নিন্দা করিতে পারে না। সাহেবদের মধ্যে যে ভাল মানুষ আছে এ বিশ্বাস তোরাপের আছে। ‘ভবানীপুরীর সাহেব’ ও ‘হালের গারনাল সাহেব’কে সে ‘বড়লোকের ছাবাল’ স্তরায় ভাললোক বলিয়াই মানে।

* তবে, তোরাপ চরিত্র-সৃষ্টি হিসাবে একেবারে নির্দোষ বা সঙ্গতিময় নহে। প্রথমতঃ চরিত্রটিকে নাটকীয় ঘটনা-পরম্পরার সঙ্গে তেমন অন্তরঙ্গভাবে মিশাইয়া দেওয়া হয় নাই। তোরাপের সহিত নবীনমাদেবের যোগাযোগ বেশ খানিকটা অসংলগ্ন হইয়া আছে। দ্বিতীয়তঃ তোরাপের আচরণে কায়মন-বাক্যের সুসঙ্গতি তেমন পাওয়া যায় না। যেমন, ‘লৌ’ দেখিয়া তোরাপের গা ঝাকি দিয়া উঠে—বটে, কিন্তু হঠাৎ উত্তেজনা পর্যাস্তই—রক্ত বন্ধ করিবার জন্ত কোন চেষ্টা তাহার মধ্যে যেমন দেখা যায় না, তেমনি তাহা লইয়া সে আর কোন উদ্বেগও প্রকাশ করে না। এ প্রসঙ্গ একেবারে সে ভুলিয়া থাকে। প্রথম রাইতের বুকের রক্ত আগেই তোরাপের চোখে পড়া উচিত ছিল—বুকের রক্ত জোঝানি দিয়া পড়িয়াছে এবং বন্ধ হইয়াছে শুধু যেন সাহেবের অত্যাচার এবং তোরাপের মুখে একটা উত্তেজনাপূর্ণ উক্তির প্রয়োজনে। নাট্যকার চরিত্রটিকে সর্বতোমুখী স্বাভাবিকতার সঙ্গে রূপ দিতে পারেন নাই। চরিত্রটির

ভাবের প্রকাশটুকু বাস্তবিক—ভাষাও বাস্তবিক—এমন কি (elemental) অতি বাস্তবিকও বলা যায়, কিন্তু যে পরিস্থিতির মধ্যে সে ভাব ব্যক্ত করিয়াছে, সেই পরিস্থিতির বাঁধনি সবক্ষেত্রে বাস্তবিক হয় নাই। চরিত্র সৃষ্টি শুধু চরিত্রে দোষ গুণ আরোপ নহে, ঘটনার সঙ্গে চরিত্রকে ভাবে ভাষায় অনবত্তভাবে সঙ্গত কবিয়া তোলা। এই হিসাবে তোরাপ যে পরিমাণে জীবন্ত হইয়াছে, সে পরিমাণে সুসঙ্গত হয় নাই।

সহায়ক পুরুষ চরিত্রের মধ্যে—প্রতিপক্ষের অবস্থা—কুটির দেওয়ান গোপীনাথ বিশেষভাবে উল্লেখযোগ্য। একটি কথায় গোপী তাহার নিজের পরিচয় নিজেই দিয়াছে—“যদিও বান্ধা জাতিতে কায়স্থ, কিন্তু ক্যাণ্ট. ক্যাণ্টের মতই কর্ম দিতেছে।” গোপীনাথ আগে পেশ্কার ছিলেন—উডের অহুগ্রহে দেওয়ান হইয়াছেন। যে গুণপনার জন্ত এই উন্নতি তা গোপী নিজেই একটি উক্তিতে অনেকটা ব্যক্ত করিয়াছে—‘হজুর ভয় পাওয়ার মত কি দেখিলেন, যখন এ পদবীতে পূর্দার্পণ করেছি তখন ভয়, লজ্জা, সরম, মান, মর্যাদার মাথা খাইয়াছি গো-হত্যা, ব্রহ্মহত্যা, স্ত্রীহত্যা, ঘর জ্বালানো ঈর্ষের আশ্রয় হইয়াছে, আর জেলখানা শিরের করে বসে আছি।’ আর একটি আক্ষেপে গোপীর এই কর্মদক্ষতার পরিচয়ও ফুটিয়া উঠিয়াছে—“মোন্সাদের ধান ভেঙ্গে নীলাম করিবাব জন্ত এবং গোলোক বোসের সাতপুরুষে লাখরাজ বাগান ও রাজার আমলের গাঁতি বাহির কবিয়া লইতে আমি যে সব কাম করিয়াছি, তাহা ক্যাণ্ট কি চামারেও পারে না। গোপী এই সব কু-কাজে নিষ্ঠুর ক্যাণ্ট ও চামারকে হার মানাইয়াছে। বাস্তবিক এই সকল ব্যাপারে গোপীর কন্থরও কিছু পাইবার যো নাই। গোপী অক্লান্তকর্মী—প্রমাণ তাহাব নিজেরই কথা “আমি প্রত্যুষে ভ্রমণ করিতে আরম্ভ করিয়া তিন প্রহরের সময় বাসায় প্রত্যগমন করি এবং আহারের পরেই আবার দাদনের কাগজপত্র লইয়া বসি, তাহাতে কোনদিন রাত্র দুই প্রহরও হয়, কোনদিন বা একটাও বাজে।” কিন্তু এত করিয়াও তাহার যশ নাই। উড সাহেবের গালাগালির বরাদ্দ—

“তুমি শালা বড় না-লায়েক আছে”, “আরান্ট কাউয়ার্ড হেলিশ নেভ”
 “বজ্জাত ইন্সেস্টিউয়স্ ক্রট” “শালা কাউয়ার্ড কায়তে বাচ্চা” প্রভৃতি ঠিকই
 আছে। গালাগালিতেই শেষ হইলে কথা ছিল না। গালাগালির উত্তেজনা
 দেখতে দেখিতে ‘শামচাঁদ’-প্রহারের শসানিতে এবং ‘পদাঘাতে’ পরিণত হয়
 কিন্তু গোপী আমাদের সিদ্ধ সেবক। পদাঘাত তাহার গায়েই লাগে—শুধু লাগে
 না, লাগিয়া তাহাকে ভূমিশায়ীও করে—কিন্তু মনে তাহার কোন আঘাতই
 লাগে না। আঘাত-লাগার মনটি একবারেই যেন মরিয়া গিয়াছে অথবা শান-
 অপমান-বোধের ব্যাপারে মনে কেমন পূর্বজন্মজ্ঞিত প্রশান্তি—তাই তো সে
 পদাঘাতের পরে শান ঝাড়িতে ঝাড়িতে উঠিয়া “দেওয়ান! দেওয়ান! শান্ত শকুনি
 মরিয়া একটি নীলকরের দোওয়ান হয়, নচেৎ অগণনায় মাড়া হজম হয় কেমন
 করে?” পদাঘাতের পর পদাঘাতের পরেও গোপী নিবিকর। নিসিকারও
 ঠিক নয় মনের বিক্রিয়া বিশ্বয়জনকভাবে বিপরীত মেরুতে পৌছায়—
 রসিকতার রূপ পায়। পরের গায়ে পদাঘাত দেখিয়া রসিকতা করা সাধারণ
 ব্যাপার, কিন্তু পদাঘাতে ভূলশায়ী হইয়া এবং ‘গাত্র ঝাড়িতে ঝাড়িতে উঠিয়া’
 যে রসিকতা করিতে পারে—পদাঘাত লইয়া উপমা-উৎপ্রেক্ষা প্রয়োগ করিবার
 লোভ সংবরণ করিতে পারে না, সে নিশ্চয়ই অসাধারণ রসিক গোপী। বিষয়ে
 বাস্তবিকই অসাধারণ। ঐরূপ পদাঘাতের পরেও, সাহেব “দেওয়ান! দেওয়ান!”
 হাঁকিতেই—“বন্দা হাজির” বলিয়া সে শুধু শাড়াই দেয় না, রসিকতাও করে—
 “প্রেমসিদ্ধ নীরে বহে নানা ‘তরঙ্গ’। ঐ দিক দিয়া গোপী জাত গোলামের
 প্রতিনিধি।

কিন্তু তাই বলিয়া সে বোকা নয়। বোকার পক্ষে এই দেওয়ানী পদ পাওয়া
 সম্ভবও নয়। সে জাতিতে কায়দা,—কথায় বলে—গোপীও বলে—“কায়তে ধূর্ত
 আর কাক ধূর্ত”। মন মজাইবার ও মন ভাঙ্গাইবার ছাড়া কলা প্রয়োগ করিতে
 সে কম কুশলী নহে। আমিনের বিরুদ্ধে সে উদ্ সাহেবকে হুকোশলেই
 উত্তেজিত করে। বুদ্ধির ও কথার ধার তাহার বেশই তীক্ষ্ণ। পরিস্থিত জ্ঞানও

তাহার টনটনে।—সে জানে—‘লোকের সৰ্বনাশ করিতে পারিলেই সাহেবের কাছে পটু হওয়া যায়।’

তাহার বকোক্তির ধারালো খোঁচা ‘খাঁড়ার ঘা’ বিশেষ। সাধুচরণ, ভুক্তভোগী (‘ম অঙ্ক ৩য় গর্তাঙ্ক,) অবশ্য তাহার ভাষায় জোর অলঙ্কারে নয়, প্রবচনের ও ছড়ার সহজ শক্তিতে। আর এই সমস্তের মূলে আছে তাহার বিশেষ মনোভঙ্গী এবং সেই মনোভঙ্গীর ফল—রসিকতাটুকু। * গোপীর মনোভঙ্গীর মূল কারণ গোপী নিজেই কিছুটা ব্যক্ত করিয়াছে—‘যখন এ পদবীতে পদার্পণ করেছি তখন ভয়, লজ্জা, সরম, মান, মর্যাদার মাথা খাইয়াছি গো-হত্যা, ব্রহ্মহত্যা, স্ত্রীহত্যা, ঘর জ্বালান অঙ্গের আভরণ হইয়াছে। গোপীর রসিকতার মূলও এখানেই নিহিত। গোপীর বোধ হয় এখন “চোখের জল ফেলতে হাসি পায়”—অবস্থা।

* গোপী রসিকতায় তাহাদেরই সমকক্ষ যাহা বা নিজের দুর্দশা-দুর্ভোগকেও নিলিপ্তভাবে শিল্পীর চোখে দেখিয়া রস-সম্ভোগ করিতে পারে। গোপী বোধ হয় গোলামির শেষ ধাপে নামিয়াই নূতন জীবনদর্শন আবিষ্কার করিয়াছে এবং এত নিলিপ্ত হইয়া গিয়াছে। সাহেবের গোলাম হওয়া সত্ত্বেও, যে কাজ করিতেছে সেই কাজেব আসল রূপটি সে শাদা চোখেই দেখে। তাইতো সাধুচরণকে সে বলিতে পারে—সাহেব কি কথায় ভোলে—

“বাড়ি ভাতে ছাই তব বাড়ি ভাতে ছাই

বরেছে নীলের ঘমে আর রক্ষে নাই”

এই হাস্য-রসিকের নিলিপ্ততা পদাঘাতের দৃশ্যে চরমে উঠিয়াছে—কি পদাঘাতই করিতেছে; বাপ! বেটা যেন আমার কলেজ আউট বাবুদের গৌণ পরা মাগ।”

কিন্তু গোপীর রসিকতা অনেক ক্ষেত্রে দোষারোপ হইয়া উঠিয়াছে। বিশেষতঃ উড়্ সাহেবের সহিত কথোপকথনে গোপীর রসিকতা নীলকর-সাহেব-দের কঠোর সমালোচনা হইয়া পড়িয়াছে। সাহেবের মুখের পরে—অত স্পষ্ট

করিয়্যা বলা! [যখন এ পদবীতে.....(১ম-৩য় গর্তাক) গোপী বলে—
“আমরা হুজুর কসায়ের কুকুর—নাড়ীভুঁড়িতেই উদর পূর্ণ করি। আপনারা, যদি
মহাজনেরা যেমন খাতকের কাছে ধান আদায় করে সেইরূপ নীলগ্রহণ করিতেন
তাহা হইলে নীলকুটির এত দুর্নাম হইত না” অধিকন্তু মহাজনের পক্ষে সে
বীতিমত ওকালতি করে। উডের সামনেই সাহেবদেব “নীলমাম্দো,” বলিয়া
ফেলে—যদিও সঙ্গে সঙ্গে জিব কাটিয়া নিজের বলাটা “হারামখোর” বেটাদের
উপর আরোপ করে। গোপীর সমালোচনার রোখ যেন আরো চড়িয়া যায়—
“ধর্মাবতার, গালাগালি খেতেও আমরা, পনজার খেতেও আমরা, শ্রীঘর যেতেও
আমরা, কুটিতে ডিসপেন্সারি স্থল হইলেই আপনারা, খুন গুন্নি হইনেই
আমরা।” সত্য হইলেও যে অতি অপ্রিয় এ বিষয়ে সন্দেহ নাই।

এতখানি স্পষ্টবাদিতা গোপীর চরিত্রে যুব সঙ্গত বা প্রচারধর্মিতার লক্ষণ কি
না এ প্রশ্ন উঠিতে পারে। তবে উড সাহেবের কথাটিও মনে রাখিতে হইবে—
“তোমায় ছাড়ন্তো আমি ধরিয়্যাছে...”

তবে কি বড় বড় পাপকে অপ্দের আভরণ করা সবেও গোপীর বিবেকের
অবশেষ একেবারে মুড়িয়া যায় নাই? উডের ডক্টি—“কমিশ্বনে তোকে সাক্ষ্য
দিতে পাঠাইলে তুই হারামজাদা সর্বনাশ কত্তিস, ডেভিলিশ নিগার!”—যৎপর
কি না তাহার প্রমাণ পাওয়া যায় নাই, তবে উডের সন্দেহ গোপীর বিবেকের
অস্তিত্বের পক্ষেই সাক্ষ্য দেয়। প্রথম অঙ্ক—তৃতীয় গর্তাক্ষে নবীন বহুকে
অসম্মানের আঘাত হইতে বাঁচাইবার জন্ত সে বলে—“নবীনবাবু, বাড়াবাড়ি কার্য
কি আপনি বাড়ী যান।” গোলোক বহুর কয়েদখানায় মৃত্যু ঘটিবার পরে,
গোপীর “ব্যঙ্গের সন্দিগ্ধ” (গোপ) মত হইলেও বড় ক্রেশ হয়—সে অকপটেই
বলে—আমার মনেতে কিছু দুঃখ হয়েছে—মিথ্যা মোকদ্দমা করে মানী
মানুষটাকে নষ্ট করলাম। নবীনের শিরঃপীড়া আর নবীনের এই মলিন দশা
গুনে আমি বড় ক্রেশ পাইয়াছি।”

কিন্তু আদর্শহীনতা বাহাদের চরিত্রের বড় আদর্শ তাহাদের মনের বা মানের

দায় না থাকিলেও প্রাণের ভয় থাকে ষোল আনা। ‘মানী মানুষটারে নষ্ট’ করিয়া গোপীর মনে একটু আক্ষেপ হয় বটে। তবে গোপের কথাই ঐতিক, তা’ “ব্যাঙ্গের সন্ধি”, কিন্তু গোপীর অন্তঃকরণ যে উচাটন হইয়াছে তাহার কারণ তাহার গুরুদেব জ্ঞানেন, আমরাও কিছুটা অনুমান করিতে পারি। গোপীর এই উচাটনের কারণ—মজুমদারের মোকদ্দমা—বিশেষতঃ চাকর কয়েদ হলে সাহেবদের দুর্বাবহার। গোপী খুলিয়াই বলে—কাজেই ভয় হয়—সাবেক দেওয়ান কয়েদ হলে তার পুত্র ৬ মাসের বাকি মাহিয়ানা লইতে আসিয়াছিল, তাহাতে আপনি দরখাস্ত করিতে বলেন, দরখাস্ত করিলে পর হুকুম দিলেন, কাগজ নিকাস ব্যতীত মাহিয়ানা দেওয়া যাইতে পারে না। ধর্মাবতার, চাকর কয়েদ হলে বিচার এই।” উভের কথাই প্রমাণ—“বাঞ্ছতকে একটা সাহসী কার্য্য করিতে বলি, ণালা অমনি মজুমদারের কথা প্রকাশ করে...”। যাহা হউক গোপী চরিত্রটি এই নাটকে একখানা প্রতিফলক দর্পণের কাজ করিয়াছে। নীলকরসাহেবদেব অদৃশ্য কু-কাজগুলি গোপী-চরিত্রে প্রতিফলিত হইয়াছে।

পুরুষ চরিত্রের মধ্যে বিশেষভাবে উল্লেখযোগ্য যাহারা, তাহাদের বিশ্লেষণ করা হইয়াছে। কিন্তু এমন একাধিক ছোট ছোট চরিত্র আছে যাহাদের উল্লেখ না করিলে চরিত্র-বিশ্লেষণ অসম্পূর্ণ থাকিয়া যাইবে। * সাহেব চরিত্র—মোট চারটি :—দুইজন নীলকর—উড ও রোগ, একজন ম্যাজিস্ট্রেট, একজন ডাক্তার। নীলকর অত্যাচারের দুইরূপ—এক প্রজা-পীড়ন, দুই নারীর প্রতি অত্যাচার। এই দুইরূপের প্রতিনিধি—উড ও রোগ। উভের হাতে প্রজাপীড়ন, রোগের হাতে—নারী-নিগ্রহ। দুই জনই—অমানুষিক অত্যাচারে সিদ্ধহস্ত। * ম্যাজিস্ট্রেট-চরিত্রের মাধ্যমে তখনকার “নীলকর-ক্ৰীতদাস মুচমতি ম্যাজিস্ট্রেট”—সাহেব-বিচারকের হস্তে বিচারের নমুনা দেখান হইয়াছে। ম্যাজিস্ট্রেট ও কমিশনার সম্পূর্ণ পণ্ডিত মহাশয় এক কথায় অনেক কথা বলিয়াছেন—“এক ভদ্র আর ছার, দোষগুণ কব কার।”

* ডাক্তার চরিত্রে—আদর্শ ডাক্তারের রূপ আঁকা হইয়াছে। এই ডাক্তার

দুঃশাসন ডাক্তারের বিপরীত । কবিরাজের মুখে ডাক্তারের প্রশংসা—“ডাক্তার বাবুটি অতি দয়ালীল ।” যেমন মিষ্টভাষী তেমনি উদার—“অর্থপিশাচ” নয় । যে ডাক্তার হাত না ধরিয়েই বলে—‘বাঁচবে না’ এবং গোকু বেচিয়া টাকা লইয়া যায়, ইনি সেই দুঃশাসন ডাক্তার ন’ন । বিন্দুবাবু টাকা দিতে উত্তোঙ্গী হইলে ইনি বলেন—“বিন্দুবাবু তোমরা যে বিব্রত, তোমার পিতার শ্রাদ্ধ সমাধা হওয়ার সম্ভব নাই, এখন আমি তোমার কাছে কিছু লইতে পারি না । আমি যে বেহারায় আসিয়াছি, সেই বেহারায় যাইব তাহাদের আপনার কিছু দিতে হবে না ।” অপরিস্ত—অন্নভাব দেখিয়া ক্ষেত্রমণির নাম করিয়া সাধুচরণকে দুইটি টাকা দিয়া যান । পাত্রী সাহেবের বদান্ধতা, বিনয় ও ক্ষমা দর্শন করিয়া গুজারা যে কথা বলার বলি করিয়াছিল, আমরা সেই ভাষা ধার করিয়া বলিতে পারি—“এক ঝাড়ের বাঁশ বটে, কোন্ খানায় দুর্গাঠাকুরের কাঠাম, কোন্ খানায় হাড়ির ঝুড়ি !”

এদেশীয় চরিত্রের মধ্যে—বিন্দুমাধব, সাধুর ভাই—রাইচরণ, আমিন, রাইয়ত-চারিজন, লাঠিয়াল, খালাসী, নাজির, ডেপুটি, দারোগা, পণ্ডিত, গোপ, মোক্তার, কবিরাজ প্রভৃতি অনেকেই আছে ।

* **বিন্দুমাধব**—কলে পড়েন—‘কি স্মৃতিচরিত্র, মধুমাখা কথা’ । ভাত-ভক্তি, পিতৃভক্তি তাহার স্বভাবের প্রধান স্থায়ীভাব । কিন্তু ব্রহ্মস্রষ্টিতে অন্নভাব-সঙ্করি ভাবের সংযোগ চিত্তাকর্ষক হইয়া উঠে নাই স্মরণ্য চরিত্রস্রষ্টি তথা রসনিষ্পত্তি যুব প্রশংসনায় মাত্রায় পৌছিতে পারে নাই ।

* **সাধুচরণের ভাই রাইচরণ**—লাঙ্গল তাহার উপলক্ষণ—জমি অস্ত্র প্রাণ—খটি চাষী—মাটি লইয়া তাহার কল্লনা-ভাবনার জগৎ । সাঁপোলতলার জমি—আহ! জমি তো না, যান মোণার চাঁপা ! এক কোণ কেটে মহাজন কাৎ...এই জমিতে দাগ মারিলে তাহার প্রাণের যে অবস্থা তাহা সে নিজেই ব্যক্ত করিয়াছে—“জমিতে দাগ মারতি নাগলো, মোর বুকি যান বিদে কাটি পুড়য়ে দিতি নাগলো” । রাইচরণ কায়-মনো-বাক্যে একটি আস্ত ‘চাষী’ । কিন্তু সে “টাইপ”

নয়—প্রাণধর্ম-মনোধর্মের ওতপ্রোত সংযোগে—ভয়ে, ভাবনায় কল্পনায়-সঙ্কল্পে-সাহসে সে একটি জীবন্ত চরিত্র।

* **আমিন** :—সেবা-সাধনার তুরীয়লোকে অবস্থিত। যে পেশ্কারি পাইবার লোভে নিজের বোনকে ছোট সাহেবের মুখে তুলিয়া দিতে পারে, তাহার বিবেক যে শূন্যক্ষেবও বাদিকে—এ কথা অনায়াসেই বলা যায়। পদ্যের কথাটিই আমিনের চরিত্র সম্বন্ধে প্রধান এবং যথেষ্ট প্রমাণ—“আমিন ঐটুকুড়ির বেটাই এ দেশ মজ্জাচ্ছে।” তোবাপের সাক্ষাৎ একই কথা জানা যায়—“এডা কেবল আমিন সমিন্দ্রি হিরভিত্তি। সাহেব কি সব জমির খবর নাকে। ঐ সমিন্দ্রি সব চুঁড়ে বাব করে দেয়। সমিন্দ্রি যান হলে কুকুরের মত ঘুবে ব্যাডায়, ভাল জমিডে ছাপে, ওমনি সাহেবের মার্গ মাবে।”

চারিজন রাইয়ত—প্রথম রাইয়ত—তোরাপের “পবাণে চাচা”, আসলে লোকটি ভালই, সে বড়বাবুর লুন খাইয়াছে—প্রাণ তাহার নেমকহারামি করিতে অনিচ্ছুক—চোখের চামড়া ঠিকই আছে কিন্তু ‘শ্রামচাঁদের ঠালা’ বড় ঠালা তাই নিরুপায় হইয়াই সে সাক্ষী দিতে রাজি হইয়াছে—কাবণ “সাক্ষী না দিলি যে আশ্র রাখে না—উড সাহেব ..বুঁকি দেঁড়য়ে উটেলো--”। এই অত্যাচারের অভিজ্ঞতা আছে বলিয়াই সে তোরাপের ‘জান্ কবুল’ সম্বন্ধ শুনিয়া বলে—“কুঁদির মুখি বাক থাকবে না। শ্রামচাঁদের ঠালা বড় ঠালা ” প্রথম রাইয়ত মন-মেজাজে একটু গভীর।

* **দ্বিতীয় রাইয়ত**—অভিজ্ঞতা জাহির করিবার প্রবণতা এই চরিত্রের বিলক্ষণ বৈশিষ্ট্য। সাহেবরা যে ‘প্যারেক’ মারা ছুতো পরে তাহা জানাইবার লোভ সে সংবরণ করিতে পারে না,—একবার আন্দারবাদে ‘কেচারির ভেতর অনেক ‘তামাসা’ সে দেখিয়াছিল তাহাও বর্ণনা করিতে ছাড়ে না। ভবানী-পুরীর যে সাহেবকে সকলেই ভাল বলে তাহার গুপ্ত খবরও সে সকলের চেয়ে ভাল জানে—“এবারও সমিন্দ্রির ইসকুল করা বেইরে গেছে, সমিন্দ্রির গুদোমতে সাতটা রেয়েত বেইরেছে.....সুমিন্দ্রি গাইবাচুর গুদোমে ভরেলো—”,

“এগোনের গারনাল সাহেব কুটি কুটি আইবুড়ো ভাত খেয়ে বেড়িয়েলো ক্যামন করো?”—তাহাও বুঝে,—কারণটি ব্যক্তও করে “তানার বুঝি ভাগ ছেল।”

* **তৃতীয় রাইয়ত**—প্রথম রাইয়তের কথাই সত্য—একটু “হেব্লো” তোরাপের উক্তিও সমর্থক—“মান্নির ভাই নচা কথা সোমোজ কত্তি পারে না।” লোকটির “বউ-গত” প্রাণ, ‘বউ-এর’ কথাই তাহার কাছে প্রমাণ—‘নীলমামদো’ শব্দ শুনিয়াই সে “সভয়ে” না মরিতেই ভূত হয়—“মামদো ভূতি পালি না কি ঝক্কোতে ছাড়ে না? বউ যে বললো।” বউয়ের বলাই যেমন বড কথা তেমনি বউকে সব কথা না বলা পর্যন্ত তাহার শাস্তি নাই—“বউরি গিয়ে এ কথা ব’লবো—শুনলি তো মরো ভূত হয়েচে তবু দাদনের হাত ছাড়াতে পারিনি।” হেব্লোই বটে।

চতুর্থ রাইয়ত—“ভিনগাঁর রায়েত”—“বস মশার কাছে মিচরি নিতে অ্যাকবার স্বরপুর” আসিয়া সে• বস্ত্র-মহাশয়কে দেখিয়াছিল—আহা কি দয়ার শরীল, কি চেহারার চটক, কি অরুপুরুষ রূপী দেখেলাম, বসে আছেন যেন গজেন্দ্রগামিনী।” (কয়েকটি শব্দের রেখায় জলজ্যাস্ত একজন চাষীর রূপ ফুটিয়া উঠিয়াছে।)—সেও নিরুপায়। দুদিনই•বটে।—তাহার আক্ষেপ “যা বল্চে তাই কচ্চি তবু তো ব্যালম কত্তি ছাড়ে না।”

* **লাঠিয়াল**—কয়েকটি কথার একটি চরিত্র। কিন্তু যে কয়টি কথা সে বলে তাহাতে এইটুকু স্পষ্ট ফুটিয়া উঠে যে সে বাহিরে লাঠিয়াল বটে, কিন্তু ভিতরে একজন রসিক নাগর। রসিকমাত্রেয়ই বোলচাল একটু বাঁকা—লাঠিয়ালেরও কোন কথা সোজা নয়।

* **খালাসী**—আরো কম কথার চরিত্র—মাত্র একবার কথা বালিয়াই খালাস। কিন্তু সেই একটি কথাতেই আসর মাং। গোপীর সঙ্গে তাহার কথোপথন—সেয়ানে সেয়ানে কোলাকুলি। গোপীর•চাপান “তোদের ভাগে কম না পড়িলে তো আমার কাণে কোন কথা তুলিস্ নে।’ খালাসীর উত্তর—

“ও শু কি আকা খায়ে হজম কবা যায় ? মুই বল্লাম, যদি খাবা তবে দেওয়ান-জিরি দিয়ে খাও...” খালসী অশিক্ষিতপটু রসিক । * [কবির লড়াই যে দেশে চলিত, সেখানকার আকাণে-বাতাসে রসিকতা খুবই স্বাভাবিক]

* **নাজির**—ইংরেজের বিচারালয়ের অভ্যন্তর ভাগ নাজির চরিত্রের এক আঁচড়ে প্রকাশিত । নাজির চিবপুরাতন—চিরনূতন, তাহার ভাষা এবং ভাবও সনাতন—“কেবল তোমার খাতিরে একগত টাকায় রাজি হওয়া, চল আমাব বাসায় ষাইতে হইবে । দেওয়ানজি ভায়া না শোনেন, উঁদের পুজো আনাহিদা হযেছে কি না ।” ইহাদেরই কান্তির ঐতিহ্য প্রবাদে পরিণত হইয়াছে—বিচাৰালয়ের ইটখান পর্য্যন্ত ঘুমের জগু হা করিয়া থাকে—

* **পণ্ডিত মহাশয়**—কলেজের ‘পণ্ডিত ।’ স্বভাবতই শরীফ তাঁহার কিক্ষিং উষ্ণ । চৈত্র বৈশাখ মাসে নাকি উন্নত হইয়া উঠেন । তবে তাঁহার শরীর কিক্ষিং উষ্ণ, কিন্তু তাঁহার টিপ্পনির তাপ অত্যন্ত কড়া—কাটিয়া কাটিয়া বসে । শিক্ষাব্যবস্থা, বিচার ব্যবস্থা, শাসন-ন্যায় সব-কিছু সম্বন্ধেই তিনি কঠোর মন্তব্য করিয়াছেন—শিক্ষকের বৃত্তি তাঁহার কাছে **স্ববৃত্তি** । কুঠির-কীতদাস **ম্যাজি-ট্রেটটির** বিচার সম্বন্ধে তাহার টিপ্পনি—“নাজির পাছে হিন্দুর পরোব” **মোক্তার সম্পর্কে**—“সকল দেবতাই সমান, ঠক বাচতে গাঁ উড়েড” **কমিসনার সম্পর্কে**—“এক ভস্ম আর চার দোষগুণ কং কাব, যেমন ম্যাজিট্রেট তেমনি কমিসনার”, **জেলদারোগাকে** তিনি মারাত্মক টিপ্পনি দিয়াছেন—আপনি বুঝি নরকের দ্বারপাল । উষ্ণমস্তিষ্ক পণ্ডিত মহাশয়েব মুখে দৌনবন্ধ অনেক অপ্রিয় সত্য প্রকাশ করিয়াছেন ।

* **কবিরাজ**—ভাবে-ভাষায় আমাদের সুপরিচিত কবিরাজেরই একজন । ডাক্তারদের দিকে কহুই উচু থাকায় আরো বেশী করিয়া চেনা বলিয়া মনে হয় । অবশ্য ডাক্তারদের ষেটুকু প্রাপ্য তাহা তিনি দিতে কুণ্ঠিত নন—ডাক্তার না ডাকিলেই নয় অথচ ডাক্তার ডাকিতে বলার অর্থ কবিরাজত্বের অবমাননা ; তাই কবিরাজী অভিমান বাঁচাইবার জগু তিনি বলেন—“ডাক্তার ভায়ারা অগ্নি বিষয়ে

গোবৈষ্ণু বটেন, কিন্তু কাটাকুটির বিষয়ে ভাল, ব্যয় বাহুল্য...”। তবে তিনি ভাল ডাক্তারদের প্রশংসা করিতে কুস্তিত নন। দুঃশাসন ডাক্তার সম্বন্ধে কবিরাজ মহাশয় যে যে অভিযোগ করিয়াছেন, তাহা আজও মিথ্যা হইয়া যায় নাই। কবিরাজ মহাশয়ের ব্যবসায়-বুদ্ধি, হৃদয়কে একেবারে শুষ্ক করিয়া ফেলে নাই। ক্ষেত্রমণির মা-বাপেব কান্না দেখিয়া—তাহারও হৃদয় কাঁদিয়া উঠে...। “জননীর কি পরিতাপ, সন্তান না হওয়াই ভাল”—অল্প কথা বটে কিন্তু অনেকখানি হৃদয় গলিয়া কথা কয়েকটি বাহির হইয়াছে।

[স্ত্রী-চরিত্র]

[স্ত্রী-চরিত্র—নাটকে সাতটি : -বসু-পরিবারের ৪টি—(সাবিত্রী = গোলোকের স্ত্রী, সৈরিন্দ্রী = নবীনের স্ত্রী, সরলতা = বিন্দুমাধবের স্ত্রী, আতুরী = বাভীর দাসী) সাধুচরণের পরিবারের ২টি—(সাধুচরণের স্ত্রী = রেবতী, সাধুচরণের কন্যা—ক্ষেত্রমণি) এবং পদাঁয়য়রাণী]

* সাবিত্রী গোলোক বসুর স্ত্রী—নবীনমাধব বিন্দুমাধবের জননী, সৈরিন্দ্রী সরলতার মাতৃকল্প শাশুড়ী, বসু পরিবারের এবং সেই দিক দিয়া সমস্ত গ্রামেরই কত্রী-স্থানীয়া। এই কয়টি ব্যক্তিত্বের আচরণ দিয়া সাবিত্রীর চরিত্র গঠন করা হইয়াছে এবং নাটকের যে মুখ্য ভাব ও রস সেই ভাব ও রসের উপযোগী করিয়া অভিব্যক্তি দেওয়া হইয়াছে। সাবিত্রী নবীনমাধবের উপযুক্ত গর্ভধারিণী—প্রথম অধ্যাপকের কথাই ঠিক—“আকবে পদ্মরাগান্নাং জন্ম কাচমণে: কুত:।” যে মা একটি নারীর সত্যৈব রক্ষাৎ জন্তু তথা দণের মঙ্গলের জন্ত পুত্রকে ভয়ানক বিপদের মুখে ঠেলিয়া দিয়া বলিতে পারে—“যদি নীলবানরের হস্ত হইতে পবিত্র মাণিক্য অপবিত্র না হইতে হইতে আনিতে পার, তবেই তোমাকে সার্থক গর্ভে স্থান দিয়াছিলাম।”—সাবিত্রী সেই মা। সন্তানমাত্রই তাহার কাম্য নহে—সন্তানই কাম্য—সাবিত্রী বেশ একটু শঙ্কু মা। নবীনের উক্তিতেও প্রমাণিত—“মাতা

আমার পিতার ছায় ভীতানন, তাঁহাব সাহস আছে, তিনি একেবারে হতাশ হন না, তিনি একাগ্রচিত্তে ভগবতীকে ডাকিতেছেন।”

কিন্তু সাবিত্রী-চরিত্রের আসল পরীক্ষাস্থল—পতিকে জেলায় লইয়া যাইবার পরের অবস্থা—*(পতির উদ্ধত মৃত্যুর সংবাদ শুনিবার প্রতিক্রিয়া অদৃশ্য রাখা হইয়াছে, তবে পরোক্ষভাবে উপস্থিত হইয়াছে) এবং নবীনমাধবের মৃত্যুর পরে—শোকার্ন্ত মাতৃহৃদয়ের প্রতিক্রিয়া। নাট্যকার সাবিত্রী-চরিত্রের নাটকীয় প্রয়োজন সম্পর্কে বেশী সচেতন হইয়া পড়ায় (৩য়, চতুর্থ গর্তাঙ্কে) পতি পুত্র এবং ছোটবধূর (যাহাকে তিনি হত্যা করিবেন), দিকে সাবিত্রীর আবেগকে সমান ভাগে ভাগ করিয়া দিতে চেষ্টা করিয়াছেন— ভাগ করিয়া দেওয়া আপত্তিকর নয় বটে কিন্তু যেভাবে দেওয়া হইয়াছে তাহার স্বাভাবিকত্ব প্রশ্নাধীন। তবে পতি-শোকের পরোক্ষ নিদর্শন, আমরা পুরোহিতের মুখে যাহা পাই তাহা সাংকেতিক হিসাবে জোরালো—“প্রতিজ্ঞা করিয়াছেন পাপ পৃথিবীর অন্ন গ্রহণ করিবেন না”—গভীর প্রতিক্রিয়ারই নিদর্শন, অবশ্য পুরোহিতের মুখেই শোনা যায়—নবীনমাধবের পাড়াপীড়িতেই তিনি উপবাস ভঙ্গ করলেন এবং নবীনকে পঞ্চ বর্ষের শিশুর ছায় জোড়ে ধারণ করিলেন”।

এই “মাতা”ই পুত্রশোকে উন্মাদিনী হইয়াছে। এই উন্মত্ত অবস্থার পরিকল্পনা এবং রূপায়নে নাট্যকারের যে উন্মেষশালিনী বৃদ্ধির নৈপুণ্য প্রকাশ পাইয়াছে এ বিষয়ে কোন সন্দেহ নাই। প্রথমে মুচ্ছাবস্থা—তখন “মাথা দিয়ে এমন আশ্রয় বাহির হতেচে যে গলা পুড়ে যাচো”—মুচ্ছাবস্থার সঙ্গে সঙ্গেই উন্মত্তাবস্থা—মাতৃত্বের তথা বাৎসল্যের প্রাথমিক পর্যায়ে প্রত্যাবর্তন (Regression ঘটিয়া গিয়াছে। সাবিত্রীর প্রলাপোক্তি প্রলাপ বটে কিন্তু নিরর্থক নয়—(“There is reason in his madness”) প্রত্যেক Regression-এর অর্থাৎ প্রত্যা-বৃত্তির সঙ্গে “Dissociation” কম বেশী থাকে—এখানেও তাহা আছে। কবিরাজও তাহা বলিয়াছেন—“সহসা এরূপ হওয়া সম্ভব এবং

নিদানসঙ্গত ।” (অবশ্য জ্ঞান প্রদীপ প্রজ্জলিত করিতে তিনি ‘হিমসাগর তৈলের ব্যবস্থা ছাড়া আর কিছুই করিতে পারেন না !)

* কিন্তু নাট্যকার এই উন্নত অবস্থাকে বেশী কচলাইতে গিয়া তিক্ত করিয়া ফেলিয়াছেন । চতুর্থ গর্তাঙ্কে—যে পরিস্থিতির কল্পনা করিয়া এই উন্নত মাতাকে দেখান হইয়াছে তথা করুণ রসনিষ্পত্তির চেষ্টা করা হইয়াছে তাহা ঔচিত্য-বিরোধী হইয়া পড়িয়াছে । প্রথমতঃ—বিভাব কল্পনায় দোষ দেখা দিয়াছে এই যে—“নবীনমাধবের মৃত শরীর” “ক্রোড়ে করিয়া সাবিত্রী আসীনা”—এই ঘটনা অশাভাবিক ; নবীনের মৃতদেহের কাছে একমাত্র ঐ পাগলিনী আছে, আর সেই—ইহা ধারণা করা যায় না । ‘গাল চাপড়ে মরেন বলো হাত দুটো দড়ি দিয়ে বেঁদে এখেচে’ এই যাহার অবস্থা, তাহাকে এবং মৃত শরীরকে একা রাখিয়া—সরলার মুখে—“এরা সব কোথায় গেলেন—এইটুকু দিয়া ঘটনার ঔচিত্য অক্ষুণ্ণ রাখা সম্ভব সহে । দ্বিতীয়তঃ—একই রসের পুনঃপুনঃ দীপ্তি-জনিত যে রসগত দোষ তাহা এখানে প্রকট । সাবিত্রীকে সরলার “গলার উপরে নৃত্য” করাইবার প্রয়োজন আছে এ কথা স্বীকার্য্য, কিন্তু ইহাও অবশ্য স্বীকার্য্য যে ঘটনা-বিজ্ঞাসে এবং অমুভাব-সঞ্চারিভাবের রূপায়ণে বাস্তবতার মায়্যা অক্ষুণ্ণ রাখাও অত্যাবশ্যক । এই গর্তাঙ্কের ঘটনা-বিজ্ঞাসে এবং চরিত্রের অমুভাবাদি প্রকাশে নাট্যকার ঔচিত্য-বোধ রক্ষা করিতে পারেন নাই । তারপর, সাবিত্রীর উন্নতাবস্থার অপগমও খুব নিয়ম-সম্মত হয় নাই । নাটকীয় প্রয়োজনকে, যুক্তি-সঙ্গত তথা শিল্প স্বন্দর রূপ দেওয়ার কথা যেন নাট্যকারের মনে নাই । ‘মুচ্ছাপগম’ এবং “ভূতলে পতনানন্তর মৃত্যু” উভয়ই আকস্মিক তথা—মেলোড্রামা-স্বলভ ঘটনায় পর্য্যবসিত হইয়াছে ।

* সৈরিঙ্গী—বহুপরিবারের (যৌথ পরিবারের) বড়বউ—নবীনমাধবের পত্নী—“সারল্যের পুস্তলিকা”—পতিগত-প্রাণা এবং আদর্শ কুলবধু । ছোট জ্যাঁকে সে পেটের ছেলে বিপিনের মতই ভালবাসে—খৃঃ ১-খাণ্ডৱী এবং স্বামীর জন্ত সে তাহার সব কিছুই ত্যাগ করিতে পারে । “অলঙ্কার আগে না খণ্ডর আগে ১—

এই এক কথাতেই তাঁহাকে চেনা যায়। কিন্তু এ তো শুধু তাহার মানস-প্রকৃতির পরিচয় মাত্র। চরিত্র-সৃষ্টি হিসাবে বড় কি ছোট সে বিচার ভিন্ন। সৈরিক্তীর সহজ কথাবার্তার ক্ষেত্রে স্বাভাবিকতা বজায় রাখিয়াছে বটে, কিন্তু গুরুতর আবেগ প্রকাশের ক্ষেত্রে, ভাবে যতটা হটক না হটক ভাষায় অনুচিত মাত্রায় কৃত্রিম হইয়া উঠিয়াছে। সৈরিক্তীর গুরুতর পরিস্থিতি—নবীনমাধবের মুচ্ছা এবং মৃত্যুর দৃশ্যে। নাট্যকার এই সব স্থলে চরিত্রটিকে সমুচিত ভাব-ভাষা আবেগাদি দিয়া অঙ্কিত করিতে পারেন নাই—চরিত্রটি যে পরিমাণে কৃত্রিম বা অবাস্তব হইয়াছে সেই পরিমাণে করুণ-রসের রসনিশ্চিন্তির অন্তরায় হইয়াছে।

* দীনবন্ধু এখানে সম্পূর্ণ আত্মবিস্মৃত—ভুলিয়া গিয়াছেন যে নাট্যকার জীবন-নিরপেক্ষ ভাব-শিল্পী নয়, জীবন-শিল্পী—জীবন-সাপেক্ষ যে ভাব সেই ভাবেরই শিল্পী। জীবনের রূপ যেখানে কৃত্রিম ও বিকৃত হয় সেখানে নাট্যকারের পরাজয়। দীনবন্ধুর তন্ময়ীভবনযোগ্যতা কম ছিল না, অথচ সেই শক্তি এখানে যেন কে সংহরণ করিয়া লইয়াছে। প্রথার প্ররোচনায় শিল্পী পথভ্রষ্ট হইয়াছেন। (সৈরিক্তীর ভাষা একে ‘লেখ্য তাহাতে ‘বিদ্যাসাগরী’।)

অথচ যেখানে প্রথার চেতনা নাই, সেখানে ভাব-ভাষা স্বাভাবিকতাব পরিধির মধ্যেই আছে। আত্মী, রেবতী, ক্ষেত্রমণি, পদ্মা—চমৎকার দৃষ্টান্ত।

* আত্মরী—গোলোক বসুর বাড়ীর দাসী। কাণে একটু সে কম শোনে—খুব সম্ভব প্রয়োজনমত। সৈরিক্তীর কথায় জানা যায়—মাথায একটু ছিট আছে ‘পাগলী’। বিশেষতঃ ‘ভাতারে’র কথা উঠিলে আত্মরীর আর কথা নাই। ‘মিনসের মুখখান মনে পড়লি’ ‘আজও তাহার পরাগড়া ডুকরে কাঁদে ওটে’। তাহারে নাকি সে “বড় ভি ভাল বাসতো”; ভালবাসার বড় প্রমাণও আছে—“বাউ দিতি চেয়েলো”। বিবরণ হইতে সে প্রত্যক্ষ ভাষণে চলিয়া যায়। স্বামী যে ভাবে ও ভাষায় আদর করিত তাহা আবশ্যিকভাবে আবৃত্তি করিতে থাকে—

পুঁইচে কি এত ভারি রে প্রাণ পুঁইচে কি এত ভারি

মনের মত হলি পরে বাউ পরাতি পারি ।

দেখদিনি খাটে কি না । ঝিম্লেই নাকি বলিতো—“ও পরাণ ঘুম্লে” । ভাতারকে নাম ধরিয়া ডাকিবে কেমন করিয়া ?—সে ডাকিত—“হাদে ওয়ে শোন্‌চে” । (A slice of life বটে !) তারপর, সাবিত্রী যতই বলুন—‘তোর কি সকল কথায় কথা না কইলে চলে না ?’—সে কথার পিঠে কথা না বলিয়া থাকিতে পারে না—অর্থ থাক না থাক একটা কিছু বলা তাহার চাইই চাই—‘পোড়া-কপালি কি বলিতে কি বলে কিছুই বোঝে না’ । সৈরিক্তী বিদ্যাসাগরের বেতাল শুনিতে চাইবামাত্র আত্মরী মস্তব্য করে—“সেই সাগর নাডের বিয়ে দেয়, ছ্যা—নাকি ছোটো দল হয়েচে—মুই আজাদের দলে ।” রেবতী সাবিত্রীর কাছে আপদের কথা বলে—পদীর কথা জানায়, আত্মরী বলিয়া বসে—থু থু গোনো । সাহেবের কাছে কি মোরা যাতি পাবি...মুই সব সইতি পারি প্যাজির গোনো সইতি পারিনে...’ । সাহেব ক্ষেত্রমণিকে ‘কামরাস্তার ঘরে’ লইতে চায়—এই কথা শুনিবামাত্র সে বলে—“মা গো যে দাড়ি ! কথা কয় যেন বোকা ছাগল ফ্যাবা মারে । দাড়ি প্যাজ না ছাড়লি মুইতো কখনুই যাতি পারবো না, থু-থু । গোনো প্যাজির গোনো ।” রেবতী যেই বলে—“না কি ১ ম্যাদের পিল হয় না,” আত্মরী পাত্ৰোচিত অতিস্থল আদিরসাত্মক রসিকতায় মুগ্ধ হয়—ম্যাদের বুঝি পেটপোড়া খেব্‌য়েচে । সাবিত্রী যতই বলুন—‘আত্মরী তুই একটু চুপ কর বাছা’ আত্মরী কাণেও তোলে না—মাচের টক সাহেবের সঙ্গে বিবির যে কেলেকারি হইয়াছে তাহা বলিয়া যায় । সেটুকু সেরলতা কাপড তুলিয়া লইয়া আসিতেই—আত্মরী টিপনি করে এই যে ধোপা বউ কাপড নিয়ে আছেন । আত্মরী ‘পাগ্‌লো’ হইলেও বেশ ‘রসিক’ ।

বয়স বাড়িয়াছে বটে কিন্তু গ্রাম্য বয়স্কাদের মতই তাহার রসিকতা একটু আদিরস ঘেষা । বাস্তবিক আত্মরীর মত চরিত্রের আশ্রয় রাখিতে গেলে এই ধরনের রসিকতা বাদ দেওয়া কঠিন । যত অল্পালই হউক রসিকতার স্বযোগ সে

কিছুতেই নষ্ট করে না। সরলতা যেই বলে—“আমি আছুরী ছাদে গিয়ে কাপড় তুলি!”—সে ‘কাপড়-তুলি’-কে অগ্র অর্থে যোজনা করিয়া বলে—ছোট হালদার আগে বাড়ীই আসুক! এবং নিজের রসিকতায় নিজেই হা-হা-হা করিয়া হাসে। নবীনমাধব যখন—নিজ্রাভঙ্গের পরে, ‘নেপথ্যে আছুরীকে ডাকেন, সৈয়দী বলে—আছুরী তোরে ডাকচে। কিন্তু আছুরী সঙ্গে সঙ্গে বলে ‘ডাকছেন মোরে কিন্তু চাচ্ছেন তোমারে’। কিন্তু তাই বলিয়া আছুরী শুধু যে পাগলামি আর বাচলামি করিতেই জানে তাহা নহে, বস্তু-পরিবারের ছবিপাকে আছুরীকে আমরা তীব্র আবেগে কাঁদিতেও দেখি। নবীনমাধবের অবস্থা দেখিয়া সে আর্জিনাদ করে—আহা! হা হা কনে যাব, পরাণ ফ্যাটে বার হলো। আছুরী কোন ভাবের ফাহুস নহে, একটি রক্ত-মাংসের সজীব মানুষ।

* রেবতী :—সাধুচরণের জ্ঞা—চাষার ঘরের জ্ঞা হইলেও হিন্দুনরার ধর্মনিষ্ঠা তাহার মেকমজ্জায়—সে স্পষ্ট বলে—“ধর্ম কি ব্যাচ্চার জিনিস, না এর দাম আছে।” তাইতো পদীর প্রস্তাব শুনিবামাত্র লাগি মারিয়া মুখ ভাঙিয়া দিতে তাহার ইচ্ছা হয়, কিন্তু শুধু এই মনে করিয়াই ইচ্ছা দমন করে যে—“বিটা সাহেবের নোক”। রেবতী চরিত্রের প্রধান দিকটি এই যে সে ক্ষেত্রমণির মা। এই ‘মা’-কেই ক্ষেত্রমণির বিপাক্তর ও মৃত্যুর পরিস্থিতিতে সুন্দরকপে ব্যক্ত করা হইয়াছে। ক্ষেত্রমণির মৃত্যুর দৃশ্যে “রেবতীর মাতৃহৃদয় এত ঐকান্তিক ও স্বাভাবিকভাবে রূপ পাইয়াছে যে নাটকে খুব তীব্র অথচ স্বাভাবিক যে কয়টি দৃশ্য আছে তাহাদের মধ্যে এই দৃশ্যটি বিশেষভাবে উল্লেখযোগ্য। দীনবন্ধু ভট্টাচার্য থাকিলে গুরু ভাব ও রসকেও যে আদায় করিতে পারেন—ক্ষেত্রমণির প্রতি রোগের অত্যাচার এবং এই দৃশ্যটি তাহার বড় উদাহরণ।

* ক্ষেত্রমণি—সাধুচরণ-রেবতীর একমাত্র কন্যা। মায়ের ধর্মনিষ্ঠা মেয়েতেও বহুমূল। সে “পরান দিতে প্রস্তুত, ধর্ম দিতি পারিবে না তাহার দৃষ্ট ঘোষণা—“মুই পরান দিতি পারবো, ধর্ম দিতি পারবো না, মোরে কেটে কুচি কুচি কর, মোরে পুড়িয়ে ফেল, ভেসিয়ে দাও, পুঁতে রাখ, মুই পরপুরুষ ছুঁতি

পারবো না...”...“মুই উপপতি কত্তি কথহুই পারবো না।” এই তৃতীয় অঙ্কের তৃতীয় গর্তাঙ্কে নাট্যকার রোগের অত্যাচারের মুখে ক্ষেত্রমণির দেহ-মন-আত্মার যে ক্রিয়া-বিক্রিয়া রূপায়িত করিয়াছেন তাহাকে এককথায়—elemental বলা যাইতে পারে।

সমালোচক মোহিতলাল বলিয়াছেন—“এই দৃশ্যে দীনবন্ধুর নাটকীয় প্রতিভাব একটি অগ্নি-পরীক্ষা হইয়া গিয়াছে। এই অতি অগ্নীল দৃশ্যে গ্রাম্য নারী চরিত্রের গ্রাম্য ভাষায় দীনবন্ধু এই একটা জীবনের সত্য—criticism of life—এখানে কাব্যরূপে চিত্রিত করিয়াছেন।” বস্তুতঃ এ দৃশ্যটি যেমন দীনবন্ধু প্রতিভার তেমনি ক্ষেত্রমণির সত্যীকরণেরও অগ্নি-পরীক্ষা। ক্ষেত্রমণি কাশ-মনোবাক্যে সত্যী, এ সত্যীর কাছে পরপুরুষের স্পর্শটুকুও পাপ। ক্ষেত্রমণি দৃষ্ট কর্ণেই বলে—‘মোরে কেটে কুচি কুচি কর, মোরে পুড়য়ে ফেল, ভেসয়ে দাও, পুঁতে রাখ, মুই পরপুরুষ ছুঁতি পারবো না,’। পদী তাহাকে বুঝাইতে চেষ্টা করে—‘তোর ভাতার কোথায়, তুই কোথায়, একথা কেউ জানিতে পারবে না কিন্তু যে ধর্মবোধের সহিত সত্যীকরণ ধর্ম এক হইয়া আছে, তাহার প্রবেশ তো অনিবার্য। ক্ষেত্রমণির কাছে যে দেবতার ধর্মের বক্ষাকর্তা তিনি তো সত্যীকরণ ধর্মেরও বিধাতা স্বামীর অজ্ঞাতে পাপ করিলে স্বামী ন’ জানিতে পারেন কিন্তু দেবতার চোখে ধূলি দিবে কে? আর দেবতার শাস্তির আগে, বিবেকদহনের তুষারের নিভা দাহ হইতে নিষ্কৃতি কোথায়?—ক্ষেত্রমণি বলে—“আমার প্রাণের ভিতর তো পাঁজার আগুন জ্বলবে, মোর স্বামী সত্যী বলো মাঝে যত ভালবাসবে তত মোর মন তো পুড়তি থাকবে, জানাই হোক অজানাই হোক, মুই উপপতি কত্তি কখনই পারবো না।”

এই মেয়েকে পদী ‘বিবির পোষাকে’র লোভ দেখাইতে চায়। যোগ্য উত্তরও পায়—‘পোড়া কপাল বিবির পোষাকেব—চট পরো থাকি সেও ভাল তবু ঘ্যান বিবির পোষাক পরতি না হয়।’ তৃষ্ণা প্রবল—তবু সে ‘সাহেবের জল’ খান্দিবে না, লাঠিয়ালরা ছুঁইয়াছে, স্তব্ধতা স্নান না করিয়া, ঘরে না বাইরা জল খাইতে

পারিবে না। কিন্তু পদীর কথাই ঠিক—‘সাহেবের খন্ডরে পড়িলে ছাড়ান ভার।’ শেষ পর্যন্ত তাহাকে কাল সাপের গর্ভের মধ্যে একা রাখিয়া পদী চলিয়া যায়।

সতীর জীবনে চরম সঙ্কট মুহূর্ত। ক্ষেত্রমণির দুই হাত ধরিয়া ‘রোগ’ আকর্ষণ করে। অগত্যা ক্ষেত্রমণি, রোগ সাহেবকে ‘মাতুল’ মনে করিয়া তাহার পবিত্রতম একটি ভাববন্ধে (সেন্টিমেন্ট) আবেদন করে,—রোগকে বলে—“ও সাহেব তুমি মোর বাবা, ও সাহেব তুমি মোর বাবা”—কিন্তু “রোগ” rogueই বটে। যে একটু আগেই নিজের পরিচয় দিয়াছে—“আমার কাছে বলা শূয়ারের কাছে মুক্ত ছড়ান। হা হা হা, আমরা নীলকর, আমরা যমবে দোশর হইয়াছি পুত্রকে স্তন ভক্ষণ করাইতে’ কত মাতা পুড়িয়া মরিল তা দেখে কি আমরা স্নেহ করি? সে যে বলিবে—“তোমার ছেলিয়ার বাবা হইতে ইচ্ছা হইয়াছে... বিছানায় আইস, নচেৎ পদাঘাতে পেট ভাঙ্গিয়া দিব”—ইহাতে আর আশ্চর্য কি? ক্ষেত্রমণির নবজাত মাতুলসত্তা কাতর আবেদন করে—“মোর ছেলে মরে যাবে, এই সাহেব মোর ছেলে মরে যাবে—মুই পোয়াতি।” তবু রোগ তাহাকে উলঙ্গ করিতে উদ্যত। পিতৃ-ভাববন্ধ অসাড়।—শিতা হওয়ার স্বধোগ নাও হইতে পারে, কিন্তু মাতৃগর্ভে তো জন্মিয়াছে। মাতৃস্তনে—মাতৃকোড়ে বদ্ধিত যে হইয়াছে, মাতৃ শব্দটি তাহার কাছে অবশ্যই পবিত্র। তাই নিরুপায় ক্ষেত্রমণি শেষ পর্যন্ত পবিত্রতম মাতৃ ভক্তিব-ভাববন্ধে আবেদন করে—‘ও সাহেব মুই তোব মা...তুমি মোর ছেলে। কাপড় ছেড়ে দাও।’

সমস্ত আবেদন নিবেদন ব্যর্থ হয়। তবু সে আত্মসমর্পণ করে না—সাহেবের আক্রমণের মুখে সে মরিয়া হইয়া আত্মরক্ষা করিতে চেষ্টা করে। নিরস্ত্রের পক্ষে যতভাবে প্রতিক্রিয়া দেখান সম্ভব সে তাহা দেখায়। সমস্ত আলা গোলাগাঙ্কিরূপে উৎক্ষিপ্ত হয়—“ও গুণেগোর বেটা, আটকুড়ির ছেলে তোমার বাড়ী বোডা মরা মরো, মোর গায়ে যদি আবার হাত দিবি তোমার হাত মুই এঁচড়ে কেমনে টুকরো টুকরো করবো, তোমার মা-বুন নেই তাদের গিয়ে

কাপড় কেড়ে নিগে না।” ইহাকে শুধু প্রতিক্রিয়া না বলিয়া, সমস্ত সন্তায়-
আগুন-জলিয়া-যাওয়া বলাই ভাল।

* এই চরিত্রটিকে শুধু “জীবনের সমালোচনা বলা যথেষ্ট নহে ইহা এক মহা
সঙ্কট মুহূর্তে নারী-জীবনের দেহ-মন-প্রাণের অতি অকৃত্রিম তথা অতি বাস্তব
অভিব্যক্তি। এই ক্ষেত্রে, সৃষ্টি সাফাৎকারেরই নামান্তর। প্রাণ-মন আত্মার
ক্রিয়াকে কার-মনো-বাক্যে এমনি ভাবে যিনি প্রত্যক্ষ করাইতে পারেন জীবন
শিল্পী হিসাবে তাঁহার বিশেষ মর্যাদা অবশ্যই স্বীকার্য।

জীবন দেখার দৃষ্টি নাট্যকার দীনবন্ধুর যে তীক্ষ্ণ * পদ্যময়রাণী-চরিত্র
বিশ্লেষণ করিয়াছেন দেখা যায়। পদ্য টাকার জগৎ তাহার নারী ধর্ম খোয়াইয়াছে
—কুটির সাহেবের কাছে ধর্ম বেচিয়া দিয়াছে—উপপতি করিয়াছে। সাবিত্রীর
কথায় সত্য—“বেটীর আর বাকি আছে কি, নাম লেখালেই হয়”। তবে সব সত্য
নয়—নিজেই সে বলিয়াছে—“উপপতি করিছি বলে কি আমার শরীরে দয়া
নেই……। বস্তুতঃ, তাহার শরীরে দয়া আছে এবং ঘৃণালজ্জাও একেবারে
মুছিয়া যায় না। কচি কচি মেয়ে সাহেবকে ধরিয়া দিয়া সে নিজের পায়ে
কুড়ুল মারিতে চায় না, কিন্তু ছোট সাহেবের যে আগায় না—সে এবং কলিবুনো
থাকিতেও, আরো চাই। কলিবুনোর বিছানা ছুইতে হয় এ জগৎ তাহা ঘৃণার
অন্ত নাহি—“ওমা কি ঘৃণা। টাকার জগৎ জাতজন্ম গেল, বুনোর বিছানা ছুতে
হলো… ” সংস্কার মরিয়াও মরিতে চায় না। তারপর—প্রত্যেক ‘আমি’-টাই
তো বহুধা বিভক্ত—নানা সম্পর্কে সম্পর্কিত। পদ্য উপপতি করিলেও বিবেককে
একেবারে বিসর্জন দিতে পারে নাই। তাহার কাজ যে অন্তায় সে তাহা মর্মে
মর্মে বুঝে। কম জালা? সে গ্রামে বাহির হইতে পারে না। কাকের পিছনে যেমন
ফিঙে লাগে লোক তেমনি তাহার পিছনে লাগে। গ্রামের সম্ভ্রান্তদের মুখ
দেখাইতে তাহার লজ্জা করে—নবীনমাধবকে দেখিয়া সে লজ্জায় সঙ্কুচিত
হইয়া বলে—“ওমা কি লজ্জা। বড় বাবুকে মুখখান দেখালাম।” এবং ঘোমটা
দিয়া প্রস্থান করে। মাহুঘের আত্মাটি তাহার মধ্যে একেবারে মরিয়া যায় নাহি—

শিশুরা যখন করতালি দিয়া ছড়া কাটে—“ময়রাগী লো সই। নীল গঁজেছে কই।’ সে ‘পিসি দিদি’ প্রভৃতি সামাজিক সম্পর্ক তুলিয়া সম্বেহ ব্যবহারে নিজেকে বাঁচাইতে চেষ্টা করে। তাহার এই চেষ্টাটুকুর মধ্যে নারী হৃদয়ের কোমল মূর ভাবগুলির উদ্ভাবনশেষও প্রকাশ পায়। ক্ষেত্রমণির মুখে—“পিসি, ডাক শুনিয়াও সে অস্বস্তি বোধ করে—সে ব্যথিতই হয়। তাহার স্বগতোক্তিতে দেখা যায়—‘ক্ষেত্রমণির মুখ দেখলে বুঝ ফেটে যায়’...আমারে দেখে ময়রা পিসি ময়রা পিসি বলে কাছে আসে।” রোগ সাহেবের কামরায় পদী ক্ষেত্রমণিকে যেমন—বাছা “লক্ষ্মী মা আমার’ সম্বোধন করে—তেমনি স্বগতভাবে জাত ধর্মের জন্ত একটু অক্ষেপও করে—সাহেবকে বলে—“ছোট সাহেব ক্ষেত্রমণি আজ বাড়ী যাক, তখন আর এক দিন আসবে।” রোগেব কথা সত্য নয়—পদী ক্ষেত্রমণিকে সরাইয়া দিয়া সাহেবের সঙ্গে মজা করিবার উদ্দেশ্যেই যে এ কথা বলে তাহা নহে। * পদী-চরিত্র সৃষ্টিতেও দীনবন্ধু চমৎকাব দক্ষতা দেখাইয়াছেন। এখানে আগে পরিকল্পিত করিয়া পরে প্রাণ যোগ করা হয় নাই—এ সৃষ্টি অপুথগ্‌যত্ননির্বৃত্ত। চরিত্র সৃষ্টি আসলে “soul complex”-কে রূপ দেওয়া—ইহা তাহারই নিদর্শন।

এইবার ‘চরিত্র-সৃষ্টির দক্ষতা’ সম্বন্ধে অতিসংক্ষেপে-আলোচনা করা যাইতে পারে। প্রথমতঃ—চরিত্র-বৈচিত্র্যের কথা ধরা যাউক। এই নাটকে দীনবন্ধুর সামাজিক-অভিজ্ঞতার ব্যাপকতা এবং পর্যবেক্ষণ-শক্তি যাহা প্রকাশ পাইয়াছে তাহা এক কথায় বিস্ময়কর। তদানীন্তন সমাজের খুব কম শ্রেণীই আে যাহা এখানে প্রদর্শিত হয় নাই। ডাক্তার, কবিরাজ, গ্ৰন্থাপক, ম্যাজিস্ট্রেট, ডেপুটি, দারোগা, পেঙ্গার, আমিন, খালাসী, লাঠিয়াল, হিন্দুমুসলমান, চাষী, উচ্চমধ্যবিত্ত নীলকর-সাহেব, কলেজের পণ্ডিত, দাস-দাসী প্রভৃতি সকল শ্রেণীর চরিত্র নাটকে উপস্থাপিত হইয়াছে। দ্বিতীয়তঃ—কয়েকটি চরিত্র ছাড়া আর সকল চরিত্র ভাবে ও ভাষায় লৌকিকের মতই জীবন্ত হইয়া উঠিয়াছে। যেখানে চরিত্র উচ্চ শ্রেণীর ব্যক্তি—বিশিষ্ট পরিবারের লোক, সেখানে ভাব ও ভাষায়

কৃত্রিমতার জন্ম, লেখারীতির প্রয়োগের জন্ম চরিত্রের সম্ভাবনা নষ্ট হইয়া গিয়াছে, এ কথা সত্য, কিন্তু যেখানে দীনবন্ধু চরিত্রকে ভাবে ভাষায় শিষ্ট করিয়া তুলিবার জন্ম কোন সংজ্ঞান বা পৃথক চেষ্টা করেন নাই—“আয়ত্ত রসকল্পনার বস্তু সকলকে মণ্ডিত না করিয়া বস্তুসকলের রস-সত্তা আপনাকে বিনাইয়া” (মোহিতলাল)—দিয়াছেন—চরিত্রকে স্বরূপে অবহিত করিয়া প্রত্যক্ষ করাইতে চেষ্টা করিয়াছেন, সেই সকল ক্ষেত্রে দীনবন্ধু প্রথম শ্রেণীর নাট্যকার-প্রতিভা দেখাইয়াছেন। ইহারই ফলে, যেখানে ক্ষেত্রে দীনবন্ধুর চরিত্রগুলি শুধু শ্রেণী প্রতিনিধি হইয়া দাঁড়াই নাই, প্রত্যেকেই এক একটি বিশেষ ব্যক্তি হইয়া উঠিয়াছে। এই সকল ক্ষেত্রে দীনবন্ধু চরিত্রস্রষ্টা হিসাবে “naturalist”—who know the richness of soul complex and recognise that “vice has a reverse side very much like virtue”—(Strindberg) সব ক্ষেত্রে যদি নাট্যকার সমানমাত্রায় ‘Naturalist’ হইতে সক্ষম হইতেন, নীলদর্পণ বাংলা নাট্যসাহিত্যে অন্ততম উল্লেখযোগ্য ড্রাজেডির মর্যাদা লাভ করিতে পারিত। ক্ষেত্রের কথা সন্দেহ নাই—দীনবন্ধু প্রধান প্রধান চরিত্র রূপ দিতে গিয়া এই ‘naturalism’ হইতে দূরে সরিয়া পড়িয়াছেন। (চরিত্র বিশ্লেষণ দৃষ্টব্য)

[নীলদর্পণ নাটকে ভাববস্তু—এ সমাজ সমালোচনা]।

‘উত্তরচরিত-সমালোচনা প্রসঙ্গে, বাংলা সমালোচনা সাহিত্যে * ঐতিহাসিক পদ্ধতির প্রথম প্রযোজক, মনীষী বক্রিমচন্দ্র কাব্যের উদ্দেশ্য আলোচনা করিতে গিয়া সিদ্ধান্ত করিয়াছেন—কাব্যের উদ্দেশ্য নীতিজ্ঞান নহে কিন্তু নীতিজ্ঞানের যে উদ্দেশ্য কাব্যেরও সেই উদ্দেশ্য। কাব্যের গোণ উদ্দেশ্য মনুষ্যের চিন্তাৎকর্ষ সাধন—চিন্তাশুদ্ধিজনন। কবিরাজগড়ের শিক্ষাবাতা—কিন্তু নীতি-ব্যাখ্যার দ্বারা তাঁহার শিক্ষা দেন না। কথাগুলোও নীতিশিক্ষা দেন না; তাঁহার সৌন্দর্য্যের

চরমোৎকর্ষ স্বজনের দ্বারা অগতের চিত্তশুদ্ধি বিধান করেন। এই সৌন্দর্যের চরমোৎকর্ষের সৃষ্টি কাব্যের মুখ্য উদ্দেশ্য। প্রথমোক্তটি গৌণ উদ্দেশ্য, শেষোক্তটি মুখ্য উদ্দেশ্য।” এবং যাহারা বলেন—“কল্পিত চিত্তরঞ্জন ভিন্ন কাব্যের অগ্র উদ্দেশ্য নাই” তাহাদের উদ্দেশ্যেই বলিয়াছেন—“কিন্তু আমোদ ভিন্ন অগ্রালাভ যে কাব্যে নাই, সে কাব্য সামান্য বলিয়া জানিতে হইবে। এই “অগ্রালাভ” অবশ্যই ভাববস্তু বা জীবন-সমালোচনা হইতে আসে।

বস্তুতঃ কাব্যের মুখ্য উদ্দেশ্য জীবনের ভাব ও রূপের অমুভূতিকে (সর্বোত্তম) আনন্দদায়ক রূপে প্রকাশ করা—এই (সর্বোত্তম) আনন্দদায়ক রূপে যাহা প্রকাশিত তাহাই রসোত্তীর্ণ। শিল্পী জ্ঞাতসারে সর্বোত্তম আনন্দদায়ক তথা আদর্শ রূপটিকে প্রকাশ করিতেই ঐকান্তিক চেষ্টা করিয়া থাকেন। কিন্তু সাধ ও সাধের বিবাদ সকলের পক্ষে সমানভাবে মিটানো সম্ভব নহে। এখন যে কথাটি বিশেষভাবে বিবেচ্য তাহা এই যে—আনন্দ কোন নৈর্ব্যক্তিক ব্যাপার নহে, জীবনের বাসনা কামনার বন্ধেই আনন্দের জন্ম। এবং বড় আনন্দ সেখানেই যেখানে জীবনের গভীর বা প্রধান বাসনা-চক্র চরিতার্থ হয়। আবার এই বাসনার বলয়টি কোথাও স্থির হইয়া নাই—মৌলিক কয়েকটি স্থায়ীভাবের মধ্যে ইহার আপেক্ষিক স্থির রূপ দেখা যায় বটে, কিন্তু সমাজের অগ্রগতির সঙ্গে সঙ্গে, শ্রেণী-বিন্যাসের সঙ্গে সঙ্গে বাসনা-বলয় নানাদিকে নানারূপে প্রসারিত হয়, এক কথায়—বিশেষ বিশেষ সামাজিক জীবনের মধ্যেই বাসনাকে ব্যক্তরূপে প্রত্যক্ষ করা সম্ভব। শিল্পীরা এই সামাজিক জীবনের বাসনা-কামনাকে রূপে রসে ব্যক্ত করেন। এখানে এক শিল্পীর সঙ্গে অগ্র শিল্পীর যে পার্থক্য দেখা যায় তাহার কারণ প্রধানতঃ দুইটি—এক, ভাব-বস্তু ধারণার সামর্থ্য, দুই ধারণাকে স্পন্দরভাবে রূপদেওয়ার দক্ষতা। এই ভাব-বস্তু ধারণার মধ্যেও পার্থক্য দেখা যায়। কেহ সার্বজনীন “ভাব-বস্তু” নির্বাচন করেন, কেহ আবার প্রাদেশিক “বিষয়বস্তু”

নিৰ্বাচন করেন। অবশ্য, যেমন সার্কজনীন ভাববস্তু নিৰ্বাচন করিলেই বড় সাহিত্য হয় না, তেমনি প্রাদেশিক ভাব-বস্তুকে সার্কজনীন আন্দলের বস্তুতে পরিণত না করা পর্যন্ত তাহা শিল্প হইয়া উঠে না। সমাজের বিশেষ এক বৃত্তাংশে অবস্থিত জীবনের মাধ্যমেই জীবন-সত্যের সাক্ষাৎকার ঘটানো—শিল্পীর উদ্দেশ্য। জীবন সমালোচনার মধ্য দিয়াই এই সাক্ষাৎকার আসে। সুতরাং মুখ্য উদ্দেশ্য আনন্দ-বা রস সৃষ্টি বটে কিন্তু গোণ উদ্দেশ্য—ভাব-বস্তুর বাসনা পূরণ—তথা সমাজ-সত্যের সমালোচনা। এই ভাব-বস্তু এক নহে। এই নাটকে যে 'ভাব-বস্তু'কে রূপ দেওয়া হইয়াছে তাহাকে এক কথায় আমরা বলিতে পারি নীলকর অত্যাচারের মধ্যে বাঙলা দেশের নিরুপায় প্রজাবর্গের দুঃখ দুর্দশা। ইহা নিত্যসত্ত্ব প্রাদেশিক ঘটনা। স্বরূপতঃ একরূপ অর্থনৈতিক আন্দোলন হলেও, ইহা সাধারণ অর্থনৈতিক আন্দোলন নহে—জমিদারের বিরুদ্ধে কৃষকের অথবা পুঁজিপতিদের বিরুদ্ধে শ্রমিকের আন্দোলন নহে। বাংলার ইতিহাসের এক বিশেষ পর্য্যায়—ইউরোপীয় বণিকের—ও নীলকরের শাসন-শোষণ-অত্যাচারের রূপ। এই হিসাবে—বিষয়বস্তুটি, অবশ্যই, (topical প্রাদেশিক এবং উদ্দেশ্য—সংকীর্ণ। সুতরাং এক্ষেত্রে মাত্রাতিরিক্ত জীবনকে পরাদর্শনের পটভূমিতে দেখিতে বা দেখাইতে যাওয়া ঠিক হইবে না। সব সামাজিক ট্রাজেডিতে এই প্রত্যাশা অঙ্কিত—*strife* দ্রষ্টব্য] জীবনকে দেখিতে হইবে—বিশেষ এক সামাজিক প্রতিকূল পরিস্থিতির পটভূমিতে আর সেই প্রতিকূল পরিস্থিতিতে জীবনের সংগ্রাম ও শোচনীয় পরিণতির মধ্যেই ট্রাজিডির অস্তিত্ব উপলব্ধি করিতে হইবে।

নীলদর্পণ নাটকে নাট্যকার উনবিংশ শতাব্দীর বাংলা সমাজের একটি বৃত্তাংশ পরিপাট্যরূপেই প্রকাশ করিয়াছেন। নীলকর-সাহেবের অত্যাচারের রূপ যতভাবে আত্মপ্রকাশ করিয়াছিল তাহাদের কোনটিই বাদ পড়ে নাই। দেশীয় সমাজেরই একটি অংশ কেমন করিয়া টাকার লোভে নীলকরদের কাছে আত্মবিক্রয় করিয়াছিল—গোপী, পদী, আমিন, লাঠিয়াল—তাহার স্পষ্ট দৃষ্টান্ত।

তখনকার কমিশনার ম্যাজিস্ট্রেট হইতে দারোগা জমিদার পর্যন্ত—“এক

ভস্ম আর ছার দোষগুণ কব কার”—অবস্থা। এই অবস্থাটির ফলে বিচার যে অত্যাচারেরই নামান্তর হইয়া দাঁড়াইয়াছিল—এ কথাটিও স্পষ্ট ভাষায় নাট্যকার ব্যক্ত করিয়াছেন। তখনকার—অরাজকতার রূপটি নাটকে সর্বতোভাবে প্রকাশিত। ধন-প্রাণ-মনের উপর এত বড় অত্যাচারের চাপ—প্রজা-সাধারণের পক্ষে মহাসঙ্কটকপেই দেখা দিয়াছিল। দীনবন্ধু এই মহাসঙ্কটেব সমস্ত দিক নাটকে তুলিয়া ধরিয়াছেন—অকথ্য অত্যাচারের রূপ এবং অত্যাচার সত্ত্বেও প্রজার প্রতিরোধস্পৃহা উভয়ই সমানভাবে রূপ পাইয়াছে। বিশেষতঃ বাংলার কৃষকের জীবনের এত সম্পূর্ণ আলেখ্য আগে বা পরে খুব কমই পাওয়া যায়। এত বাস্তব পরিস্থিতি দিয়া নাট্যকার পটভূমিটি গঠন করিয়াছেন এবং তাহাতে এত বাস্তবিককল্প চরিত্র সৃষ্টি করিয়াছেন যে, নীলদর্পণ- নাটকে ইংরেজ-শাসনের আরম্ভ-সময়ের বাংলার সমাজ যেন ছবিব মত ফুটিয়া উঠিয়াছে। ইংরেজ-শাসনের প্রারম্ভে—সমাজের উচ্চশ্রেণীর মধ্যে নিরাপত্তাবোধের তাগিদে ইংরেজ-প্রীতি, ইংরেজ ভক্তি দেখা দিতে আরম্ভ করিয়াছে। ইংরেজের রাজ্য মগের মূলুক নয়—“ইংরেজেব রাজ্যে কেউ কি ঘর ভেঙ্গে মেয়ে কেড়ে নিয়ে যেতে পারে।”—এ বিশ্বাস অনেকের মধ্যে আসিয়াছে। কিন্তু চাষার অবস্থা যে মুসলমান-আমল অপেক্ষা কোন অংশেই উন্নততর হয় নাই “চাষার ঘরে সব পারে—” রেবতীর এই হতাশা এবং “রাইয়তের” কান্না—“কান্সালের কেউ দেখে না”—চাষী-শ্রেণীর নিরুপায় অবস্থাটিকেই ব্যক্ত করিয়াছে। জন-চাষী, ক্ষুদ্র কৃষক, গাঁতিদার—সমস্ত কৃষক শ্রেণীর বিপত্তিকে, শ্রেণী-বিদ্ভাসের রূপ ও পারস্পরিক মর্শাদা সম্বন্ধে সচেতন থাকিয়াই, নাট্যকার রূপ দিয়াছেন। সংক্ষেপে বলা যায়—নাট্যকার তদানীন্তন বাংলার অর্থনৈতিক-রাজনৈতিক—সামাজিক ও সাংস্কৃতিক রূপটি এই নাটকে যথাসাধ্য এবং যথাপ্রয়োজন উপস্থিত করিয়াছেন। নীলদর্পণ তদানীন্তন বাংলার ইতিহাসের একখানি মূল্যবান সাহিত্যিক দলিল।

উপসংহারে একটি কথা অবশ্যই বলা দরকার—সেই কথাটি এই যে নাট্যকার দীনবন্ধু তাঁহার নাট্যরচনার মাধ্যমে যেভাবে সমাজ ও জীবন-সমালোচনা

করিস্নাছেন তাহাতে তাঁহাকে আমরা অবশ্যই প্রগতিপন্থী বলিতে পারি বটে কিন্তু এ কথাও ভুলিয়া গেলে চলিবে না যে দীনবন্ধু নীলকর-সাহেবদেয় অত্যাচারের রূপ তুলিয়া ধরিলেও, ইংরেজ শাসনের বিরুদ্ধে—পরাদীনতার বিরুদ্ধে কোন সচেতন প্রতিক্রিয়া দেখান নাই। বরং ভূমিকায় এমন সব কথা আছে যাহাতে ইংরেজ-শক্ত বলিয়াই তাঁহাণে মনে ভূমিকার কথা মুখের কথা মাএ অর্থাৎ—আত্মরক্ষার আবরণ মাত্রও হইতে পাবে।

॥ गिरिशचन्द्र घोष ॥

* प्रफुल्ल

* अना

গিরিশচন্দ্র

বাংলার নাট্যসংস্কৃতির ইতিহাসে নট-নাট্যকার গিরিশচন্দ্র যে একজন যুগন্ধর ব্যক্তি এ কথা প্রত্যেক ঐতিহাসিককেই স্বীকার করতে হ'য়েছে এবং ভবিষ্যতেও হবে। উন্নাসিক সমালোচকদের উদাসীনতা স্বত মাত্রাহীনই হো'ক, এই সত্যটি কেউই অস্বীকার করতে পারেননি যে উনবিংশ শতাব্দীর শেষপাদ থেকে আরম্ভ ক'রে বিংশ শতাব্দীর প্রথম দশক পর্যন্ত, নট হিসাবে, এবং নাট্যকার হিসাবে গিরিশচন্দ্রই বাংলা রঙ্গমঞ্চের প্রাণপুরুষ—একাধারে নটগুরু নট এবং নাট্যকার; এক কথায় বাংলা নাট্যজগতের অধিনায়ক। সব কিছু অস্বীকার করার পরেও একথা অবশ্যস্বীকার্য থাকবে যে গিরিশচন্দ্র বাংলার নাট্যাভিনয়ে নবপ্রাণ সঞ্চার করেছিলেন বাংলার নতুন প্রাণের স্পন্দনকে নাট্যাভিনয়ের মাধ্যমে বাঙালীর প্রাণে সঞ্চারিত করতে চেষ্টা করেছিলেন, বাংলার নাট্য সম্পদকে ৮০ থানি নাটক দিয়ে সমৃদ্ধতর করেছিলেন—বাংলার রঙ্গমঞ্চে আঙ্গিক, বাচিক, আহ্বাৎ এবং সাব্বিক অভিনয়ের নতুন এবং বাস্তব প্রবৃত্তি প্রবর্তন করতে সচেষ্ট হয়েছিলেন—বাংলার রঙ্গালয়কে যুগপৎ আমোদলায়ে এবং ১৮ ফালগুণে পরিণত করেছিলেন। এ মিথ্যা নয়—সত্য ঘটনা এবং তার সাক্ষী বাংলার রঙ্গালয়ের ইতিহাস,—গিরিশচন্দ্রের নাট্যাংগী। এও অতি সত্য ঘটনা যে গিরিশচন্দ্রের নাটক একদিন তার রূপ-রসে বাঙালীর চিত্ত আকর্ষণ করেছিল—বাঙালীর রসকলচিকে পরিতৃপ্ত ক'রেছিল। কারণ এ কথা স্বীকার না করলে বা' স্বীকার করতে হয় তা' খুবই হ'স্তোদ্ধাপক—স্বীকার করতে হয় যে, গিরিশচন্দ্রের নাটক দেখতে বাঙালীরা উদগ্র আগ্রহে টিকিট কিনতো, সমুৎসাহ হয়ে অভিনয় দেখতো এবং আত্মহারা হয়েই দেখতো, কিন্তু দর্শকগণ রসকলচি অতৃপ্তই থেকে যেতো। এর চেয়ে হাশ্বকর সিদ্ধান্ত আর কিছুই হতে পারে না বলেই আমাদের

এ কথা স্বীকার করতে হবে যে গিরিশচন্দ্রের নাটকের রূপ ও রস তদানীন্তন বাঙালী সমাজের রসবোধকে যথেষ্ট তৃপ্তি দিয়েছিল এবং নাট্যকার গিরিশচন্দ্র দর্শকচিন্তাক্ষণের সাধনায় সিদ্ধিলাভ করেছিলেন। বলা বাহুল্য, যেহেতু নাটক দৃশ্য অর্থাৎ অভিনেয় কাব্য, অভিনেয়ত্বই নাটকের প্রাণ এবং অভিনয়-সাফল্যের মাত্রা নাটকীয় সার্থকতার অন্ততম লক্ষণ—নাটকের সার্থকতা বিচারে নাটকের কাব্যমূল্য এবং অভিনেয়ত্ব-মূল্য উভয়েই বিচার্য। একথাও অবশ্য স্মরণীয় যে এই দুই মূল্য পরস্পর-সাপেক্ষ। নাটকের বিচার—অভিনেয় কাব্য হিসাবে রচনাটি কতদূর সার্থক হয়েছে তারই বিচার। এই বিচার-সূত্র প্রয়োগ করতে গেলেই-বুঝা যাবে গিরিশচন্দ্রের নাটক অভিনেয় রচনা হিসাবে যথেষ্ট সার্থকতা লাভ করেছিল এইং সেই হিসাবে গিরিশচন্দ্র একজন সিদ্ধ নাট্যশিল্পী।

এই প্রসঙ্গেই, নাটকের রূপ-রস এবং দর্শক-কর্চি সম্বন্ধে কয়েকটি কথা বলতে চাই এবং বলতে চাই তাঁদের উদ্দেশ্যেই যারা নাটকের রূপ-রস এবং দর্শককর্চির আলোচনায় বিবর্তনবাদী দৃষ্টিকোণ থেকে দূরে সরে গিয়ে সবকিছুর একটা নিরপেক্ষ আদর্শ কল্পনা করে থাকেন—রচনার রূপ-রসকে এবং দর্শককর্চিকে ইতিহাস-নিরপেক্ষ বিষয়ে পরিণত করার চেষ্টা করেন। এই শ্রেণীর অবৈজ্ঞানিক সমালোচকরা বস্তুর বিবর্তন-ধর্মিতা সম্বন্ধে সচেতন থাকেন না বলেই, রূপ-রস-কর্চির পরা-আদর্শ (Absolute standard) খুঁজতে ব্যস্ত থাকেন এবং স্বকপোলকল্পিত একটি অবাস্তব আদর্শের মানদণ্ডে সবকিছুকে যুগধর্ম-নিরপেক্ষভাবে বিচার করতে চেষ্টা করেন। একটু বাস্তববাহুগ দৃষ্টি নিয়ে দেখলেই এঁরা দেখতে পাবেন যে যেমন বস্তু-জগতের, তেমনি মনুষ্য সমাজেরও প্রত্যেকটি বস্তুই বিবর্তনের অধীন—সমাজের বিবর্তনের সঙ্গে সঙ্গে সামাজিকের মনের তথ্য-শিল্পেরও রূপ-রস-রীতির পরিবর্তন ঘটেছে এবং প্রত্যেকটি সৃষ্টিই বিশেষ বিশেষ দেশ-কালে, সীমাবদ্ধ—বিশেষ বিশেষ সমাজের, বিশেষ বিশেষ

১। নাটকের কথাই ধরা যাক। গ্রীক নাটকের রূপ, সংস্কৃত নাটকের

রূপ এবং ইংলণ্ডের এলিজাবেথের যুগের নাটকের রূপ ও রস এক নয়। ভেমনি মালের্ণী ও শেকসপীয়রের নাটকের রূপ-রস থেকে কনেইর অথবা রাসিনের নাটকের রূপ-রস ভিন্ন; আবার কনেই-রাসিন প্রভৃতির, নাটকের রূপ-রস থেকে ইবসেন, ষ্ট্রীণবার্গ, বার্গাডশ' প্রমুখ নাট্যকারের নাটকের রূপ ও রস স্বতন্ত্র। তারপর আধুনিক একস্প্রেগানিষ্ট বা ইম্প্রেগানিষ্ট নাট্যকারদের নাটকের রূপ-রস পূর্ববর্তী নাট্যকারদের নাটকের রূপ-রস থেকে অতি সংলক্ষ্য-ভাবে পৃথক। এদের মধ্যে একমাত্র গ্রীক আছে লোকবৃত্ত উপস্থাপনার ব্যাপারেই; তা'ছাড়া রূপ-রস রীতিতে লক্ষণীয় পার্থক্য রয়েছে। বলা বাহুল্য এই পার্থক্য—অর্থাৎ রূপ-রসের বিশেষত্ব সত্ত্বেও এরা সকলেই নাটকপদবাচ্য এবং নাট্যের হাতহাসে স্ব স্ব মহিমায় প্রতিষ্ঠিত এবং দেশের ও যুগের রুচির চাহিদাতেই তাদের রূপ-রসের এই পার্থক্য ঘটেছে। গ্রীক নাটকের 'কোরাস' দেখে কেউই এ কথা বলেন না—শেকসপীয়র নাটকে কোরাস নেই, অতএব গ্রীক নাটক নাটকই নয় অথবা মালের্ণী-শেকসপীয়র নাটকের পদবন্ধ বা দৃশ্যবিভাগ দেখে কেউ এ কথা বলেন না যে ইবসেনের নাটক যেহেতু গল্প লেখা এবং ইবসেনের নাটকের অঙ্কগুলি দৃশ্য-বিভক্ত নয়, অতএব শেকসপীয়রের নাটক নাটকপদবাচ্যই নয়। বিভিন্ন দেশের এবং বিভিন্ন যুগের নাটকের রূপ-রসের পার্থক্য ও বৈচিত্র্য লক্ষ্য করে, কবি-নাট্যকার-সমালোচক টি. এন. এলিয়ট মহাশয় নাট্যসমালোচকদের উদ্দেশ্যে যে সতর্কবাণী উচ্চারণ করেছেন এক্ষেত্রে সেই কথাটিই আমি নতুন করে স্মরণ করাতে চাই। তিনি বলেছেন—“নাটকের এত বিভিন্ন প্রকার যে খুব কম সমালোচকই নাটকীয় অনাটকীয় বিচার করার কালে একখানা কি দুখানার বেশী নাটকের কথা মনে রাখতে পারেন। নাটকীয় কি? কারো মন যদি জাপানের 'নো' নাটকের, ভাসের ও কালিদাসের নাটকের, ইন্সলাস, সফোক্লিস ও ইউরিপিডিসের নাটকের, এরিস্টোফনিসের ও মিনান্দরের নাটকের ইয়োৰোপীয় মধ্যযুগের নাটকের এবং সঙ্গে সঙ্গে ইংরেজি ও ফরাসী বিখ্যাত নাটকগুলির রূপ-রসে ভরপুর থাকে এবং কেউ

যদি প্রত্যেককেই সমান অনুরাগের সঙ্গে (বা' অসম্ভব) গ্রহণ করে, তাহলে কি একের চেয়ে অল্পকে অধিকতর নাটকীয় বলে সাব্যস্ত করার আগে ইতস্ততঃ করবে না?" (সেনেকা ইন এলিজাবেথান ট্রান্সলেশান—প্রবন্ধ)। কবি-সমালোক অবশ্যই বলতে চান—ইতস্ততঃ করতেই হবে এবং না করলেই হঠকারিতা হবে। বাস্তবিকই নাটক সমালোচনার সময়ে এই ভুলের আবর্তে অনেকেই ঘুরপাক খেয়ে থাকেন—বিশেষ এক দেশের বা যুগের রূপ-রসের রুচি নিয়ে ভিন্ন দেশের বা যুগের রূপ-রসের বিচার করতে প্রবৃত্ত হন। ফল যা হবার তাই হয়—ধানের ক্ষেতে বেগুন খুঁজতে গিয়ে হয়রাণ হয়ে পড়েন এবং শেষ পর্বস্ত ধানকেই শস্য বলে গণ্য করতে চান না। বাংলা নাটকের সমালোচনা ক্ষেত্রে এ বিপত্তি আরো বেশী মাত্রায় দেখা যায়। তার কারণ, পরাধীনতার চাপে চাপে বাঙালীর মেরুমজ্জায় হেয়মত্ততার যে ক্ষয়রোগ প্রবেশ করেছিল তার ফলে বাঙালীর বুদ্ধি স্বাধানভাবে চিন্তা করবার শক্তি হারিয়ে ফেলেছিল—এবং দেশ-দেখা চোখ হাবিয়ে বিদেশের সব কিছুকেই মুগ্ধ দৃষ্টিতে দেখতে অভ্যস্ত হয়েছিল। সেই দুর্বলতা, সেই মোহ এখনও সম্পূর্ণ কাটেনি। কাটেনি যে তার বড় প্রমাণ—প্রতীচ্য নাটকের বিচিত্র রূপ-রসের হিসাব নিকাশে প্রবেশ না করেই সমালোচকরা বাংলা নাটককে এক ছুঁয়ে উড়িয়ে দেওয়ার হাঙ্গামাজনক আক্ষালন করে থাকেন। বাংলা নাটকের রূপ-রস যে বাঙালীরই রস-রুচির সৃষ্টি—এই সামান্য কথাটিও তাঁরা মনে রাখতে চান না।

এই সব-সমালোচক গ্রীক-নাটকের রূপ ও বিষয়বস্তুকে গ্রীক-সমাজের পরিপ্রেক্ষিতে বিচার করতে প্রস্তুত, মার্লো-শেকসপীয়রকে এলিজাবেথীয় ইংলণ্ডের সমাজ-জীবনের পরিপ্রেক্ষিতে দাঁড় করিয়ে বিচার করতে উৎসুক, রাসিন-কর্ণেই-মলিয়েরকে সপ্তদশ শতাব্দীর ফ্রান্সের পটভূমিতে রেখে বিচার না করলে ক্ষুব্ধ হন, কিন্তু বাংলা নাটকের রূপ-রসের বিচার করতে যেয়ে এঁরা দেশ-কাল-পাত্র চেতনা হারিয়ে বসেন এবং রূপ-রসের এক তুরীয় আদর্শের ভূত এমন

করে এঁদের ঘাড়ে চেপে বসে যে বাংলা নাটকের নাম গুনলেই—‘কিছু না’ ‘কিছু না’ বলে চোঁচাতে থাকেন। নাটকের রূপ ও রসকে বিচার-বিশ্লেষণ করার ঐর্ষ্যটুকু পর্যন্ত থাকে না। শয়তানকেও তার জাদু পাওনা মিটিয়ে দিতে হবে—এই বচনটি তাঁরা মানেন না এমন নয়, কিন্তু মানেন শুধু বিদেশী নাটকেরই বিচারে। এই শ্রেণীর ভূতাবিষ্ট সমালোচকদের কাণের কাছে টি. এস. এলিয়টের সতর্কবাণী কীৰ্ত্তন করবার প্রয়োজন আছে ; আশা করি উদ্ধৃতিটি সেই প্রয়োজন অনেক পরিমাণে সিদ্ধ করবে।

বাস্তবিকই, নাট্য সমালোচকদের এই সতর্কবাণীটি স্মরণে রাখা একান্ত আবশ্যক। কারণ এই কথাটি মনে থাকলে সমালোচক আর যাই করুন না কেন, হঠাৎ কোন সিদ্ধান্ত করবেন না—কোন একটি বিশেষ রূপ বা বিশেষ রসকে ‘একমেবাদ্বিতীয়ম্’ বলে ঘোষণা করবার আগে অনেকখানি ভেবে দেখবেন—এ কথা ভাবতে বাধ্য হবেন যে নাটকের রূপ ও রসের প্রকৃতি সমাজের অবস্থা তথা যুগের প্রবৃত্তির দ্বারা নিয়ন্ত্রিত হয়ে থাকে বলেই দেশে দেশে এবং যুগে যুগে নাটকের রূপ ও বিষয়বস্তু পৃথক হ’য়ে থাকে। অতএব নাটক বিচারে রূপের বা বিষয়বস্তুর প্রকৃতি বিচার্য বিষয় বটে, কিন্তু এক রূপের বিচারে অল্প রূপাদর্শের মাপকাঠি ব্যবহার করলে চলবে না অথবা একটি মাত্র পুরুষার্থকেই—সার্বজনীন এবং একমাত্র বিষয়বস্তু বলে গণ্য করলে চলবে না। প্রকৃতিস্থ থাকলেই সমালোচক দেখতে এবং বুঝতে পারবেন যে প্রত্যেক যুগের নাট্যকার প্রত্যক্ষভাবে বা পরোক্ষভাবে তার সমসাময়িক সমাজেরই পুরুষার্থ বা বাসনা যথাসাধ্য পূরণ ক’রে থাকেন—প্রত্যেক শিল্পীরই সৃষ্টি যুগসাপেক্ষ—শিল্পীর বাসনা এবং অভিজ্ঞতার দ্বারা—এক কথায় জ্ঞান-অনুভব-ইচ্ছার দ্বারা পরিচ্ছিন্ন। বুঝতে পারবেন—যত বড় মাহকবিই যিনিই হোন এ নিয়তি খণ্ডন করবার শক্তি কা’রো নেই—শেকস্পীয়র যে শেকস্পীয়র তিনিও বিশেষভাবে তাঁর যুগেরই—তাঁর বিষয়বস্তু নির্বাচন, তাঁর নাটকের রূপ ও বীতি এলিজাবেথীয় যুগেরই আবেগ, সংস্কৃতি ও রসবোধ দ্বারা

নিয়ন্ত্রিত। বুঝতে পারবেন—বিশেষ এক যুগের একটি চিন্তের পক্ষে সব যুগের এবং সব চিন্তের চাহিদা পূরণ করা সম্ভব নয়—এবং এক যুগের ধ্যান-জ্ঞানে সব যুগের ধ্যান-জ্ঞান প্রতিফলিত হতে পারে না। প্রত্যেক শিল্পী সামাজিক ব্যক্তি এবং বিশেষ সমাজের বিশেষ পর্যায়েরই ব্যক্তি। ঐ বিশেষ সামাজ্য ও বিবর্তনশীল সমাজেরই বিশেষ অবস্থা। শিল্পী সেই অবস্থাটির পরিবেশেই মানুষ হয়ে থাকেন এবং সেই পরিবর্তনশীল পরিবেশের সঙ্গে বুঝাপড়া করতে করতে এগিয়ে যান। শিল্পীর জ্ঞান-অনুভব-ইচ্ছা যত ব্যক্তিগত বলেই মনে হোক, আসলে তা বিশেষ সমাজেরই পুরুষার্থ সাধনার সঙ্গে নিগূঢ় যোগে যুক্ত। শিল্পীরা সমাজের পুরুষার্থেরই কোন-না-কোন একটিকে বা একাধিককে শিল্পের মাধ্যমে প্রকাশ করতে চেষ্টা করে থাকেন। কোন পুরুষার্থকে শিল্পী প্রকাশ করতে চান, কোন মূল্যকে তিনি কাম্য করে তুলতে চান—তারই মধ্যে শিল্পীর জীবনবোধ ব্যক্ত হয়। এ কথাও বুঝতে পারবেন যে সমাজবিবর্তনের সঙ্গে সঙ্গে পুরুষার্থ সাধনাতেও পরিবর্তন এসে থাকে এবং ব্যক্তিতে ব্যক্তিতে পুরুষার্থ-প্রীতি ভিন্ন হয়ে থাকে।

এই সব বুঝতে পারলে, অবশ্যই তিনি প্রতিভার স্বরূপ ধরতে পারবেন—এবং বুঝতে পারবেন—প্রতিভা সম্বন্ধে কবি ওয়ার্ডসওয়ার্থ যে কথা বলেছেন তা সত্য—প্রতিভা হচ্ছে করণীয় কার্যকে সবচেয়ে সূষ্ট এবং হৃন্দরভাবে করার ক্ষমতা। কবি-ব্যক্তিত্ব বিচারে, কবি কি কি করণীয় কাজ করেননি তার হিসাব করা যেতে পারে বটে, কিন্তু সৃষ্টি নৈপুণ্য বিচারে আসল বিচার্য কবি যা' করতে চেয়েছেন তা' করণীয় কিনা, এবং তা' নিখুঁত এবং নিপুণভাবে করতে পেরেছেন কিনা—যে বিষয়বস্তুকে কবি ব্যক্ত করতে চান তাকে সন্তোষজনক ও সম্পূর্ণ আকার দিতে পেরেছেন কিনা। এ কথা ঠিক যে বড় প্রতিভা যুগের আত্মাটিকে যুগজীবনের বিচিত্র রূপটিকে গভীর আলোকে ব্যক্ত করে থাকেন, কিন্তু এও ঠিক যে কোন শিল্পী যদি তাঁর সমাজ চেতনার বিশেষ কোন অংশকেও সার্থকভাবে রূপ দিতে সমর্থ হন, তা'হলেও তাঁকে কৃতী শিল্পীর মর্যাদা দিতে

হবে। সমালোচকের কাজ উচ্ছৃঙ্খলিত প্রশংসা অথবা নিবিচার নিন্দা দু'য়ের কোনটিই নয়। সমালোচনা—শিল্পকর্মের মূল্য-বিচার, শিল্পী যা' সৃষ্টি করেছেন রূপে-রসে তা' কতখানি সার্থক হয়েছে তারই বিচার—শিল্পীর ধ্যান ও রূপদক্ষতার বিচার। নিজের ভালো-লাগা মন্দ-লাগার অহংকারকে জাহির করার মধ্যে আর যাই থাক সমালোচনা থাকে না। অন্ধভক্তি এবং অন্ধ-অভক্তি দুইই সমালোচনার শত্রু। অতএব দুইই পরিত্যজ্য।

গিরিশচন্দ্রের নাট্যকার-প্রতিভা সম্বন্ধে আলোচনা করবার মুখে এই কয়েকটি কথা গ্রহণ করার প্রয়োজন আছে এই কারণেই যে সমালোচকগণ অতি সহজেই অন্ধ ভক্ত বা অন্ধ-অভক্তির হাতে ধরা দিয়ে সমালোচনা শব্দটিকেই কলংকিত করে থাকেন। এঁদের কারো হাতে গিরিশচন্দ্র শতকরা একশো পেয়ে যাচ্ছেন, কারো হাতে আবার পাশ নম্বরই পাচ্ছেন না। কেউ প্রাপ্যের অধিক দিচ্ছেন, আবার কেউ প্রাপ্যটুকুও থেকে বঞ্চিত করছেন। এই অপ্রকৃতিস্থ সমালোচনার অরাজকতা দূর করবার জন্তই—অন্ততঃ নাট্যরসিকদের একটু সতর্ক করবার জন্তই, কথাগুলি বলেছি। গিরিশচন্দ্রের নাট্যকার প্রতিভার বিশেষ আলোচনায় প্রবেশ না করেও আমরা একথা বলতে পারি—উনবিংশ শতাব্দীর শেষপাদে বাঙালীর মনে আত্মচেতনার তৃষ্ণা, আত্ম-প্রতিষ্ঠা কামনার যে উদ্দীপনা দেখা দিয়েছিল—একদিকে ভারতীয় ধর্মদর্শনের নিগূঢ় তত্ত্ব এবং আধ্যাত্মিক সাধনার অমূল্য সম্পদ প্রদর্শন করবার ; আর একদিকে আত্মসমালোচনার সাহায্যে আত্মসংশোধনের এবং আর এক দিকে স্বাধীনতাহীনতার বেদনা তথা স্বাধীন জাতি হিসাবে জগৎসভায় দাঁড়ানোর কামনা, এক কথায় স্বাধীনতা-কামনা বা দেশপ্রেমের যে আবেগ দেখা দিয়েছিল, গিরিশচন্দ্রের নাটক সেই আবেগগুলিই নানাভাবে প্রকাশ করেছিল।

গিরিশচন্দ্রের নাটক রঙ্গমঞ্চের চাহিদায় অর্থাৎ বাহ্যিক প্রেরণায় রচিত হয়েছিল—এ কথা সত্য বটে (প্রত্যেক রচনারই বাহ্যিক প্রেরণা একটা থাকে)

কিন্তু যে আভ্যন্তরিক প্রেরণা রচনার পিছনে কাজ করেছিল তাকে অপাততঃ বলা যায়, পৌরাণিকী প্রবৃত্তি এবং বিশেষত বলা চলে জাতির তথা নাট্যকারের নতুন জীবনবোধ—নতুন বাসনা-কামনা। ঐ যুগে জাতির আত্মপ্রতিষ্ঠা-কামনায় অতীতঐতিহ্য স্মরণ এবং আধ্যাত্মিক শক্তির উজ্জীবন ও প্রদর্শন কতখানি স্থান অধিকার করেছিল তা' ঠিকভাবে না বুঝতে পারলে ঐ যুগের কোন লেখককেই সম্পূর্ণরূপে বুঝতে পারা যাবে না—গিরিশচন্দ্র কেন পৌরাণিক ও ধর্মমূলক নাটক লিখিতে অত বেশী ঝুঁকে পড়েছিলেন তার কারণও সম্যক জানা যাবে না। জাতির নতুন আত্মপ্রতিষ্ঠা কামনা কেন অতীত স্মরণের এবং আধ্যাত্মিকতা প্রদর্শনের খাতে প্রবাহিত হয়েছিল নিশ্চয়ই তা বলে বুঝতে হবে না। রাজনৈতিক অধিকারে যে বঞ্চিত, জীবন যার রুদ্ধশ্রোত, সে যে অতীতের কীর্তিকাহিনী দেখিয়ে নিজের অস্তিত্ব ও গৌরব প্রতিপন্ন করার চেষ্টা করবে—আধ্যাত্মিকতার জয়ধ্বজা উড়িয়ে মুখ রক্ষার চেষ্টা করবে—এটাই স্বাভাবিক। ব্রাহ্মধর্মের আন্দোলনের এবং রামকৃষ্ণ-বিবেকানন্দের ভূমিকাকে এই পটভূমিতে রেখে দেখলেই তাদের স্বরূপ দেখা যাবে এবং দেখা যাবে — জাতির মধ্যে আধ্যাত্মিকতার জগ্না যে নতুন আবেগ দেখা দিয়েছিল তা এসেছিল আত্মপ্রতিষ্ঠাকামনারই গভীর উৎস থেকে। এই আবেগেই জাতি রামকৃষ্ণ-বিবেকানন্দকে অতো আবেগে আঁকড়ে ধরেছিল এবং আধ্যাত্মিক শক্তির পুনরুজ্জীবনকে মুক্তির উপায় হিসাবে গ্রহণ করেছিল। এই আবেগেই পণ্ডিতরা শাস্ত্রমন্ডন করে দার্শনিক মাহাত্ম্য প্রচারে প্রবৃত্ত হয়েছিলেন, সাধকরা সাধনরহস্য এবং যোগমাহাত্ম্য প্রচারে নিযুক্ত হয়েছিলেন এবং শিল্পীরা অতীত কীর্তিকথা প্রচার করে জাতির লুপ্ত স্মৃতি উদ্ধার করার—জাতিকে জাগানোর চেষ্টা করেছিলেন। অতীত আবিষ্কারে অতীতের আলেখ্য প্রদর্শনে যিনি যত কৃতিত্ব দেখিয়েছিলেন জাতি তত তাঁকে আপনার মুখপাত্র বলে বরণ করে নিয়েছিল। এই আবেগ চরিতার্থ করেই গিরিশচন্দ্র অকৃতম মুখপাত্র হয়েছিলেন।

এ কথা ঠিক বটে যে গিরিশচন্দ্র পৌরাণিক আলোচ্য প্রদর্শনে অধিকতর আগ্রহী হয়েছিলেন—তাঁর রচনার এক-তৃতীয়াংশেরও কিছু বেশী ধর্মমূলক নাটক—কিন্তু তাই বলে এ কথা সত্য নয় যে তিনি ঐ যুগের অগ্রান্ত প্রবৃত্তিকে পরিহার করে চলেছিলেন। সকলেরই জানা আছে—প্রথম পর্বে বাংলা নাটক রচনার প্রেরণা এসেছিল একদিকে নাট্যের অভাব পূরণের চেষ্টা থেকে, অন্যদিকে—প্রহসনের সাহায্যে সমাজের কুসংস্কার দূর করবার চেষ্টা থেকে। আমার বক্তব্য এই—কীর্তিবিলাস বা ভদ্রার্জুন, শর্মিষ্ঠা বা কৃষ্ণকুমারী প্রভৃতি গুরুসাত্ত্বিক নাটক রচিত হয়েছিল—বাহ্যতঃ নাট্যাভাব পূরণের চেষ্টা থেকে, এবং ট্রাজেডি-জাতীয় গুরুগম্ভীর নাটক রচনার সংকল্প থেকে। বিশেষ কোন সমাজ সমস্যা সমাধানের সংকল্প ঐ সব সৃষ্টির মূলে প্রেরণা হিসাবে কাজ করেনি। সমাজ-সমস্যা-চেতনার গুরুসাত্ত্বিক উপস্থাপনা প্রথম পাণ্ডুরা গিয়েছিল দীনবন্ধুর নীলদর্পণ নাটকে। ইংরেজ শাসনের বিরুদ্ধে না হলেও, ইংরেজ নীল-করদের শোষণপীড়নের বিরুদ্ধে নীলদর্পণ নাটক প্রথম প্রত্যক্ষ আক্রমণ। অবশ্য ট্রাজেডি-জাতীয় প্রথম নাটকে সমাজ সমস্যা চেতনা—তখনকার মুখ্য দ্বন্দ্ব—জাতিদ্বন্দের চেতনা—প্রত্যক্ষ বা পরোক্ষভাবে প্রতিকলিত হয়নি বটে কিন্তু প্রহসনগুলিতে সমাজসমস্যার চেতনা প্রতিকলিত না হয়ে পারেনি। কারণ প্রহসনের উপজীব্যই হচ্ছে বিকৃতি—তা’ ব্যক্তিগতই হোক আর জাতীগতই হোক। ‘কুলীন-বুল-সর্বস্ব’, এলেকই কি বলে সভ্যতা, ‘বুড়ো শালিকের ঘাড়ে রোঁ’, ‘সধবার একাদশী’ প্রভৃতি প্রহসনের দিকে দৃষ্টিপাত করলেই আমরা বুঝতে পারব তখনকার প্রহসনকাররা কি উদ্দেশ্যে নাটক রচনা করেছিলেন—বাঙালী সমাজের কোন্ কোন্ বিকৃতিকে বা কুসংস্কারকে তাঁরা উপহাস্য তথা সংশোধিত করতে চেয়েছিলেন। বলা বাহুল্য, কোলীশ প্রথা, বহুবিবাহ প্রথা, স্বরাসক্তি, বেয়াসক্তি প্রভৃতি সমস্যা’ক প্রহসনকার হাসির অস্ত্রে আক্রমণ করেছিলেন এবং সমাজ দেহকে ঐ বিকৃতি থেকে মুক্ত করতে চেষ্টা করেছিলেন।

এ কথা মনে রাখতে হবে—সমস্তার উপস্থাপনায় ট্রাজেডিকার এবং প্রহসনকার উভয়েই তৎপর বটে কিন্তু দুজনের মধ্যে যে পার্থক্য তা আক্রমণের উপায়ের বা রীতির পার্থক্য। ট্রাজেডিকার বিশেষ সমস্তার বেদনা বা শোচনার দিকটিকে তুলে ধরে সমস্তাব দিকে সামাজিক দৃষ্টি আকর্ষণ করতে চান, অত্যাশ্চর্য প্রহসনকার সমস্তার বিকৃতিব দিকটিকে তুলে ধরে বিকৃতিবে হাশাস্পদ তথা হেস করতে চান। প্রহসনকারের দৃষ্টি যেন অতি নিরাশক্তের দৃষ্টি—কোতুকপ্রিয়ের নির্মম দৃষ্টি, অত্যাশ্চর্য ট্রাজেডিকারের দৃষ্টি সমবেদনাকাতর দৃষ্টি। প্রহসনকার আত্মবিস্মৃত বা সমবেদনাকাতর হ'লে প্রহসন—“একেই কি বলে সভ্যতা” না হ'য়ে “সধবার একাদশী” হয়ে দাঁড়ায়—নিমে দত্তের মতো চরিত্র সৃষ্ট হয়। বলা বাহুল্য, নাট্যকার আরো একটু সমবেদনা মিশালে ‘নিমে দত্ত’ ট্রাজিক নায়কের সমগোত্রীয় চরিত্রে পরিণত হতে পারতো। সে যাই হোক—গিরিণচন্দ্র ঐরূপ প্রহসনকার হয়ে সমাজসমস্তাকে আক্রমণ করেন নি বটে, কিন্তু তাই বলে তিনি সমাজ সমস্তাকে এড়িয়ে যাননি—ভিন্ন পদ্ধতিতে অর্থাৎ ট্রাজেড রসের আধারে সমাজসমস্তাকে উপস্থাপিত করতে চেষ্টা করেছিলেন। প্রফুল্ল (১৮৭২) মায়াবসান (১৮৯৮) বলিদান (১৯০৫), শান্তি ও শান্তি (১৯০৮), গৃহলক্ষ্মী (১৯১২) প্রমুখ নাটকে গিরিণচন্দ্রের সমাজ-সমস্তা চেতনাই প্রতিফলিত হয়েছিল। গিরিণচন্দ্র দেখেছিলেন ইংরেজি শিক্ষাদীক্ষার ফলে একদিকে যেমন নতুন ও স্বাধীন চিন্তার প্রবণতা দেখা দিয়েছিল, অত্যাশ্চর্য তেমনি শিথিলশাসন নাগরিক জীবনে অনেক গ্লানি জমে উঠেছিল—ইংরেজি শিক্ষিতদের মধ্যে (বিশেষ করে উকিলশ্রেণীর মধ্যে ?) স্বার্থপরায়ণতা এবং যৌথ পরিবার-বিরাগ দেখা দিয়েছিল। অর্থ নৈতিক ভিত্তির পরিবর্তনে সমাজ নীতিতে যে পরিবর্তন দেখা দিয়েছিল, শ্রেণী সম্পর্কে এবং ব্যক্তি সম্পর্কে ধীরে ধীরে যে পরিবর্তন দেখা দিয়েছিল, তার ফলে, কৃষি-ভিত্তিক পল্লীজীবনে যে সরল ও সুখী যৌথ পরিবার ছিল, ব্যবসায় ও চাকরী ভিত্তিক নাগরিক জীবনের আত্মকেজ্রিকতার চাপে তা ধীরে ধীরে

বিল্লিষ্ট হয়ে যাচ্ছিল। “প্রফুল্ল” নাটকে ‘গিরিশচন্দ্র প্রফুল্ল ও যোগেশের ট্র্যাজেডির ভিতর দিয়ে সেই সাজানো বাগান শুকিয়ে যাওয়ার বেদনাকেই প্রকাশ করতে চেষ্টা করেছিলেন। তাঁর এই চেষ্টা কতখানি সংজ্ঞান চেষ্টার ফল ছিল বা কতখানি তা সফল হয়েছিল তা নিয়ে প্রশ্ন উঠতে না পারে ‘এমন নয় কিন্তু চেষ্টা যে তিনি করেছিলেন—এ বিষয়ে কোন সন্দেহ নেই। তারপর পণপ্রথার বেদিতে কত্যা বলিদানের যে-সব মর্মস্বন্দ ঘটনা তিনি দেখেছিলেন, তার বেদনাও তাঁর প্রাণে বেজেছিল। বলিদান নাটকের সাহায্যে তিনি সেই বেদনাকেই সামাজিকের প্রাণে সঞ্চার করতে চেষ্টা করেছিলেন। কোন পথে সমস্তার সমাধান হবে তা’ তলিয়ে দেখা তাঁর পক্ষে হয়তো সম্ভব হয়নি, কিন্তু কুপ্রথার নিষ্ঠুর অত্যাচারের রূপটিকে যে তিনি সামাজিকের চোখের সামনে তুলে ধরেছিলেন তথা কুপ্রথার বিরুদ্ধে সামাজিকদের মনে উত্তেজনা সৃষ্টি করেছিলেন সে কথা স্বীকার করতেই হবে। যেমন কুমারী কত্য়ার বিবাহ কত্য়ার পিতার কাছে এক মহাসমস্তা ছিল, তেমনি বিধবা কত্যাও কম মহাসমস্তা ছিল না। ‘বিধবাবিবাহ-বিধি বিধবার বিবাহকে বৈধ করেছিল বটে, কিন্তু সংস্কারের বাধা দূর করতে পারেনি—বিধবা বধূকে সতী স্ত্রীর মধ্যাদায় প্রতিষ্ঠা করতে পারেনি। বিধবা কত্যা বিবাহের পরে যৌনকামনা পূরণের সুযোগ বা অধিকার পেয়েছিল বটে, কিন্তু স্বামীর আন্তরিক সোহাগ এবং সমাজের জ্ঞান ভক্তি পায়নি—সুতরাং অন্তর্দাহের জ্বালা সম্পূর্ণ এড়াতে পারেনি। ‘শান্তি কি শান্তি’ নাটকে গিরিশচন্দ্র এই সমস্তাকেই তুলে ধরেছিলেন—দেখাতে চেয়েছিলেন—শুধু বিয়ে দেওয়াই সমস্তার সব সমাধান নয়, সমাধানের উপায় আরো গভীরে নিহিত। এ কথা ঠিক বটে, গিরিশচন্দ্র সমাধানের উপায় নির্দেশ করতে পারেননি, নারী-পুরুষের সম্পর্কে সমাজবিজ্ঞানের দৃষ্টিকোণ থেকে বিশ্লেষণ করে, নারী-মুক্তির পথ নির্দেশ করতে পারেননি। কিন্তু এ কথাও মিথ্যা নয় যে গিরিশচন্দ্র বিধবা-বিবাহ-সমস্তাকে তলিয়ে দেখার চেষ্টা করেছিলেন—বিবাহের

পরে বিধবাকে যে সমস্তার সম্মুখীন হতে হয়, যে নির্ধাতন ও মর্খপীড়া ভোগ করতে হয় সেই সমস্তার দিকে, সেই নির্ধাতন ও মর্খপীড়ার দিকে তিনি আমাদের দৃষ্টি আকর্ষণ করতে চেষ্টা করেছিলেন। বিবাহ-সমস্তার জটিলতা সম্বন্ধে সামাজিককে সচেতন করেছিলেন। আগেই বলেছি সমস্তার জড় বেষ্থানে, সেই মূল কারণে পৌছানোর শক্তি গিরিশচন্দ্রের ছিল না, কিন্তু বিবাহ-সমস্তা সম্বন্ধে তিনি যে নতুন করে ভাবতে শিখিয়েছিলেন এ কথা মানতেই হবে।

এবার আর একটি দিকের কথা—ঐতিহাসিক নাটকের কথা—স্মরণ করা যাক। আগেই বলেছি—বাঙালীর আত্মসচেতনতা এবং আত্ম-প্রতিষ্ঠাকামনা অতীতঐতিহ্য স্মরণ এবং আত্মসমালোচনার আকারে শুরু হয়েছিল এবং পৌরাণিক ও ঐতিহাসিক কীতিকাহিনী আশ্রয় করে আত্ম-প্রকাশ করতে চেষ্টা করেছিল। ঊনবিংশ শতাব্দীর অষ্টম দশক থেকে এই জাতীয় রোমাণ্টিক ঐতিহাসিক নাটক লেখার আবেগ প্রবলভাবে দেখা দিয়েছিল। হরলাল রায়, লক্ষ্মীনারায়ণ চক্রবর্তী, জ্যোতিরিন্দ্রনাথ ঠাকুর প্রমুখ নাট্যকারের নাটক তার নিদর্শন। স্বাধীনতা-কামনা বৃদ্ধির সঙ্গে সঙ্গে এই আবেগও বৃদ্ধিলাভ করেছিল। রোমাণ্টিক ঐতিহাসিক রচনার পাণ্ডে জাতির অতীত শৌর্ধবীর্ধের সঞ্জীবনী সূরা পরিবেশন করার আগ্রহ অনেক পরিমাণে বেড়ে গিয়েছিল। ১৯০৫, ১৯০৬ খ্রীষ্টাব্দে রাজনৈতিক কারণে এই আবেগ এমন একটি চরম সীমায় পৌছেছিল যে কোন কোন নাট্যকার ইংরেজ আমলের কাহিনীর ভিতর দিয়ে, সোজাহুজি ইংরেজকেই আক্রমণ করার—ইংরেজের মুখোমুখি দাঁড়াবার চেষ্টা করেছিলেন। গিরিশচন্দ্র এঁদের অগ্রণী ছিলেন। তাঁর “সিরাজদৌল্লা” এবং “মীরকাশিম” নাটক সম্মুখ সময়ের অপূর্ণ দৃষ্টান্ত। সিরাজদৌলাই প্রথম ইংরেজের সামনে দাঁড়িয়ে বলেছিলেন—ফিরিজিরে নাহি দিও সূচ্যগ্র স্থান। ইংরেজ সরকার ইতিহাসের সিরাজকে হত্যা করিয়েছিল আর নাটকের সিরাজের কণ্ঠরোধ না করে স্বস্তি পাননি। বাস্তব ও কল্পিত ঘটনার সংযোগে গিরিশচন্দ্র

এমন এক সিরাজ তৈরি করেছিলেন যিনি শুধু বাংলা-বিহার-উড়িষ্যার নবাবই ছিলেন না, নবজাগ্রত জাতির প্রতিরোধেরই প্রতীক ছিলেন—যিনি ফিরিঙ্গির অর্থাৎ বৈদেশিক শক্তির বিরুদ্ধে রুখে দাঁড়াবার প্রেরণা যুগিয়েছিলেন। গিরিশচন্দ্র, ‘কায়াকে মায়াময়ী’ করেছিলেন, সত্য—ঐ যুগটাই ছিল—রবীন্দ্রনাথ ভাষায় বললে—“ছায়াকে কায়াময়ী এবং কায়াকে মায়াময়ী” করার যুগ। কিন্তু ঐ মায়াময়ী মূর্তির সাহায্যেই তিনি জাতির প্রাণে প্রত্যক্ষ সংগ্রামের সাহস সঞ্চারিত করেছিলেন। নীল-দর্পণের পরে প্রতিপক্ষের বিরুদ্ধে এত বড় প্রত্যক্ষ আক্রমণ আর হয়নি। সিরাজদৌলা, মীরকাসিম নাটকের রচয়িতার কাছে বাঙালীর এজন্ম ‘চিরকৃতজ্ঞ থাকা’ উচিত। সিরাজদৌলা, মীরকাশিম; ছত্রপতি শিবাজী প্রভৃতি ঐতিহাসিক নাটক লিখে নাট্যকার গিরিশচন্দ্র সংগ্রামশীল সাহিত্যিকের এবং বিপ্লবী থিয়েটারের এক চিরস্মরণীয় আদর্শ স্থাপন করে গেছেন। আজকে তাঁদের আবেদনে ষত ভাঁটাই পড়ুক—(সব সৃষ্টির আবেদনেই ভাঁটা পড়ে, কারণ রবীন্দ্রনাথের মতে বস্তুর বাজার-দর ওঠা-নামা করে এবং এককালের রস অগ্নিকালে “ফিকে হয়ে যায়”)—তাঁদের ঐতিহাসিক দান এবং নাটকীয় সাফল্য অবশ্যই স্বীকার করতে হবে। আর একটি কথা বলেই আমি এ প্রসঙ্গের উপসংহার কবছি। কথাটি আগেও একবার বলেছি—এখানে আর একবার স্মরণ করিয়ে দিচ্ছি। গিরিশচন্দ্রের নাটকের এবং তাঁর প্রতিভার বিচার করতে যেনে আমরা যেন তাঁর যুগের প্রধান প্রবৃত্তি—তখনকার সামাজিক রুচি এবং নাট্যপ্রথা প্রভৃতি বিষয় বিস্মৃত না হই। এ কথা সকলেই স্বীকার করবেন—প্রথা থেকে পৃথক করে নিলে গ্রীক-নাটকের কোরাস প্রভৃতি অনেক কিছুই আমাদের কাছে অনাটকীয় বলে বর্জনীয় হবে, এমন কি, শেক্সপীয়রের মতো অধিতীয় নাট্যকারের নাটকেরও কোনো কোনো উপাদান (ছন্দোবদ্ধ ও কল্পনাতিশয়) অবাস্তব এবং অনাবশ্যক বলে বিবেচিত হবে (সমালোচকদের কাছে হয়েছে থাকে)। দ্বিতীয়তঃ এ কথাও স্বীকার করবেন যে এককালে যা নতুন, অগ্নিকালে তাই পুরাতন, এককালের যা,

রিয়েলিষ্টিক, অল্পকালে তা রোমাটিক, “the realism of one generation is apt to be the Romanticism of the next—(Trgedy by Edith Hamilton in Theatre Arts Anthology এককালে যা’ পরমপুরুষাধ—অল্পকালে তাই অপদার্থ বা অসেব্য। এই কারণে কোন শিল্পীর পক্ষেই বিশেষ অর্থে সর্বকালীন হওয়া সম্ভব নয়। বাস্তবিকই রূপ-রস-রীতিতে সব কালের সকল লোকের মনে সমান আবেদন সৃষ্টি করার ক্ষমতা কারো নেই, থাকা সম্ভব নয় বলেই নেই। গ্রীক নাটকই হোক, আর শেক্সপীয়র-ইবসেনের নাটকই হোক, কারো নাটকেরই আগেরকার মতো আধিপত্য এখন নেই, নতুনকে পথ ছেড়ে দিয়ে তারা সরে দাঁড়াতে বাধ্য হ’য়েছে। প্রত্যেকোঁতুলেই আজ গ্রীক নাটক অভিনীত এবং আত্মাদিত হয়, শেক্সপীয়রের নাটকের অভিনয়ে বা ইবসেনের নাটকের অভিনয়েও রীতিমত ভাঁটা পড়ে গেছে। আজ তারা যে পরিমাণে পঠিত হয়, সেই পরিমাণে অভিনীত হয় না। এক কথায় তাদের “দ্বিসা গতা”—দিন চলে গেছে। ইয়োরোপের এবং আমেরিকার পেশাদার এবং অপেশাদার রঙ্গমঞ্চে শেক্সপীয়র-ইবসেন আজ কোথায়? আর থাকলে কতটুকু স্থান নিয়ে আছেন? স্বতরাং গিরিশচন্দ্রের নাটক আজ আর আমাদের মনে তেমন সাড়া জাগায় না বা পেশাদার অপেশাদার দল গিরিশচন্দ্রের নাটক অভিনয় করে না—শুধু এই যুক্তিতেই আমরা যেন গিরিশচন্দ্রের নাট্যকার প্রতিভাকে নস্যাৎ করতে চেষ্টা না করি। গিরিশচন্দ্র যা’ সৃষ্টি করেন নি তা’ নিয়ে আক্ষেপ না করে তিনি যা’ সৃষ্টি করেছেন তার মূল্য নির্ধারণেই আমরা যেন মনোযোগী হই। যে বিষয়বস্তুকে তিনি ব্যক্ত করতে চেয়েছিলেন, সেই বিষয়-বস্তুর মূল্য বিচারে এবং যে রূপে ব্যক্ত করেছিলেন সেই রূপের উৎকর্ষ বিচারেই আমরা যেন সীমাবদ্ধ থাকি।

আগেও বলেছি—এখনও বলছি—বিষয়বস্তুর দেশ-কাল নিরপেক্ষ কোন উপযোগিতা বা নির্বিশেষ রূপ নেই। এবং নাটকের পাত্র-পাত্রীর চরিত্র বা

আচার আচরণও সামাজিক অবস্থা-ব্যবস্থা দ্বারা নিয়ন্ত্রিত না হ'য়ে পারে না। বিষয়বস্তুর মূল্য বা উপযোগিতা বিচার করার সময়ে এবং চরিত্রের আচার-আচরণের প্রকৃতি বিচার করার সময়ে এ কথাটা আমাদের বিশেষভাবেই মনে রাখতে হবে। গ্রীক নাটকের ঘটনার এবং চরিত্রের সঙ্গে শেক্সপীয়ারের নাটকের ঘটনার এবং চরিত্রের ছব্বছ মিল পাওয়া যাবে না, তেমনি শেক্সপীয়ারের নাটকের ঘটনাবলি এবং চরিত্রের সঙ্গেও ইবসেনের নাটকের ঘটনার ও চরিত্রের ছব্বছ মিল পাওয়া যাবে না। আবার একই যুগের ব্যক্তি হওয়া সত্ত্বেও ব্যক্তিত্বের গঠন-বৈশিষ্ট্যের বা অবস্থা গুণে কোন চরিত্রে সক্রিয়তা কোন চরিত্রে নিষ্ক্রিয়তা প্রাধান্য লাভ করে থাকে। চরিত্রের সক্রিয়তা-নিষ্ক্রিয়তা সম্বন্ধে শুচিবাসুগ্রন্থ হলে বিচার লিভ্রাট অনিবার্য। স্মৃতরাং গিরিশচন্দ্রের বিষয়বস্তু নির্বাচন এবং চরিত্র সৃষ্টি বিচার করার সময় গ্রীক নাটকের অথবা এলিজাবেথীয় নাটকের দিকে দৃষ্টি নিবদ্ধ রাখলে চলবে না, যে বাঙালীর সমাজের জন্ম, যে যুগের জন্ম তিনি নাটক লিখেছিলেন, সেই সমাজের সেই যুগের প্রকৃতির দিকে দৃষ্টি রাখতে হবে। এইরূপ গোলা মন নিয়ে সমালোচনায় প্রবৃত্ত হলে পরেই আমরা গিরিশচন্দ্রের নাট্যকাব-প্রতিভার স্বরূপ বুঝতে পারব।

নাট্যকার প্রতিভার বৈশিষ্ট্য—দৃশ্য-লোকবৃত্ত রচনার কুশলতার মধ্যে বিশেষ একটি ভাবে সুষম সার্থক এবং সংক্ষিপ্ত ইতিবৃত্তের শরীরে অভিব্যক্ত করার ক্ষমতার মধ্যে নিহিত। এই ক্ষমতা সকলের সমান থাকে না, শক্তির তারতম্য থাকবেই। কেউ হয়তো সুষম বা সুপরিকল্পিত কাহিনী রচনায় দক্ষ, কেউ বা ঘটনা, বা পরিস্থিতি কল্পনায় খুব দক্ষ না হলেও, চরিত্রের ব্যক্তিত্বের ক্রিয়া প্রতিক্রিয়ার রূপ-বিকল্পনায় অর্থাৎ চরিত্রের গভীর রূপ প্রদর্শনে—তথা গভীর জীবন সমালোচনায় হৃদক্ষ। পরিস্থিতি-পরিকল্পনা এবং চরিত্র-বিকল্পনা এই দুই ক্ষমতা যেখানে সমধিক সেখানেই প্রতিভার শক্তি বেশী। এ কথা অবশ্য স্বীকার্য যে গিরিশচন্দ্র এই নাটকে সর্বক্ষেত্রে দুই শক্তির সমান স্ফূর্তি ঘটেনি, পরিস্থিতি পরিকল্পনা যেমন সবক্ষেত্রে সৃষ্ট

হয়নি, চরিত্র বিকল্পনাও সবক্ষেত্রে সুগভীর হ'তে পারেনি, অর্থাৎ চরিত্রগুলি ভাবনা, কল্পনা, আবেগ ও আঙ্গিক ক্রিয়ার সামঞ্জস্যপূর্ণ অভিব্যক্তির দুলভ পূর্ণতা লাভ করতে পারেনি। কিন্তু সঙ্গে সঙ্গে এ-কথাও স্বীকার্য যে এই দুই শক্তিরই প্রশংসনীয় নিদর্শন গিরিশচন্দ্রের নাটকে পাওয়া যায় এবং ঐ শক্তিগুণেই গিরিশচন্দ্রের নাটক বাংলা নাট্য-সাহিত্যের বহুমূল্য সম্পদ এবং গিরিশচন্দ্র চিরস্মরণীয় একটি প্রতিভা।

গিরিশচন্দ্রের জীবনী ও পরিবেশ সম্পর্কে কয়েকটি তথ্য

বিখ্যাত শিল্পতত্ত্ববিদ বেনিডেট্টো ক্রোচে, প্রতিভানবাদীর গ্রায়-সঙ্গত সিদ্ধান্তে পৌছানোর পরেও—অর্থাৎ শিল্পকে দেশকাল-নিরপেক্ষ স্বাধীন এবং নির্বিকল্প আঙ্গিক ক্রিয়ায় পরিণত করার পরেও যে কথটি স্বীকার না করে পারেননি সেই উল্লেখযোগ্য কথটি এই যে শিল্পী একজন সামাজিক ব্যক্তি এবং শিল্পীর শিল্পিসত্তা ও ব্যক্তিসত্তা অবিচ্ছেদ্য। যিনি স্রষ্টার শিল্পী-সত্তাকে ব্যক্তিসত্তা থেকে পৃথক করতে চেষ্টা করেন, তিনি নাকি গোড়াতেই বড় ভুল করেন, কারণ ‘man-artist’ থেকে ‘artist-man’-কে পৃথক করা সম্ভব নয়। বাস্তবিকই, শিল্পরচনা যেহেতু মানসিক ব্যাপার, সেইহেতু মনের বিশিষ্টতার উপরে শিল্পের প্রকৃতি নির্ভর করবেই। আর মনও তো কোন নিবিশেষ পদার্থ অর্থাৎ অসম্ভব পদার্থ নয়। জ্ঞান-অহুভব-ইচ্ছা রূপে মনের স্বরূপ ব্যক্ত হয় বটে কিন্তু সেই জ্ঞান-অহুভব-ইচ্ছা বিশেষ ব্যক্তিরই এবং ব্যক্তি মাজেই সামাজিক ব্যক্তি—বিশেষ সমাজের ব্যক্তি। এই হিসাবে প্রত্যেকটি মনই অগ্রাণু বস্তুর মতোই বিশিষ্ট এবং ইতিহাস সাপেক্ষ, এক কথায়—সমাজসাপেক্ষ। অর্থাৎ পরিবর্তনশীল সমাজের বিশেষ পর্যায়ে উৎপন্ন হয়ে ব্যক্তি পরিবেশের সঙ্গে নিত্য অভিযোজনে ব্যাপৃত থাকে, সেই অভিযোজন-চেষ্টা থেকে ব্যক্তির জ্ঞান-অহুভব-ইচ্ছার বিশেষ প্রকৃতি গড়ে ওঠে এবং স্রষ্টার জ্ঞান-অহুভব

ইচ্ছার বিশেষত্বই সৃষ্টির বিশেষত্বের মৌলিক কারণ। এই কারণেই যেমন স্রষ্টার শিক্ষাদীকার মাজা, মূল্যবোধের বৈশিষ্ট্য এবং ইচ্ছাশক্তির পরিচয় জানার প্রয়োজন আছে, তেমনি স্রষ্টার পরিবর্তনশীল পরিবেশের তথা নতুন নতুন উদ্দীপকের (স্টিমুলাস্) সঙ্গেও পরিচিত হওয়া দরকার। সৃষ্টির বাহ্যিক এবং আভ্যন্তরিক প্রেরণার হিসাব সৃষ্টির স্বরূপ ব্যাখ্যার জগৎ একান্তই আবশ্যক।

গিরিশচন্দ্রের জীবনী সম্পর্কে নিম্নলিখিত তথ্য আমাদের চোখের সামনে রাখা যেতে পারে—

(ক) গিরিশচন্দ্রের জন্ম—১৮৪৪ খ্রীষ্টাব্দে—মৃত্যু ১৯১১ খ্রীষ্টাব্দে। উনবিংশ শতাব্দীর দ্বিতীয়ার্দ্ধ থেকে বিংশ শতাব্দীর প্রথম দশক—এই যুগটির তাৎপর্য ব্যাখ্যা করে বলার কোন প্রয়োজন নেই। সকলেই জানেন—এই যুগটি বাঙালীর নবজাগরণের যুগ। এই যুগে বাঙালী আত্মসংবিদ ফিরে পাওয়ার ঐকান্তিক চেষ্টা করেছে—আত্মসমালোচনায় এবং আত্মপ্রদর্শনে তৎপর হয়েছে—স্বাধীনতার স্বপ্ন দেখেছে—বাঙালীর দেহ মনে মুক্তির আবেগ সঞ্চার করতে চেষ্টা করেছে।

(খ) পারিবারিক—‘প্রত্যেক শিশুরই মনে পিতা-মাতা এবং আত্মীয় স্বজনের প্রভাব অজ্ঞাতসারে কাজ করে থাকে। এই সব প্রভাব জমে জমে ব্যক্তির ব্যক্তিত্বের ভিত্তি গড়ে উঠে এবং তা’ উঠে অজ্ঞাতসারেই।

গিরিশচন্দ্রের মনে পিতার প্রভাব কি পড়েছিল না পড়েছিল তা আমরা জানিনে, কিন্তু গিরিশচন্দ্রের মাতা এবং খুল্লতাত পিতামহীর প্রভাব অবশ্যই স্বীকার করতে হবে। জানা যায় গিরিশচন্দ্রের মা ছিলেন খুবই ভাবপ্রবণ এবং খুল্লতাতপিতামহীর ছিল পুরাণকথার উপরে অগাধ বিশ্বাস ও প্রীতি। এদের ভাবপ্রবণতা গিরিশচন্দ্রের মনে অনেক পরিমাণে সঞ্চারিত হইয়াছিল, গিরিশচন্দ্রের মনকে স্পর্শকাতর করে তুলেছিল। নাট্যকারের ভাবপ্রবণতার এবং পুরাণ-প্রীতির উৎস হিসাবে আমরা অবশ্যই সে কথা স্বরণ করতে পারি।

(গ) শিক্ষা-দীক্ষা—শিক্ষা-দীক্ষা বলতে আমরা আপাতদৃষ্টিতে স্থল-

কলেজের বিদ্যা বা ডিগ্রীর কথাই বুঝি। কিন্তু আসলে শিক্ষাদীক্ষা ঐ সংকীর্ণ গণ্ডীর মধ্যে সীমাবদ্ধ নয়। আরো ব্যাপক একটি ব্যাপার। এ কথা ঠিক—“ইংরাজী স্কুল কলেজের উন্নতশিক্ষা লাভ করা গিরিশের অদৃষ্টে ঘটে নাই। স্কুলের পরে স্কুল ঘুরিয়া প্রবেশিকার দ্বার পর্যন্তও যখন পৌঁছিতে পারিলেন না, তখন তিনি পড়াশুনা ছাড়িয়া গৃহে আসিয়া বসিতেই বাধ্য হইলেন”—কিন্তু এ কথাও তো মিথ্যা নয় যে পরে তিনি “যেমন রামায়ণ, মহাভারত, পুরাণ প্রভৃতি অধ্যয়ন করিয়া ভারতীয় সভ্যতা ও আদর্শ সম্বন্ধে গভীর জ্ঞানলাভ করিয়াছিলেন, আর একদিকে তেমনি শেকস্পীয়র, মোলিয়ার, মালোঁ, মিলটন, বেকন, মিল প্রভৃতি কবি নাট্যকার, সাহিত্যিক ও দার্শনিকগণের গ্রন্থপাঠ করিয়া পশ্চাত্য ভাবধারার সহিত তিনি বিশেষভাবে পরিচিত হইয়াছিলেন।” মোটকথা এ-কথা স্বীকার করতেই হবে যে গিরিশচন্দ্র স্কুলে-কলেজে নিয়মিত পড়াশুনা না করলেও নিজে নিজে অনেক কিছু পড়েছিলেন—পরিপাটি শিক্ষা না পেলেও সাধারণ শিক্ষিতদের চেয়ে তিনি কম কিছু জানতেন না। শেকস্পীয়র যিনি অসুবাদ করতে পেরেছেন, তাঁর ইংরেজী শিক্ষায় সন্দেহ করবে কে? বিজয়জ্ঞান, শংকরাচার্য, বুদ্ধচরিত প্রভৃতি নাটক যিনি লিখতে পেরেছেন তাঁর পুরাণ জ্ঞানে বা ধর্মতত্ত্বঅনুশীলনে সন্দেহ কোথায়? তবে এ-কথাও উপেক্ষণীয় নয় যে গিরিশচন্দ্রের শাস্ত্রজ্ঞান পরিশীলিত জ্ঞান বলতে যা' বুঝায় তা' ঠিক নয়।

(খ) কর্মজীবন :—

(১) মার্চেন্ট অফিসে চাকরী—১৮৮১ পর্যন্ত।

(২) ১৮৮১—১৮৮৩ খ্রিঃ—স্বাশানাল থিয়েটারের ম্যানেজার। ১৮৮১ খ্রিঃ ১৫.০০ টাকার চাকরী ছেড়ে প্রতাপ জহরীর অধীনে ম্যানেজার পদ গ্রহণ করেন।

(৩) ১৮৮৩ খ্রীঃ—জুলাই মাসে স্টারে—(৬৮ বিডন ষ্ট্রীট—গুরুধর রায় সত্বাধিকারী) ১৮৮৩ থেকে ১৮৮৭ খ্রীঃ পর্যন্ত স্টারে ম্যানেজার ।

(৪) ১৮৮৭ খ্রীঃ ৩রা ডিসেম্বরে, গোপাললাল শীল-পরিচালিত ‘এমারেল্ড’ থিয়েটারে ম্যানেজার হন । ১৮৮৮ খ্রীঃ ‘এমারেল্ড’ ছেড়ে স্টারে আসেন ।

(৫) ১৮৮৮—১৮৯১ স্টারে—(ম্যানেজার) । (পদ থেকে অপসারিত ।)

(৬)* ১৮৯৩ খ্রীঃ মিনার্ভা প্রতিষ্ঠিত ।—গিরিশচন্দ্র ১৮৯৩ থেকে ১৮৯৬—মিনার্ভায় ।

(৭) স্টাবে নাট্যাচাণ—১৮৯৬ ।

(৮) নাট্যাচাণ—‘ক্লাসিক’ থিয়েটারে—১৮৯৯ এপ্রিল মাসে ।

(৯) ১৯০০, এপ্রিল মাসে মিনার্ভায় যান, নভেম্বরে আবার ক্লাসিকে ফিরে আসেন এবং ১৯০৪ পর্যন্ত থাকেন ।

(১০) ১৯০৫ থেকে ১৯০৭ পর্যন্ত “কোহিনুর” থিয়েটারে ম্যানেজার হন (মাইনে ৪০০.০০) ১৯০৮ খ্রীঃ জুলাই মাসে কোহিনুর থেকে বিদায় গ্রহণ করে মিনার্ভায় যোগ দেন ।

(১১) ১৯০৮, জুলাই থেকে ১৯১১ পর্যন্ত—মিনার্ভায় । ১৯১১ জুলাই ১৯১১, বলিদান নাটকে করুণাময়েব ভূমিকায় শেষ অবতরণ—১৮১১ ডেম্বর ‘তপোবল’—শেষ নাট্য অবদান ।

এবার গিরিশচন্দ্রের পরিবেশ সম্পর্কে কয়েকটি তথ্য । ‘পরিবেশ’ শব্দটির অর্থ খুবই ব্যাপক । অর্থনৈতিক-রাজনৈতিক অবস্থা-ব্যবস্থা, ঐ ব্যবস্থাদ্বারা সামাজিক বিধি বিধান এবং সাংস্কৃতিক ঐতিহ্য এবং নানা প্রতিষ্ঠান-অনুষ্ঠান সব কিছুই—পরিবেশের অন্তর্গত । বলা বাহুল্য, কোন ব্যক্তির পরিবেশের পরিচয় দিতে গেলে ঐ সব কিছুই বিবরণ দেওয়া দরকার এবং ব্যক্তির আচরণ ব্যাখ্যা করতে হলে পরিবেশের সঙ্গে ব্যক্তির বুঝাপড়ার প্রকৃতি বিশ্লেষণ করতে হবে, দেখতে হবে আর্থ-রাজনৈতিক অবস্থাকে ব্যক্তি কোন দৃষ্টিতে দেখছেন, সমাজের বিধি-বিধান-

অনিত ঘটনার এবং ব্যক্তি-সম্পর্কের বিচারে ব্যক্তি সংরক্ষণশীল এবং প্রগতিশীল দৃষ্টির কোনটিকে আশ্রয় করছেন, কোন পুরুষার্থকে ব্যক্তি পরমকাম্য বলে গ্রহণ করছেন—এক কথায় কোন দর্শনকে (পরাদর্শন, সমাজদর্শন, নীতিদর্শন) তিনি সত্য বলে স্বীকার করে নিয়ে তদনুযায়ী আচরণ করছেন—এই সব কিছুই হিসাব নিকাশ করতে হবে। প্রকৃত প্রস্তাবে, গিরিশচন্দ্রের আর্থ-রাজনৈতিক পরিবেশ, সামাজিক পরিবেশ এবং সাংস্কৃতিক পরিবেশের পরিচয় দিতে হবে এবং তাদের পরিপ্রেক্ষিতে দাঁড় করিয়ে তাঁর সৃষ্টির প্রেরণা ও প্রকৃতি বিচার করতে হবে। এতখানি ব্যাপক পরিচয় দেওয়ার অবকাশ এখানে নেই এবং নেই বলেই আমি অতিসংক্ষেপে কয়েকটি তথ্য উপস্থাপনা করছি।

গিরিশচন্দ্রের আর্থ-রাজনৈতিক এবং সামাজিক পরিবেশের সহজে অতিসংক্ষেপে এটুকুই বলা যেতে পারে—১৮৫৮ খ্রীষ্টাব্দে কোম্পানীর রাজত্বের অবসান ঘটেছিল এবং ভারতবর্ষ আনুষ্ঠানিকভাবে ইংলণ্ডের শাসনাধীন একটি পরাধীন দেশে পরিণত হয়েছিল বটে, কিন্তু সামন্ততান্ত্রিক শাসনব্যবস্থার মধ্যে—দেশীয় রাজাদের এবং জমিদারদের আধিপত্যে এবং অধিকারে—উল্লেখযোগ্য কোন পরিবর্তন ঘটেনি। তবে বাণিজ্যকে কেন্দ্র করে বণিক-শ্রেণীর শক্তি-সামর্থ্য বেড়ে উঠেছিল এবং বড় বড় চাকুরীর প্রসাদে নতুন এক ধনবান অভিজাত শ্রেণীও গড়ে উঠেছিল। কলিকাতা বন্দরকে কেন্দ্র করে বিরাট এক নাগরিক সমাজ গড়ে উঠেছিল এবং ব্যবসায়, শিল্প ও চাকুরীর আকর্ষণে পল্লী-কেন্দ্রিক সমাজের স্থিতিশীল জীবনে কেন্দ্রাতিগ গতির অস্থিরতা সঞ্চারিত হয়েছিল। ব্যবসায়, চাকরী এবং ইংরেজি শিক্ষার স্বযোগ নেওয়ার জন্য লোকে গ্রাম ছেড়ে সহরে আসার জন্ম আগ্রহী হয়ে উঠেছিল—ফলে কলিকাতার জনসংখ্যা ক্রমশই বেড়ে চলেছিল। যে আর্থনৈতিক অবস্থায় যৌথ পরিবার স্বরক্ষিত থাকে, সেই অবস্থার পরিবর্তন দেখা দেওয়ার ফলে যৌথ পরিবারের ভিত্তিতে ভাঙন ধরেছিল, স্বাভাব্য-চেতনার এবং স্বার্থপরতার মাত্রা

আগের চেয়ে অনেক বেড়ে গিয়েছিল এবং স্বার্থপরদের চক্রান্তে এবং স্বদেশ পারিবারিক জীবনে অশান্তি ও বিকোভ দেখা দিচ্ছিল। শুধু যে স্বার্থপরতার মাত্রাট বেড়ে গিয়েছিল তা নয়, স্বার্থপরতার আনুষঙ্গিক বিকারগুলিও কম-বেশী দেখা দিয়েছিল ধর্মনৈতিক অধিকারী হয়ে সমাজের, বিশেষতঃ ইংরেজ রাজকর্মচারীদের কাছে প্রতিষ্ঠালাভ করার লোভ এমন করে পেয়ে বসেছিল যে কোন কোন লোক ধনোপার্জন করতে কোন অপকর্মকেই ভয় করতেন না—পাপ বলে মনে করতেন না। আর্থনৈতিক এবং রাজনৈতিক ব্যবস্থার সংকীর্ণতার সুযোগে অর্থাৎ অব্যবস্থার রজপথে, সমাজদেহে দুর্নীতির বিষ-ক্রিয়া ব্যাপক আকারে দেখা দিয়েছিল। কামিনী এবং কাঞ্চনকে কেন্দ্র করে ধনিকসমাজে রিপূর যে তাণ্ডবলীলা চলেছিল—মত্তপান বেআইনি এবং অশ্লীল অনাচার-অত্যাচারের যে অবাধ প্রস্রাব ঘটেছিল তাতে সমাজের আবহাওয়া অতি দূষিত হয়ে গিয়েছিল। ধনিক-বণিক তন্ত্রে এবং বৈদেশিক শাসনাধীনে সমাজের যে পরিণাম স্বাভাবিক, সমাজদেহে সেই বিকারগুলি ফুটে বেরিয়েছিল। সুন্দর বা প্রকৃতিস্থ সমাজের জন্ম কারোই কোন মাথা ব্যথা যেখানে নেই, যেখানে অর্থ-সামর্থ্যই একমাত্র সামর্থ্য এবং আভিজাত্যের নিদর্শন, সেখানে অর্থশালী ব্যক্তির খেয়াল খুসী লোভ হিংসাকে বাধা দেবে কে? অর্থশালী ধনিক-বণিকদের কেন্দ্র করে যে সব সেবকগোষ্ঠী—বাগানবাড়ীর অমুল্যবর্গ—নতুন এক মাতাল-দালাল শ্রেণী গড়ে উঠেছিল, তাদের হাতে দরিদ্র ও দুর্বলের মান ইজ্জৎ খেলার সামগ্রী হয়ে দাঁড়িয়েছিল। মত্তপান, নারী-হরণ নারাদর্ষণ, হত্যা, জালিয়াতি জুয়োচুরি—বাগানবাড়ী সভ্যতার আনুষঙ্গিক ফল যত, সব কিছুই তাদের কাছে সচজ হয়ে গিয়েছিল। এই সামাজিক বিকৃতির আশুনে কত সুখী পরিবারের, কত ধর্মপ্রাণ ব্যক্তির সুখশান্তি জলে গুড়ে ছাই হয়ে গিয়েছিল তার সঠিক হিসাব কেউ রাপেনি বটে কিন্তু তখনকার নাটক-উপন্যাসে ‘সাজানো বাগান’ শুকিয়ে যাওয়ার কিছু কিছু ইতিহাস সংগৃহীত হয়েছিল। গিরিশচন্দ্রের সামাজিক নাটকে এই সমাজেরই খানিকটা অংশ প্রতিফলিত হ’য়েছিল।

তবে এটাই সমাজের সমগ্র পরিচয় নয়—এ-তো নতুন কলকাতার নাগরিক সভ্যতার বিকৃতির দিক। গোদের উপর বিষফোট! ব্যাধির উপর ব্যাধি। একে কৌলীগ্রপ্রথা, পর্ণপ্রথা, বালবিধবা প্রভৃতি সমাজের বহুকালের পুরাতন ব্যাধির প্রকোপে সমাজ জর্জরিত ছিল, তার উপর এল নতুন ব্যাধির আক্রমণ।

কিন্তু ব্যাধিগ্রস্ত দেহে যেমন ব্যাধি সত্য, তেমনি ব্যাধি প্রতিরোধশক্তিও সত্য। ব্যাধি দেহে থাকতে পারে ততক্ষণই স্বতন্ত্র প্রতিরোধশক্তি ব্যাধির মূল কারণকে দেহ থেকে অপসারিত করবার মতো শক্তি সংগ্রহ করতে না পারে। ব্যাধির অস্তিত্ব প্রতিরোধশক্তির দুর্বলতা প্রমাণ করে বটে, কিন্তু অনস্তিত্ব প্রমাণ করে না। তখনকার বাঙালী সমাজে বিকৃতি ছিল বটে, কিন্তু প্রতিরোধশক্তিও ছিল। এই প্রতিরোধ-শক্তি ইংরেজী শিক্ষাদীক্ষা থেকেই পুষ্টি সংগ্রহ করেছিল। একদিকে শিক্ষার জগৎ, অত্রদিকে কৌলীগ্রপ্রথা, পর্ণপ্রথা, চির বৈধব্য, বেথ্যাসক্তি, পানাসক্তি সব রকম বিকৃতি দূর করবার জগৎ শিক্ষিতদের অনেকেই উন্মোগী হয়েছিলেন। শিক্ষিতদের অনেকেই বুঝতে পেরেছিলেন—নারী-পুরুষ সকলেরই মুক্তির উপায় শিক্ষা। কৌলীগ্রপ্রথা, পর্ণপ্রথা, বিধবা-বিবাহ সমস্যা, একটি মূল সমস্যারই নানারূপ এবং সেই মূল সমস্যাটি হচ্ছে—শিক্ষা-সমস্যা। শিক্ষাই নারীকে মর্যাদায় প্রতিষ্ঠিত করবে—ব্যক্তিত্ব এবং উপার্জনক্ষমতা দিয়ে নারীকে পুরুষের সমকক্ষ করতে পারবে, অথচ তারই অনিবার্য পরিণতি ঘটবে কৌলীগ্র প্রথা বিলোপে এবং বিধবা বিবাহ সমস্যার সমাধানে—এ ধারণা অনেকেরই মনে অস্পষ্টাকারে দেখা দিয়েছিল। অস্পষ্টাকারে বলছি এই কারণে যে দু'একজন ছাড়া আর কেউই সমাজবিজ্ঞানের দৃষ্টি-কোণ থেকে পরাধীনতার মূল কারণ এবং স্বরূপ ব্যাখ্যা করতে পারেন নি। পারা সম্ভবও ছিল না। যে বৈজ্ঞানিক জ্ঞান ও দৃষ্টিভঙ্গি থাকলে পারা সম্ভব তা অনেকেরই মধ্যে ছিল না এবং ছিলনা বলেই তারা সমস্যার মূলদেশে পৌছতে পারেন নি অর্থাৎ আর্থনৈতিক মুক্তিই যে মুক্তির

প্রথম সূর্ত এ কথা ধরতে পারেন নি। তবে তা না ধরতে পারলেও, যে শক্তি নারী মুক্তির জন্য অপরিহার্য সেই শক্তির দিকে অনেকেরই দৃষ্টি পড়েছিল। আগেই বলেছি—গিরিশচন্দ্রের ‘শান্তি কি শাস্তি’ নাটকে—এই সমস্যাটিকেই প্রব্লেম আলোকে রেখে দেখানোর চেষ্টা হয়েছে। গিরিশচন্দ্রের কৃতিত্ব এ ছিল না যে তিনি সমস্যার মূলে পৌঁছেছিলেন, কৃতিত্ব এটো যে তিনি দেখেছিলেন—বিধবা-বিবাহ আইন থাকাই সমস্যার যথেষ্ট সমাধান নয়, সমস্যার জড় আরো গভীরে এবং সেই গভীরে হস্তক্ষেপ না করা পর্যন্ত ‘সধবার একাদশীর’ উৎপাত থাকবেই। গিরিশচন্দ্রের সামাজিক নাটকে সমাজের প্রতিরোধ-শক্তিকেই জোরদার করা হ’তছিল। মোট কথা—শিক্ষা প্রসারের আন্দোলনে যারাটো সক্রিয় অংশ গ্রহণ করেছিলেন; তারা সকলেই সমাজের প্রতিরোধ-শক্তিকে পুষ্ট করেছিলেন। সমাজের এই প্রতিরোধ প্রচেষ্টা একদিকে যেমন শিক্ষা প্রসারে ও কুসংস্কারদূরীকরণে সাহায্য হয়েছিল তেমনি অতীতের জাতির আত্মসংবিদ জাগিয়ে দেওয়ার—জগৎসভায় যোগ্য আসন অধিকার করবার প্রেরণা হয়ে কাজ করছিল। আগেই বলেছি পরিবেশ স্থিতিশীল কিছু নয়। গিরিশচন্দ্র যে আর্থ-রাজনৈতিক সামাজিক এবং সাংস্কৃতিক পরিবেশে জন্মেছিলেন, তার মধ্যেও বিবর্তন ঘটেছিল। ১৮৫৮ থেকে ১৯১১ পর্যন্ত ভারতের বিশেষতঃ বাংলার আর্থ-রাজনৈতিক ইতিহাস, সামাজিক এবং সাংস্কৃতিক ইতিহাস ঠাণ্ডালাই সমাজের সর্বাঙ্গীন ক্রমবিকাশের ইতিহাস।

রাজনৈতিক চেতনার উন্মেষ ও ক্রমবিকাশের ইতিহাস, নিম্নলিখিত কয়েকটি প্রতিষ্ঠান ও আন্দোলনের সংকেতে উপস্থাপিত করা যেতে পারে।

(ক) সিপাহী বিদ্রোহ (১৮৫৭)

(খ) জাতীয় গৌরব সভা (রাজনারায়ণ বসু—প্রতিষ্ঠাতা)

(গ) হিন্দু মেলা (১৮৬৭—১৮৮০ পর্যন্ত নবগোপাল মিত্র প্রমুখ নেতা।)

(ঘ) ইণ্ডিয়ান লীগ (১৮৭৫)—শিশিরকুমার ঘোষ ।

(ঙ) ইণ্ডিয়ান এসোসিয়েশন (ভারত-সভা) ১৮৭৬ ছাত্রসভা (১৮৭৭) ।

* (চ) কংগ্রেস—১৮৮৪ ।

(ছ) গণপতি উৎসব (১৮৯০)

(জ) শিবাজী উৎসব (১৮৯৫) } লোকমাস্ত্র তিলক ।

(ঝ) ডন সোসাইটি (১৯০৩) সতীশচন্দ্র মুখোপাধ্যায় ।

(ঞ) অক্লুশীলন সমিতি—প্রমথ নাথ মিত্র ।

* (ট) বঙ্গভঙ্গ আন্দোলন ... (১৯০৫)

বলা বাহুল্য—উনবিংশ শতাব্দীর শেষপাদে এবং বিংশ শতাব্দীর প্রথম দশকে দেশের রাজনৈতিক মুক্তির আবেগ বেশ সংহত হয়ে উঠেছিল এবং স্পষ্টতরূপে আত্মপ্রকাশ করেছিল । কংগ্রেসের প্রতিষ্ঠা থেকে বঙ্গভঙ্গ আন্দোলন পর্যন্ত রাজনৈতিক আবেগের ক্রমবর্ধমান প্রগতি লক্ষ্য করলেই বুঝতে পারা যাবে, কোন্ উত্তেজনায় গিরিশচন্দ্র সিরাজদৌল্লা, মীরকাসিম, ছত্রপতি শিবাজী প্রভৃতি ঐতিহাসিক নাটক লিখেছিলেন । পরিবেশের উচ্চ তাপই সিরাজদৌল্লার মধ্যে সঞ্চারিত হয়ে সিরাজদৌল্লাকে অত স্পষ্ট এবং প্রদীপ্ত করে তুলেছিল । এই তাপ একদিনে বা হঠাৎ সৃষ্টি হয়নি । যে ইংরেজশিক্ষা ‘ইয়ং বেঙ্গল’ তৈরী করেছিল সেই শিক্ষাই ইয়োরোপ-আমেরিকার সঙ্গে জাতীয় মনের সান্নিধ্য ঘটিয়েছিল ; সর্ব বিষয়ে শিক্ষিত মনকে কৌতূহলী কবে তুলেছিল—ইয়োরোপ আমেরিকার জ্ঞান-বিজ্ঞানের সঙ্গে তাদের জীবনদর্শ ও জীবনাবেগকেও আমদানী করেছিল ।

ফরাসী বিপ্লবের ও আমেরিকার স্বাধীনতা-সংগ্রামের কাহিনী, বিভিন্ন জাতির স্বাধীনতা সংগ্রামের বীর বোদ্ধাদের যুত্যাঙ্গন জীবনের কীতিকাহিনী, সিপাহী যুদ্ধের ইতিহাস, রাজপুত বীরদের অমর কাহিনী—শিক্ষিত বাঙালীর মনে উত্তর সাধকেরই প্রেরণা রূপে শক্তি ও সাহস সঞ্চার করেছিল । বঙ্গভঙ্গ-

আন্দোলনকে উপলক্ষ্য করে এই সাহসেরই প্রথম উৎক্ষেপ ঘটেছিল—স্বদেশী আন্দোলনের রূপ ধরে—কর্মীদের কর্ম-সাধনায় এবং ভাবুকদের শিল্প সাধনায়।

কিন্তু সকল কর্মীর সংকল্প ও ঐকান্তিকতা, সকল জ্ঞানীর জ্ঞানের গভীরতা ও ব্যাপকতা এবং সকল ভাবুকের জ্ঞান-কল্পনা-ইচ্ছাশক্তির মাত্রা কোনকালেই সমান হ'তে পারে না—সমান ছিলও না। পরিবেশ এক হ'লেই যে ব্যক্তি একরূপ আচরণ করবে, জ্ঞানে অন্তর্ভবে-ইচ্ছায় এক হবে—এমন সিদ্ধান্ত করা চলে না এবং চলে না এই কারণেই যে সব ব্যক্তি সমান মাত্রায় পরিবেশের সঙ্গে বুঝা-পড়া করে না, প্রত্যেকেই নিজ নিজ শক্তি ও অবস্থা অনুযায়ী পরিবেশের সুযোগ সুবিধা গ্রহণ করতে পারে—পরিবেশকে অল্প অথবা অধিক পরিমাণে আত্মসাৎ করতে পারে। গিরিশচন্দ্র সিরাজদৌলা নাটকে যে সাহসের বা ইচ্ছাশক্তির পরিচয় দিয়েছিলেন, আর কেউ তা পারেননি ও তাতে গিরিশচন্দ্রের ব্যক্তি চরিত্রেরই মহত্ত্ব প্রকাশ পেয়েছে।

পরিবেশের রাজনৈতিক প্রেরণাকে গিরিশচন্দ্র ভয়ে অস্বীকার করেননি বলেই, সিরাজদৌলা মারকাসিম প্রভৃতি ঐতিহাসিক নাটক লিখতে পেরেছিলেন।

পরিবেশকে সম্পূর্ণ আত্মসাৎ করতে পারেন কে? জ্ঞানের, অনুভবের এবং ইচ্ছার সেই সর্বতোমুখী প্রতিভা ক'জনের থাকে? আর থাকলেও কতটুকু থাকে? ইয়োরোপীয় সভ্যতা ও সংস্কৃতির সঙ্গে যতটুকু পরিচয় তখন সম্ভব হয়েছিল তার সম্পূর্ণ সদ্ব্যবহার ক'জন করতে পেরেছিলেন? ক'জন বিজ্ঞান ও নতুন দর্শনের তাৎপর্য উপলব্ধি করতে পেরেছিলেন—নতুন দৃষ্টির অধিকারী হয়েছিলেন। ধর্মদর্শনের সঙ্গে বিজ্ঞানের দ্বন্দ্ব যে নতুন দর্শন জন্মলাভ করেছিল তার তাৎপর্য উপলব্ধি করতে, তাকে স্বীকার করতে ক'জনে পেরেছিলেন? অতিপ্রাকৃত শক্তিতে বা সম্ভার যে বিশ্বাস ধর্মদর্শনের ভিত্তি সেই বিশ্বাস ত্যাগ করব, সেই ভিত্তিকে অস্বীকার করবার মতো শক্তি ও সাহস ক'জনের এসেছিল? এক ভিত্তি ছেড়ে

অগ্র ভিত্তি আশ্রয় করা এক ধর্ম ছেড়ে অগ্র ধর্ম গ্রহণ, হিন্দুধর্ম ছেড়ে খৃষ্টান হওয়া বা ব্রাহ্ম হওয়া—বৈপ্রবিক কোন কিছু করা নয়। এই অর্থে রামমোহন থেকে রবীন্দ্রনাথ—কেউই বৈপ্রবিক কোন কিছু করেননি। এঁরা সাকার অতিপ্রাকৃত সত্তা ছেড়ে নিরাকার অতিপ্রাকৃত সত্তাকে উপাস্তোর আসনে বসিয়েছিলেন : কিন্তু অতিপ্রাকৃত সত্তার উপাসনা ত্যাগ করতে তথা বৈপ্রবিক কোন দার্শনিক সিদ্ধান্তে পৌছতে পারেননি।

গিরিশচন্দ্রের মনেও তখনকার দার্শনিক দ্বন্দ্বের উত্তাপ এসে লেগেছিল। কোমতের “পজিটিভিজম”—এবং তাঁর ‘প্র-পর্যাপ’ শিষ্যের দল, বাংলাতেও দেখা দিয়েছিল। একদিকে চলেছিল আন্তিক্য-নাস্তিক্যের সংগ্রাম, অন্যদিকে চলেছিল সাকার-নিরাকারের দ্বন্দ্ব। গিরিশচন্দ্র নিজেই এই সময়কার দার্শনিক দ্বন্দ্বের কথা লিখে গেছেন—তিনি লিখেছেন—“আমাদের পাঠদশায় ঠাহারা Young Bengal নামে অভিহিত হইতেন তাঁহারাই সমাজে গণ্যমান্য ও বিদ্বান বলিয়া পরিগণিত ছিলেন। তাঁহাদের মধ্যে অনেকেই জড়বাদী অল্প সংখ্যক ক্রিষ্টিয়ান হইয়া গিয়াছিলেন এবং কেহ কেহ ব্রাহ্ম ধর্ম অবলম্বন করেন। কিন্তু হিন্দু ধর্মের প্রতি আস্থা তাঁহাদের মধ্যে প্রায় কাহারও ছিল না বলিলেও বলা যায়। সমাজে ঠাহারা হিন্দু ছিলেন তাহাদের মধ্যে মতভেদ, শাক্ত বৈষ্ণবের দ্বন্দ্ব চলে এবং বৈষ্ণব সমাজ এমন নানা জেগীতে বিভক্ত যে পরস্পরের প্রতিবাদী। ইহা ব্যতীত অগ্রাগ্র মতও প্রচলিত ছিল।……ইহার উপর অনেক স্বাক্ষর ব্রহ্মাচার হইয়াছেন। সত্যনারায়ণের পুঁথি লইয়া জ্ঞান করেন, মেটে দেওয়ালে পায়খানার ঘটি হইতে জল দিয়া গঙ্গামুক্তিকার ফোঁটা ধারণ করেন।……আবার জড়বাদীরা বুদ্ধি-বিজ্ঞান সকলের শ্রেষ্ঠ বলিয়া গণ্য, ঈশ্বর না-মানা বিজ্ঞান পরিচয়……এ অবস্থায় স্ব-ধর্মের প্রতি আস্থা কিছুমান্ন রহিল না, কিন্তু মাঝে মাঝে ঈশ্বর লইয়া সমবয়স্ক বন্ধুর সহিত তর্ক-বিতর্কও চলে, আদি সমাজেও কখনও কখনও ষাওয়া আসা করি।……

নানা তর্ক-বিতর্ক করিয়া কিছু স্থির হইল না, ইহাতে মনের অশান্তি হইতে

লাগিল..... ভাবিলাম ধর্মের আন্দোলন বুঝা ।.....(পরে দুদিনে তারক-নাথের শরণাপন্ন হইবার পরে) আমার দৃঢ় ধারণা জন্মিল দেবতা মিথ্যা নয় ক্রমে দেবদেবীর প্রতি বিশ্বাস জন্মিতে লাগিল । (শ্রীশ্রীরামকৃষ্ণ গ্রন্থ—গিরিশচন্দ্র—।— জন্মভূমি— ৭ বর্ষ, আষাঢ় ১৩৬১) ।

আস্তিক্য-নাস্তিক্যের এবং সাকার-নিরাকারের দ্বন্দের পরিমাণে গিরিশচন্দ্রের মন কিভাবে কাজ করেছিল, কিভাবে নাস্তিক্যের কোটি থেকে আস্তিক্যের কোটিতে এসে শান্ত হয়েছিল—সাকার-নিরাকার দ্বন্দের সামঞ্জস্য করে নিয়েছিল তার সুন্দর স্বাক্ষাত পাওয়া গেল এই উদ্ধৃতিটির মধ্যে । আমরা দেখতে পেলাম গিরিশচন্দ্রের মনে জড়বাদের স্পর্শ লেগেছিল, কিন্তু তা কোন সংস্কারে পরিণত হয়নি, সাময়িক অশাস্তি সৃষ্টি করেই দূরে সরে গিয়েছিল । বিজ্ঞান-দর্শনাদি শাস্ত্র যতখানি আত্মসাৎ করতে পারলে নতুন দর্শনের সিদ্ধান্ত স্বাধীন সংস্কারে পরিণত হতে পারতো, গিরিশচন্দ্র তেমন শিক্ষাদীক্ষা অর্জন করতে পারেননি । গিরিশচন্দ্র কেন তখনকার অনেক সুশিক্ষিত নন্দেহবাদীরাও যুরোপে ফিরে শেষ পর্যন্ত একই কক্ষে এসে আবদ্ধন করোছিলেন ।

এমনকি যারা নিয়মিতভাবে শিক্ষাদীক্ষা পেয়েছিলেন তারাও জড়বাদকে যতটা বুদ্ধি দিয়ে গ্রহণ করেছিলেন, ততটা সংস্কারে পরিণত করতে পারেননি । সংস্কার কাটিয়ে উঠা কত বড় দুঃসাধ্য ব্যাপার তখনকার শিক্ষিতদের মন, মুখ, এবং কাণের তুলনামূলক আলোচনা করলেই স্পষ্ট হয়ে উঠবে । সেই আলোচনায় প্রবেশ করব না । আগেই বলেছি—পৌরাণিক দেব-দেবীর কাহিনী অবিশ্বাস করা, সাকার ঈশ্বর ভজনা ত্যাগ করা, এক হিসাবে প্রাচীন সংস্কারের বিরুদ্ধেই দাঁড়ানো বটে কিন্তু জড়বাদ গ্রহণ করার মতো বৈপ্লবিক কোন ব্যাপার নয় । সংক্ষেপে বলা যায়, তখন এই ধরনের বিপ্লবী—কায়মনোবাক্যে জড়বাদী খুব অল্পই ছিলেন—ছিলেন না বললেও মিথ্যা বলা হয় না । এই অর্থে কোন ঐষ্ট্যবাবলম্বী বা ব্রহ্মোপাসকই বিপ্লবী ছিলেন না, আগেই বলেছি । প্রথম বয়সে সংস্কারবাদে এবং অজ্ঞেয়বাদে

অনেকেই হয়তঃ ভুগেছিলেন, কিন্তু শেষ পর্যন্ত সকলেই অতিপ্রাকৃত সত্যায় বিশ্বাসের ভূমিতে এসে স্বস্তি পেয়েছিলেন। গিরিশচন্দ্রের সঙ্গে ব্রাহ্ম ও খ্রীষ্ট-ধর্মাবলম্বী বাঙালীর যে পার্থক্য ছিল তা’ অতিপ্রাকৃত-সত্যায়-বিশ্বাস-গত নয়, পার্থক্য ছিল দেবসত্তার স্বরূপ এবং উপাসনাপদ্ধতি নিয়ে। সকলেরই মনে তখন “শ্রীশানাল রোমাণ্টিসিজমে”র আবেগ এসেছিল এবং সেই আবেগের প্রেরণাতেই সকলে সৃষ্টিকার্যে নিযুক্ত হয়েছিলেন—কিন্তু এই আবেগ বিশেষ বিশেষ ব্যক্তির মানসিক গঠনের বিশিষ্টতার জ্ঞাত, বিশেষ বিশেষ খাতে প্রবাহিত হয়েছিল। গিরিশচন্দ্র খ্রীষ্টধর্ম বা ব্রাহ্ম ধর্মের কোনটিই গ্রহণ করেননি বলে এবং সাকার দেবদেবীর প্রতি বিশ্বাস রেখেছিলেন বলেই, গিরিশচন্দ্রের আবেগ পৌরাণিক কাহিনীর খাত ধরে আত্মপ্রকাশ করতে কুণ্ঠিত হয়নি! নাট্য-প্রযোজক গিরিশচন্দ্রকে, অভিনেতা গিরিশচন্দ্রকে জাতির সংস্কারের নাড়ীর দিকে লক্ষ্য রাখতে হয়েছিল, এবং নাট্যকার গিরিশচন্দ্রকে বাহ্যিক এবং আভ্যন্তরিক উভয় প্রেরণাতেই পৌরাণিক নাটকের দিতে ঝুঁকে পড়েছিলেন। এ কথা ঠিক যে গিরিশচন্দ্রের ধর্মদর্শনে কোন পরিবর্তন ঘটলে—গিরিশচন্দ্র খ্রীষ্টান বা ব্রাহ্ম হলে গিরিশচন্দ্র এই জাতীয় পৌরাণিক নাটক লেখার কোন আভ্যন্তরিক প্রেরণা পেতেন না, ঐতিহাসিক এবং সামাজিক বিষয়বস্তুতেই নির্বাচন সীমাবদ্ধ রাখতেন, আর পৌরাণিক কাহিনী নির্বাচন করতে গেলেও সেই সব কাহিনী নির্বাচন করতেন যা’তে দেব-দেবীর মাহাত্ম্যের চেয়ে মানব মাহাত্ম্যই বেশী। ঈশ্বরের সাকার উপসনার চেয়ে নিরাকার ব্রহ্ম উপসনাকেই সত্য বলে উচুতে তুলে ধরার স্বযোগ রয়েছে। গিরিশচন্দ্রের ধর্মদর্শনে তেমন কোন পরিবর্তন ঘটেনি বলেই—গিরিশচন্দ্রের মধ্যে কোনরূপ পুরাণ বিরাগ দেখা দেয়নি, ভারতের আধ্যাত্মিক ঐতিহ্যকে তিনি ব্রহ্মোপসনার মধ্যে সীমাবদ্ধ করে রাখেন নি। আধ্যাত্মিক সাধনার সমস্ত মতের ও পথের কথাই তিনি শোনাতে চেয়েছিলেন। জ্ঞানযোগে, ভক্তিযোগে এবং কর্মযোগে পরমাত্মার সঙ্গে যুক্ত হওয়ার জন্ত ভারতবাসী যত রকম সাধনা

করেছিল, গিরিশচন্দ্র কোনটিকেই তুচ্ছ তাক্ষিল্য করেন নি—সমস্ত বৈচিত্র্যের ভিতর দিয়ে যে এক্য ফুটে উঠেছিল সেই এক্যের বা সমন্বয়ের কথাই নানাভাবে ব্যক্ত করতে চেষ্টা করেছিলেন। সাকার-নিরাকার ঈশ্বরের দ্বন্দ্বকে গিরিশচন্দ্র মনে স্থান দেন নি—ঈশ্বরের রহস্যময় লীলাকে নির্বচনীয় করতে চেষ্টা করেন নি এবং তা করেন নি বলেই তিনি অতীত ভারতের আধ্যাত্মিক উন্নতির তথ্য পুরুষার্থ সাধনার পরিচয় দিতে, শাক্ত, বৈষ্ণব, বৌদ্ধ, কোন ধর্মকেই নগণ্য বলে দূরে ঠেলে দেন নি। মোট কথা গিরিশচন্দ্র খ্রীষ্টান বা ব্রাহ্ম হন নি বলেই এবং দেব-দেবী বিশ্বাসী ছিলেন বলেই আমরা এতগুলি মূল্যবান পৌরাণিক নাটক পেয়েছি এবং জড়বাদী হন নি বলেই তাঁর সমস্ত নাটকেই ঈশ্বর-বিশ্বাসের তপ্ত নিঃশ্বাস পাওয়া যায়। শেষোক্ত কথাটি শুধু যে গিরিশচন্দ্রেই প্রযোজ্য তা নয়; ঐ যুগের সকলেরই পক্ষে প্রযোজ্য—ঈশ্বর বিশ্বাসের আবহাওয়া নেই এমন সৃষ্টি তখন ছিল না বললেই চলে। জড়বাদী সাহিত্যিক বলতে যা বুঝায় কেউই তা ছিলেন না—কারণ সাহিত্যিকদের মধ্যে কেউই তখন জড়বাদকে জীবনদর্শনরূপে স্বীকার করে নেন নি। রবীন্দ্রনাথের দৃষ্টিতে দেখেও বুঝতে পারা যাবে—তিনি পৌরাণিক দেব-দেবী বিশ্বাস এবং পূজাহুষ্ঠান প্রভৃতি ত্যাগ করেছিলেন বটে, কিন্তু তাই বলে অতিপ্রাকৃত—ব্রহ্মসত্তায় বিশ্বাস ত্যাগ করেন নি এবং করেন নি বলেই তাঁর সমস্ত রচনার মেরুমজ্জায় ঐ বিশ্বাসের আশ্রয় পাওয়া যায়—সমস্ত রচনাকেই যেন ব্রহ্মবিশ্বাসের একটি বলয় বেষ্টন করে আছে। যেখানে গিরিশচন্দ্রের রচনায় পাওয়া যায় পৌরাণিক বিশ্বাসের আবহাওয়া রবীন্দ্রনাথে পাওয়া যায় প্রাকপৌরাণিক উপনিষদ যুগের ব্রহ্মচিন্তার সংস্কার—এই যা পার্থক্য। যে অর্থে গিরিশচন্দ্র জড়বাদী ছিলেন না, সেই একই অর্থে, দৈব বা ব্রহ্মসত্তায় বিশ্বাস করতেন বলেই রবীন্দ্রনাথও জড়বাদী ছিলেন না। দুইজনেই অধ্যাত্মবাদী ছিলেন—গিরিশচন্দ্র ছিলেন সাকার ঈশ্বরে বিশ্বাসী, রবীন্দ্রনাথ নিরাকার ঈশ্বরে বিশ্বাসী। রবীন্দ্রনাথ যদি

জড়বাদে বিশ্বাসী হতেন তা'হলে আমরা আর ষাই পেতাম—
রবীন্দ্রনাথের এই সব ব্রহ্মবাদবলয়িত রচনা পেতাম না। আবাব তিনি
যদি গিরিশচন্দ্রের মতো পৌরাণিক ধর্ম্মে বিশ্বাস করতেন—দেব-দেবীর অস্তিত্ব
ও উপসনা বিধি মানতেন, বিশেষ করে তিনি যদি শাক্তধর্ম্ম দীক্ষিত হতেন
তাহলেও তিনি ব্রহ্মপদাবলী-না লিখে অগ্র্য কিছু লিখতেন—‘বিসম্ভার্ন’ নাটক
লিখলেও প্রতিমাপূজার তথা শাক্তদের বিরুদ্ধে প্রচার করতেন না—এক
কথায়, গিরিশচন্দ্রের মতোই পৌরাণিক কাহিনীর অবলম্বনে জাতীয়
আধ্যাত্মিক সাধনার মাহাত্ম্য প্রচার করতে চেষ্টা করতেন।

মোট কথা এই যে গিরিশচন্দ্র এবং গিরিশচন্দ্রের মতো অনেকেই প্রচলিত
অধ্যাত্মবাদী দর্শনের সংস্কার কাটিয়ে উঠতে পারেননি—বস্তুবাদী দর্শনের
তাৎপর্য উপলব্ধি করতে পারেননি। এই ব্যাপারে তখনকার লেখকদের মধ্যে
একের সঙ্গে অপরের পার্থক্য ছিল এষ্ট যে কেউ বা পৌরাণিক যুগের স্থল
বিশ্বাসের স্তরে ছিলেন, কেউ বা উপনিষদ-যুগের সূক্ষ্ম উপলব্ধির স্তরে ছিলেন,
কেউ বা একটু বেশী ভুক্তিযোগী ছিলেন কেউ বা একটু বেশী জ্ঞানযোগী
ছিলেন, তবে, সকলেই যুগের তাড়নায়, নিষ্কাম কর্ম্মবাদে বিশ্বাসী ছিলেন।
সে যাই হোক, এই দার্শনিক সংস্কারের পরিপ্রেক্ষিতে বেখে গিরিশচন্দ্রের
পৌরাণিক নাটকগুলি দেখতে হবে এবং দেখলেই দেখা যাবে যে পৌরাণিক
নাটকের ভিতর দিয়ে গিরিশচন্দ্র জাতির ধর্ম্মীয় বাসনা চরিতার্থ করবার চেষ্টা
করেছিলেন এবং সেই চেষ্টায় সার্থক হয়েছিলেন। পৌরাণিক নাটকগুলির
বিচার করার সময় শুধু এ কথা বললেই চলবে না যে গিরিশচন্দ্র অতিপ্রাকৃত
সম্ভায় বিশ্বাস করতেন এবং অবাস্তব বিষয়বস্তু নিয়ে নাটক রচনা করেছিলেন,
বিচার করে দেখতে হবে গিরিশচন্দ্র যে বস্তুকে রূপ দিতে চেয়েছিলেন তাকে
হৃষ্টভাবে রূপ দিতে পেরেছেন কি না। মনে রাখতে হবে—তখন সাংকার
এবং নিরাশ্রয় ঈশ্বর—উভয়কেই লোকে সত্য বা বাস্তব বলে মনে করত,
যদিও উভয়ই আজ বৈজ্ঞানিকের কাছে—অবাস্তব।

প্রফুল্ল নাটকের জাতি-পরিচয়

প্রফুল্ল নাটকের জাতি নির্ধারণ করতে যেয়ে প্রত্যেক সমালোচককে নিম্নলিখিত প্রশ্নের তথ্য সমস্তার বাধা অতিক্রম করতে হয়—(ক) প্রফুল্ল রসোত্তীর্ণ একখানি ট্রাজেডি কি না? (খ) প্রফুল্লকে ট্রাজেডি না বলে করুণরসাত্মক নাটক বা প্যাথটিক ড্রামা বলা সমীচীন কি না? (গ) প্রফুল্ল মেলোড্রামা-শ্রেণীর স্তরে নেমে গেছে কি না? বলা বাহুল্য, এই প্রশ্নগুলির নিভুল উত্তর দেওয়ার উপরেই জাতি নির্ধারণ সমস্তার সমাধান নির্ভর করছে এবং নিভুল উত্তর দেওয়া নির্ভর করছে ট্রাজেডি, মেলোড্রামা, করুণরসাত্মক নাটক বা প্যাথটিক ড্রামা প্রভৃতির সংজ্ঞা ও স্বরূপ বিচার করার সামর্থ্যের, এক কথায় শাস্ত্রজ্ঞানের গভীরতার উপরে। ট্রাজেডির সংজ্ঞা ও স্বরূপ, ট্রাজেডির সঙ্গে করুণরসাত্মক নাটকের বা প্যাথটিক ড্রামার পার্থক্য কি, ট্রাজেডির সঙ্গে মেলোড্রামার মৌলিক পার্থক্য কোথায়—এ সব বিষয়ে স্পষ্ট ধারণা না থাকলে, বাস্তবিকই, সমস্তাটির সূঁচ সমাধান সম্ভব হবে না। সুতরাং জাতি নির্ধারণের আগে—উল্লিখিত বিষয়গুলির আলোচনা করা দরকার।

প্রথমত: ট্রাজেডির সংজ্ঞা ও স্বরূপ নিয়ে সাহিত্য-শাস্ত্রকাররা যে আলোচনা করেছেন তা উপস্থাপিত করা থাক। সকলেই জানেন—ট্রাজেডি সম্বন্ধে প্রথম এবং উল্লেখযোগ্য আলোচনা করেছেন—গ্রীক দার্শনিক এরিস্টটল এবং তাঁর সিদ্ধান্ত পরবর্তী আলোচনার ভিত্তিস্বরূপ। ট্রাজেডির স্বরূপ সম্বন্ধে তিনি যে আলোচনা করেছেন তার সারাংশ এই :—

ট্রাজেডি হচ্ছে “সিরিয়াস একশানে”র অমুকরণ অর্থাৎ সেই সব ঘটনার উপস্থাপনা যা’ আমাদের মনে ভয়ের এবং শোচনার উদ্বেক করে—“events inspiring fear and pity”—actions which excite pity and fear”। এই সব ঘটনা তাঁদেরই জীবনে দেখা যায় ঘাঁরা—“have done

or suffered something terrible" অর্থাৎ সাংঘাতিক কোন কাজ করেছেন অথবা ভয়ঙ্কর দুঃখ-যন্ত্রণা ভোগ করেছেন। ট্রাজেডি আসলে শোচনীয় ভাগ্যবিপর্যয়ের ও দুঃখভূর্তোগের (misfortune) কাহিনী।—সাংঘাতিক কোন কাজের অনিবার্ণ পরিণতি হিসাবেই সেট শোচনীয় ভাগ্যবিপর্যয় ঘটুক, অথবা নিয়তির ইচ্ছায় বা ঘটনাচক্রেই ভাগ্যবিপর্যয় ও দুঃখভূর্তোগ ঘটুক।

ট্রাজেডির ঘটনা এমন হওয়া চাই—যা' শুনে বা দেখে পাঠক "will thrill with horror and melt to pity"। অবশ্য "fear and pity"-কে "spectacular means" দ্বারা উদ্রেক করলে যেমন কৃত্তিভের পরিচয় দেওয়া হবে না, তেমনি—"Those who employ spectacular means to create a sense not of the terrible but only of the monstrosous, are stranger to the purpose of Tragedy"—অর্থাৎ শুধু দৃশ্যের সাহায্যে যারা ভয়ঙ্করকে সৃষ্টি করতে যেয়ে বীভৎসকে সৃষ্টি করেন তাঁরা ট্রাজেডির উদ্দেশ্যই বুঝতে পারেন না। মোট কথা দাঁড়াচ্ছে এই যে ট্রাজেডি হচ্ছে সেই বিশেষ ধরনের "সিরিয়াস এ্যাকশন"—যা ভয়ঙ্কর এবং করুণ।

ট্রাজেডির রস সম্বন্ধে এরিস্টটলের সে সিদ্ধান্ত পাওয়া যায় তা' এই যে ট্রাজেডির উদ্দেশ্য "fear and pity"-র উদ্রেক করা, (fear and pity—this being the distinctive mark of tragic imitation)। কিন্তু এখানেই প্রশ্ন উঠবে ট্রাজেডি কি তবে একাধারে ভয়ানক এবং করুণরসের নাটক? অথবা ট্রাজেডি ভয়ানক রসের অথবা করুণরসের নাটক? অন্ততাবে বললে, ট্রাজেডি কি ভয় এবং শোচনা দুটি ভাবকেই সমান মাত্রায় উদ্রেক করবে, অথবা 'কোনটিতে শোচনাকে, কোনটিতে ভয়কে মূখ্যভাবে উদ্দীপ্ত করবে। এরিস্টটল বহুস্থলে "fear or pity" ব্যবহার করায় এ কথা যেমন মনে আসতে পারে যে ট্রাজেডি হচ্ছে ভয়ানক অথবা করুণ এই দুই

রসের কোন এক রসের নাটক, তেমনি pity and fear ব্যবহার করায় এ কথাও মনে আসতে পারে যে ট্রাজেডি একাধারে ভয়ানক ও করুণরসাত্মক নাটক অর্থাৎ ভয়ানকমিশ্র করুণ কিংবা করুণমিশ্র ভয়ানক রসের নাটক। এও এক সমস্তা এবং এই সমস্তার সমাধান করতে হলে এরিস্টটল 'fear এবং pity শব্দদুটি যেভাবে ব্যাখ্যা করেছেন তা অবশ্যই জানতে এবং বুঝতে হবে। শব্দ দুটির ব্যাখ্যা প্রসঙ্গে তিনি লিখেছেন—"pity is aroused by the unmerited misfortune and fear by the misfortune of a man like ourselves" অর্থাৎ শোচনা জাগে তখনই যখন কোন ব্যক্তির দুঃখদুর্যোগ দেখে এই কথা মনে হয় যে ঐ দুঃখদুর্যোগ ঠিক তার প্রাপ্য নয় এবং ভয় জাগে এই মনে করেই যে আমাদেরই-মতো একজন মানুষ এত দুঃখদুর্যোগ ভোগ করছে। বলা বাহুল্য, ভয় এবং শোচনা উভয়ই জাগে—"misfortune" দেখে—উভয় ভাবই ভাগ্যবিপদজনিত প্রতিক্রিয়া বিশেষ। আত্মসম্পর্কে চেতনা থেকে ভয় এবং ব্যক্তিসম্পর্কে চেতনা থেকে শোচনা। এরিস্টটল যে ভাষ্য করেছেন তা' গ্রহণ করলে এ কথা মানতেই হবে যে ভয় এবং শোচনা নামতঃ যত পৃথকই হোক, আসলে তত পৃথক নয়। ভয় ও শোচনা পরস্পরসম্পৃক্ত—ভয় শোচনারই অগুণ্ণ নিমিত্ত-কারণ—প্রত্যেক শোচনার মূলে এই ভয় ভাবটি সক্রিয় থাকে—এই ভয় অম্লকম্পার সহজ ভিত্তি।

'ভয়' শব্দটিকে এরিস্টটল যে এই বিশিষ্ট অর্থেই প্রয়োগ করেছেন—তার প্রমাণ পাওয়া যায় সেখানে যেখানে তিনি 'utter villain'-কে নায়ক করতে নিষেধ করেছেন। সেখানে তিনি এই যুক্তিই দেখিয়েছেন যে—অতিশয়তানের পতন দেখালে নীতিবোধ পরিতৃপ্ত করা যায় বটে কিন্তু ঐরূপ বৃত্ত শোচনা অথবা ভয় উদ্ভিক্ত করতে পারে না। 'ভয়ংকর' শব্দটিকে সাধারণ "ভয়ংকর ঘটনা"র অর্থে ব্যবহার করলে নিশ্চয়ই তিনি এই সিদ্ধান্ত করতেন না ; কারণ অতিশয়তানের ক্রিয়াকলাপের এবং পরিণামের ভয়ংকর হওয়ায় পথে কোন

বাধাই থাকতে পারে না। অতিশয়তানও can do or suffer something terrible। কিন্তু এরিস্টটলের কাছে—utter villain এর “misfortune”—“neither pitiful nor terrible”। তার কারণ নিশ্চয়ই এই যে অতি শয়তানের পতন যেখে আমরা এ কথা মনে করিনে যে তার পতন—misfortune of a man like ourselves বা তা “unmerited misfortune”। অতিশয়তানকে আমরা “man like ourselves” বলে মনে করিনে—এ কথার তাৎপর্য নিশ্চয়ই এই যে অতিশয়তানের উপর আমাদের কোন সহানুভূতি থাকে না এবং তা থাকে না বলেই তার পতনে আমাদের মনে কোন ভয় তথা শোচনা জাগে না। তা’হলে দেখা যাচ্ছে যে সহানুভূতির যোগ না থাকলে ভয় জাগতে পারে না এবং ঐ ভয় শোচনারই অব্যবহিত ও নিয়তপূর্ব একটি কারণ। এই শোচনা ভয়েরই অনিবার্য পরিণতি। এই দিক দেখলে ট্রাজেডির স্থায়ীভাব—“শোচনা” এবং আমাদের পরিভাষায় ট্রাজেডি করুণরসেরই নাটক।

তারপর ‘ভয়’ শব্দটিকে ভয়ংকর ঘটনা জনিত ‘ভয়াবেগ’ অর্থে ব্যবহার করলেও এ সিদ্ধান্ত করা চলে না যে ট্রাজেডি নিছক ভয়ানক রসের নাটক, কারণ ‘utter villain’ দিয়ে করুণরস সৃষ্টি করা না গেলেও ভয়ানক রসসৃষ্টি করা সম্ভব এবং তা করলে আর যাই করা যাক ট্রাজেডি সৃষ্টি করা হবে না। অতএব ট্রাজেডি যখন মূলত: ‘change of fortune’ বা ‘calamity’র ঘটনা, তখন তার উপসংহারে ভাগ্যবিপর্যয়ের দৃশ্য বা বিপত্তির রূপ দেখে ভাগ্যহত ও বিপন্ন ব্যক্তির প্রতি বিশেষ একটি মনোভাব জাগবেই এবং এই বিশেষ মনোভাবটি শোচনাত্মক না হয়ে পারে না। আসল কথা, ট্রাজেডির আদিভিত্তি মধ্যে অস্তে যত ভয়ংকর ঘটনাই থাক, ভাগ্যহত, বিপন্ন বা বিনষ্ট ব্যক্তির জন্ম শোচনা জাগানোতেই ট্রাজেডির সার্থকতা। শোচনানিরণেই হয়ে ভয় যখন ট্রাজেডির স্থায়ীভাব হতে পারে না তখন এই সিদ্ধান্ত করা ছাড়া গতাস্তর নেই। এই প্রসঙ্গে জেমস্ অক্সেস

অরণীয় “the tragic emotion, in fact, is a face looking two ways towards terror and towards pity, both of which are phases of it. এবং pity এবং terror শব্দ দুটির সংজ্ঞা দিতে গিয়ে লিখেছেন—“Pity is the feeling which arrests in the presence whatsoever is grave and constant in human sufferings and unites it with the human sufferer”—আর—“Terror is the feeling which arrests the mind in the presence of whatsoever is grave and constant in human sufferings and unites it with the sense cause” এখানেও দেখা যাচ্ছে—pity এবং terror একই অবস্থার ফল—মাহুষের গুরুতর সংকট এবং দুঃখভূর্তোগ দেখে মাহুষের স্বাভাবিক প্রতিক্রিয়া। মন “পিটি” অনুভব করে যখন সংকটাপন্ন ও দুর্দশাগ্রস্ত ব্যক্তির দিকে চায় এবং ভয় অনুভব করে যখন কারণের কথা চিন্তা করে। কারণ চেতনা ও কার্যচেতনা যেহেতু পরস্পরনিরপেক্ষ নয় এবং ব্যক্তির পরিণামটাই শেষপর্যন্ত মনের কাছে বড় হয়ে দেখা দেয়, সেইহেতু ট্রাজেডির উদ্দেশ্য মূল্যতঃ শোচনা জাগানোই। এ কথা যদি প্রমাণিত সত্য হয়ে থাকে যে ট্রাজেডির উদ্দেশ্য শেষ পর্যন্ত “শোচনা” জাগানো—মাহুষের শোচনীয় পরিণামের বৃত্ত উপস্থাপিত করা, তা হলে এ সিদ্ধান্তও অনিবার্য যে ট্রাজেডির সঙ্গে করুণ-রসাত্মক নাটকের অন্ততঃ স্থায়ীভাবে দিক থেকে মৌলিক কোন পার্থক্য নেই। কথাটি ব্যাখ্যাসাপেক্ষ এবং বিশেষ ব্যাখ্যাই দাবী করতে পারে। ট্রাজেডির সঙ্গে করুণরসাত্মক নাটকের সম্পর্ক কি এ সম্বন্ধে আজ পর্যন্ত কোন সন্তোষজনক এবং পরিপাটি আলোচনা হয়নি। হয়নি এই কারণেই যে হিন্দুকলেজে শেকসপীয়র অধ্যাপনা আরম্ভ হওয়ার সময় থেকেই এই ধারণাটি বদ্ধমূল হ’য়ে আছে যে ট্রাজেডি-রস সম্পূর্ণ স্বতন্ত্র একটি রস, জাতীয় সাহিত্য শাস্ত্রকারগণ এ-রসের স্বরূপ জানতেন না এবং ট্রাজেডির সঙ্গে নব রসের কোনটিরই কোন সম্পর্ক নেই। তখন থেকে আজ

পৰ্বন্ত এই সংস্কারই কাজ করছে এবং করছে বলেই ইংরেজি-সাহিত্যের অধ্যাপক ও সমালোচক 'রসের' নাম শুনে নাসিকা কুঞ্চিত করেন এবং তাঁদের দেখাদেখি বাংলা-সমালোচকরাও নাসিকা কুঞ্জন ব্যাপারে আরো হু' এক ধাপ এগিয়ে যেয়ে থাকেন। এই সমস্ত কিছুর মূলে রয়েছে—ট্র্যাজেডি এবং করুণরসের স্বরূপ সম্বন্ধে পরিপাটি ধারণার অভাব। সমগ্র গ্রীক ট্র্যাজেডি, এলিজাবেথান যুগের ট্র্যাজেডি, এবং আধুনিক ট্র্যাজেডির পরিপ্রেক্ষিতে ট্র্যাজেডির স্বরূপ নিয়ে যত আলোচনা হয়েছে তাদের সঙ্গে সম্যক পরিচয় আমাদের নেই, তেমনি নেই রসের এবং বিশেষতঃ করুণরসের স্বরূপ সম্বন্ধে স্পষ্ট ধারণা। সমালোচকরা ভুলে যান যে ট্র্যাজেডি বলতে যেমন কেবলমাত্র “হাই ট্র্যাজেডি”ই বুঝায় না, করুণরস বলতেও তেমনি শুধু খানিকটা বিলাপোক্তাই বুঝায় না। ট্র্যাজেডিতে যেমন বহুভাবের সংযোগে একটি বিশেষ ভাবকে স্থায়ী করা হয়, করুণরসেও তেমনি বহু অশুভব সঞ্চারিভাবের সংযোগে একটি ভাবকে ব্যক্ত করা হয়। ট্র্যাজেডিতে যেমন বীর-ভয়ানক-রোদ্দর রসের মাত্রা বেশী মিশে ট্র্যাজেডিরসের দৃষ্টি ও গাঢ়তা বাড়িয়ে তুলতে পারে, তেমনি করুণরসের নাটকেও অঙ্গরস হিসাবে বীর-ভয়ানক-রোদ্দাদি রস থাকতে পারে। ভুল ধারণাটির সংশোধন করার অভিপ্রায়েই আমি ট্র্যাজেডির এবং করুণরসাত্মক নাটকের মৌলিক ঐক্যের দিকে দৃষ্টি আকর্ষণ করতে চাই।

প্রথমতঃ করুণরসের স্বরূপের কথাই বলা যাক। রসবাদেব যিনি প্রতিষ্ঠাতা এবং যিনি প্রথম রসের সংজ্ঞা দিয়েছেন—বিভাহুভাবব্যভিচারি-সংযোগাদ্রসনিম্পত্তি—প্রথম নাট্যাশাস্ত্রকার সেই ভরত করুণরসের স্বরূপ এইভাবে নির্দেশ করেছেন :—

অথ করুণো নাম শোকস্থায়িভাবপ্রভবঃ। স চ শাপক্লেশ বিনিপতিতে-
ইত্জনবিপ্রযোগকিভবনাশবধবদ্ধবিজ্রবোপঘাতব্যাসনসংযোগাদিভিবিভাবৈঃ সমূপ-
জায়তে। অর্থঃ—করুণের স্থায়িভাব হচ্ছে : “শোক” (শোচনা)। শাপ
ক্লেশ বিনিপতিত—ইত্জনবিপ্রযোগ—বিভবনাশ—বধ—বদ্ধ—বিজ্রব—উপঘাত

ব্যঙ্গন প্রভৃতি নিমিত্ত কারণের ফলে উৎপন্ন হয়। করুণ ত্রিবিধঃ—(১) ধর্মোপঘাতজ (২) অর্থাপচয়োদ্ভব এবং (৩) শোককৃত। ভরতের বিবরণ থেকে জানা গেল—(ক) করুণ-রসের স্থায়ীভাব শোক বা শোচনা। (খ) তার নিমিত্ত কারণ বা বিভাব নানারকম হতে পারে—যে কয়টি বিভাব উল্লিখিত হয়েছে তারা ছাড়াও আরো অগ্ৰান্ত যত কারণে শোচনা উপজাত হতে পারে “আদি” শব্দ দ্বারা তারা অন্তর্ভুক্ত হয়েছে। মোট কথা এখানে এই যে, যত কারণে ব্যক্তির জীবনে শোচনীয় অবস্থায় সৃষ্টি হতে পারে তাদের সব কিছুই “বিভাব”। (গ) করুণ ত্রিবিধঃ—(১) ধর্মোপঘাতজ করুণ—ধর্মের উপঘাত ঘটায় যেখানে ব্যক্তি-জীবন শোচনীয় পরিণাম লাভ করে, সেখানে ধর্মোপঘাতজ করুণ (২) অর্থাপচয়োদ্ভব করুণ—অর্থের অপচয় ঘটায়—অর্থায় ঐশ্বর্য ও স্বাস্থ্যসম্পদ থেকে দারিদ্র্য ও দুঃখ-দুর্দশায় পতিত হওয়ার ফলে যেখানে শোচনা জাগে সেখানে অর্থাপচয়োদ্ভব করুণ এবং (৩) শোককৃত করুণ—ইষ্টজন-বিপ্রয়োগ ঘটায় যেখানে শোচনা জাগে সেখানে শোককৃত করুণ। বলা বাহুল্য—ধর্মোপঘাতজ করুণের সঙ্গে অর্থাপচয়োদ্ভব করুণের এবং শোকাকৃত করুণের প্রকৃতিগত পার্থক্য থাকবেই। তেমনি অর্থাপচয়োদ্ভব করুণের সঙ্গে শোককৃত করুণেরও পার্থক্য অবশ্যস্বাবী। এবং একথাও বলা বাহুল্য যে একে-সঙ্গে অপরের পার্থক্য ঘটে অনুভাব-সঞ্চারিভাবের সংযোগ বিয়োগের তারতম্যের ফলেই। যে করুণরসে বীর, রোদ্র এবং ভয়ানক রসের মাত্রা বেশী মিশে থাকে, তার আশ্বাদ এবং যাতে নির্বেদ-গ্নানি, চিন্তা, বিষাদ, দৈন্ত, জড়তা আলস্য, বিলাপ, প্রভৃতি ব্যতিচারী ভাব বেশী মিশে থাকে তার আশ্বাদ ভিন্ন হবেই। একের আশ্বাদনকালে চিত্ত যে পরিমাণে উদ্দীপিত ও স্তব্ধ থাকবে, অন্যের আশ্বাদনকালে চিত্ত সেই পরিমাণে উদ্দীপিত ও স্তব্ধ থাকবে না—বেশ খানিকটা দ্রবীভূত হবে। প্রথম শ্রেণীর নাটক দীপ্তিগুণ প্রধান এবং দ্বিতীয় শ্রেণীর নাটক ক্ষতিগুণপ্রধান হবে।

এই আলোচনার পরে প্রথমেই যে কথা মনে হবে সে এই যে—ট্যাগেভির

হাস্যিভাব এবং করুণরসের হাস্যিভাব যখন একই—ট্রাজেডির হাস্যিভাব—‘pity’ এবং করুণরসাত্মক নাটকের হাস্যিভাব—‘শোচনা’, তখন উভয়ের মধ্যে যে পার্থক্যঘটবে, সেই পার্থক্য হবে উপাদানগত পার্থক্য—বিভাবগত এবং সঞ্চারি-ভাবগত পার্থক্য। কিন্তু প্রশ্ন, বাস্তবিকই সেরূপ কোন পার্থক্য আছে কি? ট্রাজেডির বিভাব বিশ্লেষণ করে যত রকম পরিস্থিতি পাওয়া যায়, করুণরসের বিভাবের তালিকার মধ্যে তাদের অন্তর্ভুক্ত করা যেতে পারে না কি? তারপর যেটা সব চেয়ে বড় প্রশ্ন—ট্রাজেডির সেই বিলক্ষণ লক্ষণটি কি, যা’ করুণরসের নাটকে পাওয়া সম্ভব নয়? যা শুধু ট্রাজেডিতেই আছে করুণরসের নাটকে নেই? আমরা জানি ট্রাজেডির মধ্যে ‘what is common to all is the element of Calamity and Suffering’ (জন এস, স্মার্ট—‘ট্রাজেডি’ প্রবন্ধ), করুণরসের উপাদানও তো ঐ “element of Calamity and Suffering”। তারপর এ কথাও বলা চলে না যে ট্রাজেডিতে যে পরিমাণ অদ্ভুত, ভয়ানক, ও রোদ্র রসাত্মক ঘটনার উপস্থাপনা সম্ভব করুণরসের নাটকে তা’ সম্ভব নয়। কারণ অঙ্গরস হিসাবে করুণরসের নাটকেও ভয়ানক, বীর, অদ্ভুত ও রোদ্ররস উল্লেখযোগ্য মাত্রায় থাকতে পারে। তারপর একথাও বলা চলে না—ট্রাজেডির নায়ক সর্বত্র এবং সর্বদাই সরল ও সক্রিয় এবং সংগ্রামশীল, অল্পপক্ষে করুণরসের নায়ক সর্বত্র এবং সর্বদাই দুর্বল, নিষ্ক্রিয়, নিঃস্বন্দ এবং পলায়নপরায়ণ; ট্রাজেডির নায়কের পতন যে যে কারণে ঘটে, সেই সেই কারণে করুণরসাত্মক নাটকের নায়কেরও পতন ঘটতে পারে না।

ট্রাজেডির নায়ক কে হ’তে পারে এবং কে পারে না—এ বিষয়ে আলোচনা করলে দুয়ের ঐক্য আরো বেশী করে চোখে পড়বে। ট্রাজেডি ভাগ্যবিপর্যয়ের ঘটনা—এই সিদ্ধান্ত করার পরে এরিস্টটল্ কোন্ কোন্ ব্যক্তির পতন ‘ট্রাজিক’ পৰ্য্যায় হ’বে আর কোন্ কোন্ ব্যক্তির পতন তা’ হ’বে না—তা নিয়ে আলোচনা করেছেন। তার নির্দেশ এই—

(ক) অতিধার্মিক ব্যক্তির সৌভাগ্য থেকে হৃদ’শায় পতনের দৃষ্ট

দেখাবে না, কারণ তা'তে ভয় বা শোচনা জাগে না, শুধু মনে আঘাতই লাগে।

(খ) অতিশয়তান ব্যক্তির পতনের দৃশ্য দেখাবে না। কারণ তা'তে নৈতিক বাসনা চরিতার্থ হয় ঘটে কিন্তু ভয় বা শোচনা জাগে না।

(গ) উল্লিখিত দুটি অতিকোটিক চরিত্র বাদ গেলে অবশিষ্ট থাকে সেইরূপ একটি চরিত্র যে অতিভালো বা অতিধার্মিক নয়—যার ভাগ্য-বিপর্যয় কোন পাপের বা নীচতার ফলে ঘটে না, ঘটে—বুদ্ধিগত বা স্বভাবগত ত্রুটির ফলে।

(ঘ) ব্যক্তিটি অতি বিখ্যাত ও ঐশ্বর্যশালী হওয়া চাই।

এরিস্টটলের লিখিত নির্দেশ সম্বন্ধে পরবর্তী কালে যথেষ্ট আলোচনা হয়েছে এবং অনেকেরই ত্রুটি দেখানোর চেষ্টা করেছেন। প্রথমতঃ, নায়কের খ্যাতি ও ঐশ্বর্যের কথাই ধরা যাক। নায়ককে বহুখ্যাত এবং ঐশ্বর্যশালী হতে হবে—এ নির্দেশ আজ অচল; কারণ অতিসাধারণ সাধারণ ব্যক্তিকে নায়ক করে বহু ট্র্যাগেডি লিখিত হয়েছে এবং হচ্ছে। সুতরাং নায়কের খ্যাতির ও ঐশ্বর্যের মহত্ব আজ আর কোন বিচার্য বিষয় নয়। দ্বিতীয়তঃ, অতিনির্দোষ অতিধার্মিক ব্যক্তির যোগ্যতার প্রসঙ্গটি। এরিস্টটল যে যুক্তিতে অতিনির্দোষ অতিধার্মিক ব্যক্তিকে বাদ দিত বলেছেন তাঃ বিরুদ্ধেও কথা উঠেছে। কথা তুলেছেন জন এম্‌স্বার্ট মহাশয়। তিনি প্রশ্ন করেছেন—Is it really true that when we read a work which describes the undeserved sufferings of an innocent man or woman we find it too terrible and lay it aside because we can not endure it ? এবং প্রশ্নকারেই উত্তর দিয়েছেন—Is it not rather the case that such descriptions have a peculiar and intense interest of their own...” বলেছেন—অতিনির্দোষ ও অতিনিরীহের দুঃখদুর্যোগের কাহিনী পাঠ করে মানুষ আনন্দ পায়, তা'র দৃষ্টান্ত—‘Four Gospels’। সুতরাং এরিস্টটলের সিদ্ধান্ত যে ঠিক নয় “ফোর গসপেলস”ই তার

প্রমাণ। তৃতীয়তঃ, নির্দোষ বা ত্রুটিহীন চরিত্রের যোগ্যতার প্রশ্ন। এরিস্টটলের 'গ' চিহ্নিত নির্দেশ পাঠ করলে এ ধারণা খুব স্বাভাবিকভাবেই জন্মাবে যে ট্রাজেডির চরিত্রে Vice বা depravity থাকলে চলবে না—কিন্তু “error বা frailty” কিছু থাকবেই। অর্থাৎ চরিত্রের পতনের মূলে চরিত্রের নিজের কোন বুদ্ধিগত বা স্বভাবগত ত্রুটি থাকা আবশ্যক। এই সূত্রটি সম্বন্ধেও নানা কথা উঠেছে। উঠেছে এই কারণেই যে গ্রীক ট্রাজেডিশুলির মধ্যে এমন এমন ট্রাজেডি আছে যেখানে নায়কের দুঃখদুর্ভোগের মূলে তার নিজের ‘error বা frailty’ কোন কাজ করেনি, যেখানে নির্দোষ নায়ক অবস্থার চাপের তলে নিকৃপায়ভাবে নিষ্পেষিত হয়েছে—যেখানে “চরিত্রই নিয়তি” এই সূত্র কোনভাবে প্রযোজ্য হ’তে পারে না এবং যেখানে চরিত্রের পরিবেশের বিরুদ্ধে সচেতন সংগ্রামের প্রশ্নও বড় কথা নয়। এই সব নাটকে তাঁদেরই বৃত্ত উপস্থাপিত হয়েছে যারা “have suffered something terrible”। ঈউরিপিডিসের ‘ট্রোজান উইমেন’ নামক ট্রাজেডিতে হেকুবা, এণ্ড্রোমেকী প্রভৃতি যে শোচনীয় দুঃখযন্ত্রণা ভোগ করেছে তার জ্ঞান তাদের কোনরূপ দায়িত্ব নেই—তাদের বুদ্ধির কোন ভুলে অথবা স্বভাবের কোন অতিপ্রবণতার জ্ঞান তারা গ্রীকদেব হাতে বন্দী হয়নি এবং দুঃখযন্ত্রণা পায় নি। তাদের ট্রাজেডি অসহ্য দুঃখযন্ত্রণা ভোগের তীব্রতার মধ্যেই নিহিত। সুতরাং ট্রাজেডি নায়কের বুদ্ধিগত বা স্বভাবগত ত্রুটি না থাকলেই চলবে না—এমন সিদ্ধান্ত করা চলে না। এই প্রসঙ্গেই স্মার্ট বলেছেন—“A general principle applicable to all tragedy is not to be found in the old saying that ‘character is destiny’, and in the notion that tragedy reveals the influence from within which work unconsciously on outward events; whilst some tragic dramas may thus be interpreted there are others which can not be approached in this way without forced exegesis

and departures from the author's own evident purpose" শার্ট বলতে চান—এবং ঠিক কথাই বলেন—‘চরিত্রই নিয়তি’ অথবা ট্রাজেডিতে ব্যক্তির পরিবেশের সঙ্গে সক্রিয় সংগ্রামের দৃশ্যই বাক্য হয়—এরূপ কোন একটি সাধারণ সূত্র সব ট্রাজেডির ক্ষেত্রে প্রযোজ্য হতে পারে না। বাস্তবিকই, যে ক্ষেত্রে terrible doing-এর দৃশ্য এবং তার পরিণাম দেখানো হয় সেখানে যে রূপ সক্রিয় সংগ্রামের তীব্ররূপ ফুটে উঠে, যে ক্ষেত্রে শুধু terrible suffering-এর দৃশ্য দেখানো হয় সেখানে সেরূপ সক্রিয় সংগ্রামের রূপ থাকে না; সেখানে নিরূপায় দুঃখদুর্ভোগেরই বিচিত্র রূপ দেখা যায়। এখানেই আসছে আর একটি সমস্তার কথা—‘ঐতিহাসিক চরিত্রের সক্রিয়তার-নিষ্ক্রিয়তার প্রশ্ন। এরিষ্টটল-এ বিষয়ে কোন নির্দেশ দেন নি এবং দেননি বোধহয় এই কারণেই যে তাঁর চোখে—‘those who have done something terrible’ তাদের সক্রিয়তার রূপটি যেমন প্রতিভা ত হয়েছিল, তেমনি প্রতিভা ত হয়েছিল তাদেরও নিষ্ক্রিয়তার রূপটি—যারা “have suffered something terrible” তিনি দেখেছিলেন—ট্রাজেডির আত্মা নিহিত থাকে—‘incidents arousing pity and fear’-এর মধ্যে, unmerited misfortune-এর মধ্যে এবং সেই সব ঘটনা যেমন সক্রিয় ও সবল ব্যক্তির জীবনে ঘটতে পারে তেমনি নিষ্ক্রিয় ও দুর্বল ব্যক্তির জীবনেও ঘটতে পারে। বাস্তবিকই unmerited misfortune-এর ঘটনার উপস্থাপনাই যদি ট্রাজেডির মূখ্য উদ্দেশ্য হয় তাহ’লে নায়কের সক্রিয়তা নিষ্ক্রিয়তার মাত্রা বিচার করা অপরিহার্য ব্যাপার হয়ে দাঁড়ায় না। যদি একমাত্র সক্রিয় চরিত্রেরই অর্থাৎ যে চরিত্র, বাধা অতিক্রম করার জন্য সর্বশক্তি নিয়োগ করেছে এবং বিশেষ একটি লক্ষ্যে পৌঁছানোর জন্য সচেতন সংগ্রাম করছে—কনস্টিটুশনের ভাষায়—‘consciously striving towards a goal’ শুধু সেই চরিত্রেরই ‘misfortune’ ‘unmerited’ হ’তো—নিষ্ক্রিয়ের ‘misfortune’ unmerited হ’তো না, তা’ হ’তো—এ কথা বলা যেতো যে ট্রাজেডি-নায়ককে ‘সক্রিয়’ হ’তেই হবে—প্রতিকূল পরিস্থিতির বিরুদ্ধে অবিরাম

সংগ্রাম করতেই হবে। ট্রাজেডি জীবনের অলৌকিক দৃশ্যক্ষেত্র—
এ বিষয়ে কোন সন্দেহ নেই কিন্তু এ কথাও সত্য যে দ্বন্দ্বের রূপ ও পরিণাম
যুগ্মদান পক্ষের ক্রিয়া-প্রতিক্রিয়া সবক্ষেত্রে এক নয়।

এরিস্টটল নায়কের সক্রিয়তার উপরে সংলক্ষ্যভাবে কোন জোর না দিলেও
তঁারই—একটি কথাকে ভিত্তি করে পরবর্তীকালে চরিত্রের নিজের দায়িত্বের
প্রশ্নটি গুরুত্বলাভ করেছিল এবং দায়িত্বের প্রশ্নটি ধীরে ধীরে সক্রিয়ত্বের প্রশ্নে
পরিণত হয়েছিল। জার্মান দার্শনিক হেগেল, ট্রাজিক চরিত্রের পতনের মূলে
নিজ দায়িত্ব থাকবে—এ কথাটি এবং দ্বন্দ্ব বা সংঘর্ষই নাটকের প্রাণ—একথা খুব
জোরের সঙ্গে প্রচার করেছিলেন। ফলে এই সংস্কার বদ্ধমূল হ’তে থাকল যে
চরিত্র নিজের কাজের দ্বারাই দ্বন্দ্ব বা সংঘর্ষ সৃষ্টি করে এবং নিজের শোচনীয়
পরিণামের জন্তু নিজেই শেষ পর্যন্ত দায়ী। জার্মান সমালোচকরা বিশেষ করে—
Gervinus এবং Ulrici সেক্সপীয়র সমালোচনায় এই সূত্র প্রয়োগ করলেন
—এবং ‘চরিত্রই নিয়তি’ এই কথা প্রচার করতে থাকলেন। এরই ফল—
উনবিংশ শতাব্দীর শেষ পাদে ফাডিনাও ক্রনেতিয়ে—নাটকের মূলসূত্র খুঁজে
পেলেন—সক্রিয় ও সঁচৈতন সংগ্রামী নায়কের মধ্যে এবং ঘোষণা করলেন—
খাঁটি নাটকের নায়ককে ‘acted upon’ হ’লে চলবে না—acting
হতে হবে; খাঁটি নাটকের নায়ক বাধা অতিক্রম করার জন্তু নিরন্তর সংগ্রাম
করবে এবং লক্ষ্যে পৌঁছানোর জন্তু সর্বতোভাবে চেষ্টা করবে। ক্রনেতিয়ের
এই সিদ্ধান্ত সব নাট্যতত্ত্ববিদ মেনে নেননি—আর্চার, জোনস্, স্মার্ট প্রভৃতি
নাট্যবিদ তাঁর সিদ্ধান্তের বিরুদ্ধে সমালোচনা করেছেন এবং প্রমাণ করেছেন—
—এমন বহু সার্থক নাটক আছে যেখানে নায়ক “acted upon” অর্থাৎ
passive; এমন কি যেখানে নায়কের ইচ্ছা-শক্তি একেবারেই শুকিয়ে গেছে
এঁরা বলতে চান—নায়ক সক্রিয় ও নিষ্ক্রিয় দু’রকমই হ’তে পারে, সক্রিয়তার ও
নিষ্ক্রিয়তার মাত্রা চরিত্রে চরিত্রে ভিন্ন হয়। বড় বিচার ট্রাজেডি-রস আর সবই
ঐ রস সৃষ্টির উপায় মাত্র।

নায়কের সক্রিয়তা নিষ্ক্রিয়তার প্রশ্নটি আরো একটু বিশেষ সবিত্তারে আলোচনা করা আবশ্যিক। আগেই বলা হয়েছে—ট্র্যাজেডি আসলে মানুষের unmerited misfortune-এর কাহিনী অর্থাৎ মানুষের দ্বন্দ্ব সংকট ও শোচনীয় পরিণামের কাহিনী। এ কথা ঠিকই বটে যে ট্র্যাজেডিতে আমরা মানুষের সত্তাকে তীব্রতম উত্তেজনা নিয়ে প্রতিকূল পরিবেশের ছুনিবার চাপের বিরুদ্ধে প্রাণপণ বুঝাপড়া করতে দেখি—মানুষের সত্তার জৈবিক ও মানসিক সংকটের জটিল, ভীষণ ঐকান্তিক এবং শোচনীয় পরিণতির রূপ দেখি কিন্তু এ কথাও ঠিক যে ট্র্যাজেডিতে আমরা যে দ্বন্দ্বক্ষেত্র দেখি, সেখানে শুধু যে সক্রিয়ের ও নবল্য বুঝাপড়ার দৃশ্যই দেখা যায়, তা' নয়, নিষ্ক্রিয় ও দুর্বলকেও পরিবেশের চাপের তলে তিলে তিলে ক্ষয়ে যেতেও দেখা যায়; দেখা যায়—কোন ক্ষেত্রে ব্যক্তি নিজেই প্রবৃত্তির তাড়নায় পরিবেশকে প্রতিকূল করে তুলেছে—পরিবেশের উপরে তীব্র চাপের সৃষ্টি করে সমান ও বিপরীত প্রতিক্রিয়া জাগিয়ে তুলেছে এবং প্রবলতর চাপের বিরুদ্ধে নিষ্ফল সংগ্রাম ক'রে শোচনীয় পরিণতি লাভ করেছে। আবার কোন ক্ষেত্রে ব্যক্তি মহৎ প্রবৃত্তির প্রেরণায় অত্যাশ্চর্য গতি রোধ করতে যেয়ে প্রবলতর পরিবেশের নিষ্ঠুর আক্রমণের আঘাতে শোচনীয়ভাবে প্রাণ হারিয়েছে। কোনক্ষেত্রে বা আকস্মিক কারণে বা অথবা কোন অনিবার্য কারণে পরিবেশের পরিবর্তন ঘটায়, ব্যক্তি প্রতিকূল পরিস্থিতির আবেগে পতিত হয়ে অসহায়ভাবে দুঃখময় ভোগ করেছে এবং পরিস্থিতির বিরুদ্ধে মানসিক প্রতিক্রিয়া দেখানো ছাড়া আর কোন কিছুই করতে পারছে না। সব ক্ষেত্রেই দ্বন্দ্বের ক্ষেত্র এবং একের সঙ্গে অত্রের পার্থক্য শুধু চাপের বণ্টন ব্যাপারে। কোথাও ব্যক্তি-চাপ পরিবেশের উপরে বেশী মাত্রায় কাজ করে, কোথাও বা পরিবেশ ব্যক্তির উপরে বেশী মাত্রায় চাপ সৃষ্টি করে—এই বা পার্থক্য। কোন ক্ষেত্রে ব্যক্তি পরিবেশকে চাপতে চাপতে সংকুচিত করে কোণঠাসা ক'রে ফেলে, শেষপর্যন্ত পরিবেশের হঠাৎ আক্রমণে পরিবেশের কাছে পরাজিত হয়; কোনক্ষেত্রে বা পরিবেশই ব্যক্তিকে চেপে

ধরে এবং চাপতে চাপতে নিষ্ক্রিয় ক'রে ফেলে—কার্যিক প্রতিক্রিয়ার পথকে এমন কি ইচ্ছাটুকুও বন্ধ ক'রে দেয় এবং শেষে গোচরীয় পরিণতির আবর্তে তলিয়ে দেয়। দুই ক্ষেত্রেই চরিত্র “up against something” বটে কিন্তু স্বপ্নের গতি ও প্রকৃতি দুই ক্ষেত্রে ভিন্ন। সূত্ররাং এ কথা মনে রাখতে হবেই যে ট্র্যাজেডির চরিত্র সর্বত্র এবং সর্বদাই ‘acting’ হবে এমন কোন কথা নেই, —“acted upon” বা “passive”ও সে হ'তে পারে। যে ক্ষেত্রে চরিত্র সক্রিয় সে ক্ষেত্রে দর্শকের ঔৎসুক্য—দর্শকের ঔৎসুক্যই বড় কথা—চরিত্রের ক্রিয়াপরম্পরাকে অনুসরণ করে এবং যেক্ষেত্রে চরিত্র নিষ্ক্রিয় সে ক্ষেত্রে চরিত্রের দুঃখ-হুভোগের ক্রমবিনিপাত এবং পরিণতি দেখাব জন্ম দর্শকরা উৎসুক থাকে। মনে রাখতে হবে—ঔৎসুক্যের উদ্বেগধনে নাটকের আরম্ভ ঔৎসুক্যের ক্রমবৃদ্ধিতে নাটকের অগ্রগতি এবং ঔৎসুক্যের অবসানেই নাটকের উপসংহার। ষতক্ষণ এ সিদ্ধান্ত করা না যাবে যে একমাত্র সক্রিয় চরিত্রেরই ক্রিয়াকলাপ ঔৎসুক্যের জনক, নিষ্ক্রিয় চরিত্রের ক্রিয়াকলাপ ঔৎসুক্যজনক নয়, ততক্ষণ এ সিদ্ধান্তও করা যাবে না যে সক্রিয় চরিত্রই একমাত্র নাটকীয় চরিত্র, নিষ্ক্রিয় চরিত্র নাটকীয় নয়—শুধু সক্রিয় চরিত্রেব ক্রিয়াই দর্শকচিত্ত আকর্ষণ করতে সমর্থ, নিষ্ক্রিয় চরিত্রের প্রতিক্রিয়া দর্শকচিত্ত আকর্ষণ করতে সক্ষম নয়। লক্ষ্য ছেড়ে দিয়ে উপলক্ষ্য নিয়ে বিবাদ ক'রে কোন লাভ নেই। লক্ষ্য—ট্র্যাজেডি রস আর সবই ঐ লক্ষ্যে পৌঁছাবার উপায় মাত্র। সক্রিয় চরিত্র অবলম্বনেই রস সৃষ্টি করা হোক আর নিষ্ক্রিয় চরিত্র অবলম্বনেই রস সৃষ্টি করা হোক—রসসৃষ্টিই আসল লক্ষ্য। রস নিষ্পন্ন হ'লে—‘ট্রাজিক ইম্প্রেশান’ সৃষ্টি হ'লে,—উপাদান যোজনায় সূত্র নিয়ে চুল চেরা বিচারে প্রবৃত্ত হওয়ার প্রয়োজন কি ?

এই প্রশ্নেই, সক্রিয়তার প্রত্যক্ষতা ও পরোক্ষতা সম্পর্কে দু'একটি কথা বলা আবশ্যক। ‘সক্রিয়’ বলতে বুঝায় সেই চরিত্রকেই যে চরিত্র পরিবেশের চাপের বা বাধার বিরুদ্ধে যথোপযুক্ত প্রতিক্রিয়া দেখাতে পরাভূত হয়

না—প্রতিকূল পরিবেশের আক্রমণের মুখে, পালিয়ে না যেয়ে আক্রমণ প্রতিহত করতে যথাসাধ্য চেষ্টা করতে থাকবে। যে ক্ষেত্রে এই চেষ্টা প্রত্যক্ষ অর্থাৎ চরিত্রের প্রত্যক্ষ আচরণের ভিতর দিয়ে ব্যক্ত, সেখানে সক্রিয়তা প্রত্যক্ষ, আর যেখানে তা পরোক্ষভাবে অর্থাৎ অগ্ন্যগ্ন চরিত্রের বর্ণনার ভিতর দিয়ে প্রকাশিত সেখানে সক্রিয়তা পরোক্ষ। আমরা অনেক সময় পরোক্ষ সক্রিয়তাকে নিষ্ক্রিয়তা ব'লে ভুল ক'রে থাকি—এবং প্রত্যক্ষতাকে ও সক্রিয়তাকে এক ব'লে মনে করি। নীলদর্পণ নাটকের নবীনমাধব চরিত্রটি এর ভাল দৃষ্টান্ত। নবীনমাধবকে নিষ্ক্রিয় বলার পক্ষে কোন প্রবল যুক্তি নেই। কারণ নবীনমাধব নীলকর সাহেবদের অত্যাচারের বিরুদ্ধে যথাসাধ্য প্রতি-ক্রিয়া দেখিয়েছে; যেখানেই এবং যে ভাবেই অত্যাচার আশু—তার প্রতিবিধানে তৎপর হ'য়েছে—নীলকরদের অত্যাচার ও অগ্ন্যগ্ন জুলুমের সামনে যথেষ্ট সাহস দেখিয়েছে। তবে এই কথা বলা যেতে পারে যে নবীনমাধবের ক্রিয়াগুলি যতটা পরোক্ষভাবে উপস্থাপিত হয়েছে ততটা প্রত্যক্ষভাবে উপস্থাপিত হয়নি। অতএব নবীনমাধব পরোক্ষ সক্রিয় চরিত্র বটে, কিন্তু নিষ্ক্রিয় চরিত্র নয়। দৃষ্টকাব্যে মুখ্য মুখ্য ঘটনাকে দৃষ্ট করা, চরিত্রের আচরণকে যথাসম্ভব প্রত্যক্ষ ক'রে তোলা বাঞ্ছনীয়—এ কথা অবশ্য স্বীকার্য; কিন্তু এ কথাও অবশ্য লক্ষণীয় যে নাটকে সব কিছুকে দৃষ্ট করার অবকাশ থাকে না; অনেক কিছুকে পরোক্ষভাবে উপস্থাপিত করতে হয়। অবশ্য পরোক্ষতার মাত্রা বেশী থাকলে নাট্যলক্ষণে ঘাটতি পড়ে, চরিত্রের প্রত্যক্ষ ক্রিয়ার মাত্রা কম হয়। তা'ই বলে এ কথা ঠিক নয় যে পরোক্ষভাবে উপস্থাপিত হ'লেই চরিত্র স্বভাবে নিষ্ক্রিয় হ'তে বাধ্য।

আগেই বলেছি—আসল বিচার্য—ট্র্যাজেডি-বোধ জাগে কি না সেই প্রশ্নটি। এই বোধটি নাটকে নানা কারণে খণ্ডিত বা আচ্ছন্ন হতে পারে এবং তার ফলে নাটকখানি ট্র্যাজেডির মর্যাদা থেকে ভ্রষ্ট হ'য়ে যেতে পারে। ট্র্যাজেডির যিনি প্রথম সূত্রকার সেই এরিষ্টটলও লক্ষ্য করেছিলেন ট্র্যাজেডির আসল রসের স্বরূপ

বুঝতে না পেরে কেউ কেউ ভয়ানক রঙ্গের স্থলে বীভৎস রঙ্গ সৃষ্টি ক'রে বসেন এবং তাঁর মতে “Those who employ spectacular means to create a sense not of the terrible, but only of the monstrous are stranger to the purpose of tragedy !” যেহেতু ট্রাজেডি serious imitation সেখানে—“within the action there must be nothing irrational”। মোটকথা এরিস্টটল এই কথাই ব'লতে চেয়েছিলেন যে দু'টো কারণে ট্রাজেডির ট্রাজেডিক্স-হানি ঘটতে পারে—এক, অমুপযুক্ত ভাবের উদ্দীপনা দুই,—অমুচিত ঘটনার সন্নিবেশ। বাস্তবিকই ট্রাজেডির উদ্দেশ্য এমন একটি ভাবের উদ্বেগ করা—যার আত্মদনের জন্ত চিন্তের বিশেষ মনোভঙ্গী বা ভাবগুদ্ধি থাকা চাই—বিষয়বস্তু গ্রহণে ঐকান্তিক আন্তরিকতা এবং ঘটনার প্রকৃতি সম্বন্ধে গভীর গুরুত্ববোধ থাকা চাই। প্রকৃত শোচনার উদ্বেগ দর্শকচিন্তের আন্তরিক সহানুভূতি ও গুরুত্ববোধের মাত্রার উপরে নির্ভর করে ব'লেই যা' আন্তরিকতার লাঘব করে, গুরুত্ববোধের হানি ঘটায়, তা' ট্রাজেডির পরিপন্থী ব'লেই গণ্য হয়ে থাকে। অতএব সার্থক ট্রাজেডি সৃষ্টি কর'তে হ'লে—এমন একটি বাস্তবকল্প ঘটনা বা সংকট উপস্থাপিত ক'রতে হবে যা'কে মানুষ ঐকান্তিক আগ্রহে এবং একাগ্রচিত্তে গ্রহণ করতে প্রস্তুত থাকে এবং এমনভাবে তাকে উপস্থাপিত করতে হ'বে যা'তে ঘটনার বাস্তবতা তথা গুরুত্ব কোন রকমে ব্যাহত না হয়। সংকটের বাস্তবতা অকৃত্রিমতা এবং গভীরতা যেখানে থাকে না সংকট সেখানে অনিবার্য এবং অপরিহার্য রূপে দেখা দেয় না, সেখানেই ঘটনার আপাতগুরুত্ব থাকা সত্ত্বেও নাটক ট্রাজেডি-ধর্ম হারিয়ে ফেলে ; কারণ নাটকে জীবন-সংকট, তীব্র দুঃখবিশ্ব এবং শোচনীয় পরিণতি তথা গভীর জীবন সমালোচনা দেখানোর অভিপ্রায় ঘটনা-চমৎকারিত্ব সৃষ্টি চেষ্টার দ্বারা আচ্ছন্ন হয়ে যায়—নাটকের আপাতগুরুত্ব লঘু ঘটনা-রসে পর্যবসিত হ'য়ে যায়। একমাত্র সেই সমস্ত ক্ষেত্রেই ট্রাজেডি মেলো-ড্রামার পংক্তিতে নেমে যায়। আবার যেখানে প্রকৃত কোন সংকটকে নাট্যকার

বাস্তবিক অর্থাৎ স্বাভাবিক ঘটনার কার্যকারণনিয়ম সম্মত বিজ্ঞানসের সাহায্যে উপস্থাপিত করতে পারেন না—চরিত্রের ক্রিয়া-প্রতিক্রিয়াকে স্বাভাবিক আচরণের মাত্রার মধ্যে সীমাবদ্ধ রাখতে পারেন না, সেখানেও নাটকের হেয় বা লঘু হয়ে পড়ার সম্ভাবনা দেখা দেয় এবং তা দেয় এই কারণেই যে অস্বাভাবিক ঘটনা বা আচরণে মন বিমুগ্ধ হতে থাকে এবং বিমুগ্ধ হ'তে হ'তে শেষ পর্যন্ত সমগ্র কাহিনীর বা সংকটের গুরুত্বে সন্দ্বিহান হয়ে পড়ে। যেখানে এই সব অস্বাভাবিক ঘটনায় বা আচরণের আধিক্যে দর্শকমনের আগ্রহ; ঐকান্তিকতা, সংকট-ঔৎসুক্য, এক কথায় গুরুভঙ্গিমা নষ্ট হয়ে যায় সেখানেও নাটক ট্র্যাজেডি-রূপ হারিয়ে ফেলে। সুতরাং নাটক ট্র্যাজেডি হয়েছে অথবা মেলোড্রামায় পর্যবসিত হ'য়েছে—এ বিচার করার একমাত্র এবং শেষ উপায় নাটকে যে জীবন-সমালোচনা করা হয়েছে তার আন্তরিকতা স্বাভাবিকতা ও গভীরতার মাত্রা পরিমাপ করা অর্থাৎ—যে জীবনের ট্র্যাজেডি দেখানো উদ্দেশ্য হয়েছে তার misfortune” দর্শকচিত্তে কতখানি গুরু মনোভঙ্গী সৃষ্টি করতে পেরেছে তার হিসাব করা। যেখানে সংকটের অবাস্তবতায় হৃদয়ের ও দুঃখহুর্ভোগের গুরুত্ব নষ্ট হয়ে যায় অথবা অবাস্তবতায় হৃদয়ের ও দুঃখহুর্ভোগের গুরুত্ব নষ্ট হয়ে যায় অথবা অবাস্তবিক ঘটনার ও আচরণের লঘুতায় জীবন-সমালোচনার আন্তরিকতা ও গভীরতা মারাত্মক রকমে ক্ষুণ্ণ হয়, সেখানেই নাটক ট্র্যাজেডির অকৃত্রিম গুরুত্ব ও গাভীর্য হারিয়ে মেলোড্রামায় পর্যবসিত হয়। মেলোড্রামা ও ট্র্যাজেডির সম্পর্ক নিয়ে ঝারাই আলোচনা করেছেন তাঁরাই এ কথা বলেছেন যে মেলোড্রামার লক্ষ্য—অগভীর, আকস্মিক ও চমকপ্রদ ঘটনার আবেদনে চিত্তকে উত্তেজিত ও কৌতুহলী ক'রে রাখা—“mere insistence on incident”—শুধু ঘটনার চমক ও বৈচিত্র্য দিয়ে দর্শকের মন ভোলাবার চেষ্টা করা। আর ট্র্যাজেডির উদ্দেশ্য—জীবনের সংকট ও শোচনীয় দুঃখহুর্ভোগের অকৃত্রিম ও সূগভীর রূপকে ব্যক্ত করা—ঘটনাকেলক্ষ্য হিসাবে ব্যবহার না করে, জীবনাবেগ উপস্থাপনার উপায় হিসাবে প্রয়োগ করা। একে—জীবনকে উপলক্ষ্য

ক'রে ঘটনার চমৎকারিত্ব দেখানো, অন্ত্রে—ঘটনাকে উপলক্ষ্য করে জীবনরহস্তের ভাগ্যবিপর্যয় ও দুঃখ দুর্ভোগের গভীরে প্রবেশ করার চেষ্টা। মেলোড্রামায় ঘটনা নিজেকে দেখায়, ট্রাজেডিতে ঘটনা জীবনরহস্তের উপরে আলোকপাত করে—সত্তার গভীর সংকট এবং শোচনীয় বিপত্তি পরিণতিকে দেখায়। এখানেই দু'য়ের মৌলিক পার্থক্য। এই মৌলিক পার্থক্যের স্বরূপটি বুঝতে না পারলে ট্রাজেডিকে মেলোড্রামা এবং মেলোড্রামাকে ট্রাজেডি ব'লে ভুল করার সম্ভাবনা আছে। সুতরাং শাস্ত্রকারগণ সমালোচকদের সতর্ক করার জন্য জানিয়ে রেখেছেন—মেলোড্রামাসুলভ ঘটনা থাকলেই নাটককে মেলোড্রামা বলতে হবে অথবা ট্রাজেডি লেখার চেষ্টা সার্থক না হলেই যে তা' মেলোড্রামায় পর্ববসিত হবে—এমন কোন কথা নেই। তাঁরা বলতে চেয়েছেন এই যে মেলোড্রামার মতো চমকপ্রদ বা আকস্মিক ঘটনা সত্ত্বেও যেখানে সংকটের বাস্তবতা তথা গুরুত্ব অক্ষুণ্ণ থাকবে, জীবনরহস্তাণ্বেষণের ঐকান্তিকতা এবং ভাগ্যবিপর্যয়ের দুঃখযন্ত্রণাকে ও পরিণতিকে অকৃত্রিম আলোকে উপস্থাপিত করার চেষ্টা অধ্যাপক নিকলের ভাষায় 'inwardness and universality' থাকবে, সেখানে নাটক ট্রাজেডির মর্যাদাতেই প্রতিষ্ঠিত থাকবে। লঘুত্বজনক এবং গুরুত্বজনক উপাদানের কাটাকাটির ফলে—যেখানে লঘুত্বজনক উপাদান অর্থাৎ লঘুত্ববোধ প্রাধান্য লাভ করে সেখানেই নাটক মেলোড্রামা আর যেখানে গুরুত্ববোধ প্রাধান্যলাভ করে সেখানে নাটক ট্রাজেডিই। মোট কথা দাঁড়াচ্ছে এই যে নাট্যকার যেখানে ঐকান্তিক আন্তরিকতায় জীবনের শোচনীয় সংকট এবং ভাগ্যবিপর্যয়ের (unmerited misfortune) বেদনাকে রূপ দিতে চেষ্টা করেন, যেখানে ঘটনা চমৎকারিত্বকে ছাপিয়ে জীবনাবেগের অকৃত্রিমতা ও করুণ পরিণতির কথা বড় হয়ে উঠে, যেখানে ঘটনা 'এহ বাহু' হয়—আগে মনে ভাসে সংকটের তীব্র আবর্তের রূপ, অন্তর্দাহের মর্মান্তিক যন্ত্রণায় ছবি, মনে আগে পরিণতির জন্য আন্তরিক শোচনা সেখানে নাটককে ট্রাজেডি ছাড়া আর কিছুই বলা চলবে না। ট্রাজেডিতে চমকপ্রদ আকস্মিক এবং অকারণ ঘটনাকে

অবশ্যই দোষ বলতে হবে। কিন্তু এ দোষ অঙ্গ-দোষের মত সেই পর্যন্তই উপেক্ষণীয়, যে পর্যন্ত তা প্রাণান্তক না হয়—ট্রাজেডির আত্মাকে হনন না করে। এখানেই সমালোচকের অগ্নিপরীক্ষা। দোষ কোথায় এবং কতখানি আত্মাকে স্পর্শ করেছে, কোথায় তা আঙ্গিক খুঁত মাত্র হয়েছে—এই বিচারে যিনি যত নিখুঁত পরিমাপ করতে পারেন, তিনি তত বড় সমালোচক। তিনিই বুঝতে পারেন কোথায় মেলোড্রামাসুলভ ঘটনা থাকলেও নাটকের মেলোড্রামা বলা হবে না—কোথায় গুরুত্ব (সিরিয়াসনেস) অকৃত্রিম এবং কোথায় তা কৃত্রিম।

আগেই বলেছি, কৃত্রিম গুরুত্ব, কৃত্রিম সংকট সৃষ্টির চেষ্টা থেকে অথবা যথার্থ সংকটকে অবাস্তবিক রূপের মধ্যে অঙ্গ দেওয়ার চেষ্টা থেকে জন্ম নিতে পারে। যেখানে সংকটেরই কৃত্রিমতা সেখানে লঘুত্ব বিষয়েরই মধ্যে অর্থাৎ আত্মার মধ্যেই নিহিত—যেখানে উপস্থাপনার কৃত্রিমতা সেখানে লঘুত্ব অঙ্গজনিত। যেখানে সংকট স্বভাবে কৃত্রিম, সেখানে নাটকে—“mere insistence on incidents” অনিবার্যভাবেই আসে, আর যেখানে সংকটের ধ্যান অস্পষ্ট, যেখানে সংকটের সৃষ্টি-স্থিতি-লয়ের রূপ অপরিচ্ছন্ন, সেখানে ঘটনার ক্রম অস্বয় ও বাস্তবতা ক্ষুণ্ণ না হয়ে পারে না। এই ঘটনার ক্রম অস্বয় ও বাস্তবতা যেখানে আপত্তিকর অর্থাৎ বিরক্তিজনক মাত্রায় ক্ষুণ্ণ হয় সেখানে নাটক মেলোড্রামার স্তরে নেমে যায়। তাই অধ্যাপক নিকল যেখানে মেলোড্রামার লক্ষণ নির্দেশ করতে যেয়ে—“mere insistence on incidents”-এর উপরে জোর দিয়েছেন, সেখানে Lajos Egri তাঁর ‘The Art of Dramatic writing’ গ্রন্থে মেলোড্রামার ও ড্রামার পার্থক্য নির্দেশ করতে যেয়ে সিদ্ধান্ত করেছেন—“In a melodrama the transition is faulty or entirely lacking. Conflict is over emphasized. The characters move with lightning speed from one emotional peak to another—the result of their one dimensionality. The lack of transition produces melodrama.”

একদিকে সংকটের বা স্বপ্নের কল্পিততা। অতীতকে উপস্থাপনার মারাত্মক অবাস্তবিকতা— নাটকে মেলোড্রামায় পরিণত করে।

এবার—গোড়ার প্রশ্নগুলির উত্তর দেওয়ার চেষ্টা করা যাক এবং তা' করার আগে প্রশ্নগুলিকে চোখের সামনে সাজিয়ে রাখা যাক।

(ক) প্রফুল্ল রসোত্তীর্ণ ট্রাজেডি হয়েছে কি না ?

(খ) প্রফুল্ল ট্রাজেডি না হয়ে মেলোড্রামা হয়েছে কি না ?

(গ) প্রফুল্লকে ট্রাজেডি না বলে প্যাথোটিক বা ক্লগরসাত্মক নাটক বলা হবে কি না ?

প্রথমতঃ, বিচার করে দেখা যাক—প্রফুল্ল রসোত্তীর্ণ ট্রাজেডি হয়েছে কি না। এই প্রশ্নের মীমাংসা করতে গেলে হিসাব করে দেখতে হবে যে প্রফুল্ল নাটক পড়ার বা দেখার পরে পাঠকের বা দর্শকের মনে প্রফুল্ল চরিত্রের পরিণাম বা যোগেশ চরিত্রের calamity and suffering দেখে 'unmerited misfortune' বোধ তথা শোচনা জাগে কি না, দেখতে হবে—প্রফুল্লের জীবনে যে অবস্থায় এবং যে ভাবে শেষ হয়েছে তা' ট্রাজেডি সংবিদ উদ্ভেক করার উপযুক্ত কিনা; 'এবং যোগেশের জীবনে যে বিপত্তি দেখা দিয়েছে, যোগেশ যে আঘাত ও যাতনা পেয়েছে যেভাবে এবং যতখানি আত্মহার। এবং অসাড় হয়েছে তা' ট্রাজেডিবোধ জাগাতে সমর্থ কি না এবং সঙ্গে সঙ্গে দেখতে হবে ঘটনাগুলি তেমনভাবে ঘটেছে কিনা যেমনভাবে ঘটলে ট্রাজেডি-সংবিদের ধারণাত্মক এবং আবেগাত্মক উভয় দিকই অক্ষুণ্ণ থাকে। অর্থাৎ দেখতে হবে—ঘটনাগুলি স্বরূপতঃ ট্রাজেডি-বোধের উদ্ভোধক কি না এবং যেভাবে তারা ঘটেছে তা ঐ বোধের উদ্দীপক হতে পারে কি না।

এ কথা বলা বাহুল্য যে প্রফুল্ল নাটক একটি স্থায়ী পরিবারের ভাগ্যবিপর্যয়ের অর্থাৎ 'misfortune'-এর কাহিনী, যোগেশের ভাষায় বললে—সাজানো বাগানের শুকিয়ে যাওয়ার দৃশ্য। এ কথাও বাহুল্য যে এই নাটকে একাধিক চরিত্রের ভাগ্যে দুঃখ-দুর্দশা ও বিপত্তি ঘটেছে—বিশেষ করে প্রফুল্ল, যোগেশ

এবং জ্ঞানদার ভাণ্ডে। এইটুকু বুঝতে বা স্বীকার করতে কারো কোন ক্ষতি হয় না, কারণ এটুকু খুবই স্পষ্ট। সুতরাং প্রফুল্লকে ট্রাজেডি বলার কুণ্ঠা যদি আসে তা' আসতে পারে এই কথা মনে করার ফলেই যে এই নাটকে একটি সুখী পরিবারের ভাগ্যবিপর্যয়ের যে দৃশ্য দেখানো হয়েছে—প্রফুল্ল বা যোগেশের জীবনে যে বিপত্তি ও দুঃখ-দুর্দশা ঘটেছে—তা যথেষ্ট মাত্রায় “শোচনীয়” হয়নি অর্থাৎ ভাগ্যবিপর্যয়কে এমন এমন ঘটনার সাহায্যে উপস্থাপিত করার চেষ্টা করা হয়েছে যাতে দুঃখ-দুর্ভোগ-যন্ত্রণার গুরুত্ব তথা শোচনীয়ত্ব নষ্ট হয়ে গেছে। অতএব প্রফুল্ল ট্রাজেডি কি না এই প্রশ্নের মীমাংসা নির্ভর করছে—কুণ্ঠা অমূলক কি সঙ্গত এই প্রশ্নটির মীমাংসার উপরে। প্রথমতঃ প্রফুল্লকে আমরা সাজানো বাগানের শুকিয়ে যাওয়ার ট্রাজেডি হিসাবে বিচার করে দেখতে পারি। নাটকের প্রারম্ভে নাট্যকার অতি নৈপুণ্যের সঙ্গে কতকগুলি স্পষ্টেরেখার সাহায্যে সাজানো বাগানের ছবি কুটিয়ে তুলেছেন। মা'কে নিয়ে তাঁর যোগ্যার অব্যবহিত পূর্বে যোগেশ সম্পত্তি চিহ্নিত করতে গিয়ে নিজের অক্লান্ত সাধনার এবং পারিবারিক সমৃদ্ধির ও সুখের যে সুন্দর একটি ছবি আমাদের সামনে তুলে ধরেছেন, তাতে নাট্যকারেরও ‘exposition’-ক্ষমতা ফুটে উঠেছে। এই ক্ষমতাকে নাট্য-শাস্ত্রকাররা বলেছেন “dramatization of information”—সংবাদকে ক্রিয়াসং করে তোলার, চরিত্রের স্বাভাবিক আচরণের অন্তর্ভুক্ত করার ক্ষমতা। যোগেশের সম্পত্তি চিহ্নিত করণের ভিতর থেকে যে সব তথ্য উৎখিত হয়েছে তা থেকে আমরা জানতে পারি—যোগেশ অতি দীন-দরিদ্র অবস্থা থেকে শ্রম ও সততাগুণে নিজের সৌভাগ্য গড়ে তুলেছেন—প্রচুর ধন সম্পত্তির মালিক হয়ে সমাজে প্রতিষ্ঠা লাভ করেছেন—মা, দুই ভাই, স্ত্রী-পুত্র এবং ভ্রাতৃ-বধূ নিয়ে সুখে দিনযাপন করেছেন। আরো জানা যায় যোগেশ শৈশবে পিতৃহীন হওয়ার পরে মা ও দুই ভাইকে নিয়ে বস্তির এক কুঁড়ে ঘর ভাড়া করে বাস করেন এবং অক্লান্ত পরিশ্রমের এবং সংভাবের দ্বারা ব্যবসায়ের

ধন ও স্তন্যম অর্জন করেন—দুই ভাইকে মাহুষ করবার জ্ঞাত বধাদায়ে চেষ্টা করেন—রমেশকে উকিল করেছেন, হরেশকে মাহুষ করতে পারেন নি। এই ভাবে যোগেশ এক সুখী পরিবারের উপযুক্ত কর্তা ও কেন্দ্রীয়পুরুষ।

কিন্তু এই সুখী পরিবারের (সাজানো বাগানেরও) জীবনকাঠি নিহিত ছিল রি-ইউনিয়ন ব্যাঙ্কের কোষাগারে। রি-ইউনিয়ন ব্যাঙ্ক ফেল হওয়ায় পারিবারিক সৌভাগ্য চরম সংকটের সম্মুখীন হল। পাণ্ডনাদারদের পাওনা মেটাতে গেলে যোগেশকে আবার ক্ষতুর হয়ে যেতে হবে—পাওনা না মেটালে সততা ও স্তন্যম হারিয়ে মহাস্তম্ভের দিক দিয়ে দেউলে হতে হবে। যোগেশের জীবনে মহাসংকট উপস্থিত হলো। যোগেশ অস্থির হলেও সততা ও স্তন্যম রক্ষার সংকল্পে স্থির থাকলেন—সব কিছু বিক্রয় করে পাণ্ডনাদারদের দায় মেটাবার সংকল্প করলেন। কিন্তু এহ পরিস্থিতিতে আর একদিক থেকে আরো এক বড় বিপদ দেখা দিল। মেজো ভাই রমেশ উকিল; তার কাছে সততা স্তন্যমের চেয়ে সম্পত্তি অধিক কাম্য। যোগেশের স্থির সাধু সংকল্পের গ্রাস থেকে ধনসম্পত্তি বাঁচাবার জ্ঞাত রমেশের উকিল মস্তিষ্ক সক্রিয় হয়ে উঠল। তার দু-প্রবৃত্তি মাথা চাড়া দিয়ে উঠল। যোগেশের ধনসম্পত্তি আত্মসাৎ করবার জ্ঞাত রমেশ বদ্ধপরিকর হল এবং জ্ঞাত্যের স্রোতে পানি ভাসিয়ে দিল।

যোগেশের অপ্রকৃতিস্থ অবস্থার স্বযোগে রমেশ যোগেশের সেই চুরি করে সমস্ত সম্পত্তি বেনামী অর্থাৎ আত্মসাৎ করল। যোগেশ বুঝতে পারলেন—সংসারে সকলেই বিষয় চায়, তাঁকে কেউ চায় না। যোগেশের জোছোর নাম রটে গেল—যোগেশের অন্তরাত্মার অপমৃত্যু ঘটল। রমেশ অবিকার কায়ম করবার জ্ঞাত হরেশকে জেলে পাঠাল এবং যোগেশকে বাড়ী থেকে বিতাড়িত করল। যোগেশের বিপত্তি ও দুঃখযন্ত্রণা বোলকলায় পূর্ণ হল—অন্তরে বাহিরে যোগেশ রিক্ত হয়ে গেলেন। স্বী-পুত্রের হাত ধরে যোগেশ আবার এক বস্তির কুঁড়ে ঘরে আশ্রয় নিলেন। অন্তরে মর্মান্তিক

দাহ—জোচ্চোর নামের বৃশ্চিক দংশন—ক্রমবর্ধমান অসাড়তা—বাইরে হুঃসহ অভাবের তাড়না ও পীড়ন। এত করেও রমেশ ক্ষান্ত হইল না। নিকটক হওয়ার জ্ঞান পাপের শেষ ধাপে নেমে গেল—যোগেশের একমাত্র পুত্র যাদবকে হত্যা করার যড়যন্ত্র করল। যোগেশের অসাড়তার সুযোগে যাদবকে হস্তগত করে বিষ প্রয়োগ করবার ব্যবস্থা করল। রমেশের জ্ঞান প্রফুল্ল নিজের প্রাণ বিসর্জন করে যাদবকে রক্ষা করল—শেষ পর্যন্ত রমেশকে পুলিশ গ্রেপ্তার করল। মাহুষ-যোগেশের প্রেত-মূর্তি শুকিয়ে যাওয়া সাজানো পাগানের দিকে এসে শব্দ দার্ঘ্যবাস ফেলা ছাড়া আর কিছুই করতে পারল না। সুতরাং এই সিদ্ধান্ত অবশ্যই করা যেতে পারে—প্রফুল্ল নাটকে প্রফুল্লের বা যোগেশের ব্যক্তিগত ট্রাজেডি যাই হোক না কেন—একটি সাজানো বাগান শুকিয়ে যাওয়ার ট্রাজেডি যে ফুটে উঠেছে সে বিষয়ে কোন সন্দেহ নাই। এ কথা কেউই অস্বীকার করতে পারবেন না যে সং ও অধ্যবসায়ী যোগেশের সুখী পরিবারটি সংকটের আবর্তে ঘুরপাক খেতে খেতে শোচনীয় পরিণামের অতলে তলিয়ে গেছে। রমেশ যোগেশকে জীবনমৃত করেছে—মাকে পাগল করেছে, জ্ঞানদাকে অনাচারে মেরেছে এবং প্রফুল্লকে গলা দিগে হত্যা করেছে এবং শেষ পর্যন্ত নিজে কারাগারে গিয়েছে শিশু ও নারী হত্যার দায়ে। পরিবারটি যে মৃত্যু বা অপমৃত্যুতে ছিন্নভিন্ন হয়ে গেছে—এ বিষয়ে যেমন কোন সন্দেহই নেই তেমনি যে পরিস্থিতিতে ঐ মৃত্যুর বা অপমৃত্যুর ঘটনা ঘটেছে তার বাস্তবতা সন্দেহও মনে তেমন রসভঙ্গকারী প্রশ্ন জাগে না। এ কথা স্বীকার করতেই হবে যে প্রফুল্ল নাটকে যে সব ‘calamity and suffering’-এর ঘটনা দেখানো হয়েছে—তার সামগ্রিক ফল—“fear and pity”। এই হিসাবে প্রফুল্ল একগানি যথার্থ পারিবারিক ট্রাজেডি।

এখানেই এবং এখনি প্রশ্ন উঠবে—পারিবারিক ট্রাজেডি হলেও নামকরণের ইঙ্গিত অনুসরণ করে, নাটকখানিকে প্রফুল্লের ট্রাজেডি হিসাবে গণ্য করা চলে না কি? প্রফুল্লকে—‘she-tragedy’ বলা যায় না কি?

এ কথা তো স্বীকার করতেই হবে যে নাট্যকারের মনে ‘প্রফুল্ল’ যে কোন কারণেই হোক, একটি বিশিষ্ট স্থান অধিকার করেছিল এবং সেই কারণেই তিনি নাটকখানির নাম রেখেছিলেন—“প্রফুল্ল”। কৃষ্ণকুমারীর ট্রাজেডির আদর্শ বা ‘সরলা’র অভিনয় সাফল্যের প্রেরণা—যেটাই প্রেরণা হিসাবে কাজ করুক, এই অল্পমান খুবই স্বাভাবিক যে গিরিশচন্দ্র প্রথমতঃ নিরপরাধ বালিকা বধূর (প্রফুল্লের) নিরুপায় আত্মদানের ট্রাজেডিকেই বিষয়বস্তু হিসাবে নির্বাচন করেছিলেন এবং প্রফুল্লের ট্রাজেডি দেখানোই তাঁর উদ্দেশ্য ছিল। কিন্তু তদানীন্তন পারিবারিক পরিবেশে একটি সরলা বালিকা বধূর ট্রাজেডি স্থাপনা করতে যেয়ে গিরিশচন্দ্র যে পরিস্থিতি গ্রহণ করলেন তাতে একটি যৌথ পরিবারের ভাঙন পটভূমি স্বরূপে অত্যাৱশ্যক ছিল। এই যৌথ পরিবারের ভাঙন দেখানোর তথ্য প্রফুল্লের ট্রাজেডির পরিস্থিতি সৃষ্টি করবার জন্য—নাট্যকার যোগেশের ট্রাজেডি দেখাতে বাধ্য হয়েছিলেন। যে root-action বা পরিস্থিতি দ্বারা নাট্যকার প্রফুল্লের ট্রাজিক পরিণতি দেখিয়েছেন তা তৈরি করতে—যোগেশের ঐরূপ মানসিক পক্ষাঘাত অপেক্ষিত, একটু বিশ্লেষণ করলেই তা উপলব্ধি করা যায়।

সকলেই জানেন—যাদবকে কেন্দ্র করেই ঐ পরিস্থিতির সৃষ্টি। যে যাদবকে শয়তান স্বামীর হাত থেকে রক্ষা করতে এসেই প্রফুল্লকে ঐভাবে প্রাণ দিতে হয়েছিল, সেই যাদবকে রমেশের হস্তগত করাতে হলে যোগেশকে এমন এক অসাড় অবস্থায় নিয়ে যাওয়া দরকার যে অবস্থার স্বেচ্ছাযোগে যাদবকে তুলিয়ে বা চুরি করে নিয়ে যাওয়া সহজ বা সম্ভব। সেই দিকে দৃষ্টি রেখেই নাট্যকার যোগেশের অবস্থা পরিবর্তনের পরিকল্পনা করে যোগেশের আর্থিক এবং মানসিক অবস্থার দ্রুত অবনতি দেখিয়েছেন—যোগেশকে ঘর থেকে পথে নামিয়ে এনেছেন এবং যোগেশের মনটিকে অসাড় করে তুলেছেন এবং সেই পরিস্থিতির পটভূমিতে প্রফুল্লের শোচনীয় পরিণতিকে স্থাপনা করতে চেষ্টা করেছেন।

প্রফুল্লের যে পরিণতি আমরা দেখি তা' অবশ্যই শোচনীয়! আমরা দেখি স্বামীকে জঘন্য দুষ্কার্য থেকে নিবৃত্ত করতে বেয়ে স্বামীর হাতেই সরল-প্রাণা বালিকাবধূর মৃত্যু ঘটেছে; রমেশ সরলপ্রাণা বালিকা প্রফুল্লকে গলা টিপে অতি নিষ্ঠুরভাবে হত্যা করেছে। মহাপ্রাণা সরলা বালিকার এই আত্মদান বাস্তবিকই মহনীয় ও শোচনীয়। প্রফুল্ল বয়সে বুদ্ধিতে এবং অধিকারে যত ক্ষুদ্রই হোক স্নেহ-প্রেম-ভক্তি-প্ৰীতির-নিষ্ঠায় সে অনেক বড়। প্রাণ বিসর্জন দিয়েও সে মূল্য রক্ষা করেছে—প্রাণপণে ধর্মের বিপর্ষয়কে রোধ করবার চেষ্টা করেছে—স্নেহ-প্রেম-ভক্তি—প্ৰীতিভিত্তিক যৌথ পরিবার—আদর্শের প্রতিনিধি যোগেশের বংশ (যাদবকে) রক্ষা করতে প্রাণ দিয়েছে। এই দিক থেকে দেখলে প্রফুল্ল নাটককে প্রফুল্লেরই ট্রাজেডি—“She-Tragedy” বলে গণ্য করা যেতে পারে।

কিন্তু, নাট্যকারের মূল উদ্দেশ্য যাই থাক, পটভূমিরূপী—যোগেশের ভাগ্য-বিপর্ষয়ের এবং দুঃখ-দুর্গতির ঘটনা এত বেশী প্রাধান্য পেয়েছে যে যোগেশের ট্রাজেডিই—সাজানো বাগান শুকিয়ে যাওয়ার ট্রাজেডিই—দর্শকচিতে অধিকতর প্রভাব বিস্তার করেছে। ফলে প্রফুল্লের কেন্দ্রীয়ত্ব যোগেশের আধিপত্য দ্বারা আচ্ছন্ন হয়েছে—নাটকখানি যোগেশের ট্রাজেডিতে পরিণত হয়েছে। এই কারণেই নামকরণের সাধারণ্য নিয়ে অনেক কথা উঠছে এবং সমস্তায় সমাধানের জন্ত নানা সমালোচক নানা যুক্তি প্রদর্শন করেছেন। প্রফুল্ল নাটকে কেন যোগেশের এই প্রাধান্য ঘটে গেছে একটু অনুধাবন করলেই—বুঝতে পারা যাবে। কৃষ্ণকুমারীর ট্রাজেডি মুখ্য উপস্থাপ্য হলও, ভীমসিংহের ট্রাজেডি যে কারণে কৃষ্ণার ট্রাজেডিকে ছাপিয়ে উঠেছে এখানেও সেই একই কারণে—পুরুষপ্রধান-পরিবারের মধ্যে কন্যার বা বালিকাবধূর ব্যক্তিগত প্রকাশের অবকাশ খুব অল্প বলেই—যোগেশ পরিবারের কেন্দ্র বলেই—নাট্যকারের অজ্ঞাতসারেই যোগেশের ট্রাজেডি ‘প্রফুল্লের’ ট্রাজেডিকে আচ্ছাদিত করে ফেলেছে। যতখানি সতর্কতা থাকলে কেন্দ্রীয় চরিত্রকে

কেজে রাখা সম্ভব হ'তো ততখানি সতর্কতা নাট্যকার এখানে রাখতে পারেননি বা রাখলেও নেতৃচরিত্রকে বহুপ্রত্যক্ষ করে দর্শকমনে বিশিষ্ট আসনে বসিয়ে দিতে পারেননি। যোগেশের সহজ প্রাধাণ্যকে চেপে দিতে হ'লে প্রফুল্লের ব্যক্তিত্বকে যতখানি প্রধান করে তোলা দরকার প্রফুল্লের বালিকাবধুর স্বাধীন সত্তার মাত্রার সঙ্গে সঙ্গতি রাখতে যেয়ে নাট্যকার তাকে ততখানি প্রধান করে তুলতে পারেন নি। ফলে যোগেশেব ট্রাজেডিই সমাধিক গুরুত্ব পেয়ে গেছে। অবশ্য ট্রাজেডি-বৃত্তের একাংশে প্রফুল্লের মুখখানিও স্পষ্টাকারে প্রতিভাত না হয় এমন নয়।

যোগেশের এই প্রাধাণ্য নাটকের ট্রাজেডিককে ক্ষুণ্ণ না করলেও নামকরণ বিষয়ে একটি সমস্তার সৃষ্টি করেছে। “জুলিয়াস সীজার” নাটকে ক্রটাসের ট্রাজেডি বলা এবং প্রফুল্লকে যোগেশের ট্রাজেডি বলা প্রায় একই রকম অসঙ্গত ব্যাপার—অন্ততঃ নাট্যকারের সাধ ও সাধোর বৈষম্যের প্রতি যে কটাক্ষ করা এ বিষয়ে কোন সন্দেহ নেই। নাট্যকারের সাধ যেখানে জুলিয়াস সীজারের ট্রাজেডি উপস্থাপনা কবা যেখানে সীজারের প্রতিপক্ষ ক্রটাসের ট্রাজেডি প্রাধাণ্য লাভ করলে নাট্যকারের সাধোর প্রতি অনাস্থা জাগা খুবই স্বাভাবিক। এ ক্ষেত্রেও সেই একই কথা প্রযোজ্য তবে এক্ষেত্রে একটি ‘কিন্তু’ রয়েছে। এই কিন্তুটি এই যে প্রফুল্ল এবং যোগেশ পরস্পর ভিন্নগোত্রীয় নয়—তারা একই মূল্যের উপাসক এবং দু'জনেরই অন্তরাত্মা একই ধাতুতে গঠিত। দু'জনেরই কামনা—মানবিক মূল্য সুরক্ষিত হোক—অকৃত্রিম স্নেহ-প্রেম-ভক্তি-প্রীতির ভিত্তির উপর সংসার সুপ্রতিষ্ঠিত থাক। যে মূল্য হারিয়ে বা যে মূল্যকে নষ্ট হতে দেখে যোগেশের ট্রাজেডি, সেই মূল্যকে বাঁচাতে যেয়ে, সেই নষ্ট মূল্যকে উদ্ধার করতে যেয়ে প্রফুল্লের ট্রাজেডি। অতএব যোগেশের ট্রাজেডির সঙ্গে—‘সাজানো বাগান’ শুকিয়ে যাওয়ায় ট্রাজেডির সঙ্গে—প্রফুল্লের ট্রাজেডির একটি নিগূঢ় একোয় যোগ আছে এবং তা আছে বলেই, প্রফুল্লকে যৌথ পরিবারের আত্মার প্রতীক রূপে

গ্রহণ করা যেতে পারে। এই যুক্তিতে—অনেকে ‘প্রফুল্ল’ নামকরণের সার্থকতা প্রতিপন্ন করতে চেষ্টা করে থাকেন কিন্তু চেষ্টাটি সম্পূর্ণ সফল—এ কথা বলা চলে না।

অবশ্য যারা প্রফুল্ল নাটককে প্রফুল্লেরই ট্রাজেডি বলে স্বীকার করেছেন তাঁদের মুখপাত্ররূপে অধ্যাপক শ্রীমদ্রথ মোহন বসু মহাশয় বলেছেন—‘বস্তুতঃ আমাদের প্রেমপূর্ণ প্রাচীন সংসারের আদর্শ কিরাইয়া আনিবার জন্য স্নেহময়ী প্রফুল্লর আত্মবিসর্জনেই এই নাটকটির মেরুদণ্ড এবং সেই জন্যই নাট্যকার তাঁহার নাম দিয়াছেন—“প্রফুল্ল”। কেবল যোগেশের অদঃপতন ও তাঁহার শোচনীয় পরিণাম দেখানই যদি তাঁহার উদ্দেশ্য হইত তাহা হইলে জ্ঞানদার মৃত্যু বা হত্যার সহিতই নাটক শেষ হইত। কাহিনীটিকে এতদূর টানিয়া আনিবার কোন সার্থকতা থাকিত না। অধিকন্তু বংশরক্ষার জন্য পাগল মদন ঘোষের চরিত্র সম্পূর্ণ নিরর্থক হইয়া পড়িত।’

অধ্যাপক বসু মহাশয়ের উক্তি প্রাণধানযোগ্য বটে কিন্তু যোগেশের কেন্দ্রীয়ত্ব খণ্ডন করবার জন্য তিনি যে যুক্তি দিবেছেন তা, সঙ্গতভাবে দোষমুক্ত নয়। প্রফুল্ল-নাটককে যোগেশের সাজানো বাগান শুকিয়ে যাওয়ার ট্রাজেডি রূপে গণ্য করলে এবং সেই দৃষ্টিকোণ থেকে ঘটনা-বিকাশ প লাচনা করলে, এ কথা নিশ্চয়ই বলা যেতে পাবে যে নাটকেব উপসংহারের সঙ্গে যোগেশের ট্রাজিক পরিণতির বা নায়কদ্বয় কোন অসঙ্গতি নেই। যোগেশের ট্রাজেডির রূপটি লক্ষ্য করিলেই এই কথার যথার্থ্য উপলব্ধি করা যাবে।

যোগেশের সাজানো বাগান। মা, দু’ভাই—রমেশ ও সুবোধ, ভ্রাতৃত্ব প্রফুল্ল, স্ত্রী জ্ঞানদা ও একমাত্র সন্তান যাদবকে নিয়ে যোগেশের স্ত্রী পরিবার নিজের অক্লান্ত পরিশ্রম এবং সততাগুণে, শৈশবে পিতৃহীন ও নিঃস্ব যোগেশ আজ ধনে-মানে প্রতিষ্ঠা লাভ করেছেন। একা, চ বাডীর এবং বাবসায়-প্রতিষ্ঠানের মালিক হয়েছেন—অন্তরে-বাইরে পরিবারটি সুখী। আর্থিক এবং

আন্তরিক কোনও দৈন্তাই সেখানে নেই। যোগেশের পরিবার বাস্তবিকই একটি সাজানো বাগান। অর্থের সঙ্গীত এই স্থা পরিবারের অত্যন্ত ভিত্তি বটে কিন্তু আশল ভিত্তি হৃদয়ের অকৃত্রিম সৌন্দর্য ও মাধুর্য—পরিবারস্থ সকলের পারস্পরিক স্নেহ-ভক্তি-প্রাতি-প্রেমের বন্ধন। এই পরিবারের আর্থিক ঐশ্ব্যের প্রাণসার রি-ইউনিয়ন ব্যাঙ্কে গচ্ছিত এবং আন্তরিক ঐশ্ব্য নিহিত ভ্রাতৃহৃদয়ের অকৃত্রিম সম্পর্কের মধ্যে। রি-ইউনিয়ন ব্যাঙ্ক ‘ফেল’ হওয়ায় পরিবারটির আর্থিক ভিত্তিতে প্রচণ্ড আঘাত লাগল—যোগেশ সর্বস্বাস্ত হইলেন। পাওনাদারদের টাকা পরিশোধ করতে গেলে বাড়ী-ঘর সব কিছু বিক্রয় করতে হবে। পরিশোধ না করলে—স্বনাম ধূলিসাৎ হয়ে যাবে। যোগেশ এক দারুণ সংকটের সম্মুখে পড়লেন। কিন্তু যোগেশ যে নৈতিক ধাতুতে গঠিত তাব কাছে স্বনাম হারানোর ক্ষতিই সব ক্ষতির চেয়ে সাংঘাতিক। যোগেশ সংকল্প করলেন—সব কিছু বিক্রয় করে পাওনাদারদের দেনা কড়ায়গাওয় মিটিয়ে দিতে হবে—আবার নিঃস্ব হতে হবে। যোগেশের জীবনে সে এক দারুণ বিপত্তিই বটে। কিন্তু যোগেশ অর্থের বিনিময়ে অন্তরের ধন বিক্রিয়ে দিতে চাইলেন না।

কিন্তু এই দুর্বিপাকের স্রোতে লোভী রমেশের মনে যে কুপ্রবৃত্তি জেগে উঠল তার কুটিল ও বিষাক্ত আক্রমণ যোগেশের স্থা পরিবারের পক্ষে দারুণতর বিপত্তি হয়ে দেখা দিল। যে সততার উপরে যোগেশের জীবন এবং যে অকৃত্রিম হৃদয় সম্পর্কের উপরে সমগ্র পরিবারটি স্থাপিত, রমেশের কুপ্রবৃত্তির বিষাক্ত দংশনে সেই সততার এবং হৃদয় সম্পর্কের অপঘাত মৃত্যু ঘটল।

রমেশের মনে সম্পত্তিলোভ এত প্রবল হয়ে উঠল যে সে যোগেশের দিকে একবারও চাইল না—যোগেশকে মর্যাদিক আঘাত দিতে ইতস্ততঃ করল না—যোগেশকে পরোক্ষভাবে ‘জোচ্চোর’ অপবাদ তথা দারুণতম আঘাত দিল, তাঁর অপ্রকৃতিস্থ অবস্থার স্রোতে নাম সই করিয়ে নিয়ে জোচ্চোর অপবাদ পাকা করে রটিয়ে দিল এবং ছলনার দ্বারা সমস্ত বিষয়সম্পত্তি নিজের কুক্ষিগত করল।

যোগেশের পায়ের তলা থেকে সমস্ত মাটি সরে গেল—অন্তরে-বাইরে যোগেশ নিঃশ্ব হ'ল। রমেশের হাতের মর্মান্তিক আঘাতের এবং স্ত্রীম হারানোর জ্বালা জুড়াবার জন্য যোগেশ আত্মবিশ্বাসের উপায় খুঁজতে লাগলেন—মদের জ্বালা দিয়ে মর্মান্তিকের জ্বালা প্রশমন করতে চেষ্টা করলেন। শয়তান রমেশ মুখোস খুলে ফেলল। মাতাল অপবাদ দিয়ে রমেশ যোগেশকে বাড়ী থেকে তাড়িয়ে দিল—যোগেশ পথে এসে দাঁড়ালেন। রাজা পথের ভিখারী হলেন। অন্তরে যত জ্বালা বাড়তে লাগল তত তিনি নেশার মাত্রা বাড়াতে থাকলেন এবং তত অসাড় বা অগ্নিমাত্র হতে থাকলেন। স্পর্শকাতরচিত্ত যোগেশের বেদনা-বন্ধ প্রায় নিষ্ক্রিয় হ'য়ে গেল। কিন্তু তা'সবেও, বিস্ময়জনী প্রলাপের সমস্ত চাপ ভেদ করে অন্তরের অন্তস্তম স্তর থেকে মাঝে মাঝে আত্ননা দ জাগে—‘আমার সাজানো বাগান শুকিয়ে গেল’। প্রেমময়ী স্ত্রী জ্ঞানদা তাঁরই চোপের সামনে পথে প’ড়ে মরল। একমাত্র পুত্র যাদব পথের ভিক্ষুক বালক। যোগেশ যোগেশের প্রেতাশ্রা। অগ্নদিকে রমেশের শয়তানি সম্পত্তি আত্মনাং করেই ক্ষান্ত হয়নি—নিষ্কটক হওয়ার জন্য যাদবকে সে বিষ খাইয়ে মারবার ষড়যন্ত্র করল। রমেশের হাত থেকে যাদবকে বাঁচাতে যেয়ে নরপিশাচ রমেশের হাতে প্রফুল্ল প্রাণ দিল। রমেশকে পুলিশে গ্রেপ্তার ক’রে নিয়ে গেল। যোগেশ দাঁড়িয়ে তা’ দেখল—বুকভাঙ্গা আত্ননা দ করল—‘আমার সাজানো বাগান শুকিয়ে গেল।’

যোগেশের সাজানো বাগান এইভাবে বিচ্ছেদ, মৃত্যু, হত্যা ও অপমৃত্যুর আঘাতে ছিন্ন-বিচ্ছিন্ন হয়ে শুকিয়ে গেল। জ্ঞানদার মৃত্যুর সঙ্গে সঙ্গেই সেই সাজানো বাগান সম্পূর্ণ শুকিয়ে যায়নি—প্রফুল্লের মৃত্যু এবং রমেশের নিপত্তিকর পরিণতির পরেই বাগানটি নিমূল হয়ে গেছে। রমেশও যোগেশের সাজানো বাগানের অঙ্গতম অঙ্গ; এ কথা ভুলে গেলে চলবে না। এবং তা’ চলবে না বলেই, এ কথাও বলা ঠিক হবে না—“যেহেতু যোগেশের অধঃপতন ও তাহার শোচনীয় পরিণাম দেখানোই যদি তাঁহার উদ্দেশ্য হইত, তাহা হইলে

জানদার মৃত্যু বা হত্যার সহিতই নাটক শেষ হইত”। আগেই বলা হয়েছে—যোগেশের অন্তর্দাহ বিশ্লেষণ করলে তিনটি উপাদান পাওয়া যাবে—এক ভাইয়ের হাতের মর্মান্তিক আঘাতের যন্ত্রণা; দুই, স্বনাম হারানোর জ্বালা; তিন, সাজানো বাগান শুকিয়ে যাওয়ার বেদনা। স্বতরাং যোগেশের ট্রাজেডি একাধিক দাহের সংযোগে সম্পূর্ণ হয়েছে—অর্থাৎ একাধারে তা’ অতি প্রিয়তম আত্মায়ের কাছ থেকে অপ্রত্যাশিত—আঘাত পাওয়ায় ট্রাজেডি, অন্তরাত্মার অপমৃত্যু ঘটায় আত্মবিস্মৃতির মধ্যে শাস্রয় খোঁজাব ট্রাজেডি—এবং নিজের চোখের সামনে নিজের হাতে-সাজানো বাগান শুকিয়ে যেতে দেখার ট্রাজেডি। অতএব, এক হিসাবে যেমন বলা যায়—প্রফুল্লের শোচনীয় মৃত্যুতে নাটকখানি শেষ হয়েছে—তেমনি এ কথাও বলা যায় যে যোগেশের সাজানো বাগান শুকিয়ে যাওয়ায় পরেই নাটকখানি শেষ হয়েছে।

প্রফুল্ল নাটককে প্রফুল্লের বা যোগেশের বা প্রফুল্ল-যোগেশের উভয়েবই ট্রাজেডি ট্রাজেডিই বলা হো’ক—নাটকখানি বাস্তবিকই ট্রাজেডির মর্যাদা লাভ করেছে কি না সেই বিষয়ে সমালোচকদের মধ্যে খণ্ডিত মতবিরোধ রয়েছে—সমালোচকদের কেউ কেউ প্রফুল্লকে ‘ট্রাজেডি’—মর্মভেদী ট্রাজেডি বলে স্বীকার করেছেন ; কেউ কেউ ট্রাজেডি বলেছেন বটে কিন্তু প্রথমশ্রেণীর ট্রাজেডি বলে স্বীকার করেনি, কেউ কেউ একই নিঃস্বাদে ট্রাজেডি, প্যাথটিক এবং মেলোড্রামা তিন শ্রেণীতেই প্রফুল্লকে স্থান দিয়েছেন, কেহ কেহ প্যাথটিক, কেহ কেহ মেলোড্রামা বলেছেন এবং কেহ কেহ স্থির সিদ্ধান্তে পৌছাতে না পারলেও যোগেশ-চরিত্রে ট্রাজেডি নায়কের উপযুক্ত লক্ষণ এবং ঘটনার পিছনে বিশ্বাস্ত কারণ দেখতে পাননি এবং নাটকখানিকে ট্রাজেডি না বলার দিকেই ঝোঁক দিয়েছেন। নানা মূর্নির নানা মতের কণ্টকে স্থির সিদ্ধান্তের পথ কণ্টকিত—এ বিষয়ে কোন সন্দেহ নেই। এই কণ্টকরাজি উৎপাটিত করতে হলে, ট্রাজেডি ও প্যাথটিক ড্রামার এবং ট্রাজেডি ও মেলোড্রামার পার্থক্য নিপুণভাবে নির্দেশ করা আবশ্যক এবং ট্রাজেডির ও ট্রাজেডি নায়কের লক্ষণ

সম্বন্ধে স্পষ্ট ধারণা রাখা দরকার। এ সব বিষয়ে গোড়াতেই আমি আলোচনা করেছি। এখানে সেই সিদ্ধান্তগুলি প্রয়োগ করে মীমাংসা-কার্যে অগ্রসর হওয়া যেতে পারে। প্রথমতঃ প্যাথটিক ড্রামা ও ট্রাজেডির পার্থক্য সম্বন্ধে যে আলোচনা করা হয়েছে তাতে দেখানো হয়েছে—‘pathos’ থাকলেই নাটক ট্রাজেডি হতে পারবে না এমন কথা কোনও নাট্যবিদই বলেন নি।

এ কথা ঠিক—‘high’ tragedy-তে pity বা pathos কি পরিমাণে থাকতে পারে বা না পারে তা নিয়ে অধ্যাপক নিকল একটি প্রশ্ন তুলেছেন বটে, কিন্তু এ কথাও ঠিক যে প্রশ্নটি হয়েছে হাই ট্রাজেডির প্রসঙ্গেই এবং সব ট্রাজেডিই “হাই ট্রাজেডি” নয়। তারপর ট্রাজেডিতে ‘পেথোস’ থাকলেই নাটককে প্যাথটিক ড্রামা বলতে হবে—‘প্যাথটিক ট্রাজেডি’ পযুক্ত বলা হবে না এ কথা যুক্তিযুক্ত নয়।

ট্রাজেডির রস বিচার প্রসঙ্গে দেখানো হয়েছে—ট্রাজেডির “অঙ্গীরস” করণ অর্থাৎ fear or pity জাগানোই ট্রাজেডির উদ্দেশ্য এবং ট্রাজেডে এমন ঘটনার উপস্থাপনা করবে যা’ দেখে দর্শক—এরিস্টটলের ভাষায় ‘tremble with horror and melt to pity।’ সুতরাং শোচনার ফলে চিত্তের বিগলন ঘটলে ট্রাজেডি-সংবিদ নষ্ট হয়ে যাবে—এ কথা কেউ বলেননি। প্রত্যেক আগেই বোধমূলক। শোচনাবেগের মূলক বোধ কাজ করে থাকে। যে misfortune দেখে দর্শকের মধ্যে—এই বোধ জাগবে যে misfortuneটি ‘unmerited’—এবং যতক্ষণ সেই বোধ থাকবে ততক্ষণে আবেগের মাত্রা বৃদ্ধি পেলো ট্রাজেডিসংবিদ অক্ষুণ্ণই থাকবে।

প্রফুল্লের মতো একটি সরলপ্রাণা উদারহৃদয়া প্রেমময়ী বালিকাবধূর অতি নিষ্ঠুর স্বামীর হাতে মৃত্যু—হৃদয়ের মূল্য রক্ষা করবার মহৎ প্রেরণায় আত্মবিসর্জন আকস্মিক এবং নিরপেক্ষ কোন দুর্ঘটনামাত্র নয়। এই মৃত্যু শোচনীয় এবং—শোচনীয় কতকগুলি বোধের উদ্বোধন করে বলেই। জীবের দুঃখ-কষ্ট দেখে

জীবের যে সহজ অহুকম্পা হয়—এ শোচনা শুধুমাত্র সেই সহজ জৈবিক অহুকম্পামাত্র নয়।

যোগেশের দুঃখহুর্ভোগের দৃশ্য বাহ্যতঃ দেখলে যতটুকু শোচনাজনক যোগেশের সাজানো বাগানের পরিপ্রেক্ষিতে দেখলে এবং যে যে দারুণ আঘাতে যোগেশ চিত্তের স্বাভাবিক স্পর্শকাতরতা হারিয়ে অসাড়-যোগেশে পরিণত হয়েছে সেই সব আঘাতের পরিপ্রেক্ষিতে দেখলে—যোগেশের 'suffering' অবশ্যই আরো শোচনায় এবং ট্রাজিক বলে মনে হবে। স্মরণ্য যোগেশের দুঃখহুর্ভোগের তাব্রতা দেখে আমাদের চিত্ত শোচনায় বিগলিত হলেও তার সঙ্গে যোগেশের অতীত অবস্থার স্মৃতি, ভাইয়ের দেওয়া অপ্ৰত্যাশিত আঘাতের কথা, স্নান রক্ষার আন্তরিকতা—স্নানমহানির মর্মজালার চেতনা প্রভৃতি মিশে থাকে। এই কারণেই প্রফুল্লের বা যোগেশের জীবনে যে ভাগ্যবিপর্যয় ঘটেছে যে পরিণাম নেমে এসেছে তা' নিছক প্যাথটিক নয়, তা' ট্রাজিকই হয়েছে।

এবার দেখা যাক—প্রফুল্লকে মেলোড্রামা শ্রেণীতে নামিয়ে দেওয়া উচিত হবে কি না। মেলোড্রামা সম্বন্ধে যে আলোচনা করা হয়েছে তাতে দেখানো হয়েছে—(ক) মেলোড্রামার আত্মা ঘটনাসমংকারিত্বের মধ্যেই নিহিত—ঘটনাকে অতিক্রম করে জীবন সমালোচনার গভীরে সে প্রবেশ করে না। (খ) মেলোড্রামায় দ্বন্দ্ব অবাস্তব বা অতিকল্পিত এবং চরিত্রের আচরণে এবং ক্রমপরিণতিতে ঔচিত্যের মারাত্মক অভাব থাকে। এ কথাও বলা হয়েছে যে মেলোড্রামা স্থলত ঘটনা বিস্তারসংকীর্ণ। তবেও যেখানে জীবন সমস্তার গুরুতর সংকটের গভীর ও অকৃত্রিম রূপ ফুটে উঠে সেখানে নাটককে মেলোড্রামা না বলে ট্রাজেডিকই বলতে হবে। প্রফুল্ল নাটক বিশ্লেষণ করে আমরা দেখতে পাই—নাট্যকার প্রফুল্লের এবং যোগেশের শোচনায় পরিণতির ভিতর দিয়ে মানব-মহিমাকেই প্রতিষ্ঠিত করতে চেষ্টা করেছেন—প্রফুল্লের ও যোগেশের পরাজয়ের ভিতর দিয়ে শেষপর্যন্ত নৈতিক তথ্য আত্মিক শক্তিরই জয় দেখিয়েছেন।

প্রফুল্লের মাধ্যমে দেখিয়েছেন—স্নেহ ও প্রেমই নিষ্ঠুর মৃত্যুর মুখোমুখি দাঁড়িয়ে বলতে পারে—মৃত্যু তুমি নেই। যোগেশের মাধ্যমে দেখিয়েছেন—অর্থ সম্পদের চেয়েও বড় সম্পদ নৈতিক সত্তার অক্ষুণ্ণতা, ঐশ্বর্যের চেয়েও বড় কাম্য—অকৃত্রিম স্নেহ-ভক্তি-প্রেম প্রাপ্তি প্রভৃতি হৃদয়ের সম্পর্ক। অর্থনাশে মানুষের ক্ষতি হয় বটে কিন্তু নৈতিক সত্তা ক্ষুণ্ণ হলে, সুনাম হারালে, মানুষের “মহতী বিনষ্টি” ঘটে—মানুষ অন্তরে অন্তরে অপদস্থ ও নিঃশ্ব হয়ে পড়ে। মানুষ বাইরে থেকে যে আঘাত পায় তা’ শুধু তার শারীরিক ক্লেশ সৃষ্টি করেই শেষ হয়ে যায় এবং সেই আঘাতের বিরুদ্ধে স্বাভাবিক প্রতিক্রিয়া হয় প্রত্যাঘাত করার চেষ্টা এবং তাতেই তার উপশম ঘটে। কিন্তু যেখানে আঘাতটি আসে অতি প্রিয়জনের হাত থেকে, সেই আঘাতে মানুষের মর্মস্থানটিই বা অন্তরাঙ্গাই বেশী করে আহত হয় এবং প্রত্যাঘাত করার ইচ্ছাটুকু পযস্ত মরে যেয়ে মনের আগুনে মনকে পুড়িয়ে মারে। সেই মর্মদাহের একমাত্র উপশম হয় আত্ম-বিস্মৃতিতে বা আত্মহত্যার অবলম্বিতে। প্রফুল্ল নাটকে নাট্যকার যোগেশ চরিত্রের মধ্যে এরূপ একটি মর্মাহত ব্যক্তির স্তব্ধ-সহ অন্তর্দাহ, তিলে তিলে দগ্ধ হওয়ার ট্রাজেডি দেখাতে তথা মানুষের হৃদয় রহস্তে গভীরে আলোক প্রস্ফেপের চেষ্টা করেছেন।

এই চেষ্টা অর্থাৎ “inwardness” যেখানে আছে, সেখানে নাটকে মেলোড্রামা বলা সঙ্গত নয়। ট্রাজেডি-নায়কের অকৃত্রিম ভাগ্যবিপর্যয় দেখে যে আন্তরিক সমবেদনা জাগে এখানেও প্রফুল্লের বিশেষতঃ যোগেশের ভাগ্য বিপর্যয় দেখে সেইরূপ আন্তরিক সমবেদনা বা শোচনা জাগে। যোগেশ-চরিত্রে ট্রাজেডি-নায়কের গুরুত্ব যথেষ্ট মাত্রায় পাওয়া যায়।

এখানেই, বাঁরা ট্রাজেডি-নায়কের স্ত্রীর সঙ্গে যোগেশের চরিত্র মেলাতে পারেন নি বলে যোগেশকে ট্রাজেডির নায়ক বোঝান করেন নি, তাঁদের সমালোচনা সম্পর্কে দু’একটি কথা বলতে চাই। এদের বক্তব্য যে (ক) যোগেশ এমন কোন কাজ বা মারাত্মক ভুল করেনি যা’তে তার ট্রাজেডি

অবশ্যস্বামী হয়ে উঠে (খ) যোগেশের মতো নিষ্ক্রিয় নিশ্চেষ্ট পুরুষ কখনো ট্রাজেডির নায়ক হতে পারে না। এদের সিদ্ধান্ত সম্বন্ধে মন্তব্য করার আগে আমি ট্রাজেডি নায়কের বৈশিষ্ট্য সম্বন্ধে গোড়ায় যে আলোচনা করেছি—সেই আলোচনার দিকে পাঠকের দৃষ্টি আকর্ষণ করতে চাই এবং তাঁদের স্মরণ করিয়ে দিতে চাই যে নায়কের দোষ ত্রুটি বা দায়িত্ব সম্বন্ধে নাট্যতত্ত্ববিদরা যে নতুন সিদ্ধান্ত কবেছেন তাতে দেখা গেছে—নিদোষ ও নিষ্ক্রিয় নায়কও ট্রাজেডির নায়ক হতে পারে। সুতরাং পুরাতন সূত্রের সঙ্গে মিলিয়ে যোগেশের অযোগ্যতা প্রমাণ করতে যাওয়া যুক্তিযুক্ত কাজ হবে না। এ সম্পর্কে পণ্ডিতপ্রবর আচার্য শ্রীশ্রীকুমার বন্দ্যোপাধ্যায় মহাশয় যে কথাটি বলেছেন তা উল্লেখযোগ্য, তিনি বলেছেন—“ট্রাজেডি ঘটার কারণ নিয়তি প্রেরিত হুর্দৈব বা নায়কের চারিত্রিক দুর্বলতা, ঘটনা নিয়ন্ত্রণের অক্ষমতা—সমস্ত সম্ভাবনাকে নিঃশেষ কবে না, জাগতিক বিচিত্র ঘাত প্রতিঘাতের আরো অনেক অভিনব হেতু আবিস্কৃত হইতে পারে। সুতরাং কারণের দিকে বেশী ঝোঁক না দিয়া নায়কের আচরণের উপর তাহাদের প্রতিক্রিয়াটি বিবেচনা করিলে প্রশ্নের মীমাংসা সহজই হতে পারে। আমাদের দেখিতে হইবে যে দিক দিয়াই নায়কের জীবনে হুর্দৈবের অভিঘাত প্রকাশ করুক না কেন তাহার আচরণে উপযুক্ত গভীরতা ও চরিত্রের মহনীয়তার নিদর্শন স্ফূর্তিত হইয়াছে কি না।..... সমস্ত দুঃখিপাকের মধ্যে তাহার চরিত্রে একটা গৌরবের লুপ্তাবশেষ ফুটিয়া উঠিয়াছে কি না তাহাই বিবেচ্য বিষয়। পাঠকের মনে সর্বশুদ্ধ যে ধারণাটি স্থায়ী হয় তাহাতে যোগেশ চরিত্রে এই মহনীয়তার লক্ষণ স্থান পায়। মাতাল হয়ে পাতাল পানে যাওয়া লোকের ধর্ম, কিন্তু পাতালের অন্ধতম্ব স্তরে অতল গভীরতায় অবতরণ অভিজাত চরিত্র ছাড়া সম্ভব হয় না। প্রতিরোধ না করিয়া চূড়ান্ত আত্মসমর্পণ, স্রীর মৃত্যুতে ঐক্যসীল, ছেলের হাত হইতে তাহার শেষ সম্বল একটি সিকি কাড়িয়া লওয়া, ভয়ঙ্কর সমস্ত জীবন হইতে উদ্ধৃত একটি শ্বাসরোধকারী একটি ধুম্রোচ্ছ্বাস ও

বহিঃগত খেদোক্তি—আমার সাজানো বাগান শুকিয়ে গেল—ইহাই যোগেশের ট্রাজিক নায়কের উপযোগিতার তাহার চরিত্রের কৌলীয়া মর্যাদার নিদর্শন।

নিষ্ক্রিয়তা যখন আসে অসংবরণীয় ভাবাবেগ হইতে সমস্ত সত্তার উল্লিখিত ভাব বিপণয় হইতে তখনি ইহা প্রকৃতির একটা রাজকীয় বহিলক্ষণ রূপে প্রতিভাত হয়, অগ্রথা নহে।”—[নাট্যসাহিত্যের আলোচনা ও নাটক বিচার— দ্বিতীয় খণ্ডের ভূমিকা।]

আচার্য বন্দ্যোপাধ্যায় মহাশয় যোগেশ চরিত্রের ট্রাজিক লক্ষণ সম্বন্ধে যে মন্তব্য করেছেন তা প্রত্যেক সমালোচকের চোখে আলোক-বতীকার কাজ করবে—এ নিশ্চয়ই কোন অতিশয়োক্তি নয় সর্বশুদ্ধ যে ভাবটি স্থায়ী হয় তার দিকে দৃষ্টি নিবদ্ধ করলেই সমালোচকরা আচার্য বন্দ্যোপাধ্যায়ের উক্তির সারবত্তা উপলব্ধি করতে পারবেন। উপলব্ধি করতে পারবেন—ঘটনাবিগ্রাসের ক্রটি বিচ্যুতি সত্ত্বেও, যোগেশের বাহ্যিক আচরণের আপাতহীনতা সত্ত্বেও যোগেশের নৈতিক সত্তা থেকে ভ্রাস্মাচ্ছাদিত বহিঃ মতো মানব-মহিমার উজ্জ্বল জ্যোতি বিচ্ছুরিত হয়ে চরিত্রটিকে মহিমময় করে রাখে। এ কথা ঠিকই যে যোগেশের চরিত্র ক্রটিহীন নয়, কিন্তু এ কথাও স্বীকার্য যে যোগেশের গুণের পরিমাণ দোষের পরিমাণের চেয়ে অনেক বেশী এবং গুণগুলির গুরুত্ব এত বেশী বলেই যোগেশ চরিত্রের ক্রটি বিচ্যুতি সত্ত্বেও পাঠক-দর্শকের সহানুভূতি থেকে যোগেশ বক্ষিত হয় না। আগেই বলা হয়েছে—সক্রিয়তা বা নিষ্ক্রিয়তার প্রশ্ন বড় কথা নয় এবং এই জ্ঞানই নয় যে জীবন বৃত্তে সক্রিয় এবং নিষ্ক্রিয় উভয়েরই স্থান আছে এবং শোচনীয় পরিমাণ বা ভাগ্যবিপণয় শুধু সক্রিয়ের জীবনেই ঘটে না, নিষ্ক্রিয়ের জীবনেও শোচনীয় পরিণাম ঘটে থাকে। বিশেষতঃ যে নিষ্ক্রিয়তার পিছনে আহত মহত্ব-অভিমানের জালা তথা মর্মসংহত কারণরূপে কাজ করে যে নিষ্ক্রিয়তা ব্যক্তির নৈতিক বা আত্মিক মূল্য রক্ষারই পরোক্ষ চেষ্টা রূপে আত্মপ্রকাশ করে—যে নিষ্ক্রিয়তা ব্যক্তির স্বকৃত অপরাধের নির্জান

প্রতিশোধস্পৃহা থেকে আত্মবিলোপের চেষ্টারূপে দেখা দেয়, সেই নিষ্ক্রিয়তা সম্বন্ধে কোন কথাই উঠতে পারে না! যোগেশের নিষ্ক্রিয়তা এই জাতীয় নিষ্ক্রিয়তাই—সাধারণ নিষ্ক্রিয়তা নয়!

অতএব, যোগেশ নিষ্ক্রিয়—এই কথা বলে যোগেশের নায়কযোগ্যতা খণ্ডন করা চলে না। স্বীকার করতেই হবে—ট্রাজেডির নায়ক হওয়ার যোগ্যতা যোগেশের আছে। প্রথমতঃ, ব্যক্তি হিসাবে যোগেশ উপযুক্ত নায়ক; কারণ যোগেশ অতিভালো বা অতিমন্দ এই দুই অতিকোটিক শ্রেণীর অন্তর্গত নন। * (অতিভালোও নায়ক হতে পারে)। যোগেশ ক্রটিহীন না হলেও মাতৃভক্তি, ভ্রাতৃস্নেহ, শ্রায়নিষ্ঠা প্রভৃতি সদগুণে ভূষিত—এক কথায় যোগেশ ধনী ও মানী এবং মোটামুটি ভাল লোক। দ্বিতীয়তঃ, যোগেশ চরিত্রে ট্রাজিক চরিত্রের অগতম বৈশিষ্ট্য ‘radical defect in his character’ অথবা error or frailty—লক্ষ্য করা যায়। ট্রাজেডি নায়কের পতন ঘটবে চরিত্রের অন্তর্নিহিত দুর্বলতা বা প্রবণতার জগ্ন অথবা কোন মারাত্মক বুদ্ধিব্রংশের জগ্ন—এই প্রচলিত-সূত্র অনুসারেও যোগেশ একটি ট্রাজিক চরিত্র। যোগেশ চরিত্রে অন্তর্নিহিত বা প্রবণতা খুঁজতে গেলেই দেখা যাবে—“যোগেশের অন্তর্নিহিত দুর্বলতা—তাঁহার সুনাম-স্বশেষের আকাঙ্ক্ষা” (শ্রীযুক্ত হেমেন্দ্রনাথ দাশগুপ্ত)। যোগেশ যদি গণেশ-উন্টানো ব্যবসায়ী হতেন, লোন্স্‌রি, ধান্নাবাজি, বিশ্বাসঘাতকতা প্রভৃতি অর্থকরী শয়তানির ভক্ত হতেন তা’ হ’লে ব্যাকে লালবাতি জ্বললেও যোগেশের বাড়ীর এবং গদির বাতি শতগুণ উজ্জ্বল হয়ে উঠত—যোগেশের ‘আর এক যোগেশ’ হওয়ার কোন আশংকা থাকত না। যোগেশ সম্পত্তি বেনামী করে মহাসুখেই চিন-বাগন করতে পারতেন। কিন্তু যোগেশ ছিলেন অতিস্নেহপ্রবণ ও শ্রায়নিষ্ঠ—অতিস্নেহ ও শ্রায়নিষ্ঠা ছিল তাঁর স্বাভাবিক দুর্বলতা। এই দুর্বলতাই যোগেশের ট্রাজেডির জগ্ন মূলতঃ দায়ী। সতরাং দ্বিতীয় সূত্রও যোগেশ-চরিত্রে সঙ্গোপিত।

তৃতীয়ত: চরিত্রের উত্থান পতনের—বিশেষত: ক্রমপরিপত্তির—প্রশ্ন।
 ট্রাজেডি ভাগ্যপরিবর্তনের—ভালো ভাগ্য থেকে মন্দ ভাগ্যে পতিত হওয়ার
 এবং শোচনীয় দুঃখদর্শন ও বিপত্তি ভোগ করার কাহিনী। সুতরাং ট্রাজিক
 চরিত্রের ক্রমবিকাশ বলতে বুঝায়—ভালো ভাগ্য থেকে ধাপে ধাপে শোচনীয়
 বিপত্তিকর পরিণামে পৌঁছানো। নায়ক সক্রিয় হোক আর নিষ্ক্রিয় হোক
 —ট্রাজেডিতে চরিত্রের ভাগ্যবিপর্যয়ের দৃশ্য—চরিত্রের অবস্থান্তর—দেখাতেই
 হবে। যে বৃত্তে নায়ক সক্রিয় সেখানে নায়ক পরিবেশের বাধা অপসারিত
 করতে করতে স্রাস্তমারে বা অজ্ঞাতনারে বিপত্তির গহ্বরের দিকে এগিয়ে যায়
 এবং যে বৃত্তে নায়ক নিষ্ক্রিয় সেখানে পরিবেশ নায়কের উপরে আঘাতের
 পর আঘাত দিতে থাকে এবং নায়ককে নিষ্ক্রিয় করে ধীরে ধীরে তাকে
 অপ্রকৃতিস্থ ও অসাড় করে তোলে। দুই ক্ষেত্রেই পতনের (misfortune)
 ক্রমবিকাশ লক্ষ্য করা যায়। প্রথম ক্ষেত্রে নায়ক নিজের কাজের
 দ্বারা ধাপে ধাপে পতনের শেষ ধাপের দিকে এগিয়ে যায় আর দ্বিতীয়
 ক্ষেত্রে নায়কের বাহ্যিক ক্রিয়া বন্ধ হয়ে যাওয়ায় নায়কের ভিতরে
 প্রতিক্রিয়া ঘটতে থাকে—নায়ক ধীরে ধীরে প্রকৃতিভ্রষ্ট হ'তে থাকে এবং শেষ
 পরিণতির দিকে এগিয়ে চলে। যোগেশ চরিত্র বাহ্যত: যত স্থিতিশীল মনে হয়
 ভিতরে ভিতরে তত স্থিতিশীল নয়। যোগেশ-চরিত্রের ক্রমবিকাশ—একটি
 প্রকৃতিস্থ ব্যক্তির, প্রকৃতি হারিয়ে ধীরে ধীরে সম্পূর্ণ অপ্রকৃতিস্থ হওয়ার
 ব্যাপার—একটি অতিস্পর্শকাতারচিত্র যেকের আঘাতে আঘাতে অসাড় হয়ে
 যাওয়ার ব্যাপার—এক কথায় যোগেশের আভ্যন্তরিক পরিবর্তনের ব্যাপার।
 বলা বাহুল্য যোগেশের বাহ্যিক ভাগ্যবিপর্যয়ে—ঐর্ষ্য হারানো, বাড়ী থেকে
 বিতাড়িত হওয়া, বস্তিতে আশ্রয় নেওয়া—পথে পথে ভিক্ষা করা—এমনি
 কতকগুলি ঘটনার ক্রম লক্ষ্য করা যায়। কিন্তু যোগেশের আসল পরিবর্তন
 ঘটেছে অন্তরে। প্রথম দৃশ্যের জীবন্ত যোগেশ এবং শেষ দৃশ্যের মৃতকর
 যোগেশের দিকে চাইলেই এই পরিবর্তনের ক্রম সহজেই উপলব্ধি করা যায়।

অনাহারে অনাহারে ভাগ্যহত যোগেশের দেহ তিলে তিলে দগ্ধ হয়েছিল—এ কথা যত সত্য, তার চেয়ে বেশী সত্য এই কথাটি যোগেশের মর্ম জলে পুড়ে অকারে পরিণত হয়ে গিয়েছিল। সুতরাং যোগেশের ক্রমবিকাশ শুধু বাহ্যিক অবস্থার পরিবর্তন নয়—মানসিক অবস্থার ক্রমপরিবর্তন—একটি স্থির ইচ্ছার (will) ধীরে ধীরে শুকিয়ে যাওয়ার ব্যাপার। অতএব যোগেশ চরিত্রে ক্রমবিকাশের অভাব রয়েছে—এই যুক্তি দেখিয়ে যোগেশের নায়কত্ব খণ্ডন করা চলে না। চরিত্রের বিরুদ্ধে যে কথাটি বলা চলে তা' এই যে চরিত্রটিকে অতিক্রমলয়ে পরিবর্তিত করা হয়েছে।

এবার দেখা যাক—যে সব ঘটনার সাহায্যে নাট্যকার প্রফুল্লের এবং যোগেশের ট্রাজেডি উপস্থাপিত করতে চেষ্টা করেছেন, সেই ঘটনাগুলি এমন অবিশ্বাস্য হয়ে উঠেছে কি না—আমাদের বাস্তবতা বোধকে এমনভাবে নাড়া দেয় কি না, যাতে আমরা সমস্ত কাহিনীটিকেই কাল্পনিক বলে মনে করতে পারি। এ কথা অবশ্য স্বীকার 'Drama lives by logic and reality'। যদি বিষয়বস্তু এবং পরিস্থিতি real না হয়, ঘটনা বিচারে 'logic' না থাকে, তা' হ'লে কিছুতেই সেই নাটক গুরুত্বময় সৃষ্টি বলে গৃহীত হতে পারে না। যেমন বিষয়বস্তু 'বাস্তব' হওয়া চাই, তেমনি বাস্তব পরিস্থিতি এবং জায়গাও ঘটনার ভিতর দিয়ে বিষয়বস্তুকে ব্যক্ত করা চাই। বাস্তবিক পরিস্থিতি এবং জায়গাও ঘটনার সাহায্যে যিনি, 'বস্তু' উপস্থাপিত করতে পারেন তিনিই কৃত্তী নাট্যকার। আর যার হাতে পরিস্থিতির বাস্তবিকতা ও ঘটনার নৈয়ামিক সঙ্গতি যে পরিমাণে ক্ষুণ্ণ হয় তিনি সেই পরিমাণে অকৃত্তী। বিশেষ করে ট্রাজেডির জগৎ পরিস্থিতির বাস্তবিকতা এবং ঘটনার নৈয়ামিক সঙ্গতি অপরিহার্য—কারণ ওচিভ্যাবোধ বার বার আহত হলে মন বিরক্ত হ'য়ে উঠে এবং সমস্ত ব্যাপারটাকে শেষপর্যন্ত লঘুভাবে গ্রহণ করে।

প্রফুল্ল নাটকের বৃত্ত-পরিচালনা পথালোচনা করলেই দেখা যাবে নাট্যকার বোধ পরিবাদের ভাঙনের তথা যোগেশের ট্রাজেডির পট-ভূমিকায় প্রফুল্লের

ট্র্যাজেডি স্থাপিত করতে চেষ্টা করেছেন। আগেই এ সম্বন্ধে আলোচনা করা হয়েছে এবং দেখানো হয়েছে যে নাট্যকার প্রফুল্লের যে ট্র্যাজেডি দেখাতে চেয়েছেন তাতে যোগেশের ট্র্যাজেডি—বিশেষ করে তার অসাধারণ মানসিক পরিণতি অপরিহার্য। নাট্যকার নিম্নলিখিত কয়েকটি ঘটনার সাহায্যে এই উদ্দেশ্য সিদ্ধ করতে চেষ্টা করেছেন। প্রথমতঃ তিনি যৌথ পরিবারটির আর্থিক বনিয়াদে আঘাত হানবার জগৎ ব্যাঙ্কে লালবাতি জালিয়েছেন—যোগেশকে এক সঙ্গে আর্থিক এবং নৈতিক সংকটের সম্মুখীন করেছেন, এবং রমেশের কু-প্রবৃত্তি চরিতার্থ করবার অল্পকূল পরিস্থিতি সৃষ্টি করেছেন। ব্যাঙ্কফেল-হওয়ার ঘটনাটির ঔচিত্য নিয়ে নিশ্চয়ই কোন প্রশ্ন করা চলে না। কারণ তদানীন্তন অর্থনৈতিক ব্যবস্থায় ব্যাঙ্ক-ফেল-হওয়া অসম্ভব কোন ঘটনা ছিল না। তারপর এ কথাও স্বীকার্য যে ঘটনাটি যোগেশের পক্ষে সাংঘাতিক একটি আঘাত যা তাঁকে স্বাভাবিকভাবেই অপ্রকৃতিস্থ করতে পারে। কিন্তু এই আঘাতের চেয়েও বড় আঘাত আসে রমেশের হাত থেকে। রমেশ যোগেশের অপ্রকৃতিস্থ অবস্থার সুযোগে যোগেশকে দিয়ে সহি করিয়ে নিয়ে সমস্ত সম্পত্তি আত্মসাৎ করবার ষড়যন্ত্র করে—যোগেশকে ‘জোচ্চারে’ পরিণত করে। এইটি দ্বিতীয় উল্লেখযোগ্য ঘটনা। এ উদ্দেশ্য সিদ্ধ করবার জন্যই নাট্যকার প্রথমে রমেশের চক্রান্তে যোগেশকে অপ্রকৃতিস্থ করে তুলেছেন—মটগেজে সহি করা—এ জগৎ বিশ্বাসযোগ্য একটি পরিস্থিতি কল্পনা করতে চেষ্টা করেছেন। মনে রাখতে হবে মটগেজে ‘সহি’ দেওয়াতে না পারলে নাট্যকার যোগেশকে—ধনে—প্রাণে মারতে পারেন না। মটগেজে সহি যোগেশের নিজের মৃত্যু পরোয়ানায় সহি। ‘সহি’টি একাদিকে যোগেশকে সরবাস্ত করেছে—অতীতকে—স্মৃতি নষ্ট করে অন্তরের দিক থেকে দেউলে করে দিয়েছে।

‘সহি’ করার পরে যোগেশ ভিতরে বাইরে সম্পূর্ণ সর্বস্বান্ত হয়েছে এবং আরো অপ্রকৃতিস্থ হয়ে গেছে। রমেশ স্বরেশক জেলে পাঠিয়ে এবং অপ্রকৃতিস্থ যোগেশকে বাড়া থেকে তাড়িয়ে দিয়ে সমস্ত সম্পত্তি আত্মসাৎ

করতে চেষ্টা করেছে। যোগেশকে বাড়ী থেকে তাড়িয়ে দেওয়া এবং জী-পুজু নিয়ে যোগেশের বস্তিতে আশ্রয় গ্রহণ—তৃতীয় উল্লেখযোগ্য ঘটনা। কারণ এ ঘটনা না ঘটলে যোগেশের ড্রামাজিক পরিণতির চূড়ান্তরূপ তথা প্রফুল্লের ড্রাজেডির উপযুক্ত পরিস্থিতি সৃষ্টি করা সম্ভব হবে না। সেই দিক থেকে ঘটনাটি বাস্তবিকই নাটকের যাকে বলে 'scene a faire'—অতি অপরিহার্য, অতএব অতিপ্রত্যাশিত দৃশ্য এবং খুবই স্বন্দর্ভ। কিন্তু ঘটনাটি স্বন্দর্ভ ব'লে যতখানি দৃশ্য দাবী করতে পারে, নাট্যকার ঘটনাটিকে ততখানি দৃশ্য করেননি। নাট্যকার রমেশের একটি কথার সাহায্যে অতিক্রম গতিতে যোগেশকে ও তার জী-পুজুকে বাড়ী থেকে বস্তিতে সরিয়ে নিয়ে গেছেন এবং যোগেশের ভাগ্যবিপণ্যকে নতুন এক পর্যায়ে পৌঁছে দিয়েছেন। সত্য বটে এই পূর্বের ঘটনাগুলি লাফিয়ে লাফিয়ে এগিয়ে গেছে, কিন্তু এ কথা সত্য নয় যে ঘটনাগুলি সম্পূর্ণ অসম্ভব বা অবাস্তব। বিতাড়িত যোগেশের বস্তিতে বাসা ভাড়া নেওয়া অথবা জ্ঞানদার পথে পড়ে মরা অহেতুক বা অস্বাভাবিক কোন ঘটনা নয়। যে রমেশ যোগেশের মতো ভাইয়ের সঙ্গে প্রবঞ্চনা করতে পারে,—আশ্রয়সাং করা যার একমাত্র উদ্দেশ্য, সেই রমেশের পক্ষে যোগেশকে বাড়ী থেকে বিতাড়িত করা নিশ্চয়ই অপ্রত্যাশিত কোন ঘটনা নয়। তারপর—যে যোগেশ ভিতরে-বাহিরে নিঃশব্দ হ'য়ে গেছে—নিজেকে বিন্মত হওয়ার জন্য যে মদ খেয়ে বেহীশ হ'য়ে থাকে, তার পক্ষে জ্ঞানদার বুক লাথি মারা, বা ছেলের হাতের পয়সা কেড়ে নেওয়া অস্বাভাবিক কোন কাজ নয়। ঘব ভাড়া দিতে না পারায় জ্ঞানদাকে বাড়ীওয়ালী তাড়িয়ে দিয়েছে—অনুহ জ্ঞানদা পথে পড়ে মরেছে—এ ঘটনাও অবাস্তব কোন কিছু নয়। ঘটনাগুলির বিকল্পে যা বলার তা আগেই বলেছি। ঘটনাগুলি অবস্থা পরিবর্তনের চূড়ান্ত এক একটি রূপ। নাট্যকার পরিবর্তনের বহু আরোহ-বিন্দু অতিক্রম করে এক একটি চূড়ান্ত ঘটনাকে নির্বাচন করেছেন। এরূপ নির্বাচন নাটকে হায়েশাই হ'য়ে থাকে,

কারণ নাটকের পক্ষে নির্বাচন অপরিহার্য। কিন্তু বড় কথা সেখানে এই যে ঘটনাটিকে মূল কাহিনীর সঙ্গে স্বাভাবিকভাবে সংযুক্ত করে দেওয়া—তথা ক্রম রক্ষা করা। অবশ্য যেহেতু অবস্থার পরিবর্তন সময়সাপেক্ষ; ক্রম রক্ষা করতে হলে, শুধু ঘটনার ক্রম রক্ষা করলেই চলবে না, কালক্রমের দিকেও সতর্ক দৃষ্টি রাখতে হবে। অবস্থাস্থির ঘটানোর জ্ঞান যেটুকু সময় অপেক্ষিত সেই সময়ের অতিপাত অর্থাৎ কালের গতিও দর্শকচিত্তে প্রতিভাত করতে হবে। নাট্যকাব গিরিশচন্দ্র যে ভাবে ঘটনাগুলি ঘটিয়েছেন তাতে ঘটনার ক্রম একটু অসংলক্ষ্য হয়ে পড়েছে বটে, কিন্তু আবেগপ্রবণ যোগেশ চরিত্রের ভাবোচ্ছ্বাসের তীব্রতা দিয়ে নাট্যকাব অতি কোণলে দর্শকের কাল-চেতনাকে আচ্ছন্ন করে দিয়ে সংক্ষিপ্ত সময়ের মধ্যে নিজের অভিনায় সিদ্ধ করেছেন।

মোট কথা এই, নাট্যকার যোগেশের শোচনীয় পরিণতি দেখাবার জ্ঞান যে যে ঘটনা নির্বাচিত কবেছেন, সেই ঘটনাগুলি খুব দ্রুত লয়ে ঘটলেও, স্বরূপে তারা কাল্পনিক নয় এবং পবিত্রিত্ব হিমাবে সম্পূর্ণ অপ্রস্তুত বা অবিবাস্তব বলে মনে হয় না। এ কথা স্বীকার করতেই হবে—প্রথমেই যোগেশের চরিত্রটিকে নাট্যকার এমন ভাবে আমাদের সামনে উপস্থাপিত করে দেন—যোগেশ সম্পর্কে এমন একটি সংস্কার সৃষ্টি করেছেন যে ঐ ঘটনাগুলি আমাদের বাস্তবতা-বোধকে মারাত্মক ভাবে আঘাত করে না তথা যোগেশ সম্পর্কে আমাদের চিত্তকে লঘু করে তোলে না। ঘটনার অতিদ্রুততা বা অসংলক্ষ্যক্রমতা বা অপ্রস্তুততা যেখানে কাল্পনিকতায় পর্যাবসিত হয় সেখানে অবশ্যই তা মারাত্মক দোষ। এক্ষেত্রে ঘটনাগুলি সেই দোষে তেমন ছুট নয় এবং তা নয় বলেই নাটকখানিকে “মেলোড্রামা” বলা চলে না। এ কথা ঠিক বটে যে নাটকখানিকে নির্দোষ এবং প্রথম শ্রেণীর ট্রাজেডির মর্যাদা দেওয়া চলে না, কিন্তু তাই বলে এ কথাও ঠিক নয় যে নাটকখানি মেলোড্রামা জাতীয় লঘু নাটকে পর্যাবসিত হয়েছে, অথবা নাটকে নাট্যকার যে রস সৃষ্টি করতে চেয়েছিলেন তা নিষ্পন্ন করতে পারেননি অর্থাৎ নাটকখানি রসোত্তীর্ণ হয়নি। বহু ত্রুটি-দুর্বলতা থাকা সত্ত্বেও প্রফুল্ল ট্রাজেডির পংক্তিতে স্থান পাওয়ার যোগ্যতা অর্জন করেছে।

প্রফুল্ল নাটকের জাতি পরিচয়

প্রফুল্ল নাটকের জাতি নির্ধারণ করতে যেহে আমি প্রথমতঃ নাটকের নামকরণ সম্বন্ধে কয়েকটি কথা বলেছি এবং দেখিয়েছি যে নামকরণ নিয়ে যে সমস্তার সৃষ্টি হয়েছে তার আসল কারণ এই যে প্রফুল্লের ট্রাজেডির আবেদন যোগেশের ট্রাজেডির জীবিতার দ্বারা আচ্ছন্ন হয়ে পড়েছে—প্রফুল্লের কেন্দ্রীয়ত্ব যোগেশ অধিকার করে বসেছেন। এও বলেছি এই সমস্তার সমাধান করতে যোগেশ-পক্ষের সমালোচকগণ যে চেষ্টা করেছেন, যে যুক্তি দিয়ে নামকরণ সমর্থন করতে চেয়েছেন তা অবশ্যই একটু কষ্টকল্পিত হয়েছে। বাস্তবিক, নাটকখানিতে যদি যোগেশের ট্রাজেডি দেখানোর উদ্দেশ্যই বড় হয়ে উঠে থাকে, তবে এ কথা স্বীকার করতেই হবে যে প্রফুল্ল নামকরণ বার্থ হয়নি। এই সমস্তা সমাধানের আর যে একটি উপায় আছে সেদিকেও দৃষ্টি আকর্ষণ করতে চেষ্টা করেছি,—দেখিয়েছি—‘প্রফুল্ল’কে যৌথ পরিবারের বা সাজানো বাগানের শুকিয়ে যাওয়ার ট্রাজেডি বলে ধরলে এবং প্রফুল্লকে বৌথ পরিবারের সংঘর্ষনী বা সংশ্লেষণী শক্তির প্রতিনিধি রূপে গণ্য করলে, বৌথপরিবারের আদর্শ রক্ষার জন্য, বিশ্লেষণী শক্তির বিরুদ্ধে, প্রফুল্লই শেষপর্যন্ত প্রাণপণ সংগ্রাম করেছে—এই যুক্তিতে, প্রফুল্ল—নামকরণ সমর্থন করা যেতে পারে। এ ভাবে দেখলে—প্রফুল্লের এবং যোগেশের ট্রাজেডিকে এক বৃন্তের মধ্যে নির্বিরোধে স্থান ক’রে দেওয়া যায় বটে, কিন্তু তা’তে যে প্রফুল্লের ট্রাজেডিকেই পরোক্ষভাবে বড় ক’রে তোলার চেষ্টা করা হয়—এ কথাও অস্বীকার করা যায় না।

নাটকের নামকরণ নিয়ে যেখানেই প্রশ্ন উঠে, বুঝতে হবে, সেখানে নাট্যকারের অভিজ্ঞতাটি স্থম্পটাকারে ব্যক্ত হতে পারেনি—নাট্যকারের প্রতিপাত্ত

বিষয়—(প্রেমিজ) খুব পরিচ্ছন্ন (clear-cut) হয়ে উঠেনি, অথবা রূপ দেওয়ার সময় নাট্যকারের দৃষ্টি অন্তরিক্তে আকৃষ্ট হওয়ার তিনি লক্ষ্যভ্রষ্ট হয়ে গেছেন ।

বলা বাহুল্য, প্রতিপাত্ত বিষয়ে অস্পষ্টতা থাকলে নাটকের গঠনেও অনিবার্হ-ভাবে ত্রুটি দেখা দেবে । কারণ উপায়ের উৎকর্ষ নির্ভর করে লক্ষ্যের প্রকৃতির উপরেই এবং সেই কারণেই অংশের উপযোগিতার বিচার অংশীর প্রকৃতি বিচার না ক'রে করা সম্ভব নয় । মনে রাখতে হবে—প্রত্যেক শিল্পবস্তুই এক একটি সমগ্র অংশী—বিভিন্ন অঙ্গ-প্রত্যঙ্গের সমবায়ে গঠিত একটি অঙ্গী—প্রত্যেক জীব-দেহের মতোই নে একটি বিশিষ্ট জীবাত্মার অভিব্যক্তি—বিশেষ উদ্দেশ্যের সিদ্ধি—বিশেষ প্রতিপাত্তের প্রতিপাদন । জীবের অঙ্গ-প্রত্যঙ্গ যেমন বিশিষ্ট জীবাত্মা-টিরই অভিব্যক্তি, নাট্যশিল্পের প্রতিপাত্ত বা উদ্দেশ্যও তেমনি নাটকের বৃত্ত-বন্ধের নিয়ামক শক্তি । এই কারণেই নাটকের বৃত্তবন্ধ বা সঙ্কি-বিভাগ বিচার করতে হলে প্রথমেই নাটকের প্রতিপাত্ত বিষয়টি নির্ধারণ করতে হবে এবং দেখতে হবে বৃত্তটি প্রতিপাত্তের আদর্শ আধার হ'য়ে উঠেছে কি না । আসল কথা বৃত্তবন্ধ বিশ্লেষণ করতে হ'লে গোড়াতেই নাটকের—প্রতিপাত্ত বিষয় স্থিরীকরণ করতে হবে । প্রতিপাত্ত যেখানে সরল ও সুস্পষ্ট সেখানে কোন সমস্যা থাকে না, কিন্তু প্রতিপাত্ত বিষয় যেখানে অস্পষ্ট সেখানেই সমস্যা ।

প্রফুল্ল নাটকের বিশ্লেষণের ক্ষেত্রে প্রথমেই আমাদের সামনে প্রতিপাত্ত-নির্ধারণের সমস্যা এসে দাঁড়ায় । মনে প্রশ্ন আসে—প্রফুল্ল ট্রাজেডি জেলীর নাটক বটে, কিন্তু কার ট্রাজেডি ? প্রফুল্লের ট্রাজেডি ? যোগেশের ট্রাজেডি ? অথবা যোগেশের এবং প্রফুল্লের ট্রাজেডির সংযোগে সাজানো বাগান শুকিয়ে যাওয়ার ট্রাজেডি ? এসব প্রশ্ন সম্বন্ধে আগেই আলোচনা করা হয়েছে । আগেই বলা হয়েছে—নাটকখানিকে প্রফুল্লের ট্রাজেডি হিসাবে বিচার করতে গেলে এ সিদ্ধান্ত করতেই হবে যে নাট্যকার পঞ্চাৎপটকে এত বড় এবং উজ্জ্বল করে ফেলেছেন বা ফেলতে বাধ্য হয়েছেন যে আসল নৃত্যিগ্নান হয়ে গেছে—এমন কি হত্যার রং চড়িয়েও গুরুত্ব যোগেশের সমকক্ষ করতে পারেননি ।

প্রফুল্লকে ‘প্রথম ব্যক্তির’ (প্রোটোগোনিষ্ট) ব্যক্তিত্ব তথা কেন্দ্রীয়ত্ব দিতে হলে, চরিত্রটির উপরে যে পরিমাণ আলোক প্রপাত করা উচিত, চরিত্রটির জন্ত যে পরিমাণ স্থান ছেড়ে দেওয়া উচিত, নাট্যকার সেই পরিমাণ আলোক এবং স্থান প্রফুল্লকে দিতে পারেননি। কেন পারেননি সে সম্বন্ধে আগেই আলোচনা করেছি, দেখিয়েছি—প্রফুল্লের ট্র্যাজেডির পরিকল্পনাটিই এমন যে যোগেশের ট্র্যাজেডি না ঘটিলে প্রফুল্লের ট্র্যাজেডি ঘটানো সম্ভব নয় অথচ যোগেশের ট্র্যাজেডি ঘটতে গেলে—যোগেশকে জড় এবং রমেশকে পুরো শয়তানে পরিণত করতে গেলে—যোগেশকে এবং রমেশকে অনেকখানি স্থান ছেড়ে না দিয়ে উপায় নেই। যোগেশকে রাজার ঐশ্বর্য থেকে পথ-ভিক্ষুকের নিঃস্বতার চরম সীমায়, প্রকৃতিত্ব ও স্নেহ-প্রীতি-ভক্তিময় যোগেশকে অপ্রকৃতিত্ব ও অসাড় হৃদয় যোগেশের স্তরে নিয়ে আসতে নাট্যকারকে এত দৃষ্টের পারিকল্পনা করতে হয়েছে, এতখানি মনোযোগ দিতে হয়েছে যে এই পর্বে তিনি প্রফুল্লের দিকে সম্মুখিত দৃষ্টি রাখতে পারেননি। ফলে ঘটনাব্যবস্থার ভারসাম্য নষ্ট হয়েছে এবং সঙ্গে সঙ্গে যোগেশ কেন্দ্রীয় চারত্রেয় গুরুত্ব লাভ করে বসেছে। এহ বিষয় রোধ করবার একটি মাত্র উপায় ছিল। যদি নাট্যকার প্রফুল্লের ট্র্যাজেডির সামগ্রিক আবেদন বা তীব্রতাকে এমন একটি মাত্রায় পৌছে দিতে পারতেন যা যোগেশের ট্র্যাজেডির তীব্রতার চেয়ে অপেক্ষাকৃত অধিক শুধু তা’হলেই প্রফুল্লের ট্র্যাজেডি তার গুণগত গুরুত্ব দিয়ে প্রাধান্য বজায় রাখতে পারতো। কিন্তু তা পারেনি; গুণগত গুরুত্ব যোগেশ প্রধান হয়ে পড়েছে।

প্রফুল্ল যে আঘাত পেয়েছে তা এসেছে একটি দিক থেকেই—তার স্বামীর হাত থেকে। আর যোগেশ পেয়েছে—ভাইয়ের হাত থেকে—কৃতব্রতার আঘাত, সুনাম হারানোর মর্মান্তিক বেদনা এবং নিজের-হাতে-সাজানো বাগানের শুকিয়ে-বাওয়া দেখার মর্মজালা। এই তিন মর্মদাহের ধারা যোগেশের মধ্যে মিলিত হয়ে যোগেশের ট্র্যাজেডিকে যে গুণগত ও পরিমাণগত গুরুত্ব

দিয়েছে তার তুলনায় প্রফুল্লের ট্র্যাজেডি অনেক পরিমাণে লঘু হয়ে পড়েছে। অতএব, নাটকখানি প্রফুল্লেরই ট্র্যাজেডি—এ কথা স্বীকার করলে এ কথাও স্বীকার করতে হবে যে নাট্যকার চরিত্রগুলি ভালো করে—orchestrate করতে, প্রাধান্যের তথা গুরুত্বের মাত্রা অহুসারে সাজাতে পারেননি। যোগেশের ট্র্যাজেডির তীব্রতা প্রফুল্লের ট্র্যাজেডির প্রতিস্পর্ধী হয়েই ক্ষান্ত হয়নি, তাকে ছাপিয়ে গেছে। সত্য বটে প্রফুল্ল যৌথ পরিবারের একজন বধু—বালিকা বধু এবং এমন যুগের এক বিশেষ ব্যক্তি যাদের ব্যক্তিত্ব বলে কোন কিছু ছিল না, যাদের কাছে পতিই ছিল পরম গুরু এবং পতির ইচ্ছার অহুসার্তই ছিল ধর্ম-সাধনা এবং এ কথাও সত্য, যে এরূপ একটি বালিকা-বধুকে সক্রিয় কেন্দ্রীয় চরিত্র ক’রে তোলা খুবই হুঃসাধ্য ব্যাপার কিন্তু এ কথাও অস্বীকার করার উপায় নেই যে মুখ্য উদ্দেশ্য যদি নির্মাণ দোষে গোণ হয়ে পড়ে তবে তা’ স্রষ্টার ত্রুটি বলেই গণ্য করতে হবে।

অন্যপক্ষে, নাটকখানি যদি যোগেশের ট্র্যাজেডি এবং যোগেশের ট্র্যাজেডির ভিতর দিয়ে যৌথপরিবারের ট্র্যাজেডি—‘সাজানো বাগান শুকিয়ে যাওয়ার’ ট্র্যাজেডি দেখানোর উদ্দেশ্যেই রচিত হয়ে থাকে, তা’ হলে প্রথমেই প্রশ্ন উঠবে নাটকের নামকরণের সাংক্ৰান্ত নিয়ে এবং তারপর প্রশ্ন উঠবে—যোগেশ চরিত্রের ক্রমপরিণতির প্লুত-গতি নিয়ে। যোগেশেরই ট্র্যাজেডি দেখানো যে নাটকের মুখ্য উদ্দেশ্য হবে সেই নাটকে যোগেশের পরিণতিকে প্লুত-গতিতে উপস্থাপিত করলে চলবে না। ক্রমপরিণতির ধাপগুলি বা মোড়গুলি যথাসম্ভব ক্রমাগত এবং সুস্পষ্ট করে দৃশ্য করা আবশ্যিক। আগেই বলেছি, যোগেশের ট্র্যাজেডির পটভূমিতে প্রফুল্লের ট্র্যাজেডি স্থাপনা করা নাট্যকারের উদ্দেশ্য ছিল বলেই যোগেশ চরিত্রের পরিণতির ক্রম বেশ একটু অসংলগ্ন বা দ্রুত হয়েছে। তাই বলে যোগেশের পরিণামের শোচনীয়ত্ব কোন শানি ঘটেনি। আর এক দিক থেকে দেখলে দেখা যাবে—পরিণতির ভঙ্গক্রমতা বা দ্রুততার ত্রুটিকে নাট্যকার অন্ত এক প্রক্রিয়ায় মার্জনা করার চেষ্টা করেছেন। এই প্রক্রিয়াটি

এই যে নাট্যকার যোগেশের ট্রাজেডিকে শেষ পর্যন্ত ‘সাজানো বাগান শুকিয়ে বাগয়ার’ ট্রাজেডিতে পরিণত করেছেন এবং নাটকের বৃত্তটির যৌগিকতার মাজা আরো বাড়িয়ে দিয়েছেন। নাট্যকার দেখাতে চেয়েছেন—যোগেশকে রমেশ যে মর্যাস্তিক আঘাত—কৃতব্রতার নিদাক্ষণ আঘাত দিয়েছে এবং সুনাম কেড়ে নিয়ে যোগেশের অন্তরাত্মাকে গলা টিপে মেরেছে—এ সবই মর্যাস্তিক আঘাত বটে, কিন্তু যোগেশের সব চেয়ে বড় ব্যথা এই যে তার ‘সাজানো বাগান শুকিয়ে গেল।’ “ভস্মীভূত সমস্ত জীবন হইতে উখিত একটি আশরোধকারী ধুম্রোচ্ছ্বাস ও বহির্গত গোদোক্তি—‘আমার সাজানো বাগান শুকিয়ে গেল।’” (ডঃ শ্রীকুমার বন্দ্যোপাধ্যায়)—যোগেশের ট্রাজেডির গভীরতম স্তরটিকেই ব্যক্ত করেছে এবং দেখিয়েছে যে যোগেশের আসল ট্রাজেডি—নিজের হাতে সাজানো বাগানকে চোখের সামনে শুকিয়ে যেতে দেখার ট্রাজেডি। ব্যাক-ফেল-হওয়া থেকে আরম্ভ করে, রমেশের কৃতব্রতা, সুরেশের চোর হওয়া, উমানন্দরীর উন্নততা, জ্ঞানদার পথে-পড়ে-মরা, যোগেশের পথের ভিক্ষুকে পরিণত হওয়া, প্রফুল্লের মৃত্যু এবং রমেশের শাস্তি—সব কিছুই এই ট্রাজেডির উপাদান। এই সমস্ত ঘটনার সমাবেশেই সাজানো বাগান শুকিয়ে বাগয়ার ট্রাজেডি সম্পূর্ণ হয়েছে। এবং যোগেশের ব্যক্তিগত ট্রাজেডি থেকে একটি স্থায়ী পরিবারের ট্রাজেডি—‘সাজানো বাগান শুকিয়ে বাগয়ার’—ট্রাজেডির ব্যঙ্গনা ফুটে উঠেছে। যে পরিমাণে এই ব্যঙ্গনা ফুটে উঠে সেই পরিমাণে দর্শকের মন ব্যক্তির কেন্দ্র থেকে ‘সাজানো বাগানের’ কেন্দ্রের দিকে সরে যায় এবং যোগেশের আত্মনাদেব ভিতর দিয়ে—‘সাজানো বাগানের শুকিয়ে বাগয়া’ রূপটি দেখে দর্শক দীর্ঘশ্বাস ত্যাগ করেন। স্তরভাং এ সিদ্ধান্ত করা যেতে পারে—যে প্রফুল্লের ট্রাজেডির মূল পরিকল্পনা বিশেষ কারণে যোগেশের ট্রাজেডিতে এবং তার মাধ্যমে, ‘সাজানো বাগান শুকিয়ে বাগয়ার’ ট্রাজেডির বৃত্তে পরিণত হয়েছে। অর্থাৎ ‘প্রফুল্ল’ একাধারে প্রফুল্লের যোগেশের এবং সমগ্র পরিবারটির ট্রাজেডি।

‘বৃত্ত’-বিশ্লেষণ করার পরে এবার চরিত্র-সৃষ্টি সম্পর্কে সামান্যভাবে কয়েকটি কথা বলা যাক।

‘চরিত্র’ বলতে সাধারণতঃ বুঝায়—মানুষের ব্যক্তিত্ব বা তার দেহ-মনের বিলক্ষণ বৈশিষ্ট্যকে—ব্যক্তির জ্ঞান-অনুভব-ইচ্ছার অর্থাৎ মস্তিষ্ক হৃদয় ও বাসনার—এক কথায়, প্রবৃত্তি-নিবৃত্তির বিশেষত্বটিকে যা তার আচার-আচরণকে নিয়ন্ত্রিত করে। লৌকিক জগতে চরিত্রবান লোক বলতে বুঝায় সেই ব্যক্তিকেই যার স্বভাবে প্রবৃত্তির চেয়ে নিবৃত্তির কোঁর বেশি। যিনি জানে সত্যকে, অনুভবে—প্রেম-প্রীতিকে এবং ইচ্ছায় সত্য-মীতি আঁকড়ে থাকেন বা কামনা করেন এবং চরিত্রহীন বলতে বুঝায় তাকেই যে প্রবৃত্তির বশীভূত—যে এক বা একাধিক রিপূর অনুগত দাস। আবার স্বভাবের বা প্রবণতার ভিত্তিতে চরিত্রকে নানাভাবে ভাগ করা হয়ে থাকে। বলা হয়,—অমুক বড় চিন্তাশীল, ভাবুক ; অমুক বড় কাল্পনাবিলাসী ; অমুক বড় কর্ণভংগর, অমুক বড় কামুক বড় লোভী, বড় ক্রোধী, বড় মোহপ্রবণ, বড় মৎসর—অমুক বড় কোমলহৃদয়, অমুক বড় কঠোরহৃদয়,—অমুক বিষকুন্ত পয়োমুখ, অমুক পয়ঃকুন্ত বিষমুখ,—অমুক দূঢ়চেতা, আদর্শনিষ্ঠ, অমুক আদর্শহীন স্বার্থসেবী—এমনি প্রত্যেকটি প্রবণতার ভিত্তিতে আমরা ব্যক্তি-স্বভাবকে বিশেষি করতে পারি এবং করেও থাকি। শিল্পের জগতে “চরিত্র-সৃষ্টি” বলতে শুধু ঐক্লপ কোন ব্যক্তিস্বভাবের কল্পনা বুঝায় না, তার সঙ্গে আরো কিছু বুঝায়। ব্যক্তি-স্বভাবের পরিবেশের সঙ্গে বুঝাপড়ার চেষ্টা এবং উভয়ের বুঝাপড়ার বা ক্রিয়া-প্রতিক্রিয়ার ভিতর দিয়ে কোন একটি পরিণতির দিকে ব্যক্তির অগ্রগতি—ব্যক্তির ব্যক্তিত্বের আংশিক বা আমূল পরিবর্তন। শিল্পের ক্ষেত্রে সূক্ষ্মর চরিত্র বলতে বুঝায় ব্যক্ত চরিত্র, (শিল্পের ক্ষেত্রে “what is expressed is beautiful”) এবং ব্যক্ত চরিত্র হচ্ছে সেই চরিত্র যে তার সত্তার সমগ্রতা নিয়ে তার জৈবিক, মনস্তাত্ত্বিক এবং সহাজনৈতিক আয়তন নিয়ে পরিবেশের সঙ্গে বুঝাপড়া করবার চেষ্টা করে। এই চেষ্টা যেখানে থাকে না সেখানেই

চরিত্র অব্যক্ত এবং যেখানে যে পরিমাণে থাকে সেখানে সেই পরিমাণে চরিত্র ব্যক্ত। অতএব চরিত্র সৃষ্টির নৈপুণ্য আসলে চরিত্রকে ব্যক্তিত্ববিশিষ্ট করে তোলার এবং বিচিত্র বাস্তব পরিস্থিতির ভিতর দিয়ে ব্যক্তিত্বের স্বাভাবিক ক্রিয়া প্রতিক্রিয়া তথা ক্রমপরিণামের সঙ্গতিপূর্ণ ও বাস্তব রূপ ফুটিয়ে তোলার ক্ষমতা। এই ক্ষমতার প্রকাশ একদিকে পাওয়া যায়—বিচিত্র-ব্যক্তিত্ব পরিকল্পনার মধ্যে; অত্রদিকে পাওয়া যায়—ব্যক্তিত্বকে বাস্তব সঙ্গতিপূর্ণ এবং ক্রমবিকাশী করে তোলার মধ্যে। বলা বাহুল্য যে ক্ষেত্রে চরিত্রের স্বভাবে কোনরূপ পরিবর্তন ঘটে না সেখানে চরিত্র প্রকাশধর্মী এবং যেখানে স্বভাবে পরিবর্তন বা পরিণতি ঘটে সেখানে চরিত্র বিকাশধর্মী এবং এ কথাও বলা বাহুল্য যে ব্যক্তিত্বকে প্রকাশিত অথবা বিকশিত করা উভয় ব্যাপারই শক্তিসাপেক্ষ—বিশেষতঃ বিকাশন ব্যাপার তো খুবই শক্তি-সাপেক্ষ।

এই সামান্য কয়েকটি কথা মনে রেখে প্রফুল্ল-নাটকের চরিত্র পরীক্ষা করতে গেলে আমরা দেখতে পাব যে নাট্যকার চরিত্র-সৃষ্টি ব্যাপারে সব ক্ষেত্রে উচ্চ মান রক্ষা করতে পারেননি। প্রথমতঃ প্রফুল্ল চরিত্রটির কথাই বলা যাক। যদিও এ কথা উপেক্ষণীয় নয় যে তখনকার দিনের একটি যৌথপরিবারে অশিক্ষিতা একজন বালিকা-বধূকে ব্যক্তিত্বে পুরুষের সমকক্ষ করে তোলার অবকাশ কমই ছিল, তবু এ কথাও মিথ্যা নয় যে হৃদয়ের বিশিষ্টতা দিয়ে চরিত্রটিকে আরো ব্যক্তিত্বশালী-করে তোলার পথে কোন বাধা ছিল না। বলা বাহুল্য প্রফুল্লকে আরো স্নেহ-প্রীতিময়ী করতে পারলে প্রফুল্লের ব্যক্তিত্বের গুরুত্ব আরো বৃদ্ধি পেত এবং পরিবেশের সঙ্গে ঐ ব্যক্তিত্বের ব্যাপড়ার চেষ্টাকে আরো সুস্পষ্ট করতে পারলে প্রফুল্ল একটি সুসমন্বিত চরিত্রে পরিণত হতে পারত।

প্রফুল্লের ব্যক্তিত্বের সঙ্গে রমেশের চলনার দ্বন্দ্ব এবং রমেশের চলনার জয় সুস্পষ্ট রেখায় ফুটে উঠেনি বলেই প্রফুল্ল-চরিত্র মধ্য পর্বে পূর্ণমাত্রায় ব্যক্ত হতে পারেনি এবং তা পারেনি বলেই চরিত্রের ক্রমবৃদ্ধি (গোথ) ব্যাহত হয়েছে। প্রফুল্লের ট্রাজেডি আরম্ভ হয়েছে

সেই ক্ষণেই যেক্ষণে সে স্বামীর ছলনাকে আবিষ্কার করতে পেরেছে এবং শেষ হয়েছে সেখানেই যেখানে প্রফুল্ল, যাদবকে বাঁচাতে গিয়ে স্বামীকে পাণ থেকে নিবৃত্ত করতে গিয়ে, নর-পিশাচ স্বামীর হাতেই প্রাণ বিসর্জন করেছে। প্রফুল্লের ব্যক্তিত্ব স্নেহ-প্রেম-ভক্তি-প্রীতি দিয়ে গঠিত। এই দিক থেকে, ব্যক্তি হিসাবে প্রফুল্ল খুব দুর্বল নয়, বরং খুবই সবল। সেই সবলতার প্রমাণ রয়েছে তার আত্মদানে—স্বামীকে পাণাচার থেকে নিবৃত্ত করবার, যেনোর প্রাণ রক্ষা করবার ঐকান্তিক চেষ্টার মধ্য। এই শেষ ঘটনাটির মধ্যে প্রফুল্লের ইচ্ছাশক্তি (will) দারুণ তেজে জ্বল উঠেছে—সেই মুহূর্তে তার চরিত্রে সক্রিয়তম চারিত্রের সক্রিয়তা ব্যক্ত হয়েছে। প্রফুল্লের এই দীপ্তিটুকু নিশ্চয়ই ভুলবার বস্তু নয়। কিন্তু তা' সত্ত্বেও এ কথা মনে জাগবেই যে ইচ্ছা-শক্তির এই দীপ্তি আমরা আগে তেমন উজ্জ্বল ভাবে ব্যক্ত হ'তে দেখিনি।

দ্বিতীয়তঃ যোগেশ চরিত্রের কথা। যোগেশের ট্রাজেডির বৈশিষ্ট্য সম্বন্ধে আগেই আলোচনা করা হয়েছে। এখানে যোগেশের ব্যক্তিত্বের স্বরূপ এবং পরিস্থিতির সঙ্গে তার ক্রিয়া প্রতিক্রিয়ার রূপ কতখানি সমুচিত হয়েছে তা নিয়ে কয়েকটি কথা বলতে চাই। যোগেশের ব্যক্তিত্বে দুটি উপাদান খুব প্রবল—একটি হৃদয়বত্তা—বিশেষতঃ ভ্রাতৃ-স্নেহ; দু' সত্যতা বা আয়নিষ্ঠা—সুন্‌দর তথা মানবিক মূল্যের প্রতি ঐকান্তিক অমুরাগ। এই দুই প্রবণতার প্রেরণাই যোগেশের ইচ্ছাকে শক্তি যুগিয়েছিল। যোগেশ অদম্য অধ্যবসায় নিয়ে এবং নং পথে থেকে ব্যবসায় করেছিলেন—এবং একটি দুঃস্থ পরিবারকে ধনা ও সুখী পরিবারে পরিণত করতে চেষ্টা করেছিলেন। যোগেশের চেষ্টা সফল হয়েছিল—যোগেশ একটি সুন্দর বাগান সাজিয়ে তুলেছিলেন—মা, 'দু'ভাই, স্ত্রী-পুত্র নিয়ে সুখের সংসার গড়ে তুলেছিলেন এবং আরো সুখের স্বপ্নে বিভোর ছিলেন।

এমনি সময়ে বজ্রপাত ঘটল—ব্যাক স্কল হওয়ায় বহুকালের অধ্যবসায় গড়া ঐশ্বৰ্যের প্রাসাদ বিলীন হ'য়ে গেল। যোগেশ চোখে দুর্ভেদ

অঙ্ককার দেখলেন—শতবর্ষের সাধনা এক নিমেষে ধূলিসাৎ হলে যে নৈরাশ্র মন ভেঙ্গে পড়ে যোগেশের মনে তখন সেই নৈরাশ্র—সর্বশাস্ত্র হওয়ার বেদনায় এবং আশাহীন ভবিষ্যতের দিকে চেয়ে যোগেশ অপ্রকৃতিস্থ হয়ে পড়লেন এবং মদ খেয়ে আত্মবিস্মৃত হতে তথা আত্মরক্ষা করতে চেষ্টা করলেন। যোগেশের মতো ভাবাবেগপ্রবণ চরিত্রে আশাভঙ্গের প্রতিক্রিয়া একরূপ উন্মত্তপ্রায় অস্থিরতা। নিয়েই যে ব্যক্তি হবে—সেটা কোন-অস্বাভাবিক ঘটনা নয়। ঐ ব্যক্তি-ফেল-হওয়ার ঘটনায় যোগেশের মনোবল ক্ষুণ্ণ হলেও তাঁর নৈতিক দৃঢ়তায় কোন পরিবর্তন ঘটাতে পারেনি। যোগেশ সব-কিছুর বিনিময়ে সততা বা সুনাম রক্ষা করবার সংকল্প জানিয়েছিলেন। কিন্তু যখন পরিবারের আর সকলে, বিশেষ করে রমেশ,—যোগেশের চেয়ে সম্পত্তির কথাই বেশী করে ভাবতে লাগল, এমনকি রমেশ সম্পত্তি আত্মসাৎ করতে মরিয়া হয়ে উঠল এবং যোগেশকে মর্মান্তিক আঘাত দিতেও কুষ্ঠিত হ'লো না তখনই যোগেশ একেবারে হাল ছেড়ে দিলেন—আত্মবিস্মৃতির আবরণে নিজেকে আচ্ছাদিত করতে মরিয়া হয়ে মদ ধরলেন। যোগেশ চরিত্রের এই পরিবর্তনটি বিশেষ লক্ষণীয় এবং ব্যাখ্যামাপেক্ষও বটে। যোগেশ যে চরিত্রের লোক—যে ধরনের স্নেহপ্রবণ ও ত্রায়নিষ্ঠ লোক, তেমন ধরনের চরিত্রের স্বাভাবিক প্রতিক্রিয়াই হচ্ছে আত্মসংকোচন, আত্মপীড়ন এবং আত্মবিস্মৃতি তথা আত্মবিলোপ ঘটাবার প্রবৃত্তি। যেখানে আঘাতকারীকে আঘাত করার চেয়ে আর বড় আঘাত থাকে না, যেখানে আঘাত করে বা শত চেষ্টা করেও হারাণো মূল্যকে উদ্ধার করার কোন উপায় থাকে না, সেখানে ঐ প্রতিক্রিয়াই স্বাভাবিক; সেখানে ব্যক্তি আত্মভিমাণে আত্মাকেই ক্ষয় করে ফেলতে চায়—আত্মপীড়নের মধ্যেই আত্মরক্ষার শেষ উপায় খুঁজে নেয়।

কৃতঘ্নতার আঘাত—প্রাণপ্রিয় ব্যক্তির প্রতারণার আঘাত যে কত বড় মর্মান্তিক আঘাত এবং সেই আঘাত যে দশটা শত্রুর আঘাতের চেয়েও

মারাত্মক—‘the most unkindest cut of all’ তার পরিচয় পাওয়া যায় ‘জুলিয়াস সীজার’ নাটকের সীজারের-চরিত্রের আচরণে। ক্রটাস ছিলেন সীজারের প্রাণপ্রিয় বন্ধু—‘Caesar’s angel’। সেই ক্রটাসই যখন তাঁর বৃকে ছোঁরা বসিয়ে দিয়েছিল তখন—সীজারের প্রতিক্রিয়া—

‘For when the noble Caesar saw him stab
Ingratitude, more strong than traitors’ arms
Quite vanquished him : then burst his mighty heart.
And in his mantle muffling up his face” -

নাট্যকার বলতে চেয়েছেন—ষড়যন্ত্রকারী শত শত্রুর আঘাতে বা হয়নি প্রিয়তম বন্ধুর একটি আঘাতে তাই হয়েছে—সীজার সম্পূর্ণ পরাজিত হয়েছেন। তখনই এবং তখনই তার হৃদয় বিদীর্ণ হয়ে গেছে যখন ক্রটাস অস্ত্রাঘাত করেছে। এই আঘাতের প্রতিক্রিয়ায় সীজার গাত্রাবরণে মুখ ঢেকে ফেলেছিলেন এবং ফেলেছিলেন এই কারণেই যে মনুষ্যত্বের অতথানি অবমাননা তিনি চোখ মেলে সহ্য করতে পাবেননি। সীজারের এই শেষ প্রতিক্রিয়া—গাত্রাবরণে মুখ ঢেকে ফেলা—নিশ্চয়ই কোন দুর্বলতার লক্ষণ নয়—এই প্রতিক্রিয়া আহত মর্মেরই স্বাভাবিক প্রতিক্রিয়া। আমাদের যোগেশও আঘাতের প্রতিক্রিয়ায় ঢাকতে চেষ্টা করেছিলেন—মদ খেয়ে আত্মহারা হয়ে থাকতে চেয়েছিলেন—সমস্ত মর্মদাহকে মদের মধ্যে ডুবিয়ে রাখতে চেষ্টা করেছিলেন। মনে রাখতে হবে—যোগেশ মাতাল ছিলেন বলেই তার ট্রাজেডি ঘটেনি,—ট্রাজেডি ঘটেছিল বলেই যোগেশ মাতাল হয়েছিলেন - বিন্দুতির বিনিময়ে মদের কাছে আত্মবিক্রয় করেছিলেন। নাটকের শেষ দিকে যোগেশ যে সব অপ্রত্যাশিত বা অস্বাভাবিক তথা শোচনীয় আচরণ করেছেন,—সবই ঐ আত্মহারা যোগেশের ক্রমবর্ধমান অসাড়তার নিদর্শন,—প্রেত যোগেশের—আর এক যোগেশের ক্রিয়াকলাপ। ছেলের হাত থেকে পয়সা কেড়ে নেওয়া বা জ্বর বৃকে লাখি মায়া ঐ প্রেত যোগেশেরই কাজ এবং যোগেশের আত্মবিলোপনের চূড়ান্ত

নিদর্শন। সাজানো বাগানের মালিক যোগেশ আঘাতে আঘাতে আর এক শোচনীয় যোগেশে রূপান্তরিত হ'য়েছেন। নাট্যকার যোগেশের সেই “unmerited misfortune-কেই ব্যক্ত করতে চেষ্টা করেছেন। যোগেশ-চরিত্রের ট্রাজেডির মর্ম্মমূলে পৌঁছতে না পারলে, যোগেশের আচরণগুলি অনেকেরই কাছে যে মেলোড্রামাসুলভ ঘটনা ব'লে মনে হবে—এ আশংকা অমূলক নয়। কিন্তু যারা একটু তলিয়ে দেখবেন তাঁরাই দেখতে পাবেন যে গভীর ট্রাজেডির স্থায়ীভাবে ব্যক্ত করার জগুই ঐ আচরণগুলিকে সঞ্চারিভাবের মতো নিয়োজিত করা হয়েছে এবং সেই গভীর ট্রাজেডি হচ্ছে—স্নেহপ্রবণ ও ত্রায়নিষ্ঠ একটি চিত্তের ট্রাজেডি—একটি সরস জীবনের শুকিয়ে যাওয়ার ট্রাজেডি। এই ট্রাজেডিতে বহিঃস্থের উৎক্ষেপ-বিক্ষেপ আক্রমণ-প্রতিআক্রমণের ঘটনাদীপ্তি পাওয়া যায় না বটে কিন্তু যা পাওয়া যায় তার আকর্ষণও বেশী ছাড়া কম নয়। পাওয়া যায়—মানুষের হৃদয়লোকের নিগূঢ় রহস্য, পাওয়া যায়—মানবিক মূল্য হারাণোর শোচনীয় আত্মক্ষয়ী প্রতিক্রিয়ার ভিতর দিয়ে মানব-সত্তার মূল্য-প্রীতির গভীর নিষ্ঠার মহিমা! শেক্সপেয়ার চরিত্রদের সম্পর্কে বিখ্যাত নাট্যপ্রযোজক ও অভিনেতা ষ্ট্যানিস্লাভস্কি যে কথা বলেছেন সেই কথাটি—*The very inactivity of his characters conceals complex inner activity* :—যোগেশের চরিত্র সম্বন্ধেও প্রয়োগ করা যেতে পারে।

বলা বাহুল্য, যোগেশের ট্রাজেডির এই গভীরতা—যোগেশের প্রকৃতি এবং তিনি যে যে আঘাত পেয়েছেন তার গুরুত্ব যারা উপেক্ষা করবেন, তাঁদের চোখে যোগেশের আচরণ যেমন তাৎপর্যহীন লঘু ঘটনা ছাড়া আর কিছুই মনে হবে না, তেমনি নাট্যকারকেও তাঁরা উপযুক্ত মৰ্যাদা দিতে পারবেন না।

* তাঁরা—ধর্ম না জেনে মর্ম ব্যাখ্যা করতে যেয়ে, যোগেশের চরিত্রে “কুংসিত মাতলামি, কদর্ষ নিষ্ঠুরতা ও নিষ্ক্রিয় দুঃখবিলাস” ছাড়া আর কিছুই দেখতে পাবেন না। তাঁদের চোখে—ব্যাক স্ক্রল হওয়া এবং মদ খাওয়াই

যোগেশের ট্র্যাঙ্কেডির আসল, সুতরাং লঘু কারণ বলে মনে হবে এবং তাঁরা যোগেশ-চরিত্রের Spiritual value" উপলব্ধি করতে পারবেন না।

যোগেশ-চরিত্রের বিপরীত কোটির চরিত্র রমেশ। রমেশ উকিল। সে ছলনাকে বিত্তা হিসাবে শিক্ষা করেছে এবং মিথ্যা-জালিয়াতিকে জীবিকাক্ষেত্রের উপায় হিসাবে গ্রহণ করেছে। স্বার্থ তার কাছে পরমার্থ। তবে, নতুন কলকাতার সাহেবি অর্থকৌলিগ্ৰমোহ মনে প্রভাব বিস্তার করলেও যোগেশের যৌথপরিবারের দূর আর্থিক বনিয়াদ রমেশের স্বার্থপর সন্তাটিকে মাথা তুলে দাঁড়াবার অবকাশ দেয়নি। ব্যাক ফেল হওয়ায় সেই অবকাশ উপস্থিত হল। রমেশ যোগেশের ইচ্ছার বিরুদ্ধে দাঁড়িয়ে সম্পত্তি রক্ষার অজুহাতে সম্পত্তি আত্মসাৎ করবার চেষ্টা করল। যোগেশকে মর্যাদাস্তিক আঘাত দিতে, সুরেশকে বাড়ী থেকে বের করে দিতে একটুও তার বিবেকে বাধল না। রমেশ শয়তানে পরিণত হ'ল—নিজের পিতৃকল দাদার উপরেই সে ছলনা-বিত্তার ধার পরীক্ষা করল। কিন্তু লোভের স্বভাবই এই যে সে অল্পে সন্তুষ্ট থাকতে পারে না, মাঝ পথে থামতেও পারে না। রমেশও পারেনি। যোগেশকে নির্বংশ না করতে পারলে স্বস্তি কোথায়? সে নিশ্চিন্ত হ'তে চায়। তাই যোগেশের একমাত্র ছেলে যাদবকে সে বিষ খাইয়ে মারবার ষড়যন্ত্র করেছিল। কিন্তু সেই সংকল্প ব্যর্থ করে দিল তারই স্ত্রী—প্রফুল্ল। প্রফুল্ল স্বামীকে এত বড় পাপ করতে দেবে না—যেদোককে বাঁচাবেই। যে রমেশ পাপের স্রোতে নেমেছিল—হিতাহিত জ্ঞানশূন্য হ'য়ে ছুটে চলেছিল, তার কাছে কার কি মূল্য? প্রফুল্লকে না মেরে যখন যেদোক মারা যাবেই না তখন প্রফুল্লকেই সে গলা টিপে মেরে ফেলল। কিন্তু শেষ রক্ষা করতে পারল না। পুলিশ এসে পড়ায় সব ষড়যন্ত্র ফেঁসে গেল—পাপের মাণ্য শাস্তির বজ্র নেমে এলো—বিষপাত্ত পাপীর নিজেরই মুখে এসে ঠেকলো।

রমেশ সেই সব স্বার্থপরায়ণ কঠোরহৃদয় স্বভাবলো চরিত্রের বংশধর যারা পাপের স্রোতে গা ভাসিয়ে দেওয়ার পরে আর কুলের দিকে ফিরে তাকায় না,

বাদের হৃদয় থেকে স্নেহ-ভক্তি-প্রেম-প্রীতি এক নিমেষে উবে যায় ব'লে কোন স্ত্রীত স্মৃতি বা ভাবাবেগ এসে যাদের শয়তানী সংকল্পের পথ রোধ করতে পারে না। রমেশ যেন একটি রূপক চরিত্র—উকিল কি চিঞ্জ-রে।—এই প্রতিপাত্তের প্রমাণ। রমেশের বৃত্তি ওবালতি—অতএব নাট্যকাবের ধারণায়—রমেশ যেন স্বভাবে স্বার্থ-পরায়ণ কুটিল এবং বিষয়লোভী। ‘উকিল’—এই একটি পরিচয়েই তার আসল পরিচয় দেওয়া হয়ে গেছে—সুতরাং অনেক কথাই বা আচরণে চরিত্রের ভিত্তি প্রস্তুত করার কোন প্রয়োজন আছে—এ কথা তিনি মনে করেননি। আর একটা কথাও মনে রাখতে হবে—রমেশ কোন প্রস্তুত চরিত্র নয়, রমেশ সেই চরিত্রেরই দৃষ্টান্ত যার স্বভাব অবস্থার আত্মকুল্যে অব্যক্ত অবস্থা থেকে ব্যক্ত হ'য়ে উঠে। নাট্যকার দেখিয়েছেন—রমেশের স্বভাব আত্মকুল অবস্থা না পাওয়া পর্যন্ত অব্যক্ত হয়েই ছিল, কিন্তু যেই সুযোগ পেয়েছে অমনি ব্যক্ত হয়ে পড়েছে। রমেশেব স্পষ্ট বিষয়-কামনা জাগ্রত হয়েই সম্মোহে পরিণত হয়েছে—রমেশ অ-মানুষ হ'য়ে পিতৃকল্ল দাদাকে অপপ্রত্যাশিত আঘাত দিয়েছে, প্রতারণিত ও বিভ্রান্তিত কবেছে, ছোট ভাইকে জেলে পাঠিয়েছে, ভ্রাতৃপুত্রকে বিষ খাইয়ে মারবাব চেষ্টা কবেছে, নিজেব স্বাকৈ গলা টিপে হত্যা করেছে। এই দিক থেকে বিচার করলে—রমেশ একটি হঠাৎ-অভিব্যক্ত নিষ্ঠুর লোভী এবং বিষয়-সম্মোহিত চরিত্র।

বিষয়লোভ তার এতোই প্রবল যে ব্যাঙ্কে বাতি জালার সঙ্গে সঙ্গেই হরেশের স্বস্ত্র কিনে নেওয়াব জল্প কাঙালী-জগমণিকে হাত করেছে, হিসাব পাকা করে ফেলেছে—“ভাইয়ের চেয়ে পর কে? প্রথমে মা বখবা, তারপর—বাপের বিষয় বখরা, ভাইপো হবেন জ্ঞাতী শত্রু।” শয়তানি-তবেব সার কথা বুঝে নিয়েছে—“ঘাতে পরের অপকার তা'ও আপনাব উপকার” এবং সংকল্পও করেছে—‘দাদাকেও ফাঁকি দেওয়া চাই, ব্যাপারীগুলোকেও ঠকানো চাই।’ এই সংকল্প সিদ্ধ কববার জল্প সে মদকে সহায় করেছে—যোগেশকে বিষ খাইয়ে খাইয়ে মাতাল করে রেখে কাজ হাসিল করতে চেষ্টা করেছে—

—মটগেজে ‘সই’ করিয়ে নিয়েছে। ব্যাঙ্কের দেওয়ান সুসংবাদ দিতে এলে যোগেশের সঙ্গে দেখা করতে দেয়নি, কপট উদ্বেগ অস্থিরতা এবং শোক দেখিয়ে সকলের চোখে ধুলো দিতে চেয়েছে। এবং শেষ পর্যন্ত বেনামীতে সমস্ত সম্পত্তি আত্মসাৎ করেছে। সে পাপের শ্রোতে নেমে ধর্মের সঙ্গে কোন সন্ধি করার চেষ্টা করেনি—যোগেশকে দারোয়ান দিয়ে বাড়ী চুকতে দেয়নি; প্রফুল্লকে বাপের বাড়ী পাঠিয়ে দিয়ে জ্ঞানদা ও মা’কে বাড়ী-ছাড়া করেছে, তাতেও সন্তুষ্ট না হ’য়ে, ‘মিথ্যা যোগেশ সাজিয়ে এক তরফা ডিক্রি ক’রে দাদাকে ওয়ারিং’ ধরিয়েছে এবং বড় বোকে বাড়ী বেচতে বাধ্য করেছে। যোগেশের পিচনে মাতাল লাগিয়ে রেখেছে এবং বড় বোকে নিঃস্বল করে ভাঙ্গা কুড়ে ঘরে আশ্রয় নিতে বাধ্য করেছে। যোগেশকে পাগল করে এবং জ্ঞানদাকে পথে পড়ে মরতে বাধ্য করেও তার শয়তানি ক্ষান্ত হয়নি, শেষে যাদবকে ভুলিয়ে নিসে, বিষ খাইয়ে মারবার চেষ্টা করেছে। প্রফুল্লের মতো স্ত্রীকে গলাটিপে হত্যা করেছে। রমেশে শয়তান মূর্তিমান। বাস্তবিকই সে ‘কারুর নয়’ এবং অসাধারণ শয়তান।

তবে শয়তান একা রমেশকেই আশ্রয় করেনি, কাঙালী ও জগমণি—এই দু’টি চরিত্রও তার অন্তরঙ্গ পারিষদ। পা’পাচারের সিং সাধক। কাঙালী—রমেশের ব্যঙ্গের ভাষায়—যথার্থই “একজন অদ্বিতীয় ব্যক্তি” : অসদগুণে তার তুলনা নেই। সে একজন সিদ্ধ জালিয়াত। তার বহু বদনাম এবং একাধিক বকেয়া নাম। কিছুদিন এ্যাটনির ক্লার্কগিরি করায়, মিথ্যে মামলা সাজাতে সে সুদক্ষ। সম্প্রতি কলকাতায় হরিহর ডাক্তার সেজে আছে। জগমণি তার সুযোগ্যা সঙ্গিনী। তার বর্তমান পেশা—তার নিজেরই কণায়—“ডিম্‌পেন্সারি খুলে নিকরিপাড়া, ডোম পাড়া বেড়িয়ে গড়ে আনা আটেক করে দিন পোষায়। আরো আরো সব কার্য আছে তা’তেও কিছু পাই।” বলা বাহুল্য—কাঙালীর এই “আরো আরো কার্য” অপ্রকাশ্য, কারণ মারাত্মক ব্যবসা। যদিও

ডাক্তারি তার নিকিরী আর ডোমপাড়াতে, তবু কতকগুলি ইংরেজী ব্লিগ সে শিখে রেখেছে। ঘাতে ভঙ্গ পাড়াতেও প্রয়োজন মতো কাজ চালিয়ে আসতে পারে। ‘রি-এ্যাকশান’ ‘কোলাপ্স’ ‘এপোপ্লেসিস’ ‘মাইল্ড ডোজা’ প্রভৃতি পরিভাষা মুখস্ত করে নিয়েছে। এইসব ব্যবহার করে সে ভদ্রপরিবারে ‘আরো আরো কার্য’ করে থাকে। তার এক নমুনা পাওয়া গেছে—ঘোগেশকে মাতাল করবার চক্রান্তে, আর এক নমুনা পাওয়া গেছে—যাদবকে বিষ খাইয়ে মারবার চেষ্টায়। এই সব কামে কাঙালী এতো অভ্যস্ত যে কাজ করতে তার হাত বা বুক একটুও কাঁপে না। কাঙালী বাস্তবিকই একজন কুশলী শয়তান।

কিন্তু এত কুশলী হাওয়া সত্ত্বেও কাঙালী জগমগির কাছে একেবারেই নাবালক—বলতে গেলে, ‘স্টুপিড’ ‘মুখ্য’—‘বে-আক্কেল।’ সে যেন বিক্রতির আত্মশক্তি—শয়তানের জ্বী-সংস্করণ। বহুরূপী বিভ্রাধরী’ই সে বটে। সে চাপরাসীরূপে বিল সাধে, খানসামারূপে তামাক দেয় এবং খাস বিভ্রাধরী রূপে টাকা ধার দেয়—চার টাকা দিয়ে চল্লিশ টাকা লিখিয়ে নেয়। “আরো আরো কার্যে, সে কাঙালীর শুধু সহধর্মিণীই নয়,—প্রধান মন্ত্রণাদাতা, যাকে বলে—মাথা। রমেশের কথা অক্ষরে অক্ষরে সত্য—জগমগি ‘পানাউল্লার ঠাকুরদাদা’। এক আঁচড়ে সে মানুষ চেনে। রমেশকে দেখেই সে বুঝতে পেরেছে—‘ও দেখতে ছোঁড়া, বুদ্ধিতে বুড়োর বাবা, ও যে উকীল দেখছি ততদিন...বিশটা জাল করবে...যখন ডাক্তারখানা রাখতে ব’লে কারুকে বিষ খাওয়াবার মতলব যদি না থাকে তো কি বলেছি।’ বিনা বাঁধনে সে কোন কাজ করে না এবং কাজ করতে নেমে মাঝপথে থামতে জানে না। মিথ্যা, ছলনা, প্রবঞ্চনা, হত্যা কোন কাজকেই পাপ বলে পরিহার করে না। কোন্ প্যাচে কাকে জড়াবে বা ঘায়েল করতে হবে তার পরিষ্কার পরিকল্পনা তার মাথায়। রমেশ ঠিকই বলেছে—‘বাবা! তুমি তো মেয়ে নও, পুরুষের কান কাটো।’ আর ঝগড়াই বা না কেন? জগমগিইতো মিথ্যা ঘোগেশ সাজিয়ে

এক তরফা ডিক্রি করে যোগেশের নামে ওয়ারেন্ট বের করার বুদ্ধি দিয়েছে—পতিপ্রাণা জ্ঞানদা বাড়ী বিক্রি করে টাকা দিয়ে যোগেশকে ছাড়িয়ে নেবে জেনেই তা' করেছে ; মদন পাগলকে দিয়ে বাড়ীর দলিল চুরি করিয়ে এনেছে জ্ঞানদাকে নিঃশ্ব করবার জ্ঞান, অবশিষ্ট টাকা ফুরিয়ে ফেলবার জ্ঞান যোগেশের মদ বন্ধ করে দেওয়ার বুদ্ধি দিয়েছে। কী অভূত শয়তানি প্রতিভা ! জগমণি অবশ্যই বড়গলায় ব'লতে পারে—মনে করিস আমি মেয়ে মানুষ, তোরা পুরুষ, ভারি বুদ্ধি তোদের। মাই ছোটো কাটাতে পারতুম তো বুঝতুম কোথায় কে পুরুষ, কার কত ছাতি। ...পোড়া ভগবান যে মেরেছে কি করব ?”

তবে ৩৫ নং খুঁসিত এবং বিকৃত চরিত্রেই সাংসার যদি পূর্ণ হতো তা'হলে সংসারের চেয়ে বড় নরক আর কোথায় থাকতো না—জগতের সব আলো কাটে-কাটা পুষ্পের যতো কালো হয়ে যেতো। বিকৃতি যত সত্যই হোক, প্রকৃতির চেয়ে সত্য হতে পারে না এবং পারে না ব'লেই প্রকৃতিকে স কখনই নির্মূল করতে পারে না। প্রকৃতিকে সে আঘাত করতে পারে, সাময়িকভাবে পর্যুদস্তও করতে পারে, কিন্তু—কখনই একেবারে গলা টিপে মারতে পারে না। সংসারে কাঙালী, জগমণি এবং রমেশ যেমন আছে, তেমনি আছে যোগেশ প্রফুল্ল, জ্ঞানদা, পীতাম্বর, হরেশ, শিবনাথ, আছে ভবানী আছে মদন পাগল। এদের চরিত্রে ক্রটি আছে, বিচ্যুতি আছে, কারো কারো চরিত্রে অলসতা বিকৃতিও আছে, কিন্তু সব কিছুর উপরে আছে—মহুগুড়-প্রীতি—স্নেহ-প্রেম-প্রীতির মূল্যের প্রতি শ্রদ্ধা, এক কথায় ধর্মবোধ। প্রফুল্ল বালিকাবধু—সরলা। রমেশের শয়তানি বুঝবার মতো বুদ্ধি তার নেই, কিন্তু আছে—স্নেহ প্রেম-প্রীতিময় সুন্দর একটি হৃদয়—মানবিক মূল্যের প্রতি ঐকান্তিক নিষ্ঠা। জ্ঞানদাও—সরলবুদ্ধি পতিপ্রাণা স্নেহ-প্রীতিময়ী নারী। সরলতা তার সহজাত। সর্বসহা ধরিত্রীর মতো তাঁর দৈর্ঘ্য। শত আঘাতেও তাঁর চরিত্রে কোন সংকোচ জাগে না। পীতাম্বর যোগেশের কর্মচারী বটে কিন্তু সে সাধারণ কর্মচারী মাত্র নয় ; যোগেশের পরিবারেরই সে একজন এবং এমন একজন

যে দুঃখ লাঞ্ছনার ঝড় ঝাপটা সহ্য কবেও যোগেশের পরিবারকে রক্ষা করবার জ্ঞান কৃতসঙ্কল্প। ধর্মের-ধাতু দিয়ে এমন ভাবে সে গড়া যে শত প্রলোভনেও তাকে ধর্মচ্যুত করতে পারে না। পীতাম্বর স্বভাব-ভালোমানুষদেবই একজন। এঁরা শুধু যে অগ্রায় করে না তাই নয়, অগ্রায়কে সহ্যও করে না। পীতাম্বর নিকলঙ্ক সংস্রভাব চরিত্র।

তবে সম্পূর্ণ নিকলঙ্ক না হ'য়েও আসলে সংস্রভাব হওয়া যায় 'মানুষ' থাকা যায়—তাব দৃষ্টান্ত সুরেশ ও শিবনাথ। প্রচলিত অর্থে এরা সচ্চরিত্র নয়, কিন্তু আসলে এরা চরিত্রহীন নয়। সুরেশ অল্প বয়সেই পয়সা উডাতে শিখেছে—আমোদ-প্রবণ “ইয়ার” হয়েছে; কিন্তু যাকে বলে নীচাশয় তা সে হয়নি—কোন হীন কাজ বা মিথ্যাচাষ সে করেনি। ‘আপনার কুববধুকে পুলিশে হাজির করার চেয়ে সে চোর অপবাদ মাথায় নিতে প্রস্তুত, বন্ধু—শিবনাথকে ঝাঁচাবার জ্ঞান সব দোষ নিজের ঘাড়ে নিতে সে কুণ্ঠিত নয় এবং ভক্তি-প্রীতি-স্নেহ প্রভৃতি জীবন-রস তাব হৃদয় থেকে শুকিয়ে যাননি। সুরেশের বন্ধু শিবনাথ সুরেশের মতোই হৃদয়বান প্রকৃত বন্ধু। সুরেশকে সে যথার্থই ভালবাসে। তার জ্ঞান সে অকাতরে অর্থব্যয় করতে প্রস্তুত। তার দুঃখে সে দুঃখিত, তার সুখেই সে সুখী। শিবনাথের মায়ের কথা মিথ্যা নয়—তারা শুধু বন্ধু নয় তারা যেন দু'ভাই’।

চরিত্রহীন হলেও, লোক যে হীন চরিত্র বা ‘অমানুষ’ নাও হ'তে পারে, ভজ্জহরি তাব স্মদর দৃষ্টান্ত। ‘নরানাং মাতুলক্রমঃ’—ব'লে যে কথাটি আছে ভজ্জহরিতে তা কিছু কিছু ফলেছে। মাতুল কাঙালী-চরণেব শিক্ষা ও সঙ্গ দোষেই ভজ্জহরির চারিত্রিক গৃঢ়াতি ঘটেছে। ভজ্জহরির অতীত ইতিহাস খুবই করুণ। জমিদারের অত্যাচারে তার বাপ অকালে মারা যায়, মা ঘর ছেড়ে পথে বেব্রুতে বাধ্য হয় এবং না খেতে পেয়ে গাছতলায় প'ড়ে মারা যায়। ভাইগুলোও একে একে ঐভাবে মরে। বোনটিকে একজন নিয়ে যায়। সে আসে মামার কাছে। মামা-বাড়ীতে তার কাজ ছিল—“গন্ধর জাব দেওয়া,

বাসন মাজা, উছুন ধরানো, ভাতরাধা,” আর খাণ্ড ছিল—“মামাবাবুর বেত আর মামী ঠাকরণের ঠোনার সঙ্গে ফ্যানে ফ্যানে ভাত।” কাঙালীর সঙ্গে যে থাকবে, জেলকে শিয়রে রেখেই সে থাকবে—ভজহরি ইতিমধ্যেই জেলটা আসটা ঘুরে এসেছে, ‘মদটা ভাঙটা’ খায় এবং অস্থানে কুস্থানে রাত কাটায়। আর মামার আরো আরো কার্যে সাহায্য করে।

ভজহরির এসব কোন কাজেই ‘কুচ পবোয়া’ নেই। রেখে ঢেকে সে কথা বলেনা—এমন কি লক্ষ্যে পুটিয়া বলে তার একটা মেয়েমানুষ আছে সে কথাও সে সকলেরই সামনে বলে। সে আর কিছুই চায় না—চায় শুধু পুটিয়াকে নিয়ে তথেষ্ট থাকতে এবং তার জন্য কিছু টাকা। মাদ্র ষোল টাকায় সে মিথ্যা তমিদার—মূলকচাঁদ ধুধুরিয়া সাজতে পারে এবং সাজে—‘কারণ সেই রাত্রে নিদেন ষোল টাকা তার চাই।—“এই ধরনা পাটা একটা আড়াই টাকা, দু’টাকার একটা মদ, আট টাকার কম একটা হিন্দুস্থানী মেয়ে মানুষ হবে না...”’ অর্থলোভী সে নয়। তার কাছে অর্থ দৈনন্দিন প্রয়োজন মেটাবার উপায় মাত্র। সে রমণের বা কাঙালীর মতো—ইচ্ছা করে বা প্রবৃত্তির বশে পাপ কাজ করে না। পাপ কাজের সঙ্গে তার মনের কোন যোগ নেই। এক কথায় সে শয়তানের চর নয়। শাদা পাক না হ’লেও রমণ—কাঙালীর মনের মতো তার মন শয়তানের কারখানা নয়। ভজহরি চরিত্রহীন, কিন্তু হীনচরিত্র নয়। সে-মদ ভাঙ খায়—নেশা করে, মেয়ে মানুষ নিয়ে থাকে—এই পষত্বই তার বিকৃতির পরিধি; কিন্তু যাকে বলে ইচ্ছার (will) বিকৃতি—মনুষ্য-স্বভাবের মারাত্মক বিকৃতি, যাতে মন পচে যায়, সেই বিকৃতি তার চরিত্রে নেই। যেমন সে মূলকচাঁদ ধুধুরিয়া সেজে যোগেশের বিষয় ফাঁকি দিয়ে নিতে সাহায্য করে, তেমনি আবার ফাঁকি ধরিয়ে দিতেও যায়—বিপদ আছে জেনেও যায়। এই এদের চরিত্র। সে অর্থ চায় না, বিষয় চায় না—খ্যাতি চায়না, প্রতিভা চায় না, চায় শুধু—নিশ্চিন্ত হয়ে পুটিয়াকে নিয়ে থাকতে। শিবনাথকে সে বলে—“তোমরাও

স্থখে স্বচ্ছন্দে থেকে। আমিও পুঁটিয়াকে নিয়ে থাকব”—এ তার অন্তরের কথা।

ভজহরিকে আমরা যদি বিকৃত-চরিত্রের পংক্তিতেই স্থান দিতে চাই, তা হ'লে সেই শ্রেণীতেই তাকে রাখতে হবে যাতে-আছে সেই সব আপাত-বিকৃত চরিত্র—যারা অভ্যাসের বা সাময়িক প্রয়োজনের তাগিদে পাপ কাজ করলেও পাপ কাজের সঙ্গে তাদের অন্তরের যোগ বা সায় থাকে না এবং থাকে না বলেই, পাপ কাজের পরেই অন্তরের প্রেরণাতে সম্পূর্ণ বিপরীত কাজও করে বসতে পারে, যাদের কায়-মনোবাক্যের আচরণের মধ্যে পূর্ণ সঙ্গতি খুঁজে পাওয়া যায় না, বাতীকগ্রস্ত না হ'লেও যাদের বায়ুপ্রবল। এই শ্রেণীরই একটি অতিকৌটিক চরিত্র পাওয়া যায় মদন পাগলের মধ্যে।

মদন ঘোষ একটি বাতীকগ্রস্ত চরিত্র। বাহ্যত সে একজন 'বিয়ে-পাগলা বুড়ো।' বংশরক্ষা তাকে করতেই হবে এবং সেজন্য চাই একটি মেয়ে, সে যেমনই হোক না কেন। লোকে তাকে 'পাগল' বলেই জানে, শুধু দু'একজন জানে—“সে পাগল নঃ, আমি পাগলামো করে বেড়ায়। ওসব লোক কি ধরা দেয়।” যোগেশের মা সেই দু'এক জনের একজন। কারণ তাঁর মাতুলী ধারণ করার পরেই তাঁর ছেলে হয়েছিল। সে যাহা হোক মদন অবদামত কান্নের বিকারে 'বিয়ে-পাগলা হরিন; তার পাগলামো বা বিয়ের বাতীক এসেছে 'বংশরক্ষা' করার ঐকান্তিক আবেগ থেকেই। মদন ঘোষকে নিয়ে সকলে মজা করে। একবার দন্তপুকুরে একটা বেস্তার মেয়েসব সঙ্গে বিয়ে দিয়েছিল, আর একবার বোসেরা একটা ষাত্রা-ওয়ালায় ছেলের সঙ্গে বিয়ে দিয়েছিল, এবার স্বরেশ তাকে বিয়ের লোভ দেখিয়ে কাঙালীর আড্ডায় নিয়ে এসেছে—জগমণিকে বনে বলে চালাতে চেষ্টা করেছে। এই বাতীকের ছিত্রপথেই মদন ঘোষের মধ্যে পাপ প্রবেশ করেছে—মদন জগমণির পাপ কাজের সহায়তা করেছে। বংশরক্ষার লোভে এবং পাহারাওয়ালার ভয়ে, জগমণির আদেশে জানদার চোখকে ফাঁকি দিয়ে দলিল চুরি করে এনেছে এবং যাদবকে ভুলিয়ে নিয়ে এসেছে। দলিল চুরি এবং

ছেলেকে ভুলিয়ে-নিয়ে-আসা অসৎ কাজ বটে, কিন্তু এই কাজের জন্ত তাকে আমরা মূলতঃ দায়ী করতে পারিনে, কারণ চোর বলেই সে চুরি করেনি বা ছেলে-ধরা বলেই ছেলে ধরেনি, সমস্তই তার বাতিকগ্রস্ত সত্তার কাজ—আসল সত্তার কাজ নয়। সেই আসল সত্তা ছিল বাতিকে ও ভয়ে আচ্ছন্ন। সেই সত্তা বলে—‘পাহারাওয়াল সাহেব, ও ছেলেটাকে ছেড়ে দাও না’ সেই সত্তাই আতঙ্কে অস্থির হয়ে বলে উঠে—না না, আমি পারবো না, আমি মারবো না। ছেলে মারবে।... ‘হায়! হায়! কেন আমি পাহারাওয়াল বে করেছিলাম! কিন্তু ভয় কি সহজে যায়? প্রাণভয়ে সে অস্থির—দলিল চুরির দায়ে ছেলে চুরির দায়ে, পাহারাওয়াল তাকে বধে নিয়ে যাবে! তাকে মেরে ফেলবে। শেষ পর্যন্ত, যমরাজের ভয়—ধর্মরাজের ভয় দেখানোর পরে—মদনের প্রাণ ভয় কেটে যায়। মদন ধর্মরাজের শরণাপন্ন হয়,—সব পাগলামো সেরে যায়; বলে—মরি মরবো, ছেলেকে দেখিয়ে দেব।” যে পারাভ্রম্য সে নিজে বেঁচে থাকার জন্ত লুকিয়ে রেখেছিল, সেই পারাভ্রম্য সে যাদবকে পেতে দেয়। রমেশের মুখোমুখি দাঁড়িয়ে বলে—না না বধ কত্তে পারবে না।... বধ কত্তে পারবে না।... “জমাদার আর তোমার ভয় করিনি, পাহারাওয়াল আর তোমায় ভয় করিন। চাপরাসি আর তোমায় ভয় করিনি,” এমন কি—জগমণি যখন রমেশকে যাদবকে নিয়ে যেতে বলে, তখন সে খুন করার ভয় দেখায়—প্রাণপণে বাধা দেয়। প্রাণের ভয় ভেঙ্গে যাওয়ার সঙ্গে সঙ্গে মদনের বংশরক্ষার আবেগ তথা বিয়ে-বাতিকও দূর হয়ে যায়—মদন প্রকৃতিস্থ হয়।

[‘মদন’ চরিত্র পারিকল্পনার তাৎপৰ্য্যটি উপলব্ধি করতে না পারলে, চরিত্রটিকে খাপছাড়া বলে মনে হওয়ার যথেষ্ট আশংকা আছে।

বিয়ে-পাগলা হঠাৎ কি করে বাতিকমুক্ত হ’লে—‘আর আমি পাগল নই’ বলে প্রকৃতিস্থ হতে পারলো, একটু তলিয়ে না দেখলে বুঝতে পারা যাবে না। আগেই বলেছি—মদনের বিয়ের বাতিক কামাবেগের বিকৃতি থেকে

জন্মেনি ; জন্মেছে—বংশরক্ষার আবেগ থেকে । শেষ পৰ্যন্ত অনুসরণ করলে দেখা যায়, বংশরক্ষার আবেগটিও—প্রাণরক্ষার মৌলিক আবেগের সঙ্গে যুক্ত হয়ে আছে—এবং সেই আবেগই প্রাণভয়ের আকারে তথা বংশ রক্ষার আবেগ হয়ে দেখা দিয়েছে । মদনের বিকৃতির মূলে রয়েছে তার প্রাণভয় । প্রফুল্লের কথায় সেই ভয় দূর হতেই—তার বিকৃতির জড় নষ্ট হয়ে যায়—সে প্রকৃতিস্থ হয় । এই চরিত্রটিকে কোন আধ্যাত্মিক তত্ত্বের বা ভাবের বাহন হিসাবে গণ্য করার কোন প্রয়োজন নেই । এই পাগলটি গিরিশচন্দ্রের অগ্রাগ্র পাগলের মতো নয় । এর ভিত্তি আধ্যাত্মিক নয়, মনস্তাত্ত্বিক । যোগেশের মা যা'ই বলুন—মদন ভাবের পাগল নয় এবং ঠিক উন্মাদও নয় !]

উন্মাদ চরিত্র একটাই আছে এবং তিনি যোগেশের মা উমাসুন্দরী । অহুতাপে উদ্বেগে এবং আঘাতে আঘাতে তিনি কেবল মনের ভারসাম্যই হারিয়ে ফেলেন নি, একেবারে আত্মহারা হয়ে গেছেন । উমাসুন্দরীর ধারণা—তার অহুতাপ—যোগেশকে সই করতে বলে তিনিই যোগেশকে অধর্মের প্রেরণা দিয়েছেন—যোগেশকে ‘অন্ত যোগেশে’ পরিণত করেছেন । একে এই অহুতাপের জ্বালায় তিনি অহিনিশি জলছিলেন, তারপর এলো স্বরেশের অর্থাৎ ছোট ছেলের—জেলের ও পাথর ভাঙার সংবাদ—বুকভাঙা আঘাত । উমাসুন্দরী সে আঘাত সহ্যে পারলেন না । তাঁর চেতনা লুপ্ত হয়ে গেল । মুচ্ছা ভেঙে যাওয়ার পর যিনি জেগে উঠলেন—তিনি সেই বালিকাবধূ-উমাসুন্দরী—যিনি প্রফুল্লের বর্ণনায়—‘যেন ছেলে মানুষ হন, যেন নতুন শশুরঘর কভে এসেছেন, প্রফুল্লকে মনে করেন বাপের বাড়ীর ঝি ।... আর ঘুমন্ত যেন সেই গিন্নী ।’ নীলদর্পণ নাটকের নবীনমাধবের মায়ের মতোই উমাসুন্দরী আঘাতের ধাক্কা সামলাতে গিয়ে শৈশবের বা কৈশোরের পরিবেশে ফিরে গেছেন । তাঁর চরিত্রে ‘regression’ ঘটেছে । আর ম্যাকবেথ নাটকের লেডী ম্যাকবেথের মতোই উমাসুন্দরী—ঘুমুতে ঘুমুতে ওঠেন । চক্ষের পলক পড়ে না । দেখলে মনে হয় যে ‘জেগে আছেন, তা

নয়, ঘুমুচ্ছেন।” লেডী ম্যাকবেথের মতোই তাঁর চেতনা অতীত ঘটনার মধ্যেই আবদ্ধ হয়ে আছে এবং তার অসংলগ্ন উক্তির ভিতর দিয়ে অতীত ঘটনাগুলি সংকেতিত হয়েছে। বৃন্দাবন যাওয়ার উদ্যোগ, যোগেশকে দিয়ে ‘সই’ করানো তথা বিষয় রক্ষার চেষ্টা, রমেশের শয়তানি,—রেজেষ্টারি করে নেওয়া—সুরেশের জেলে পাথর ভাঙা—এই ঘটনাগুলির মধ্যেই তার চেতনা সম্পূর্ণ আবদ্ধ হয়ে আছে। (চতুর্থ অঙ্কের চতুর্থ গর্তাঙ্ক দ্রষ্টব্য)। নতুন বালিকাবধু-সত্তার গণ্ডী পার হয়ে চেতনা গিন্নী-সত্তায় প্রবেশ করে এবং উল্লিখিত কয়েকটি ঘটনার পরিক্রমা শেষ করে আবার বালিকাবধুর স্তরে তলিয়ে যায়। গিন্নী সত্তা—‘ভাঙ পাথর ভাঙ, পাথর ভাঙ বুক যায় বুক যায়’ পষন্ত এসেই মুছিত হয়ে পড়ে এবং আবার জেগে উঠে নতুনবো হয়ে। উমানন্দরীর মধ্যে এই দুই সত্তা একের পর এক কাশ করে চলেছে। তিনি অতীত স্মৃতির কারাগারে আবদ্ধ, বর্তমানহীন এক আত্মহারা উন্মাদিনী।

চরিত্র-বিশ্লেষণ এখানেই শেষ করছি। তবে এই বিশ্লেষণে চরিত্রের ভাববন্ধের অর্থাৎ প্রবৃত্তি-নিবৃত্তির পরিচয়ের দিকে সংধারণ পরিকল্পনার দিকে যতখানি দৃষ্টি দেওয়া হয়েছে, চরিত্রের অত্যাশ্চর্য বৈশিষ্ট্য সন্ধানের চরিত্রের বাস্তবতা-অবাস্তবতা, সঙ্গতি-অসঙ্গতি, ঐচ্ছিক্য-অনৈচ্ছিক্য প্রভৃতি বিষয় সন্ধানের দিকে আলোচনা করা হয়নি। চরিত্রসৃষ্টির দক্ষতা শুধু চরিত্রের ব্যক্তিত্ব-পরিকল্পনার নৈপুণ্যের মধ্যেই তো সীমাবদ্ধ নয়, চরিত্রটি আচরণকে সর্বতোভাবে সমুচিত করে তোলার, চরিত্রকে বাস্তব, সঙ্গত, সমন্বিত এবং বহু-আয়তনিক করে তোলার গণ্ডিতেও সম্প্রসারিত। চরিত্রের বিভিন্ন আয়তন (ডাইমেনশন) এবং ক্রমবিকাশের বিভিন্ন স্তরকে সুপ্রসিদ্ধ করতে পারলে চরিত্রের মধ্যে যতখানি গভীরতা ও বাস্তবতা সৃষ্টি করা যায়, গিরিশচন্দ্রের সৃষ্ট চরিত্রে ততখানি গভীরতা ও বাস্তবতা আসেনি। এবং তা আসেনি বলেই প্রফুল্ল নাটকখানি প্রথমশ্রেণীর ট্র্যাজেডি-সাহিত্য হ’তে পারেনি।

এবার উপসংহার। উপসংহারে প্রথম বক্তব্য এই যে নাটকের প্রতিপাত,

বৃত্ত, রস, চরিত্র-সৃষ্টি প্রভৃতি বিষয় সম্বন্ধে যে আলোচনা করা হয়েছে তা' থেকে এ সিদ্ধান্ত অনায়াসেই করা যেতে পারে যে প্রফুল্লকে ট্রাজেডি ছাড়া আর কিছুই বলা সম্ভব নয়। তবে প্রফুল্ল ট্রাজেডি হলেও খুব অনবগত বা প্রথমশ্রেণীর রচনা নয়।

দ্বিতীয় বক্তব্য এই যে প্রত্যেক সাহিত্য কর্মের মধ্যেই প্রধান এবং অপ্রধান নানা বক্তব্য ইতস্ততঃ ছড়ানো থাকে এবং সেই সব বক্তব্যের মাধ্যমে মানবিক মূল্য সম্বন্ধে স্রষ্টার মনোভাব নানাবিধে ব্যক্ত হ'য়ে থাকে। অবশ্য এর সবই হয়—জীবন সমালোচনার ভিতর দিয়ে—প্রত্যক্ষ ও পরোক্ষ দুই উপায়েই। প্রফুল্ল নাটকের প্রধান বক্তব্য কি এ নিয়ে আগেই আলোচনা করেছি; এখানে অপ্রধান বা আনুষঙ্গিক বক্তব্য সম্বন্ধে সামান্য ভাবে হ' একটা কথা বলছি। প্রথমতঃ নাট্যকার জমিদার-শ্রেণীর অত্যাচারিতা এবং মূর্খতাকে সমালোচনা বা তীব্র কটাক্ষ করেছেন এবং ভজহরি চরিত্রের উক্তির ভিতর দিয়েই তা' করেছেন। ভজহরির বাবাকে জমিদার মারতে মারতে মেয়ে ফেলেছিল এবং তাদের ঘর-জালিয়ে দিয়েছিল। তারপর—জমিদারদের বেকুবিকেও তিনি হাস্যাস্পদ করেছেন—এবং ঐ ভজহরির উক্তির সাহায্যে—“জমিদারের চালচল সব ঠিক পাবেন, মোচমে তা চড়ায়গা এমাই, পায়ের ফেলেদা এমাই, বাত করেঙ্গা হৌ হৌ, যেমাই.—বেকুবি মাদো—ওভাই বেকুবি হায়। গান্ধেকা মাফিক কলয় পাকড়েগা উন্টাবি কাগজ লেলগা, জমিদার লোক যেমা বেকুব হোতা ওমাই বন যায়গা”। দ্বিতীয়তঃ—তখনকার (আজকালকারও বটে) অলিতে গলিতে শুঁড়ির দোকান খোলার এবং কোম্পানী রাজত্বের সমালোচনাও করেছেন। অলিতে গলিতে শুঁড়ির দোকান থাকায় “ভাতার-পুত” নিয়ে হুখে সজ্জন্দে ঘর করা হু:সাধ্য। কত সংসার ছারখার হয়ে যাচ্ছে কিন্তু কে দেখবে ? কোম্পানী ? কোম্পানীকে (সরকারকে) শুঁড়ি গোড়ারমুখোরা কাঁড়ি কাঁড়ি টাকা দেয়। কোম্পানী টাকার লোভ ছেড়ে, সমাজের ভালো করতে বাবে

কেন? (তৃতীয় অঙ্ক, পঞ্চম গর্ভাঙ্ক)। (জানদার—এই সমালোচনা বর্তমান সরকারের পক্ষেও প্রযোজ্য নয় কি?)

তৃতীয়তঃ ‘এটনি’-শ্রেণীর প্রতি নাট্যকারের বিব্রতি অন্ধ তীব্রভাবে আত্মপ্রকাশ করেছে। উকাল যে একটি চাঁজ, জাঞ্জুয়োচুরি খুন-জখম—কোনও অপকর্মেই তাদের অকর্ষিত নেই, এই সত্যটি নাট্যকার যেন চোখে আঙ্গুল দিয়ে দেখাতে চেষ্টা করেছেন। কাঙালীর উল্লাস—“আবার যখন এটনি পেয়েছি আর ভাবিনি”—এ নিব নাচায়ত্তার প্রতি তীব্রতম আলোকপাত।

চতুর্থতঃ নাট্যকার ডাক্তারদের টাকার লোভের প্রতিও কটাক্ষ করেছেন—দেখাতে চেয়েছেন, ডাক্তার-টাকা পেলে সব করতে পারে। জগমণি রমেশকে যখন বলে—“একটা ইংরেজ ডাক্তার ডেকে নিয়ে এসো, তুমি রোগ বলেই টাকার লোভে একটা বাগ বলবে এখন, আর ওষুধও লিখে দেবে এখন।”—তখন ডাক্তারের মুখে যে আলো পড়ে তাতে তার মুখ কালো না হয়ে পারে না। কাঙালীর মতো ‘আরো আরো কাঁচ’ করতে সক্ষম এমন ডাক্তার যারা, তাঁরা অবশ্যই এই সমালোচনায় নিজেব মুখ দেখবেন।

শেষ বক্তব্য এই—প্রফুল্ল নাটকে নাট্যকার প্রফুল্ল ঘোষগোবিন্দ ঠাকুর ডির ভিতর দিয়ে মানব মহত্বকেই বড করে তুলেছেন—পাপকে ঘৃণা করতে এবং মহত্বকে প্রাণপণে রক্ষা করতে শিখিয়েছেন।

সমাপ্ত

জন্য

(ক) পৌরাণিক নাটকে ট্র্যাজেডি রস

জন্য নাটকের জাতি পরিচয় দিতে গেলে অথবা রস নিরূপণ করতে গেলে সমালোচকদের প্রথমেই এই প্রধান প্রশ্নটির সামনে দাঁড়াতে হবে—পৌরাণিক কাহিনী অবলম্বনে-রচিত নাটকে অর্থাৎ যে নাটকে দেব-মহিমাকে বা ভক্তি মাহাত্ম্যকে শেষ পর্যন্ত বড়ো করে দেখানোর চেষ্টা করা হয় তা’তে, ট্র্যাজেডি-রস নিষ্পন্ন করা সম্ভব কি না এবং প্রশ্নটির উত্তরে হ্যাঁ বা না একটা সিদ্ধান্তে পৌছাতেই হবে। এই কারণে, সব কিছুর আগে পৌরাণিক বা ধর্মমূলক নাটকে ট্র্যাজেডি-রস নিষ্পন্ন হতে পারে কি না, আমি এই মূল প্রশ্নটির বিস্তারিত আলোচনা কর’তে চাই এবং তারই পরিপ্রেক্ষিতে রেখে, জন্য নাটক দর্শক মনে ট্র্যাজেডি-বোধ জাগাতে সক্ষম হয়েছে কি না এই প্রশ্নটির উত্তর দিতে চাই।

কেন এই প্রশ্নটি উঠেছে, সেই ‘কেন’র বহুস্তর খুঁজতে গেলে দেখা যাবে, এর মূল বয়েছে, এ্যারিস্টটল আমাদের মনে ট্র্যাজেডি-রসের যে সংস্কার তৈরি করে-দিয়েছেন, তারই মধ্যে। এ্যারিস্টটলের আলোচনা থেকে এই সংস্কারই আমাদের মধ্যে বদ্ধমূল হয়েছে যে, ট্র্যাজেডির ঘটনা আমাদের মনে ভয়, বিস্ময় প্রভৃতি ষতে। ভাই জাগাক না কেন নায়কের পবিণতি দেখে আমাদের মনে শেষ পর্যন্ত শোচনা স্থায়ী হওয়া চাই-ই। তা না হ’লে, ‘নাটককে আর যাই বলা যাক. ট্র্যাজেডি বলা চলেবে না। ট্র্যাজেডির স্থায়িভাব ‘শোচনা’ (পিটি) ট্র্যাজেডি নায়কের বৈশিষ্ট্য নির্দেশ করতে যেয়ে এ কথাটা এরিস্টটল বিশেষ ভাবেই প্রতিপাদন করেছেন। দেখিয়েছেন—“পিটি’ই (শোচনা) ট্র্যাজেডির স্থায়িভাব। অতিভালো নায়ক ট্র্যাজেডির নায়ক হবে না এই কারণে যে, অতিভালোর ভাগ্যবিপর্যয় এবং দুঃখ দুর্দশা আমাদের মধ্যে শোচনা না জাগিয়ে মনে দাক্ষণ আঘাত দেয়। অতি মন্দেদর ভাব্যবিপর্যয় এবং দুঃখ দুর্দশা

আর যত ভাবই জাগাক শোচনা জাগাতে পারে না। এবং তা পারে না বলেই ট্রাজেডি নায়ক হওয়ার অতুপযুক্ত। ট্রাজেডির নায়ক হ'তে পারে যে সেই চরিত্রই যে অতি ভালো বা অতিমন্দ নয়, যার ভাগ্যবিপর্ষয়ের ও দুঃখ তদগাৎ দৃশ্য আমাদের মনে শোচনাব উদ্রেক করতে পারে। এয়ারিস্টটল গ্রীক ট্রাজেডিগুলি বিশ্লেষণ করে দেখেছিলেন—কোন কোন ট্রাজেডির ঘটনা বা দৃশ্য আমাদের মধ্যে ভয় এবং বিস্ময় এই দুটি ভাবকেও বেশী কম তীব্রভাবে জাগায় এবং বিলাপপ্রধান প্যাথটিক ট্রাজেডির আশ্বাদ থেকে এই সব ট্রাজেডির রসেব আশ্বাদ ভিন্ন, কিন্তু তা'ই ব'লে তিনি ভয় বা বিস্ময়কে ট্রাজেডির স্থায়ীভাব বলে গণ্য করেননি। বোধ হয় এই যুক্তিতেই করেননি যে, অতিমন্দ ব্যক্তির ক্রিয়া-কলাপ, বিশেষতঃ শক্তির বিস্ময়জনক সংক্ষোভ আমাদের মধ্যে আতঙ্কমিশ্র বিস্ময় (awe) জাগাতে সক্ষম হলেও, অতিমন্দ ব্যক্তির পতনে শোচনা জাগেনা এবং জাগেনা ব'লেই তা ট্রাজেডির বিশেষ রসটি জাগাতে পারে না। ট্রাজেডি নায়কের জ্ঞান আমাদের মনে যতো (admiration)-ই থাক, ট্রাজেডির নায়ক শক্তির বিভূতি দেখিয়ে মনের উচ্চতা বোধে (sublimity) আমাদের যত উদ্দীপিতই করুক, ট্রাজেডির নায়ককে যখন শেষপর্বন্ত পরাজয় স্বীকার করতেই হবে, পশুদস্ত হতেই হবে এবং নায়কের পবজের বা বিনাশের বেদনা দিয়ে দর্শকচিত্ত সমবেদনাতুর করে তুলে তই হবে, তখন শোচনাই যে ট্রাজেডির স্থায়ীভাব হবে এ বিষয়ে কোন সন্দেহ থাকতে পাবে না। অধ্যাপক নিকলেব মতো সুপণ্ডিতরাও, যে ট্রাজেডি-বস থেকে শোচনাকে বাদ দেওয়ার চেষ্টা করে অবিসংবাদিত সিদ্ধি লাভ করেননি, ট্রাজেডি তত্ত্বের ইতিহাস পর্যালোচনা করলেই তার প্রমাণ পাওয়া যাবে। ম্যাকবেথের মতো দুর্বৃত্ত নায়ককেও শেক্সপীয়ার কি প্রক্রিয়ায় 'ট্রাজিক' করে তুলেছেন তার আলোচনা করতে যেয়ে অধ্যাপক নিকল, "awe allied to lofty grandeur" সৃষ্টির কৌশলের উপর জোর না দিয়ে, 'pity' জাগানোর কৌশলের উপরেই বেশী ক'রে জোর দিয়েছেন। অর্থাৎ ট্রাজেডির তত্ত্ব

আলোচনার সময় যাই বলুন না কেন, কোন নায়ক ট্রাজিক হয়েছে কি না এ প্রশ্ন আলোচনার সময় pity-কেই বিলক্ষণ “ভাব” হিসাবে গ্রহণ করেছেন। যারা বলেন—*Tragic beauty is a species of the sublime*” এবং ট্রাজেডিতে যে দ্বন্দ্ব উপস্থাপিত হয় তা আসলে দুই “*surpassingly great*—এর দ্বন্দ্ব—একদিকে নিয়তিকল্প “*Necessity*”, অতীতকে মানবের “*grandeur d’ame*”—নিয়তি—প্রতিস্পর্ধী শক্তির ঐশ্বর্য—এই দুই মহীয়ান শক্তির দ্বন্দ্ব উপস্থাপিত এবং মানবের দেবদুর্লভ শক্তি-মহিমা সম্বন্ধে ট্রাজেডিতে শেষ পর্যন্ত মানবশক্তির শোচনীয় পরাজয় ঘটে, তাঁরাও স্বীকার করতে বাধ্য হয়েছেন—“*tragic emotion includes pity*”—এমন কি ট্রাজেডি-সৌন্দর্যকে মহীয়ানেরই রকম ফের ব’লে স্বীকার করলেও, যিনি চু কোয়াং-ৎসিয়েন-এর (সাইকোলজি অফ ট্রাজেডি গ্রন্থের লেখক) মতো, মহীয়ানের (সাবলাইম) মধ্যে ভয় বা আত্মাবনয়ন এবং মইহুথু-মহিমা বোধের সহাবস্থান মনে নেননি, আত্মাবনয়নকে ট্রাজেডি-রসের পরিপন্থী বলে মনে করেছেন, সেই ডি. ডি. ব্যাফেল মহাশয়ও তাঁর দি প্যারাডক্স অফ ট্রাজেডি গ্রন্থে লিখেছেন—*Chu Kwang—Tsien finds the distinction between the Sublimity of Tragedy and other forms of sublimity purely in the fact that the tragic emotin includes pity. I have suggested that peculiar mark of tragic sublimity is that tragedy presents a conflict between two forms of the sublime and makes one of these the sublimity of human heroism, appeal to us more than the other. I agree that tragic sympathy is important here……(৩৬ পৃষ্ঠা)* ‘*Sympathy*’-র প্রয়োজন ব্যাখ্যা করতে যেয়ে তিনি লিখেছেন—নায়কের প্রতি সমবেদনা থাকে বলেই আমরা নায়কের মহীয়ানত্ব বেশী করে উপলব্ধি করে থাকি এবং নায়কের সংগ্রাম দেখে এই কথাই মনে ভাবি আমাদেরই মতো

একজন মানুষ মহিমার এতো উচ্চশিখরে আরোহণ করতে পেরেছে। প্রশ্ন হ'তে পারে—র্যাফেল মহাশয় কি ট্রাজেডির মহীয়ানত্বের মধ্যে শোচনাকে স্থান দিতে চান না? “Tragic emotion includes pity”—এ কথা স্বীকার করতে চান না? উত্তরে অবশ্যই বলতে হবে—হ্যাঁ তিনি “pity”-কে স্থান দিয়েছেন, স্বীকার করেছেন, ট্রাজেডি-রসে শোচনার বিশেষ স্থান রয়েছে। কারণ তাঁর ধারণা—ট্রাজেডি সর্বদাই দ্বন্দ্বকে উপস্থাপিত করে এবং এই দ্বন্দ্বের এক পক্ষে থাকে “inevitable power, which we may call necessity” অত্রপক্ষে থাকে—“reaction to necessity of self conscious effort”। অত্র দ্বন্দ্বের তলমায ট্রাজেডি-ব দ্বন্দ্বের বৈশিষ্ট্য এই যে দ্বন্দ্ব জয়ী হয় নায়কের প্রতিপক্ষীয় শক্তি এবং নায়ক পরাস্ত হয়ে যায়। ট্রাজেডির নায়ক—ম্যাকবেথের মতো শয়তান হওয়া সত্ত্বেও “attracts our admiration, because of some grandeur d’ame’ a greatness in his effort to resist and our pity for his defeat. আসল কথা, ট্রাজেডির দ্বন্দ্বের প্রকৃতি যাই হোক না কেন নায়কের পরাজয়ে ও পতনে শোচনা জাগা চাই এ কথা র্যাফেলও স্বীকার করেছেন। চু কোয়াং ঙসিয়েনের এবং ডি. ডি র্যাফেলের মত এত করে উপস্থাপিত করার উদ্দেশ্য এই যে, আমি দেখাতে চাই—যাদের মতের উপরে গুরুত্ব দিয়ে অধ্যাপক নিকল তাঁর সম্প্রতি-প্রকাশিত নাট্যতত্ত্বের গ্রন্থে, ট্রাজেডি-রসের স্বরূপ নির্ধারণের চেষ্টা করেছেন তাঁদের প্রত্যেকেই ট্রাজেডি-রসে মহীয়ানত্বের সঙ্গে সঙ্গে শোচনা ভাবেরও অস্তিত্ব স্বীকার করেছেন। মোট কথা দাঁড়াচ্ছে এই যে ট্রাজেডি বোধের মধ্যে আর যে যে বোধের মিশ্রণই থাক না কেন, শোচনা-বোধ ট্রাজেডি-রসের জগৎ অপরিহার্য। “আর যে যে বোধের” কথা বলছি এই কারণে যে, অধ্যাপক নিকল গ্রন্থ নাট্যতত্ত্ববিদরা ট্রাজেডির দ্বন্দ্বকে যে পরিমাণে পারাদার্শনিক বা মহীয়ানের স্তরে নিয়ে গেছেন, তা’তে হুঁচারখানি গ্রীক নাটক এবং তিন চার খানি শেক্সপীয়র নাটক ছাড়া আর কোন ট্রাজেডি নাটকই ট্রাজেডির পংক্তিতে

স্থান পাবে না ; গ্রীক ট্রাজেডির অনেকগুলি, সেনেকার নাটক, সেক্সপীয়রের রোমিও জুলিয়েট, জুলিয়াস সিজার, ওথেলো, এন্টনি-ক্লিয়োপেট্রা প্রভৃতি নাটক, রাসিন-কর্নেই রচিত নিও ক্লাসিক ট্রাজেডিগুলি এবং ইবসেন, বার্ণার্ডশ', প্রি়ানদেল্লা, গলসওয়ার্দি প্রমুখ আধুনিক নাট্যকারদের নাটকগুলিকে ট্রাজেডির তালিকা থেকে বাদ দিতে হবে। সুতরাং ট্রাজেডির দ্বন্দ্বকে বা সৌন্দর্যকে আমরা সব ক্ষেত্রেই চাই 'সাবলাইম' শক্তির দ্বন্দ্ব বা, সেই দ্বন্দ্বের সৌন্দর্য বলে মনে করব না এবং এই সিদ্ধান্তই করব যে সাবলাইমের দ্বন্দ্ব ছাড়াও ট্রাজেডির পরিস্থিতির সৃষ্টি হতে পারে এবং যে অর্থে 'ট্রোজান, উইমেন' রোমিও-জুলিয়েট, এন্টনি ক্লিয়োপেট্রা, ওথেলো প্রভৃতি নাটক, কর্নেই-রাসিন রচিত ট্রাজেডিগুলি এবং ইবসেন প্রমুখ আধুনিক নাট্যকারদের রচিত বিভিন্ন ট্রাজেডিগুলিকে ট্রাজেডির মর্যাদা দেওয়া হ'য়ে থাকে সেই ব্যাপক অর্থেই ট্রাজেডি শব্দটিকে আমরা প্রয়োগ করছি।

এখন, ট্রাজেডির স্থায়ীভাব রূপে যদি 'শোচনা'-কেই অগ্রাধিকার দেওয়া হয় তা'হলে অবশ্যই আমরা এই সিদ্ধান্তে পৌছতে পারি যে, যে ভাব শোচনার পরিপন্থী হ'য়ে শোচনাকে তিরোহিত করে, সেই ভাব ট্রাজেডি-বোধকে ব্যাহত বা নষ্ট করে থাকে। এই যুক্তিকোণ থেকে বিচার করতে অগ্রসর হ'য়েই অনেকে—(সকলে নয়)—বলেছেন, পৌরাণিক নাটকের পরিমণ্ডলে ট্রাজেডি-রস নিম্পন্ন হ'তে পারে না। এ বিষয়ে আধুনিক যুগের সমালোচকরাই যে প্রথম সচেতন হয়েছেন তা' নয়। খ্রীষ্টধর্মের পরিমণ্ডলে ট্রাজেডি-রস সৃষ্টি যে সম্ভব নয়, একথা সপ্তদশ শতকের জর্নৈক সমালোচক—সেন্টএন্ড্রেমও—কর্নেই রচিত "Polyeucte" নাটকের সমালোচনা করতে যেয়ে লিখেছিলেন—“আমাদের ধর্মীয় সংস্কার ট্রাজেডির সম্পূর্ণ বিপরীত। ট্রাজেডি নায়কের চরিত্রে যে যে গুণ থাকা আবশ্যক, আমাদের সাধু সন্তদের চরিত্রের বিনয় এবং সহিষ্ণুতা তাদের সম্পূর্ণ বিপরীত।” বলা বাহুল্য সেন্ট এন্ড্রেমও এখানে শোচনা ভাবের দিক থেকে আপত্তি উত্থাপন করেননি,

এখানে নায়ক-চরিত্রের বৈশিষ্ট্যের দিকে চেয়েই মন্তব্য করেছেন। সেন্ট-এভরেমও বলতে চেয়েছেন—ট্র্যাজেডির নায়ককে যতখানি শক্তিমান, বিদ্রোহী এবং সংগ্রামী হ'তে হবে, সাধুসন্তরা ততখানি বিদ্রোহী এবং সংগ্রামী হতে পারে না বলেই সাধুসন্তদের বা খ্রীষ্টভক্তদের নায়ক করে ট্র্যাজেডি রচনা করা সম্ভব নয়। আবার কেউ কেউ, নায়ক বৈশিষ্ট্যের দিক থেকে সমস্তাটি পর্যালোচনা না করে, স্থায়ীভাবের দিক থেকে বিচার করে দেখেছেন—ধর্মমূলক নাটকে ট্র্যাজেডি রস নিষ্পন্ন করা সম্ভব নয়। আই. এ. রিচার্ড মহাশয়, “প্রিন্সিপ্লস্ অফ লিটারারি ক্রিটিসিজম গ্রন্থে লিখেছেন—Tragedy is only possible to a mind which is for the moment agnostic or Manichean. The least touch of any theology which has a compensating Heaven to offer the tragic hero is fatal”—অর্থাৎ ট্র্যাজেডি-রস আশ্বাসন করতে পারে শুধু সেই মনই যে মন সাময়িকভাবে অজ্ঞেয়বাদী বা ধর্মদর্শনবিষয়ে উদাসীন। যে ধর্মদর্শন ট্র্যাজেডির নায়ককে হুঃখদুঃখদিশার বিনিময়ে স্বর্গের সুখ দেওয়ার ব্যবস্থা করে, তার সামান্য স্পর্শেই ট্র্যাজেডি-রস নষ্ট হয়ে যায়। তারপর, অধ্যাপক কার্ল জেম্পারস্ তাঁর “ট্র্যাজেডি ইজ নট এনাফ্ (১৯৫০) গ্রন্থে এ বিষয়ে মন্তব্য করেছেন—“Christian salvation opposes tragic knowledge. The chance of being saved destroys the tragic sense of being trapped without chance of escape. Therefore no genuinely christian tragedy can exist :—খ্রীষ্টধর্মের মুক্তিবাদ ট্র্যাজেডি-বোধের বিরোধী। ট্র্যাজেডি নায়ক যে অনিবার্য পরিস্থিতি বা সংকটের মধ্যে আবদ্ধ হয়ে পড়ে তা' থেকে তার নিষ্কৃতি-লাভের কোন উপায় থাকে না, নিষ্কৃতিলাভের সম্ভাবনা, থাকলে শোচনীয় নিকপায় পরিণামের অনিবার্যতা ও অবশ্রম্ভাবিতা থাকে না। ফলে ট্র্যাজেডি-বোধ নষ্ট হয়ে যায়। অতএব খাঁটি খ্রীষ্টধর্মমূলক ট্র্যাজেডি বলে কোন ট্র্যাজেডি থাকতে পারে না। অবশ্র অধ্যাপক জেম্পারসের আগে, আর

একজন—অধ্যাপিকা—উনা এল্লিস-ফেরমোর—তার “দি ক্রিটিয়াল অফ ড্রামা” (১২৪৫), গ্রন্থে, আরও স্বন্দরভাবে ধর্ম-চেতনা ও ট্রাজেডি-বোধের সম্পর্কটি নিয়ে আলোচনা করেছেন। তিনি লিখেছেন—

The tragic mood is balanced between the religious and non-religious interpretations of catastrophe and pain, and the form, content and mood of the play which we call a tragedy depend upon a kind of equilibrium maintained by these opposite readings of life to neither of which the dramatist can wholly commit himself” (পৃ: ১৭-১৮) এই উক্তির তাৎপৰ্য এই যে, বিপত্তি ও বেদনাকে যুগপৎ ধর্মীয় এবং অধর্মীয় দৃষ্টিভঙ্গী নিয়ে দেখার উপরে ট্রাজেডি-বোধ নির্ভর করে। এই দুই বিপরীত দৃষ্টিভঙ্গীর ভার-সাম্যের উপর ট্রাজেডি নাটকের রূপ, বিষয়বস্তু এবং মেজাজ নির্ভরশীল। নাট্যকার এই দুই দৃষ্টিভঙ্গীর কোন-একটিকে সম্পূর্ণভাবে গ্রহণ করতে পারেন না। আই. এ. রিচার্ডসের মতো মিস এল্লিস ফেরমোরও বলেছেন—“that Manichaestic balance from which tragedy springs”। অ-ধর্মীয় দৃষ্টি বলতে তিনি বুঝেছেন—intense awareness of evil and pain—জগতে পাপ আছে, অন্তায় আছে, দুঃখ বেদনা আছে—এবং দৃঢ় চেতনা বা প্রত্যয় এবং ধর্মীয় দৃষ্টি বলতে বুঝেছেন—Some reconciliation with or interpretation in terms of good—মঙ্গলের সঙ্গে সমন্বয় অথবা মঙ্গলের পরিপ্রেক্ষিতে ব্যাখ্যা। শ্রীযুক্ত চু কোয়াঙ-ংসিয়েন তাঁর “দি সাইকোলজি অফ ট্রাজেডি”—গ্রন্থেও এ বিষয়ে আলোচনা করেছেন এবং সিদ্ধান্ত করেছেন—“With its emphasis on the moral order of the world, on original sin and last judgment, on submission and humility, christianity is in every sense antagonistic to the spirit of Tragedy. Tragedy, as it represents the struggle of

man with Fate and as it often expresses vividly to our eyes inexplicable evils and undeserved sufferings, has always something profane and blasphemous in it.” (পৃ: ২৩৬)—এই বিশ্বজগতের মূলে একটি ত্রায়ের ভিত্তি রয়েছে, জগতে পাপ আছে, শেষ বিচার আছে। ভগবানের কাছে আত্মসমর্পণেই মুক্তি, নাত ও বিনয় বড় ধর্ম—এই সব বিষয়ের উপরে গুরুত্ব আরোপ করায়, খ্রীষ্টধর্ম ট্র্যাজেডি-বোধের পরিপন্থী। যেহেতু ট্র্যাজেডিতে আমরা দেখি, নিয়তির সঙ্গে মানুষের সংগ্রাম, ট্র্যাজেডি স্পষ্টাকারে আমাদের চোখের সামনে তুলে ধরে অনির্বচনীয় পাপের এবং অহুচিত হৃৎ-হৃৎভোগের দৃশ্য, সেহেতু ট্র্যাজেডির মধ্যে সব সময়েই ধর্মাবিরোধী কিছু থাকে। চু কোয়াঙ শুধু যে খ্রীষ্টধর্মকেই ট্র্যাজেডির পরিপন্থী বলে মনে করেছেন তা’ নয়, যে সব ধর্মের পরিপাটি দর্শন অর্থাৎ ধর্মদর্শন (থিয়োলজি) আছে সেই সব ধর্মকে এবং পরাদর্শন (মেটা ফিজিক্স)-কেও ট্র্যাজেডি-রসের পরিপন্থী বলে মনে করেছেন। তাঁর বক্তব্য এই যে ধর্মদর্শন বা পরাদর্শন আমাদের দৃশ্যের, হৃৎ-হৃৎভোগের এবং পাপ-সমস্তার সন্তোষজনক সমাধান করে, এবং বেদনাকাতর প্রকৃত চিত্তকে দৃশ্যবিক্ষোভের উর্ধ্বে আশ্রয় দিয়ে শান্তি ও সন্তোষ দান করে। অন্ধের অধ্যাপক শ্রী ডি. ডি. র্যাফেল মহাশয় তাঁর—“দি প্যারডক্স অফ ট্র্যাজেডি-গ্রাফে (১৯৬০), কেন বাইবেল-কথিত ধর্ম সংস্কারের পরিমণ্ডলে ট্র্যাজেডি-রস নিষ্পন্ন করা হৃৎসাধ্য তার দুটি কারণ নির্দেশ করেছেন। প্রথম কারণ,—মঙ্গলময় দৈব বিধানের সঙ্গে অহুচিত হৃৎহৃৎভোগ ব্যাপারটিকে সমন্বয় করা যায় না, দ্বিতীয় কারণ—ট্র্যাজেডির নায়কের প্রতি যে কারণে admiration জন্মে, সেই কারণটির অভাব। ট্র্যাজেডির নায়কের মধ্যে ত্রায়-পরায়ণতা প্রেম, সহিষ্ণুতা প্রভৃতি গুণ থাকতে পারে বটে কিন্তু যে বিনয়গুণটি সব গুণের সেরা সেই গুণটি দিয়ে—admiration জাগানো খুবই হৃৎসাধ্য, বলা চলে, অসাধ্য ব্যাপার। ট্র্যাজেডির নায়ক যদি ভগবানের বা দেবতার সর্বশক্তিমানতার বিরুদ্ধে সংগ্রামে অবতীর্ণ হয়, নায়ককে অন্ধার চোখে দেখা আর

অধার্মিক হওয়া একই কথা, কারণ সর্বশক্তিমান ভগবান শুধু শক্তিরই পরাসত্তা নন, তিনি সত্য, শিব, সুন্দর, প্রেম—সব কিছুই পরাংপর সত্তা।

যে ধর্মদর্শন এমন একজন সর্বব্যাপী, সর্বাতিশায়ী এবং সর্বগুণাধার ঈশ্বরকে স্বীকার করে, তার সংস্কার নিয়ে দেখলে দেখা যাবে—অনুচিত দুঃখদুর্তোগ ব'লে কিছু থাকতে পারে না; মঙ্গলময় ঈশ্বর অন্তায় করতে পারেন না, তিনি যা' করেন মঙ্গলের জন্তই করেন। মানুষের জীবনে যে দুঃখদুর্তোগ বা সংকট নেমে আসে, তার কারণ মানুষ নিজেই, মানুষ পাপের প্ররোচনায় পথভ্রষ্ট হয়, অথবা ঐ সব দুঃখদুর্তোগের মধ্যে ফেলে 'ভগবান' মানুষের ভগবদ্ভক্তি পরীক্ষা করেন। বাইবেলে কে-সব নির্দোষ মানুষের দুঃখ-দুর্বিপাকের কাহিনী আছে (জোভ, সামস্‌এন্ড ইসায়া'তে প্রমিত) তা মানুষের ট্র্যাজেডি দেখানোর উদ্দেশ্যে লিখিত হ'ল; লিখিত হ'য়েছে—ভগবদ্-বিধানের মঙ্গলময়তা প্রদর্শনের জন্ত—পাপের পরিণাম দেখানোর জন্ত। র‍্যাফেলের মতে জোভের কাহিনী—বা শ্রামসনের কাহিনী, ট্র্যাজেডি বোধ জাগাতে পারে না। বিভিন্ন কাহিনী আলোচনার পরে, র‍্যাফেল সিদ্ধান্ত করেছেন—"the religion of the bible is inimical to tragedy, first because it is optimistic and trusts that evil is always a necessary means to greater good and secondly because it abases man before the sublimity of God. Tragedy on the other hand treats evil as unalloyed evil, it regrets the waste of human worth of any kind and does not think that innocent suffering can be justified. Secondly it shows human effort to be sublime, a fit match for the sublimity of Nature and nature's "Gods." অর্থ:—বাইবেলের ধর্ম ট্র্যাজেডির পরিপন্থী। কারণ, প্রথমতঃ এ আদর্শবাদী এবং বিশ্বাস করে যে অমঙ্গল অধিকতর মঙ্গলেরই উপায় বিশেষ এবং দ্বিতীয়তঃ, এ মানুষকে ভগবানের

শক্তির কাছে অবনত করে। অতঃপক্ষে, ট্র্যাজেডি অমঙ্গলকে অবিমিশ্র অমঙ্গল বলেই মনে করে, যে-কোন রকম মানবিক মূল্যের অবক্ষয়ের জন্য অঙ্গুণোচনা করে এবং অশুচিত দুঃখদুর্ভোগকে গ্রাসসত্ত্ব বলে মনে করে না; দ্বিতীয়তঃ এ মানব প্রচেষ্টাকে মহিমময় মর্যাদা দেয় এবং প্রাকৃতিক এবং দৈব মহিমায় প্রকৃত প্রতিস্পর্ধী বলে মনে করে। অধ্যাপক র্যাফেল “রিলিজিয়াস ট্র্যাজেডি”-গুলি মিলটনের স্যামসন এগোনিষ্টিস, কর্ণেই এর “পলিইয়ুকে, রাসিনের “ঈশ্বর” “এ্যাথালিয়ে” এবং ফেদ্রে, বিশ্লেষণ করে দেখিয়েছেন—
 “Racine plays are the only ones that can with any plausibility be called tragedy within the ambit of Biblical religion” তবে দেখানো যে ট্র্যাজেডি-সংস্কার এবং ধর্ম সংস্কারের দ্বন্দ্ব রয়েছে সে কথা বলতেও দ্বিধা করেননি।

জনা

উল্লিখিত আলোচনা থেকে এই কথাটাই স্পষ্ট হয়ে উঠেছে যে, যে পরাদর্শনে ব্যক্তি জীবনের দ্বন্দ্ব দুঃখদুর্ভোগের ঘটনার কোন পারমাধিক অর্থাৎ বাস্তব অস্তিত্ব নেই, ঘটনাগুলি মায়াপ্রপঞ্চ ছাড়া আর কিছুই নয়, একজন মঙ্গলময় সর্বজ্ঞ সর্বশক্তিমান ঈশ্বরকে সব কিছুই নিয়ন্ত্রা বলে স্বীকার করা হয় এবং সব দ্বন্দ্ব, দুঃখদুর্বিপাককে মঙ্গলময়ের নিগূঢ় ইচ্ছার ক্রিয়া বলে ব্যাখ্যা করা হয়, যেখানে দৈব বিধানকে অপ্রাস্ত, অপক্ষপাতী এবং মঙ্গলময় বলে মনে করা হয়, তেমন পরাদর্শনের সংস্কার সামাজিকের মনে প্রবল রূপে বিরাজ করলে, ট্র্যাজেডি-রস নিষ্পন্ন করা সম্ভব হয় না। এবং সম্ভব হয় না এই কারণেই যে, ট্র্যাজেডি-রস সৃষ্টির জন্য, ব্যক্তি জীবনের দ্বন্দ্ব, দুঃখ-দুর্দশা ও শোচনীয়

পরিণামের বাস্তবতা যেমন অপেক্ষিত, তেমনি অপেক্ষিত, মানুষের শোচনীয় পরিণামের জন্ত মানুষের সহজ সমবেদনাবোধ। যে বিশ্বাসে জীবনের দ্বন্দ্ব, দুঃখ দুর্বিপাক এবং বিপত্তি-পরিণাম শেষ পর্যন্ত মায়া হয়ে, নতুনতর উন্নততর সংস্থিতির মধ্যে মিলিয়ে যায়, যে বিশ্বাস জীবনের শোচনীয় পরিণামের জন্ত জীবনের সহজ সমবেদনাকে তিরোহিত করে, সেই বিশ্বাস ট্রাজেডি-রসের পক্ষে খুবই মারাত্মক। বেদনাবদ্ধ আছে বলেই-তো ট্রাজেডি সম্ভব হয়েছে স্তরতাং সব বোধকে ছাপিয়ে বেদনা বড় হয়ে না উঠলে ট্রাজেডি-রসেব নিষ্পত্তি হওয়া সম্ভব নয়। পৌরাণিক নাটকে ট্রাজেডি-রস নিষ্পত্তিতে ব্যাঘাত উপস্থিত হয় নিম্নলিখিত কারণে :—

(ক) পৌরাণিক কাহিনীতে মানবলোকের ও দেবলোকের ব্যবধান খুব অল্পই থাকে, অনেক সময় থাকেই না। কখনও দেবতা অভিশপ্ত হ'য়ে মরদেহ ধারণ করেন, কখনো বা দেবতা ও মানুষের মধ্যে লৌকিক সম্পর্ক স্থাপিত হয়। ফলে, কাহিনীটিব লৌকিকতার তথা বাস্তবতাব গুরুত্ব হ্রাস পায়। যেমন অভিশপ্ত দেবতার—দ্বন্দ্ব দুঃখদুর্ভোগ ও আপাত শোচনীয় পরিণাম আমাদের মনে ট্রাজেডি-রসের উপযুক্ত ভাবাবেগ জাগাতে পারে না, তেমনি দেবতা ও মানুষের সম্পর্কের ভিত্তির উপরে যে কাহিনী গঠিত হয়, সেখানে দৈববিধান ও নিয়তি-চেতনার প্রাধান্য ঘটে, এবং ঘটে বলেই—মানুষের-জন্ত-মানুষের সহজ সমবেদনার গতি ব্যাহত হয়। এই কারণে অভিশপ্ত দেবতার বা দেব-ঐরস-জাত ব্যক্তির দ্বন্দ্ব, ও শোচনীয় পরিণাম (লৌকিক দৃষ্টিতে শোচনীয়) নিয়ে ট্রাজেডি-রস সৃষ্টি দুঃসাধ্য ব্যাপার হয়ে দাঁড়ায়।

(খ) পৌরাণিক কাহিনীতে মানুষের জীবন বৃন্তের মাধ্যমে মৃত্যুতে দেব-দেবীর লীলা স্মৃতিস্মরণকেই উপস্থাপিত করা হয়ে থাকে এবং এই সত্যটিই প্রচার করা হয়ে থাকে—দৈব ইচ্ছার উপরে কোন শক্তি নেই, দৈব-বিধান মঙ্গলময় দেবতার কৃপালাভই একমাত্র শ্রেয় এবং দেবতার কাছে আত্মসমর্পণের

দ্বারাই সেই কৃপা লাভ করা যায়। মানুষ রিপূর তাড়নায় মদ্যাক্ষ মোহগ্রস্ত হয়ে দেব বিরোধী বা নীতিবিরোধী হয় এবং স্বন্দেহ সৃষ্টি করে। এবং দেবতার কাছে আত্মসমর্পণ করে অথবা দেবতার দয়ায় দায়মুক্ত হয়। সমস্ত দুঃখ দুর্বিপাকের মর্যাস্থিক আঘাতের পরেও এমন কি মৃত্যুবরণ করেও, দৈবকৃপা লাভ করার পরম সৌভাগ্য বা পরম পক্ষ অর্জন করে চিরধন্য হয়—জীবনের সব ক্ষতির আশাতীত পরিপূরণ হয়।

(গ) পৌরাণিক কাহিনী এই পরাদর্শনকেই প্রতিপাদিত করতে চেষ্টা করে যে এই জগৎ ১৩; ৩ বা ব্যাধিগত সংসারের উদ্দেশ্য আছে এক পরম সত্যের লোক, অমৃত-লোক, আছে এক পরম সত্তা—যা থেকে এই বিশ্ব সৃষ্টি হয়েছে, যাকে আশ্রয় করে এই বিশ্ব বিরাজ করছে এবং যার মধ্যেই সব কিছু লয় পেয়ে থাকে। তিনি সচ্চিদানন্দ। জগতের মধ্যে ‘নানা’কে দেখা,—দ্বন্দ্ব, দুঃখ-দুর্দশা ও বিনষ্ট দেখা—মায়িক দৃষ্টির ফল। মায়িক দৃষ্টি অস্বহিত হ’লেই স্বরূপ দেখা যায়, দেখা যায়—সব ক্ষতি তুচ্ছ করি অনন্তের আনন্দ বিরাজে, দেখা যায়—“ক্ষয় মিথ্যা, ক্ষতি মিথ্যা। মায়াজগদৃষ্টিই জগতে ক্ষয় দেখে, ক্ষতি দেখে, দুঃখ দেখে, দুর্গতি দেখে—জীবনের দ্বন্দ্বসংক্ষেপ দেখে বেদনার হয়। পৌরাণিক কাহিনীতে এই ধরনের দার্শনিক সত্যকে বড় করে প্রচার করার চেষ্টা করা হয় ব’লেই, ব্যক্তির স্বন্দ, দুঃখ-দুর্দশা ও পরিণামের গুরুত্ব ছোট হয়ে যায়, মায়াবাদী সংস্কারের চাপে দুঃখ-দুর্গতি, পরিণতির শোচনীয়তা তুলিয়ে যায় এবং অখণ্ড ও নির্দ্বন্দ্ব পরম সত্তার আশ্রয় লাভ করে মন বোনাশূন্য এবং শাস্তভাবাপন্ন হয়। বাস্তবিকই এই জাতীয় অদ্বৈতবাদী পরাদর্শন বা মায়াবাদী দর্শনের প্রবল সংস্কার ট্র্যাজেডি-রসের পরিপন্থী না হয়ে পারে না। যেখানে ট্র্যাজেডি রসের জন্ম দুঃখ দুর্গতির ও বেদনার বাস্তবতা অত্যাবশ্যক সেখানে অদ্বৈতবাদী পরাদর্শন বা মায়াবাদ সেই দুর্গতির ও বেদনার বাস্তবতাকেই অস্বীকার করে।

তবে কি পৌরাণিক কাহিনী নিয়ে ট্র্যাজেডি লেখা, ধর্মমূলক ট্র্যাজেডি লেখা, সম্ভব নয় ?

আমরা জানি, প্রাচীন গ্রীসের ট্র্যাজেডিগুলি যখন রচিত হয়েছিল, তখন গ্রীক ধর্মদর্শন ভালভাবেই গড়ে উঠেছিল ; দেবাধিদেব বিধাতা—পুরুষের এবং অপ্রতিহত নিয়তির ধারণাও বেশ বদ্ধমূল হয়েছিল। তা সত্ত্বেও ধর্মীয় উৎসবকে কেন্দ্র করেই গ্রীসে ট্র্যাজেডি-নাটকের সোনার ফসল ফলেছিল। কেমন কবে এ ঘটনা সম্ভব হ'ল ? দৈব ইচ্ছার অধীনে সব কিছু ঘটেছে, জিউস সর্বশক্তিমান, সর্বজ্ঞ এবং মঙ্গলময় বিশ্ব বিধাতা, তার ইচ্ছা বা নিয়তিকে কেউ রোধ কবতে পারে না—এ সব সংস্কার ধাকা সত্ত্বেও গ্রীসের সামাজিকরা ট্র্যাজেডি এস আশ্বাসন করেছে কিভাবে ? কেউ কেউ এমন কথা বলেছেন যে গ্রীক ধর্মদর্শন দেবতা, এমন কি অবিদেবতাও মেনেছে বটে, কিন্তু তা'তে “the idea of a single, all-embracing God, in whom omnipotence, omniscience, justice and goodness are bound together in unity”—সেই অর্থাৎ যে ঈশ্বর একাধারে সর্বশক্তিমান সর্বজ্ঞ, ত্রাণপ্রায়ণ, এবং মঙ্গলময়, তেমন কোন সর্বব্যাপী একক ঈশ্বরের ধারণা নেই। তা' নেই ব'লেই গ্রীসের সামাজিকদের মন একান্ত ভাবে দেব-কোটিক্ হ'তে পারেনি ; মানুষের ভাগ্যকে দৈববিধানের অধীন করে নিশ্চিন্ত হতে পারেনি।

কথাটি সর্বাংশে সত্য, এ কথা সত্য না হ'লেও এইটুকু সত্য এর মধ্যে নিশ্চয়ই রয়েছে যে গ্রীকরা জিউসকে অধিদেবতা রূপে এবং নিয়তিকে অমোঘ ব'লে স্বীকার করলেও মানুষের দুঃখ-দুর্দশা ও শোচনীয় পরিণামের জন্ত বেদনানুভব করার সময়, দৈববিধানের চেয়ে মানুষের জীবন রহস্যকেই বড় ক'রে দেখেছেন। দৈববিধানের মঙ্গলময়তার বা নিয়তির অমোঘতার সংস্কার দিয়ে জীবনের সহজ সমবেদনাকে চেপে দিতে চেষ্টা করেননি। অবোধ প্রাণের কান্নাকে অস্বীকার করতে পারেননি—যেমন গ্রীক ধর্মদর্শনের আওতায় বড় বড় ট্র্যাজেডির সৃষ্টি হয়েছে, তেমনি খ্রীষ্টধর্মের আওতার মধ্য থেকেই, ইয়োহান্নাস

নাট্যকাররা ট্রাজেডি রচনা করেছেন এবং সামাজিকরা ট্রাজেডি-রস আশ্বাদন করেছেন এবং এখনও করে আসছেন। ভারতেও ধর্মদর্শনের, বিশেষতঃ অদ্বৈতবাদী বা মায়াবাদী দর্শনের আওতায় রামায়ণের মতো করুণ রসাত্মক মহাকাব্য এবং একাধিক নাটক রচিত হয়েছে এবং ভারতের সামাজিকরা করুণ-রস আশ্বাদন করে আনন্দ পেয়েছেন। এখন এ কথা যদি সত্য হয় যে, অতি প্রাচীন কালেই মানব-সমাজে দৈবশক্তিতে বিশ্বাস দেখা দিয়েছে, এমন সমাজ নেই যার কোন ধর্মদর্শন বা পরাদর্শন নেই, এবং ধর্মদর্শনের আওতার মধ্যে থেকেই মানুষ ট্রাজেডি রচনা করেছে, ও করছে এবং সামাজিকরা ট্রাজেডি-রস আশ্বাদন করেছে ও করছে তা'হলে শেষ পর্যন্ত এই কথাই মেনে নিতে হবে যে, যে কোন ধর্মদর্শনের আওতাতেই ট্রাজেডি-রস নিষ্পন্ন হ'তে পারে—যদি না নাটকের বৃত্ত পরিকল্পনায় ধর্মাদর্শকে প্রধান ক'রে তোলার সংকল্পকে বিশেষভাবে সিদ্ধ করা হয়। মানুষের দুঃখ-হৃদ্বাণ ও বিপত্তি পরিণামের গুরুত্বকে হেয় করে, দৈব মহিমাকে বড় করার চেষ্টা করা হয়, অথবা মানুষের জীবনদ্বন্দ্ব, দুঃখ, দুর্গতি, বিপত্তি প্রভৃতি তীব্র সংবেদী ঘটনাকে আংশিক দৃষ্টির ফল বলে প্রতিপাদন করে, অথও মহত্তম সত্তার পরিপ্রোক্ষতে স্থাপন করা হয় তথা তাদের শোচনীয়তাবিজিত ক'রে তোলা হয়। এ কথা অবশ্যস্বীকার্য যে, ট্রাজেডির ভঙ্গ একটি নীতির জগৎ, একটি গভীর মূল্য-চেতনা থাকা আবশ্যক এবং নীতিমূল্যচেতনা ধর্মবোধেরই একটা রূপ তেমনি এ কথাও স্বীকার করতে হবে—ট্রাজেডির ভঙ্গ, জীবন-কেন্দ্রিক দৃষ্টি, জীবনের দ্বন্দ্ব, দুঃখ, বিপত্তি মিথ্যা নয় এমন একটা প্রত্যয়ও আবশ্যক। এই দিক থেকে দেখলে অধ্যাপক উনা এল্লিস ফেরমোর যে বলেছেন—“The tragic mood is balanced between the religious and the non-religious interpretations of catastrophe and pain”, তা খুবই খাঁটি কথা। রসআশ্বাদনের স্বরূপ ব্যাখ্যা করতে যেয়ে বলা হয়েছে—

রসাস্বাদানের সময় আমরা উপস্থাপিত ঘটনাদি ‘পরস্পর নপরস্পৃতি, ... এমনি মনোভাব নিয়ে গ্রহণ ক’রে থাকি এবং ঐরূপ মনোভাব ব্যতিরেকে রসাস্বাদ সম্ভব নয় তেমনি ট্র্যাজেডি-রসের আস্বাদনের সময়েও আমাদের মনে ঝিকোটিক দোলা থাকে—একক্ষেণে মন পরদর্শনের বা ধর্মদর্শনের কোটিতে উপস্থিত হয় অক্ষণে মানুষের দ্বন্দ্ব-দুঃখ-দুর্দশা বিপত্তির কোটিতে নেমে আসে এবং শেষ পর্যন্ত মানুষের বেদনার কোটিতেই লগ্ন থাকে। যেখানে নাট্যকার শেষোক্ত কোটি থেকে দর্শকের মনোযোগ সরিয়ে নিয়ে, ধর্মদর্শনের বা পরাদর্শনের কোটিতে দর্শকমনকে সংস্থিত করতে চেষ্টা করেন, সেখানেই ট্র্যাজেডি-রসের সঙ্গে ধর্মদর্শনের বিরোধ মারাত্মক আকারে দেখা দেয়—ট্র্যাজেডি-রস দৈবচেতনার বা দার্শনিক সংস্কারের চাপে লুপ্ত হয়ে যায়। তা যেখানে না যায়, সেখানে ধর্মদর্শনের বা দেবমহিমার সংস্কারের অভিব্যক্তি নাটকে থাকলেও, নাটকে ট্র্যাজেডি-রস নিষ্পন্ন হ’য়ে থাকে। অতএব বড় কথা এ নয় যে পৌরাণিক কাহিনী নিয়ে নাটক লেখা হয়েছে কি না নাটকে দেবমহিমার বা দেবভক্তির কথা বা কোন দার্শনিক উপলব্ধিকে প্রচার করা হয়েছে কি না, বড় কথা এই যে সব কিছুর উদ্দেশ্য মানুষের জীবনরহস্তকে—দুঃখ-দ্বন্দ্ব-বেদনাকে স্থান দেওয়া হয়েছে কি না, মানুষের বেদনার জন্য মানুষের মনে সমবেদনা জাগানোর চেষ্টা মুখ্য হ’য়ে উঠেছে কি না! তা যদি হয়ে থাকে তবে, পৌরাণিক কাহিনীই হোক আর যে কাহিনীই হোক নাটককে ট্র্যাজেডি-রসাত্মকই বলতে হবে বাস্তবিকই, দৈববাদ বা নিয়তিবাদের সংস্কারের মধ্যে এবং খ্রীষ্টধর্মের সংস্কারের মধ্যে থেকেও যদি বড় বড় ট্র্যাজেডি রচিত ও আস্বাদিত হয়ে থাকে তা’হলে এই সিদ্ধান্তই করতে হবে যে, যেহেতু স্বধর্মবাদি ‘অমৃতভূতি প্রবৃত্তি রেখো ভূতানাম’ প্রাণের সহজ ধর্ম বা আবেগ এবং ধর্মবোধ নিবৃত্তির মহাফল—মনন-লব্ধ উপলব্ধি দ্বিতীয় পর্যায়ের আবেগ, সাধারণ মানুষের কাছে (সাধু-সন্ন্যাসী, দার্শনিকদের কথা হয়তো ভিন্ন) স্বধর্মবোধের আবেগনের জোর—অতিবাস্তব

প্রাণাবেগের (will) জোর দ্বিতীয় পর্যায়ের ভাববন্ধের চেয়ে অর্থাৎ—ধর্মীয় ও দার্শনিক ভাবনার (আইডিয়া) চেয়ে অনেক বেশী। এই কারণেই, সব কিছু জেনেশুনেও মানুষ অবোধ প্রাণের কারায় সাড়া না দিয়ে পারে না, মেঘনাদবধ কাব্যের রাবণের মতোই তাঁর --জেনেশুনে কাঁদে এ পরাণ অবোধ। নিরুত্তির চেয়ে প্রবৃত্তির জোরে যে বেশী, মানব সমাজের ইতিহাসই তার ভাল সাক্ষী। মানুষের কানে বৈবাগোর মন্ত্র, অহিংসার মন্ত্র, মৈত্রী-করুণার মন্ত্র, কতকাল আগে থেকেই তো বর্ষণ করা হ'চ্ছে, কিন্তু আজও পশু প্রবৃত্তিই প্রবল প্রতাপে জীবনের উপর আধিপত্য বিস্তার ক'রে আছে এবং আছে বোধ হয় এই কারণেই যে জীবন প্রবৃত্তিময়—আনন্দ-বেদনায় তরঙ্গায়িত একটা বাসনা প্রবাহ। ধর্মদর্শন বা পরাদর্শন এক অথও ঐক্যের মধ্যে সমস্ত খণ্ডকে মেলাতে চেষ্টা করলেও, মানুষের মন থেকে 'নানা'-বুদ্ধি লোপ পায়নি এবং পায়নি এই কারণেই যে "নানা"র অস্তিত্বে বিশ্বাস করার প্রবণতা খুবই সহজ ও স্বাভাবিক। ব্যক্তি স্বাতন্ত্র্যের জ্ঞান সহজ উপলব্ধি। অল্পপক্ষে নৈর্ব্যক্তিকে ঐক্যের বোধ—নিরপেক্ষ নির্বন্দ্য সত্তার জ্ঞান--পরিশীলিত বুদ্ধির আগ্রাসনক্ক ফল। তাই বহু জপ তপ দিয়ে মনকে ঐক্যবোধের ভূমিতে তুলে নেওয়া সম্ভব হয় এবং জপ তপ বন্ধ বা একটু কম হ'লেই মন বুদ্ধির ভূমি থেকে নেমে সহজ অনুভবের ভূ তে এসে দাঁড়ায়। এমন কি, অনেক সময় বোধ ও অনুভবের দ্বন্দ্ব এমন অবস্থাও ঘটে যে, বোধ উপস্থিত থেকেও নিষ্ক্রিয় বা অসাড়া হয়ে থাকে, পরাজিত প্রতিদ্বন্দ্বীর মতো অনুভবের পায়ের তলায় পড়ে থাকে।

এই মনস্তত্ত্ব সত্য ব'লেই, ধর্মদর্শনের বা পরাদর্শনের পরিমণ্ডলের মধ্যে থেকেও মানুষ ট্রাজেডি-রস আন্বাদন ক'রে আসছে এবং ট্রাজেডি-রসান্বাদনের সময়ে ধর্মীয় বা পরাদার্শনিক সংস্কারকে স্থগিত রাখছে। ট্রাজেডিরস-আন্বাদন কালে শুধু suspension of 'disbelief'-ই হয় না, "suspension of belief"ও হয় অর্থাৎ দৈববিধানে বিশ্বাস, অদৈবত পরম সত্তার বিশ্বাস স্থগিত বা গোণ হয়ে যায়। পৌরাণিক বা ঐতিহাসিক বা সামাজিক যে বিষয়বস্তু নিয়েই,

ট্র্যাজেডি রচিত হোক না কেন, ধর্মীয় বা পরাদার্শনিক তত্ত্বকে গুণীভূত না করলে ট্র্যাজেডি-রস ক্ষুণ্ণ হবেই। ঐতিহাসিক বা সামাজিক নাটকের পরিবেশ লৌকিক বলেই ধর্মীয় বা পরাদার্শনিক সংস্কারের অল্পপ্রবেশের সুযোগ কম থাকে। কিন্তু পৌরাণিক নাটকের কাহিনীতে লৌকিক-অলৌকিক ওত-প্রোতভাবে মিশে থাকে বলে ঐ সব সংস্কারই নাটকের স্বাভাবিক আবহাওয়া হয়ে দাঁড়ায় এবং দাঁড়ায় বলেই, পৌরাণিক নাটকে ধর্মদর্শনের বা পরাদর্শনের সংস্কারকে গুণীভূত করে সহজ অল্পভব—শোচনাকে মূখ্য করে রাখা দুঃসাধ্য ব্যাপার হয়ে দাঁড়ায়। অনেক সময় নাট্যবস্তুর উপস্থাপনায় ধর্মীয় আবেগ এবং জীবনাবেগের মধ্যে, প্রতিস্পর্ধিতা লক্ষ্য করা যায় এবং অনেকক্ষেত্রে ঐ দুটি আবেগ সমকক্ষ হয়ে উঠে। কিন্তু এমন ক্ষেত্রও দেখা যায় যেখানে, ধর্মীয় আবেগকে জীবনাবেগ পরাভূত করে দিয়েছে যেখানে দর্শকচিত্ত ধর্মতত্ত্বের মাহাত্ম্যের চেয়ে জীবনাবেগের ঐকান্তিক আকর্ষণতার দ্বারা অধিকতর অভিভূত হয়েছে, তত্ত্বাবনা থাকা সত্ত্বেও দর্শকচিত্ত সহজ সমবেদনায় নায়কের শোচনীয় দ্বন্দ্ব, পরিস্থিতি এবং পরিণামের জ্ঞান ব্যথাতুর হয়েছে। তা'হলে দেখা-যাচ্ছে যে, যে পৌরাণিক নাটকে জীবনাবেগকে গোপন দেওয়া হয়, ধর্মীয় বা দার্শনিক সংস্কার দিয়ে জীবনদ্বন্দের বেদনাকে আচ্ছন্ন করে তোলা না হয়—সেই নাটককে আমরা ট্র্যাজেডি রসাত্মক পৌরাণিক নাটক বলতে পারি।

সুতরাং পৌরাণিক নাটক ট্র্যাজেডি হয়েছে কি না তা নির্ধারণ করতে হলে বিচার করে দেখতে হবে যে, ধর্মীয় আবেগকে ছাপিয়ে জীবন-বেদনা বড় হয়ে উঠেছে কি না, আধ্যাত্মিকতাব আবহাওয়া সত্ত্বেও, জীবনকে দ্বন্দ্ব ক্ষতবিক্ষত দেখার বেদনা বলবত্তর হয়েছে কি না, এক কথায় জীবনের ক্ষয়ক্ষতি বিনষ্টির জ্ঞান শোচনা স্থায়ী হয়েছে কি না। যেমন বিচারের পোড়াতেই নাট্যকারের অভিপ্রায় তথা নাটকের মূখ্য প্রতিপাদ্যটি আবিষ্কার করে নেওয়া দরকার তেমনি নাটকীয় চরিত্রের ক্রিয়া

প্রতিক্রিয়ার রূপগুলি অল্পসরণ করে উপসংহার পর্যন্ত পৌছানোর পরে হিসাব নিকাশ করে দেখা দরকার—নাট্যকার নিজের অভিপ্রায় বজায় রাখতে নাটকের মূখ্য প্রতিপাত্তি প্রতিপাদন করতে, পেরেছেন কি না। অনেকক্ষেত্রে এমনটি দেখা যায় যে, নাট্যকার লক্ষ্যের প্রতি দৃষ্টি নিবদ্ধ করে পথ চলতে পারছেন না, নাটকের মধ্যে এমন কিছু উপাদান আমদানী করে বা মিশিয়ে ফেলেছেন যা ধর্মদর্শনের বা পরাদর্শনের সংস্কারকে, দৃষ্টিকে জীবনবোধের কেন্দ্র থেকে সরিয়ে নিয়ে পরাতত্ত্বের উর্দ্ধলোকে উৎক্লিষ্ট করে দিয়েছে। আসংজ্ঞান মনের প্রবলতর প্রেরণার ফলেই এমনি করে সংজ্ঞান সংকল্প গাঢ়ত্ব, দ্বিধাগ্রস্ত হয়ে থাকে, একের ট্র্যাজেডি উপস্থাপিত করতে যেয়ে অন্তের ট্র্যাজেডি বড় হয়ে উঠে, ট্র্যাজেডি লেখার সংকল্প কমেডি রচনায় পর্যাসিত হয় এবং কমেডিতে ট্র্যাজেডির আবহাওয়া তৈরী হয়ে উঠে। নিশ্চয়ই এতে লেখকের দুর্বলতাই ধরা পড়ে।

জনা নাটকের সমালোচনার মুখবন্ধে এতো কথা বলার প্রয়োজন এই কারণেই হ'ল যে নাট্যকার নাটকখানিকে পৌরাণিক নাটক ব'লে আখ্যাত করলেও এবং নাটকে হরিভক্তির ছড়াছড়ি করলেও, যে চরিত্রের দ্বন্দ্ব ও পরিণতি উপস্থাপিত করার জ্ঞা তিনি নাটকখানি রচনা করেছেন এ যার নামানুসারে নাটকখানির নামকরণ করেছেন, সেই জনা চরিত্রের দুঃখ-দুঃখিপাক (suffering) এবং পরিণামকে আপাত দৃষ্টিতে ট্র্যাজিক ব'লেই মনে হয়ে থাকে। আসল সমস্যা এই, জনা নাটকে ধর্মীয় আবেগের বা অথও চেতনার সঙ্গে মানবিক আবেগের বা খণ্ডচেতনার দ্বন্দ্ব, দুই প্রবল প্রতিস্পর্ধীর দ্বন্দ্বের মতোই প্রায় সমান লক্ষ্যণীয় হ'য়ে উঠেছে। পুত্রস্নেহ দুর্বল ক্ষত্রিয় জননী জনা পুত্রস্নেহে এবং ক্ষত্রিয় অভিমানে অশ্বমেধের অশ্বটি বেঁধে রাখার অহুমতি দেন। ফলে একমাত্র পুত্র প্রবীরকে সমগ্ন রাজ্যের নিষেধ সত্ত্বেও ধনঞ্জয়-বাস্তদেবের প্রতিদ্বন্দ্ব। হওয়ার মহাসংকটের মুখে ঠেলে দেন—অনিবার্য মৃত্যুর কবলে প্রেরণ করেন। মৃত্যু ধনঞ্জয়ের বাণের

মুখে এসে প্রবীরকে গ্রাস করে। জননী-জন্যর বক্ষ শূণ্য হয়ে যায়—স্বাহাংকার চাড়া আর কিছুই সেখানে শোনা যায় না। কিন্তু জনা ক্ষত্রিয় বীরাজনা। তাঁর শোক বিলাপে-প্রলাপে নিঃশেষ হয় না। পুত্রের মৃত্যুর প্রতিবিধানেই তাঁর শোকের স্বাভাবিক সান্ধনা। জনা প্রতিবিধানে প্রতিহিংসাগ্রহণে রুতসংকল্প হয়। কিন্তু জন্যর কাছে পুত্রের চেয়েও মর্যাস্তিক হয়, রাজা নীলধ্বজের কাপুরুষতা—পুত্রঘাতীকে দেবতাসম্মানে সমাদর করবার জগু রাজধানীতে আনন্দোৎসব করবার আদেশ দেওয়া। ক্ষত্রিয় বীরত্বের চেয়ে প্রবীরের আত্মার এতাবড অবমাননা আর কি হতে পারে? যুদ্ধের সংকল্প গ্রহণে জনা ছিলেন নিঃসঙ্গ, প্রতিহিংসা গ্রহণেও তিনি নিঃসঙ্গ! প্রবীরের মৃত্যুর দৃশ্য বৃকে নিয়ে মর্মজালা জুড়াবার জগু জনা শেষ পর্যন্ত গঙ্গায় আত্ম-বিসর্জন করেন। বাহৃতঃ দেখলে জনা চরিত্রে ট্র্যাজিক চরিত্রের সব লক্ষণই ফুটে উঠেছে। নিজের সংকল্প বা কার্য ঝারা স্বন্দের বা সংকটের সৃষ্টি, বন্দ দুঃখ দুর্ভোগ এবং শোচনীয় পরিণাম—প্রায় সমস্ত উপাদানই এখানে পাওয়া যায়। এমন কি ঝারা ট্র্যাজেডি নায়ক নায়িকার নিরীহতা বা ব্যক্তিহীনতা পছন্দ করেন না তাঁরাও, জন্যর পুরুষোচিত আচরণে সন্তুষ্ট হবেন এবং জনাকে উপযুক্ত ট্র্যাজেডি নায়িকা বলে প্রশংসা করবেন। এই কারণে অনেকেই জনাকে ট্র্যাজেডি চরিত্র হিসাবেই দেখেছেন। এই দেখা অমূলক নয়। পৌরাণিক উগ্র আবহাওয়ার মধ্যেও, নাট্যকার জন্যর মানবী সত্তাটিকে লক্ষণীয় গুরুত্ব দেওয়ায়, গঙ্গাতনয়া রূপে কল্পনা করা সবেও জন্যর মধ্যে ক্ষত্রিয় বীরাজনা সত্তাকে, বীরজননী সত্তাকে বিশেষতঃ মাতৃসত্তাকে একেখরী করে তোলায়, জন্যর মধ্যে জীবনাবেগের এমন একটি মহীয়ান রূপ ব্যক্ত হয়েছে, যা ধর্মীয় আবেগের বা দৈব মহিমার প্রতিস্পর্শী হয়ে দাঁড়িয়ে আছে। একথা ঠিক জনা দেবদেবী ন'ন, কৃষ্ণের নারায়ণত্বে বা ধনঞ্জয়-বাহুদেবের নর-নারায়ণত্বেও অবিস্বাসী নন, কিন্তু, তিনি বর্ণাশ্রমধর্মে তথা লোক ধর্মে সম্পূর্ণ বিশ্বাসী এবং এতো বিশ্বাসী যে তিনি ক্ষত্রিয় ধর্ম ত্যাগ করে কৃষ্ণকৃপার মত পরম

পদ লাভ করতে কুণ্ঠিত। ক্ষত্রিয় ধর্ম রক্ষা করতে ত্রীকৃষ্ণকেও শত্রু করতে তিনি ভয় পান না। এই ক্ষত্রিয় ধর্ম তার ধর্মান্ধের ধর্ম—সমাজ ধর্ম; কিন্তু এই ধর্মের উপরেও তাঁর আর একটি ধর্ম আছে সেই ধর্ম তাঁর মূল নারী সত্তার সঙ্গে ওতপ্রোতভাবে জড়িত লোক স্থিতির মূলীভূত সেই পরম প্রকৃতি—মাতৃসত্তা। জনা চরিত্রে এই মাতৃসত্তা প্রাকৃতিক উচ্ছ্বাসের ঐকান্তিক তীব্রতা নিয়ে পরিষ্করিত হয়েছে। পুত্রের বিজয়গৌরব ছাড়া আর কোন কিছুকেই যেমন সে বড় মনে করে না, তেমনি পুত্রের মৃত্যুর পরে প্রতিহিংসা ছাড়া আরো কোন ভাবাবেগকে সে মনে স্থান দেয় না। বিরোধী শক্তি যত বড় শাক্তই হোক, হোক না ধনঞ্জয়—বান্ধবদেব রূপ নর-নারায়ণের মিলিত শক্তি সেই শক্তিকেও সে তুচ্ছ জ্ঞান করে। তাঁর ঐকান্তিক প্রতিহিংসার জ্বালাকে সে কোন দৈব রূপার শান্তির প্রলেপ দিয়ে প্রশমিত করতে চায় না। দেবতা, দৈব বিধান, দৈব রূপা, মাতা জনার কাছে সম্পূর্ণ নিরর্থক। প্রতিহিংসা ছাড়া আর কোন কিছুই মধ্যে সে শোকের সাস্থন। খোঁজে না। শেষ পর্যন্ত ব্যর্থ প্রতিহিংসার জ্বালা নিয়ে গঙ্গার জলে, স্বাভাবিকভাবেই স্বীকার করতেই হবে—এই নাটকে জনা! জীবনাবেগের প্রবল প্রতিনিধি হয়ে উঠেছে এবং উগ্র পৌরাণিকতার সমুদ্রে মধ্যে জীবন ধর্মের বা মানবতার একটি সমুচ্চ এবং চিত্তাকর্ষক শৈল হয়ে বিরাজ করেছে। জনা চরিত্রটি নিজের মাতৃসত্তার মধ্যে সংবৃত্ত হয়ে থাকায় অর্থাৎ তাঁর মধ্যে কৃষ্ণ ভক্তির বা কৃষ্ণ রূপা পাওয়ার ব্যাকুলতা সংক্রামিত না হওয়ায় চরিত্রটি মূলত, পৌরাণিক হয়েও অপৌরাণিক বা লৌকিক পর্যায়ে দাঁড়িয়ে আছে। জীবনাবেগের উপযুক্ত প্রতিনিধি হয়েছে এবং দেব মহিমার উপযুক্ত প্রতিদ্বন্দ্বী হয়ে উঠেছে।

‘জনা আদাবস্তে চ’ কেবলমাত্র মাতা—বীরমাতা . পুত্র শোকাভূরা মাতার এক প্রদীপ্ত আলেখ্য। আগেই আমি বলেছি, জনা ‘চরিত্রের শোকাবেগ প্রতিহিংসার আয়েয় উচ্ছ্বাস নিয়ে এমন প্রচণ্ড আকারে অভিব্যক্ত হয়েছে যে ঐচ্ছিক

অনোচিত্যের সমস্ত বোধকে স্থগিত করে দিয়ে তা' দর্শকচিত্তকে বিস্ময়-স্তম্ভিত করে দেয়, প্রতিহিংসার অগ্নি উদ্দীর্ণ দেখে এই কথাই মনে হয় এ যেন এক প্রাকৃতিক বিস্ফোরণ। কিন্তু পুত্রশোকাতুরা মাতার এই জলন্ত প্রতিহিংসাময়ী মূর্তিকে নাট্যকার এমন একটি ফ্রেম-এ বাঁধিয়ে রেখেছেন, এমন একটি পরি-প্রেক্ষিতে স্থাপন করেছেন যে ঐ ফ্রেমের রঙে ঐ পরিপ্রেক্ষিতের আভাষ, মূর্তিব ঔজ্জ্বল্য ম্লান হয়ে গেছে। একখানি পৌরাণিক ট্রাজেডির স্তম্ভর সম্ভাবনার তরী তীরে এসে ডুবে গেছে। প্রথম অঙ্কের প্রথম গর্তাঙ্কে নাট্যকার যে ভাবে বীজস্থাপনা করেছেন তা'তে গোড়াতেই দর্শক মনে একটা নির্দিষ্ট আকাঙ্ক্ষা জাগিয়ে দিয়েছে, প্রতিটি প্রধান চরিত্রের মনোবাঞ্ছা পূরণ কি ভাবে হল তা দেখার জন্য কোতুহল জেগেছে। অগ্নি নীলধ্বজের জামাতা হলেও তিনি দেবতা। তাঁর কাছে সকলেই বর প্রার্থনা করেছেন। নীলধ্বজের প্রার্থনা

—“যেন নটবর নবঘনকায়

বীশরী বয়ান ত্রিভঙ্গিম ঠায়

নর রূপী নারায়ণে পাই দরশন।”

জন্য প্রার্থনা— “নাহি অগ্নি বাসনা আমাব

যেন অন্তকালে গঙ্গাজলে

তাজি প্রাণবায়ু,

মার কোল চিরদিন করি আকিঞ্চন।”

প্রবীরের প্রার্থনা—“ভুবনবিজয়ী রথী দেহ মোর অরি ,

মরি কিংবা মারি

যুচুক সমরবাঞ্ছা মোর।”

উক্তরে অগ্নির এক কথা—“আশা তব অচিরে পূরিবে” অথবা “মম বরে পূর্ণকাম হইবে” নিশ্চয়” অথবা “শীঘ্র তব পূরিবে বাননা।” এই বর প্রার্থনা ও বর-প্রদান দর্শক মনকে প্রথমেই চরিত্রগুলির পরিণাম বিষয়ে প্রস্তুত করে তোলে ; দর্শকেরা বুঝতে পারে, রাজা নীলধ্বজ নররূপী নারায়ণকে দর্শন করবেন,

প্রবীরের সমরবাহা যুচে যাবে এবং জনা তাঁর মা'র কোলে ফিরে যাবে, গঙ্গাজলে প্রাণবায়ু ত্যাগ করবে। যুধিষ্ঠিরকৃত অশ্বমেধযজ্ঞের অশ্বটিকে বেঁধে রেখে প্রবীর নিজের এবং অশ্ব সকলের বাসনা পরিপূরণের হযোগটা এনে দিয়েছে। নীলধ্বজ কৃষ্ণদর্শনে ধন্য হয়েছেন, জনা পুত্রহত্যার প্রতিবিধান না করতে পেরে শোকোন্মত্ত হয়ে গঙ্গাজলে প্রাণবিসর্জন করেছেন, প্রবীর অর্জুনের বিরুদ্ধে সংগ্রাম করে মরণালিঙ্গন করে সমরবাহা পূরণ করেছে। নাটকের সূচনাতেই এই ভাবে চরিত্রের পরিণাম বেঁধে দেওয়া তথা একটা দৈব পরিকল্পনার বা নিয়ন্ত্রণের আভাস দেওয়া সবেও এবং হরি-মাহাত্ম্য প্রচারের বাড়াবাড়ি করা—কেন, পুত্র শোকাত জনার মাতৃ-হৃদয়ের হাহাকার আতনাদ এবং আত্মবিসর্জন দর্শকমনে ট্রাজেড-রস জাগাতে সমর্থ হত যদি না একটি ফ্রোড-অঙ্ক জুড়ে দিয়ে নাট্যকার দর্শকের দৃষ্টিতে মর্ত্য সংসারের স্বন্দকে মায়া'র প্রপঞ্চ বলে প্রতিভাত করতে চেষ্টা করতেন, সংসারের দুঃখ বেদনাকে মায়া প্রতিপন্ন করে, প্রবীর মদনমঞ্জরীকে শিবপূজায় নিযুক্ত এবং জনাকে প্রসন্নবদনে গঙ্গার পাশে বসে চামর বাজনে নিযুক্ত না দেখাতেন। দর্শক দেখে প্রবীর মদনমঞ্জরী জনা—কারো মনেই কোন ফ্রোড নেই, দুঃখ বেদনা নেই সকলেই সব স্বন্দের অতীত—শাস্ত ও সমাহিত চিন্ত। শ্রীকৃষ্ণ শুধু রাজা নীলধ্বজকেই দিব্যদৃষ্টি দান করেন না, দর্শকরাও দিব্যদৃষ্টি লাভ করে এবং প্রপঞ্চ বুঝে মন স্থির করে। প্রত্যেকটি চরিত্রের পরিণতির মধ্যে অগ্নির বরকে সফল করে তোলা যেমন নাট্যকারের অশ্রুতম উদ্দেশ্য হয়েছে, তেমনি শাপভট্ট বা স্বর্গচ্যুত বা দেবসঙ্গবিচ্যুত চরিত্রকে মর্ত্য বাসের পরে স্ব স্ব স্থানে পৌঁছে দেওয়াও মুখ্য উদ্দেশ্য হ'য়ে উঠেছে। এই শেষোক্ত উদ্দেশ্যটি নাট্যকার এমন ভাবে সিদ্ধ করেছেন যাতে, একটি সূঁচের আঘাতে স্ফীতকায় বাষ্পপূর্ণ বেলুনের চূপ্‌সে যাওয়ার মতো জীবনাবগণও স্বন্দ-জ্বলিত সমস্ত ব্যথা-বেদনার পরিষ্ফীত শোচনা দর্শকমন থেকে তিরোহিত হ'য়ে যায়, নিত্যানিত্য বিবেক মনকে পূর্ণ অধিকার করে, নিত্যের আলোকে জনার লৌকিক প্রচণ্ড আবেগ অনিত্যের

লব্ধ প্রাপ্ত হয়—দৈব-পরিকল্পনার কার্য পরিণতি দেখে মন নিত্যলোকে অবস্থান করে। কৃষ্ণ মাহাত্ম্য প্রচারের বাড়াবাড়ি এবং কৃষ্ণভক্তির ছড়াছড়ি, ট্র্যাজেডি-পরিমণ্ডলে শোচনাবিরোধী বিশ্লেষক উপাদান মারাত্মক মাত্রায় আমদানী করেছে, এ বিষয়ে কোন সন্দেহ নেই কিন্তু তা সত্ত্বেও, জনার শোকাবেগের ঐকান্তিক তীব্রোচ্ছ্বাসকে তা' দাবিয়ে দিতে পারেনি, জনার মাতৃ হৃদয়ের হাহাকারের তলে হরিনামের ধ্বনি আচ্ছন্ন হয়েই ছিল। এবং জনার গঙ্গাবক্ষে আত্মবিসর্জন এবং কল্যার দুঃখে গঙ্গার ক্রোধ প্রকাশ পশ্চত, শতবাধা সত্ত্বেও শোচনাই প্রধান্য বজায় রেখেছে। ক্রোড অর্থে এই প্রাধাত্যকে শুধু ক্ষুণ্ণই করেনি, শোচনার পায়ের তলার মাটি সরিয়ে ফেলেছে—শোচনাকে নিরালস্য ও নিরাশ্রয় করে তুলেছে। যে জনার জ্ঞাত এত শোচনা; যে প্রবীণের অকাল মৃত্যুর জ্ঞাত এত বেদনা, যে মদনমঞ্জরীর ঝালবৈধব্যের বেদনা, দুঃখের জ্ঞাত এত সমবেদনা, তারা সকলেই ছায়াবাজির ছায়ায় পরিণত হয়ে, শোচনাকে অহেতুক করে তুলেছে।

কথা উঠতে পারে—নাটকখানির নাম জনা; অতএব জনার ট্র্যাজেডি উপস্থাপনা করাই নাট্যকারের মুখ্য উদ্দেশ্য ছিল এবং এ বিষয়েও কোন সন্দেহ নেই যে, নাট্যকার জনা চরিত্রটিকে আদি থেকে অন্ত পর্যন্ত মানুষের স্বাভাবিক আবেগ দিয়েই পূর্ণ করে রেখেছেন এবং জনার মাধ্যমে কৃষ্ণভক্তির মহিমা প্রদর্শন করাননি অর্থাৎ শেষ পর্যন্ত জনা কৃষ্ণের কাছে আত্মসমর্পণ করে পুত্র-শোকের জ্বালা থেকে মুক্ত হয়েছে—এমন কোন উপসংহার কল্পনা করেননি। এই ভাবে শুধু জনার দিক থেকে দেখলে, জনাকে প্রকরণ থেকে বিমুক্ত করে দেখলে, জনাকে ট্র্যাজিক চরিত্র এবং নাটকখানিকে ট্র্যাজেডি বলাই উচিত হবে।

এই কথাটির উত্তরে আমরা বলতে পারি নাটকখানির নাম জনা হলেও ট্র্যাজেডি দেখানো নাট্যকারের মুখ্য উদ্দেশ্য হয়নি; নাট্যকারের মুখ্য উদ্দেশ্য প্রথম গভীর্বেই স্থাপিত হয়েছে—জনার কাহিনী আশ্রয় করে, নীলধ্বজের প্রবীরের

এবং জনার মনোবাঞ্ছা পরিপূরণের ভিতর দিয়ে দৈবলীলা মাহাত্ম্যের প্রচার।
ক্রোড়-অঙ্ক এই উদ্দেশ্য সিদ্ধির অপরিহার্য উপায় রূপেই দেখা দিয়েছে এবং
নাটকখানির রসকে ট্রাজেডির স্তর থেকে “দেবতাবিষয়া রতি”র অর্থাৎ ‘ভাবের’
(divine comedy-র) রসের স্তরে উন্নীত করে দিয়েছে।

এই প্রসঙ্গেই উল্লেখ করা প্রয়োজন—জনা নাটক ট্রাজেডি হয়নি এবং জনা
করণ রসের উপযুক্ত আলম্বন ভাবি হওয়া সত্ত্বেও হয়নি এবং দেবতা বিষয়া
রতি মর্ত্য বিষয়া রতিকে পরাভূত করে দিয়েছে—এই সমস্ত সিদ্ধান্ত নাট্যকার
গিরিশচন্দ্রের প্রতিভার বিরুদ্ধে কোন অভিযোগ নয়। ট্রাজেডি-রস পিপাসুরা
জনা-চরিত্রের ‘ট্রাজিক’ পরিণাম শোচনাকে ক্রোড়-অঙ্কের আঘাতে নষ্ট করে
দেওয়ায়, নাট্যকারের প্রাণ বিরক্ত বা ক্ষুব্ধ হতে পারেন, কিন্তু নাট্যকারের
দিক থেকে বলবার কথা বোধ হয় এই যে তিনি জনার জীবনের ট্রাজেডি
দেখাবার জন্য নাটক লেখেননি ট্রাজেডি-রসেরও উদ্দেশ্যে যে “ভাব” আছে
(দেবতাবিষয়া রতির পারিভাষিক নাম— ভাব) সেই ভাবটি, দর্শকমনে সঞ্চারিত
করার চতুর্নিতি জনা নাটক লিখেছিলেন। জনা-নাটকের অঙ্গীকৃত ট্রাজেডি
রস বা করুণরস নয়, জনার অঙ্গীকৃত—‘ভাব’ (ভক্তিরস)।

এই সিদ্ধান্ত করার সঙ্গে সঙ্গেই প্রশ্ন হবে—জনা কোন রসের আলম্বন
বিভাব? পূর্বপক্ষ খুব জোরের সঙ্গেই বলবেন—জনা চরিত্রের দ্বারা অসল্য-
রস বীররস এবং শেষদিকে উৎসাহ ও ক্রোধের সঞ্চারভাবের সংযোগে করুণরস
নিষ্পন্ন হয়েছে এবং জনার চরিত্রে দেবতাবিষয়া রতি কোন সময়েই অভিব্যক্ত
হয়নি। এমতবস্থায় জনা নাটককে ‘ভাব’ বা ভক্তিরসের নাটক বলা চলে কি
করে? নাটকের নাম জনা না হ’লে অবশ্য কোন কথা ছিল না। কিন্তু জনাই
ষেখানে কেন্দ্রীয় ও প্রধান চরিত্র সেখানে জনা যে রসের আলম্বন বিভাব, সেই
রসকেই অঙ্গী রস রূপে স্বীকার করতে হবে এবং সেই দিক থেকে জনা করুণ-
রসাত্মক বা ট্রাজেডি নাটকই বটে। পূর্বপক্ষের উল্লিখিত আপত্তি খণ্ডন করতে
হ’লে, একটি মূল প্রশ্নের আলোচনায় প্রকাশ করতে হবে এবং সেই প্রশ্নটি এই

যে ট্র্যাজেডি রস আশ্বাদন ব্যাপারে নাট্যকের বা নাট্যিকার দুঃখ দুর্দশা বিপত্তির জন্ত দর্শকের বা রসিকের সমবেদনা অপরিহায্য কি না, দর্শকমনে শোচনাকে স্থায়ী করতে হ'লে, শেষ পর্যন্ত বেদনাবোধ থাকা আবশ্যিক কি না। এ কথা অবশ্য ঠিক যে রস ভাবের অভিব্যক্তি বা রূপ আশ্বাদন করার আনন্দ এবং ভাবের সম্পূর্ণ সার্থকরূপ তৈরি করেই স্রষ্টারা রসস্থিতি করে থাকেন কিন্তু এ কথাও মিথ্যা নয় যে সারা পথ দৌড়াদৌড়ি করে এসে খেয়াঘাটে গড়াগড়ি দিলে চলবে না অর্থাৎ কোন ভাবে সারাপথ ব্যক্ত করে এসে শেষমুহুর্তে প্রবল একটি ভাবের দ্বারা তিরস্কৃত করে দিলে অন্তরঙ্গের আশ্বাদন প্রধান হয়ে উঠে এবং আগের ভাবগুলি সঞ্চারিতভাবের পথ দিয়ে নেমে যায়। সারাপথে শোচনা জাগাতে জাগাতে এসে উপসংহারে যদি শোচনাকে অন্তঃভাবের দ্বারা আচ্ছন্ন করে ফেলা হয় তাহলে আমরা একথা নিশ্চয়ই বলতে পারবো না যে শোচনাই স্থায়ীভাবে হয়েছে। শোচনাকে স্থায়ীভাবে পরিণত করতে হলে শোচনার সঙ্গে এমন কোন ভাব মেশানো চলবে না যাতে শোচনা তার ভিত্তি থেকে বিচ্যুত হয়ে পড়ে। এই নাটকে নাট্যকার শেষ মুহুর্তে তেমনি একটি শোচনা-নিরোধক ভাবের আমদানী করে করুণরসের বিপুল আয়োজনকে একমুহুর্তে নিরর্থক করে তুলেছেন, বিচ্যুত চমকে নাটকের পরিমণ্ডলে নতুন ভাব সঞ্চারিত করে করুণরসের আবহাওয়াকে অতিক্রম করে ফেলেছেন, ফলে 'জনা'-নাটকে আমরা ট্র্যাজেডির রস অপেক্ষা তন্ত্রিরসকেই বেশী করে আশ্বাদন করে থাকি এবং প্রবীর মদনমঞ্জরীকে শিবের পাশে এবং জনাকে গঙ্গার পাশে প্রসন্নবদনে বসে থাকতে দেখে, আমরা অনেকে প্রসন্নচিত্তে রঙ্গালয় থেকে বেরিয়ে এসে থাকি। "অনেকেই" বলছি এই কারণে যে ক্রোড়-অক্ষের দৃশ্য দেখা সত্ত্বেও, দর্শকদের মধ্যে এমন অনেকে থাকতে পারেন যাদের মন থেকে পুত্রশোকাতুর জনার হাহাকার ও আত্মনাদের রেশ মিলিয়ে যাবে না, দিব্য জনার প্রসন্নবদন দেখেও যারা মর্ত্য জনার শোককাতর মূর্তিটিকে তুলতে পারবেন না। এই শ্রেণীর

দর্শকের কাছে জনা অবশ্যই ‘ট্রাজিক’ বলে এবং ক্রোড়-অঙ্কটি নিখল বলে মনে হবে। কিন্তু নাটকের আদি থেকে অন্ত পর্যন্ত খোলা মনে অগ্রসর হলে এ কথা স্বীকার করতেই হবে নাট্যকার এই ভুল বুঝার অবকাশ রাখেননি, প্রবীরের ও জনার জীবনের মূল দিবালোকে প্রোথিত রেখেছেন এবং মর্ত্য-জীবনের দম্ব-দুঃখ-বেদনাকে প্রপঞ্চ বলে ঘোষণা করে, তাদের বাস্তবতার গোড়া কেটে দিয়ে গুরুত্বশূন্য করে ফেলেছেন। এককথায় যে মানসিকতা অক্ষুণ্ণ থাকলে দর্শকচিতে ট্রাজেডিবোধ সম্ভব সেই মানবিকতাকেই বিপর্যস্ত করে দিয়েছেন—জনাকে ভক্তিরসাত্মক একখানি পৌরাণিক নাটকে পরিণত করেছেন।

বৃত্ত-পর্যালোচনা

নাট্যাংশে আচার্য ভরত ইতিবৃত্তকে নাট্যের শরীর বলে আখ্যাত করেছেন এবং শরীর ও আত্মার উপমার অবতারণা করে এই সত্যেরই দিকে আমাদের দৃষ্টি আকর্ষণ করেছেন যে ইতিবৃত্ত রূপে আমরা নাটকের যে স্থূল শরীরটি দেখি তা আসলে প্রতিপাণ্ড রূপ কোন কারণ শরীরের বা সূক্ষ্মশরীরেরই ব্যক্ত রূপ এবং সূক্ষ্মশরীরটি যেমন জীবাত্তার বিশিষ্ট ব্যক্তিগ্রহ, তেমনি তিপাণ্ড-রূপ সূক্ষ্মশরীরটিও “ভাব”-রূপ আত্মার দেহধারণের প্রাথমিক সম্ভাবনা। নাট্যরচনা বিধি-শাস্ত্রে ‘ভাব’-কে বলা হয়, ‘ধিম’ ‘আইডিয়া’ ‘গোল’ প্রভৃতি, সূক্ষ্ম শরীরটিকে বলা হয়—প্রেমিজ বা ‘প্রপোজিশান’ এবং স্থূলশরীরকে বলা হয়—‘প্লট’। “আইডিয়া” অশরীরী ধারণা বিশেষ। প্রেমিজ বা প্রপোজিশান অশরীরী ধারণার শরীর ধারণের দিকে প্রথম পদক্ষেপ। এই প্রেমিজের স্তরেও আইডিয়া নৈব্যক্তিকতার গভীর মধ্যেই থাকে বটে, কিন্তু লক্ষণীয় মাত্রায় বিশেষীভবনের দিকে অগ্রসর হয়। ‘প্লট’—এর পর্ষায়ে এই বিশেষীভবন সম্পূর্ণ হয়—ভাব ব্যক্তি জীবনের ঘটনায় পরিণত হয়।

যে সশক্তি ইতিবৃত্তরূপী ঘটনাপরম্পরাকে একটি সমন্বিত বৃত্তে পরিণত করে সে হচ্ছে ঐ বৃত্তান্তগত প্রতিপাত্তি বা উদ্দেশ্যটি। এই প্রতিপাত্তি যত পরিচ্ছন্ন হয়, তত বৃত্ত-পরিকল্পনা সুন্দর হয়—নির্দোষ হয়। এই দিকে চেয়েই নাট্যতত্ত্ববিদগণ সিদ্ধান্ত করেছেন—“Every good play must have a clear-cut premise” প্রতিপাত্তি পরিচ্ছন্ন না হওয়ায় অনেক ক্ষেত্রেই নাট্যকার দিশেহারা হয়ে পড়েন সন্ধি-পরিকল্পনা সূষ্ঠভাবে করতে পারেন না; আরম্ভ ও উপসংহারের মধ্যে সংগতি রাখতে পারেন না, অবাস্তব বিষয় আমদানী করে বৃত্তের স্বাভাবিক গতি ও পরিণতি ব্যাহত করেন এবং একাগ্র দৃষ্টি নিয়ে লক্ষ্যের অভিমুখে এগিয়ে যেতে পারেন না।

বাস্তবিকই, বৃত্তের দোষগুণ বিচার কবাব আগে, নাটকের মুখ্য উদ্দেশ্য বা প্রতিপাত্তিকে আবিষ্কার করা একান্ত আবশ্যক এবং এই কারণেই আবশ্যক যে, গম্ভ্য স্থির করতে না পারলে যেমন গতির ভাল-মন্দ বিচার করা যায় না, তেমনি প্রতিপাত্তি না ধরতে পাবলে, প্রতিপাদক ঘটনার উপযোগিতা—অনুপযোগিতা বিচার করাও সম্ভব হয় না। বৃত্তটি স্থগিষ্ঠিত হয়েছে কিনা তা বিচার করতে হ’লে, বৃত্তটি যে প্রতিপাত্তির বা মূল ভাবের শরীর সেই প্রতিপাত্তি আগে উদ্ধার করে নিতে হবে এবং নেওয়ার পরে, প্রতিপাত্তিকে প্রতিপাদন করতে যে ‘কার্য’ পরিকল্পনা করা হয়েছে তার সন্ধি বা পর্বগুলি নির্ধারণ করতে হবে। নাটকে আমরা যে সব অঙ্ক দেখি অথবা গভাঙ্ক বা দৃশ্য দেখি, সেগুলি মূলকার্যের বা কাহিনীর বিভিন্ন পর্ব ও পর্বাক্ষ ছাড়া আর কিছুই নয়। প্রত্যেক কার্যের মধ্যে পাঁচটি পর্যায় কল্পনা করা সম্ভব—এরই ভিত্তিতে সংস্কৃত নাট্যশাস্ত্রে কার্যের মধ্যে পাঁচটি সন্ধি কল্পনা করা হয়েছে। পঞ্চাঙ্ক বিভাগ অর্থাৎ কার্যকে বড় বড় পাঁচটি পর্বে ভাগ করার প্রবৃত্তি বা প্রথা থেকেই গড়ে উঠেছে এবং অঙ্কের মধ্যে দৃশ্য বিভাগ গড়ে উঠেছে, অঙ্ক নিম্পাত্তি বার্ষাংশকে আরো ছোট ছোট বিভাবে ভাগ করার প্রবণতা থেকে। অতএব কোন দৃশ্য বা অঙ্ক উপযোগী কিনা সে বিচার নির্ভর করছে, প্রতিপাত্তি-প্রতিপাদনের জন্য যে মূল কার্যের পরিকল্পনা

করা হয়েছে, সেই কার্যের সমুচিত বিভাগ হিসাবে অঙ্কটি বা দৃশ্যটি কতখানি উপযোগ হয়েছে তার উপরে। নাটকের অবয়ব-গঠনে বাস্তবিক, সাংকেতিক, একস্প্রেসশানিষ্টিক এ্যাবসার্ড যে নীতিই আলোচনা করা হোক, প্রতিপাত্ত অল্পমরণেই কাৰ্ধ, কাৰ্ধবিভাগ এবং ঘটনা বিন্যাসের সার্থকতা বিচার করতে হবে। এই মূলসূত্র বা নিয়ম সব ক্ষেত্রেই প্রযোজ্য, কারণ বিচার মাত্রেই সূত্রসাপেক্ষ।

জনা নাটকের বৃত্ত পয়ালোচনায় প্রবৃত্ত হলে, প্রথমেই আমরা প্রশ্ন করতে পারি—নাট্যকার এমন কোন পরিচ্ছন্ন প্রতিপাত্ত সামনে রেখে নাটক রচনায় প্রবৃত্ত হয়েছিলেন কি না এবং যদি হয়ে থাকেন তবে সেই প্রতিপাত্তটি কি? আমার মনে হয়, পরিচ্ছন্ন প্রতিপাত্ত বলতে যা বুঝায় (ভাবকে এমন একটি বাক্যের মধ্যে প্রকাশ করা যায় যে বাক্যে মুখ্য চরিত্রের প্রধান বৈশিষ্ট্য, স্বন্দর প্রকৃতি এবং পরিণাম অন্তর্নিহিত থাকবে, যেমন ম্যাকবথ নাটকের প্রতিপাত্ত বাক্য **Ruthless ambition reads to destruction**) তেমন কোন পরিচ্ছন্ন প্রতিপাত্ত নাট্যকারের সম্মুখে ছিল না, তবে জনা কাহিনী অবলম্বন করে কৃষ্ণমাহাত্ম্য এবং বিশেষ করে জগতের প্রপঞ্চস্বরূপতা দেখানোর উদ্দেশ্য তাঁর মনে অতি প্রকটভাবেই ছিল। শ্রীকৃষ্ণ নীলধ্বজকে শেষ মুহূর্তে য কথ্য শুনিয়েছেন সেই—“জেনো বীর প্রপঞ্চ সকলি,

মহাকাল করে খেলা পঞ্চভূত লয়ে

ভাঙ্গে গড়ে ইচ্ছামত তাঁর।”

—উক্তিটিকে আমরা জনা-নাটকের প্রতিপাত্ত রূপে গ্রহণ করতে পারি। তবে সঙ্গে সঙ্গে এ কথাও বলতে হবে যে নাট্যকার গিরিশচন্দ্র তন্দ্র রচিত ‘পৌরাণিক নাটক’ প্রবন্ধে শ্রীকৃষ্ণমাহাত্ম্য প্রচারের প্রয়োজনীয়তার উপরে জোর দিয়ে যে কথাটি বলেছেন—“ভারতবর্ষের জাতীয় মর্মে ধর্ম, দেশ হিতৈষিতা প্রভৃতি যত প্রকার কথা আছে তাহাতে —হ ভারতের মর্ম স্পর্শ করিতে পারিবে না। ভারত ধামিক। যাহারা লাক্ষল ধরিয়া চৈত্রেয় যোজ্ঞে

হল সঞ্চালন করিতেছে, তাহারও কৃষ্ণ নাম জানে, তাহাদেরও মন কৃষ্ণনামে আকৃষ্ট। যদি নাটক সার্বজনিক হওয়া প্রয়োজন হয় কৃষ্ণ নামেই হইবে” তাতে নাট্যকারের মনোভাব সুন্দরভাবে প্রকাশিত হয়েছে। কৃষ্ণ নামের মাহাত্ম্যকে বড় করে তুললে নাটকের আবেদন সার্বজনিক হবে—এই সংস্কার অবশ্যই জনা কাহিনীকে নাট্যরূপে পরিণত করার সময়ে নাট্যকারের মনে প্রবলভাবে কাজ করেছিল এবং তা যে করেছিল তার বড় প্রমাণ নাটকের শেষে নীলধ্বজের জয় ধ্বনি :—

“অজ্ঞান-তিমির-বিনাশন

জয় জয় নিত্য নিরঞ্জন ॥”

ঐ সংস্কারের সঙ্গে এ বিশ্বাসটুকুও মিশে ছিল—

“কৃষ্ণার্জুন সনে বাদ নরে না সন্তবে,

বিধাতা বিমুখ যার রক্তগত শনি

হেন বুদ্ধি ওঠে তার ঘটে।”

অর্থাৎ দেবতাকে অরি করলে পরাজয় ও পতন অনিবার্য।

বলাবাহুল্য যদিও মহাকাালের নীলার দিকে এবং জগতের প্রপঞ্চময়তাও শ্রীকৃষ্ণ নীলধ্বজের তথা দর্শকদের দৃষ্টি আকর্ষণ করেছেন, তবু আমরা দেখতে পাই, নাটকখানির সুর আনন্ত কৃষ্ণগুণগানে বাঁধা। প্রথম অঙ্কের প্রথম গর্তাকে অগ্নিদেবের হরিগুণগান এবং বিদুষকের ব্যাজস্ততিতে হরিভক্তি থেকে শুরু করে শেষ মুহূর্তের গুণগান এবং নিত্যনিরঞ্জনের জয়ধ্বনি পর্যন্ত, নাটকখানির আকাশে-বাতাসে হরিনামেব ছড়াছড়ি। এই দিক থেকে দেখলে জনা নাটকের প্রতিপাদ্য—জগতের প্রপঞ্চময়তাও একই সঙ্গে হরিভক্তিমাহাত্ম্য। জনা উপলক্ষ্য, লক্ষ্য—হরিগুণগান।

এখন প্রশ্ন হচ্ছে, জনার এই জীবনপ্রতিপাদ্য প্রতিপাদনের উপযুক্ত বিভাব বা বস্তুরূপটি এস. এলিয়টের ভাষায়—“অবজেকটিভ কো-রিলেটিভ” হতে পারে বা পেরেছে কি না? আপাতদৃষ্টিতে দেখতে গেলে সকলেরই এই কথা মনে হবে

যে জনাকে যদি কোন ভাবের প্রতিনিধি বা রূপক হিসাবে আমরা দেখতে চাই, তবে দেখব সেই ভাবটি হচ্ছে—ক্ষত্রিয় জননীর পুত্র স্নেহের ভাব এবং পুত্র-শোকক্ষিপ্তা জননীর প্রতিহিংসাপরায়ণতার ভাব। এক কথায় বীর-মাতৃহ।

জনা চরিত্রের পরিণাম (ক্রোড়-অঙ্কের অবস্থাটি বাদ দিয়ে) যেমন জগতের প্রপঞ্চময়তা প্রতিপাদন করে না, তেমনি প্রত্যক্ষভাবে কৃষ্ণমাহাত্ম্যও প্রচার করে না। জনা কৃষ্ণ-বিরোধী পক্ষে যোগ দিয়ে পরাজিত হয়েছে, এমন কি জনার স্বামী পয়স্তু জনাকে পরিত্যাগ করে, পুত্রশোক ভুলে শ্রীকৃষ্ণের কাছে আত্মসমর্পণ করেছে। এতে যতটুকু শ্রীকৃষ্ণের মাহাত্ম্য প্রচারিত হয়েছে, জনা কৃষ্ণ মাহাত্ম্য প্রচার তার একটুও বেশী অংশ গ্রহণ করেনি বা কৃষ্ণের কাছে আত্মসমর্পণ করে শান্তি লাভ করেনি। আর একথাও বলা চলে না যে জনাকে মায়ের কোলে ফিরিয়ে দেওয়ার জন্য শ্রীকৃষ্ণই সব কিছু পরিকল্পনা করেছেন বরং জনা কৃষ্ণ বিরোধের ভিত্তি দিয়ে শ্রীকৃষ্ণের ইচ্ছাকেই পরিপূরণ করেছে। অগ্নিদেব প্রথম গর্ভাংকে—

“নররূপী পিতাম্বর আসি এই পুরে

পুরাবেন বাসনা সবার

আমিও পবিত্র হব নেহারি শ্রীহরি”—

—এই ঘোষণা করা সত্ত্বেও আমরা বলব, কৃষ্ণমাহাত্ম্য প্রচারের ১, ৫ জনার কোন প্রত্যক্ষ যোগ নেই। নারায়ণকে অরি করার ফলে নাশ্যণের কাছে পরাজিত হওয়ার মধ্যে যেটুকু যোগ তা ছাড়া আর কোন যোগ নেই। ‘আর কোন বা প্রত্যক্ষ যোগ’ বলতে আমি কি বুঝতে চাই, তা আগেই বলেছি। বাহ্যিকরূপক শ্রীহরি সকলের মনোবঙ্ধা পূর্ণ করেছেন—জনার মনোবাসনাও চরিতার্থ করেছেন—এর জন্যে কিছু জনাকে দিয়ে প্রতিপাদন করা সম্ভব হয়নি। সম্ভব হ’ত যদি নাট্যকার জনাকে মা’র কোলে ফিরিয়ে নিয়ে যাওয়ার জন্য দৈব-পরিকল্পনা করতেন, শ্রীহরিকে সেই পরিকল্পনার মূল কভারপে উপস্থাপিত করতেন এবং জনার গদ্যজলে আত্মবিসর্জনকে শ্রীকৃষ্ণপদে আত্ম-

সমর্পণে পরিণত করতে পারতেন। এই প্রসঙ্গেই উল্লেখ করা যেতে পারে— জনা নাটকের কেন্দ্রীয় চরিত্র হ'লেও দৈবপরিকল্পনার কেন্দ্র হয়েছে প্রবীর অর্থাৎ শিবকিঙ্কর প্রবীর—মদনমঞ্জরীকে শিবলোকে কৈলাসে ফিরিয়ে নেওয়ার কল্পনা নাটকে যতটা হয়েছে, জনাকে গঙ্গার কোলে ফিরিয়ে নিয়ে যাওয়ার কল্পনা ততটা প্রধান হয়ে উঠেনি, এবং অব্যক্তই রয়ে গেছে। মহাদেব ঘোষণা করেছেন—“কিন্তু পূর্ণ হয়েছে সময়

আনিব দাসেরে পুনঃ কৈলাস আলায়ে।”

জনা-নাটকে আমরা নিশ্চয় এটাই দেখতে চাইব যে গঙ্গাতনয়া জনাকে মাতা গঙ্গা নিজকোলে ফিরিয়ে নেওয়ার জন্তু ব্যাকুলা হয়েছেন এবং শ্রীকৃষ্ণের শরণ নিয়ে চেষ্টা করেছেন এবং শ্রীকৃষ্ণ অশ্বমেধ যজ্ঞকে উপলক্ষ্য করে প্রবীরের পতন ঘটিয়ে জনাকে জাহ্নবী জলে প্রাণবিসর্জন করতে বাধ্য করেছেন। এই পরিকল্পনাটি নাট্যকার সচেতনভাবে গ্রহণ বা অনুসরণ করেননি। গঙ্গা-রক্ষকদ্বয় পাগলিনী জনাকে সামলাতে সামলাতে গঙ্গার কোল পর্যন্ত পৌছে দিয়েছে বটে, কিন্তু এটা কোন মূল পরিকল্পনার অংশ নয় অর্থাৎ গঙ্গার বা শ্রীহরির পরিকল্পনার অংশ হয়ে উঠেনি। একথা অবশ্যই স্বীকার্য যে জনাচরিত্রের পরিণাম প্রবীরের পতনের উপর নির্ভরশীল; জনার পরিণাম প্রবীরের পরিণাম সাপেক্ষ কিন্তু এ কথাও সত্য ও স্বীকার্য যে জনা-নাটকে মুখ্যতঃ জনাকে কেন্দ্র করেই সমস্ত ঘটনা আবর্তিত হবে—সব পরিস্থিতি পরিকল্পিত হবে। জনার বৃত্ত-পরিকল্পনায় জনাকে অধিকতর কেন্দ্রীয়ত্বের মর্যাদা দেওয়া উচিত ছিল—প্রবীরকে কৈলাসে ফিরিয়ে নেওয়ার পরিকল্পনাকে গোণ করে জনাকে গঙ্গার কোলে ফিরিয়ে নেওয়ার পরিকল্পনাকে আরো মুখ্য ও সুপরিব্যক্ত করার দিকে দৃষ্টি দেওয়া উচিত ছিল। প্রবীরের পতন ঘটাবার জন্তু তিনি যে ব্যাপক পরিকল্পনার অবতারণা করেছেন, তার তুলনায় জনার ব্যক্তিত্ব ও পরিণাম প্রদর্শনের জন্তু অপেক্ষাকৃত কম পরিস্থিতি কল্পনা করেছেন।

জনার জীবন দেখাচ্ছে গিয়ে প্রবীরের দিকে একটু বেশী খুঁকে পড়াতেই,

আমার মনে হয়, এই ক্ষুটি ষটেছে। প্রবীরের জ্ঞান মায়াকানন প্রভৃতি সৃষ্টি করার প্রয়োজন 'প্রবীর-পতন' নামক কোন নাটকে থাকতে পারে কিন্তু জনা-নাটকে প্রবীরের পতনটুকুই বোধ হয় ষথেষ্ট। মাতৃভক্তির কথা মাতৃনামের মাহাত্ম্য প্রতিষ্ঠিত করতে স্চ্ছুক হয়েই নাট্যকার মায়াকাননের কল্পনা করেছেন কি না অথবা মধুসূদনের মেঘনাদবধ মহাকাব্যের অথবা ট্যাসোর জেরুজালেম ডোলভাড মহাকাব্যের প্রভাবেই মায়াকানন কল্পনায় আগ্রহী হয়েছেন কি না এসব প্রশ্নে আমি প্রবেশ করতে চাইনে। আমি শুধু এই কথাটিই বলতে চাই যে জনা-নাটকে জনার পুত্র মায়াকাননে আবদ্ধ হ'লে জনার অক্ষয়তা ব'লেই মোহনুত হ'বে এবং তাহ'লেই জনা-নাটকে মায়াকানন নাটকের অপরিহার্য অঙ্গ হয়ে উঠবে। কিন্তু বর্তমান নাটকে মায়াকানন জনা-চরিত্র প্রকাশের উপায় হ'য়ে উঠেনি এবং উঠেনি বলেই অপরিহার্য নয়।

কেউ হয়তো বলবেন যে নাট্যকার নাটকখানিকে জনা নামে অভিহিত করলেও, জনা-চরিত্রের দ্বন্দ্ব ও পরিণাম দেখানোই মুখ্য উদ্দেশ্য হিসাবে গ্রহণ করেননি; তিনি নীলধ্বজ, জনা ও প্রবীরের মনোবাহু পরিপূরণের ভিতর দিয়ে শেষ পর্যন্ত দেবলীলা বিশেষতঃ কৃষ্ণলীলাকেই বড় স্থান দিতে চয়েছেন। এই বলার উত্তরে যা বলার তা আগেই বলা হয়েছে। এখানে শুধু এই কথাটিই বলা আছে যে বৃত্ত-বিচারের বিধি কঠোরভাবে প্রয়োগ করলে আমাদের উপরোক্ত সিদ্ধান্তে পৌছতে হবে, বলতে হবে বৃত্তটি একান্ত হয়ে উঠতে পারেনি।

একাগ্র শব্দটি আমি ইংরেজিতে থাকে unifocal বলা হয় সেই অর্থেই এখানে প্রয়োগ করাছি এবং প্রয়োগ করাছি এই কারণেই যে একমাত্র জনার মনোবাহু পরিপূরণ এই নাটকের একক উদ্দেশ্য হয়নি। প্রথম 'ভাঁকে তিনজন বর প্রার্থনা করেছেন দেখতে পাই। জোড়াক্ষের আগেই নীলধ্বজ—নররূপী নারায়ণের দর্শন পেয়েছেন, প্রবীরের সমর-বাহু ঘুচে গেছে এবং

ক্রোড়অঙ্কে দেখতে পাই, প্রবীর মদনমঞ্জরী শিবলোকে শিবের সেবায় নিযুক্ত হয়েছেন এবং জনা মাতৃকোলে ফিরে যেয়ে প্রসন্নচিত্তে চামর ব্যঞ্জন করছেন। নীলধ্বজ প্রবীর এবং জনা এই তিন ব্যক্তির তিনটি মনোবাহার দিকে নাট্যকার সমান দৃষ্টি রেখেছেন, ফলে একাগ্রতা শিথিল হয়ে গেছে।

কেউ হয়তো বলতে পারেন মূখ্যভাবে একের কাহিনী অবলম্বন করে একাধিক উদ্দেশ্য সিদ্ধ করতে পারা তো প্রশংসারই কথা। জনার কাহিনীর মাধ্যমে নাট্যকার যদি নানা অভিপ্রায় সিদ্ধ করতে পেরে থাকেন, তাহলে নাট্যকারকে প্রশংসা করাই উচিত। এ সম্পর্কে আমার বক্তব্য এই যে, একটি কাহিনী থেকে নানা অভিপ্রায় নাট্যকার অবশ্যই মেটাতে পাবেন, কিন্তু নাটক যেহেতু একটি শিল্প এবং শিল্প একটি সমন্বিত এবং সুসঙ্গত সমগ্ররূপ, নাটকের গঠনে আমরা অবশ্যই একাগ্রতা দাবী করব, মূখ্য ও গৌণ ঘটনার সম্পর্ক বিচারে একটা বিশেষ নিয়ম মেনে চলব এবং সতর্ক দৃষ্টি নিয়ে দেখব—গৌণের ও মূখ্যের এমন সমাবেশ না হয় যাতে গৌণের ঔজ্জ্বল্যের চাপে মূখ্য হীনপ্রভ হয়ে পড়ে, মূখ্যের অধিকার অর্থাৎ ফলস্বামিত্ব সঙ্কুচিত হয়। এই-দিকে দৃষ্টি রেখেই সংস্কৃত নাট্যশাস্ত্রে এবং প্রতীচ্য নাট্যশাস্ত্রেও কেন্দ্রীয় বা মূখ্য আলম্বন বিভাবের প্রাধান্য প্রতিষ্ঠার দিকে বিশেষ লক্ষ্য রাখতে বলেছে এবং নায়ক-নায়িকাকে সর্বাপেক্ষা বেশী প্রত্যক্ষ ও কর্মতৎপর করে তোলার জন্য তাকে কেন্দ্র করেই পরিস্থিতি পরিকল্পনা করার নির্দেশ দিয়েছে। একাধিক অভিপ্রায় সিদ্ধ করতে গেলে নায়ক-নায়িকার অধিকার সঙ্কুচিত হয়ে যায়, একাগ্রতা বিস্ত্রিষ্ট হয়ে পড়ে। আগেই এই নাটকের প্রতিপাত্ত নিরূপণের প্রসঙ্গে—আমরা দেখেছি, একটি মাত্র বাক্যে নাটকের প্রতিপাত্তকে আমরা প্রকাশ করতে পারিনি এবং প্রতিপাত্তের বৃত্তের মধ্যে প্রপঞ্চতত্ত্ব, কৃষ্ণলীলা-মহাত্ম্য বা রহস্য, হস্তিভক্তিতত্ত্ব প্রভৃতি হাত ধরাধরি করে দাঁড়িয়ে আছে এবং এ কথাও বলেছি জনা-চরিত্র উক্ত প্রতিপাত্তের প্রতিপাদনের স্বতন্ত্র নঙভাবী উপায় হয়েছে তঁতটা সদ্ভাব (পজ্জিটজ) মাধ্যম হতে পারেনি।

জনাকে নঙ্ভাবী উপায় বলেছি এই কারণে যে জনার জীবন প্রত্যক্ষভাবে ঐ প্রতিপাত্তের কোনটিকেই প্রতিপাদন করেনি। ক্রোড়-অঙ্কের আগে পর্বস্তু জনা যে প্রতিপাত্তকে প্রতিপাদন করেছে—সে এই যে ক্ষত্রিয়জননীর পুত্রশোক পুত্রঘাতীর প্রাণনাশ ছাড়া আর কিছুতেই প্রশমিত হয় না; প্রতিহিংসাগ্রহণ অথবা প্রাণবিসর্জন এই দুই গতি ছাড়া তাঁর আর কোন গতি থাকে না। গদ্যায় প্রাণবিসর্জনে জনা নাটক সমাপ্ত হলে জনা নাটকের উল্লিখিত প্রতিপাত্তই প্রতিপালিত হত। কিন্তু নাট্যকার এই প্রতিপাত্তের উদ্দেশ্য আরো একটি প্রতিপাত্ত দাঁড় করাবার চেষ্টা করেছেন, লৌকিক এবং দিব্য এই দুই পরিমণ্ডলের নিগূঢ় সম্পর্কের দিকে, দিব্যরহস্যের পরিমণ্ডলের স্তরে দর্শকমনকে আকৃষ্ট করেছেন। ফলে এই নাটকের বৃত্তে লৌকিক ও দিব্য জীবনের মিশ্রণ এবং বৃত্তের দুই মেরুতে দিব্য আবহাওয়ার প্রাধান্য ঘটেছে। নাটকের প্রথমে অগ্নিদেবের বরপ্রদানের এবং ঐ উপলক্ষ্যে শ্রীকৃষ্ণমাহাত্ম্য কীর্তনের দৃশ্য এবং ক্রোড়অঙ্কে—দিব্যধামের দৃশ্য—এই দুই দিব্য মেরুর মাঝখানে রয়েছে, জনার কাহিনী।

জনা-নাটকের বৃত্ত পাঁচটি অঙ্কে ও একটি ক্রোড়-অঙ্কে মোট ৬টি অঙ্কে বিভক্ত। এই প্রধান প্রধান বিভাগের বা পর্বের মধ্যে আবার গাথিক উপবিভাগ কল্পিত হয়েছে। আমরা দেখতে পাই—প্রথম অঙ্কে পাঁচটি গর্তাক, দ্বিতীয় অঙ্কে আটটি গর্তাক, তৃতীয় অঙ্কে চারটি গর্তাক, চতুর্থ অঙ্কে পাঁচটি গর্তাক, পঞ্চম অঙ্কে তিনটি গর্তাক আছে এবং ক্রোড়অঙ্কে কোন গর্তাক নেই। এইবার বিচার করে দেখা যাক—মূল কাহিনীকে যে সব পর্বে এবং পর্বাদ্বে নাট্যকার বিভক্ত করেছেন, সেই বিভাজন-কার্যটি অনবগত হয়েছে কি না।

প্রথম অঙ্কের প্রথম দৃশ্য—রাজবাটীর কক্ষ।

এই দৃশ্যে নীলধ্বজ, অগ্নি, জনা, স্বাহা, প্রবীর ও বিদূষক উপস্থিত। দেব বৈশ্বানর কল্পতরু হয়ে, প্রথমে নীলধ্বজকে, পরে জনাকে ও প্রবীরকে এবং শেষে স্বাহাকে বর দিয়েছেন এবং জানিয়েছেন সকলেরই মনোবাঞ্ছা অচিরে পূর্ণ হবে। পত্নী স্বাহাকে পূর্বস্মৃতি দান করে ভাবদৃষ্টিতে দেখিয়েছেন—স্বাহা স্বয়ং বসুমতী লক্ষ্মীপাপে “নীলধ্বজ বিয়ারী” হয়েছেন। শেষে তাহাকে সংক্ষেপে বলেছেন—“নররূপী পীতাম্বর আসি এই পুরে, পুরাবেন বাসনা সবার।” এবং তিনি নিজেরও শ্রীহরিকে দর্শন করে পবিত্র হবেন। সকলে নিজ নিজ কার্যে প্রস্থান করলে বিদূষকও অগ্নিদেবের মধ্যে কথোপকথন হয় এবং তাতে বিদূষকের স্তবস্তুতির ভিতর দিয়ে কৃষ্ণভক্তি প্রকাশিত ও কৃষ্ণমাহাত্ম্য প্রচারিত হয়। এই দৃশ্য দ্বারা দর্শক মনে শুধু এই ধারণাটুকুই জাগানো হয়েছে যে নররূপী ভগবান কৃষ্ণ এসে সকলের মনোবাঞ্ছাই পূর্ণ করবেন এবং শ্রীহরি অচিরেই আসবেন। অর্থাৎ একটি যুদ্ধ আসন্ন এবং সেই যুদ্ধে প্রবীরের সমরবাঞ্ছা যুচবে এবং তারই প্রতিক্রিয়ায় জনা গঙ্গায় দেহ বিসর্জন করবে।

প্রথম অঙ্কের দ্বিতীয় গর্ভাঙ্ক—দৃশ্য = উজ্জান। মদনমঞ্জরী, বসন্তকুমারী ও সখীগণের গান ও সংলাপের সাহায্যে প্রথমাংশে মদনমঞ্জরীর অহেতুক আশংকার ভিতর দিয়ে ভাবী অমঙ্গলের ছায়াপাত ঘটানো হয়েছে। মদনমঞ্জরী রোদনের ধ্বনি শুনে ব্যাকুলা হয়েছে, চোখের জল সংবরণ করতে পারছে না। প্রবীর ফিরে আসার পরেও “কেন হতাশে পরাণ কাঁদে”—বুঝতে পারে না। বিলম্বের কারণ ব্যাখ্যা করতে যেয়ে প্রবার বলে সে অশ্বমেধযজ্ঞের অশ্ব বেঁধে রেখেছে এবং পিতাকে সমাচার দিতে এসেছে। ঞ্জুনের সঙ্গে যুদ্ধের কল্পনায় মদনমঞ্জরী আতঙ্কে শিউরে উঠে—ঘোড়া ছেড়ে দেওয়ার জ্ঞান মিনতি করে। কিন্তু প্রবীর ক্ষত্রবীরোচিত বীরত্বের সঙ্গেই প্রিয়াকে ভৎসনা করে এবং ঘোষণা করে—“সম্মুখ সংগ্রামে পাওবে না ডরি

নাহি ডরি নারায়ণে।”

এই দৃশ্যে নাটকের মূল দ্বন্দ্বের কারণটি উপস্থাপিত হয়েছে। প্রবীরের বালিকাবধু মদনমঞ্জরীর অহেতুক প্রাণের ক্রন্দনের ভিতর দিয়ে, রমণীর দূরাগত ক্রন্দনধ্বনির ভিতর দিয়ে আসন্ন অমঙ্গলের ইংগিত দেওয়া হয়েছে এবং প্রবীরের নির্ভীকতার সাহায্যে দ্বন্দ্বের অবশুস্তাবিতা সূচিত হয়েছে।

এই দৃশ্যের স্থান উদ্ভান না হয়ে রাজবাটীর কক্ষ হ’লে অসুচিত কল্পনা হত বলে মনে হয় না এবং তা’ করলে সব চেয়ে বড় লাভ হ’ত এই—দুই গর্ভাক্ষের স্থলে একটি গর্ভাক্ষেই দুটি দৃশ্যের ঘটনা সন্নিবিষ্ট করা সম্ভব হ’ত এবং প্রথম গভাঙ্কে আমরা দ্বন্দ্বের মুখের সামনে এসে দাঁড়াইতাম।

প্রথমাক্ষ তৃতীয় গর্ভাক্ষের স্থান—পাণ্ডব-শিবির। এই দৃশ্য—শ্রীকৃষ্ণ অর্জুনকে জানিয়েছেন—নীলধ্বজ রাজার পুত্র মহাবীর প্রবীর ‘ধরেছে যজ্ঞের বাজী।’ এবং প্রবীরের আসন্ন পরিচয় দিয়েছেন—‘জারুবীর বরে শিব অংশে জন্মেছে কুমার’ এবং ‘মাতৃভক্তি অপার তাহার’। শ্রীকৃষ্ণ বুঝতে পেরেছেন এবং অর্জুনকেও বুঝিয়েছেন—‘শিবপূজা বিনা কার্য না হবে উদ্ধার’—অতএব ধ্যানযোগে কৈলাসে যাওয়া ছাড়া গত্যন্তর নেই। এই দৃশ্যের যদি বিশেষ উপযোগিতা কিছু থাকে তবে তা এইটুকুই যে এতে পাণ্ডবপক্ষের তিক্রিয়ার সূচনা দেখানো হয়েছে এবং শিবকিঙ্করকে যুদ্ধে পরাস্ত করতে হলে শিবের সম্মতি ও প্রসাদ পেতেই হবে তা স্পষ্ট করে তুলে ধরে শিব-কীর্তনের তথ্য দৈবপরিমণ্ডলকে স্পষ্টতর করে তোলার আয়োজন করা হয়েছে।

চতুর্থ গর্ভাক্ষে প্রবীর ও জনার সংলাপের ভিতর দিয়ে জনার মাতৃহৃদয়ের স্নেহ এবং ক্ষত্রবীর্যবান সন্তাটিকে প্রতিষ্ঠিত করা হয়েছে এবং জনার “রণ-সাধ যদি তোর রণ পণ মম”—এই প্রতিজ্ঞার দ্বারা ধন্যকে অনিবার্য করা হয়েছে। নীলধ্বজ এবং জনার উক্তি-প্রত্যাক্তিতে জনার যে সঙ্কল্প ব্যক্ত হয়েছে তা যুদ্ধকে অনিবার্য করে তুলেছে এবং নীলধ্বজের ক্রন্দনপদাশ্রয় গ্রহণের সংকল্পের মধ্যে জনার অন্তর্দ্বন্দ্বের (স্বামীর সঙ্গে দ্বন্দ্ব অন্তর্দ্বন্দ্ব বই কি!) বীজটি স্থাপিত

করা হয়েছে। শেবাংশে নীলধ্বজ এবং বিদ্যুৎকের আলাপে—একজনের স্তুতিতে অপরের ব্যাজস্তুতিতে কৃষ্ণভক্তি উচ্ছ্বসিত হয়ে উঠেছে এবং দৈব-মহিমার আবহাওয়া জমাট হয়েছে। পঞ্চম গর্ভাঙ্কে এই আবহাওয়া আরো জমাট বেঁধেছে। প্রমথগণের গীতে, হরি-হরের আলিঙ্গনে, যোগিনীদের হরি হরি বোলে এবং প্রমথগণের হর হর বোলে, হরিহর সমন্বয় বোধের এক অপূর্ব উন্মাদনা সৃষ্টি হয়েছে। আগের এক দৃশ্যে, জানা গিয়েছে—প্রবীর শিব-অংশে জন্মেছে, এই দৃশ্যে জানা যাচ্ছে—প্রবীর শিবের কিঙ্কর, জাহ্নবীর অহুরোধে শিবকিঙ্করকে জনা পুত্ররূপে লাভ করেছে এবং যেহেতু তার কালপূর্ণ হয়েছে মহাদেব তাকে কৈলাসে ফিরিয়ে আনবেন। তবে প্রবীর মাতৃভক্ত। মাতৃপদধূলি নিয়ে সমরে প্রবেশ করলে শিবশূলও তাকে স্পর্শ করতে পারবেন না। ‘মাতৃনাম যেদিন না লবে প্রভাতে সেই দিন নাশ তার।’ পার্কীতীর প্রধানা নায়িকাকে প্রবীরের শক্তি হরণ করার জন্তু মহাদেব পাঠাবেন এবং কামদেব সব উপায় করে দেবেন। এই দৃশ্যে আমরা জানতে পাবলাম এবং বুঝতে পারলাম—প্রবীরের মৃত্যু আসন্ন, কামদেব পার্কীতীর নায়িকা প্রবীরের শক্তিহরণের ব্যবস্থা করবেন এবং প্রবীর মৃত্যুর পরে শিবলোকে ফিরে যাবে। নাট্যকার ভাবী ঘটনার একটি আমাদের সামনে মোটামুটি তুলে ধরেছেন। কি ঘটনা ঘটে সে কোতুহল দর্শকের মনে নেই, একমাত্র কোতুহল কিভাবে ঘটনাগুলি ঘটে এবং দৈবইচ্ছার পরিকল্পনার ক্রীড়নক হয়ে চরিত্রগুলি কিভাবে ক্রিয়া-প্রতিক্রিয়ার আবর্তের মধ্য দিয়ে শেষ পরিণতিতে যেয়ে পৌঁছায়। সংক্ষেপে বললে, এই নাটকের কোতুহল কি ঘটে তার মধ্যে নয় কিভাবে ঘটে তারই কোতুহলের মধ্যে নিহিত।

দ্বিতীয় অঙ্কের প্রথম গর্ভাঙ্কে—জনা পুত্রের মঙ্গল কামনায় গঙ্গাপূজা করছেন। মন থেকে থেকে কেঁদে উঠছে, ক্ষত্রিয়জননী সেই কান্নার টুটি চেপে রাখতে চেষ্টা করছেন। তার রণগণ থেকে তিনি বিরত হবেন না, এমন কি জাহ্নবীর কথাতেও না। স্বাহা ও মদনমঞ্জরী মাকে নিবৃত্ত করতে

এসে তীব্রভাবে ভৎসিত হয় এবং অগত্যা তারা পাণ্ডবশিবিরে যেয়ে কৃষ্ণগুণগানে অজ্ঞানকে তুষ্ট করে রাজ্যের মঙ্গল ভিক্ষা করে নেওয়ার সংকল্প করে। প্রথম অঙ্কের পঞ্চম গর্ভাঙ্কে কাহিনীর মধ্যে জটিলতা বা বিস্তার আনবার জন্য নাট্যকার যেমন প্রবীরের শক্তিরূপের পরিস্থিতি-পরিকল্পনার সুযোগ সৃষ্টি করে নিয়েছেন, তেমনি এখানেও মদনমঞ্জরীর এবং স্বাহার পাণ্ডব-শিবিরে যাওয়ার ইচ্ছা ব্যক্ত করে, নতুন পরিস্থিতি কল্পনার সুযোগ তৈরি করে নিয়েছেন। মনে হয় এই দৃশ্যে জনার মধ্যে, শেক্সপীয়রের ‘কোরিয়োলেনাস’ নাটকের কোরিয়োলেনাসের মাতা ভোলামনিয়ার আত্মাকে এবং মদনমঞ্জরীর মধ্যে কোরিয়োলেনাসের পত্নী ভার্জিলিয়ার আত্মাকে সঞ্চারিত করার চেষ্টা করা হয়েছে (কোরিয়োলেনাস নাটকের প্রথম অঙ্কের তৃতীয় দৃশ্যটি-দ্রষ্টব্য)।

দ্বিতীয় গর্ভাঙ্কে—গঙ্গারক্ষকদ্বয়ের মুখে গঙ্গামাহাত্ম্য প্রচার—গঙ্গার রক্ষক দিয়ে ঘোড়া চুরি করার ষড়যন্ত্র—বিদূষকের ও রাজপুত্রীর মঙ্গল কামনায় ঘোড়া চুরি করে পাণ্ডবদের কাছে পাঠাবার চেষ্টা—সেয়ানে সেয়ানে কোলাকুলির ভিতর দিয়ে হাশুরস সৃষ্টির সুযোগ করে নেওয়া।

তৃতীয় গর্ভাঙ্কে, হর্গাভ্যস্তরে—মন্ত্রী, সেনাপতি, সেনা ও সেনাগণের যুদ্ধসংকল্পের বিরুদ্ধে সমালোচনা—জনা প্রবেশ করে গঙ্গলকে ধিকার দেন, সকলে জনার উদ্দীপনাময় যুদ্ধ প্ররোচনায় অগ্রবর্তী হয়ে জ্ঞানায় ও যুদ্ধযাত্রা করে মাতা-জনা পাষণে প্রাণ বৈধে পুত্রকে যুদ্ধমাছে সাজাতে যান, কিন্তু তিনি রাজার মতিগতি বুঝতে না পেরে ক্ষুব্ধ হন।

চতুর্থ গর্ভাঙ্কে, শ্রীকৃষ্ণ স্বগত ভাষণে ভারতে ধর্মরাজা স্থাপনের সংকল্পটি ব্যক্ত করেন এবং এ কথাও বলেন যেহেতু প্রবীরের পতন না হলে ধর্মরাজ্য স্থাপিত হবে না,—সেইহেতু তিনি পরের বা নিজের ব্যথা-বেদনা-মনস্তাপে বিচলিত না হয়েই প্রবীরকে বধ করবেন। এই জন্যই তিনি বৈষ্ণবী মায়ায় মুগ্ধ করে রেখে গঙ্গারক্ষকদের বা বিদূষককে ঘোড়া চুরি করতে দেবেন না,

মদনমঞ্জরীকে ও স্বাহাকে অজ্ঞানের সঙ্গে দেখা করতে দেবেন না। লক্ষণীয়—প্রবীরের পতন ঘটানোর ঐক্যের মুখ্য অভিপ্রায়।

এই সংকল্প ব্যক্ত হ'তে না হ'তে ভিখারিণীবেশে মদনমঞ্জরী, স্বাহা ও বসন্ত প্রবেশ করে। সকলে কৃষ্ণলীলাগান করে। কুলকামিনীদের ভিখারিণী সাজে রাজ্রিতে ঘরেব বাইরে ভ্রমণ করার জন্ত কৃষ্ণ ভৎসনা করেন এবং তাদের সত্যপরিচয় এবং উদ্দেশ্য উদ্ঘাটিত করেন। তারপর অজ্ঞানের নিষ্ঠুর স্বভাবের নিদর্শনগুলি একে একে তাদের সামনে উপস্থিত করেন এবং বলেন অজ্ঞানের সঙ্গে দেখা করলে উদ্দেশ্যাসিদ্ধ হবে না অথচ অপকীর্তি হবে। জাহ্নবীর দেওয়া উপহার বর্ম, ধনু, যুগ্ম তুণ, যুগল কুণ্ডল, উজ্জল কিরীট এবং ক্ষুরধার অসি নিয়ে ঘরে ফিরে যেতে বলেন। স্বাহার অনিচ্ছা সত্ত্বেও, মদনমঞ্জরী ঘরে ফিরে যায়। বিদূষক এসে জানায় রাতকানা হয়ে তিনি সারারাত ঘুরে মরেছেন, ঘোরাচুরি করা সম্ভব হয়নি।

পঞ্চম গর্ভাঙ্ক—প্রবীরের শয়নকক্ষে প্রবীর নিদ্রিত। জনা এসে প্রবীরকে আগিয়ে তোলেন এবং যুদ্ধবাজী করতে বলেন। প্রবীর একাই মাতানামের বর্ষে আবৃত হয়ে যুদ্ধে যেতে চায়। এই সময়ে মদনমঞ্জরী প্রবেশ করে (রাজে স্বাহার সঙ্গে সে পাণ্ডবশিবিরে গিয়েছিল এবং গিয়েছিল সকলের অজ্ঞাতসারেই এবং প্রবীরের ঘুমিয়ে পড়ার পরেই, মদনমঞ্জরী গন্ধাপ্রদত্ত অস্ত্রোপহারের কথা সকলকে বলেন, সকলেই উজ্জসিত হন। মদনমঞ্জরী প্রবীরকে রণসাজে সাজাবার বাসনা প্রকাশ করেন। মাতুলিক অমুষ্ঠান ও গান করেন সখীরা। দূত এসে সংবাদ দেয়—উপস্থিত শত্রু সৈন্য তোরণ-সমীপে।” সঙ্গে সঙ্গে প্রবীর যুদ্ধবাজী করে।

ষষ্ঠ গর্ভাঙ্ক—প্রথমাংশে বিদূষকের রাজপ্রীতি এবং কৃষ্ণভক্তি দেখানো হয়েছে—বিদূষক নিজের জীবন দিয়েও রাজার জীবন রক্ষা করতে চায়। শেষাংশে গন্ধারক্ষক এবং বিদূষকের কথোপকথনে জানা যায়—প্রবীর যুদ্ধে গেছে এবং কেউই ষোড়া খুঁজে পায়নি। অর্থাৎ যুদ্ধ অনিবার্য এবং পরাজয়ও অনিবার্য।

সপ্তম গর্ভাঙ্ক—দৃশ্য রণহল। শ্রীকৃষ্ণ, ভীম, বুধকেতু ও অম্বশাৰ। প্রবীরের হাতে পরাজয়ে ভীমের আক্ষেপোক্তি। কৃষ্ণ বুঝিয়ে বলেন—মহাদেব বল হরণ না করা পর্যন্ত প্রবীরকে কেউ বধ করতে পারবে না। রাজি আগত, রাজে কোন যুদ্ধ হবে না। কাল অজ্ঞানের বানে প্রবীর নিহত হবে।

অষ্টম গর্ভাঙ্কে—‘রণক্ষেত্রের অপরাধ’ দৃশ্য। প্রবীরের মুখেও একই সংবাদ—আজিকার মত রণ হল অবশান। কিন্তু প্রবীরের কানে স্তম্ভুর যন্ত্রধ্বনি বাজে; চোখে ভুবনগোহিনী নারীমূর্তি বিদ্যুতের ঝলক সম’ প্রতিভাত হয়। বালকবালিকা বেশে কাম ও রতি প্রবীরকে মুগ্ধ করতে আসেন। কাম প্রবীরকে রণক্ষেত্র থেকে মায়াকাননে নিয়ে যান। [সিনেমায় থাকে “টক” বলে এ সেই জাতীয় পরিস্থিতি। পুরাণে এবং মহাকাব্যে এই ধরনের পরিস্থিতি-কল্পনার অভাব নেই।]

তৃতীয় অঙ্কের প্রথম গর্ভাঙ্ক—অতি প্রত্যাশিত মায়াকানন-দৃশ্য। এই দৃশ্যটি মোহের ছলনার দৃশ্য হিসাবে আপাততঃ প্রচলিত বটে, কিন্তু এই দৃশ্যে নাট্যকার গিরিশচন্দ্রের গাতকার প্রতিভার যে পরিচয় ফুটে উঠেছে তা সত্যই প্রশংসনীয়। মোহের ক্রম বৃদ্ধিতে এই গানগুলি অতি সুন্দরভাবে প্রভাব বিস্তার করেছে এবং শেষপর্যন্ত প্রবীরকে ধনুত্যাগে বাধ্য করেছে। এই দৃশ্যটির মধ্যে আর একটি দৃশ্য অন্তর্ভুক্ত করে—মায়াকাননকে শেষঃস্থর্তে আশানে পরিবর্তিত করে নাট্যকার এইসব জীবন ও মৃত্যুর সৃষ্টির ও সংহারের মোহের এবং মোহভঙ্গের ব্যঞ্জনা সৃষ্টি করেছেন।

দ্বিতীয় গর্ভাঙ্কে—রাজি দ্বিপ্রহরে নীলধ্বজ ও জনা পুত্রের অন্তর্ধানে চুশিস্তায় আকুল। মদনমঞ্জরীর সঙ্গে জনাও রোদনের ধ্বনি স্তনতে পান। জামাতা অগ্নিদেব পার্বত্যীর পূজা করতে বললে জনা ‘মায়ের সতিনী’র পূজা করতে অস্বীকার করেন এবং গঙ্গাপূজা সাক্ষ করে “শাবকের অশেষণে সিংহিনী বাইবে”—বলে ঘোষণা করেন। জনা ও মদনমঞ্জরী চলে গেলে অগ্নি ও বিদূষকের মধ্যে আলাপ-আলোচনা হয়। অগ্নি স্বীকার করেন—তিনি ভৈরবী

মায়ায় আচ্ছন্ন ‘দেবদৃষ্টিহীন’ ফলে সর্বজ্ঞতা হারিয়ে বসেছেন—প্রবীর কোথায় তা বলতে পারছেন না। বিদূষক তার স্বভাবসিদ্ধ ব্যাঙ্গভঙ্গি-রীতিতে হরি-হরের একাত্মতার সত্য প্রচার করেন।

তৃতীয় গর্তাঙ্কে—পাণ্ডব-শিবিরের অভ্যন্তরে শ্রীকৃষ্ণ ভীম আলাপরত। ভীমের আশংকা দূর করতে শ্রীকৃষ্ণ জানিয়ে দেন—প্রবীর ললনামোহে মাতৃনাম ভুলেছে, স্তত্রাং সে আর অসামান্য নয়। শিবদূত এসে মায়াকাননের ঘটনা বর্ণনা করেন, শ্রীকৃষ্ণ মহেশ্বরকে প্রণাম জানান এবং ভীমকে বাহিনী সাজাতে আজ্ঞা করেন। এই দৃশ্যে হরমহিমাকে বড় করে তোলা হয়েছে।

চতুর্থ গর্তাঙ্কে দৃশ্য স্থানান্তর। প্রবীরের মোহ ভেঙ্গে যায় প্রবীরের সামনে শ্রীকৃষ্ণ অজ্ঞান এবং বুধকেতু দাঁড়িয়ে। যজ্ঞ-অশ্ব ফিরে এওয়ার জন্য শ্রীকৃষ্ণ অহরোধ করেন, কিন্তু প্রবীর যুদ্ধের জন্য বন্ধপরিকর হওয়ায় অজ্ঞান ও প্রবীর দূরবর্তী রথের দিকে প্রস্থান করেন। বুধচূড়ায় উঠে বুধকেতু যুদ্ধের বর্ণনা করেন এবং শ্রীকৃষ্ণের নানা জিজ্ঞাসা পূরণ করেন। যুদ্ধ করতে করতে প্রবীর ও অজ্ঞান প্রবেশ করেন এবং প্রবীর যুদ্ধ বরতে কবতে ধরাশায়ী হয় এবং শব্দরকে শ্রবণ করে।

উন্মাদিনী জনাকে আসতে দেখে শ্রীকৃষ্ণ অজ্ঞানকে ও বুধকেতুকে নিয়ে ‘পলায়ন’ করেন, কারণ সামনে পড়লে জনার কোপানলে অজ্ঞান ভস্ম হয়ে যাবেন। জনার শোক প্রতিহিংসায় রূপান্তরিত হয়। মদনমঞ্জরী প্রথমে মুচ্ছিত হয়, পরে মুচ্ছাভঙ্গের পরে বিলাপ করতে থাকে এবং শেষপর্যন্ত তার “প্রবীরের পদতলে পতন ও মৃত্যু” হয়। পাগলিনী জনা প্রস্থান করলে—বেতাল, ভৈরব, ঘোগিনী, ডাকিনী, হাকিনী প্রভৃতি প্রবেশ করে এবং শিব-শঙ্করীর সংহার-মূর্তির জয়গান করে। ভৈরব ঘোষণা করে—

গঙ্গাজলে দুই দেহ করিয়ে অর্পণ

কার্য সাক্ষ্য চল যাই কৈলাস-সদন।

কিন্তু প্রশ্ন এখানেই—কি কার্য সাক্ষ্য? আসল কাজ তো জনাকে মাতৃকোলে

ফিরিয়ে নিয়ে যাওয়া। প্রবীর-পতনেই জনা-নাটকের কার্য সাক্ষ্য হয় নি। ভাবী অঙ্কের সূচনা অকালে যতখানি রাখা উচিত ছিল ততখানি রাখা হয় নি। জনার দেহ গঙ্গার কোলে পৌঁছে দেওয়ার পরে কার্য শেষ হবে এমন কিছু বলানো উচিত ছিল।

চতুর্থ অঙ্কের প্রথম গর্তাঙ্কে—বৃষকেতু কৃষ্ণের বিষাদ ও ভয়ের কারণ জানতে চেয়ে কৃষ্ণকে প্রশ্ন করেছে। সেই প্রশ্নের উত্তরে শ্রীকৃষ্ণ জানিয়েছেন—“নহে জনা সামান্য রমণী, জাহ্নবীর সহচরী মহাতেজস্বিনী ভোগলালসায় এসেছে ধবায় কালপূর্ণ, মিশাবে জাহ্নবীজলে।” প্রবীর নিধনে গঙ্গা ব্যথিত ও কুণ্ডিত হয়েছেন—“জাহ্নবীর ক্রোধে নাহি পরিজ্ঞান কার।” অজ্জুনকে রক্ষা করার একমাত্র উপায় ক্রোধানলকে তিন অংশে ভাগ করে গ্রহণ করা। এক অংশ শ্রীকৃষ্ণ, অন্য অংশ অজ্জুন গ্রহণ করতে সক্ষম, আর এক অংশ কে গ্রহণ করবে? বৃষকেতু আত্মত্যাগ করে অজ্জুনকে রক্ষা করতে চায়। শ্রীকৃষ্ণ বৃষকেতুর আত্মত্যাগের মহিমা দেখে মুগ্ধ হন। এই দৃশ্যটিতে বৃষকেতুর আত্মত্যাগের মহিমা প্রদর্শিত হয়েছে এবং দূতমুখে প্রতিহিংসারূপিণী উন্মাদিনী জনার অহুতাবের এবং তার খাসানলে কিভাবে অশ্বখবৃক্ষ শুকিয়ে গেছে তার বর্ণনা দেওয়া হয়েছে।

দ্বিতীয় গর্তাঙ্কে—প্রথম গর্তাঙ্কের শেষে যে মহাভক্ত দ্বিজোত্তমের স্পর্শে শুষ্ক অশ্বখবৃক্ষ পল্লবিত হবে বলে কৃষ্ণ ঘোষণা করেছেন সেই মহা হরিভক্ত বিদুষকের এবং তার ব্রাহ্মণীর কথোপকথনের এবং আচরণের মাধ্যমে রাজাহুরাগ এবং কৃষ্ণ বিশ্বাসের ঐকান্তিক রূপ দেখানো হয়েছে।

তৃতীয় গর্তাঙ্কে—রাজবাটীর কক্ষে মন্ত্রী, অগ্নি পারিষদগণ পুত্র-শোককাতর নীলধ্বজকে সান্ত্বনা দিয়েছেন। অগ্নির উক্তি থেকে জানা যায়—শ্রীকৃষ্ণ সন্ধির জন্য দূত পাঠিয়েছেন। কিছুক্ষণ পরেই জনৈক দূত এসে সংবাদ দিয়েছে—স্বয়ং অজ্জুন রাজপুরে উপস্থিত এবং রাজদর্শন ইচ্ছা করছেন। নীলধ্বজ অজ্জুনকে সমাদরে নিয়ে আসতে বলেন। অজ্জুন প্রবেশ করলে নীলধ্বজ

বিলাপ করতে থাকেন। অজ্ঞান ব্যথিতচিত্তে সাস্থনা দেওয়ার চেষ্টা করেন এবং জানান—“ব্যাকুল মাধব তব আতিথ্যগ্রহণে”; পরম অতিথির সেবা করলে—“শোক তাপ যাবে, যাবে এ ভববন্ধন।” রাজা নীলধ্বজ মন্ত্রীকে নগর সজ্জিত করার আদেশ দেন। বিদূষক রাজার আদেশে স্বভাবসিদ্ধ ব্যাঙ্গস্বভিত্তিতে প্রতিক্রিয়া দেখায়। বিদূষকের বিশ্বাস দেখে অগ্নি তাব পায়ের ধুলো নিতে চান। জনা ভীত ব্যঙ্গোক্তি ক’রে নীলধ্বজকে ভৎসনা করেন এবং নীলধ্বজের কাজের প্রতি অক্ষত্রিয়োচিত অহুরাগের জন্তু ধিক্কার দিয়ে বলেন—“হরিভক্তি নহে বাজা হীনতা স্বীকার।” নীলধ্বজ জনাকে বুঝাতে শত চেষ্টা করেন এবং ব্যর্থ হন। জনা প্রতিহিংসা পূরণ করার অটুট সংকল্প ঘোষণা করে নিষ্ক্রান্ত হন।

চতুর্থ গর্তাঙ্কে—বালকগণের কৃষ্ণলীলাগানে কৃষ্ণভক্তি প্রদর্শনের আরম্ভ, কৃষ্ণকে আলিঙ্গন করে নীলধ্বজের কৃতার্থতালাভ এবং প্রসন্নচিত্তে পাণ্ডবগণকে গ্রহণ। অবশ্য নাটকের সূচনায় কৃষ্ণের যে বাঁশরী-বয়ান ত্রিভঙ্গিমঠায় নররূপী নারায়ণকে তিনি দেখতে চেয়েছিলেন, সেই রূপ ধারণ করার জন্তু কৃষ্ণকে বেশী পীড়াপীড়ি করেন নি বা পত্নী জনার ক্লেশ দূর কবার জন্তুও শ্রীকৃষ্ণের কাছে কোন প্রার্থনা জানান নি।

পঞ্চম গর্তাঙ্কে—প্রান্তরে দাঁড়িয়ে জনা শোকাগ্নি উদ্গীরণ করেছেন এবং স্বাহা সাধনা দিতে এলে—রাক্ষসী বলে তাকে দূরে চলে যেতে বলেছেন এবং দূরে—দূরে—আরো দূরে নিজেকে সরিয়ে নিয়ে গেছেন।

পঞ্চম অঙ্কের প্রথম গর্তাঙ্কে—মুখ্যতঃ মহাভক্ত ষিঞ্জোত্তম বিদূষককে শ্রীকৃষ্ণ বৃদ্ধরাক্ষণ বেশ ধারণ করে এসে কৃপা করেছেন। কুঞ্জকাননে রাধাকৃষ্ণ মূর্তি দেখে বিদূষকপত্নী জীবন সার্থক করেছে।

দ্বিতীয় গর্তাঙ্কে দৃশ্য রাজবাটীর কক্ষ। নীলধ্বজের কাছ থেকে অগ্নিদেব স্বধামে বাওয়ার জন্তু বিদায় নিচ্ছেন। নীলধ্বজের একটি প্রশ্ন ছাড়া আর কোন বাসনা নেই; কারণ ‘পরমপুরুষে হেরি পুরেছে বাসনা’। প্রশ্ন এই—

গোবিন্দের পদার্পণে রাজ্য নিরানন্দ হল কেন? প্রশ্নের উত্তরে অগ্নি জানালেন—‘যার যেই পথে র’তি। সেই সে পথে শ্রীপতি তারে দেন পদাঙ্ক’। (গীতার উক্তিরই বঙ্গাহুবাদ—যে যথা মাং প্রপদন্তে তাস্তুথৈব ভজাম্যহম্)। জনা গঙ্গার কোল চেয়েছেন, কৃষ্ণ তাঁকে তাই দেবেন। স্বাহাকে নিয়ে অগ্নিদেব নীলধ্বজের কাছ থেকে বিদায় নিয়ে প্রস্থান করেন।

তৃতীয় গভীর্ন—গঙ্গারক্ষকরা পাগলিনী জনাকে সামলাতে সামলাতে গঙ্গার দিকে নিয়ে যাচ্ছে। জনার ভাতা উলুক জনাকে প্রবোধ দিতে এসেছে কিন্তু প্রবোধ দিতে পারে নি। জনা তাঁর প্রতিহিংসায় ক্ষিপ্ত হয়ে গঙ্গার দিকে ছুটে চলেছেন এবং গঙ্গাজলে ঝাঁপ দিয়ে জালা জু’ড়িয়েছেন। গঙ্গা উত্তীর্ণ হয়ে অজ্ঞানকে অভিশাপ দিয়েছেন। শ্রীকৃষ্ণ রাজা নীলধ্বজকে দেবদৃষ্টি দান করতেই নীলধ্বজ ক্রোড়-অঙ্গে বর্ণিত দৃশ্য দেখে অজ্ঞান মূর্ত হয়েছেন।

বৃত্ত পর্যালোচনার উপসংহারে আমরা একথা বলতে পারি যে যদিও রোমান্টিক-গঠনে “বৈচিত্র্যের মধ্যে ঐক্য” সৃষ্টির চেষ্টা করা হয়ে থাকে, বৈচিত্র্যের অবতারণা করার জন্য প্রধান প্রধান পার্শ্বচরিত্রের ক্রমবিকাশের দিকে লক্ষ্য রাখবার এবং বিশেষ পরিণামে চরিত্রটিকে পৌছে দেওয়ার দায়িত্ব গ্রহণ করা হয়, তার ফলে রোমান্টিক গঠনে ক্লাসিকাল গ্রীক নাটকের সংহতি থাকে না, তবু দৃশ্যান্তে পরবর্তী দৃশ্যের প্রত্যাশা জাগিয়ে অন্ধান্তে পরবর্তী অঙ্কের কার্য সূচিত করে বৃত্ত গঠনের মধ্যে ক্রমান্বয়ের বা কাব্যিকারণ সম্পর্কটিকে জোরালো করে তোলা যায়। জনা নাটকের বৃত্তে দৃশ্যের সঙ্গে দৃশ্যের, অঙ্কের সঙ্গে অঙ্কের যোগসূত্র সর্বক্ষেত্রে পাওয়া যায় না এবং যায় না বলেই একাধিক খানিকটা হীন হয়ে আছে। দ্বিতীয়তঃ এতগুলি ছোট ছোট দৃশ্যে ঘটনাগুলিকে ছড়িয়ে না দিয়ে আরো কমসংখ্যক দৃশ্যের মধ্যে কার্যকে অন্তর্ভুক্ত করা সম্ভব হত; তৃতীয়তঃ এই নাটকের বৃত্ত-পরিচালনায় নাট্যকার আকর্ষণ কেন্দ্রকে ঘটনা কৌতূহলের মধ্যে নিহিত করেন নি, কিভাবে

ঘটনা ঘটে তা দেখার কৌতূহলেরই মধ্যে নিহিত রাখতে চেষ্টা করেছেন। চতুর্থতঃ কেন্দ্রীয়চরিত্রের উপর আলোকপাত করার দিকে সর্বদা দৃষ্টি রাখতে পারেন নি। পঞ্চমতঃ নাটকের নাম জনা হলেও নাটকের প্রতিপাত্ত (প্রতিপাত্ত বিচার দৃষ্টব্য) জনাতেই সীমাবদ্ধ থাকে নি, ‘যে যথা মাং প্রপত্তস্তে তাস্তুথৈব ভজ্যামাহম্’—এই সিদ্ধান্তের ব্যাপকতর পরিধিতে সম্প্রসারিত হয়েছে। ষষ্ঠতঃ জনা-নাটকে যে দ্বন্দ্ব উপস্থাপিত হয়েছে তা’ ভালোর সঙ্গে মন্দের দ্বন্দ্ব নয় তা’ দুই ভালোরই মধ্যে দ্বন্দ্ব। অজ্জুনের সঙ্গে প্রবীরের দ্বন্দ্ব, ক্ষত্রিয় ধর্মান্দর্শনিষ্ঠ জনার নরনারায়ণের বিরুদ্ধে সংগ্রাম বা তাঁর স্বামীর সঙ্গে দ্বন্দ্ব, দুই মূল্যবোধের মধ্যে দ্বন্দ্ব। এই মূল্যের একটি সামাজিক স্তরের মূল্য অগ্ৰটি আধ্যাত্মিক স্তরের মূল্য। অবশ্য দুটিই কাম্য এবং বহুমূল্যবান। জনার ক্ষত্রিয়ধর্মান্দর্শনিষ্ঠা যেমন প্রশংসনীয়, তেমনি প্রশংসনীয় নীলধ্বজের কৃষ্ণভক্তিনিষ্ঠা এবং কৃষ্ণের প্রসন্ন দৃষ্টির কৃপা। স্বন্দের প্রথম পর্বে, প্রবীরের রণসাধের এবং জনার রণপণের সঙ্গে নীলধ্বজের ও তাঁর অহুগামীদের অক্ষত্রিয়োচিত আত্মসমর্পণ প্রবৃত্তির সংঘর্ষ এবং শেষ পর্যন্ত সমস্ত বাধা অতিক্রম করে পুত্রকে যুদ্ধে প্রেরণ করা। দ্বিতীয় পর্বের দ্বন্দ্ব অধিকতর জটিল—একদিকে পুত্রহত্যার প্রতিশোধ নেওয়ার সংকল্প এবং সংকল্পকে কার্যে পরিণত করতে না পারার মর্মজালা অগ্ৰদিকে স্বামীকর্তৃক প্রতিহিংসাগ্রহণে প্রতিকূলতা করায় দ্বিগুণ মর্মান্তিক আঘাত। এই দুই মর্মজালার সম্ভাব্য শেষপর্যন্ত গঙ্গাজলে প্রশমিত হয়েছে।

চরিত্র-বিশ্লেষণ ও বিচার

লৌকিক কোন ব্যক্তিচরিত্র বিশ্লেষণ বা বিচার করতে আমরা সাধারণতঃ নিম্নলিখিত মানদণ্ড ব্যবহার করে থাকি। আমরা প্রশ্ন করি—চরিত্রটি ভালো অথবা মন্দ? অর্থাৎ চরিত্র সং কি অসং? এই প্রশ্নের উত্তর দেওয়ার সময়ে

আমরা আমাদের স্থনীতি-দুর্নীতিবোধজনিত সংস্কারকে কাজে লাগিয়ে থাকি। সংগুণের আধিক্য থাকলে বলি সচ্চরিত্র, অসংগুণের বা দোষের আধিক্য থাকলে বলি অসচ্চরিত্র। তেমনি আমরা প্রশ্ন করি—চরিত্রটির আচার-আচরণে সঙ্গতি আছে কিনা? অর্থাৎ চরিত্রের মূলে ভারসাম্য বা সংঘম আছে কি না যা চরিত্রের-আচার আচরণকে সামঞ্জস্যের বৃত্তের মধ্যে সুসঙ্গত করে রাখতে পারে। এই প্রশ্নের উত্তর দেওয়ার সময়ে আমরা চরিত্রের আগের আচরণের সঙ্গে পরের আচরণের তুলনা করি এবং আগের মনোভাবের সঙ্গে পরের মনোভাবের সঙ্গতি আছে কি নেই তা বিচার করে থাকি। (এই সঙ্গতিরই সঙ্গে নিকট সম্বন্ধযুক্ত চারিত্রিক গুণ—ঐচ্ছ্য। সাহিত্যিক চরিত্রের বিচারে এই গুণটির বিচার করা হয়ে থাকে)। তারপর প্রশ্ন করি—চরিত্রটি সুস্থমনা অথবা অসুস্থমনা? অর্থাৎ ব্যক্তির মন স্বাভাবিক অবস্থায় আছে অথবা বিকৃতিগ্রস্ত হয়েছে?

প্রশ্ন করি—ব্যক্তি চরিত্রে স্থায়ীভাব কোনটি? ব্যক্তির মধ্যে কোন ভাব বন্ধটি প্রবল? কিসের প্রবণতা বেশী? এরই সঙ্গে প্রশ্ন হয়—চরিত্রটি একহারা সরল অথবা জটিল? সরল বলি যখন দেখি ব্যক্তির আচরণে একটিমাত্র ভাব একাধিপত্য হয়ে কাজ করছে, আর জটিল চরিত্র বলি তাকে যার মধ্যে একাধিক ভাব প্রাধান্য পাওয়ার জন্য সংগ্রাম করে এবং বহু ভাবের দ্বন্দ্ব ব্যক্তির আচরণ জটিল হয়ে উঠে। এ প্রশ্নও করা হয়—ব্যক্তিটি অন্তর্মুখী বা বহির্মুখী? অর্থাৎ চরিত্রটি পরিবেশ থেকে নিজেকে গুটিয়ে নিয়ে, নিজের ঘরের কোণে বা নির্জন দেশে থেকে, নিজের মনের সাথে খেলা করে জীবন কাটাতে চায় অথবা পরিবেশের সঙ্গে মেলামেশা করে, পরিবেশের কর্মকাণ্ডের সঙ্গে নিজের কর্মশক্তিকে যুক্ত করে, জীবনসমুদ্রের ঢেউয়ের দোলায় দোল খেয়ে জীবন সম্বোধন করতে চায়? এ প্রশ্নও আমরা করি—চরিত্রটি হিতশীল না গতিশীল? চরিত্রটির গ্রহণ-বর্জন ক্ষমতা অক্ষণ আছে অথবা চরিত্রটির বিকাশ বন্ধ হয়ে গেছে, চরিত্রটি একটা বিশেষ পর্দায় পৌছে গ্রহণ বর্জন

ক্ষমতা হারিয়ে ফেলেছে ? অনেক সময় আমরা ব্যক্তির বৃত্তির অর্থাৎ জ্ঞান-অনুভব-ইচ্ছা বৃত্তির সবলতা-দুর্বলতা, বিচার করেও চরিত্রবৈশিষ্ট্য নির্দেশ করে থাকি ।

লৌকিক চরিত্রের বিচার এবং সাহিত্যিক বা শৈল্পিক চরিত্রের বিচারের মধ্যে অনেক বিষয়ে ঐক্য থাকলেও, উভয়ের মধ্যে মৌলিক পার্থক্য আছে এবং সেই পার্থক্য এই যে, সাহিত্যিক চরিত্র যেহেতু শিল্পীর সৃষ্টি, এবং সৃষ্টি যেহেতু প্রকাশন, সাহিত্যে স্তম্ভর চরিত্র সেই চরিত্রই যা প্রকাশিত—সুস্থভাবে ব্যক্ত । লৌকিক চরিত্র বিচারের সব সূত্রই সাহিত্যিক বিচারে প্রযোজ্য হতে পারে, এমন কয়েকটি সূত্র আছে যা শুধু সাহিত্যিক চরিত্রের ক্ষেত্রেই প্রযোজ্য । লৌকিক বিচারে স্তম্ভর চরিত্র বলতে আমরা নির্দোষ চরিত্রকেই বুঝে থাকি, কিন্তু সাহিত্যে স্তম্ভর চরিত্র সদোষ-নির্দোষ সব চরিত্রই হ'তে পারে যদি সে চরিত্র সুপ্রকাশিত হয় । লৌকিক দৃষ্টিতে রাম স্তম্ভর, রাবণ অস্তম্ভর, সমালোচকের দৃষ্টিতে রাম, রাবণ উভয়েই স্তম্ভর, কারণ উভয়েই সুস্থভাবে অভিব্যক্ত । অভিব্যক্তিগুণের মতো আরো কয়েকটি গুণ আছে যা সাহিত্যিক চরিত্রেই পাওয়া সম্ভব । সেই গুণ—বাস্তবতা-অবাস্তবতা ঔচিত্য-অনৌচিত্য এবং গভীরতা-অগভীরতা বা পূর্ণতা-অপূর্ণতা । চরিত্র সুস্থভাবে এবং পূর্ণ-মাত্রায় অভিব্যক্ত হয় তখনই যখন তা' বাস্তবতা ঔচিত্য অক্ষুণ্ণ রেখে তার সত্তার সমস্ত সম্ভাবনা নিয়ে পরিব্যক্ত হয় । 'সত্তার সমস্ত সম্ভাবনা' কথাটি সামান্য ব্যাখ্যা সাপেক্ষ । এক একটি ব্যক্তির মধ্যে যেমন সংজ্ঞান জ্ঞান-অনুভব-ইচ্ছাবৃত্তির ক্রিয়া-প্রতিক্রিয়া আছে, তেমনি আসংজ্ঞান এবং নিজ্ঞান জ্ঞান-অনুভব-ইচ্ছার ক্রিয়া-প্রতিক্রিয়াও বর্তমান । আবার প্রত্যেকটি ব্যক্তি এক হিসাবে যেমন একক, তেমনি পরিবেশের সঙ্গে নানা সম্পর্কের সূত্রে আবদ্ধ অর্থাৎ ব্যক্তির পরিচয় শুধু তার জৈবিকতার বা মনোজৈবিকতার মধ্যেই সীমাবদ্ধ নয়, সামাজিকতার এবং আধ্যাত্মিকতার পরিধিতেও পরিব্যাপ্ত । চরিত্রের

সবগুলি আয়তন (ডাইমেনশানস্) বেখানে পরিস্ফুট সেখানেই চরিত্র সম্পূর্ণতা এবং চরিত্র গভীরতা লাভ করে।

উল্লিখিত কয়েকটি প্রধান সূত্র মনে রেখে জনা-নাটকের চরিত্র-সৃষ্টি সম্বন্ধে আলোচনা করা যাক। জনা নাটকের উল্লেখযোগ্য চরিত্র :—(১) জনা (২) নীলধ্বজ (৩) প্রবীর (৪) মদন মঙ্গরী (৫) বিদূষক (৬) অগ্নি এবং (৭) শ্রীকৃষ্ণ। আমি উল্লিখিত চরিত্রগুলির সব কয়টি চরিত্র বিশ্লেষণ বা বিচার করব না। যে চরিত্রগুলি ষষ্ঠ চরিত্র হয়ে উঠেছে, সেই তিনটি চরিত্র নিয়েই আলোচনা করব। এই তিনটি চরিত্র, জনা, নীলধ্বজ এবং বিদূষক।

জনা

প্রথম অঙ্কের প্রথম গর্তাঙ্কেই জনার নিজের মূখে আমরা জানতে পারি—
জনা শৈশবে মাতৃহীনা, তার মা ভাগীরথী এবং চতুর্থ অঙ্কের প্রথম গর্তাঙ্কে শ্রীকৃষ্ণের মূখে শোনা যায়—

জনা নহে সামান্তা রমণী
জাহ্নবীর সহচরী মহা তেজস্বিনী ;
ভোগ লালসায় এসেছে ধরায়,

জনার পিতৃমাতৃ পরিচয় বেশী কিছু জানানো হয়নি। যেটুকু প্রত্যক্ষ সে এই যে জনা রাজা নীলধ্বজের পত্নী এবং প্রবীরের ও স্বাহার মা। জনা কৃত্রিয়ের পত্নী, কৃত্রিয়-জননী, কৃত্রিয় ধর্মই জনার ধর্ম এবং জনা স্বধর্মনিষ্ঠ। কিন্তু জনা কৃত্রিয় রমণী বটে কিন্তু জনা জননী। প্রবীরের মতো বীর সন্তানের জননী। জননী-জনার কাছে প্রবীর জীবনাধিক ও নয়ন-আনন্দ। সন্তানের অমঙ্গল আশংকায় জনা ব্যাকুল এবং ব্যাকুল বলে, কৃত্রিয়াভিমানকে সংকুচিত করে “বলবানে পূজাদান আছে এ নিয়ম/বনস্থলে বীর করে বীরের আদর/

শুনিয়াছি নরনারায়ণ ধনঞ্জয়/লজ্জা নাহি হেন জনে সম্মান প্রদানে/এই সব যুক্তির অবতারণা করে প্রবীরকে যুদ্ধ থেকে নিবৃত্ত করতে চান, কিন্তু প্রবীর জনাকে ক্ষত্রিয়ের জননী-ধর্ম অরণ করিয়ে দেওয়ার পাবে, বিশেষতঃ রণসাধ না মিটিলে চিরতরে বিদায় নেওয়ার সংকল্প ব্যক্ত করার পরে ক্ষত্রিয়-জননী জনা ঘোষণা করেছে—রণসাধ যদি তোর রণপণ মম।” এবং জনার মধ্যে ক্ষত্রিয় সত্তাই বলবত্তর হয়ে উঠছে। বলা চলে পুত্রের মঙ্গলকামনাতেই মা মাতৃত্বের সহজ স্নেহ দুর্বলতাকে মন থেকে মুছে ফেলেছে। পুত্রের জ্যেষ্ঠকে নিজের জ্যেষ্ঠ বলে মনে করেছে। মাতৃত্বই যেন ক্ষত্রিয়াভিমানের রূপান্তরিত হয়েছে।

কিন্তু প্রবীরের রণসাধের এবং জনার রণপণের বড় প্রতিবন্ধক নীলধ্বজ। তিনি জানেন “কৃষ্ণার্জুন নরনারায়ণ। হরিতে ধরার ভার,। নরশ্রেষ্ঠ পূজ্য লোক মাঝে।” জেনে শুনে তিনি নারায়ণকে অরি করবেন না। যে নারায়ণকে অরি করে সেই দুঃস্থবুদ্ধি দুর্ধোধনের মতো সবংশে নিহত হন। জনা স্বামীর এই যুক্তি মানতে পারেন নি। হীনবুদ্ধি নারী বলে স্বামীর সামনে বিনয় প্রকাশ কবলেও জনা যুক্তি বা বুদ্ধিশক্তি দিয়ে প্রমাণ করতে চেষ্টা করেছেন—জীবনে মরণে শ্রেষ্ঠ রাজা দুর্ধোধন এবং নীলধ্বজের প্রত্যেকটি যুক্তি খণ্ডন করেছেন। বিরক্ত হয়ে নীলধ্বজ বলেছেন—তুমি পুত্রকে নিয়ে যুদ্ধে যেতে পারো, আমি নারায়ণকে অরি করব না। নীলধ্বজের অসম্মতি সত্ত্বেও, জনার শেষ কথা—‘রণে যেতে পুত্রে কতু আমি না বারিব।’

এক পরে যা স্বাভাবিক তাই হয়েছে। জনার মধ্যে এই দুই সত্তাব দৃষ্ট উপস্থিত হয়েছে এবং শেষ পর্যন্ত ক্ষত্রিয় জননী-সত্তা প্রধান হয়েছে। দ্বিতীয় অঙ্কের প্রথম গর্ভাঙ্কে জনার মধ্যে আমরা এই অন্তর্দ্বন্দ্বের সুন্দর অভিব্যক্ত দেখতে পাই। মায়ের প্রাণ থেকে থেকে কেঁদে উঠছে, ক্ষত্রিয় জননী জনা তার কণ্ঠ রুদ্ধ করে দিয়েছে এবং রণসংকল্পকে আঁকড়ে ধরেছে—অন্তর্দ্বন্দ্বের সুন্দর একটি নিদর্শন। এর পরেই ক্ষত্রিয়-জননী জনা কোমলপ্রাণা অমঙ্গলভীতা পুত্রবধু মদনমঞ্জরীকে অক্ষত্রিয়োচিত মনোভাবের জন্ত তীব্র ভৎসনা করেছেন

এবং ঐ ভৎসনার ভিতর দিয়ে তাঁর ক্ষত্রিয়াভিমান তীব্রভাবে বিচ্ছুরিত হয়েছে। এর পর—প্রবীরের পতন পর্যন্ত—জনা ক্ষত্রিয় তেজের এক প্রচণ্ড আগ্রহের উচ্ছ্বাস। নিষ্ক্রিয় ও নিস্তেজ সেনাপতি ও মন্ত্রীদেব উদ্দীপিত করার উদ্দেশ্যে জনা যে প্ররোচনা বাক্য উচ্চারণ করেছেন তার প্রতিটি অক্ষর থেকে ক্ষত্রিয়াভিমানের ফুল্কি ছুটে বেরিয়েছে। এই অভিমান নানা উদ্দীপকের সাহায্যে প্রকটিত করা হয়েছে।

তৃতীয় অঙ্কের দ্বিতীয় গর্ভাঙ্কে—প্রবীর যথাসময়ে যুদ্ধক্ষেত্র থেকে ফিরে না আসায় জনার মাতৃহৃদয়ে স্বাভাবিক ব্যাকুলতা দেখা যায়। মদনমঞ্জরীর কানে যে রোদন ধ্বনি ভেসে আসে, জনাও তা শুনতে পান। কিন্তু জনা নিশ্চেষ্ট হয়ে হাত-পা ছেড়ে দিয়ে বসে থাকেন না। রাক্ষসী মায়ায় প্রতিবিধান করতে পুত্রবধূকে দেবতা স্মরণ করতে বলেন এবং নিজে গঙ্গাপূজা করে পুত্রের সন্ধানে ষাণ্ডয়ার সংকল্প করেন। অগ্নি দুর্গার অর্চনা করতে বললে জনা দুর্গাকে মাঘের সতিনী ‘ডাকিনী’ বলে নিন্দা করেন—পতিতপাবনী গঙ্গাকে এবং ডাকিনীকে একাসন দিতে, অভেদ মনে করতে অস্বীকার করেন। তাঁর দৃষ্টিতে “নারায়ণ ত্রিচোচন ভবানী” সকলেই গঙ্গার কাছে তুচ্ছ। ভৈরবীমায়া ভেদ করতে তিনি বন্ধপরিকর হয়ে দৃষ্ট ঘোষণা করেন—

অগ্রে করি গঙ্গাপূজা,
পরে দেখিব কে ভৈরব মুরতি
শূল হস্তে রোধে মোর গতি ?
শাবকের অশেষণে সিংহিনী যাইবে।”

সিংহিনী শাবকের অশেষণে শেষ পর্যন্ত রণক্ষেত্রে আসেন, দেখেন—মৃত শাবক মৃত্যুর কোলে শায়িত। জনা আত্মনাদ করেন কিন্তু মদনমঞ্জরী স্বামীকে দেখেই মুচ্ছিত হয়, জনা ভেঙ্গে পড়েন না। মৃত-শাবক সিংহিনীর মতোই জনার শোক প্রতিহিংসানলে পরিণত হয়। এখানে বীরাজনার শোক ক্ষত্রিয়জননীর শোক। তার উপযুক্ত সঞ্চারিভাবের সংযোগে অভিব্যক্তি লাভ করেছে।

পুত্রশোকক্খিণ্ডা জনামূর্তি নাট্যকারের অল্পতম অবিস্মরণীয় সৃষ্টি। দেখা যায় বিভিন্ন ব্যাভিচারিভারের দ্বারা স্বায়িত্বাবে শোচনাকে নাট্যকার কত পরিপাটি ভাবে এবং কত গভীরভাবে ব্যক্ত করেছেন।

প্রবীরের মৃত্যুর পরেই জনার প্রবেশ। পুত্রের সন্ধান এতক্ষণে পেয়েছেন। ওই ওই ওই যে কুমার—তিনিটি ‘ওই’ মায়ের হারানো পুত্রকে ফিরে পাওয়ার ব্যাকুলতাকে অতি হৃন্দরভাবে ব্যক্ত করেছে কিন্তু জনা দেখলেন প্রবীর যুদ্ধে প্রাণ দিয়েছে, কোন মায়াবীর মায়ায় ভুলে যুক থেকে পালিয়ে যায়নি। যুদ্ধে ভূমিশায়ী হয়েছে বলেই তা মাতৃগতপ্রাণ প্রবীর মায়ের কাছে ফিরে যেতে পারেনি। জনার শোক বাৎসল্য-সঞ্চারিভাব আশ্রয়ে যে অভিব্যক্তি লাভ করেছে—বাপধন পড়েছ সংগ্রামে। তাই যাভূমি এস নাই মার কাছে?” এই উক্তির মধ্যে তা প্রকাশ পেয়েছে কিন্তু শোকাবেগ বীরমাতার সমস্ত সংস্বয়ের নিয়ন্ত্রণ বিদীর্ণ করে—‘হা পুত্র হা প্রবীর আমার!’ আর্তনাদে উৎক্লিষ্ট হয়েছে এবং সম্মুখে পুত্রবধূকে দেখে পুত্রবধুর অভাগ্যের গুণ্ত সমবেদনা এবং পুত্রহারানোর বেদনায় ভেঙ্গে পড়েছে। আরে অভাগিনী, দেপ কুমার কি দশায়।” এই উক্তির ‘অভাগিনী’ শব্দটির এবং ‘কুমার কি দশায়’ কথাটির দ্বারা জনার হাহাকার সহস্রগুণ সঞ্চারিত হয়েছে। জনার সম্মুখে একমাত্র পুত্রের মৃতদেহ এবং পুত্রবধু মুচ্ছিত। এতক্ষণ জনার শোক মমতার খাতে প্রবাহিত হচ্ছিল এখন জনা তার বুক থেকে মমতাকে নির্বাসিত করতে হৃদয়ে একমাত্র প্রতিহিংসানল জালিয়ে রাখতে বন্ধপরিকর। পুত্রঘাতী এখনও জীবিত, স্তবরাং মমতার বা ক্রন্দনের সময় এ নয়। নয়নকে শাসন করছেন জনা—বিন্দুবারি ঝরলে নয়ন উৎপাটন করে ফেলবেন। প্রতিহিংসা না নিলে প্রবীরের ‘প্রেরতাত্মা নিত্য আসিমা বলে ডাকিবে নিত্য আসি করিবে ভূতসনা’ জনা তার সমস্ত সত্তাটিকে প্রতিহিংসায় জ্বালাময় করে তোলার কামনায় ঐকান্তিক। তার কামনা শোণিতের সঙ্গে গরল প্রবাহ মিশুক—সমস্ত শোণিত পরলে পরিণত হোক, পুত্রহত্যাকে বিনাশ করতে তার

নিঃশ্বাস প্রশ্বাস অগ্নিময় হয়ে উঠুক, চক্ষু হ'তে প্রলয় অনল বিক্ষিপ্ত হোক, হিংসা-
তৃষ্ণায় হৃদয় শুক হয়ে যাক, স্বর্গ কক্ষচ্যুত হ'য়ে সবকিছু পুড়িয়ে ছারখার করে
দিক, প্রলয়-ধূমে সমস্ত বিশ্ব আবৃত হয়ে যাক। শত্রুর শোণিতে জালা জুড়িয়ে
নিয়ে তারপরে জনা পুত্রকোলে নিয়ে শোবেন। শত্রু শাসন করতে যাওয়ার আগে
জনার মাতৃহৃদয়ে আবার মমতা দেখা দেয়—‘হা পুত্র হা স্বর্ণ-গিরিচূড়া’ ব'লে
আক্ষেপ করবার সঙ্গে সঙ্গেই মনে পড়ে বৈরনির্ধাতন তো হয়নি; পুত্রের কাছ থেকে
বিদায় নিতে এবং সংকল্পকে কার্যে পরিণত করতেই যেন বলেন “বাই বাই বৈর-
নির্ধাতনে।” কিন্তু শেষ দেখা না দেখে মায়ের প্রাণ বিদায় নেবে কেমন
ক'রে? শেষবারের মতো দেখতে গিয়েই জনার বুকভাঙ্গা বেদনা ‘আহা
বাপধন’—সম্বোধনের নিরুদ্ধ ক্রন্দন হয়ে আত্মপ্রকাশ করে। তৎক্ষণাৎ জনা
আবার প্রতিহিংসার সংকল্পে কঠিন হয়ে উঠে—নিম্পলকদৃষ্টিতে প্রবীরকে
দেখেন, সেই দৃষ্টি তার চিরস্থায়ী হোক এই কামনা করেন, বলেন—“পলক
পোড়োনা চোখে নেহারি বাছারে।” [বিঃ দ্রঃ—‘চোখের পরে “,” (কমা)
দিলে পংক্তিটির অর্থ দাঁড়াবে, জনা চোখকে পলক ফেলতে নিষেধ করছেন,
কারণ পলক পড়লে প্রবীরকে তিনি দেখতে পাবেন না। কোন চিহ্ন না
থাকলে অগ্নি ভাবেই অর্থ করা যেতে পারে এবং আমি মনে করি সেই অর্থটি
অধিকতর শক্তিব্যঞ্জক। জনা চোখকে শাসিয়ে বলছেন, প্রবীরকে . খার পড়ে
প্রবীরের যে রক্তাক্ত মূর্তি চোখে প্রতিভাত হয়েছে, সেই মূর্তি যেন পলক পড়ে
অস্তহিত না হয় অর্থাৎ জনার চোখে পুত্রের মৃত্যুশয্যাশায়ী, মূর্তি ছাড়া আ
কিছুই যেন না ভাসে] জনা নিম্পলক দৃষ্টিতে প্রবীরের দিকে চেয়ে থাকেন।
মদনমঞ্জরীর বিলাপ শোনার পরে জনার শোক আবার মমতার সঙ্গে মিশ্রিত
হয়, শোক না করতে পারার বেদনার রূপ ধারণা করে। মদনমঞ্জরীকে তিনি
শোক করতে বলেন কারণ তার হৃদয়ে শোক নেই; প্রবীরের অস্থানলে দা-
তনুকে আঁখিবারি দিয়ে শীতল কর'তে বলেন, কারণ তার চোখের জল শুবি-
গেছে। পুত্রের জন্য তিনি কাঁদবেন কি করে?—‘রুধির তৃষ্ণায় জলে জনার

অস্তর, মৃত পুত্র ও পুত্রবধূকে বনজঙ্গলে রেখে, প্রতিহিংসা পরায়ণা উম্মাদিনী জনা উচ্চকণ্ঠে প্রতিজ্ঞা ঘোষণা করতে করতে রণস্থল পরিত্যাগ করেন।

এরপর জনাকে দেখি আমরা রাজবাটীর কক্ষে। নরনারায়ণকে সাদর অভ্যর্থনা করবার উদ্দেশ্যে নগর সজ্জিত করার জন্ত রাজা নীলধ্বজ আদেশ দেওয়ার পরে, জনা প্রবেশ করে রাজার কাছে আনন্দোৎসবের কারণ জানতে চান—জিজ্ঞাসা করেন—প্রবীর শত্রু জয় করে ফিরে এসেছে বলেই কি উৎসব ? অথবা পুত্রবধূর প্রতিবিধান করার জন্ত যুদ্ধযাত্রা করার উৎসব ? অথবা রাজ-সেনাপতি অর্জুনকে বৈধে নিয়ে আসছে বলে এই আনন্দ ? অথবা পরাজিত হয়ে পাণ্ডবরা হস্তিনায় ফিরে যাচ্ছে বলে এই আনন্দোৎসব ? অথবা নূতন কোন রাজ্য অধিকার করার জন্ত এত আনন্দ ? নিঃসন্দেহেই, এই সমস্ত ঘটনা আনন্দোৎসবের উপযুক্ত কারণ। কিন্তু অনেক সময় বিকারেও মানুষ উন্মত্ত আনন্দ প্রকাশ করে, পায়ে শিকল পরে পাগলরা যেমন উচ্ছ্বাস প্রকাশ করে তেমন আনন্দও হ’তে পারে। জনা ব্যঙ্গের কশাঘাত দিতে যেয়ে সেই প্রশ্ন থেকেও নিবৃত্ত হন না, প্রশ্ন করেন—“কিংবা উন্মত্তের প্রায় শৃঙ্খল পরিয়া পায় বিষম উচ্ছ্বাস !” জনা স্পষ্টভাবেই রাজাকে শিকার দেন—দাসত্বে আনন্দ তব বহু যার, তার দাস নয়, পুত্রঘাতীর দাস।—কী প্রাণের মমতা। বাঁচার হান প্রচেষ্টা। সংগ্রাম এড়িয়ে অমরত্ব পাওয়ার লোভ। ব্যঙ্গ ও শিকার শেষ করে জনা রাজাকে যুদ্ধে ষাওয়ার এবং সব কিছুর বিনিময়ে বীরত্ব সমুচ্চ করে রাখতে আহ্বান জানান। নীলধ্বজকে নিরুত্তাপ দেখে এবং অর্জুনের সখা সখোঁধনে গবিত হতে দেখে জনা আবার ব্যঙ্গের কশাঘাতে নীলধ্বজকে জর্জরিত করতে থাকেন। হস্তিনায় যেয়ে অশ্বমেধযজ্ঞে পরিচারকের কাজ করতে বলেন, ব্রাহ্মণ ভোজনে জল যোগাতে, অথবা দ্বারী হয়ে ঘরে বসতে, অথবা সিংহাসন নীচে হুঁটিয়ে পদপ্রান্তে বসতে এবং তাকেও জোপদীর সেবায় নিযুক্ত করে স্থখী হতে বলেন।* নিদারুণ কশাঘাত কিন্তু তবু রাজা নীলধ্বজ কৃষ্ণদর্শন লোভে যুদ্ধবিমুখ। জনা ভীষ্মের কৃষ্ণভক্তির দৃষ্টান্ত দিয়ে বুঝাতে চেষ্টা করেন

—“হরিভক্তি নহে রাজা হীনতা স্বীকার”। বার বার আহ্বান সবেও যখন নীলধ্বজকে টলানো যায় না, নীলধ্বজ জনাকে শাস্ত হওয়ার উপদেশ দেন তখন জনার তীব্র অশান্ত প্রাণের জ্বালা বার বার তীব্র উচ্চাসে উৎক্ষিপ্ত হ’তে থাকে। পুত্রশোকাতুরার শাস্তি? পৃথিবী রসাতলে প্রবেশ করলেও, গ্রহ-তারা কক্ষচ্যুত হ’লেও, সূর্য নিভে গেলেও বিখ্য প্রবল অন্ধকারে আবৃত হলেও, সমুদ্রের জল আশুনে জলতে থাকলেও, অষ্টবজ্র চললেও, বিশ্ব পরমাণুতে চূর্ণবিচূর্ণ হলেও, পুত্রশোকাতুরার শাস্তি নেই। যেখানে পুত্রঘাতীর পূজা হয় সেস্থান পাপস্থান। জনা সেখানে থাকবে না। প্রতিহিংসাতৃকা জনা মেটাবেই। জগৎ চেয়ে দেখবে—পুত্রশোকাতুরা নারী কত ভীষণা হতে পারে। সব এসাব জনা সাধন করবেন। প্রয়োজন হলে সিংহিনীর দস্ত কেড়ে নেবেন, ফণিনীর গরল হরণ করবেন, শোকবলে বজ্র অগ্নি আকর্ষণ করে নেবেন। জনা প্রতিশোধ নেওয়ার জন্য রাজার কাছ থেকে বিদায় নেন।

কিন্তু জনার প্রাণে ছাড়া আর কারো প্রাণে প্রতিশোধস্পৃহা নেই। নগরবাসী আনন্দোৎসবে মত্ত, রাজা নীলধ্বজ শ্রীকৃষ্ণের কাছে আত্মসমর্পণ করে অবচলিত হয়ে আছেন। এই জনার প্রতিশোধস্পৃহা, যত প্রবলই তা হোক, কোন কর্মের পথে পরিকল্পনা ধরে অগ্রসর হ’তে পারেনি এবং পারেনি বলেই জনাকে আমরা দেখতে পাই—‘প্রাস্তরে’। যেখানে থেকে জনা র দূরে আরো দূরে, ভীষণ প্রাস্তরে, মরুভূমে—দুরন্ত শ্মশানে, দুর্গম কান্তারে, পর্বত শিখরে চলে যাওয়ার জন্য ব্যগ্র। পতি যেখানে অরাতির সগা সেই পাপরাজ্য থেকে জনা নিজেকে দূরে সরিয়ে নিতে চান। পুত্রশোকাতুরা মাতার হৃদয় জ্বালাময়ী অতুভূতির তীব্র স্পর্শ পাওয়ার জন্য ব্যাকুল। জনা বালুময় বেলায় বসে বাড়বানল দেখতে চায়, আগ্নেয় গিরির অগ্ন্যুদগার দেখতে চায়। ঘোর তমোমধ্যে প্রলয় অনলের লকলকি বিশ্বগ্রাসী জিহ্বা দেখতে চায় বাইরের জ্বালায় স্পর্শে ভিতরের জ্বালা জুড়াবার অথবা বাইরের উত্তেজনা দিয়ে মর্মজ্বালাকে আরো বাড়িয়ে তোলার জন্য জনার এক ঐকান্তিক প্রয়াস।

প্রতিহিংসা-গ্রহণের সহজ পথ রুদ্ধ বলেই জনা নিজেকে দূরে দূরে বহুদূরে অন্তর্হিত করতে চান। স্বাহার মাতৃসম্বোধনে জনার পুত্রশোক আরো জলে উঠে। প্রবীরের মৃত্যুর সঙ্গেই মা' বলা ফুরিয়ে গেছে। যেখানে দিক অস্তে নিশার আলয়, যেখানে প্রলয় ছকার ছাড়া আর কিছুই শোনা যায় না, যেখানে সমস্ত সৃষ্টির অঙ্কুর বিনষ্ট, সূর্য দৃষ্টিহীন, আলোহীন, নিবিড় অঁাধারে শুধু পরমাণু ঘোর শব্দে ঘূর্ণমান, জড়জড়িমায় প্রকৃতি জড়িত, প্রলয়মেঘ থেকে বজ্র-অগ্নিধারা ঝরে পড়ছে যেখানে মহারাজ শূলকরে ধাবমান, এবং “আভাহীন বহি জলে ঈশানের ভালে, প্রলয় বিষণ নাদে” সেই মহাপ্রলয়ের মধ্যে জনা আপনাকে নিমজ্জিত করতে চান। এরপর উন্মাদিনী জনাকে দেখা যায় “বনপথে”। মনস্তাপেব পব মনস্তাপ—পুত্র প্রবীরের জন্তু মাহিম্বতী পুরীর কোন মানুষ হাহাকার করছে না, অশ্রুপাত করছে না, তাই প্রকৃতির কাছে তিনি শোকের আবেদন কবেন—বায়ুকে ‘হৃৎকারে দীর্ঘশ্বাস’ ছাড়তে বলেন, মেঘকে তিনি গভীর গর্জনে অশ্রুবষণ করতে বলেন। তিনি নিজে শোক করতে পারছেন না, কারণ ‘শোক নাই জনার হৃদয়ে’, আছে শুধু অনল। জনা নিজ হৃদয়ের প্রতিক্রিয়া দেখার জন্তু নিশাকে ‘তিমির বসনে বজ্র অগ্নি আভরণে’ ভয়ঙ্কর সজ্জায় সজ্জিত হতে অগ্ররোধ করেন। ঘনবক্ষে ক্ষণপ্রভা জনার হৃদয়ে ধরে ধরে সাজানো প্রবীরের অঙ্গে অজ্ঞাঘাতগুলি, জনার হৃদয়—ঘোর তমাবৃত বিকট শ্মশান”। সেখানে প্রতিহিংসার আগুন দাউ দাউ করে জলছে। এ আগুন জনা যতকাল জীবিত থাকবেন ততকাল নিভবে না। জনার সব কিছু পুড়ে ছাই হয়ে গেছে কিন্তু স্মৃতি জলেই চলেছে—“তম্ব নাহি হয়”। নিশীথিনী আঁধার বসনে যেমন চামুণ্ডারূপিণী, তাপধূমে জনাও চামুণ্ডারূপিণী শত্রুবন্ধ—কধিরলোলুপ। জনার হৃদয় যেমন আঁধারে মগ্ন, জনা চায় সমস্ত নির্ধনপ্রকৃতিও তেমনি নিবিড় আঁধারে আবৃত হয়ে যাক। জনার বুকের তাপের কাছে দাবানলের তাপকেও হার মানতে হবে।

এই নির্জন বনপথে জনার ভ্রাতা উলুক সহোদর বলে গরিচয় দিতেই জনা

প্রশ্নের পর প্রশ্ন করে এই কথাটিকেই যেন বলতে চান—জনার যে সহোদর হবে, সে নিশ্চয়ই অঙ্কুরকে বধ করে তবে জনার সঙ্গে দেখা করতে আসবে, পাণ্ডবশোণিতে প্রবীরের তর্পণ করবে, পাণ্ডবদের শকুনি-গৃধিনীর খাঞ্চে পরিণত করবে। পাণ্ডবদের মৃগ্য কেটে পিশাচের গেণ্ডুয়া-খেলার গেণ্ডুয়াতে পরিণত করবে, শত্রুমেদে মেদিনীর কায়া পুষ্ট করে তুলবে, বনভূমির গলায় শত্রু-অস্ত্র-মালা পরিয়ে দেবে—ধরাকে নিষ্পাণ্ডব করবে। কোথায় সেঠে সহোদর! আর উলুক যে ঘরে যাওয়ার জন্য আহ্বান জানাচ্ছে সেঠে ঘরই বা কোথায়? যে ঘরে পাণ্ডবদাস পাণ্ডবের প্রভু প্রচার করছে, যে ঘরে পুত্রবাতী সিংহাসনে বসে আছে সেঠে ঘর আর যার ঘর হোক জনার ঘর নয়। প্রবীরের মৃত্যুর সঙ্গে সঙ্গে জনার চোখে সব শূণ্যাকার আর চারিদিকে, ভিতরে-বাইরে শুধু হাহাকার। সংসার অসার, গোবিন্দের পাদপদ্ম সার, মৃত্যুর কঠিন দ্বার প্রবলতম শোকও খুলতে পারে না, কুমার ফিরে আসবে না—উলুকের সব কথাই জনা জানেন। কিন্তু উলুক মায়ের প্রাণের কতটুকু জানে? জানে না যে মা যেদিন “তনয়ে জঠরে ধরে, সেই দিন হতে, দিন দিন গাঁথা রহে স্মৃতিমাঝে”। শিশুর অসহায় অবস্থা থেকে সাবালক অবস্থা পর্যন্ত যত অবস্থা বা পর্যায় আছে, প্রতিটি অবস্থার স্মৃতি স্তরে স্তরে মার মনে সাজানো রয়েছে। উলুক তার কতটুকু জানে? অবশ্য উলুকের শেষের কথাটি মিথ্যা নয়—উন্মাদি বৈশে অরণ্যের মধ্যে একাকিনী বিচরণ করলে তো বেদনা দূর হবে না পুত্রহস্তা শত্রু তাতে বেদনা পাবে না। পুত্রবধের কোন প্রতিশোধ হবে না। এই শেষ পংক্তিটি জনার মনে নতুন সংকল্প জাগায়—“তবে পাপ প্রাণ কি কারণে রাখি! পুত্রকে রণস্থলে ফেলে রেখেই, গঙ্গার কোলে জালা জুড়াবার জন্য ছুটে যান এবং গঙ্গার কোলে ঝাঁপিয়ে পড়েন।

আমি জনা-চরিত্রটি এতো বিস্তারিত আলোচনা করলাম এই উদ্দেশ্যেই যে জনাচরিত্রটি ভাবনা-কল্পনায় এবং ইচ্ছার দৃঢ়তায় কতখানি সমৃদ্ধ হয়েছে তার সম্যক পরিচয় পাঠকের সামনে তুলে ধরতে চাই এবং বলতে চাই যে, জনা

চরিত্র-সৃষ্টি সর্বতোভাবে স্তম্ভর না হলেও, চরিত্রটিকে নাট্যকার সন্তোষজনক মাত্রায় গভীর করে তুলতে সক্ষম হয়েছেন। একথা ঠিক যে নাট্যকার জনার মধ্যে 'ভাবস্থিরানি জননাস্তর মৌহুদানিধি—অবোধপূর্ব স্বরণের কোন স্থান রাখেন নি—দৈবলোকবাসের স্থতির আকর্ষণ দেখাননি এবং দেখাননি বলেই একটি প্রত্যাশিত আচরণের অবকাশ—নিজ্ঞান ও সম্ভান মনের স্বন্দর অবকাশ, নষ্ট করেছেন, কিন্তু এ কথা স্বীকার করা তই হবে, নাট্যকার জনার ক্ষত্রিয়-জননী সত্তাটিকে সাধ্যমত গভীর করেই তুলেছেন। পবিত্রিতি পরিকল্পনার সম্বন্ধে মনে প্রশ্ন উঠতে না পারে এমন নয়, জনার কর্তৃত্বম সম্পর্কেও আমরা প্রশ্ন তুলতে পারি না এমন নয়, কিন্তু প্রতিহিংসাপরায়ণা পুত্রশোকাতুরা ক্ষত্রিয়জননীর ভাবনা-কল্পনার রূপটি যে জনার মধ্যে অতি পরিপাটি অমৃতভাবের ও সঞ্চারিভাবের সংযোগে ফুটে উঠেছে এ বিষয়ে কোন সন্দেহ নেই। এও সত্য যে ভাবনা-কল্পনায় জনা যতখানি সমৃদ্ধ হয়েছে কর্মশক্তিতে ততখানি সমৃদ্ধ হতে পারেনি। যিনি এতবড় বীরাজনা, যিনি একগোটা পদাতিক সঙ্গে না নিয়েই প্রবীরকে রথী করে এবং নিজেকে সারথি করে যুদ্ধে যেতে চেয়েছিলেন, যিনি স্বামীর এবং অহাগ্য সকলের ইচ্ছার বিরুদ্ধে দাঁড়িয়ে প্রতিশোধ গ্রহণের সংকল্পে অবিচলিত থেকে দৃঢ় ইচ্ছাশক্তির পরিচয় দিয়েছেন যথেষ্টই, তিনি শুধু হা-হতাশ করতে করতে নিজেকে দূরে বহু দূরে সরিয়ে নিয়ে যাবেন এটা প্রত্যাশিত নয়। নীলধ্বজের প্রতিবন্ধকতার আঘাত জনার বুকে মর্মান্তিকতম আঘাত দিয়ে জনার ইচ্ছাকে কর্ম থেকে বিচ্ছিন্ন করে ফেলেছে—এ যুক্তি দিয়ে আমরা জনার নিষ্ক্রিয়তাকে একভাবে ব্যাখ্যা করতে পারি বটে, কিন্তু, এ ব্যাখ্যা খুব সন্তোষজনক হবে না এই কারণেই যে জনা নীলধ্বজকে আগে থেকেই জানতেন, জানতেন স্বামী অজ্ঞান-শ্রীকৃষ্ণকে নরনারায়ণ বলেই জানেন, তাঁদের বিরুদ্ধে তিনি কিছুতেই অস্বধারণ করবেন না। সুতরাং প্রতিশোধ নিতে হলে একা তাঁকেই নিতে হবে। প্রতিবিধিংসা নিয়েই তিনি নীলধ্বজকে পরিত্যাগ করেছিলেন। কিন্তু প্রতিহিংসা গ্রহণের

আবেগ কর্মধাতে প্রবাহিত না হয়ে পরিকল্পনাহীন ভাবোচ্ছ্বাসে পরিণত হয়েছে।

মনে হয়, নাট্যকার জনার এই নিষ্ক্রিয় পরিণাম কল্পনা করতে বাধ্য হয়েছেন বিশেষ একটি কারণে এবং সেই কারণটি এই যে অগ্নিদেবের-দেওয়া বরকে সত্য করে তুলতে হলে জনাকে রণক্ষেত্রে নেওয়া সম্ভব হবে না, জনাকে গঙ্গাজলে প্রাণবিসর্জন দিতে বাধ্য করতে হবে। রণক্ষেত্রে নিয়েও অস্ত্রিম মুহূর্তে গঙ্গার কোলে প্রাণত্যাগ করানো সম্ভব কি না ভাববার বিষয়, কিন্তু নাট্যকার সে পরিকল্পনার দিকে যেতে চাননি এবং তা চাননি বলে জনার মধ্যে যুদ্ধস্পৃহা জাগাননি। শুধু হাহাকারে হাহাকারে জনার শোককে উৎক্ষিপ্ত করেছেন এবং শেষপর্যন্ত নৈরাশ্যের তাড়না দিয়ে এবং গঙ্গারক্ষকদের তত্ত্বাবধানে জনাকে গঙ্গার কোলে পৌঁছে দিয়েছেন। কাব্যসংসারের প্রজাপতিরা নিশ্চয়ই যা খুসী পরিণাম কল্পনা করতে পারেন কিন্তু আমরা দেখতে চাই সেই পরিণাম যুক্তিযুক্ত হয়েছে কি না। যুক্তিসম্মত হলে আমাদের কোন আপত্তিই টিকবে না। সুতরাং প্রশ্ন—জনার এই কর্মহীনতা যুক্তিযুক্ত করে তুলতে পেরেছেন কি না? নাট্যকার যুক্তি দেখিয়েছেন কিন্তু আমরা সেই যুক্তিকে যথেষ্ট বলে মনে নিতে পারছি নে।

সে বাই হোক, যেহেতু চরিত্রের সমগ্র আয়তন (ডাইমেনশান) উপস্থাপিত করার শক্তি এ পর্যন্ত কোন প্রতিভারই মধ্যে (এমন কি শেক্সপীয়ারের মধ্যেও) দেখা যায়নি, গিরিশচন্দ্রের দুর্বলতার উপরে বেশী জোর না দিয়ে তাল শক্তিমত্তার দিকে বেশী দৃষ্টিপাত করা উচিত এবং তা' করলেই দেখা যাবে, জনা চরিত্র সৃষ্টিতে নাট্যকার যথেষ্ট শক্তি দেখিয়েছেন। জনাচরিত্র সৃষ্টিতে নাট্যকার প্রাচ্যের ও প্রতীচ্যের কোন্ কবির কতটুকু ভাব বা কল্পনা গ্রহণ করেছেন বা আদৌ করেছেন কি না এটা খুব বড় প্রশ্ন নয়, কারণ এ প্রবাদবাক্য সকলেই জানেন যে 'যিনি বড় বড় কবি তিনি তত বেশী ঋণী', বড় কথা এই যে, নাট্যকার কবিচিত্তফুলবনমধু সংগ্রহ করে মধুচক্র রচনা করতে

পেরেছেন কি না, সব কিছুই সংশ্লেষ ঘটিয়ে ভাবের নতুনতর, সুন্দরতর রূপ সৃষ্টি করতে পেরেছেন কি না। এই অপূর্ব বস্তু নির্মাণ ক্ষমতাকেই শাস্ত্রে প্রতিভা বলা হয়েছে এবং এই ক্ষমতার পরিচয় জনাচরিত্র সৃষ্টিতে সন্তোষজনক মাত্রাতেই পাওয়া যায়।

নীলধ্বজ

জনা-কাহিনীর পরিমণ্ডল থেকে আমরা যদি পৌরাণিক আবহাওয়া বাদ দিয়ে লৌকিক বা সামাজিক আবহাওয়া সঞ্চার করতে চেষ্টা করি, অর্থাৎ জনাকে ‘গঙ্গার তনয়া’ প্রবীরকে “মহাদেব-কিঙ্কর” অগ্নিদেবকে নীলধ্বজের জামাতা, ধনঞ্জয়-বাসুদেবকে “নরনারায়ণ” বলে, বিশেষতঃ জনা ও প্রবীরকে দেবপরিবারভুক্ত বলে উপস্থাপিত না করি এবং নাটক থেকে ক্রোড অঙ্কটি বাদ দিয়ে দিই, তাহলে জনা নাটক একখানি সুন্দর ট্রাজেডিতে পরিণত হতে পারে। সেই ট্রাজেডি হবে এক পুত্র স্নেহপ্রবণা ক্ষত্রিয়-জননীর ট্রাজেডি এবং তাতে কেন্দ্রীয় চরিত্রকে ঘিরে থাকবে একটি অন্তর্দ্বন্দ্বের বলয় এবং একটি বহির্দ্বন্দ্বের বলয় এবং দুই বলয়ের চাপে জনার ট্রাজেডি হবে। জনা-নাটক-খানির গঠনেও এই দ্বিবলয়ী দ্বন্দ্বের পরিকল্পনা লক্ষ্য করা যায়। অন্তর্দ্বন্দ্বের ক্ষেত্রে আছে—প্রবীর, জনা এবং নীলধ্বজের অন্তর্বিরোধ বা দ্বন্দ্ব এবং বহির্দ্বন্দ্বের আছে—প্রবীর এবং পাণ্ডবশক্তির দ্বন্দ্ব। এই দুই দ্বন্দ্বই একটি ঘটনার উৎস থেকে জন্মেছে এবং সেই ঘটনাটি—অশ্বমেধযজ্ঞের অশ্বটি বেঁধে রাখার জগু প্রবীরের সংকল্প। এই সংকল্প যেমন প্রবীরের তেমনি জনারও বটে। এই সংকল্পের বিরোধী সংকল্প নীলধ্বজের এবং সেই সংকল্পের মূলে রয়েছে—নীলধ্বজের ধর্মবুদ্ধি—আশ্রমধর্মের অতীত যে ধর্ম সেই ধর্মের বোধ ; যে বোধে—

কৃষ্ণাঙ্কুর নরনারায়ণ
অবতার হরিতে ধরার ভার
নরশ্রেষ্ঠ পূজ্য লোকমাঝে
হুটবুদ্ধি নাহি হবে যার
কৃষ্ণাঙ্কুরে অবশ্য পুজিবে... ।

এই বোধ থেকেই নীলধ্বজ বলেন—“জেনে শুনে করিব না নারায়ণে অরি” এবং সিদ্ধান্ত করেন—“কৃষ্ণের রাজ্যই পায় লইব আশ্রয়”। এইভাবে একদিকে জনার ক্ষত্রিয়ধর্মনিষ্ঠার বা ধর্মাদর্শের সঙ্গে নীলধ্বজের ধর্মাদর্শের সংঘর্ষ ঘটেছে, অত্রদিকে পাণ্ডবশক্তির সঙ্গে প্রবীরের সংঘর্ষ অনিবার্য হয়ে উঠেছে। নীলধ্বজ যেমন জনার শত প্ররোচনা সবেও স্বধর্ম থেকে বিচ্যুত হননি, জনাও তেমনি নীলধ্বজের শত অন্তরোধ সবেও যুদ্ধসংকল্প পরিত্যাগ করেননি। নাট্যকার, নাট্যরচনাশাস্ত্রের পরিভাষায় বলা যেতে পারে স্বন্দর ‘Unity of opposites’—সংঘটিত করেছেন *[The real unity of opposites is one in which compromise is impossible] হুজুনেই বিবর্তিত। তাই দেখা যায়—প্রবীর যখন যুদ্ধযাত্রা করছে নীলধ্বজের ‘মতিগতি একই আছে। জনাকে বলতে শোনা যায়—“বুদ্ধিতে না পারি কিছু রাজার আচার, গাজাকে না হেরি।’ সম্পূর্ণ অসহযোগেরই পরিচয়!

নীলধ্বজ কৃষ্ণভক্ত হলেও পিতার স্বাভাবিক স্নেহপ্রবণতা তাঁর মধ্যে মরে যায় নি। প্রবীর যুদ্ধক্ষেত্র থেকে ফিরে না-আসায় তিনি অমঙ্গল আশংকায় খুবই উদ্বিগ্ন হয়ে উঠেছেন এবং পুত্রের অঘেঘণে চারিদিকে লোক প্রেরণ করেছেন। তারপর প্রবীর প্রাণত্যাগ করার পরে, নীলধ্বজের পিতৃহৃদয়ে আত্মনাগ উঠেছে, শোকাতুর পিতা কৃষ্ণাঙ্কুরের সঙ্গে দেখা করে জিজ্ঞাসা করতে চেয়েছে—এ বুদ্ধ বয়সে কেন আমার বক্ষে দারুণ শেল আঘাত কল্লেন?...হা প্রবীর, হা প্রবীর বলে আত্মনাগ করেছে, যুদ্ধে প্রাণ বিসর্জন করে পুত্রশোকের জ্বালা জড়াতে চেয়েছে। কিন্তু ঐ শোকে কৃষ্ণভক্তির বা

অৰ্জুনপ্ৰীতির গায়ে একটি আঁচড়ও পড়েনি। তাই দেখা যায় ‘স্বয়ং অৰ্জুন রাজপুরে উপস্থিত, শুনেই, যুদ্ধে যাবার সংকল্পাদি ভুলে “সমাদরে নিয়ে এস” আদেশ দিয়েছেন, এবং অৰ্জুনের কাছে মনস্তাপ নিবেদন করে এবং অৰ্জুনের মুখে ‘সখা’ সম্বোধন পেয়ে পুত্রশোক ভুলে গেছেন এবং পরম অতিথি শ্রীকৃষ্ণের অভ্যর্থনার জন্য নগর সজ্জিত করার আদেশ দিয়েছেন। ভক্ত-নীলধ্বজ স্বভূমিতে প্রতিষ্ঠিত হয়েছেন।

এই সময়ে নীলধ্বজের মানসিক অবস্থার পরিবর্তন—অর্থাৎ শোকাবস্থা থেকে কৃষ্ণানুরাগের আধ্যাত্মিক অবস্থায় উদ্ভবর্তন, অস্বাভাবিক দ্রুতগতিতে ঘটেছে, এ কথা সকলেরই মনে হবে এবং যারা মেঘনাদবধ-মহাকাব্য পড়েছেন তাঁদের নিশ্চয় মনে পড়বে ইন্দ্রজিতের বধের পর বিভীষণের শোক-বিলাপকে। এই বিলাপে আন্তরিক অন্তর্ভূতি সঞ্চারিত হতে পারেনি এবং পারেনি বলেই—“চল যুদ্ধে চল, একত্রে সকলে প্রাণ দিই। মাহিষমতী পুরী আজ ধ্বংস হোক, আমার ঘরের প্রদীপ আজ নিভেছে, অন্ধকার ঘরে আর কেন বাস করছ? আমার প্রবীর নাই, কুমার আমার নাই, দাও ধনু, অস্ত্র দাও, আমি যুদ্ধে যাই—আন্তরিকতাশূন্য উক্তি বলে মনে হয়। জনার ব্যাকোক্তি-দংশনে জর্জরিত নীলধ্বজ এক কথাই বার বার বলেছেন—“আসিছেন পতিভ পাবন...কৃষ্ণদর্শন পাব পাণ্ডবকুপায়, নরদেহ পবিত্র হইবে।” এই অবিচলিত কৃষ্ণভক্তির বন্ধ ছয়ারে মাথা কুটে কুটে ক্ষত্রিয়জননী জনা রক্তাক্ত হয়ে ফিরে গেছে। রণক্ষেত্রে একমাত্র পুত্রের মৃত্যুর চেয়েও পুত্রঘাতীকে নীলধ্বজের সখা বলে সম্বোধন, প্রতিশোধ নেওয়ার পরিবর্তে অরাতিকৈ দেবজ্ঞানে সাদর সমভ্যর্থনা জনার জীবনে সব চেয়ে বড় ট্রাজেডি, শোকের চেয়েও বড় আঘাত। এই আঘাত দিয়েছেন স্বামী নীলধ্বজ,—হীনতার জন্য নয়, শক্তিহীনতার জন্যও নয়, একমাত্র কৃষ্ণানুরক্তিতেই, ঠাঁকে পেলে সবকিছু পাওয়া হয়, চাওয়া-পাওয়ার সব আকাঙ্ক্ষা “মিটে যায় তাকে পাওয়ার জন্যই। কৃষ্ণদর্শনে রাজা ধনু হয়েছেন, রাজ্যের সকলে, এমন কি পণ্ডা পাখী কীট পতঙ্গ সকলেই ধনু হয়েছেন

“পরমপুরুষে হেরি পুরেছে বাসনা। নাহি আর অপর কামনা।” কিন্তু অভাগিনী জনাকে তিনি ভুলবেন কেমন করে? “শোকাঁকুলা ত্যজি গেল গৃহবাস। হতাশ বহিছে স্বাস আঁধার ধরণী। পুত্রহীনা উন্মাদিনী ধনী। স্মরি পুত্রে একাকিনী ভ্রমে বনপথে। রাণী হয়ে কাঙালিনী।” কাঙালিনী জনার জন্ত তাঁর অন্তরের অন্তঃস্থলে ব্যথা বাজে। পুত্রশোকের কঠিন বেদনাও তো মন থেকে মুছবে না—তাঁর—“বুঝেও না বুঝে মন”। তিনি এখন—বজ্রাহত তরু দগ্ধ ষত আশার পল্লব। তার দগ্ধকায় আছে মাত্র প্রাণ। কোনদিন তিনি শাস্তি পাবেন কি? এই তার একমাত্র জিজ্ঞাসা, শাস্তিই তার একমাত্র কামনা। শ্রীকৃষ্ণ নীলধ্বজকে এই শাস্তি দেন। নীলধ্বজ দিব্যদৃষ্টি লাভ করে দৈবলীলা উপলব্ধ করেন—দেখেন “কৈলাসশিখরে হরপার্বতী আসীন। পদপ্রান্তে প্রবীর ও মদনমঞ্জরী। সম্মুখে গন্ধাশ্রোত প্রবাহিত, তন্মধ্যে ঋকর-বাহিনী গঙ্গাযুতি, চামরবাজনে জনা নিযুক্ত।” সকলেই তৃপ্ত শান্ত এবং আনন্দিত। অজ্ঞানমুক্ত নীলধ্বজ অজ্ঞানতিমিরবিনাশন নিত্য নিরঞ্জনর জয়ধ্বনি উচ্চারণ করে আনন্দ প্রকাশ করেন।

চরিত্রটি বিশ্লেষণ করার পরে আমরা দেখতে পারি—চরিত্রটির মধ্যে রাজ-সত্তা, পিতৃ-সত্তা, স্বামী-সত্তা এবং ভক্ত-সত্তা এই এতগুলি সত্তার সত্তাবনা নিহিত রয়েছে বটে কিন্তু এক ভক্ত-সত্তা ছাড়া কোন সত্তাই লক্ষ্যীয় মাত্রায় ব্যক্ত হ’তে পারেনি এবং সত্তাগুলির পারস্পরিক দ্বন্দ্ব চরিত্রটির মধ্যে ষতখানি জটিলতা এবং গভীরতা সৃষ্টি করার সত্তাবনা ছিল সেই সত্তাবনার সদব্যবহার নাট্যকার করতে পারেননি। ফলে চরিত্রটি ষতটা ভাবের বাহন হয়েছে ততটা রক্তমাংসের জীবন্ত চরিত্র হতে পারেনি, গোটা ব্যক্তি হয়ে উঠতে পারেনি। উল্লিখিত সব কয়টি সত্তার পারস্পরিক ক্রিয়া-প্রতিক্রিয়া দেখাতে পারলে তবেই জৈবিক এবং আধ্যাত্মিক আবেগের সমন্বয়ে নীলধ্বজ যথার্থ একটি ব্যক্তি হয়ে উঠতে পারতেন।

রাজা নীলধ্বজের মধ্যে জৈবিক ও আধ্যাত্মিকের যে সমন্বয় ষটেনি, রাজা

আর বিদূষকের মধ্যে তা' অনেক পরিমাণে ঘটেছে। বিদূষকের হরিভক্তি নীলধ্বজের চেয়ে বেশী ছাড়া কম নয়। হরি এবং হরিনাম তাঁর কাছে পৃথক নয়। তার দৃঢ় প্রত্যয়—‘কৃষ্ণ দয়াময় নাম কল্লোই হন উদয়।’ কিন্তু রাজার প্রতি বড় মমতায় এই ভক্তি কৃষ্ণনিন্দার রূপ ধরেছে—ব্যাজস্বতি হয়ে সহস্রধারায় উৎসারিত হয়েছে। রাজা তার অন্নদাতা বাপ। রাজার মধ্যে এখনই যদি কৃষ্ণভক্তি জেগে যায় তা হলে রাজার আর রাজ্যভোগ করা হবে না, রাজা বৈকুণ্ঠে চলে যাবেন। দিন কতক মহারাজের যেন রাজ্য ভোগ হয়—এই তার ঐকান্তিক কামনা। কিন্তু অগ্নিকে ‘হরি নিয়ে ছড়াছড়ি’ করতে দেখে তার প্রাণে ভয় জেগেছে—হরি এসে রাজাকে বৈকুণ্ঠে পাঠিয়ে না দেন।

‘মায়ে পোয়ে একত্র হয়েছেন’ দেখেই বিদূষক বুঝতে পেরেছেন—অগ্নি-দেবতার বর বুঝা হবে না দামোদর আসছেন। সকাল থেকেই যখন পুরীতে হরি হরি রব শোনা গেছে তখনই বুঝা গেছে—হরি এলেন বলে। রাজা নীলধ্বজ শ্রীহরি স্মরণ করতেই বিদূষক বাধা দেন, কারণ রূপাময় হরিকে ডেকে ঐহিকের ভালাই কারু কখন হয়নি। তিনি নিজে কখন হরিনাম মুখে আনেন না—এমন কি সাতদিন মণ্ডা খেতে না পাওয়ার মতো মহা দুর্দিনেও হরিনাম মনে আসলেও মুখে উচ্চারণ করেন না। কারণ হরিনাম করলেই বৈকুণ্ঠ থেকে রথ এসে হাজির হবে আর মোণ্ডা পাওয়ার আনন্দ ঘুচে যাবে।

বিদূষকের রাজহিতৈষ্য শুধু কথায় নিঃশেষ হয়নি। রাজাকে রক্ষা করার একমাত্র যে উপায়টি সেই ঘোড়া-ফিরিয়ে-দেওয়ার কাজেই তিনি আত্মনিয়োগ করেছেন—চোর দিয়ে ঘোড়া চুরি করাতে চেষ্টা করেছেন। গজারক্ষকের সঙ্গে বিদূষক যে রসিকতা করেছেন তা যেমন খুবই উপভোগ্য হয়েছে, তেমনি তাতে বিদূষকের রসিক সত্ত্বাটিরও সুন্দর পরিচয় পাওয়া গেছে। রাজার হিতকামনায় বিদূষক শুধু ঘোড়াচুরির পরিকল্পনা করেই কান্ড খাটেননি। পাণ্ডবদের হরি হরি করতে দেখে মনে ভরসাও হয়েছে। দয়াময় হরিকে

পাণ্ডবকূলে চেপে থাকতে বলেছেন। তাঁর একমাত্র ভয়—রাজাটার না কিছু হয়। তার প্রাণ যায় থাক, প্রাণের চেয়েও প্রিয় মোণ্ডা খাওয়া যদি নাই হয় নাই হোক, তাঁর প্রাণের বিনিময়ে রাজার প্রাণ রক্ষা হোক।

এমন কি যুদ্ধ বন্ধ করার জন্য সব চেয়ে ভয়ঙ্কর যে কাজ—রাণীকে বুঝাতে যাওয়া—সেই ভয়ঙ্কর কাজ করতেও বিদূষক চেষ্টা করেন। রাজপরিবারের মঙ্গলের জন্য তার দুঃশিস্তার অন্ত নেই। প্রবীর নিখোঁজ হলে, খোঁজ দেওয়ার জন্য অগ্নিকে নরমে গরমে অনেক কথা শুনিয়েছেন এবং বড় ছোট সব দেবতারই উপরে বীতরাগ হয়ে নিজেই প্রবীরের সন্ধানে বেরিয়েছেন। বিদূষক গভীর কৃষ্ণানুরাগে কৃষ্ণদেব' দেবদেবী আচরণ করেন। বিদূষক বুঝে নিয়েছেন—“ঠাকুরের ছোট বড় নেই, সর্বনাশ করতে কেউ কস্বর কর না।”

দেবদেবী আচরণের প্রথম ধাক্কা গিয়ে পড়ে ব্রাহ্মণীর ইতুভাড়গুলির উপরে। ব্রাহ্মণী হেড়ে আসতেই বিদূষক বুঝিয়ে বলতে চেষ্টা করেন—দুদিন বাঁচতে চান বলেই দেবাদীদের বিদায় দিতে চান। দেবতা মানেন না তা সত্য নয়, দেবতা তিনি খুবই মানেন তবে দেবতার কাঁক ভালো করেন একথাটা মানেন না। ইতুভাড় জলে ফেলতে এসেছিলেন তিনি, রাজার সংকট দূর করার উদ্দেশ্যে মাস্তুলিক কাজ করার অভিপ্রায়ে—ইতুর ভাড় ফেলা ; সমস্ত শালগ্রামকে দীঘিসই করা, বিদূষকের কাছে মাস্তুলিক কাজ ; কারণ ওরা ডাকায় থাকতে রাজার বড় ভাল হবে না।

এর পর বিদূষক কৃষ্ণদর্শনের ভয়ে কৃষ্ণের ব্যাজস্তুতি করতে করতে রাজ্য থেকে পালিয়ে যেয়ে বাঁচার চেষ্টা করেছেন।

পালিয়ে ঘর ছেড়ে প্রান্তরে—ডাইনেখেগো গাছতলায় গিয়ে আশ্রয় নিয়েছেন। কৃষ্ণনিন্দা মুখে লেগেই আছে। কৃষ্ণের আবির্ভাবের আতঙ্কে বিদূষক শেষপর্যন্ত ‘বস্ত্র দিয়া চক্ষু বন্ধন’ করেছেন। ‘চক্ষু কৃষ্ণকে দেখে মুক্তি পেলে’ বেতে হয়। ব্রাহ্মণী বিশ্বাস করতে চায় না—নাম নিলেই কৃষ্ণ এসে কৃপা

করেন। কিন্তু বিদূষক 'নামের ঠেলা' কি তা জানেন। নামমাহাত্ম্যে তাঁর অটুট বিশ্বাস।

এই বিশ্বাসবলেই কৃষ্ণকে তিনি আকর্ষণ করেন। বুদ্ধ ব্রাহ্মণের বেশে কৃষ্ণ উপস্থিত। বিদূষকের বিশ্বাসদৃঢ়তা দেখে আনন্দিত হন, বিদূষক কৃষ্ণরাধার যুগলযুতি দেখে চিরধন্ত হন।

এই বিদূষকের মধ্যে সংস্কৃত নাটকের মোণালোভী আশ্রয়দাতার বা অন্নদাতার প্রতি কৃতজ্ঞ এবং রাজবয়স্র বিদূষকের সংস্কার বা পূর্বানুসৃতি থাকলেও, এই বিদূষক—এই ব্যাজস্তুতিময় ভক্ত বিদূষক নাট্যকারেরই সৃষ্টি এবং প্রশংসনীয় সৃষ্টি। নিছক ব্যাজস্তুতি দিয়ে চরিত্র সৃষ্টি করতে গেলে চরিত্রটির একঘেঁয়ে হয়ে পড়ার আশংকা থাকে। কিন্তু এক্ষেত্রে নাট্যকার সরস রসিকতার এবং নানা অন্তর্ভাবের অবতারণা করে চরিত্রটিকে সর্বক্ষেণেই চিত্তাকর্ষক করে রেখেছেন। চরিত্রটির মধ্যে যে কৃষ্ণভক্তির বা নামমাহাত্ম্য বিশ্বাস দেখানো হয়েছে তার মাত্রা একটি বিশেষ বিন্দুতে স্থির হয়ে দাঁড়িয়ে নেই, নাটকের অগ্রগতির সঙ্গে সঙ্গে বিশ্বাসেব ঐকান্তিকতার মাত্রাও বেড়েছে।

এক কথায় চরিত্রটির মধ্যে 'Progression'ও রয়েছে। কোন ভাবে সম্পূর্ণ বিপরীত অল্পভাব ও সঞ্চারিভাবের মাধ্যমে ব্যক্ত করার মধ্যে যে সৃষ্টি-নৈপুণ্য আছে তা খুব স্থূলভ নয়। শেক্সপীয়রের বিভিন্ন নির্বোধ (ফুল) এবং ভাডচরিত্রে (কোটজেষ্টার) এই দুই জাতীয় সৃষ্টির কিছু কিছু নিদর্শন আমরা অনেক আগেই দেখতে পেয়েছি, দেখতে পেয়েছি কি করে অতিলঘু হাস্যোদ্দীপক ভাবের সাহায্যে গভীর ভাবকে ব্যঞ্জিত করা যায়। নাট্যকার গিরীশচন্দ্র শেক্সপীয়র পড়েছিলেন, অল্পবাদও করেছিলেন, সুতরাং তাঁর সঙ্গে শেক্সপীয়রের ঐসব নির্বোধকল্প ভাঁড় চরিত্রদের পরিচয় থাকা স্বাভাবিক কিন্তু তা সত্ত্বেও যারা শেক্সপীয়রের ঐধরনের হাস্যোদ্দীপক চরিত্রের সঙ্গে বিদূষকের তুলনামূলক আলোচনা করবেন তাঁরা নিশ্চয়ই গিরীশচন্দ্রের

মৌলিকতা দেখে মুগ্ধ হবেন, দেখবেন—‘রাজালীয়ার’ নাটকের ‘বিজ্ঞতম বোকা’—‘ফুল’ এবং ‘চতুর্থ হেনরি’ (১ম ২য়) নাটকের সুরসিক ‘ফলষ্টাফ’ ‘দি টেম্পেষ্ট’ নাটকের ভাঁড় ‘ট্রিনকিউলো’ ‘লাভস্ লেবারস্ লষ্ট’ নাটকের ভাঁড়—কোষ্টার্ড, ‘মারচ্যান্ট অফ ভেনিস’ নাটকের ভাঁড় ‘ল্যানসলট গোববো’, ‘এ্যাক্ট ইউ লাইক ইট—নাটকের ভাঁড়—‘টাচটোন’ প্রভৃতি চরিত্রের সঙ্গে বিশেষতঃ ‘রাজালীয়ারের’-এর ‘ফুল’ এবং ‘চতুর্থ হেনরির ফলষ্টাফ’-এর সঙ্গে জনা-নাটকের বিদূষকের বিলক্ষণ পার্থক্য রয়েছে। এ কথা হয়তো মিথ্যা নয় যে শেকসপীয়র পড়েই নাট্যকার বুঝেছিলেন, হাস্যোদ্দীপক চরিত্রেও হৃদবৃত্তির এবং চিত্তবৃত্তির সংযোগ ঘটিয়ে আপাত লঘুর মধ্যে গুরুভারোপ করা সম্ভব, কিন্তু এ কথা সত্য নয় শেকসপীয়রের কোন নাটকে বিদূষকের মতো এই ধরনের আপাত-লঘু অথচ গুরুভাব-প্রতিপাদক চরিত্র আছে এবং সেই চরিত্রের অমুকরণে তিনি বিদূষক চরিত্র সৃষ্টি করেছেন। ‘গুরুভাব-প্রতিপাদক’ কথাটি ব্যাখ্যা করে না বললে ভুল বুঝার আশংকা আছে। শেকসপীয়রের বোকা ‘ফুল’ অনেক বিজ্ঞোক্তি করেছে একথা ঠিক কিন্তু কোন ‘আইডিয়া’র প্রতিপাদক হয়নি। বিদূষকের সঙ্গে ‘ফুল’-চরিত্রের মৌলিক পার্থক্য এখানেই। বিদূষক ‘ফুল’-এর মতোই হৃদয়বান, রসিক এবং বক্তোক্তিপটু এবং তার চেয়েও বেশী—পরমার্থপ্রবণ এবং পরমবৈষ্ণব হরিনামমাহাত্ম্য-বিশ্বাসী। নাট্যকার গিরীশচন্দ্র এই হিসাবে শেকসপীয়র থেকেও একধাপ এগিয়ে গেছেন—প্রচলিত বিদূষক চরিত্রে নতুন এক আয়তন (ডাইমেনশান) যোজন করেছেন।

প্রবীর

নৌলধ্বজ-জনার একমাত্র পুত্র প্রবীর—প্রবীরে এ আপাতপরিচয় বা লৌকিকপরিচয় তার আসল পরিচয় এই যে প্রবীর মহাদেবের কিঙ্কর, জাহ্নবীর

অল্পরোধে গুণবতী জনা শিবকিঙ্করকে পুত্ররূপে লাভ করেছেন। একমাত্র পুত্র অবশ্যই পিতামাতার ‘নয়নের মণি’ হবে প্রবীরও নীলধ্বজ-জন্য ‘নয়নের মণি’। প্রবীর শুধু মহাশক্তিই নয়, একমাত্র পুত্রের মতোই অসাধারণ মাতৃভক্ত। স্বযোগ্য ক্ষত্রিয় সন্তানের মতো তার একটিমাত্র সাধ—“যোগ্য বীর সনে সদা রণ-সাধ—ভুবনবিজয়ী রথীকে অরিরূপে পেয়ে তার সঙ্গে যুদ্ধ করে, শত্রুকে মেরে অথবা শত্রুর হাতে মরে সমর-বাঙ্গা পূরণ করা।

যুধিষ্ঠিরের অশ্বমেধযজ্ঞ এই বাঙ্গাপূরণের মহাস্বযোগ এনে দিল। প্রবীর যজ্ঞাশ্ব বেঁধে রেখে পিতার অমুমতি নিতে যেয়ে অমুমতি পেল না। রাজা যজ্ঞাশ্ব ফিরিয়ে দেওয়ার আদেশ করলেন; প্রবীরের ক্ষত্রিয়-প্রাণে দারুণ অভিমান উথলে উঠল। পিতার বিরুদ্ধাচরণ না করে সে মায়ের কাছে লোকালয় ত্যাগ করে যাওয়ার ইচ্ছা প্রকাশ করল। পুত্রের অকল্যাণের কথা ভেবে মা পুত্রকে নানাভাবে বুঝাইতে চেষ্টা করলেন বটে কিন্তু প্রবীরের অগুণরমাণু ক্ষত্রিয়াভিमानে গঠিত; প্রবীর মাকে যোগ্য উত্তর দিল—“রণমৃত্যু হতে কিবা আছে মা কল্যাণ? কে কোথায় ক্ষত্রিয় রমণী সন্তানে অঞ্চলে ঢাকি রাখে? কুলান্ধার পুত্র কার কামনা জননী, ক্ষত্রিয় নন্দিনী কার ভীকুপুত্র সাধ?” সে পিতার নিষেধ অমান্য করবে না, কিন্তু কলঙ্কময় জীবনও রাখবে না। প্রবীরের কথা শুনে জনার হৃদয়েও ক্ষত্রিয়াভিমান জাগে, জনাও ঘোষণা করেন—“রণসাধ যদি তোর, রণ পণ মম।” রাজা নীলধ্বজ আর একবার প্রবীরকে নিষেধ করলে প্রবীর বিনীত দৃঢ়তার সঙ্গে পিতাকে বলে—আপনার আজ্ঞা অবশ্যই পালন করব কিন্তু একটি নিবেদন আছে—“কলঙ্ক কালিয়া মাথা কুংসিত বদন লোকে কভু না দেখাব আর।”

এই ক্ষত্রিয়বীর প্রবীরকে আমরা মদনমঞ্জরীর সঙ্গে কথোপকথনের সময়েও দেখেছি। প্রবীর-পত্নী মদনমঞ্জরী স্বামীর অদর্শনে উৎকণ্ঠিত। তার প্রাণ কেন কাঁদছে সে তা জানে না, হৃদয় তার শূন্য মনে হচ্ছে, দূর রোদনধ্বনি কানে এসে প্রবেশ করছে, কঙ্কন খসে খসে গড়ছে, মাথার সিঁদুর মলিন বলে

মনে হচ্ছে, কোন শোকাতুরা রমণীর কান্নার সঙ্গে এক স্বরে তার প্রাণ কাঁদছে। প্রবীর এসে পত্নীর বিষন্ন মূর্তি দেখে মনে করল—মদনমঞ্জরী মান করেছে—তাই “পায়ে ধরি, মান ভিক্ষা দাও” বলে মান ভাঙাবার চেষ্টা করল এবং বিলম্বের কারণ—যজ্ঞাশ্ব ধরার ব্যাপারটি প্রকাশ করল। মদনমঞ্জরীর অকল্যাণ-আতঙ্ক ক্রমেই বাড়তে লাগল এবং সেও ঘোড়া ফিরিয়ে দেওয়ার জন্য মিনতি জানাতে লাগল। অর্জুনের সঙ্গে স্বামী যুদ্ধ করতে চায়—এ কথা শোনার পরে তার বিস্ময়ের ও আতঙ্কের শেষ নেই। প্রবীর তাকে বুঝাতে চেষ্টা করল—যে ষষ্ঠার্থ ক্ষত্রিয় ‘রণ তার চির-আকিঞ্চন’, ক্ষত্রিয়ের সমান উচ্চ-অধিকার আর কারো নেই,—“সম মান জীবনে মরণে”। যুদ্ধে জয় হলে লোকময় সুখ্যাতি আর মৃত্যু হলে সদন্তে স্বর্গপুরে গমন। ক্ষত্রিয়কুমারীর যুদ্ধের ভয় থাকবে কেন? বীরাজনা পতিকে রণসাজে সাজিয়ে দেয়, হাসিমুখে যুদ্ধে পাঠিয়ে দেয়।—প্রতিযোদ্ধা ভুবনবিজয়ী ধনঞ্জয় হোন আর নারায়ণই হোন, কিছুই যায় আসে না। যিনিই যুদ্ধে আহ্বান করবেন, ক্ষত্রিয় তার আহ্বানেই যুদ্ধে অবতীর্ণ হবেন: নিজ কতব্য করলে জনার্দন কখনই কষ্ট হবেন না, আর তা’ যদি হনই তবে তিন নারায়ণ নন। কারণ—

“নিজ ধর্মে কচি আছে যার

তার প্রতি বহু প্রীতি তার।”

প্রবীর ক্ষত্রিয়ধর্মে দীক্ষিত এবং জানে নিজ ধর্ম পালন করলে নারায়ণ কষ্ট হতে পারেন না।

কিন্তু, নগরের আর সকলের মধ্যে এ উৎসাহ নেই, সকলেই হাহতাশ করছে যুদ্ধের আশংকায়। তাই, প্রবীর একাই যুদ্ধে যাবেন—মায়ের কাছে সংকল্প ব্যক্ত করেন। তাঁর মনের গভীরতর প্রদেশে পিতার বিরুদ্ধে যে অভিমান জমেছে শত সাবধানতা সত্ত্বেও “রলুক বাহিনী মাগো রাজার রক্ষণে” কথাটির মধ্যে যেন উল্লে উঠেছে। এই উক্তিটিতে চাপা দিকার ও পিতার নিরাপত্তাচিন্তা এমনভাবে মিশে আছে যে উক্তিটি দ্ব্যর্থক হয়ে পড়েছে।

জনা-নাটকের গান

১ম অঙ্ক—দ্বিতীয় গভর্নাক্স—

(ক) সখিগণ—১

(খ) বসন্তকুমারীর—৩

১ম অঙ্ক—পঞ্চম গভর্নাক্স—

(ক) প্রমথগণ—১

(খ) ঘোঁগিনী-প্রমথগণ—২

২য় অঙ্ক—১ম গভর্নাক্স—

(ক) জনা—১

২য় অঙ্ক—চতুর্থ গভর্নাক্স—

(ক) মদনমঞ্জরী, স্বাহা ও বসন্ত—১

২য় অঙ্ক—৮ম গভর্নাক্স—

কাম ও রতি—২

৩য় অঙ্ক—১ম গভর্নাক্স—

(ক) নায়িকা ও সখিগণ—২

(খ) নায়িকা—৩ ? (১টি গীত, ২টি আবৃত্তি ?)

(গ) সখিগণ—১

৩য় অঙ্ক—৪র্থ গভর্নাক্স—

(ক) ভৈরব-ভৈরবী—১

৪র্থ অঙ্ক—৪র্থ গভর্নাক্স—

(ক) বালকগণ (কৃষ্ণলীলা গান)—২

৫ম অঙ্ক—১ম গভর্নাক্স—

গোপিনীগণ—

ক্রোড়-অঙ্ক—

(ক) ভৈরব—১

নাট্যকার ছুটি স্তরে আবৃত্তি বাদ দিলে গানের সংখ্যা মোট—২০।

এখন বিচার করে দেখা যাক গানগুলি পরিস্থিতির সঙ্গে অন্তরঙ্গযোগে যুক্ত হয়েছে কি না।

জনা নাটকে প্রথম গান গেয়েছে মদনমঞ্জরীর সখীরা। উত্তানে সখীরা রাজপুত্রবধূর মনোরঞ্জন করতে গান গাইবে—এর মধ্যে অলুচিত কিছুই নেই। বসন্তকুমারীর গানগুলিও এই কারণে অল্পযোগী হয়নি। তারপর কৈলাসপর্বত উপত্যাকায় প্রমথগণও যোগিনীগণ মহাদেবের স্তবস্ততি করবে এও স্বাভাবিক স্তবরাং প্রমথগণের ও যোগিনীগণের গানেও আপত্তি করার কারণ নেই। দ্বিতীয় অঙ্কের পঞ্চম গর্ভাঙ্কে জনার পূজাগৃহে জনা যে স্তব পাঠ করেছেন তা স্বাভাবিক হলেও স্তবের পরেই—প্রবীরের বুদ্ধাঙ্গোজনের বা যুদ্ধের মুখেই জনার গান স্বাভাবিকতার গন্তী ছাড়িয়ে গেছে বন্যেই অনাটকীয় হয়ে উঠেছে এবং যাত্রা-নাটকের আবহাওয়া এনে দিয়েছে। তারপর শিবিরের পথে শ্রীকৃষ্ণকে তুষ্ট করবার জন্য মদনমঞ্জরী-স্বাহা-বসন্তের সমবেত গীত শ্রীকৃষ্ণ কীতন হিসাবে লপভোগ্য হলেও খুবই কষ্ট কল্পিত। বালক বালিকা বেগে কাম ও রতি যে গান দু'টি করেছেন তার ঔচিত্য নিয়ে কোন প্রশ্ন উঠে না এ কথা ঠিক কিন্তু এ কথা মিথ্যা নয় যে বালকবালিকাবেশী কাম ও রতি কৃষ্ণাত্মার বালক-বালিকা—বেশী কৃষ্ণ-রাধারই লুপ্তাবশেষ। যে গানগুলি সত্যিই অপরিহার্য এবং স্থলিখিত, সেগুলি তৃতীয় অঙ্কের প্রথম গর্ভাঙ্কের মায়াকাননের গান। আগেই এ দৃশ্যটি সম্বন্ধে আমি মন্তব্য করেছি এবং এখানে এই কথাই বলতে চাই যে এই দৃশ্যে হাফ-আখডাইমের গান রচয়িতা গিরীশচন্দ্র যেন নিজের মাটিতে এসে দাঁড়িয়েছেন।

গিরীশচন্দ্র কত সুন্দর গীতিকার ছিলেন এবং গানকে কি করে নাটকীয় করতে হয়—এই দৃশ্যে তার সুন্দর একটি উদাহরণ। তৃতীয় অঙ্কের চতুর্থ গর্ভাঙ্কের শেষাংশে ভৈরব-ভৈরবীদের গীতটি এমন নাটকের পৌরাণিক পরিমণ্ডলকে উদ্ভাসিত করে তুলেছে যেমন প্রলয়ের বা সংহারের ব্যঞ্জনা সৃষ্টি

ক'রে জনার দ্বারা উৎপন্ন রোদ্দ-রসকে আরো তীব্রভাবে সঞ্চারিত হতে সাহায্য করেছে। তবে চতুর্থ অঙ্কের চতুর্থ গর্তাঙ্কে “রাজবালীর সম্মুখস্থ পথে” ত্রীকৃষ্ণকে অভ্যর্থনা করতে—‘বালকগণ’ যে কৃষ্ণসীলা গান করেছে তা গান হিসাবে খুবই উপভোগ্য বটে কিন্তু বালকগণ এই পরিস্থিতির কতখানি স্বাভাবিক অঙ্গ হতে পারে তা নিয়ে মনে প্রশ্ন জাগবেই। এই বালকদের দেখে অনেকেরই যাত্রাদলের বালকদলের সমবেত সংগীতের কথা মনে পড়বে এবং এই বথাই মনে হবে—গান-নির্বাচন ঠিক হ'লেও গায়ক নির্বাচন ঠিক হয়নি অথবা ঐ পরিস্থিতিতে গান বাদ দিলেই ভাল হত এবং হত এই কারণেই যে তাতে নাটকের গায়ে যতখানি যাত্রাগন্ধ জড়িয়ে আছে তা অনেকটা কমে যেতো। এ কথা হয়তো ঠিক যে নীলধ্বজ কৃষ্ণকে অভ্যর্থনা করার জগু আনন্দোৎসব করার জগু আগেই আদেশ দিয়েছেন এবং তাঁর আদেশাঙ্কসারে কৃষ্ণের স্তবস্তুতি মহিমান্বীতন নিশ্চয়ই হবে, এবং বাল্যলীলার কীর্তনের জগু বালকগণই উপযুক্ত পাত্র কিন্তু এ কথাও মনে রাখতে হবে, কোন অভ্যর্থনা সমিতির দ্বারা এই গীত আয়োজিত হয়নি এবং বালকদের দিয়ে কৃষ্ণসীলা কীর্তন না করালে, দৃশ্যের গাভীর্ষ আরো বৃদ্ধি পেতো।

যা হোক, আসল কথা এই যে এই জাতীয় পৌরাণিক নাটকে, নাট্যকার যাত্রাকৃতির গীতপ্রবণতা এবং থিয়েটার কৃতির সমুচিত সংলাপ প্রবণতা—এই দুই প্রবণতার মধ্যে সমন্বয় করার একটা সুন্দর স্বেযোগ করে নিয়েছেন। যে জাতি গভর্দান থেকে অস্ত্যোষ্টিক্রিয়া পর্যন্ত যত অহুষ্ঠান আছে সব অহুষ্ঠানেই গান করে সেই জাতির নাটকে গানের আদর যে একটু বেশী পরিমাণেই থাকবে এবং সেই জাতির সাধারণ লোকে গান শুনতে ভালবাসবে—এটা সহজেই অনুমান করা যায়। গিবীশচন্দ্র সহজ যাত্রা বোধ থেকেই এই সত্যটি উপলব্ধি করেছিলেন এবং তাঁর নাটকে জনকৃতির অহুবর্তন করে দুই কৃতির (যাত্রা ও থিয়েটার) সমন্বয় করতে চেষ্টা করেছিলেন। এই দুই কৃতির স্বাধের ও সমন্বয়ের দিক থেকে গিবীশচন্দ্রের নাটকের গান যোজনা আলোচনা করা দরকার। এখানে তার কোন অবকাশ নেই। এখানে, শুধু কি ভাবে সেই আলোচনা করা হবে তারই দিগ্‌দর্শন করা হল।

॥ नाट्यकार श्रीरोदप्रसाद ॥

॥ नर-नारायण ॥

নাট্যকার ক্ষীরোদপ্রসাদ

কোন শিল্পী সম্বন্ধে চূড়ান্ত সিদ্ধান্তে পৌঁছবার পূর্বে, শিল্পীর সমগ্র রচনার শৈল্পিক মূল্য, বিশেষভাবে নিধারণ করিয়া লওয়া আৱশ্যক। তাহা না করিলে, বলা বাহুল্য, সিদ্ধান্ত একদেশদর্শী এবং অসম্পূর্ণ, এক কথায় ভ্রান্ত হইতে বাধ্য। কিন্তু “শৈল্পিক মূল্য” কথাটি শুনিতে বা বলিতে যত সহজ, নির্ধারণ ব্যাপারটি তত সহজ তো নয়হ, বরং সবাপেক্ষা দুঃসাধ্য। সমালোচক মাত্রই সিদ্ধান্তে পৌঁছবার জন্ত লালায়িত, কিন্তু সিদ্ধান্তে পৌঁছিতে যে পরিশ্রম প্রয়োজন তাহা অনেক সমালোচনার মধ্যেই পাওয়া যায় না। লেখকের প্রত্যেকটি রচনার ভাব-বস্তু (content) ও রূপ (form) বিচার করিয়া, রচনাটিকে পূর্ববর্তী শিল্পীদের অনুরূপ রচনার সহিত তুলনা করিয়া ভাবের ও রূপের মৌলিকতার মাত্রা নিরূপণ করিয়া, কাহিনী-ভাব-চরিত্র-ভাষা-কল্পনা প্রভৃতির বৈশিষ্ট্য হিসাব-নিকাশ করিয়া জীবন-সমালোচনার ব্যাপকতা ও গভীরতা নির্ধারণ করিয়া সমালোচনা করা খুবই দুর্লভ শক্তির কাজ। বাস্তবিক, এই জাতীয় সমালোচনা- একাধারে ঐতিহাসিক-সমালোচনা, তুলনামূলক-সমালোচনা, রস-সমালোচনা, আলঙ্কারিক সমালোচনা সমালোচনা-সাহিত্যে দুর্লভ বস্তু। ইহার জন্ত চাই যেমন ব্যাপক অধ্যয়ন ও শাস্ত্রানুশীলন, তেমনি বৈজ্ঞানিক পর্যবেক্ষণ-শক্তি ও বিশ্লেষণ-শক্তি।

বলা দরকার এইরূপ আদর্শ-সমালোচনা, এই সংকীর্ণ অবসরে সম্ভব নয়। এখানে সংক্ষিপ্ত ও সাধারণ পরিচয় দেওয়া ছাড়া অনুরূপ কিছু করার অবকাশ নাই এবং নাই বলিয়াই, আমি প্রথমে ক্ষীরোদপ্রসাদের নাট্য-রচনার অতি সংক্ষিপ্ত পরিচয় দেওয়ার চেষ্টা করিতেছি। এবং সেই চেষ্টার মধ্য দিয়াই সাধারণভাবে ক্ষীরোদপ্রসাদের নাট্যের বিষয়বস্তু, রস, শৈল্পিক মূল্যবোধের মাত্রা প্রভৃতি পাঠকবর্গের সম্মুখে তুলিয়া ধরিতেছি। সাধারণ সমালোচনার ক্রটি হইতে

আমার এই সমালোচনা যে মুক্ত নয়—সেকথা গোড়াতেই বলিয়া রাখিতেছি।

নাট্যকার কীরোরদপ্রসাদ যখন নাটক রচনায় প্রবৃত্ত হন তখন বাংলা নাট্য সাহিত্যের বয়ঃক্রম $[(1752-1828) = 82]$ একচল্লিশ বৎসর। অথ্যাত বিখ্যাত বহু নাট্যকারের সাধনার ফলে বাংলা নাট্যসাহিত্য তখন উল্লেখযোগ্য প্রতিষ্ঠা বা ব্যক্তিত্ব অর্জন করিয়াছে। মোটকথা, গণনায় এবং গুণে বাংলা নাটকের মর্যাদা তখন একেবারে নগণ্য বলা চলে না।

(১) তারাচরণ শিকদার, (২) ঘোগেন্দ্র চন্দ্র গুপ্ত (৩) রামমারায়ণ (৪) হরচন্দ্র ঘোষ* (৫) কলীপ্রসন্ন সিংহ (৬) নন্দামার রায় (৭) উমেশচন্দ্র মিত্র (৮) উমাচরণ চট্টোপাধ্যায়, (২) বাধামাধব মিত্র (১০) যদুগোপাল চট্টোপাধ্যায় (১১) নারায়ণ চট্টরাজ (১২) শ্রীশম্ভু এল পীর বক্স (১৩) হরিশ্চন্দ্র মিত্র (১৪) যদুনাথ চট্টোপাধ্যায় (১৫) মণিমোহন সরকার (১৬) শৌরীন্দ্রমোহন ঠাকুর (১৭) *মধুসূদন দত্ত (১৮) হরিশ্চন্দ্র মিত্র (১৯) সত্যেন্দ্র নাথ ঠাকুর (২০) * দীনবন্ধু মিত্র প্রভৃতি বিদায় লইয়াছেন। **জ্যোতির্বিজ্ঞান**—কিঞ্চিৎ জলযোগ (১৮৭২), পুরুষিক্রম নাটক (১৮৭৪), সরোজিনী (১৮৭৫), এমন কর্ম আর করবনা (১৮৭৭), অশ্রমতী (১৮৭৯), মানময়ী (১৮৮০), স্বপ্নময়ী নাটক (১৮৮২) হঠাৎ নবাব (১৮৮৪) পর্যন্ত মোট ৮খানি লিখিয়াছেন.. (আরো ২৫ খানি লেখা বাকী) ; **অমৃতলাল বসু**—হীরকচূর্ণ নাটক (১৮৭৭) চোরের উপরে বাটপাড়ি (১৮৭৬), তিলতর্পণ নাটক (১৮৮১), ব্রজলীলা (১৮৮২) ডিসমিস (১৮৮৩), চাটুজ্যো ও বাঁড়ুঘো (১৮৮৪), বিবাহ বিলাট (১৮৮৪) তরুবালা (১৮৯১), রাজা বাহাদুর (১৮৯১), কালাপানি (১৮৯২) বিয়াতা (১৮৯৩), বাবু (১৮৯৪)—মোট ১২ খানি লিখিয়াছেন—(আরো ৩৮৩৯ খানি বাকী) ; **রাজকৃষ্ণ রায়**—অনলে বিজলী (১৮৭৮), দ্বাদশ গোপাল (১৮৭৮), লোহ কারাগার (১৮৮০), তারক সংহার (১৮৮০), হরধনু ভঙ্গ (১৮৮১) রায়ের বনবাস (১৮৮২) **কুবংশ ধ্বংস** (১৮৮৪) তরণীসেন বধ (১৮৮৪), রাজা বিক্রমাদিত্য

(১৮৮৪), প্রহ্লাদ চরিত্র (১৮৮৪), চন্দ্রহাস (১৮৮৮), হরিদাস ঠাকুর (১৮৮৮) কলির প্রহ্লাদ (১৮৮৮) মীরবাজী—(১৮৮২), চমৎকার (১৮৮২ ?), খোকাবাবু (১৮২০) বেলুনে বাঙালী বিবি (১৮২০), ডাক্তারবাবু (১৮২০), সত্যমদল (১৮২০), চতুরালী (১৮২০), চন্দ্রাবলী (১৮২০) টোটকা-টাটকা (১৮২০) জগা পাগলা বা জ্যাস্ত মরা (১৮২০) লোভেন্দ্র গবেন্দ্র (১৮২০) জুজু (১৮২০) রাজা বংশধর (১৮২১) লক্ষ্মীরা (১৮২১) প্রহ্লাদ মহিমা (১৮২১) লায়লা মজহু (১৮২১) বনবীর (১৮২২) ঋগ্বেদ (১৮২০) বেনজীর বদরে মুনীর (১৮২১) ... মোট ৩৩ খানি ছোট বড় নাটক-নাটিকা রচনা শেষ করিয়া ১৮২৪ খ্রীষ্টাব্দে পরলোক গমন করিয়াছেন।

মনোমোহন বসু—রামাভিষেক নাটক (১৮৬৭), প্রণয় পরীক্ষা নাটক (১৮৬২), সতী নাটক (১৮৬২) নাগাজয়ের অভিনয় (১৮৭৫), হরিশ্চন্দ্র নাটক (১৮৭৫) পার্শ্ব পরাজয় নাটক (১৮৮১), রাসলীলা নাটক (১৮৮২), আনন্দময় (১৮২০) ৮ খানি নাটক লিখিয়াছেন। **বিহারীলাল চট্টোপাধ্যায়**—মেঘনাদ বাহুবলী (১৮৭৭), আচভুয়ার বোম্বাচাক (১৮৮০) অহল্যাহরণ (১৮৮১), রাবণ বধ (১৮৮২), দ্রৌপদীর সয়ম্বর (১৮৮৪), রাজস্বয়ং যজ্ঞ (১৮৮৫) প্রভাস-মিলন (১৮৮৭), সীতা স্বয়ম্বর (১৮৮০), নন্দবিদায় (১৮৮৮) জন্মাষ্টমী (১৮৮২), পরীক্ষিতের ব্রহ্মশাপ (১৮৮২) মোহশেল (১৮২২) খণ্ডপ্রলয় (১৮২৩ — ১৩ খানি লঘু-গুরু নাটক-নাটিকা রচনা করিয়াছেন—(আরো ৮২ খানি তখনও বাকী) * * **নাট্যকার গিরিশচন্দ্র** ১৮৭৭ খ্রীঃ আরম্ভ করিয়া ৪৫১৪৬ খানি নাটক-নাটিকা লিখিয়া ফেলিয়াছেন। **রবীন্দ্রনাথ**—বান্ধীকি প্রতিভা, রক্তচণ্ড (১৮৮১) কালমুগয়া (১৮৮২) প্রকৃতির প্রতিশোধ (১৮৮৪) নলিনী (১৮৮৪) মায়ার খেলা (১৮৮৮) * রাজা ও রাণী (১৮৮২), * বিসর্জন (১৮২০), গোড়ায় গলদ (১৮২২) রচনা শেষ করিয়াছেন।

ক্ষীরোদ প্রসাদের নাট্য-রচনার সংক্ষিপ্ত পরিচয়।

(১) ক্ষীরোদপ্রসাদের প্রথম নাটক—ফুলশয্যা (১৮২৪) পঞ্চাঙ্গ—(দশ সংখ্যা ৪+৪+৫+৫+৬=২৪) রাজপুত-কাহিনী অবলম্বনে—“বিরোগান্ত

দৃশ্য কাব্য”। নির্ধারিত তুদাপতি শূরতান সিংহের কন্যাদয় তারা ও বীণার... বিশেষতঃ তারার পিতৃরাজ্য উদ্ধারের ঐকান্তিক সঙ্কল্প—(তুদারাজ্যোদ্ধার মোর জীবনের ব্রত) সেই সঙ্কল্পের বা দেশব্রতের সঙ্গে প্রেমের ঐকান্তিক বন্ধ এই নাটকের মুখ্য উপস্থাপ্য বিষয়। একদিকে অটল সঙ্কল্প, অন্যদিকে চিতোরের জ্যেষ্ঠ রাজকুমার পৃথ্বীরাজের প্রতি তারার প্রেম—এই দুই ভাববন্ধের মধ্যে যে বন্ধ উপস্থিত হয়, তাহার সমাধান ঘটে দেশপ্রেমের অগ্নি-শিখায় রচিত প্রিয়তমের চিতা শয্যায় তারার ফুলশয্যা রচনায়। * দেশোদ্ধার-ব্রতকে সমস্ত জ্যেষ্ঠ-প্রেমের উর্ধ্বে স্থান দেওয়ার আদর্শ প্রতিষ্ঠা করা এখানে মুখ্য উদ্দেশ্য এবং গোণ উদ্দেশ্য নারীর বীররাজ্য সত্যকে উদ্বোধিত করা—দেশোদ্ধারের জ্ঞান নারী-শক্তিকে দেহে-মনে প্রস্তুত করার ইঙ্গিত দেওয়া। নাটকখানির পরিণামে বিয়োগান্ত এবং রসের দিক দিয়া ট্রাজেডি-রসাত্মক বটে কিন্তু ঘটনা-বিন্যাসে আবাস্তবতার স্পর্শ বেশী মাত্রায় থাকায় রসের গুরুত্ব অনেক পরিমাণে কমিয়া গিয়াছে। এই বাস্তবতার আবহাওয়া লঘু হইয়া যাওয়ায় নাটকখানি রোমান্স জাতীয় রচনায় পর্ববসিত হইয়া গিয়াছে।

(২) দ্বিতীয় নাট্যরচনা—**প্রেমাজ্জলি** (১৮২৬)—চতুরঙ্গ পৌরাণিক গ্রহসন। নাটকের বিষয়বস্তু—নাট্যকারের নিজের ভাষায়—“শাস্তিপথের এক স্থানে নারদের দুর্দশার কথা লেখা আছে। সেই মূলসূত্র ধরিয়া মনের সাধে যথেষ্ট লিখিয়া নারদকে বানর নাচাইয়াছি।” মামা নারদ এবং ভাগ্নে পর্বতের স্থূল রসিকতার সহিত শেষ দিকে যথাসম্ভব প্রেমতত্ত্ব-প্রকৃতিতত্ত্বের সামান্য মাত্রা মিশাইয়া হালকা ধরনের হাস্যরস পরিবেষণ করা হইয়াছে।

(৩) তৃতীয়—**আলিবাবা** (১৮২৭)—তিনাঙ্ক রঙ্গনাট্য। আলিবাবা ও দস্যুদল—কাহিনী অবলম্বনে রচিত নাচ গান ও রসিকতা এবং গল্প-রসের মধ্যে এই রঙ্গনাট্যের প্রাণশক্তি নিহিত। নাটকখানি বহু অভিনীত এবং রঙ্গনাট্য হিসাবে উল্লেখযোগ্য।

(৪) **প্রেমোদ্ধরঞ্জন**—(১৮২৮) তিনাঙ্ক রঙ্গনাট্য। কাল্পনিক পাত্র-পাত্রীর

সাহায্যে, “মানুষের ওপর রাগ করা আর ভগবানের ওপর রাগ করা একই কথা” এই তত্ত্বটিকে ব্যক্ত করা নাটকের উদ্দেশ্য।

এই নাটকের আসল উদ্দেশ্য—“জয়ন্তী” বৃজীর—“দে রামা মানুষ দে” ধ্যোটির মধ্যেই আছে—মানুষের মত মানুষ চাই—যে প্রতাপকারের কামনা না রেখেই মানুষের উপকার করবে—মানুষকে ভালবাসবে। দ্বিতীয়তঃ সন্ন্যাসে মুক্তি নেই, সন্ন্যাসে ‘শান্তি’ নেই—বিশ্ব প্রেমের শান্তি, তাহাতেই মুক্তি। তবে এতবড় তত্ত্বকে এত হালকা পাত্রে পরিবেষণ করায় তত্ত্বের গুরুত্ব, একেবারে নষ্ট হইয়া না গেলেও, খুবই কমিয়া গিয়াছে।

(৫) **কুমারী** (১৮৯৯) তিনাঙ্ক—কাল্পনিক নাটক (গ্রন্থাবলীতে “নাট্য-কাব্য”—বলিয়া চিহ্নিত)। ‘কুমারী’ পুজার প্রথা বা ব্রত কথা অবলম্বনে লিপিত-আনন্দ-পরিণাম নাটক। শাস্ত্রবিহিত ধর্মের উপর মর্মবিহিত ধর্মের স্থান এবং ধর্ম সাধনায় ব্রাহ্মণ চণ্ডাল সকল জীবেরই সমান অধিকার—এই ভাবটিই নাটকের আত্মা।

(৬) **জুলিয়া** (১৯০০) তিনাঙ্ক—আনন্দ-পরিণাম নাটক। বোগদাদের কালিফ হাক্ক-অল-রসিদের আত্মত্যাগ-মহত্বের একটি কাহিনী অবলম্বনে রচিত। জুলিয়া ও গানেমের ঐকান্তিক প্রেমের পরিচয় পাইয়া, জুলিয়ার রূপে হু. হওয়া সত্ত্বেও, কালিফ গানেমের হস্তে জুলিয়াকে অর্পণ করেন ; তিনি প্রেমের মর্ম অনুভব করেন—বুঝেন—‘প্রেমের তুলনায় রাজ্য ঐশ্বর্য মহাশক্তি পরমাণু হ’তেও তুচ্ছ...যেখানে প্রেম সেখানে মহাদান আত্মত্যাগ ’ নাটকখানির অন্ত ফলশ্রুতি—‘ঈশ্বর যা করেন মঙ্গলের জগাই করেন।’

(৭) **বক্রবাহন** (১৯০০) পৌরাণিক নাটক। চিত্রাঙ্গদা-পুত্র বক্রবাহনের কাহিনী অবলম্বনে রচিত। গাণ্ডীবী অর্জুনের ঔরসে চিত্রাঙ্গদার গর্ভে বক্রবাহনের জন্ম। নিয়তির নিষ্ঠুর পরিহাস—কজিগ অভিমানের ধর্মক্ষেত্রে পিতার সহিত পুত্রের দ্বন্দ্ব অনিবার্য হইয়া উঠে। এই দ্বন্দ্বেরই রূপ ও পরিণতি এই নাটকে প্রকাশিত।

(৮) সাবিত্রী—(১৯০২) চতুরঙ্গ পৌরাণিক নাটক—পাতিব্রতের তথা প্রেমের মৃত্যুঞ্জয়ী শক্তির মহিমা প্রদর্শন—এই নাটকের উদ্দেশ্য। কাহিনীর স্বকীয় রসমূলা চিরন্তন। নাট্যকার রসের অভিব্যক্তনায় উল্লেখযোগ্য কৃতিত্ব দেখাইতে পারেন নাই।

(৯) সপ্তম প্রতীমা (১৯০২)

(১০) বেদোঁরা (১৯০৩)—পঞ্চাঙ্গ গীতি-নাট্য—উপকথাঞ্জয়ী ‘প্রেম’-রসাত্মক নাটক। চীন রাজকন্যা বেদোঁরা ও খালেদানের রাজকুমার কমরল-জমানের ‘স্বপ্নময় প্রেমের কাহিনী অবলম্বনে রচিত’। জুলিয়া নাটকের মধ্যেই এই নাটকের জন্ম-বীজ পাওয়া যায়—“এই রকম রাত্রিকালেই চীনরাজকুমারী বেদোঁরা বাগানের মর্মর বেদীর উপর বসে সখীদের সঙ্গে গল্প করতে করতে ঘুমিয়ে পড়েছিল, আর ঘুমচোখে নিজের পাশে ঘুমন্ত রাজকুমার কমরলজমানকে দেখতে পেয়েছিল।” শিল্পকর্ম হিসাবে নাটকখানির মূল্য খুব সামান্যই।

(১১) বঙ্গের প্রতাপ-আদিত্য—(১৯০৩) পঞ্চাঙ্গ ঐতিহাসিক নাটক। বঙ্গের শেষ বীর প্রতাপাদিত্যের জীবনকে ড্র্যাজেডি-রস-পরিণতি দান করা নাট্যকারের উদ্দেশ্য বটে, কিন্তু ঘটনা-বিশ্লেষে কাল্পনিকতা এত প্রাচুর্য পাইয়াছে, চরিত্র সৃষ্টিতে চমৎকার অপেক্ষা চমক সৃষ্টির প্রবণতা এত প্রকাশ পাইয়াছে যে নাটকখানি মেলোড্রামার স্তর অতিক্রম করিতে পারে নাই। নাটকখানি বহু অভিনীত এবং হিন্দু-মুসলমানের সমবায়ে ভারতে নব জাতীয়তাবাদের উদ্বোধনের জন্য নাটকখানির প্রচার উল্লেখযোগ্য।

(১২) রঘুবীর (১৯০৩) পঞ্চাঙ্গ বিয়োগান্ত কল্প-ঐতিহাসিক নাটক—একটা ঐতিহাসিক পরিস্থিতির আবরণ দিয়া অনৈতিহাসিক বিষয়কে নাটকে রূপদান করা হইয়াছে—এবং রূপ ও অতি নাটকীয় ঘটনা বিশ্লেষে ও চরিত্র-আচরণে গভীর ও গম্ভীর জীবন-সমালোচনা হইতে পারে নাই।

রঘুবীর ভীলের কুমার—অনন্তরাও তাহাকে সন্তানস্নেহে ঋণিতুল্য করিয়া গড়িয়াছেন—‘পুণ্যময় জ্যোতির্ময় ব্রাহ্মণ জীবন’ দান করিয়াছেন—‘নিকাম

কামনা' শিখাইয়াছেন। ফলে ভীলের ভিত্তির উপর ব্রাহ্মণ্য সংস্কৃতির প্রাসাদ গড়িয়া উঠিয়াছে। রঘুবীর দ্বিজত্বে দ্বিজকেও হার মানাইয়া দিয়াছে। অনন্ত রাওয়ের এবং জন্মভূমির দারুণ দুঃখোগেও সে শাস্ত ও অহিংস থাকিতে সক্ষমিত—
 হৃদয়ের উপর অস্বাভাবিক অটুট আস্থা রাখিয়াছে। রঘুবীরের জীবনে দম্ভ—

• • • •

হৃদয়ের নিভৃত গুহায়—নিদ্রালসা প্রতিহিংসা
প্রবৃত্তি আমার সেই মত তুলে বুঝি
বিষম ব্যঙ্গ্য ।

শেষ পর্যন্ত রক্তের উত্তাল তরঙ্গের আঘাতে নবজাত সংস্কার ভাঙ্গিয়া গিয়াছে—‘রঘুবীর’ ‘রঘু’র পরিণত হইয়াছে।

নাটকখানি বহু অভিনীত। নাট্যাচার্য শিশিরকুমার ভাট্টা মহাশয়ের অভিনয় প্রতিভার স্পর্শে 'রঘুবীর' দীর্ঘায়ত্ত করিয়াছে।

(১৩) **বৃন্দাবন-বিলাস** (১২০৪)—গীতিনাট্য । প্রেমময় শ্রীকৃষ্ণ জগতে প্রেমরাজ্য প্রতিষ্ঠার জন্তু, ভাগ্যবান মানবের দ্বা। যবে প্রেমভাব প্রকাশের জন্তু.....বালক মূর্তিতে গোকুলে যে লীলা করিয়াছিলেন সেই লীলা এইখানে উপস্থিত ।

(১৪) **রঞ্জাবতী** (১২০৪)—ঐতিহাসিক-কল্প। ধর্মমাহাত্ম্য-মূলক কাহিনী অবলম্বনে রচিত। অতিপ্রাকৃত-ঘটনার সংযোগে ধর্মের মাহাত্ম্য যতই বৃদ্ধি পাক, নাটকের প্রাণশক্তি কমিয়া গিয়াছে। উচ্চ আদর্শে অল্পপ্রাণিত চরিত্র আছে যেমন একাধিক, তেমনি তাহাতে অবাস্তবতার দৈগ্ধ্যও আছে যথেষ্ট। নাটকখানি উচ্চাঙ্গের শিল্পকর্মের মর্যাদায় উন্নীত হইতে পারে নাই।

(১৫) **উলূপী** (১২০৬)—পঞ্চাঙ্ক পৌরাণিক নাটক। এই নাটকে “ত্রিলোক বিজ্ঞতা ধর্মজ্ঞা।”—প্রধানা পতিব্রতা “উলূপীর পতিভক্তিকে পুত্র-বাৎসল্যের প্রতিদ্বন্দ্বী রূপে দাঁড় করাইয়া শেষ পর্যন্ত জয়ী করা হইয়াছে। উলূপী অর্জুন-পত্নী—নাগরাজনন্দিনী—ইলাবস্তুর জননী। স্বামীর কার্যহানি হওয়ার ভয়ে সে ভগবানের কাছে নিত্য প্রার্থনা করে স্বামী যাহাতে তাকে ভুলে যান। কিন্তু নারদ হাত দেখিয়া বলিয়াছেন—তার ভাগ্যে ‘পুত্রশোক’ আছে, আরো বলেন—‘নাগনন্দিনি, তুমিই হবে স্বামীর মৃত্যুর কারণ।’ নারদের-দেওয়া ‘সঞ্জীবন-মণি’ পিতার কাছে রাখিয়া উলূপী অদৃষ্টের গতিরোধ করিতে ছুটিয়া যায় এবং পুত্রকে বলিয়া যায়,—‘তোমার পিতার চরণে আশ্রয় নে। যদি তোমার পিতার কখনও জীবন যায়, সেই মণি দিয়ে প্রাণরক্ষা করিস। আমি হতেও যদি তোমার পিতার মৃত্যুভয় অনুমান করিস, আমাকেও হত্যা করতে কুণ্ঠিত হ’স নি।’ আশ্চর্য্যত্যা মহাপাপ অথচ স্বামিঘাতিনী হওয়ার পরিণাম এড়ানোর উপায়ই বা কি? এই সময় গঙ্গা ভীষ্মকে বধ করিবার জন্ত অজুনকে অভিষাপ দেন—“সেই পাপে রৌরব নরকে হ’ক স্থান।” উলূপীর ঐকান্তিক পতিপরায়ণতায় মুগ্ধ হইয়া গঙ্গা অজুনকে শাপমুক্ত করিবার উপায় জানাইয়া দেন—“পুত্রহন্তে যদি কখনও অজুনের বিনাশ হয়, তবেই তার মুক্তি—মুক্তির অঙ্গ উপায় নেই”—উলূপী স্বামিভক্তির প্রেরণাতেই স্বামি-বিনাশের জন্ত উঠিয়া পড়িয়া লাগেন—পুত্র বক্রবাহনের হন্তে অজুনের বিনাশ ঘটাইবার জন্ত……সব শক্তি নিয়োজিত করেন। এমন কি ইলাবস্তুর

যত্ন ঘটাইতে ইতস্ততঃ করেন না। শেষ পর্যন্ত...সঞ্জীবন-মণি স্পর্শ করাষ্টয়া অজুনের প্রাণরক্ষা করেন—স্বামীভক্তির পরাকাষ্ঠা আদর্শ স্থাপন করেন। ইলাবস্তুর মত দেশের জন্তু ধর্মের জন্তু আত্মবলি দেওয়ার উদার আত্মানে নাটক শেষ হইয়াছে। নাটকখানির পরিণাম বিয়োগাত্ম বা শুধু মিলনাত্ম বলিলে যথেষ্ট বলা হয় না।

(১৬) শিরী-ফরিদ (১২০৬) (নাটিকা)।

(১৭) পদ্মিনী (১২০৬)—পঞ্চাঙ্ক ঐতিহাসিক নাটক। চিতোরের রাণা লক্ষ্মণসিংহের খুল্লতাত ভীমসিংহের পত্নী—বীরাস্রনা পদ্মিনী সতীত্ব রক্ষার জন্তু ধর্মানলে আত্মাহুতি দিয়া ভাবতের ইতিহাসে স্মরণীয় হইয়া আছেন ; সেই ইতিহাস-বিখ্যাত বীরাস্রনার কাহিনী অবলম্বনে এই নাটক রচিত। দিল্লীর বাদশাহের বেগম নদীবনের উপকথা বুনিয়া নাট্যকার যে কাহিনী পরিকল্পনা করিয়া ছন, তাহাতে রোমান্সের কল্পনা-বিন্যাস এবং জটিল কাহিনী রচনার শক্তি যতই প্রকটিত হউক, উৎকটভাবে ইতিহাসের ভাবগাম্ভীর্যের হানি ঘটিয়াছে। তবু নাটকখানির ভাঙ্গণোচন উল্লেখযোগ্য—হিন্দুভাষ্যের দুর্বলতার কারণ সুন্দরভাবে ব্যাখ্যা করা হইয়াছে—অনেকাই যে পরাধীনতার মূল কারণ ‘সবারই কর্তৃত্বাভিমান’ যে একতা-সম্পাদনের পরিপন্থী তাহা উচ্চ কণ্ঠে ঘোষণা করা হইয়াছে—“এ পোড়া ভারতের ভাগ্যে এত যে, । আনার বুদ্ধি একত্র হ’য়েছে যে সমধর্মী তড়িতের পরস্পর বিদ্রোহী শক্তির স্তায় এরা কেউ কারো কাছে অবস্থিতি করতে পারে না।” গোবার মুখে ইঙ্গিতও দেওয়া হইয়াছে—“আমরা হ’লে মাতৃদায়গ্রস্ত ভাগ্যহীনের মত তাদের ঘারে ঘারে গিয়ে গলায় বস্ত্র দিয়ে প্রীতি ভিক্ষা করতুম, আর সকলে মিলে এক জনকে কর্তা করে’ তার আদেশে অস্ত্র ধরে—পৃথ্বীরাজের হত্যার, সোমনাথ-বিগ্রহ নাশের, নগরকোট ধ্বংসের প্রতিশোধ নিতুম। বিধর্মীরা মিলতে চাইলে তাদের ভাইয়ের মত স্থান দিয়ে আপনার করে নিতুম।” রাজনীতিতে নীতির স্থান সম্পর্কেও আলোচনা করা

হইয়াছে। যেখানে লক্ষণসিংহের কাছে—‘মাতৃভূমি রক্ষাই প্রত্যেক সন্তানের একমাত্র উদ্দেশ্য, আর সে উদ্দেশ্য সিদ্ধ হ’লে যখন শাস্ত্রবিহিত অক্ষয় স্বর্গ পুরস্কার, তখন এরূপ মহৎকার্যের জন্য কুট-নীতি অবলম্বনে দোষ কি? পুরোহিত এবং ভীমসিংহ- নীতি-ধর্মকেই বড় স্থান দিয়াছেন; নীতি-পথ পরিত্যাগ করিয়া তাঁহারা স্বর্গ-সুখও পাইতে চাহেন না। ভীমসিংহের দৃঢ় অভিমত—“ভারত-সন্তান নীতিবঞ্চিত হ’লে স্থির জানবে, আর কখনও মাথা তুলতে পারবে না”। (মহাত্মা গান্ধী ভীমসিংহেরই অহিংস সংস্করণ) ধর্মগৌরবকেই ভারতবাসী বড় গৌরব বলিয়া মনে করে। (আশাউদ্দিন চরিত্রটিকে দ্বিগুণ্য নাতকের নারদরশাহের পূর্ব সংস্করণ বলিয়া মনে করা যাইতে পারে।)

(১৮) পলাশীর প্রায়শ্চিত্ত (১২০৭)—ঐতিহাসিক নাটক।

(১৯) রক্ষঃ ও রমণী (১২০৭)—তিনটি অঙ্কে এবং একটি ক্রোড় অঙ্কে নাটকখানি সমাপ্ত। কাল্পনিক প্রেমমূলক নাটক—রাক্ষস শৈলেশ্বরের প্রতি মানবী সর্বানীর ভালবাসা—করুণার সেতুবন্ধে দুইটি হৃদয়ের মিলন—এই নাটকের উপস্থাপ্য। বিশেষ প্রচার্য—“করুণায় সংসারের মোহা—শাস্তির অস্তিত্ব; জীব করুণা কর—করুণা কর—”। নাটক হিসাবে উল্লেখযোগ্য কিছু নয়।

(২০) চাঁদবিবি (১২০৭—পঞ্চাঙ্ক ঐতিহাসিক নাটক। বীরাজনা—চাঁদবিবির শৌর্ধ বীৰ্যময় জীবনের কাহিনী অবলম্বনে রচিত বিষাদ-পরিণাম, রোমাঞ্চিক-দীর্ঘিক নাটক। ঐতিহাসিক নাটকের উপযুক্ত বাস্তবিকতার আবহাওয়া কাহিনী-পরিকল্পনার দোষে অনেকটা লঘু হইয়া গিয়াছে, নিঃসন্দেহ, তবে এ নাটকেও ক্ষীরোদপ্রসাদ—‘মাতৃমন্দিরে আত্মবলি’র প্রেরণা সঞ্চার করিতে চেষ্টা করিয়াছেন—‘যে মরতে জানে তাকে মারে কে?’—এই উক্তির উত্তরে মল্লজীর উত্তর—যে মাতৃমন্দিরে আত্মবলি দিতে এসেছে সে নিজে না মরে গেলে তাকে ছিন্য়া থেকে সরাবে কে? যে সন্তান সরাতে চাইবে

সে মায়ের চারিধারে হাজার প্রাণের বেড়া সৃষ্টি করবে—দেশের জন্ত প্রাণোৎসর্গ করার উদাত্ত আস্থান। চাঁদবিবির আস্থান—(পঞ্চম অঙ্কের ৬ষ্ঠ দৃশ্যে) “কে কে আছে তরুতলবাসী চ’লে এস। জীবন তুচ্ছ ক’রে সন্তোষ-সম্পদ তুচ্ছ করে—মান, যশ, নাথ, গৌরব, জন্মভূমির পবিত্র ধূলিরাণির মধ্যে চিরদিবসের জন্ত আচ্ছাদিত করতে কে কোথায় আছে চলে আস” —পর্যায়ীন ভারতবাসীকে উদ্বোধিত করারই আস্থান।

(২১) নন্দকুমার (১৯০৮, মহারাজ নন্দকুমারের ফাঁসির ব্যাপার লইয়া রচিত ঐতিহাসিক নাটক। ইংরেজশাসনের সমালোচনা করা তথা দেশাত্মবোধ সঞ্চার করা নাটকখানির উদ্দেশ্য।

(২২) দাঙ্গা ও দিদি (১৯০৮) রঙ্গনাট্য।

(২৩) অশোক (১৯০৮) ঐতিহাসিক ব্যক্তি—ভারতের ঐচ্ছন্দ সম্রাট অশোকের জীবন-কাহিনী কেন্দ্র করিয়া এই নাটক রচিত। ইতিহাস কিংবদন্তী এবং অতি প্রাকৃত ঘটনাব সংযোগে নাটকখানি গঠিত। কেবল গল্পরসের দিকেই অধিক জোর দেওয়া হইয়াছে বলিয়া নাটকখানি চরিত্র-সৃষ্টির এবং ভাবের দিক দিয়া তেমন গভীর হইয়া উঠে নাই।

(২৪) বাসন্তী (১৯০৮) প্রস্তাবনা-সহ একটিমাত্র অঙ্কে (৮ম দৃশ্য-যুক্ত) কাল্পনিক গীতিনাট্যখানি সমাপ্ত। “নিদাঘ-নিশীথের স্বপ্ন”-রাজ্য (মিড্‌সামার নাইটস্ ড্রিম’)—একদিকে রূপগুরুত্বের বিবাহবাতিক—অন্যপক্ষে যুৎক-যুবতীর হৃদয় ও কর্তব্যবোধের দ্বন্দ্ব-সমাবেশে প্রহসনাত্মক গীতিনাট্য।

(২৫) বরুণা (১৯০৮) তিনাঙ্ক গীতিনাট্য—রোমান্স-স্থলভ কল্পলোকের জীবন—কিরাতপালিতা রাজনন্দিনী বরুণার সহিত কঙ্কণরাজপুত্র পুণ্ডরীকের প্রেম ও বিবাহ রূপায়িত।

(২৬) ভূতের বেগার (১৯০৮) দুই-অঙ্কের রঙ্গনাট্য। চাকরীমোহ ও সঙ্করপেণা লইয়া রঙ্গ-ব্যঙ্গ। আসল বক্তব্য :—ভাঁহঁ দব, বাদে দেশ আছে, বাদে চাকরী থাকে না থাকে উভয়ই তুল্য, তারা দেশে থাকে। মান অভিমান

বিসম্মত দিলে ভগ্নদেহে নগ্নপদে মা বহুমতীর সেবা কর—মা ভারে ভারে ধনধান্যের ডালা নিয়ে তোমাদের তৃপ্তিসাধন করবেন।

(২৭) **দৌলতে ছুনিয়া** (১২০২) চতুরক নাটক। (সপ্তমপ্রতিমারই সংস্করণ বিশেষ) উপকথা-মূলক কাল্পনিক রোমাণ্টিক কমেডি।

(২৮) **বাজালার মসনদ** (১২১০) পঞ্চাঙ্ক ঐতিহাসিক নাটক—বিশ্বাস-ঘাতকতা করিয়া, সুরফরাজকে হত্যা করিয়া আলিবর্দী বাংলার মসনদ অধিকার করেন—এই ঐতিহাসিক ঘটনাই রোমাণ্টিক রীতিতে উপস্থাপিত হইয়াছে। নাটকখানি বিবাদান্ত বটে কিন্তু ট্রাজেডীর মধ্যাদায় উন্নীত হয় নাই।

(২৯) **পলিন** (২ মার্চ, ১২১১)—তুরস্কের সুলতান ‘আলমামুনে’র কাহিনী অবলম্বনে রচিত তিনাঙ্ক কমেডি। উৎকল্লনার আতিশয্যে কাহিনীটি রূপকথায় পরিণত হইয়াছে। গর্তাবস্থায়-পরিত্যক্তা আলমামুনের প্রথমা পত্নীর গর্ভে পলিনের জন্ম—সিন্তানের রাণী আইরিন-কর্তৃক পলিন পুরুষবেশে পালিত—নিরুদ্দেশ পত্নীর জ্ঞাত সম্মুখে আলমামুনের ব্যাকুল অনুসন্ধান—শেষ পর্য্যন্ত আলমামুনের কন্যা রেবেকা পুরুষবেশী পলিনের রূপে পাগলিনী—আলমামুনের মহাসম্মত। (৩০) উপসংহারে আলমামুনের সমস্ত সমস্তার সমাধান।

মিডিয়া (১৪ই জুলাই, ১২১২)—কল্পনামূলক তিনাঙ্ক কমেডি। ইজি়্যাসের কন্যা মিডিয়া। আলমামুনের ইজি়্যাসের রাজ্য অধিকার করিলে ইজি়্যাস বনে বাস করেন এবং মরণের সময় কন্যাকে বলিয়া যান—‘আমার গুরু ছাড়া আর কারো আশ্রয় গ্রহণ ক’রো না।’ গুরু জিবার—জ্ঞানীর শিরোমণি—মিডিয়ার কাছে উপস্থিত হন—পরিচয়ও দেন এবং ইজি়্যাসের মৃত্যুর প্রতিশোধ গ্রহণের সঙ্কল্প করেন তথা বিজ্ঞানবল ও পাশব বলের প্রভেদ দেখাইবার সঙ্কল্প করেন। প্রকৃতির পরিহাসে—মিডিয়া অজ্ঞাতসারে সেই আলমামুনেরকেই প্রাণ দিয়া বসেন যাহার প্রাণ লইবার জ্ঞাতাহার ঐকান্তিক সঙ্কল্প ছিল। শেষ পর্য্যন্ত প্রেম জয়ী হয়। জিবারও জড়প্রকৃতির প্রতি পরমাগুরু অন্তরালে চৈনস্তময়ীর লীলা দেখেন। প্রেমের কাছে শক্তির পরাজয় ঘটে।

জিবারেব শেষ প্রার্থনা—জাগো মা চৈতন্যরূপিনী—জড়বিজ্ঞানের সিংহাসনে অধিষ্ঠিত হয়ে সমস্ত সংসারে প্রাণময়ী শক্তির প্রতিষ্ঠা কর।

(—বিজ্ঞান ও ধর্মের দ্বন্দ্ব নাট্যকারের নিজেরই সিদ্ধান্ত।)

(৩১) খাঁজাহান (২৫শে জুলাই, ১৯১১) ঐতিহাসিক নাটক—দিল্লীর সম্রাট সাফাহান এবং মালবের সুবেদার খাঁজাহানলোদীর বিবাদ—খাঁজাহানের পরাজয় ও শোচনীয় পরিণতি নাটকের মূখ্য উপস্থাপ্য; গোণ উপস্থাপ্য—মহাবৎ-কত্তা ‘সোফিয়া’ ও নারায়ণ রাও-এর প্রণয় কাহিনী; অর্থাৎ ইতিহাস ও রোমান্স (প্রহেলিকাময়) সংযোগে রোমান্টিক নাটকখানি পরিকল্পিত। সোফিয়া ও নারায়ণরাও-এর চিতাশয্যায় ফুলশয্যা-শয়নে হিন্দু-মুসলমানের মধ্যে মিলন-কামনা ব্যক্ত হইয়াছে।

(৩২) ভীষ্ম (১৯১৩) পঞ্চাঙ্ক—(প্রস্তাবনা ১+৩+৭+৫+৫+৭ পট-পরিবর্তন মোট ৩০ দৃশ্য) পৌরাণিক নাটক। ভ্রমের পূর্বে হইতে মৃত্যু পর্যন্ত—ভীষ্মের বিরাট জীবনের নাট্যরূপ। নারী-চরিত্রের মধ্যে ‘অম্বা’র এবং পুরুষ চরিত্রের মধ্যে ভীষ্মের চরিত্রের দ্বন্দ্ব চিত্তাকর্ষক। ভীষ্মের মত বীরের পতনে শোচনীয় পতনের তথা দাঁড়েডির লক্ষণ প্রকাশ পাইলেও, কৃষ্ণভক্তি-রসে সমস্ত বিষাদ-বেদনা নিমজ্জিত হইয়া গিয়াছে।

(৩৩) রূপের ডালি (১৯১৩—২০শে অক্টোবর) তিনাঙ্ক রঙ্গনাট্য—বোখারার নবাব প্রভৃতি পাত্র পাত্রীর পরিকল্পনায়—“আগাগোড়া...ফাঁকির গান”—রোমান্সময় রঙ্গনাট্য।

(৩৪) নিয়তি (১৯১৪, ২ এপ্রিল) তিনাঙ্ক উপকথা-মূলক বা কল্প ঐতিহাসিক নাটিকা। কৌশাম্বীরাজ উদয়নকে কেন্দ্রে স্থাপন করিয়া কয়েকটি কল্পিত পরিস্থিতির সাহায্যে জীবনে নিয়তির প্রভাব প্রতিষ্ঠিত করা হইয়াছে। ভাড়াবস্ত লোভবশে নিজের জীবনে শোচনীয় পরিণতি ঘটাইয়াছে—ভাড়াবস্তের পত্নী মাগন্ধী লেডী ম্যাকবেথের মতই কার্য করিয়াছে...লেডী ম্যাকবেথের মতই হাতের রক্তের দাগ তুলিতে না পরিয়া মৃত্যুমুখে পতিত হইয়াছে। পালিত-

পুত্র ঘোষককে মারিতে গিয়া ভাঙুদত্ত—উদয়নের কথায় বলা যাউক—“পুত্রকে মেরেছ, তার জন্ম স্ত্রীকে মেরেছ, ভাগিনেয়কে, ভাগিনীকে... নিজের কুল নির্মূল করেছ।” নাটকখানি অবশ্য ট্রাজেডি পরিণাম হয় নাই, ঘোষক ও শ্রামাবতীর মিলনে ঐ উৎসবে নাটিকা শেষ হইয়াছে। *ঘটনা-বিচ্ছাদনের তথ্য পরিস্থিতি-কল্পনার দুর্বলতাব বা অনৌচিত্যের জন্ত ক্ষীরোদপ্রসাদের গুরুত্বপূর্ণ সৃষ্টিও লঘু হইয়া পড়ে।

(৩৫) **আহেরিয়া** (২০শে জানুয়ারী, ১৯১৫) ‘ঐতিহাসিক নাটক না বলিয়া ঐতিহাসিক-কল্প বা ইতিহাস-বলয়িত রোমান্টিক নাটক (পঞ্চাঙ্গ)। আহেরিয়া-উৎসব-উপলক্ষ্যে পরস্পর-বিরোধী দুই পক্ষের—(বারাহা-লাঙ্গাই এবং ভট্টি বংশের) তীব্র ঘৃণার মধ্যে—বারাহাপতি মুলরাজের-অধীশ্বর মুলরাজের কন্যা কেতু ভট্টিংশ জাত তনোটেবর তমুরায়-পুত্র দেববায়ের বীরত্বে মুগ্ধ হয় এবং তাহাকে হৃদয়-মন সমর্পণ করিয়া বসে। উভয়ের মিলনেব পথে অন্তরায় দাঁড়ায়—দেববায়ের মাতাব প্রতিশোধ-কামনা—কেতুব প্রতি নির্দেশ—“তোমার শত্রুর হস্তার যুগ আমাকে উপহার প্রদান কর।” কেতু পরীক্ষায় উত্তীর্ণ হয়—ক্ষত্রিয়নন্দিনীও প্রতিষ্ঠিত করে—মুলরাজের যুগ লইয়া কমলার কাছে উপস্থিত নয়। নাটকখানির প্রাণশক্তি উল্লেখযোগ্য।

(৩৬) **বাদশা জাদী** (৩১শে ডিসেম্বর, ১৯১৫) কল্পনামূলক নাটক।

* (৩৭) **রামানুজ** (৩০শে জুলাই, ১৯১৬) পঞ্চাঙ্গ ‘দৃশ্য সংখ্যা’—প্রস্তাবনা ১+৩+৭+৬+৮+১০=৩৫—ধর্ম্মমূলক চরিত নাটক—(নামে চরিত নাটক স্বরূপতঃ অতিপৌরাণিক অর্থাৎ অতিপ্রাকৃত ঘটনাপূর্ণ নাটক। কোন চরিত্রই ঐতিহ্যের গণ্ডার মধ্যে নাই। না ভাবনেব রূপ নৃ-দ্বন্দ্ব, না তত্ত্বালোচনা—কোনটিই উল্লেখযোগ্য হয় নাই।

(৩৮) **বজ্র রাঠোর** (৮ সেপ্টেম্বর, ১৯১৫) পঞ্চাঙ্গ, “ঐতিহাসিক নাটক” নামে পরিচিত ইতিহাস-পটভূমিক, কাল্পনিক, রোমান্টিক এবং বিষাদাস্ত নাটক। হিন্দু-বীর “রজলালে”র প্রতি পাঠান উজীর হুসেমানের কন্যা কলিবেগমের

অনুরাগ এবং উভয়ের প্রাণ দেওয়া-নেওয়ার কাহিনী রূপায়িত। নাট্যে রোমান্স বলিলেই এই জাতীয় নাটকের স্বরূপ ভাল ব্যাখ্যা করা হয়।

(৩২) **কিন্নরী** (১৭ই আগষ্ট, ১৯১৮) তিনাঙ্ক গীতি-নাট্য। কিন্নর রাজ-কন্যা ভদ্রা (কিন্নরী), বিষ্ণুরাজপুত্র সুধন (মামুষ)—এই উভয়ের প্রণয়-কথা লইয়া এই নাটকের কাহিনী কল্পিত। সুধন অদ্ভুত করুণাময় করুণাবতীর শাক্যসিংহের পূর্ব রূপ, আর কিন্নরী—শাক্যসিংহের প্রিয়তমা মহিষী গোপা। প্রেমের কাহিনীর মাধ্যমে করুণা-ভক্ত প্রচার এই নাটকখানির অন্যতম উদ্দেশ্য।

(৪০) **নন্দাকিনী** (১৪ই এপ্রিল, ১৯২১) তিনাঙ্ক পৌরাণিক নাটক—গঙ্গা-শাস্ত্রমুর পরিণয় কাহিনী অবলম্বনে রচিত। (অভিশপ্ত অষ্টবসুকে গর্ভে ধারণ করিয়া মুক্তি দেওয়ার জন্য গঙ্গা শাস্ত্রমুর পত্নী স্বীকার করেন— ভীষ্ম অষ্টম বসুর মর্ত্য্য দেহ)।

*(৪১) **আলমগীর** (২ই ডিসেম্বর, ১৯২১) পঞ্চাঙ্ক ঐতিহাসিক নাটক। নাটকখানিতে ঔরঙ্গজীবের, ১৬৭৮ খ্রি: হইতে ১৬৮০ খ্রি: পর্যন্ত—এই দুই বৎসরের রাজনৈতিক জীবনকে ভিত্তিরূপে গ্রহণ করা হইয়াছে। ইহার উপর রূপকুমারী কাহিনী, ভীমসিংহ, জয়সিংহ-কাহিনী এবং উদ্ভিদ ' কাহিনী মিশাইয়া নাট্যকাহিনীর কাঠামো গঠন করা হইয়াছে। কেন্দ্রীয় চরিত্র আলমগীর এখানে নিম্নলিখিত স্বন্দেব সম্মুখীন :—

(১) পারিবারিক স্বন্দেব ক্ষেত্রে প্রতিযোগী—উহারাই মোহিনী প্রেমসী উদ্ভিদপুত্রী (২) রাজনৈতিকক্ষেত্রে প্রতিদ্বন্দ্বী—রাজপুত-গৌরব মহারাণা রাজসিংহ (৩) অস্ত্রের ক্ষেত্রে প্রতিদ্বন্দ্বিতায় নিযুক্ত আলমগীর সত্তা এবং ভিতরকার মানব-সত্তা (দেবদূত)। সমস্ত ক্ষেত্রেই আলমগীর পর্য্যদন্ত হওয়া সত্ত্বেও নাট্যকার আলমগীরকে “অপরাজেয়” রূপে দাঁড় করাইতে চাহিয়াছেন। এই দিক দিয়া নাটকখানি ট্রাজি-কমেডির পরিণতি লাভ করিয়াছে। কল্পনাতিরেক এবং গঠনগত দোষ ত্রুটি থাকি সত্ত্বেও নাটকখানির মঞ্চ সাফল্য উল্লেখযোগ্য।

বিশেষতঃ নাট্যাচাৰ্য্য শ্ৰীশিৱকুমাৰ ভাৰুড়ী মহাশয়ের আভনয়ে নাটকখানির খ্যাতি সুপ্ৰতিষ্ঠিত কৰিয়া দিয়াছে।

(৪২) **রক্তেশ্বরের মন্দিরে** (১৮ ডিসেম্বর, ১৯২২) তিনাঙ্ক সামাজিক-কল্প নাটক। শিৱাত্তিৰ পটভূমিতে বীরনগরের জমিদার পুত্র বীর “রক্তেশ্বর” এবং রায় নগরেব ভূম্যধিকাৰী ৰাজা কৃতিবাসের ভগিনীপতি মথুর মোহনের কন্যা—“সুৰমা”র ৰোমাণ্টিক প্ৰেম কাহিনী ও মিলন—তৎসহ—(১) ইংরেজী শিক্ষিত মেয়েলি স্বভাব পুৰুষ ‘রমণীচরণ ধলৈ’র—এবং ‘কাপুড়ে সভাতা’র সমালোচনা।

(২) মন্দির প্ৰবেশে জাতি ভেদ কুসংস্কারের নিন্দা—“যদি জাত হিসাব করে মন্দিরে ঢুকতে হয়, তা হ’লে বুঝবো, হয় সে জডের জড পাথর, নয় সে ধনীৰ খোসামুদ করা দেবতা।”

(৪৩) **বিদূরথ** (১০ মার্চ, ১৯২৩) পঞ্চাঙ্ক বৌদ্ধমাহাত্ম্য-মূলক নাটক—যদিও নাট্যকাৰ লিখিয়াছেন—“বুদ্ধের উপাখ্যানে নাগপতি কন্যা চিত্র ও বিদূরথের কাহিনী পালি গ্ৰন্থে পাওয়া যায়। সেই উপাখ্যানের ঐতিহাসিক অংশের উপর ভিত্তি কৰিয়া এই নাটক রচিত হইল”—তবু ইহাকে প্ৰকৃতপক্ষে ঐতিহাসিক নাটক বলা চলে না, বরং এই কথাই বলা চলে যে সমগ্ৰ নাটকের মধ্যে একটা পৌৰাণিক নাটক-স্বলভ অতিপ্ৰাকৃত আবহাওয়া বৰ্দ্ধমান।

(৪৪) **গোলকুণ্ডা** (২০ সেপ্টেম্বর, ১৯১৫) ইতিহাসের মলাটের মধ্যে প্ৰেমের উপাখ্যান—ঔরঞ্জীবের গোলকুণ্ডা জয়ের ঐতিহাসিক ঘটনার ভিত্তির উপর, ঔরঞ্জীব পুত্র মহম্মদের সহিত গোলকুণ্ডার সুলতান কুতবসা’র জ্যেষ্ঠা কন্যা মণিঞ্জার বিবাহের কাহিনী—শেষদিকে, অস্ত্রবল এবং অহিংসা ও সত্যবলের দ্বন্দ্ব সত্যের জয়ঘোষণা করা হইয়াছে—ঔরঞ্জীব স্বীকার কৰিয়াছেন—“ছলনাঃ নিমিত্ত অস্ত্ৰ দিয়ে সত্যকে ধ্বংস করা যায় না।”

(৪৫) **জয়ন্তী** (২০ ডিসেম্বর, ১৯২৬) তিনাঙ্ক উপকথা-মূলক (উদয়ন-কথা বিষয়ক) নাটক। অবন্তীর-ৰাজা চণ্ডদেবের কন্যা “জয়ন্তী” এবং কোশাধী-ৰাজা উদয়নের প্ৰেম কাহিনী নাটকে উপস্থাপিত—তৎসহ স্থাপিত এই তত্ত্বটুকু—

“মাহুঘী শক্তি দৈবশক্তি অপেক্ষা হীন নয় ; বরং অনেক সময়ে শ্রেষ্ঠ । সেই শ্রেষ্ঠ শক্তির নাম সত্য” : সত্যের চেয়ে বড় অস্ত্র আর কিছুই নাই ।

(৪৬) রাধা-কৃষ্ণ (১২২৬) পঞ্চাঙ্ক পৌরাণিক গীতি-নাট্য । রাধাকৃষ্ণের লীলা (আগ্রহইতে অস্ত্য পর্য্যন্ত) রূপকায়ািত ।

* ৪৭) নরনারায়ণ (অগ্রহায়ণ ১৩৩৩, ইং ১২২৬) পৌরাণিক নাটক । (অভিনীত—১লা ডিসেম্বর ১২২৬) নিয়তি-বিড়ম্বিত পুরুষকার অবতার কর্ণের জীবনের নাট্য রূপ কর্ণের জীবনের মাধ্যমে শ্রীকৃষ্ণের নারায়ণত্ব প্রতিষ্ঠা এই নাটকের অগ্রতম উদ্দেশ্য ।

নাট্যকার ক্ষীরোদপ্রসাদ রচিত উল্লিখিত নাটক-নাট্যসমূহ (৪৭ খানি সম্মুখে রাখিয়া, এ কথা অবশ্যই বলা যায় যে—নাট্যকারের দানের পরিমাণ যথেষ্ট প্রচুর । তবে দানের গুণগত মহিমার হিসাব করিতে গিয়া, প্রথমেই যাহা মনে আসে তাহা এই যে সাতচল্লিশখানি নাটক নাট্যকার মধ্যে, চিত্তাকর্ষক বা উল্লেখযোগ্য সৃষ্টির সংখ্যা খুবই কম—আলিবাবা (রঙ্গনাট্য) বঙ্গের প্রতাপ আদিত্য (ঐতিহাসিক), রঘুবীর (কল্প-ঐতিহাসিক) ভীষ্ম, (পৌরাণিক), আলমগীর (ঐতিহাসিক) এবং নরনারায়ণ (পৌরাণিক)—এই কয়েকখানি ছাড়া অগ্রগুলির জীবনীশক্তি এত ক্ষীণ যে ইতিমধ্যেই বিস্মৃত হইতে চলিয়াছে । ইহাদের মধ্যেও বহু অভিনীত প্রতাপআদিত্য, আলমগীর এবং রঘুবীর । (নাট্যাচার্য্য শ্রীশিৱকুমার ভাট্টা মহাশয়ের অমর অভিনয় প্রতিভার স্পর্শে আলমগীর ও রঘুবীর সঞ্জীবিত) ।

এইরূপ হইবার প্রধান কারণ এই যে নাট্যকারের রোমান্স-রহস্য সৃষ্টির প্রবণতা খুব বেশী । এই কারণে কাহিনী-কল্পনা ও চরিত্র সৃষ্টিতে, বাস্তবতার পরিবর্তে, অতিকল্পনা ও উৎকল্পনার মাত্রা এত বেশি পরিমাণে মিশিয়া গিয়াছে, যে সৃষ্টিগুলি মহৎ বা বৃহৎ শিল্পের পর্য্যায়ে পৌঁছিতে পারে নাই । উপকথাশ্রয়ী কাহিনীর কথা ছাড়িয়াই দেওয়া ষাউক । ‘ঐতিহাসিক’ নাটক নামে চিহ্নিত নাটকগুলিও রোমান্স-স্থলভ চমকপ্রদ ঘটনা ও চরিত্র-কল্পনা হইতে মুক্ত হইতে

পারে নাই। ফলে, ঐতিহাসিক নাটকের পক্ষে যে বাস্তবতার গুরুত্ব ও গাভীর্য্য অপরিহার্য্য, তাহার অভাবে নাটকগুলি রোমান্স-জাতীয় রচনায় পরিণত হইয়া গিয়াছে। নাট্যকার জীবনের যে মাধ্যমে ‘জীবন-সমালোচনা’ করিতে চেষ্টা করিয়াছেন, তাহা জীবনের ঐতিহাসিক, পৌরাণিক এবং কাল্পনিক রূপ। (সামাজিক নাটক তিনি লেখেন নাই) কাল্পনিক-কল্প কাহিনীর সাহায্যে এবং আবাস্তবকল্প চরিত্রের মাধ্যমে যে-সকল গুরুত্ব তিনি পরিবেষণ করিতে চাইয়াছেন, বাধনের লঘুত্বে সেই সব ভাব-সঞ্চারের গুরুত্ব অনেক কমিয়া গিয়াছে।

ক্ষীরোদপ্রসাদের নাটকে জীবনের রূপ আছে, জীবন-সমালোচনা আছে, এবং ইতস্ততঃ বড় বড় তত্ত্বের প্রচারও আছে কিন্তু নাই ঘটনা, চরিত্র, ভাব, ভাবনা প্রভৃতি উপাদানের মাত্রাসমতা-জনিত সেই সর্বাবয়বব্যাপী মহাসঙ্গতি বাস্তবিকতার মায়াঘোর—যে মায়াঘোর সৃষ্টির গুরুত্ব ও গাভীর্য্যের জন্য একান্ত-ভাবেই অপেক্ষিত। এমন কি ক্ষীরোদপ্রসাদের সর্ব প্রণসিত ‘আলমগীর’—নাটকও, উল্লিখিত সঙ্গতি বহুস্থলে ব্যাহত হইয়াছে। এই জাতীয় ব্যাঘাতের ফলে সাধরণীকৃতির ‘মাত্রা তথা রসনিষ্পত্তির মাত্রাও কমিয়া যাইতে বাধ্য। ‘কাহিনী-রস’ অর্থাৎ ঘটনা-কৌতূহলের প্রতি অধিক মাত্রায় কোঁক থাকায়, ‘ক্ষীরোদপ্রসাদের কাহিনী-কল্প-। রোমাঞ্চ-স্তলভ হইয়াছে।’

তারপর চরিত্র সৃষ্টির কথা। ৪৭ খানি নাটকে বহুসংখ্যক পাত্র-পাত্রী আছে বটে, ‘চরিত্র সৃষ্টি’ বলিতে বিশেষভাবে যে বাস্তবকল্প রূপাদর্শ-রচনা বুঝায়—কায়মনোবাক্যের আচরণের মধ্য দিয়া জীবনের যে রূপ আভিব্যক্ত হয় সেই রূপটিকে যথাযথভাবে ব্যক্তি-দর্পনে প্রতিফলিত করা বুঝায়, সেইরূপ ‘চরিত্র-সৃষ্টি’ ক্ষীরোদপ্রসাদের নাটকে খুব বেশী নাই। বাহ্য-আবেষ্টনীর সহিত দ্বন্দ্ব—ইংরেজীতে বাহাকে ‘physical conflict’ বলা হয়, তাহা আছে, —কারণ তাহা না থাকিলেই নয়, কিন্তু গভীর ও তীব্র অন্তর্দ্বন্দ্ব—খুব কম চরিত্রেই আছে। ভীষ্মে ‘ভীষ্ম’, নরনারায়ণে ‘কর্ণ’, রঘুবীরে ‘রঘুবীর’,

অলমগীরে ‘আলমগীর’, এইরূপ কয়েকটি চরিত্র ছাড়া অন্তর্দ্বন্দ্ব-গভীর চরিত্র নাই বলিলেও চলে, আর যদিও বা হ’একটি চরিত্রে, যেমন আহেরিয়ায় ‘কেতু’তে, মিডিয়ায় ‘মিডিয়া’তে—দ্বন্দ্বের অস্তিত্ব লক্ষ্য করা যায় সেখানে কাল্পনিকতার সংস্পর্শে দ্বন্দ্বের তীব্রতা শিথিল হইয়া গিয়াছে; দ্বন্দ্ব চিত্তকে আকর্ষণ করিতে পারে না। রঘুবীর চরিত্রে রক্তের সংস্কারের সঙ্গে শিক্ষাদীক্ষার সংস্কারের দ্বন্দ্ব পরিকল্পিত, আলমগীর চরিত্রে অবচেতন ও চেতন মনের ক্রিয়া-প্রতিক্রিয়ায় জটিল ব্যক্তিত্বের দ্বন্দ্ব উপস্থাপিত হইয়াছে, ভীষ্মের চরিত্রেও প্রাক্তন বা নিজ্ঞানের সহিত সংজ্ঞান মনের দ্বন্দ্বের রূপ ফুটিয়া উঠিয়াছে, কর্ণের চরিত্রে ধর্মবোধ ও হৃদয়ধর্মের দ্বন্দ্বের রূপ অভিব্যক্ত করিতে চেষ্টা করা হইয়াছে উল্লিখিত চরিত্রগুলি চরিত্র সৃষ্টি নৈপুণ্যের বিচারে প্রতিনিধিত্বান্বীত এবং বিশেষভাবে উল্লেখযোগ্য।

ক্ষীরোদপ্রসাদের বাকশক্তির দৈন্ত্য তেমন নাই। সঙ্গে আছে কবিত্বমোহ স্বতরাং কবিত্ব প্রকাশের স্বযোগ তিনি একটাও হারান নাই। বরং অনেক-স্থলে কবিত্বের আতিশয্য মাত্রাবোধের দৈন্ত্যই সূচিত করিয়াছে। রচনা-শক্তির দৃষ্টান্ত তুলিয়া দেওয়ার অবকাশ এখানে নাই। (নাটক-সমূহ দ্রষ্টব্য)

এইসব দোষ সত্ত্বেও, ক্ষীরোদপ্রসাদের নাটক—গ্ল্যান্স ভাবনাদেশ-বাসীর মনের ঘরে পৌছাইয়া দিয়াছে। দেশপ্রেম জাগ্রত করিয়া, দেশোদ্ধার করিবার প্রেরণা যোগাইয়া, সত্য-প্রেম-করণা ধর্মকে পশুবলের উপরে স্থান করিয়া দিয়া এবং মহুশ্যদের মহিমাকে সাম্প্রদায়িক সংকীর্ণ গভীর উদ্বেগ তুলিয়া ধরিয়া নাট্যকার ক্ষীরোদপ্রসাদের নাটকরাজি, জাতির জীবনের অগ্রগতিকে বিশেষভাবে সাহায্য করিয়াছে। রূপের ও রসের গৌরব কম থাকিলেও ক্ষীরোদপ্রসাদের রচনার ভাব-গৌরব প্রসংশনীয়।

কর্ণের কাহিনী

ব্যাসকৃত মহাভারতে কর্ণ

আদিপর্বে:—১১১ অধ্যায় (কুন্তীচরিত, কৌমাৰ্য্যাবস্থায় কর্ণোৎপত্তি)

১০২ „ (দ্রোণসমীপে পাণ্ডব ও ধার্ত্তরাষ্ট্রদিগের অস্ত্রশিক্ষা)

১০৬ „ (বৃদ্ধভূমিতে কর্ণের প্রবেশ)

১০৭ „ (অঙ্গরাজ্যে অভিষেক)

১৮৭ „ (দ্রৌপদীর স্বয়ম্বর)

১২০ „ (অৰ্জ্জুনের সহিত কর্ণের যুদ্ধ)

সভাপর্বে:— ৩৩ অধ্যায় (রাজন্যূষজ্ঞে কর্ণের নিমন্ত্রণ)

৬৩ „ (দ্যুতক্রীড়া)

৬৬ „ (বিকর্ণের প্রতিবাদে কর্ণের প্রতিক্রিয়া)

৬২ „ (দ্রৌপদীর প্রতি শ্লেষোক্তি)

৭০ „ (পাণ্ডবগণের প্রতি শ্লেষোক্তি)

বনপর্বে:— ১৪৬ „ (ঘোষণাত্মক পৰ্ব্বাধ্যায়)

১৪৮ „ („)

১৪২ „ („)

১৫২ „ (কর্ণের দিগ্বিজয়)

২২২ „ (কুণ্ডলাহরণ পৰ্ব্বাধ্যায়)

বিরাটপর্বে:—২৬ অধ্যায় (কর্ণের মন্ত্রণা)

৩০ „ („)

৬২ „ (গোহরণ পৰ্ব্বাধ্যায়)

৪৮ „ (কর্ণের আত্মজ্ঞাঘা)

৫৪ „ (অৰ্জুনের সহিত যুদ্ধে কর্ণের পলায়ন)

৫৯ „ (পুনর্বীর যুদ্ধ)

৬০ „ (কর্ণের পলায়ন)

উভোগপর্বে :— ৬১ অধ্যায় (বানসন্ধি পরীক্ষায়)

* [ভগবদ্‌যান পরীক্ষায়—৭২—১৪২]

১৪০ অধ্যায়—ভগবদ্‌যান পরীক্ষায়

(কর্ণ-কৃষ্ণ)

১৪৩ অধ্যায়

১৪৪ „ { (কর্ণ-কুন্তী)

ভীষ্মপর্বে :— ১২৪ অধ্যায় (ভীষ্ম-কর্ণ সাক্ষাৎকার)

জোগপর্বে :— ২য় অধ্যায় (কর্ণ-নির্ধান)

৪০ „ { (অভিমহ্যুর সহিত যুদ্ধ)

৪১ „

৪৭ „ { (অভিমহ্য-বধ)

৪৮ „

১৩২ „

১৩৩ „

১৩৪ „

১৩৫ „

(ভীষ্ম-কর্ণ)

১৪৫ অধ্যায় (জয়দ্রথবধের আগে দুর্যোধন-কর্ণ)

১৫২ „ („)

১৫৮ „ (ঘটোটকচ-বধ)

১৫৯ „ (কর্ণ-কৃষ্ণ-অশ্বখামা)

কর্ণপর্বে :— ২২ অধ্যায়

৩২ „ (শল্যের সারথ্য)

৩৭ „ (কর্ণ-শল্য)

৪০-৪৭	অধ্যায়	{ (কর্ণ-শল্য)
৮১	"	
৯১	"	
৯২—(কর্ণবধ)		
৯৭—		

দ্বীপর্বে—২৭ অধ্যায়—কুন্তীকর্তৃক কর্ণের জন্মবৃত্তান্ত কথন)

শান্তিপর্বে:—(১-৭) অধ্যায়	{	নারদেব নিকট যুধিষ্ঠিরের কর্ণের জন্মবৃত্তান্ত জ্ঞাপন
		কর্ণের জীবনে অভিশাপ
		কর্ণের অস্ত্র প্রাপ্তি
		কর্ণের পরাক্রম প্রকাশ

সংক্ষিপ্ত পরিচয় :

কর্ণের জন্ম
আদি কন—পর্ব ১১১
উত্তোগ—১৪০
দ্বীপর্বে—১৪৩
শান্তি—১০

যদুবংশাবতংস শূবের কন্যা পৃথা; পূর্ব প্রতিজ্ঞা অনুসারে শূর নিঃসন্তান পিতৃহত্যা পুত্র কুন্তীভোজকে প্রথম সন্তান পৃথাকে দান করেন। কুন্তীভোজপালিতা পৃথার নাম হয়—‘কুন্তী’। মহর্ষি দ্রুপদা একদিন কুন্তীভোজের গৃহে আতিথ্য স্বীকার করেন, কুন্তী পরিচয়্যা দ্বারা দ্রুপদাকে তুষ্ট করেন এবং তুষ্ট হইয়া দ্রুপদা কুন্তীকে একটি মহামন্ত্র দেন—‘এই মন্ত্র পাঠ করিয়া যে যে দেবতাকে আহ্বান করিবে, তাঁহাদের প্রভাববলে তোমার গর্ভে এক পুত্র হইবে’। বালিকা কুন্তী কৌতুহল বশে সূর্য্যকে আহ্বান করেন। ‘সূর্য্যদেবের সহযোগে কুন্তী গর্ভবতী হইলেন এবং তৎক্ষণাৎ সর্বশাস্ত্রবেত্তা কবচ কুণ্ডলধারী.....এক পুত্র সন্তান প্রসব করিলেন,....ভগবান সূর্য্যদেব তুষ্ট হইয়া পুনর্বার কুন্তীকে কন্যাও প্রদান করিয়া অশ্রুতলে আরোহণ করিলেন।’ কুন্তী কিংকর্তব্যবিমূঢ় হইয়া, লজ্জাভয়ে সন্তোজাত শিশুকে জলে নিক্ষেপ

করেন। রাধাভর্তা অধিরথ ভাসমান শিশুকে তুলিয়া লইয়া গৃহ আনয়ন করেন এবং নামকরণ করেন—“বসুধেণ।” [বনপর্বের বিবরণ :—

কুন্তী ধাত্বীর সহিত ময়ূষণা করিয়া মধুচ্ছিষ্টবিলিপ্ত অতি বিস্তীর্ণ ও আচ্ছাদনসম্পন্ন এক মঞ্জুষামধ্যে সেই পুত্রকে স্থাপন পূর্বক রোদন করিতে করিতে ‘অশ্বনদীতে নিক্ষেপ করিলেন এবং কল্কাকালে গর্ভধারণ অতিগর্হিত কর্ম জানিয়াও পুত্রস্নেহে নিতাস্ত কাতর... এদিকে মঞ্জুষা অশ্ব নদী... হইতে স্বর্গস্থতী শ্রোতস্থতীতে উপস্থিত হইল; পরে যমুনা ও যমুনা হইতে ভাগীরথীতে গমন করিল ..]

অগ্রশিক্ষা “কর্ণ বালাকালে স্মৃতপুত্র প্রাপ্ত হইয়া মহাত্মা দ্রোণের নিকট ধনুর্বেদ শিক্ষা করেন।” “ঐ মহাবীর, ভীমসেন ও অর্জুনের পরাক্রম (তোমার) বুদ্ধি, নীল ও সহদেবের বিনয়, বাসুদেবের সহিত ধনঞ্জয়ের সখ্যভাব এবং তোমাদিগের প্রতি প্রজাগণের অনুভাগ চিন্তা করিয়া নিরন্তর মনে মনে দগ্ধ হইতেন এবং সেই নিমিত্তই বালাকালে রাজা দ্রুপদনের সহিত সৌহার্দ্য সংস্থাপন কবিষাছিলেন” (ভীষ্মের উক্তি)। মহাবীর ধনঞ্জয়ে ধনুর্বেদে অপেক্ষাকৃত নিপুণ নিরীক্ষণ করিয়া একদা নির্জনে দ্রোণাচার্য্য নিকট গমনপূর্বক কহিলেন, গুরো! আপনি আমারে মন্ত্রসমবেত ব্রাহ্মণ প্রদান করুন। অর্জুনের তুলা যোদ্ধা হইতে আমার বড়ই অভিলাষ হইয়াছে।.....দ্রোণাচার্য্য কহিলেন—কর্ণ। নিত্য ব্রাহ্মণী ব্রাহ্মণ বা তপস্বী ক্ষত্রিয় ইহারা ই ব্রাহ্মণ জাত হইতে পারে, অগ্নি কাহারও অধিকার নাই।” (শান্তিপর্ব)

প্রত্যাখ্যাত হইয়া কর্ণ মহেন্দ্র পর্বতে পরশুরামের নিকট গমন করেন এবং প্রণাম করিয়া, নিজের পারচয় গোপন করিয়া, নিজেকে ভৃগুকুলোদ্ভব ব্রাহ্মণ বলিয়া পরিচয় দেন। পরশুরাম কর্ণকে ব্রাহ্মণ বলিয়া শিষ্যত্বে গ্রহণ করেন এবং শিক্ষা-দান করেন।

এখন
অভিলাপ
ব্রাহ্মণের
পোষক-জনিত

কর্ণ “আশ্রমের অতি দূরবর্তী সমুদ্রতীরে স্বচ্ছাক্রমে শর-
নিক্ষেপ করত একাকী পরিত্রমণ করিতেছিলেন, দৈবাৎ
তাহার শরাঘাতে এক ব্রহ্মবাদী অগ্নিহোত্ররক্ষক ব্রাহ্মণের
হোমধেহু বিনষ্ট হইল। মহাত্মা কর্ণব্রাহ্মণের নিকট
গমন পূর্বক বিনয় সহকারে.....কহিলেন—“ভগবান্! আমি মোহ বশত
আপনার হোমধেহু বিনষ্ট করিয়াছি। আপনি ক্ষমস্ব হইয়া আমার অপরাধ
মার্জনা করুন।” দ্বিজবর কোপাবিষ্ট হইয়া অভিলাপ দেন—“হরাসার!
তুমি আমার বধাহ! তোমারে অবশ্যই এই দুর্কর্মের ফল ভোগ করিতে
হইবে। তুমি যাহার সহিত নিয়ত স্পর্ধা করিয়া থাক এবং যাহারে
পরাজয় করিবার নিমিত্ত সবিশেষ চেষ্টা করিতেছ তাহারই সহিত
যুদ্ধ করিবার সময় পৃথিবী তোমার রথচক্র গ্রাস করিবেন। চক্র
ভূগর্ভে প্রবিষ্ট হইলে বিপক্ষ তোমার মস্তক ছেদন করিবে।” কর্ণ বিবিধ রত্ন
ও গোদান দ্বারা ব্রাহ্মণকে পরিতুষ্ট করিতে চেষ্টা করেন কিন্তু কোন ফলই হয়

দ্বিতীয়
অভিলাপ
পরশুরামের

না। এদিকে পরশুরাম কর্ণকে সমস্ত ব্রহ্মস্ব শিক্ষা করান।
কর্ণও অধ্যবসায় ও নিষ্ঠার সঙ্গে ধনুর্বেদ আলোচনায়
মগ্ন থাকেন। “একদা উপবাসক্লিষ্ট পরশুরাম আশ্রমের
(শান্তি-পর্ক) সন্নিধানে কর্ণের সহিত ভ্রমণ করিতে করিতে নিতান্ত
পরিশ্রান্ত হইয়া সূতপুত্রের ক্রোড়ে মস্তক সংস্থাপন পূর্বক বিশ্বস্তচিত্তে নিদ্রাগত
হইলেন। ঐ সময় এক.....মেঘমাংস লোলূপ দারুণ কীট কর্ণসমীপে সমুপস্থিত
হইয়া তাঁহার উরুদেশ ভেদ করিতে লাগিল। মশাবীর কর্ণ পাছে গুরুর নিজ
ভক্ষ হয় এই ভয়ে সেই কীটকে দূরে নিক্ষেপ বা বিনাশ করিতে পারিলেন না...
...দারুণ বেদনা সহ করিয়া কম্পিত দেহে গুরুকে ধারণ করিতে লাগিলেন।
.....কর্ণের উরু হইতে কথির বিনির্গত হইয়া পরশুরামের গাত্রে সংলগ্ন হওয়াতে
তাহার নিদ্রাভঙ্গ হইল.....জমদগ্নিজনয় ক্রোধাবিষ্টচিত্তে কর্ণকে কহিলেন—
হে মুঢ়! তুমি কীটদংশনে যে কষ্ট সহ করিয়াছ ব্রাহ্মণে কখনই সেরূপ কষ্ট

সহ্য করিতে পারে না। ক্ষত্রিয়ের জায় তোমার সহিষ্ণুতা দেখিতেছি, অতএব অচিরে আমার নিকট সত্য পরিচয় প্রদান কর। তখন কর্ণ ভীত হইয়া.....কহিলেন—ব্রাহ্মণ! আমি সূতপুত্র, সূতনন্দিনী রাধা আমার মাতা। আমার নাম কর্ণ।.....বেদবিদ্যাপ্রদ গুরু পিতার তুল্য এই নিমিত্ত আপনার নিকট আমি ভূগুবংশ সম্বৃত বলিয়া আশ্রয়-পরিচয় প্রদান করিয়াছিলাম। মহাবীর কর্ণ এই বলিয়াভূতলে পতিত হইলেন। তখন পরশুরাম কর্ণকে ক্রোধভরে... ..কহিলেন * ‘সূতপুত্র! তুমি অস্ত্রলোভে আমার নিকট মিথ্যাকথা কহিয়াছ, অতএব এই ব্রহ্মাস্ত্র তোমার বিনাশ-কালে না সম্মত সময়ে স্মৃতি পাইবে না। এস্থান হইতে ষাট ইচ্ছা হয় গমন কর ॥”

* [কানীনন্দ এবং এই দুই ব্রহ্মণ্যপ লইয়া কর্ণের জীবনান্ত]

পরশুরামের নিকট অভিগন্ত হইয়া কর্ণ দুর্ঘোষধনের কাছে ফিরিয়া আসেন এবং দুর্ঘোষধনের মন্ত্রণাদাতা হইয়া স্থখে কালযাপন করেন। কিছুদিন পরে কলিঙ্গ দেশের রাজা চিত্রাঙ্গদেবের কন্যার স্বয়ম্বর সভায় যোগদান করেন এবং এলপূর্বক কন্যা গ্রহণ করিয়া, দুর্ঘোষধনকে দান করেন ॥ তারপর যমদ-দেশাধিপতি জরাসন্ধের সহিত যুদ্ধ হয় ॥ জরাসন্ধ পরাজিত হইয়া, কর্ণকে মালিনী নগরী প্রদান করেন।

জন্মই যে কর্ণের জীবনের বড় অভিগাম—প্রথম তাহার দ্রৌপদীর প্রমাণ পাওয়া যায়—অস্ত্র পরীক্ষা-সভায় রূপ যখন কর্ণের পরিচয় জিজ্ঞাসা করেন। দ্বিতীয় প্রমাণ পাওয়া যায়—স্বয়ম্বর সভায়, যখন—“দ্রৌপদী কর্ণের ব্যবসায় দর্শনে মুক্তকণ্ঠে কহিলেন—আমি সূতপুত্রকে বরণ করিব না”। দ্রৌপদীর বাক্য শুনিয়া “কর্ণ সামর্থ্যহান্তে সূর্য্য সন্দর্শন পূর্বক শরাসন পরিত্যাগ করিলেন।” এখানেই অর্জুনের সঞ্চিত কর্ণের একবার শক্তিপরীক্ষা হয়—তবে, কর্ণ “অর্জুনে, হর্ষজ্বল ব্রহ্মতেজ স্বীকার পূর্বক তৎক্ষণাৎ যুদ্ধে পরাজিত হইলেন।”

সভাপর্বে
কর্ণ

সভাপর্বের জীবনই কর্ণের জীবনের কলঙ্কময় অধ্যায়।
ধৃতরাষ্ট্রতনয় বিকর্ণ জ্যোপদীকে ‘অজিত’ প্রমাণ করিবার
উদ্দেশ্যে সভায় ধৈর্য বহুত। দেন তাহার উত্তর দিতে উঠিয়া কর্ণ যে সকল কথা বলেন
তাঁহা যে কোন মহাত্মার পক্ষেই অসম্ভব—কর্ণ বলেন—“..... দেবতারা
জ্যৈষ্ঠাদিগের একমাত্র ভর্তাই বিধান করিয়াছেন, জ্যোপদী সেই বিধি অতিক্রম
করিয়া অনেক ভর্তার বশবর্তিনী হইয়াছে, তখন ইনি বারম্বার, তাহার সন্দেহ
নাই।

সুতরাং বেশীকৈ সভামধ্যে আনয়ন বা বিবসন করা আশ্চর্যের বিষয় নহে।
জ্যোপদীকে সম্বোধন করিয়া কর্ণ বলিয়াছেন... দাসের পত্নী ও তাঁহার সমুদায়
ধন প্রভুর অধীন। এক্ষণে আমার অনুমতিক্রমে তুমি রাজত্ববনে প্রবেশপূর্বক
রাজপরিবারে অহুগত হও। হে রাজপুত্রি! এখন ধৃতরাষ্ট্রনন্দনগণই তোমার
প্রভু পাণ্ডুনন্দনেরা নহে।... “এ পরাজিত পঞ্চাভাতা তোমার পতি নহেন,”
তারপর—যখন “ঐশ্বর্যমন্ত দুরাশ্রয় দুয়োধন ধর্মরাজকে এইরূপ কহিয়া হাসিতে
হাসিতে জ্যোপদীর প্রতি দৃষ্টিপাত করত বসন উত্তোলনপূর্বক সর্বলক্ষণ সম্পন্ন
বজ্রতুল্য দৃঢ় কদলীদণ্ড ও করিণ্ডের দ্বারা স্বীয় মধ্য উরু তাহাকে দেখাইলেন”
—তখন “কর্ণ হস্ত করিতে লাগিলেন।”

বনপর্বে
কর্ণ

পাণ্ডবদিগকে বনে পাঠাইয়াও, শকুনি ও কর্ণের গায়ের
জালা প্রশমিত হয় না। দুর্যোধনকে প্ররোচনা দিয়া
তাঁহার “ঘোষবাভা”র আয়োজন করেন; দুর্যোধনের ঐশ্বর্য দেখাইয়া পাণ্ডব
দিগের মনে দুঃখ দেওয়ার পরিকল্পনা করেন। একদিন যুগ্ম করিতে করিতে
তাঁহারা দৈবত্ববনে উপস্থিত হন এবং সেখানে ঘটনাক্রমে গন্ধর্বরাজ চিত্রসেনের
সহিত তাহাদের সংঘর্ষ উপস্থিত হয়। কর্ণ বীরত্ব সহকারে যুদ্ধ করেন বটে
কিন্তু শেষ পর্যন্ত পরাস্ত করিয়া প্রাণ বাঁচান। দুর্যোধন অসমসাহসিকতা
দেখাইতে গিয়া সপরিবার বন্দী হন এবং শেষে পাণ্ডবদের দয়ায় মুক্ত হন।
এই মুক্তি দুর্যোধনের পক্ষে যত্নের অধিক। আত্মগানিতে তিনি প্রায়োগবেশন

করিয়া, জীবন ত্যাগ করিতে সঙ্কল্প করেন। কর্ণ তাঁহাকে অনেক ভাবে প্রবোধ দিতে চেষ্টা করেন। কর্ণ-দুঃশাসন-শকুনির সনির্বন্ধ অহুরোধে দুঃখোদন সঙ্কল্প ত্যাগ করিয়া রাজধানীতে প্রত্যাবর্তন করেন।

কর্ণের ইহার পর কর্ণ দিগ্বিজয়ে বহির্গত হন এবং সমগ্র ভারত-
দিগ্বিজয় বর্ষের পূর্ব-পশ্চিম, উত্তর দক্ষিণ সমস্ত দিগবর্তী রাজাদিগকে পরাজিত ও করপ্রদ করেন।

বিরাটপর্বে পাণ্ডবদের অজ্ঞাতবাস-সময়ে, দ্বিগর্তরাজ সুশর্মা পূর্ব
কর্ণ পরাজয়ের প্রতিশোধ গ্রহণ করিবার জন্য, বিরাট রাজ্য আক্রমণের মন্তব্য প্রকাশ করিলে, কর্ণ তাহা সমর্থন করেন এবং সকলে মিলিয়া বিরাটের গো-ধন আক্রমণ করেন। এই সংঘর্ষেই বৃহন্নলাকৃপী অর্জুনের সহিত কর্ণের আর একবার সম্মুখ সমর হয়। কর্ণ স্বভাব-স্থলভ বাগদর্প প্রকাশ করেন যথেষ্ট। কৃপাচার্যের ও শশনামার সঙ্গে বেশ খানিকটা বাগযুদ্ধও হয়। কিন্তু যুদ্ধকালে—ঘোরতর যুদ্ধের পরে—‘গজ যেমন অল্প গজ কড়ক পরাজিত হইলে পলায়ন করেন তদ্রূপ তিনি তখন অশনিমন্নিভ শর গ্রহাণে নিতান্ত ব্যথিত হইয়া বণ পরিত্যাগপূর্বক পলায়ন করিলেন।’

উদ্যোগপর্বে :—ধৃতরাষ্ট্র প্রেরিত সঞ্জয় পাণ্ডবদের সংবাদ বহন করিয়া হস্তিনানগরে প্রত্যাবর্তন করিলে ধৃতরাষ্ট্র পাণ্ডবরা কে কি বলিয়াছেন, তাহা জিজ্ঞাসা করেন। সঞ্জয় একে একে সকলের কথাই জ্ঞাপন করেন। রাজা ধৃতরাষ্ট্র সঞ্জয়কে যুধিষ্ঠিরের কথা জিজ্ঞাসা করিতেছেন এমন সময় কর্ণ আত্ম-জ্ঞাঘায় মুগ্ধ হইয়া উঠেন—পরশুরামের প্রসাদে তিনি এক নিমেষেই সব জয় করিবেন—এমন স্পর্দ্ধাও প্রকাশ করেন। ভীষ্ম কর্ণের দম্ব সঙ্ক করিতে না পারিয়া বলেন—“হে কালহতবুদ্ধি কর্ণ। তুমি কেন আত্মজ্ঞাঘা করিতেছে?মহাত্মা মহেন্দ্র তোমাতে যে শক্তি প্রদান করিয়াছেন তুমি তাহা সমগ্র সময়ে বাহুদেবের চক্রে প্রতিহত, বিনীর্ণ ও ভস্মীভূত অলোকন করিবে.....।” ভীষ্মের তীব্র ভৎসনার বাক্য শুনিয়া কর্ণ ক্ষুব্ধ হন এবং প্রতিজ্ঞা করেন

কর্ণের *“আমি এই শস্ত্র পরিত্যাগ করিলাম ; আপনি আমাকে
অস্ত্র-তাগ আর কদাপি যুদ্ধে বা সভামধ্যে দেখিতে পাইবেন না ;
আপনি মানবলীলা সংবরণ করিলে পর ভূমিপালগণ আমার প্রভাব অবলোকন
করিবেন ।” কর্ণ এই কথা বলিয়া তৎক্ষণাৎ সভা ত্যাগ করেন ।

ভগবদ্দান যুদ্ধ আসন্ন বুঝিয়াও শ্রীকৃষ্ণ শাস্তি স্থাপনের উদ্দেশ্যে কুরু
পর্য্যায় সভায় আগমন করেন । শাস্তির কথায় কর্ণপাত না করিয়া
কর্ণ দুর্মতি দুঃখোদন শ্রীকৃষ্ণকে বন্ধন করিতে উদ্যোগ
করেন । শ্রীকৃষ্ণ “বিশ্বরূপ” প্রদর্শন করিয়া সকলকে স্তম্ভিত করিয়া দেন ।
এই সভা হইতে ফিরিবার সময় মহাত্মা বাসুদেব কর্ণকে আপনাব রথে আরোহন
করাইয়া বাহিরে লইয়া যান এবং তাহাকে তাঁহার জন্মরহস্য শুনাইয়া পাণ্ডব-ক্ষে-
ষোগদান করিতে আহ্বান জানান । বাসুদেব কর্ণকে বলেন—“হে বাধেয ।
তুমি সনাতন বেদবাক্য অবগত হইয়াছ এবং অতি সূক্ষ্ম ধর্মশাস্ত্রেও তোমার
নিষ্ঠা জন্মিয়াছে । শাস্ত্রজ্ঞরা কহেন, যিনি যে কল্পার পাণি গ্রহণ করেন, তিনি
সেই কল্পার কানীন ও সহোচ পুত্রের পিতা । হে কর্ণ তুমিও তোমার জন্মনার
কল্পকাবস্থায় সমুৎপন্ন হইয়াছ । তন্নিমিত্ত তুমি ধর্মত পাণ্ডুর পুত্র, অতএব চল
ধর্মশাস্ত্রের বিরুদ্ধেও, তুমি রাজ্যেশ্বর হইবে ।” শ্রীকৃষ্ণ কর্ণকে আরো অনেক
কিছুর লোভ দেখান এবং পাণ্ডাগণের সহিত মিলিত হইবার জন্ম অমুরোধ
করেন ।

শ্রীকৃষ্ণের অমুরোধের উত্তরে কর্ণ বলেন—“হে কৃষ্ণ তুমি সৌহৃদ্য, প্রণয়,
সখ্য বা হিতৈষিতাবশত ধর্মশাস্ত্রের বিরুদ্ধে যাহা মনে করিতেছ, তাহা আমি
নিশ্চয় অবগত হইলাম এবং আমি যে ধর্ম্মানুসারে পাণ্ডুর পুত্র তাহারও সন্দেহ
নাই ।.....কিন্তু কুন্তী আমাকে অমঙ্গল উদ্দেশ্যেই পরিত্যাগ করিয়াছিলেন ।
অনন্তর সারথি দ্রুপদ আমাকে দর্শন করিবারাজ গৃহে আনয়ন করিয়া...রাধার
হস্তে সমর্পণ করিলেন, আমার প্রতি স্নেহবশত তৎক্ষণাৎ রাধার স্তনে ক্ষীর সঞ্চার
হইল । তিনি আমার মূত্র ও পুরীষ পরিকার করিতে লাগিলেন । অতএব

মাদৃশ ধর্মজ্ঞ ব্যক্তি কি প্রকারে তাঁহার পিণ্ডলোপ করিবে।.....অথও ভূমণ্ডল বা রাশীকৃত স্বর্ণের বিনিময়ে হর্ষ বা ভয়ে এই সকল অণুখা করিতে আমার সামর্থ্য নাই।” কর্ণ আরো বলেন—দুর্যোধনের আশ্রয়ে ত্রয়োদশ বৎসর তিনি রাজ্য ভোগ করিতেছেন—স্বতন্ত্রাতির সহিত বহুবার যজ্ঞাচ্ছাদন করিয়াছেন—স্বতন্ত্রাতির সহিত বিবাহাদি ক্রিয়াকলাপ নিব্বাহ করিয়াছেন, দুর্যোধন তাঁহারই ভরণায় যুদ্ধের উত্তোগ করিয়াছেন, স্বতরাং “বধ বন্ধন, ভয় বা লোভ-বশত ধোমান দুর্যোধনের সহিত মিথ্যা ব্যবহার করিতে” তিনি পারিবেন না। তুমি যে আমার জন্মবৃত্তান্ত যুধিষ্ঠিরের নিকট গোপন করিয়া রাখিয়াছ, ইহা আমি হিতকর বলিয়া অঙ্গীকার করিতেছি। জিতেন্দ্রিয় ধর্মাত্মা যুধিষ্ঠির আমাকে কুন্তীর প্রথমজাত পুত্র বলিয়া জানিতে পারিলে রাজ্য গ্রহণ করিবেন না; আর আমিই যদি সেই স্তবিস্তীর্ণ রাজ্য প্রাপ্ত হই, তাহা হইলে দুর্যোধনকেই প্রদান করিব, অতএব ধর্মাত্মা যুধিষ্ঠিরই রাজ্যোখর হইয়া থাকুন।”... ..

“হে কৃষ্ণ! আমি দুর্যোধনের প্রীতির নিমিত্ত, পাণ্ডবগণকে অনেক কটুবাক্য কহিয়াছি, এক্ষণে সেই অপকর্মনিবন্ধন অনুতাপ হইতেছে।

“হে মধুসূদন! তুমি আমাকে অবগত হইয়াও কি মুগ্ধ করিতে ও ভীলাষ করিতেছে? এই যে পৃথিবীর প্রলয়দশা উপস্থিত হইয়াছে, আমি, শকুনি, দুঃশাসন, দুর্যোধন এই চারিজন ইহার কারণ।.....ভূরি ভূরি দুঃস্বপ্ন, ঘোরতর দুর্নিমিত্ত ও নিদারুণ লোমহর্ষণ উৎপাত সকল যুধিষ্ঠিরের জয় ও দুর্যোধনের পরাজয় সূচনা করিতেছে।

শ্রীকৃষ্ণের সহিত বাক্যালাপ শেষ হইলে, কর্ণ কেশবকে গাঢ় আলিঙ্গন ও তাঁহার নিকট বিদায় গ্রহণ করিয়া রথ হইতে অবতরণ করেন।

কর্ণের সহিত শ্রীকৃষ্ণের দৌত্য বার্থ্য হইলে, নিদ্র কুন্তীর নিকটে যুদ্ধের কুন্তীর সাক্ষাৎকার ভয়াবহ পরিণাম লইয়া অনেক কথা বলেন। কুন্তীও জ্ঞাতি-যুদ্ধকে কিছুতেই স্বীকার করিয়া লইতে পারেন না; বিশেষতঃ—“বৃথা-

দৃষ্টি মোহান্ববর্তী অনর্থনিরত বলবান ছয়াছা কর্ণ পাপমতি দুৰ্য্যোধনের বশবর্তী হইয়া পাণ্ডবগণকে ঘেষ করে বলিয়া তাহার মন সতত দগ্ধ হয়। কুন্তী সঙ্কর করেন—‘আজি আমি কর্ণের নিকট তাহার জন্মবৃত্তান্ত বর্ণন করিয়া পাণ্ডবগণের প্রতি তাহার মন প্রসন্ন করিবার চেষ্টা করিব।’ গঙ্গাতীরে কুন্তী কর্ণের সহিত দেখা করেন—জন্মবৃত্তান্ত শুনাইয়া পাণ্ডবপক্ষে যোগদানের জন্ত আহ্বানও জানান কিন্তু কর্ণ বলেন—“ক্ষত্রিয়ে। আমি আপনার বাক্যে আস্থা কবি না, আপনার বাক্যাত্মক কাব্য করিলে আমার ধর্মহানি হইবে।* দেখুন আপনা হইতেই আমার জাতিভ্রংশ হইয়াছে; আপনি তৎকালে আমাকে পরিত্যাগ করিয়া নিতান্ত অশশ্রু ও কীর্তিলোপকর কার্যের অহুষ্ঠান করিয়াছেন। আমি ক্ষত্র-কুলে জন্ম গ্রহণ করিয়াছিলাম কিন্তু আপনার নিমিত্তই ক্ষত্রিয়ের ন্যায় সংস্কার প্রাপ্ত হই নাই, অতএব আর কোন শত্রু আপনা অপেক্ষা আমার অধিক অপকার করিবে।…… আপনি পুর্বে মাতার ন্যায় আমার হিত চেষ্টা না করিয়া এক্ষণে স্বকীয় হিতবাসনায় আমারে পুত্র বলিয়া সম্বোধন করিতেছেন।” কর্ণ কুন্তীকে বুঝাই দেন—ধৃতরাষ্ট্র তনয়দের পরিত্যাগ করা অধ্যর্থের কাব্য হইবে, স্তত্রায় তিনি পাণ্ডবপক্ষে যোগদান করিতে পারিবেন না। তবে বলিয়া দেন—“আমি যুধিষ্ঠির, ভীষ্ম, নকুল, সহদেব তোমার এই চারি পুত্রকে সংগ্রামে সংহার করিব না।……কেবল অর্জুনের সহিত আমার সংগ্রাম হইবে…… পঞ্চপুত্র কদাপি বিনষ্ট হইবে না।”...

ভীষ্মপর্বে

ভীষ্মের শরশয্যা পার্শ্বে ভীষ্ম ও কর্ণের শেষ সাক্ষাৎকার

কর্ণ

ঘটে। ভীষ্মকে শরশয্যায় শায়িত দেখিয়া “মহাহত্যাতি কর্ণ

তৎক্ষণাৎ তাহার পদতলে নিপতিত হইয়া অশ্রুপূর্ণ কণ্ঠে কহিলেন—“হে কুরুজ্ঞেষ্ঠ। যে প্রতিদিন আপনার নয়ন পথে অতিথি হইত, আপনি সর্বদাই যাহার প্রতি ঘেষ প্রকাশ করিতেন, আমি সেই রাধেয়।” রক্তিগণকে অপসারিত করিয়া “ভীষ্ম কর্ণকে এক হস্তে আলিঙ্গন করেন এবং স্নেহ বচনে—কর্ণকে আবার তাহার জন্মবৃত্তান্ত বলেন এবং কেন তিনি তাহাকে

পক্ষ বাক্য বলিতেন, তাহা ব্যক্ত করেন। ভীষ্ম কর্ণকে শতযুগে প্রশংসা করেন—উপদেশও দেন—“পুরুষকার দ্বারা দৈবকে অতিক্রম করা কাহারও সাধ্য নয়” এবং পাণ্ডবের সহিত মিলিত হইতেও অমরোদ্ধ জ্ঞানান।

কর্ণ ভীষ্মকে বুঝাইয়া বলেন—কেন তপন মিলন সম্ভব নয় ; যুদ্ধের জন্ত ভীষ্মের অমুজ্জা প্রার্থনা করেন এবং ভীষ্মের কাছে ক্ষমা ভিক্ষাও করেন।

দ্রোণপর্বে দ্রোণপর্বে কর্ণের যোদ্ধা সত্তাটিই প্রকটিত হইয়াছে। কর্ণ
কর্ণ অভিমন্যুর সহিত যুদ্ধ করেন—সমুদ্রপথে মিলিত হইয়া

অভিমন্যুকে বধ করেন। (২) ভীমসেনের সহিত কর্ণের তুমুল সংগ্রাম হয়, ভীমসেনের “শরাঘাতে চিন্নচাপ ও বিকলাঙ্গ হইয়া সমুদ্রে অস্ত্র রথে পলায়ন” করেন। কর্ণের এই পরাজয়ে ধৃতরাষ্ট্র বিলাপ করিয়া সমুদ্রকে বলেন—“কর্ণের সমান যোদ্ধা পৃথিবী মধ্যে আর কেহই নাই, আমি এই কথা দুর্ঘোষধনের মুখে বারংবার শ্রবণ করিয়াছি ..কিন্তু এক্ষণে সে কর্ণকে নিবিষ ভুজঙ্গের ন্যায় পরাজিত ও রণস্থল হইতে পলায়িত নিরীক্ষণ করিয়া কি কহিতেছে?” (৩) অগত্যা ‘একঘাতী’ বাণ দ্বারা ঘটোংকচকে বধ করেন।

কর্ণপর্বে কর্ণপর্বের উল্লেখযোগ্য সংবাদ এই—(ক) নকুলের
কর্ণ সহিত কর্ণের যুদ্ধ (খ) কর্ণ দুর্ঘোষধনের নিকট প্রতিজ্ঞা

করেন—“আমি অর্জুনকে বিনাশ না করিয়া রণস্থল হইতে কদাচ নিবৃত্ত হইব না”...কিন্তু মজরাঙ্ককে আমার সারথি হইতে হইবে। মহাবীর শল্য কৃষ্ণের সদৃশ (গ) শল্য সারথ্য স্বীকার করেন—একটি সর্বো—“আমি উহারই সমক্ষে স্বেচ্ছামুসারে বাক্য প্রয়োগ করিব।” (ঘ) শল্য কর্ণের আত্মপ্লাবী শুনিয়া, কর্ণের মুখের উপরেই অপ্রিয় সত্য বলিতে আরম্ভ করেন এবং উভয়ের মধ্যে তিক্ত বাক্যযুদ্ধ হইয়া যায়। কর্ণ শল্যকে বলেন—“মহাবীর অর্জুনের মহাস্ত্রনিচয়, শরাসন, ক্রোধ ও বলবিক্রম এবং মহাত্মা কেশবের মহাত্ম্য আমার ষেরূপ বিদিত আছে, তোমার তদ্রূপ নহে।...সমস্ত বৃক্ষবীর

মধ্যে ক্রমশে লক্ষ্মী ও পাণ্ডুনয়নগণ মধ্যে অর্জুনের উপর জয় প্রতিষ্ঠিত আছে। ঐ উভয়ের হস্ত হইতে কেহ পরিভ্রাণ লাভে সমর্থ হয় না ; কিন্তু আজি সেই রথস্থিত মহাপুরুষদ্বয় আমার সহিত যুদ্ধে প্রবৃত্ত হইবে। তুমি অণু আমার আভিজাত্য সন্দর্শন কর।” পরশুরামের অভিশাপের কথা মনে পড়িয়া যাওয়ায় কর্ণ শল্যের কাছে অনুরোধ করেন—ব্রাহ্মণের অভিশাপের কথা মনে পড়ে এবং তাঁহার মনে ভয় উপস্থিত হয়, তবু স্পর্ধা প্রকাশ করিতে কুণ্ঠিত হন না—“কর্ণ ভীত হইবার নিমিত্ত এই সংসারে জন্মগ্রহণ করে নাই, আপনার বিক্রম প্রকাশ ও যশোলাভের নিমিত্তই সমুদ্ভূত হইয়াছেন।” (ঘ) ভীমের সহিত প্রথম যুদ্ধে কর্ণের পরাজয়—কর্ণের শরাঘাতে যুধিষ্ঠিরের পলায়ন (চ) ভীম কর্ণের যুদ্ধ—কর্ণ ও অর্জুনের দ্বৈরথ যুদ্ধ * রথচক্রগ্রাস — “সুতপুত্র! বশস্করা তোমার রথচক্র গ্রাস করিতেছেন—কাল এই কথা কহিবামাত্র কর্ণ পরশুরাম প্রদত্ত অস্ত্র বিন্ধিত হইলেন এবং পৃথিবী তাহার রণের বামচক্র গ্রাস করিতে লাগিলেন। ঐ সময় ব্রাহ্মণ সন্তানের শাপে সুতপুত্রের রথ বিঘণিত হইতে আরম্ভ হইল। রথও... ভূতলে নিমগ্ন হইয়া গেল।”

কর্ণ অত্যন্ত বিমর্ষ ও বিহ্বল হইয়া যুদ্ধ করিতে থাকেন। রথচক্র উদ্ধার করিতে চেষ্টাও করেন কিন্তু চেষ্টা বার্থ হয়। অর্জুনকে ধর্মের দোহাই দিয়া কিছুক্ষণের জন্য যুদ্ধ হইতে বিরত হইতে অনুরোধ করেন। বাসুদেব কর্ণকে তাহার অধর্ম কার্যগুলি স্মরণ করাইয়া দেন—কর্ণ লজ্জায় অধোবদন হইয়া থাকেন। সেই অবস্থায় থাকিয়াও কর্ণ ভীষণ ও প্রাণপণ সংগ্রাম করেন ; শেষ পর্যন্ত অর্জুন নিকিণ্ণ ‘অঞ্জলিক’ বানের আঘাতে প্রাণত্যাগ করেন।

কর্ণের মৃত্যুতে যুধিষ্ঠির ধনঞ্জয় বাসুদেব পাণ্ডবপক্ষে সকলেই আনন্দিত হন। যুধিষ্ঠির ধনঞ্জয় বাসুদেবকে প্রশংসা করিতে থাকেন—বলেন—“আমি নারদের নিকট শুনিয়াছি এবং মহর্ষি বেদব্যাসও বারংবার বলিয়াছেন যে তোমরা পুরাতন ঋষি মহাত্মা নর ও নারায়ণ।” যুধিষ্ঠির সন্দেহ ভঞ্জন করিতে সমর-

ভূমি পর্যন্ত যান এবং কর্ণকে নিহত দেগিয়া নিশ্চিন্ত হন—নিজেকে পুনর্জাত বলিয়া মনে করেন।

[বিঃ দ্রষ্টব্যঃ— কর্ণের মৃত্যু শয্যাশেষে অজ্ঞান রূপে ভীষ্ম যুধিষ্ঠির কেহই উপস্থিত হন নাই। কর্ণের মৃত্যুতে সকলেই আনন্দে উৎফুল্ল। শুধু তর্পণের সময় কুন্তীর মুখে কর্ণের পরিচয় পাঠবার পরে, যুধিষ্ঠির শোকপ্রকাশ করেন]

(খ) সংস্কৃত নাটকে—কর্ণ

মহাকবি ভাস্কর নামে প্রচলিত নাটকগুলির মধ্যে (১) পঞ্চরাত্র (২) দূতবাক্য (৩) মধ্যমব্যায়োগ (৪) দূত ঘটোৎকচ (৫) কর্ণভার (৬) উরুভঙ্ক—এই ছয়খানি বঙ্গিক মহাভারত-কাহিনী অবলম্বনে রচিত। এই নাটকগুলির মধ্যে, ‘পঞ্চরাত্র’ ‘দূতবাক্য’ ‘কর্ণভার’ এই তিনখানিতে কর্ণের চরিত্র পাওয়া যায় এবং বিশেষ ভাবে পাওয়া যায় পঞ্চরাত্র এবং কর্ণভার নাটকেই—দূতবাক্যে কর্ণ উল্লেখমাত্র।

(ক) পঞ্চরাত্রে কর্ণ দুর্যোধনের সপা—হিতবাদী এবং ধীরবুদ্ধি। দুর্যোধন পরামর্শ চাহিলে কর্ণ বলেন—

রামেণ ভুক্তাং পরিপালিতাং চ

স্ব ভাতৃত্বাং ন প্রতিষেদ্যামি

কমাক্ষমত্বে তু ভবান প্রমাণং

সংগ্রামকালেযু বয়ং সহায়াঃ ॥

তারপর অভিমত্যা অপহৃত হইলে দুর্যোধন যখন বলেন—“সতি চ কুল—বিরোধে নাপরাধ্যস্তি বালাঃ”—কর্ণও সমর্থন করেন—বলেন—“অতিশিথ্যমন্ত-রূপং চাভিহিতম্”।

** (খ) ‘কর্ণভার’—নাটকে কৌরব সেনাপতি কর্ণ কেন্দ্রীয় চরিত্র। এই নাটকের বর্ণনীয় বিষয় ছদ্মবেশী ইন্দ্র কর্তৃক কর্ণের কবচকুণ্ডল-হরণ। কর্ণ কৌরব সেনাপতি—যুদ্ধ পরিচ্ছদ পরিধান করিয়া সূত শল্যরাজের সহিত নিষ্ক্রান্ত। কিন্তু অগ্রগণ্য বীর কর্ণের সে দীপ্তি নাই—নিদ্রায় সময়ে

ঘনরাশিকদ্ধ সূর্যোর মত কর্ণ শোকাচ্ছন্ন। শোকের কারণ—
কর্ণ জানিয়াছেন—কুস্তুর গর্ভে তাঁহার জন্ম, পাণ্ডবগণ তাঁহার ভ্রাতা এবং—

নিরর্থমস্ত্রং চ ময়া হি শিক্ষিতং

পুনশ্চ মাতৃবচনেন বারিতঃ।

কর্ণ শল্যের কাছে নিরর্থ অস্ত্রের বৃত্তান্ত বলেন...পরশুরামের কাছে অস্ত্র শিক্ষার জ্ঞান মিথ্যা ভাষণ এবং শেষকালে পরশুরামের অভিশাপের কাহিনী বিবৃত করেন। তিনি দেখেন—সব অস্ত্রই যেন নিবীৰ্য্য হইয়া গিয়াছে। তবু কর্ণের সাস্তনা—

হতোহপি লভতে স্বর্গং জিত্বা তু লভতে যশঃ ..

অগ্রসর হইতে বাইবেন এমন সময় নেপথ্য হইতে আহ্বান আসে—হে কর্ণ! মহত্তর ভিক্ষা চাই। ব্রাহ্মণবেশী ইন্দ্র কর্ণকে আশীর্বাদ করিয়া ‘দীর্ঘায়ুভব না বলিয়া বলেন—সূর্যোর মত, চন্দ্রের মত হিমালয়ের মত, সাগরের মত তোমার যশ অক্ষয় হোক! কর্ণ গো, অশ্ব, গজ, সুবর্ণ, পৃথিবীর আধিপত্য, অগ্নিষ্টোম ফল নিজ মন্তক সব কিছু দিতে চাহেন কিন্তু ব্রাহ্মণ উল্লিখিত দানের কোনটিই লইতে চাহেন না। শেষ পর্য্যন্ত কর্ণ—সহজাত কবচকুণ্ডল দান করেন। শল্য বারণ করিলে কর্ণ বলেন :—

শিক্ষা ক্ষয়ং গচ্ছতি কালপর্ষ

সুবন্ধমূল্য নিপতন্তি পাদপাঃ

জলং জলস্থানগতং চ শুশ্রুতি

হতং চ দত্তং চ তথৈব তিষ্ঠতি ॥

ব্রাহ্মণবেশী ইন্দ্র অহুতপ্ত হন এবং “বিমলা” নামক শক্তি গ্রহণ করিবার জ্ঞান কর্ণকে অহুরোধ করেন। কর্ণ প্রথমে প্রাতদান গ্রহণ করিতে অস্বীকার করেন, শেষে ব্রাহ্মণের অহুরোধ এড়াইতে না পারিয়া গ্রহণ করেন।

* বিশেষ লক্ষণীয় এখানে এই যে...ভাসের নাটকে—‘কর্ণভার’ নাটকে পরশুরামের অভিশাপের কথা নাটকের মধ্যে, গীতিয়া দেওয়া হইয়াছে এবং

কর্ণের জীবনের “দ্বন্দ্ব”, সামান্যভাবে হইলেও, কর্ণের শোকের মধ্যেই প্রকাশ হইয়াছে। তারপর ‘দূতবাক্য’ নাটকে শ্রীকৃষ্ণের দৌত্য এবং বিশ্বরূপ পরিগ্রহে নরনারায়ণত্ব স্প্রতিষ্ঠিত করা হইয়াছে।

মহাকবি ভাস্কর পরেই উল্লেখযোগ্য—অশ্বঘোষ কালিদাস ভবভূতি। কুরু-পাণ্ডব কাহিনী লইয়া ইহার কোন নাটক রচনা করেন নাই। পরবর্তী উল্লেখযোগ্য নাট্যকার—কবি ভট্টনারায়ণ। তৎপ্রণীত ‘বেণী সংহার’ নাটকের তৃতীয় অঙ্কে কর্ণের সাক্ষাৎকার পাওয়া যায়। এখানে কর্ণ দুর্ধোধন-সখা বটে কিন্তু কুমন্ত্রণাদাতা রণদর্পী। শোকাক্ত অশ্বখামাকে কটাক্ষ করিয়া কথা বলিতে তাহার বাধে না—পোরষের আফালনেও কুণ্ঠা নাই—

স্মৃতে বা স্মৃতপুত্রো বা যে বা কো বা ভবাম্যহম্

দৈবায়ত্তং কুলে জন্ম মদায়ত্তং তু পৌরুষম্ ॥

দেখা যাইতেছে সংস্কৃত নাট্যকারদের মধ্যে এক মহাকবি ভাস্কর কর্ণের নিয়তি-বিড়ম্বিত জীবনের প্রতি দৃষ্টি আকর্ষণ এবং সমবেদনা প্রকাশ করিয়াছেন। ভট্টনারায়ণ কর্ণের বলদর্পের দিকটি ব্যক্ত করিয়াছেন বটে, কিন্তু কর্ণের কর্ণত্ব বলিতে যাহা বুঝায় তাহা ব্যক্ত করেন নাই।

(গ) কালিদাসের মহাভারতে কর্ণ

আদিপর্বে (ক) দ্রোণাচার্যের নিকটে রাজকুমারদের শিক্ষা

(দ্রোণাচার্যের কাছে অন্তর্শিক্ষা)

(খ) রঙ্গভূমিস্থলে কর্ণের আগমন

(গ) সকলকে লক্ষ্য শিক্ষনে ধৃষ্টদ্যুম্নের অহুমতি (দ্রোণদীর স্বয়ংস্বর সভায় কর্ণ)

(ঘ) কর্ণের সহিত অর্জুনের যুদ্ধ

সভাপর্বে (ক) পঞ্চপাণ্ডবকে সভাতলস্থ করণ

(খ) সভাজনের প্রতি বিকর্ণের উত্তর (কর্ণের প্রত্যুত্তর)

(গ) যুধিষ্ঠিরদের দাসত্ব মোচন (কর্ণের স্নেহ বচন)

বিরাতপর্বে কৃপাচাষ্যের সহিত অর্জুনের যুদ্ধ (গো-হরণ ব্যাপারে
অর্জুনের সহিত যুদ্ধ)

উত্তোগপর্বে (ক) কোববের সভায় শ্রীকৃষ্ণের পুনরাগমন (৫৩১)

(খ) উলুকের প্রতি পাণ্ডবের কথা

**** (গ) কর্ণের জন্ম বিবরণ**

ভীষ্মপর্বে কর্ণ দুর্যোধন ও ভীষ্মের মন্ত্রণা

দ্রোণপর্বে (ক) দ্রোণকে সেনাপতি করিবার মন্ত্রণা

(খ) কর্ণ কর্তৃক ঘটোৎকচ বধ (এক-বিঘাতিনী অস্ত্র
ব্যবহার)

২. (গ) কর্ণের নিকট কপটে ইন্দ্রের কবচগ্রহণোপাখ্যান

(দাতাকর্ণ)

কর্ণপর্বে কর্ণের সহিত যুদ্ধে যুধিষ্ঠিরের পরাজয়

* কর্ণবধ

বিঃ দ্রঃ * কয়েকটি ব্যতিক্রম ছাড়া আর সবই 'ব্যাস-কৃত মহাভারত' অনুসারী।

* কাশীদাসের মহাভারতে কয়েকটি ব্যতিক্রম :—

(ক) ব্যাসের মহাভারতে আছে—দ্রোপদীর স্বয়ম্বর সভায় কর্ণ লক্ষ্য ভেদ করিতে দাঁড়াইলে দ্রোপদী উচ্চকণ্ঠে ঘোষণা করেন—‘স্বতপুত্রে বরিব না কভু’— এই কথা শুনিয়া কর্ণ ধনু ত্যাগ করেন। কাশীদাসের মহাভারতে দেখা যায় :—কর্ণের বাণ—‘সুদর্শন চক্রে ঠেকি ‘চূর্ণ হৈয়া গেল’ ; কর্ণ লজ্জা পাইয়া সভায় অধোমুখ হইয়া বসিয়া থাকেন।

(খ) ‘কুণ্ডলাহরণ’ ব্যাসের মহাভারতে বনপর্বের ঘটনা—দ্বাদশ বৎসর অরণ্যবাসের পরেই এই ঘটনা ঘটে। কাশীদাসের মহাভারতে ইহা দ্রোণপর্বের ঘটনা।

বাংলা নাট্যে “কর্ণ”।

কর্ণের সমগ্র জীবন লইয়া অথবা জীবনের কোন বিশেষ ঘটনা লইয়া খুব কম নাটকই রচিত হইয়াছে। সংস্কৃত নাট্যকারগণের মধ্যে—শুধু মহাকবি ভাস্কর্য্যের জীবনের বিশেষ একটি ঘটনা—‘কর্ণভার’ নাটকে রূপকায়িত করিয়াছেন। ভট্টনারায়ণের ‘বেণী সংহার’ নাটকে কর্ণ দুর্ঘোষনের সখা রূপে অল্পতম পারিপার্শ্বিক চরিত্র মাত্র। বাংলা সাহিত্যেও কর্ণ কেন্দ্রীয় চরিত্র হিসাবে বহুবার উপস্থাপিত হন নাই। বাংলা নাট্য-সাহিত্যে কর্ণ পাশ্চাত্য-রূপেই উপস্থিত হইয়াছেন এবং খুব সম্ভব গিরিশচন্দ্রের ‘অভিমত্যাধ’ নাটকেই (১৮৮০) প্রথম উপস্থিতি। মতিলাল রায়ের যাত্রা-নাটক ‘কর্ণবধ’-এ কর্ণের প্রথম কেন্দ্রীয়ত্ব। গিরিশচন্দ্রের ‘বৃষকেতু’ (১৮৮৭) কর্ণ-পরিবার-কেন্দ্রিক প্রথম নাটক। পাণ্ডুরায়ের (১৯০০) কর্ণ আছেন—অপ্রধান রূপেই আছেন।

* রবীন্দ্রনাথের “কর্ণ-কুন্তী-সংবাদ (১৯০৬-১৮৯৯ — কর্ণের জীবনের একটি চরম আধ্যাত্মিক সঙ্কট-মহুর্ভের কবিত্বময় নাট্য রূপ। ইহার পরে, কর্ণকে অপ্রধান চরিত্র রূপে—হরিশ শাস্ত্রালের ‘ভীষ্ম’-এ, ক্ষীরোদপ্রসাদের ‘ভীষ্ম’ এ এবং আরো দুই একখানি নাটকে দেখা যায়। * ১৯২৩ খ্রীষ্টাব্দে—অপরেশচন্দ্র মুখোপাধ্যায় “কর্ণার্জুন”-নাটকে, কর্ণকে প্রধান চরিত্ররূপে উপস্থাপিত করেন। কর্ণের জীবনের অধিকাংশ ঘটনাই নাটকে স্থান দেওয়া হইয়াছে—অবশ্য ক্রম সর্বত্র রক্ষা করা হয় নাই। জন্ম অভিশপ্ত কর্ণ—ব্রহ্ম-অভিশপ্ত কর্ণ—দাতাকর্ণ—কৃষ্ণপরায়ণ কর্ণ—এবং সমস্ত কিছুর মধ্য দিয়া নিয়তির হস্তে পুরুষাকারের পরাজয়, কর্ণার্জুন নাটকের কর্ণ চরিত্রে প্রদর্শিত হইয়াছে। * ইহার পরেই ১৯২৬ খ্রীষ্টাব্দে ‘নরনারায়ণ’ নাটকে—[‘দৈব নিগৃহীত পুণ্ড্রশক্তিগ্বেষ মহাপুরুষের জীবনকাহিনী’] কর্ণকে একটু নতুন আলোকে রূপ দেওয়ার চেষ্টা হইয়াছে। এই নাটকে ও কর্ণ জন্ম-অভিশপ্ত—কানীনত্বের অভিশাপ তাহার জীবনে সহজাত কবচকুণ্ডলের মতই সহজাত।

এই অভিশাপের উপরে আরো দুইটি অভিশাপ (একটি গো-বধ-জনিত, অন্যটি মিথ্যা পরিচয়দান-জনিত) যুক্ত হয় এবং তিনটি অভিশাপ মাথায় লইয়া কর্ণের জীবন আরম্ভ হয়। এখানেও কর্ণের প্রতিদ্বন্দ্বী ধনঞ্জয় এবং তাহাকে সমরে নিহত করাই কর্ণের জীবনের একমাত্র উদ্দেশ্য। এখানেও দাতাকর্ণ স্বমহিমায় বর্তমান, কিন্তু 'নরনারায়ণ'ের কর্ণের বিলক্ষণ বৈশিষ্ট্য এই যে কর্ণ সমস্ত অন্তর দিয়া একথা বিশ্বাস করেন না—“নরনারায়ণ নরদেহধারী দেহরক্ষী গাণ্ডীবীর সর্বত্রগ, অনির্দেশ্য, কুটস্থ অচল যেই ব্রহ্ম—আচ্ছাদন করে আছে অনন্ত ভুবন... .. সে পশেছে চৌদ্দপোয়া পঙ্কর পিঙ্করে।” কর্ণের কাছে ভীষ্মের উক্তি—“ধনঞ্জয় বাসুদেব—মায়াতিমানব। পূর্বদেহে 'দুই ঋষি নরনারায়ণ'—অশ্রদ্ধেয় মূল্যহীন’—‘প্রলাপবাক্য।’ কিন্তু অবিশ্বাস জ্ঞাপক এই সব উক্তির পিছনে একটি সন্দেহের স্তরও আছে—কর্ণের মধ্যে দ্বন্দ্ব চলে।—বাসুদেব নারায়ণ কিনা—এই সত্য আবিষ্কারেই কর্ণ বাসুদেব সখা অর্জুনের সহিত যুদ্ধ করিতে চাহেন। কর্ণ স্পষ্টভাবেই বলেন—“যদি মরি অর্জুনের বাণে.....সেই মৃত্যু মুখে তোমারে বলিব নারায়ণ”। এই নররূপী নারায়ণকে পাওয়ার ঐকান্তিকতাই যেন অর্জুনের সহিত যুদ্ধ করার বাসনা হইয়া ব্যক্ত হয়। এই যুদ্ধেই যেন ত্রীকূষে নরনারায়ণ প্রমাণিত হইবে, তাই কর্ণের ঘোষণা—“সত্য যতদিন নিজে নাহি উপলব্ধি করি, ততদিন বিধাতাও দিলে সাক্ষী, মানব বলিব বাসুদেবে।” অস্তিত্বে কর্ণ বাসুদেবকে—নরনারায়ণ স্বীকার করিয়া শেষ নিঃশ্বাস ত্যাগ করেন। দ্বিতীয় বৈশিষ্ট্য—কর্ণের জীবনে পরিচয় জানিবার পরে যে দ্বন্দ্বের সম্ভাবনা আছে নাট্যকার কীর্ত্তীপ্রসাদ সেই সম্ভাবনাকে করুণ-মধুর রূপ দেওয়ার চেষ্টা করিয়াছেন। এই চেষ্টা করিতে গিয়া তিনি “কর্ণ-কুন্তী-সংবাদ” বাদ দিয়া ‘কুষ্ণ-কর্ণ-সংবাদ’কে গ্রহণ করিয়াছেন। কুষ্ণের সহিত কথোপকথনে নাট্যকার কর্ণের দ্বন্দ্ব অভিব্যক্তির একটি সুন্দর অবকাশ লাভ করিয়াছেন—অবকাশের সদ্ব্যবহারও করিয়াছেন। নরনারায়ণের কর্ণ

নিঃসন্দেহে পূর্ববর্তী কর্ণের অপেক্ষা দ্বন্দ্বের দিক দিয়া অধিক অভিযুক্ত। এই দ্বন্দ্বের বীজ মহাভারতে আছে, তবে আছে বীজাকারেই। নাট্যকার সেই বীজকেই অঙ্কুরিত-পল্লবিত করিতে চেষ্টা করিয়াছেন।

তবে কর্ণের পত্নীর ও পুত্রের কৃষ্ণপরায়ণতা—এতখানি কৃষ্ণাঙ্গুরাগ অমহাভারতীয়—অবশ্য সম্পূর্ণ কবির নিজের কল্পিত নয়। কর্ণের ভ্রাতৃপ্রেমও মহাভারতে এত অভিযুক্ত হয় না। কামুরের অগ্রভাগ দিয়া স্পর্শ করিয়া কর্ণ—চারিভ্রাতাকে পূর্ব প্রতিজ্ঞানুসারে ছাড়িয়া দেন—এই পর্যন্তই সত্য, গওদেশে চূষনাদি ব্যাপারে কল্পনার চমৎকারিত্ব যতই থাক, সত্য নাই। তারপর, কর্ণের মৃত্যুগথায় কৃষ্ণ ও পঞ্চপাণ্ডবের উপস্থিতিও অমহাভারতীয় কিন্তু চমৎকার-জনক-কল্পনা।

* নরনারায়ণ কে ?

‘নর-নারায়ণ’—কথাটি শুনিবমাত্র সঙ্গে সঙ্গে যে অর্থবোধ হয় তাহাতে ‘নররূপী নারায়ণ’ নরদেহধারী নারায়ণ অর্থাৎ ‘শ্রীকৃষ্ণ’ই মনের সামনে আসিয়া দাঁড়ায়—সাধারণতঃ মধ্যপদলোপী সমাসেব সরল পথে অগ্রসর হইয়াই বিচার-বুদ্ধি সিদ্ধান্তে উপনীত হয়। কিন্তু কথাটি মধ্যপদলোপীর অন্তর্গত নয়; দ্বন্দ্বের এলেকার অন্তর্ভুক্ত—অর্থাৎ নরনারায়ণ নররূপী নারায়ণ ‘শ্রীকৃষ্ণ’ হেন, নর-নারায়ণ = নর + নারায়ণ = ধনঞ্জয়-বাহুদেব। ‘নরনারায়ণ’ কে ? এই সম্পর্কে কোন সিদ্ধান্ত করিবাব আগে,—এই কাণ্ডেই, পৌরাণিক বার্তা জানিয়া লওয়া ভাল।

ব্যাসকৃত মহাভারতে এইরূপ বিবরণ বা ব্যাখ্যা পাওয়া যায়—

উত্তোগপর্বে ভগবদ্ব্যন পর্বাধ্যায়ে,—জামদগ্নের সদৃষ্টান্ত নাট্যে, দন্তোত্তব রাজার কাহিনী প্রসঙ্গে—নর-নারায়ণের কথা পাওয়া যায়। নর ও নারায়ণ—দুই মহাপুরুষ। “গন্ধমাদন পৰ্বতে কোন অনির্দেশ্য তপস্যায় নিমগ্ন”—অবস্থায়, দন্তোত্তবের সঙ্গে যুদ্ধ হয়, জামদগ্ন্য বলেন—“যে নর ও নারায়ণের কথা কীৰ্ত্তিত হইল, অজ্ঞান ও কেশব সেই দুই মহাপুরুষ।”

ভীষ্মপর্বে—শরশয্যাশায়ী ভীষ্ম “অজ্জুনকে পূজাপূর্বক করিলেন, হে মহাবাহু। একাৰ্য্য তোমার পক্ষে বিচিত্র নয়, নারদ তোমারে পূর্বতন ঋষি বলিয়া কীর্তন করিয়াছেন।”

কৰ্মপর্বে—কৰ্ণবধের পরে যুধিষ্ঠির নিজমুখে ব্যক্ত করিয়াছেন—বান্ধ-দেবকে ও অজ্জুনকে বলিয়াছেন—“হে বীরদ্বয়। আমি নাবদের নিকট শুনিয়াছি এবং মহর্ষি বেদব্যাসও বার বার বলিয়াছেন যে তোমরা পুরাতন ঋষি মহাত্মা নর ও নারায়ণ।

শান্তিপর্বে—মোক্ষধর্ম পৰ্বাধায়ে ভীষ্ম যুধিষ্ঠিরের কাছে নারায়ণ-নারদ সংবাদ নামক পুরাতন ইতিহাস কীর্তন শ্রবণে বলিয়াছেন—“সত্যযুগে সায়ন্তু মনুর অধিকার কালে বিশ্বাত্মা সনাতন নাৰায়ণ ধর্মের পুত্র হইয়া নর নারায়ণ হরি ও কৃষ্ণ এই চারি অংশে অবতীর্ণ হইয়াছিলেন। তাঁহাদিগের মধ্যে নর ও নারায়ণ উভয়ে বদরিকাশ্রমে গমন পূর্বক কঠোপ তপোভ্রমণ করেন। নারদের এই বদরিকাশ্রমে নর-নারায়ণের সহিত সাক্ষাৎকার ঘটে এবং বার্তা-লাপ হয়। নারায়ণ নিজ মহাত্ম্য প্রকাশ করেন - ...“মনস্তর স্বাপর ও কলির সন্ধিতে—দুঃখাত্মা কংসের বিনাশসাধনের নিমিত্ত মথুরানগরীতে আমার জন্ম হইবে ...পরিণেবে দ্বারকায বাস করিব... জরাসন্ধ বিনাশের পর যুধিষ্ঠিরের রাজত্বয় যজ্ঞে পৃথিবীস্থ সমস্ত ভূপালগণ সমাগত হইলে আমি তাঁহাদের সমক্ষে শিশুপালকে বিনাশ করিব। * এই সকল কার্যকালে একমাত্র মহাত্মা অজ্জুনই আমার সাহায্য করিবেন। তৎপরে আমি ভ্রাতৃগণের সহিত রাজ্য যুধিষ্ঠিরকে রাজ্যে অভিষিক্ত করিব। “তৎকালে সকলেই কহিবে যে, মহাত্মা নর ও নারায়ণ পৃথিবীর কার্য সাধনের নিমিত্ত কৃষ্ণাজ্জুনরূপে ক্ষত্রিয়কুল নির্মূল করিলেন।” নারদের স্তব স্তুতি লক্ষ্য করিলে দেখা যায়—নরনারায়ণ, ঋষিরূপে অবস্থান করিলেও, নররূপী নারায়ণ। ‘নর-নারায়ণ’ হলে অনেকক্ষেত্রেই শুধু ‘নারায়ণ’ শব্দটিও প্রযুক্ত হইয়াছে।

নর-নারায়ণ নাটকেও শব্দটিকে কখনও একক, কখনও বা দ্বৈত তাৎপর্ষ্য ব্যবহার করা হইয়াছে। প্রথম অঙ্কে প্রথম দৃশ্যে ভীষ্ম রহস্য কথা শুনাইয়াছেন—“ধনঞ্জয়-বাহুদেব মায়্যাতিমানব। পূর্বদেহে দুই ঋষি নরনারায়ণ।” কিন্তু ‘সূচনা’তে কর্ণ যেখানে বলেন ‘নারায়ণ নরদেহ-ধারী। “দেহরক্ষী গাভীবীর”। সেখানে নর-নারায়ণ একক তাৎপর্ষ্য—অর্থাৎ ‘নররূপী নারায়ণ’ অর্থেই প্রযুক্ত হইয়াছে। অজ্জুনও যে অবতারণা—এ ধারণা কর্ণের নাই।

তারপর প্রথম অঙ্কের তৃতীয় দৃশ্যে—কর্ণের স্বগতোক্তিরা উদ্দেশ্য—‘শ্রীকৃষ্ণ’—“বাহুদেব”। অজ্জুন এখানেও শ্রীকৃষ্ণের সঙ্গা মাত্র। শ্রীকৃষ্ণই—“মায়্যা-মহুজ্ঞা-নারায়ণ”... “নররূপে বিভূ নারায়ণ” আর অজ্জুন—“বাহুদেব-সখা”। চতুর্থ দৃশ্যে কর্ণের উক্তি—“যদুপতি! এ সাহস যার—কি বলিব—হয় সে নিতান্ত জড়, নর-নারায়ণ!”—একক শ্রীকৃষ্ণেরই নর-নারায়ণ প্রমাণ করে। প্রথম অঙ্কের তৃতীয় দৃশ্যে কর্ণ যদিও নিজ মুখে বলেন—“পদ্মাবতী! আমিও শুনেছি ঋষিমুখে ধনঞ্জয়-বাহুদেব নর-নারায়ণ। বিশ্বাস না করি।” কিন্তু, ধনঞ্জয়ের “নরদেহ” স্থাপনে নাট্যকার তেমন সচেতন হন নাই। কারণ শেষ দৃশ্যে—কর্ণের অন্তিম উক্তির মধ্যেও শুধু বাহুদেবকেই সম্বোধন করিয়া কর্ণকে বলিতে শোনা যায়—“বাহুদেব! বাহুদেব, একবার সম্মুখে দাঁড়াও নর! সম্মুখে দাঁড়াও নারায়ণ।” ‘ধনঞ্জয়-বাহুদেব’ যেখানে নর-নারায়ণ সেখানে—“সম্মুখে দাঁড়াও নর” ধনঞ্জয়কে লক্ষ্য কবিরাই বলা উচিত ছিল।

রচনা-নামকরণ-অভিনয়

নাটকের ‘নিবেদন’-এ শ্রীযুক্ত সতীনাথ বন্দ্যোপাধ্যায় মহাশয় নাটক রচনার ইতিহাস যাহা বিবৃত করিয়াছেন তাহাতে দেখা যায়—“১৯১২/১৩ সালে ৮কাশীধামে তিনি ‘ভীষ্ম’ নাটক লেখা শেষ করেন... তাহার পর ‘জোণ’ ও ‘কপ’ লেখা আরম্ভ করেন। কিছু কিছু লেখার পর মহাভারতের “কর্ণ” চরিত্রের বৈশিষ্ট্য ও মাধুর্য তাঁহাকে অভিভূত করায় ‘কর্ণ’ লেখা আরম্ভ করেন। কিন্তু বিভিন্ন রঙ্গালয়ের ত্যাগদে ‘কিন্নরী’ প্রভৃতি ২৩ খানি নাটক লিখিবার জন্ত কর্ণ লেখা বন্ধ হয়। পরে যখন পুনরায় লেখা আরম্ভ করেন তখন নব গঠিত ‘আর্ট থিয়েটার লিমিটেড’ কর্তৃক সুপ্রসিদ্ধ নাট্যকার স্বর্গীয় অপরেশচন্দ্রের ‘কর্ণাঙ্কন’ নাটক অভিনয়ের আয়োজন সংবাদে ‘কর্ণ’ লেখা বন্ধ রাখিয়া ‘আলমগীর’ প্রভৃতি অন্যান্য নাটক লিখতে বাধ্য হইলেন”...

পরে নাট্যকলা ও সাহিত্যায়ত্তরাজী জমিদার শ্রীযুক্ত মহেন্দ্রনারায়ণ চৌধুরী মহোদয়ের সাগ্রহ অনুরোধে ও আনুকূল্যে ১৯২৪ সালে তিনি পুনরায় একাগ্র-ভাবে ‘কর্ণ’ লেখা আরম্ভ করেন... —মহেন্দ্রবাবুর কাছে নাট্যকার এক পত্রে লিখিয়াছেন—‘কর্ণ’ সম্বন্ধে বহুদিন হইতে যে একটা ধারণা পোষণ করিয়া আসিতেছিলাম সেইটাই পরিস্ফুটরূপে প্রকাশ করিবার বাসনা। *এক দৈব-নিগূহীত পূর্ণ-শক্তিধর মহাপুরুষের জীবন কাহিনী।... ..

১৯২৫ সালে কর্ণ লেখা শেষ হয়। ইতিপূর্বে স্বনামধন্য প্রথিতযশা নট-নাট্যাচার্য শ্রীযুক্ত শিশিরকুমার ভাট্টা মহাশয়ও এই নাটক রচনায় ও অভিনয়ে আগ্রহ প্রকাশ করিলে, শ্রীযুক্ত মহেন্দ্রনারায়ণের মৌজত্রে, শ্রীযুক্ত শিশির-কুমারের প্রযোজনা, অধ্যক্ষতা ও নামভূমিকা-অভিনয়ে নরনারায়ণ নামে ইহা ১লা ডিসেম্বর ১৯২৬, তারিখে নাট্যমন্দির লিমিটেড কর্তৃক সর্ব প্রথম অভিনীত হয়।’

এখানেই প্রশ্ন উঠিতেছে—‘এক দৈব-নিগূহীত পূর্ণ শক্তিধর মহাপুরুষের জীবন-কাহিনী’র দৃশ্য রূপটিকে—নরনারায়ণ’ নামে অভিহিত করা হইল কেন এবং সেই অভিধান কি পরিমাণেই বা সার্থক হইয়াছে। প্রশ্নটির উত্তর এই-ভাবে দেওয়া যাইতে পারে—‘নিবেদন’ হইতে জানা যায় যে ‘কর্ণার্জুন’ নাটক অভিনয়ের আয়োজন সংবাদে ‘কর্ণ’ লেখা বন্ধ হয়...—কারণ ‘কর্ণ’ অভিনয় করিবার জন্ত অজ্ঞাত রঙ্গালয়ের চাহিদা কমিয়া যায়।’ এই কারণেই বোধ হয়, কর্ণার্জুনের কর্ণের স্পর্শ এড়াইবার জন্ত নামকরণ করা হয়—‘নরনারায়ণ।’ ইহা অসম্মান মাত্র। তবে একেবারে মিথ্যা অনুমান নাও হইতে পারে। অবশ্য এই অনুমানকে প্রত্যাখ্যান না দিলেও প্রশ্ন উঠিবে—বর্তমান গঠনে নরনারায়ণ নামকরণ সার্থক হইয়াছে কি না, হইলে কোন্ দিক দিয়া সার্থক ?

নাটকের প্রস্তাবনা, সূচনা ও ঘটনায়োজনা লক্ষ্য করিয়া দেখা যায়—নাট্যকারের মূখ্য উদ্দেশ্য কর্ণের জীবনকে রূপ দেওয়া। সূত্রবাং আলম্বন বিভাবের দিক দিয়া, উপস্থাপ্য বিষয়ের দিক দিয়া হিসাব করিলে নাটকের নাম ‘কর্ণ’ রাখাই যুক্তিযুক্ত। সেখানে ‘কর্ণ’ না রাখিয়া ‘নরনারায়ণ’ রাখায়—কর্ণের প্রতিপক্ষ ‘ধনঞ্জয়-বাসুদেব’-এর দিকেই নাটকের উদ্দেশ্য-বিন্দু সরিয়া গিয়াছে এ বিষয়ে কোন সন্দেহ নাই। উদ্দেশ্য বিন্দু সরিয়া ওয়ার অর্থ কেন্দ্রীয়ত্বের পরিবর্তন ঘটা আর কেন্দ্রের পরিবর্তন ঘটায় অর্থ—গঠনেরও পরিবর্তন ঘটা। ‘কর্ণ-কেন্দ্রিক গঠন এবং ‘নরনারায়ণ’ কেন্দ্রিক গঠন নিশ্চয়ই একরূপ হইতে পারে না। এই কারণেই অনেকে ‘নরনারায়ণ’ নামকরণের কোন সার্থকতা খুঁজিয়া পান নাই।

এ কথা অবশ্য স্বীকার্য যে সূত্র উদ্দেশ্যের দিক দিয়া ‘কর্ণ’ নামকরণই স্বার্থক এবং সার্থক নামকরণ। কিন্তু এ কথা বলা চলে না যে ‘নর-নারায়ণ’-নামের কোনরূপ সার্থকতাই নাই। সত্য বটে নাটকখানি—এক দৈব-নিগূহীত পূর্ণ শক্তিধর মহাপুরুষের (কর্ণের) জীবন-কাহিনী, কিন্তু ইহাও মিথ্যা নয় যে নাট্যকার কর্ণের জীবন-কাহিনীর মাধ্যমে ধনঞ্জয়-বাসুদেবের নর-নারায়ণত্ব

প্রতিষ্ঠিত করিবার পরিকল্পনা করিয়াছেন। এই নরনারায়ণতত্ত্ব—প্রতিষ্ঠাকে নাটকের সূক্ষ্ম উদ্দেশ্য বা উপস্থাপ্য বলিয়া স্বীকার করিলে এবং সঙ্গে সঙ্গে সূক্ষ্ম উদ্দেশ্যানুসারে নামকরণের যুক্তিযুক্ততা স্বীকার করিলে নর-নারায়ণ নামকরণের সার্থকতা অবশ্যই খুঁজিয়া পাওয়া যাইতে পারে। বলা যাইতে পারে—এই নাটকের বাহিরে কর্ণ, ভিতরে নর-নারায়ণ বিরাজ করিতেছে। কর্ণের জীবনের সমস্তা ও নিয়তির নিগ্রহ দেখানো যেমন ইহার উদ্দেশ্য, তেমনি অন্ততম উদ্দেশ্য, একই সঙ্গে অবিখ্যাসী কর্ণের মুখে, বাহুদেবকে নরদেহধারী নারায়ণ বলিয়া প্রমাণ করা—অর্জুন-কৃষ্ণেব নর-নারায়ণত্ব প্রতিষ্ঠিত করা।

জাতি-পরিচয়

‘মহাভারত’ পুরাণ হইতে কাহিনীটি গৃহীত, সুতরাং সূত্রানুসারে কাহিনীও উৎসের ভিত্তিতে, ‘নর-নারায়ণ’ নাটকের ‘পৌরাণিক’ আখ্যা অবশ্যই প্রাপ্য। তবে এ কথাও এই সঙ্গে বলিয়া রাখা যাইতে পারে যে ইহা শুধু ‘জাত্যাত্মক’ নয় অর্থাৎ নামেই পৌরাণিক নয়—স্বধর্মও পৌরাণিক। বরং বলা চলে—পৌরাণিকের উপর পৌরাণিক। বাস্তবিক, দৈব-লীলায় বিশ্বাস—মাহুয়ের সংসারে, মাহুয়ের দেহ ধারণ করিয়া দেবতাদের অবতরণে বিশ্বাস—নিয়তির অমোঘ নিয়মে বিশ্বাস—মন্ত্রতন্ত্রের শক্তিতে, অভিষাপ-অভিচারে বিশ্বাস যদি পৌরাণিক জীবনে তথা পৌরাণিকতার লক্ষণ বলিয়া ধরা যায়, তাহা হইলে অতিশয়োক্তির মত শোনাইলেও এ কথা সত্য কর্ণ-চরিত্র রূপায়ণে নাট্যকার মহাকবি ব্যাসেরও অপেক্ষা অধিক পৌরাণিক মনোভাবের পরিচয় দিয়াছেন—কর্ণকে অধিকতর অধ্যাত্মপরায়ণ করিয়া রূপ দিয়াছেন। কর্ণের ‘অন্তঃ কৃষ্ণ বহিঃ কর্ণ’—রূপটি কল্পনা করিয়া নাট্যকার আরো এক ধাপ অগ্রসর হইয়াছেন। নাটকে দৈবলীলা—ব্রহ্মশাপ—নিয়তি (অবশ্য সাকার নহে) প্রভৃতি অতিপ্রাকৃত তো আছেই উপরন্তু আছে কৃষ্ণভক্তির আধিক্য। (মহাভারতে কৃষ্ণভক্তি আছে কিন্তু মহিমা প্রদর্শনের আতিশয্য নাই।)

তারপর, রস-বৈশিষ্ট্যের ভিত্তিতে নাটকখানিকে 'ট্রাজেডি' শ্রেণীরই অন্তর্ভুক্ত করিতে হইবে। পূর্ণশক্তিধর মহাপুরুষের দৈবহন্তে শোচনীয় নিগ্রহ—দৈবের বিরুদ্ধে পুরুষকারের নিষ্ফল সংগ্রাম — শোচনীয় দ্বন্দ্ব-ক্ষোভ-পরাজয় যেখানে উপস্থাপ্য, সেখানে ট্রাজেডির রূপাদর্শেই যে কাহিনী পরিকল্পিত হইয়াছে, ইহা সহজেই বুঝা যাইতে পারে। অবশ্য এসব ব্যাপারে পরিকল্পনাই যথেষ্ট নয়। পরিকল্পনার মধ্য দিয়া ট্রাজেডি-রস উপযুক্ত পরিমাণে নিম্পন্ন হইয়াছে কি না অর্থাৎ নায়কের আচরণে (কায়িক-বাচিক-মানসিক) দর্শক-পাঠকের মনে ট্রাজেডি-সংবিদ (Tragic impression) জাগাইবার ক্ষমতা জন্মিয়াছে কি না, বিচার করিয়া দেখিতে হইবে। পৌরাণিক পরিমণ্ডলে ট্রাজেডি-সংবিদ সৃষ্টি করা কঠিন কাজ। যেখানে পাত্র-পাত্রীর ভিতরে বাহিরে অতিপ্রাকৃতের প্রভাব বা দৈবের অস্তিত্ব বিরাজ করে—ভিতরে থাকে দৈবের অমোঘ নিয়মে বিশ্বাস আর বাহিরে থাকে দৈব-নিয়ন্ত্রিত ঘটনা-রাজি—নিয়তির স্থল হস্তক্ষেপ, মন্ত্রতন্ত্র—অভিশাপ—আশীর্বাদের অব্যর্থ ক্রিয়া-কারিত্ব—সেখানে ট্রাজেডি সংবিদ জাগাইবার পথে বড় বাধা অতিপ্রাকৃতের অর্থাৎ দৈব প্রকৃতির সত্যস্বরূপতা ও মঙ্গলস্বরূপতা—দেবতা রূপালাভে পরম পুরুষার্থতা। যে পরিমণ্ডলে দুঃখ দুর্গতির বেদনা, মহত্তর কেউ উপলব্ধির দ্বারা শোষিত হইয়া যায়, সেখানে ট্রাজেডির সংবেদনা তীব্র হইতে পারে না। মৃত্যু যেখানে অমৃত বহন করিয়া আনে—সব হারানোর বেদনাকে ছাড়াইয়া পবমার্থ পাওয়ার আনন্দ যেখানে বেশী হয়, ট্রাজেডি অপেক্ষা কমেটির রসই স্থায়ী হইয়া দাঁড়ায়। এই কারণেই—পৌরাণিক কাহিনী দ্বারা ট্রাজেডি-রস সৃষ্টি করিতে হইলে—পাত্র-পাত্রীর চরিত্রকে যথাসম্ভব লৌকিকবৎ করিতে হইবে—নাটকের সমগ্র আবহাওয়ায় মানবিকতার প্রাধান্য রাখিতে হইবে। কারণ ট্রাজেডি-সংবিদ মানবের প্রতি মানবের সহজ সহানুভূতির উৎস হইতেই জন্মে এবং ঐ ভাবে জন্মে বলিয়াই, দেবতাকেও ট্রাজেডির নায়ক হইতে হইলে—মানবের মত বেদনা বোধ লইয়া দুঃখ দুর্ভোগ ভোগ করিতে হইবে।

পৌরাণিক পরিমণ্ডলে দৈব বিশ্বাসের একাধিপত্য থাকা সত্ত্বেও, ট্রাজেডির অবকাশ সৃষ্টি হয় সেখানেই যেখানে ব্যক্তির অহংপুরুষ (ego) প্রবৃত্তির প্ররোচনায়, বাসনা চরিতার্থ করিতে তথা আত্মপ্রতিষ্ঠা করিতে গিয়া অহংকারবশে অন্তায় বা পাপ করিয়া বসে অথবা অহুচিত কর্মারম্ভ করে অথবা নিয়তির অমোঘ বিধানের বিরুদ্ধে সংগ্রাম করিয়া পুরুষকারকে প্রতিষ্ঠিত করিতে চেষ্টা করে এবং শেষ পর্য্যন্ত নিষ্ফল সংগ্রাম করিতে করিতে শোচনীয় ভাবে, অকালে, নিজেকে ক্ষয় করিয়া দেয়। অহং-মুক্তের জীবনে ট্রাজেডিও নাই—অহং-মুক্তের ট্রাজেডি বোধও নাই। ‘অহং’ই ট্রাজেডির জনক—‘অহং’ই ট্রাজেডি রসের আশ্বাদক। নিয়তিকে মনে মনে স্বীকার করিয়াও, কাৰ্য্যে অস্বীকার করিয়া ‘অহং’ ট্রাজেডি ঘটায়; তেমনি ট্রাজেডির আশ্বাদনকালেও ‘অহং’ দৈব আত্মগত্যা স্বীকার করিয়াও সহানুভূতিবশে নিগৃহীত মানবের পক্ষে যোগদান করে। এইরূপ অবস্থাতেই ট্রাজেডি সম্ভব হয় এবং এই জাতীয় ট্রাজেডিতে শেষ পর্য্যন্ত দৈবের হস্তে পুরুষকারের পরাজয় ঘটে বটে, কিন্তু দৈবের কাছে আত্ম সমর্পণ করিতে বাধ্য হইয়াও পুরুষকার বিশ রহস্তের বিরূপ পটভূমিকায় জীবন রহস্য ও মানব মহিমার স্বাক্ষর রাখিয়া যায়।

‘নর-নারায়ণ’ নাটকের নায়ক দেবতাঔরসজাত হইলেও, সহজাত কবচ কুণ্ডল লইয়া জন্ম গ্রহণ করিলেও সামান্য একজন মানুষের মতই মর্তের মানুষ। এমন কোন অবতার বা স্বর্গভ্রষ্ট দেবতা নহেন যিনি দুই চার দিনের জন্ম লালা করিতে বা পাপক্ষয় করিতে পৃথিবীতে আসিয়া স্বর্গের সন্তান স্বর্গে ফিরিয়া যাইয়া স্বস্তি পাইবেন। কর্ণে যে পরিমাণে মানবিকতা সেই পরিমাণেই কর্ণের বেদনায় আমরা ব্যথিত; আর সেই পরিমাণেই কর্ণের শোচনীয় দ্বন্দ্ব ও পরিণতি ট্রাজেডিরসাত্মক হইয়াছে। কর্ণের মৃত্যু সময়ে নর-নারায়ণ সম্মুখে দাঁড়াইয়াছেন বটে কিন্তু বেদনা-বিষাদের চাপ তাহাতে সামান্যই লঘু হইয়াছে। নিয়তির নিগ্রহ, জন্ম-অভিশাপের লাঞ্ছনা, নিরুপায় দ্বন্দ্ব কোভ শোচনীয় করুণ পরিণতি—সব কিছু মিলিয়া নাটকখানি ট্রাজেডি রসাত্মকই হইয়াছে।

কর্ণের জীবন অবশ্যই ট্রাজেডি-রসের উপযুক্ত আলম্বন বিভাব। কর্ণ কানীন পুত্র। এই কানীনত্বের অভিধানে কর্ণ ক্ষত্রিয়ের মর্যাদা ও সংস্কার হইতে বঞ্চিত হইয়াছেন—সূত শ্রেণীর অন্তর্ভুক্ত হইয়াছেন। এই অভিধাপই যেন তাহার জীবনকে দুই গ্রহের মত তাড়না কবিয়া লইয়া চলিয়াছে। এই অভিধাপের ফলেই কৌন্তেয় হওয়া সত্ত্বেও রাধেয় কর্ণ কৌন্তেয়-অজ্ঞানের প্রতি বিদ্বেষ ভাবাপন্ন হইয়াছেন—অজ্ঞানকে পরাস্ত করিবার জন্য অশ্বশিক্ষা করিতে পরশুরামের নিকট গিয়াছেন এবং দুই দুইটি মারাত্মক ব্রহ্মশাপ শিরে বহন করিয়া ফিরিয়া আসিয়াছেন। এই অভিধাপের সম্মুখে তাঁহার পুরুষকার বার বার যেন বিপর্যস্ত হইয়া গিয়াছে—লাঞ্চিত হইয়াছে। অশ্বপরীক্ষাকালে রূপাচার্যের প্রশ্নে, দ্রৌপদীর স্বয়ম্বর সভায় দ্রৌপদীর—‘সূতপুত্রে বরিব না কতু’ ঘোষণায় ইচ্ছা কর্ণের মর্মে তীব্রতম দংশন করিয়াছে। ভীষ্ম-দ্রোণ-রূপ প্রভৃতির নিতা গগনায় কর্ণের ‘অঙ্গরাজ্যের’ দীপ্তিও যেন বার বার ম্লান হইয়া গিয়াছে। অপরিমেয় পৌরুষ ও অদ্বিতীয় দান-বীৰ্য, জন্মের মানি হইতে কর্ণকে মুক্ত করিতে পারে নাই। দৈবায়ত্তং কুলে জন্ম মদায়ত্তং পৌরুষম্—কর্ণের মুগ—রক্ষা করিয়াছে মাত্র, কিন্তু কর্ণের মর্যাদাহ দূর করিতে পারে নাই। বাস্তবিক দৈবতার ওরসে ক্ষত্রিয় কন্টার গর্ভে সংস্কার জন্ম দেবত ক্ষত্রিয়ত্বের সহজ অধিকার তো তাঁহার জন্ম সূত্রেই পাওয়া। তবু যে সমাজ-বিধান নিয়তি বিধানবতী অন্ততম ব্যক রূপ—নিয়তি-বিধানের মতই দুর্নিবার, তাহার কাছে সূত ক্ষত্রিয়ের মর্যাদা পাঠিতে পাবে না—এমন কি ক্ষত্রিয়ের সমস্ত গুণ থাকিলেও না। এই দিক দিয়া, কর্ণের ট্রাজেডি প্রথমতঃ—প্রধানতঃ বটে, জন্ম-অভিশাপ ব্যক্রিরই—অনিবার্য অগচ নিষ্ফল আত্ম-প্রতীক্ষা-সংগ্রামের ট্রাজেডি। আত্মপ্রতীক্ষা কামনা চরিতার্থ করিতে গিয়া কর্ণ গোবধ পাপে লিপ্ত এবং তজ্জন্ম অভিশাপ হন—গুরু অভিধাপেব বজ্র বৃক পাতিয়া গ্রহণ করেন—কর্ণের বহু কালের সাধনা—শতাব্দীর রচনা এক নিমেষে ধূমিসাৎ হওয়ার মতই অভিধাপের আগুনে দগ্ধ হইয়া যায়। দীর্ঘকালব্যাপী ঐকান্তিক সাধনার এইরূপ নিষ্ফলতা অবশ্যই শোচনীয়।

জন্ম-অভিশপ্তের জীবনে আসল ট্রাজেডি আরম্ভ হয় সেখানেই যেখানে তাহার জন্ম রহস্য আবিস্কৃত বা প্রকাশিত হয় এবং অভিশপ্ত ব্যক্তির সম্মুখে চরমতম উভয়সঙ্কট—মহাসঙ্কট উপস্থিত হয়—কর্ণের জীবনেও সেই চরম সঙ্কট আসে যখন শ্রীকৃষ্ণ কর্ণের কাছে তাঁহার জন্ম রহস্য প্রকাশ করেন তথা কর্ণের অথও ‘রাধেয়’-সত্তা ভাঙিয়া দিয়া “রাধেয়” ও “কৌন্তেয়” দুই খণ্ডে ভাগ করিয়া দেন। একদিকে ধর্মের প্রেরণা—রাধার ও অবিরথের স্নেহের ঋণ—দুর্যোধনের প্রীতির ঋণ, অত্র দিকে সোদর-স্নেহের সহজ আবেগ ; দুই পক্ষই সমান প্রবল—সমান অপরিহার্য। সুতরাং দ্বন্দ্বও খুব তীব্র। আর সঙ্কটের চরম অবস্থা সেখানেই যেখানে—কর্ণের সেই চিরকালের সমকক্ষ ও শত্রু, বাহাকে সমরে নিহত করিবার জন্য কর্ণ অতন্ত্র সাধনা করিয়া আসিয়াছেন—বাহাকে বধ করিতে তিনি সখা দুর্যোধনের কাছে প্রতিজ্ঞাবদ্ধ, সেই অজ্ঞান শেষ শয্যাস্ত্র সহোদর ভ্রাতায় পরিণত হইয়া যান। রাধেয়ের সহিত কৌন্তেয়ের সংগ্রাম শেষে কৌন্তেয়ের সহিত কৌন্তেয়ের সংগ্রামে পরিণত হয়। কর্ণের অন্তর্দ্বন্দ্বের রূপ—কর্ণের নিজের ভাষায়—

“মর্ম চায় পরাজয়, ধর্ম চায় জয়—মমুস্ত্ব চায় নিষ্ঠুরতা”। এই বন্দকে অবশ্যই ‘ট্রাজেডি-করণ’ বলিতে হইবে। পরিপূর্ণ শক্তির অতুলনীয় বীর, অস্বিতীয় উদার দাতা এবং ধর্মনিষ্ঠ মহাপুরুষ কর্ণের দৈবশক্তির বিরুদ্ধে ব্যর্থ সংগ্রাম ও শোচনীয় পতন নিঃসন্দেহে ট্রাজেডিরসাত্মক।

আর একটি বৈশিষ্ট্যের দিকে দৃষ্টি আকর্ষণ করিয়া ‘জাতি-পরিচয়’ আলোচনা শেষ করা যাউক। নর-নারায়ণ গল্প-পঞ্চময় রচনা—(চম্পু নাট্য বলা যাইতে পারে। ইংরাজীতে যে জাতীয় নাটককে ‘Poetic drama’ বলে ইহা অনেক পরিমাণে সেই জাতীয় নাটক) এই প্রসঙ্গেই বলিয়া রাখা ভাল—এ শ্রেণীর নাটকের উৎকর্ষ—বিচারে, কবিত্ব ও নাটকত্বের সমন্বয় স্থাপিত হইয়াছে কি না, বিশেষভাবে তাহা প্রাণধানযোগ্য ; কারণ এই জাতীয় রচনায় বচনের বাস্তবিকতা অপেক্ষা কবিত্বময় বিস্তারের দিকে অধিকতর প্রবণতা থাকে।

গঠন

গঠনের উৎকর্ষ-অপকর্ষ বিচার করিবার মুখে গঠন সম্পর্কিত মূল সূত্রটি স্মরণ করিয়া লওয়া ভাল। এ সম্পর্কে মনোবী এরিস্টটল যাহা লিখিয়া গিয়াছেন তাহা প্রথম সূত্র হিসাবে উল্লেখ করা যাইতে পারে—“So in poetry the story, as an imitation of action must represent one action a complete whole, with its several incidents so closely connected that the transposal or withdrawal of any one of them will disjoin and dislocate the whole” (Ingram Bywater) ইহা কিন্তু সেই আদর্শ রূপেই কথা যাহাতে কোনরূপ অবাস্তবেরই স্থান নাই— যাহাতে প্রত্যেকটি “অঙ্গ” নিখুঁতভাবে “অঙ্গী”র স্বরূপকেই ব্যক্ত করিয়া থাকে। বড় বড় শিল্পীরা এইরূপ পরা-খাদর্শে পৌছিতে পারেন বা পৌছিবার চেষ্টা করিয়া থাকেন। অবশ্য এখানকার ঐ “অঙ্গী-রূপ” কথাটি (complete whole) সংকীর্ণ অর্থাৎ কাহিনীর মোটামুটি গাঠনমো অর্থে এ গাণ করিলে চলিবে না। ‘অঙ্গী-রূপ’ বলিতে বুঝিতে হইবে কবির ধ্যানটি—কবির মানস নেত্রে প্রতিভাত বিষয়ের স্বরূপটি। এই স্বরূপ-ধ্যানের বৈশিষ্ট্যের বা পার্থক্যের ফলেই, একের ‘অঙ্গী’ অন্তের অঙ্গী হইতে ভিন্ন হয় এবং অঙ্গ বিভ্রাসের ছাঁদেও পার্থক্য আসিয়া যায়। এই দিক দিয়া দেখিলে আদর্শ গঠন বা রূপ সেইটিই যাহা পরিপাটি অথচ সূচ্যভাবে ‘অঙ্গী’কে অর্থাৎ মূল পরিকল্পনা-টিকে ব্যক্ত করিয়া থাকে।

এই নাটকের মূল-পরিকল্পনা বাহ্যত—দৈব-নিগৃহীত পূর্ণ শক্তির এক মহাপুরুষের জীবনী বটে কিন্তু নাট্যকার ৬. ‘বাহ’কে অভিক্রম করিয়া আরো একটু—বেশ একটু, আগে বাড়িয়া গিয়াছেন। কর্ণের জীবনের অন্তরতম

প্রদেশে তিনি একটি ভাব-কেন্দ্র স্থাপিত করিয়াছেন এবং সেই কেন্দ্রের অভিমুখী করিয়াই কর্ণের আচরণ সমূহ সন্নিবেশিত করিতে চেষ্টা করিয়াছেন। এই “ভাব কেন্দ্র”টি নাট্যকার নিজের প্রতিভালোকের শক্তিতেই মহাভারতের কর্ণের চরিত্র হইতে আবিষ্কার করিয়াছেন। কর্ণের ধনঞ্জয় বিদ্বেষের কারণ নির্দেশ করিতে গিয়া নাট্যকার নরনারায়ণত্বের গহনে নামিয়া গিয়াছেন। বাহুদেব ‘নারায়ণ নর দেহধারী’ কি না এই সত্য পরীক্ষা করিবার প্রবল বাসনাই যেন কর্ণকে বাহুদেব-সখা অর্জুনের সহিত যুদ্ধ করিবার প্রেরণা যোগাইয়াছে—কুরুক্ষেত্র যুদ্ধ কর্ণের চাইই চাই। কারণ কুরুক্ষেত্র যুদ্ধ না ঘটিলে, বাহুদেব-সখা তথা বাহুদেবের নারায়ণত্ব পরীক্ষা করা সম্ভব হইবে না। মোট কথা কর্ণের যুদ্ধ কামনার এবং যুদ্ধ বাধাইবার কুমন্ত্রণাদির উৎস—রহিয়াছে নর-নারায়ণকে পরীক্ষা করার তথা পাওয়ার কামনারই মধ্যে। কর্ণ যে পরিমাণে অন্তরে ক্রমপরায়ণ, বাহিরে সেই পরিমাণেই বাহুদেব ও ধনঞ্জয় বিরোধী। ইহা কর্ণ চরিত্রের নূতন ব্যাখ্যাই বটে এবং মহাভারতের কর্ণের যথাযথ প্রতিকল্প নয়—আরোপিত রূপ।

পরিকল্পনার দ্বিতীয় বৈশিষ্ট্য এই যে, যেখানে মহাভারতে কর্ণের রাধেয় কৌন্তেয় সন্তান হৃদ্য খুব পরিস্ফুটাকারে ব্যক্ত করা হয় নাই সেখানে নাট্যকার সেই দ্বন্দ্বের অবকাশ গ্রহণ করিয়াছেন এবং হৃদ্যকে পরিস্ফুট আকার দেওয়ার চেষ্টা করিয়াছেন। মহাভারতে কর্ণের ‘ধর্ম’ ও মনুষ্যত্ব যে পরিমাণে সংলক্ষ্য রূপ পাওয়াইছে, ‘ধর্ম’ তাহা পায় নাই। নরনারায়ণ নাটকে নাট্যকার কর্ণের মধ্যে ‘ব্রহ্ম’ ‘ধর্ম’ এবং ‘মনুষ্যত্বের’ হৃদ্য কল্পনা করিয়াছেন। (কর্ণের উক্তি স্বরগীত—‘মর্ম চায় পরাজয়, ধর্ম চায় জয়, মনুষ্যত্ব চায় নিষ্ঠুরতা’)

সুতরাং এখানকার মূল কল্পনাটি, কর্ণের জীবনের প্রচলিত ঘটনার সহিত উল্লিখিত ভাব-বৈশিষ্ট্য সংযুক্ত হইয়া গড়িয়া উঠিয়াছে এবং এই নব-গঠিত কাহিনীই নরনারায়ণ নাটকের উপস্থাপ্য বিষয়বস্তু। এই বিষয়বস্তুকে কত সূত্রেভাবে নাট্যকার রূপ দিতে সক্ষম হইয়াছেন তাহাই এখন বিচার্য। অর্থাৎ

বিচার্য এখন—সন্ধি বিভাগ—অঙ্ক দৃশ্যাদি বিভাগের সামর্থ্য ও সৌষ্ঠব—এক কথায় উৎকর্ষ—অপকর্ষ। আরো একটু বিশ্লেষণ করিয়া বলিলে বলা যাইতে পারে—অঙ্ক এবং দৃশ্যাদি বিভাগ এমন হইয়াছে কি না যাহাতে কাহিনীর ক্রমাভিব্যক্তিতে ঘটনাপরম্পরায় কাব্যাকারণ নিয়ম-নিয়তি, এবং কেন্দ্রাভিমুখিতা অনুরূপ রহিয়াছে এবং সব কিছুই মধ্য দিয়া মুখ্য উপস্থাপ্য—ভাব বা রস চমৎকারজনক রূপে নিম্পন্ন হইয়াছে। অঙ্ক বা দৃশ্য কেহই নিরপেক্ষভাবে স্বতন্ত্র নয়।—দৃশ্য যেমন অঙ্ক সাপেক্ষ, ‘অঙ্ক’ তেমনি সমগ্র পরিকল্পনা বা অংশী-সাপেক্ষ। একটি বাক্য যতই অলঙ্কার বহুল হউক না কেন সে যেমন একটি বিশেষ পরিচ্ছদের বা বক্তব্যেরই অংশ, তেমনি দৃশ্য অঙ্কের এবং অঙ্ক সমগ্র পরিকল্পনারই অংশ। প্রত্যেকের স্বকীয় রূপ ও রসের সৌষ্ঠব বা চমৎকারিত্ব আছে বটে, কিন্তু, সমগ্রের রূপ-রসের তাৎপর্য্য তাহাতে না থাকিলে তাহা সার্থক বলিয়া মনে করা যায় না।

গঠনে বা কাহিনী পরিকল্পনায় সমর্থ ঘটনার নির্বাচনই খুব বড় কথা এবং হুঃসাধ্য ব্যাপার। কোন্টি পরিহার্য্য কোন্টি অপরিহার্য্য তাহা স্থির করা এবং স্থির করার পরে নির্বাচিত ঘটনারাজিকে কেন্দ্রাভিমুখী করিয়া অঙ্গাঙ্গিযোগে যুক্ত করিয়া যোজনা করা—যোজনার মধ্য দিয়া চরিত্রের রূপ · রস পরিণতি ব্যক্ত করা—নির্মাণক্ষমতার প্রথম ও প্রধান পরিচয়।

এইবার দেখা যাক নরনারায়ণ নাটকে এই ক্ষমতা কিভাবে এবং কতখানি প্রকাশ পাইয়াছে। বলা বাহুল্য হইলেও বলা ভাল—নাট্যকার, জন্ম হইতে মৃত্যুকাল পর্যন্ত কর্ণের জীবনে যত ঘটনা ঘটিয়াছে সমস্ত ঘটনাকে প্রত্যক্ষভাবে উপস্থাপিত করেন নাই। উদ্যোগ পর্বের ঘটনা লইয়াই তিনি মূল নাটক আরম্ভ করিয়াছেন এবং পূর্ববর্তী ঘটনাগুলি আনিয়াছেন স্বগতোক্তি বা বিবৃতির সাহায্যে আর কয়েকটি আনিয়াছেন—‘স্মৃচনা’ দৃশ্য পরিকল্পনা করিয়া। কর্ণের জীবন দৈব-নিগূহীত। দৈব-১০ গ্রহ দেখাইতে হইলে অবশ্যই—কর্ণের জন্ম-বৃন্তান্ত, গোবধ জনিত ঋষিশাপ এবং মিথ্যাচার-জনিত গুরু-

অভিশাপ প্রভৃতি ঘটনার দ্বারা ভিত্তি রচনা করিতে হইবে। অবশ্য এই ঘটনাগুলি কর্ণের প্রথম জীবনের ঘটনা এবং উন্মোচন পর্বে ঘটনা হইতে ব্যবহৃত। ব্যবহৃত ঘটনাকে যোজনা করার রীতি—তিনটি। এক রীতি—নির্বাচিত ঘটনাগুলি পর পর কালক্রম অনুসারে প্রত্যক্ষভাবে উপস্থাপনা করা—(পাত্রপাত্রীর রূপসজ্জা এবং ঘোষণা দ্বারা কালের গতি বুঝাইয়া দেওয়া ছাড়া ব্যবধান পূরণের কোন উপায় নাই) অথ রীতি—অতীত ঘটনাকে পাত্রপাত্রীর স্মৃতি বা সংস্কারের মধ্য দিয়া অর্থাৎ চরিত্রেরই মানসিক ক্রিয়া হিসাবে প্রয়োগ করা আর অগত্যা—অতীত ঘটনাকে নাটকের মূল দেহ হইতে বিযুক্ত রাখিয়া ‘সূচনা’ দৃশ্যে স্থান করিয়া দেওয়া। নাট্যকার ক্ষীরোদপ্রসাদ অগতির গতিই অবলম্বন করিয়াছেন—‘সূচনা’ দৃশ্যে তাপসের অভিশাপ এবং পরশুরামের অভিশাপ প্রত্যক্ষভাবে রূপ দিয়াছেন। কর্ণের জন্ম বৃত্তান্তটি উহাই রাখিয়াছেন। যাঁহারা কর্ণের জন্ম-বৃত্তান্ত না জানেন তাহাদের কাছে কর্ণের নিরুপায় অবস্থাটি সম্যকভাবে ধরা পড়ে বলিয়া মনে হয় না। তবে সূচনা দৃশ্য সম্বন্ধে কোন মন্তব্য করার আগে এ কথাও ভাবিয়া দেখা দরকার ঐ দুইটি ঘটনাকে পরোক্ষভাবে রূপ দিলে ঘটনার কার্যকরিতা এক কথায় রস প্রত্যক্ষ উপস্থাপনার সমান হইবে কি না। যদি তাহা না-ই হয় তাহা হইলে প্রত্যক্ষ উপস্থাপনার প্রয়োজনীয়তা স্বীকার করিতে হইবে এবং নাটকের ঘটনার আরম্ভ ঐ স্থান হইতে করিতে হইবে। যদি পরবর্তী ঘটনাকে প্রত্যক্ষবৎ না করিয়া ডিঙাইয়া যাওয়া অসম্ভব বলিয়া বিবেচিত হয়, তাহা হইলে অবশ্য “সূচনা” দৃশ্যে স্থান দেওয়া ছাড়া গতাস্তুর নাই।

বাহা হউক নাট্যকার সূচনা দৃশ্যে একই কালের ভিন্ন-ভিন্ন সময়ে ঘটিত দুইটি ঘটনার সংশ্লেষণ করিয়াছেন—দুইটি অভিশাপ একই দৃশ্যে রূপায়িত করিয়াছেন। সংশ্লেষণের বিকল্পে বিশেষ কিছু বলিবার নাই। তবে সংশ্লেষণ যে নির্দোষ হয় নাই—এ কথা বলা যাইতে পারে। তাপসের আত্মম-সান্নিধ্যে পরশুরামের উপস্থিতি অসম্ভব ঘটনা নয় বটে, কিন্তু অপ্রস্তুতভাবে

পরশুরামের কর্ণের জাহ্নতে শয়ন এবং নাটকীয় (?) নিদ্রা, ঔচিত্যবাহক। রসের দিক দিয়াও যে দৃশ্যটি চিত্তাকর্ষক হইয়াছে তাহা বলা যায় না। অভিশাপ দেওয়ার আগেই তাপসের ও পরশুরামের ক্রোধের উত্তেজনা অল্পচিত্ত মাত্রায় প্রশমিত হইয়া গিয়াছে। তবে পরশুরামের চরিত্রকে নাট্যকার উল্লেখযোগ্য মাত্রায় ভাব-গভীর করিতে সক্ষম হইয়াছেন। বিশেষ লক্ষ্যণীয় এই যে, ‘সূচনা’ দৃশ্যে নাটকের “ভাব-বীজ”টিকে—নর-নারায়ণের প্রতি কর্ণের মনোভাবকে নাট্যকার সুন্দরভাবেই স্থাপনা করিয়াছেন এবং পরশুরামের অভিশাপে, “সত্যই যদি হীন সূত্রপুত্রের শোণিতে অন্তি হইয়া থাকি আমি এ পাপ না সঁজিবে তোমারে।”—এইটুকু অ-মহাভারতীয় আরোপ মিশাইয়া ভাবী একটি দ্বন্দ্বের জন্ত সুন্দর অবকাশ সৃষ্টি করিয়াছেন। তাপসের অভিশাপ অস্ত্রদ্বন্দ্বের কারণ হিসাবে প্রয়োগ করিবার চেষ্টা করিলে, বলা যাইতে পারে দুইটি অভিশাপেরই সম্বাবহার হইত।

এইবার, অঙ্ক ও দৃশ্য-পরিকল্পনা সম্বন্ধে আলোচনা করা যাউক।

প্রথম অঙ্কের প্রথম দৃশ্য—হস্তিনার সভামণ্ডপ। এখানে সন্নয়ন বার্তাকে কেন্দ্র করিয়া ভীষ্ম-কর্ণের বাগযুদ্ধ, কর্ণের বীরদর্প, অভিমানে অন্ত্র পরিহার এবং দানব্রতগ্রহণ উপস্থাপিত হইয়াছে। ভাবে ও ৬-মাত্র দৃশ্যটি মহাভারত-অনুসারী। তবে কর্ণের আত্মপক্ষ সমর্থনটুকু অকাটা যুক্তির দ্বারা নিষ্পন্ন হয় নাই এবং কর্ণের ‘নর-নারায়ণ’—বিরাগ কবিকল্পিত—অবশ্য ভাব-বীজের স্বাভাবিক বিকাশেরই নিদর্শন। **দ্বিতীয় দৃশ্য**—পাণ্ডবশিবির। শ্রীকৃষ্ণের দৌত্য এই দৃশ্যের মুখ্য বর্ণনীয় বিষয় হইলেও প্রসঙ্গক্রমে যুধিষ্ঠির প্রমুখ পাণ্ডবগণের বিশেষতঃ দ্রৌপদীর চরিত্র বৈশিষ্ট্য (যুধিষ্ঠিরের শাস্তি-অভিলাষ, ভীষ্ম-অজ্ঞান-নকুলের যুধিষ্ঠির-ভক্তি, দ্রৌপদীর তেজস্বিতা ও কৃষ্ণপ্রীতি) প্রদর্শিত হইয়াছে। এই দৃশ্যের প্রথম প্রয়োজন—কৃষ্ণক্ষেত্রের প্রস্তুতি—দ্বিতীয় প্রয়োজন—কোরবের অধর্মাচার ও পাণ্ডবদের ধর্মপরায়ণতা প্রদর্শন তথা পাণ্ডবশিবিরকে ধর্মের শিবির রূপে প্রতিষ্ঠিত করা, তৃতীয়

প্রয়োজন—কৃষ্ণকে দূত রূপে প্রেরণ করিয়া কৃষ্ণের বিধ্বরূপ প্রদর্শনের—নারায়ণ-মহিমা প্রদর্শনের অবকাশ সৃষ্টি করা এবং ‘কর্ণ-কৃষ্ণ সংবাদ’কে প্রয়োগ করিয়া কর্ণের অন্তর্বিক্ষেপ দেখাইবার আয়োজন করা। অবশ্য দৃশ্যটির বিস্তার এবং উপযোগিতা সম্বন্ধে প্রশ্ন উঠিতে না পারে এমন নয়।* তবে এখানেই উল্লেখ করা দরকার—নাটকখানির নাম ‘নর-নারায়ণ’ এবং কর্ণের জীবন যেমন উপস্থাপ্য তেমনি ধনঞ্জয়-বাসুদেবের নর-নারায়ণত্বও অন্ত্যতম উপস্থাপ্য। মোটকথা নাটকখানির উদ্দেশ্য সরল নহে—যৌগিক। এষ্ট কারণেই নাট্যকার কর্ণের দিকে একচক্ষু এবং নর-নারায়ণের দিকে আর একচক্ষু রাখিয়া অগ্রসর হইয়াছেন।

তৃতীয় দৃশ্য—‘কর্ণভবন,—বিজ্রাম কক্ষ। দৃশ্যের আরম্ভে “বৃষকেতু”র ‘গীতি’টি, বৃষকেতুর কৃষ্ণাশ্রয়ণ যতই অভিব্যক্ত করুক, শিল্পের দিক দিয়া—গীতিনাট্যিক বা অপেরাধর্মী হইয়াছে। কর্ণের স্বগতোক্তি; কর্ণের—(নাটকেরও) কেন্দ্র-ভাবটি—কৃষ্ণের নরনারায়ণত্ব লইয়া কর্ণের দ্বিধাগ্রস্ত মনোভাব (বিশ্বাস-কোটির দিকেই মন ঝুঁকিয়া পড়িয়াছে) ব্যক্ত হইয়াছে বটে কিন্তু হৃদয়ের ছোঁর বেগ কমিয়া গিয়াছে এবং অবিশ্বাসের মাত্রা অপেক্ষা বিশ্বাসের মাত্রাই বেশী হইয়াছে। তবে নারায়ণত্ব যাচাই করিতে কর্ণ কৃতসঙ্কল্প—এবং একটি মাত্র প্রমাণ দ্বারা তিনি যাচাই করিতে চাহেন—“যদি মরি অর্জুনের বাণে... ..সেই মৃত্যুগ্ধে বাসুদেব হোমারে বলিব নারায়ণ।” তারপর কর্ণের ও পদ্মাবতীর কল্লিত কথোপকথন সাহায্যে নাট্যকার কর্ণের অতীত জীবনের ইতিহাস—জ্যোপদীর স্বয়ম্বর-সভায় কর্ণের রানি, জ্যোপদীর বস্ত্রহরণ ব্যাপারে কর্ণের অমার্জ্জনীয় অপরাধ—ধনঞ্জয় যুধিষ্ঠিরের প্রতি কর্ণের আত্মরিক প্রজ্ঞা ও প্রীতি-বোধ প্রভৃতি স্পন্দরভাবেই ব্যক্ত করিয়াছেন। কর্ণ পদ্মার কাছে যে মনস্তাপ প্রকাশ করিয়াছেন—পদ্মার কাছে প্রকাশ কবার জন্ম তাহা অ-মহাভারতীয় বটে, কিন্তু কৃতকর্ণের জন্ম কর্ণের মনস্তাপ প্রকাশ (কৃষ্ণের কাছে) মহাভারত সমর্থিত। এই দৃশ্যে, নাট্যকার কর্ণের অর্জুন-বিষেবের

মূল কারণ নির্দেশ করিতে লিখিয়াছেন—

“দেবেরও অবধ্য আমি। জলন্ত সংকল্প
সেই হেতু নিত্য মোরে করে উত্তেজিত
যুঝিতে দৈথে-যুদ্ধে ধনঞ্জয়-সনে।”

অর্থাৎ নাট্যকার দেখাইতে চাহেন—কর্ণের ধনঞ্জয়-বিদ্বেষ বা যুদ্ধকামনা—
দুৰ্য্যোধনকে কুমন্ত্রণা দিয়া কুরুক্ষেত্র সৃষ্টি প্রভৃতি ব্যাপার পরম্পরা, চিত্তের
গভীরতম প্রদেশের নর-নারায়ণ—কামনারই যেন ব্যক্ত রূপ। ধনঞ্জয়-বাস্ত-
দেবকে নর-নারায়ণ বলিয়া কর্ণ মনে মনে স্বীকার করেন বলিয়াই, নিজের
‘দেবের অবধ্যত্ব’—পরীক্ষা করিতে নর-নারায়ণকেই সম্মুখ সময়ে আহ্বান করিতে
চাহেন। একটি কেন্দ্রীয় ‘ভাব’কে সমস্ত আচরণের হেতু রূপে দেখাইবার
প্রচেষ্টা খুবই প্রশংসনীয়। এই কর্ণকে যথাযথ মহাভারতের কর্ণ বলা না গেলেও
—এ কথা অবশ্যই বলিতে হইবে—এই কর্ণের আধ্যাত্মিক গভীরতা ও জটিলতা
অনেক বেশী—অনেক প্রশংসনীয়।

চতুর্থ দৃশ্য—‘কর্ণভবন—কক্ষাস্তর।’ এই দৃশ্যে নাট্যকার মোট চারিটি
ব্যাপার একসঙ্গে গ্রথিত করিতে চেষ্টা করিয়াছেন। প্রথম ব্যাপার—ত্রীকৃষ্ণের
আগমন-বিষয়ে কর্ণের সহিত দুৰ্য্যোধন-দুঃশাসন-শকুনি প্রভৃতি। পরামর্শ।
প্রথমার্শে এই ঘটনাটি রূপ দেওয়া হইয়াছে এবং কর্ণের ঐকান্তিক যুদ্ধকামনার
রূপটিও বিশেষ সতর্কতার সহিত প্রদর্শিত হইয়াছে। কিন্তু “দারুণ সমস্যা”র
মধ্যে শকুনির স্থূল রসিকতা, এক কথায় ‘বাচালতা’ অমুচিত হইয়াছে। দ্বিতীয়
ব্যাপার—কর্ণের অন্তরতম সত্তাটিকে স্বপ্নের সাহায্যে প্রদর্শিত করা—কৃষ্ণকে
কর্ণ যে নারায়ণ বলিয়াই অন্তরে অন্তরে স্বীকার করেন ইহা ব্যক্ত করা।
নাট্যকার স্বপ্ন সাহায্যে কর্ণের অবচেতন মনটি দেখাইবার—জাগ্রত-চৈতন্ত্যে
অহংকারের বাধায় যে সত্য প্রতিভাত হয় না সেই সত্যকে নিজা অনাকাশে
দেখাইবার যে পরিকল্পনা করিয়াছেন তাহা অ-মহাভারতীয় হইলেও,—প্রশংস-
নীয় যোজনা। এক নিজার ঢিলে নাট্যকার দুই কাজের পাখী মরিয়াছেন—

যে নিদ্রায় কক্ষের আবির্ভাব ঘটানো, সেই নিদ্রাবস্থাতেই স্বপ্নে ব্রাহ্মণবেশী সূর্য্য প্রবেশ করিয়া কর্ণকে সতর্ক করিয়া দিয়াছেন। তারপর সূর্য্যের সতর্ককরণ এবং ইন্দ্র কর্তৃক কবচ-কুণ্ডল হরণ—এই দুইটি ঘটনাকে সংশ্লেষণ করিয়াছেন। মোট কথা নাট্যকার এই দৃশ্য-কল্পনায় প্রশংসনীয় গঠন নৈপুণ্যের পরিচয় দিয়াছেন। তবে কবচ-কুণ্ডল ভিঙ্গার স্থলে, পদ্মাবতীর ছুরিকা আনিতে প্রস্থান এবং ছুরিকা লইয়া প্রবেশের মধ্যে যথেষ্ট কালব্যবধান রক্ষিত হয় নাই। পরিশেষে ইহাও উল্লেখযোগ্য—ভাসের ‘কর্ণভার’ নাটকে প্রতিদান গ্রহণে-অনিচ্ছুক দাতাকর্ণের যেরূপ মহিমোজ্জ্বল মুক্তি দেখা যায় এখানে সেই মুক্তি পাওয়া যায় না।

দ্বিতীয় অঙ্কের প্রথম দৃশ্য—“উদ্যান”। উদ্যানে চারগীগণেব ‘গীত’ ঘটনার স্বাভাবিক বা অপরিহার্য পরিণতি হিসাবে সংযোজিত হয় নাই। ‘উদ্যান’ ও ‘চারগী’ উভয়ই যেন অনাবশ্যক আগন্তুক। দ্বিতীয় দৃশ্য—(বার পৃষ্ঠাব্যাপী একটি দৃশ্যে) কক্ষের বিখরুপ তথা নাবায়ণত্ব প্রমাণিত করা হইয়াছে। কর্ণ চরিত্রেব সহিত প্রত্যক্ষভাবে যুক্ত নয় বলিয়া ১২ পৃষ্ঠাব্যাপী একটি দৃশ্যে ‘উক্ত’ ঘটনাটিকে রূপ দিতে যাওয়া অমিতব্যয় বলিয়াই মনে হয়। কর্ণ ও নর-নারায়ণকে যুগপৎ লক্ষ্যস্থলে স্থাপন করিতে চেষ্টা করায় এই ত্রুটি দেখা দিয়াছে। এই দৃশ্যে ধৃতরাষ্ট্রের এবং দুর্যোধনের চরিত্র অভিব্যক্ত হইয়াছে, সত্য, কিন্তু ইহার প্রয়োজনকে অপরিহার্য বলা যায় না।

তৃতীয় দৃশ্য—গান্ধারী-দুর্যোধনের কথোপকথনে উভয়ের চরিত্র-বৈশিষ্ট্য প্রকাশিত হইয়াছে এবং যুদ্ধ যে অবশ্যজ্ঞাবী তাহা ঘোষণা করা হইয়াছে। তারপর ভীষ্মের সৈন্যপত্য গ্রহণ এবং শিখণ্ডীর মধ্যেই যে ভীষ্মের মৃত্যুবর্ণন নিহিত সেই বিষয় বিবৃত করা হইয়াছে। চতুর্থ দৃশ্য—কর্ণ প্রত্যক্ষভাবে উপস্থাপিত। প্রাথমিক—দুঃশাসনের সহিত সংলাপে ত্রীকক্ষের বিখরুপ প্রদর্শন ব্যাপারে কর্ণের সংশয় এবং ঐকান্তিক যুদ্ধকামনা ব্যক্ত হইয়াছে। (দ্বিতীয়াংশে) পদ্মাবতীর সহিত সংলাপে, কর্ণের ‘রাধেয়’—সত্যটির তাৎপর্য বা গুরুত্ব

প্রকাশিত হইয়াছে। কবচকুণ্ডলহীন কর্ণের অভেদ্য বলিতে এখন শুধু ‘রাধেয়’ পরিচয়টুকু অবশিষ্ট। যে পর্য্যন্ত কর্ণ ‘রাধেয়’ সে পর্য্যন্ত তিনি অজ্ঞেয়। কর্ণ প্রাণপণে যেন ‘রাধেয়’-সত্তাটিকেই আকড়াইয়া ধরিয়া আত্মরক্ষা করিতে চাহেন। পদ্মাবতীর মনের আকাশে সংশয়ের মেঘ বার বার হানা দিয়া বিষাদের অন্ধকার ঘনাইয়া তুলে; তাঁহার ভয়—দৈব বিপাকে ‘রাধেয়’ পরিচয় ভাঙিয়া গেলে কর্ণের পতন অনিবার্য। পদ্মাবতীর সংশয় এবং আতঙ্ক একটু বেশী পরিম্ফুট হইয়াছে বটে কিন্তু কর্ণের জয়-অভিলাষী আত্মপ্রত্যয় এবং পদ্মাবতীর মৃত্যু-আতঙ্কিত সংশয়ের মিশ্রণটুকু চমৎকার উপভোগ্য হইয়াছে।* (তৃতীয়াংশে) কৃষ্ণের সহিত কর্ণের সংলাপ—এবং কৃষ্ণের মুখে জন্মবৃত্তান্ত শ্রবণ। এই অংশ সম্পর্কে প্রথম বক্তব্য এই যে মহাভারতে কৃষ্ণ কর্ণের গৃহে আসেন নাই; কোরব সভা হইতে ফিরিবার সময়, কর্ণকে রথে তুলিয়া নগরের বাহিরে লইয়া গিয়া নিষ্ক্রমে জন্মরহস্য জানাইয়াছেন। এখানে কর্ণের গৃহেই কৃষ্ণ আসিয়াছেন। দ্বিতীয় বক্তব্য এই যে, অন্তর্নিহিত কৃষ্ণ-ভক্তি, রাধেয়-সত্তা এবং নবাবিস্কৃত কোন্সের-সত্তার ক্রিয়া-প্রতিক্রিয়া সংযোগে এই অংশে যে ভাবাবেগ সৃষ্টি করা হইয়াছে, কর্ণে যে হৃদয়কল্প মনঃকোভের রূপটি ব্যক্ত করা হইয়াছে তাহা খুবই চিত্তাকর্ষক। এখান হইতেই কর্ণের ধর্ম-নূতন ও মর্যাদিক দ্বন্দ্ব আরম্ভ হইয়াছে। এই দ্বন্দের রূপ—কর্ণের ভাষায়—‘**অর্থ চায় পরাজয়, সত্য চায় জয়, মনুষ্যত্ব চায় নিষ্ঠুরতা।**’^১ ধর্ম ও মর্যের দ্বন্দ্ব কর্ণ-চরিত্র খুবই লক্ষণীয় হইয়া উঠিয়াছে। মহাভারতের কর্ণে ধর্মনিষ্ঠাই প্রবল, ‘নর-নারায়ণের’ কর্ণে ধর্ম ও মর্ম উভয়ই প্রতিস্পর্ধার সচিত ব্যক্ত হইয়াছে।

তবে যদিও এই দৃশ্যটিকে নাটকের মধ্যমণি বলা যাইতে পারে, তবু কর্ণের জন্ম-পরিচয় আবিষ্কার মুহুর্তে ‘রাধেয়’-সত্তার ক্রিয়া-প্রতিক্রিয়া আরো তীব্রভাবে ব্যক্ত করিতে পারিলে কর্ণ-চরিত্রের প্রাণবত্তা তথা দৃশ্যটির উৎকর্ষ আরো বৃদ্ধি পাইত।

তৃতীয় অঙ্কের—প্রথম দৃশ্যটি, কর্ণের জীবনকে মুখ্য উপস্থাপ্য হিসাবে দেখিলে, অপরিহার্য বলিয়া মনে করা চলে না ; যদিও ইহাতে কৃষ্ণের অলৌকিক মহিমা—নারায়ণত্বের মহিমা দ্রৌপদীর মুখে আর একবার কীৰ্ত্তিত হইয়াছে এবং যুধিষ্ঠিরের চরিত্র-মাহাত্ম্যের ও পরোক্ষভাবে কর্ণের বীরত্বের উপর আলোকপাত করা হইয়াছে। তবু এ কথা সত্য যে এই দৃশ্য বাদ দিলে নাটকের তেমন কোন অঙ্গহানি ঘটে না। **দ্বিতীয় দৃশ্যে** কর্ণ যুদ্ধ শিবিরে ; স্বগতোক্তিতে যুদ্ধের অগ্রগতি এবং কর্ণের দ্বন্দ্ব বিবৃত হইয়াছে। পদ্মাবতীর সহিত সংলাপে—প্রথমতঃ জয়দ্রথবধ-কাহিনী বিবৃত করা হইয়াছে এবং সেই প্রসঙ্গেই কর্ণের মনে, বাহুদেবের নারায়ণত্ব লইয়া যে সংশয় ও দ্বন্দ্ব আছে তাহা আবার ব্যক্ত করা হইয়াছে। দ্বিতীয়তঃ অত্যাসন্ন দ্বৈরথ যুদ্ধে গমনের প্রাক্কালে, পদ্মাবতীকে সাস্তুনা দেওয়ার স্থলে, কর্ণের মধ্যে, মর্মের ও ধর্মের দ্বন্দ্ব চমৎকার আবেগের সহিত রূপ দেওয়া হইয়াছে—কর্ণ পদ্মাবতীকে যখন নিজের পরিচয় দিয়াছেন তখন যেন নিজের নিশ্চিত মৃত্যু সংবাদই দিয়াছেন। কল্পনাটি খুবই চিত্তাকর্ষক হইয়াছে। তবে শেষ অংশে পদ্মাবতী ও যুদ্ধকেতুর কৃষ্ণভক্তি মাত্রা অতিক্রম করিয়াছে। তাহাতে বাহুদেবের নারায়ণত্ব এবং নাটকের পৌরাণিকত্ব যতই বৃদ্ধি লাভ করুক, আতিশয্য দোষের স্পর্শ এড়ানো যায় নাই। **তৃতীয় দৃশ্যে**—কর্ণের ট্রাজেডি আরো এক ধাপ অগ্রসর হইয়াছে। কবচ কুণ্ডলহীন এবং ‘রাধেয়’-বর্ষহীন কর্ণের অবশিষ্ট রক্ষাকবচ—“একবিঘাতিনৌ”ও তাঁহার হাতছাড়া হইয়া যায়—ধনঞ্জয়-বধের জন্ত সযত্নে-রক্ষিত ‘একল্লীবাণ, ঘটোংকচ-বধের জন্ত প্রযুক্ত হয়। এই দৃশ্যের শেষাংশে বিকর্ণ ও শকুনির আলাপ-প্রলাপ লঘু হাস্যোদ্দীপক হইয়াছে। **চতুর্থ দৃশ্যে**—কর্ণ-বধের আয়োজন করা হইয়াছে। যুধিষ্ঠির-ভীম-নকুল-সহদেবকে কর্ণের বিরুদ্ধে প্রেরণ করা হইয়াছে। তবে ঘটোংকচের আলাপ-আচরণ হাস্যরসজনক হইয়া পড়ায় পরিহিতির গুরুত্ব কমিয়া গিয়াছে।

পঞ্চম দৃশ্যে—পরাজিত যুধিষ্ঠির-ভীম-নকুল-সহদেবের সহিত বিজয়ী কর্ণের

সম্মেহ আচরণে, কর্ণের ধর্মের ও মর্মের দ্বন্দ্বটিকেই—দুঃসহ অন্তর্বিক্ষোভকেই রূপ দেওয়া হইয়াছে। মহাভারতে এইরূপ পরিস্থিতি আছে বটে কিন্তু সেখানে যুধিষ্ঠিরাদি যেমন উপবিষ্ট নহেন এবং তেমন কর্ণও ভীষ্মের গণ্ডে সম্মেহে চুপন করেন নাই। **দৃশ্যান্তরে**—“একবিঘাতিনীর” জন্তে কর্ণের আক্ষেপ—নিগৃঢ় দ্বন্দ্ব-ক্ষোভের অভিব্যক্তি প্রশংসনীয়। ঘটোৎকচ বধে দুঃশাসন-শকুনির উল্লাস হাশ্বোদীপক, অর্জুনের শোকাবেগ এবং কৃষ্ণের উল্লাসে দুই বিপরীত ভাব-রসের যে সংমিশ্রণ ঘটয়াছে তাহা খুবই কৌতূহলোদীপক হইয়াছে। আর অর্জুনের ও কৃষ্ণের সংলাপ দ্বারা কর্ণের অপরাধের-বীরত্ব-খ্যাতি প্রতিকলিত করায়—যথাসময়ে নেতৃ-চরিত্রের মহত্বের উপর আলোকপাত করা হইয়াছে।

চতুর্থ অঙ্কের প্রথম দৃশ্য—“অর্জুনকে শোধান করিবার জন্তে এত সময় বা স্থান দেওয়ার বিশেষ কোন সার্থকতা নাই। দ্রৌপদীর মুখে বাহুদেবের নারায়ণত্ব এবং কৃষ্ণের মুখে কর্ণের অজ্ঞেয়ত্ব ঘোষিত হইয়াছে—এবং সমাধিস্থ কৃষ্ণের উক্তিতে কৃষ্ণের পদ্মাবতী প্রীতিও ব্যক্ত হইয়াছে; শেষাংশ নাটকীয় বটে কিন্তু অ-মহাভারতীয়। **দ্বিতীয় দৃশ্য**—বৃষকেতুর ও পদ্মাবতীর দিব্যোন্মাদ-সদৃশ কৃষ্ণাভিতে অতি নাটকীয় উদ্দীপনা ব্যক্ত হইয়াছে কিন্তু আসলে ব্যাপারটি কল্পনা-প্রসূত। কর্ণার্জুনের যুদ্ধের অবকাশ এই দৃশ্য দ্বারা পূরণ করা যুক্তিযুক্ত হইয়াছে কিনা বিচার্য বিষয়। রণস্থলে রথচক্রগ্রাস এবং ব্রহ্মাস্ত্রের বিস্মরণ—কর্ণের জীবনোপস্থাপনায় প্রত্যক্ষ উপস্থাপনার দাবী অবশ্যই করিতে পারে, কারণ নিয়তির অনিবাধ্য গতি এবং পুরুষকারের নিষ্ফল সংগ্রামের রূপ ঐ দুইটি ঘটনায় চমৎকাররূপে উদ্ভাসিত হইয়া থাকে। “মগ্নরথে পৃষ্ঠ দিয়া উপবিষ্ট কর্ণ” ততখানি উদ্ভাসিত করিতে পারে না। **তৃতীয় দৃশ্য**—“মগ্নরথে পৃষ্ঠ দিয়া উপবিষ্ট কর্ণ”—এর মৃত্যু মুখে আত্ম-বিলেপন মহাশূন্যতার জন্ত মনঃক্ষোভ, শ্রীকৃষ্ণের কর্ণ প্রশস্তি—কর্ণের জন্ত বেদনাবোধ—কর্ণের কৃষ্ণকে ভগবান বলিয়া স্বীকার—শেষ মুহূর্ত্তে ভীষ্মের কর্ণ-পরিচয়লাভ যুধিষ্ঠির প্রভৃতির কর্ণের পাদমূলে উপবেশন এবং কর্ণের ভীষ্মের উদ্দেশে দীর্ঘ

আত্মবিবরণ প্রদান—প্রভৃতি বিষয় উপস্থাপিত হইয়াছে। ঘটনার মূলটুকু মহাভারতীয়, কিন্তু “ত্রিষ্কণ্ডের কর্ণ প্রশস্তি” হইতে আত্ম বিবরণ দান পর্য্যন্ত—সবই কবি-কল্পিত। তবে ভাব-বিরোধী হয় নাই এই কারণে যে—পাণ্ডবগণ তর্পণকালে কুন্তীর মুখে কর্ণের পরিচয় পাইয়া খুবই শোক প্রকাশ করিয়াছিলেন।

চরিত্র-বিশ্লেষ ও বিচার

নর-নারায়ণ নাটকে পাত্রপাত্রীর সংখ্যা মোট ৩০ (পুরুষ—২৬; নারী—৪)। সুতরাং, চরিত্রের সংখ্যাও, সাধারণ নিয়ম অনুসারে—অর্থাৎ যেখানেই ‘ব্যক্তিত্ব’ সেখানেই ‘চরিত্র’ (ব্যক্তিত্বহীন ব্যক্তিও বিশেষ ধরনের চরিত্র) এই নিয়ম অনুসারে সমান বলা যাইতে পারে, যদিও চরিত্র-বিচারে সমালোচকরা সাধারণতঃ উল্লেখযোগ্য চরিত্রগুলিরই বিচার-বিশ্লেষণ করিয়া থাকেন। মনে রাখা দরকার চরিত্র-বিচার প্রথমতঃ চরিত্রের সাধারণ পরিকল্পনা’র বিচার এবং দ্বিতীয়তঃ পরিকল্পনার রূপায়ণের বিচার। অর্থাৎ যে পরিকল্পনা করা হইয়াছে, সেই পরিকল্পনাটিকে সার্থকভাবে ব্যক্তি-জীবনের আকারে রূপ দেওয়া হইয়াছে কি না তাহার বিচার। কাহিনী যেখানে সামাজিক সেখানে চরিত্রের সাধারণ পরিকল্পনা’ এবং বিশেষ রূপ সবই কবির নিজের করা; আর কাহিনী যেখানে পৌরাণিক বা ঐতিহাসিক সেখানে পাত্র-পাত্রীদের সাধারণ পরিকল্পনার রেখা-রূপটি দেওয়া থাকে বটে কিন্তু সেখানেও কবির কৃতিত্ব প্রকাশ পায় সাধারণের মধ্যে অসাধারণকে অর্থাৎ অনভিব্যক্ত ‘সম্ভাব্য’কে আবিষ্কার করায়। ‘ঘটে যাহা সব সত্য নহে’ কবির এই কথাই সেখানে সত্য—বান্ধীকির মনোভূমি যেমন রামের জন্মভূমি হিসাবে অযোধ্যার চেয়েও সত্য তেমনি পৌরাণিক-ঐতিহাসিক চরিত্রেরও শৈল্পিক জন্মভূমি কবি-মনোভূমি। যে কবির সংস্কৃতি (জ্ঞান-অনুভব-ইচ্ছা) যত বড় তিনি তত বড় আকারে বা প্রকারে চরিত্রের পরিকল্পনা ও রূপদান

করিতে পারেন। অষ্টার সৃষ্টি-কৌশল সেই পরিকল্পনাতেই—সেই সৃষ্ট রূপদানের মধ্যেই অভিব্যক্ত।

কর্ণ (ক) নর-নারায়ণ নাটকে কেন্দ্রীয় চরিত্র—“কর্ণ”। নাট্যকার ক্ষীরোদপ্রসাদ পোষাণিক “কর্ণ” চরিত্রকে এখানে নূতন রূপাংশে পরিকল্পিত করিয়াছেন। তিনি মহাভারতের কর্ণের বাহ্য রূপটি অর্থাৎ কর্ণের জীবনের তথ্যরাজি মোটামুটি গ্রহণ করিয়াছেন বটে, কিন্তু কর্ণের ‘হৃদয়-মন’ গঠনে অনেক পরিমাণে স্বাধীন করিয়া আশ্রয় করিয়াছেন। নাটকে কর্ণ চরিত্রের সাধারণ পরিকল্পনা—এইরূপ :—

(ক) কর্ণ—“দৈব নিগৃহীত পূর্ণ শক্তিধর মহাপুরুষ”। “সহজাত কবচ-কুণ্ডল—জ্যোতির্ময় সুন্দর দেহধারী, সত্যবাদী নিভীক দেবতারূপী নর”—হঠিয়াণ্ড জ্ঞান্য অভিশপ্ত—‘কৌন্তেয়’ হওয়া সত্ত্বেও ‘রাধেয়’—অবশ্য ‘কৌন্তেয়’ পরিচয় তাহার কাছে অজ্ঞাত।

(খ) প্রতিদ্বন্দ্বী ধনঞ্জয়েকে সমরে বিনাশ করিবার জন্য ঐকান্তিক আগ্রহে ধনুর্বেদ শিক্ষা করিতে এবং মিথ্যা পরিচয় দিয়া পরশুরামের শিশুত্ব গ্রহণ করিতে গিয়া ‘গো বধ’ জনিত ঋষি শাপে এবং মিথ্যা পরিচয়-জনিত ‘গুরু শাপে’ অভিশপ্ত।

* (গ) “নরায়ণ নরদেহধারী!—দেহরক্ষী গাণ্ডীবীর।”—এ কথা কর্ণ বিশ্বাস করেন না, ইহা তাঁহার কাছে ‘অশ্রদ্ধেয় মূল্যহীন’।

(ঘ) ধনঞ্জয়ের সহিত প্রতিদ্বন্দ্বিতার প্রথম কারণ যাহাই হউক—দ্বিতীয় এবং পরবর্তী কারণ—কর্ণের ভাষায়—“দেবেরও অবধ্য আমি। জলন্ত সঙ্কল্প সেই হেতু নিত্য মোরে করে উত্তেজিত, যুদ্ধিতে দৈবত্ব-যুদ্ধে ধনঞ্জয় সনে।” অর্জুনের সহিত দৈবত্ব-যুদ্ধই তাঁহার একমাত্র কামনা, এই যুদ্ধের বিনিময়ে বিশ্বের কর্তৃত্বও তিনি চাহেন না। *পরন্তোঃ কর্ণের যুদ্ধ কামনার বাহিরে আছে—ধনঞ্জয়-প্রতিদ্বন্দ্বিতা বটে কিন্তু মূলে আছে—‘নর-নারায়ণ’ বলিয়া

কথিত ধনঞ্জয়-বাসুদেবের সহিত যুদ্ধ করিয়া নিজের ‘দেবের-অবধ্যত্ব’ পরীক্ষা করার প্রেরণা এবং আরো গভীরে আছে—ধনঞ্জয়-বাসুদেবের নর-নারায়ণত্ব যাচাই করিয়া লইবার নিগূঢ় বাসনা—এক কথায় অন্তরতম প্রদেশে নারায়ণকে পাইবার কামনা। (কর্ণ বাসুদেবকে উদ্দেশ্য করিয়া বলিয়াছেন—তুমি যদি সেই নারায়ণ...এ অন্তরে কি আছে আমার সমস্ত অবশ্য জান তুমি, এই যে আমার দেহ-আবরণ...এ তো পারিবে না—কোন মতে পারিবে না, এ হৃদয়ে তোমার দর্শনে দিতে বাধা। এই সত্য আবিষ্কারে করেছি সর্বস্ব দানপণ। এই সত্য আবিষ্কারে আমি জীবন-মরণ যুদ্ধ করিতে চলেছি একমাত্র প্রতিদ্বন্দ্বী তোমার সখায়” (প্রথম অঙ্ক তৃতীয় দৃশ্য)।

কর্ণের হৃদয়ের গভীরতম প্রদেশে আছে—কৃষ্ণের নাট্যগুণে প্রবল বিশ্বাস কিন্তু বুদ্ধির স্তরে আছে বিশ্বাস অবিশ্বাসের দ্বন্দ্ব এবং এই দ্বন্দ্বই যুদ্ধ কামনাব রূপে—ধনঞ্জয়-প্রতিদ্বন্দ্বিতার রূপে ব্যক্ত হইয়াছে। ভূষোদনকে কুমন্ত্রণাদান প্রভৃতি আচরণও এই যুদ্ধকামনার অর্থাৎ “নর-নারায়ণ”কে লাভ কবিবার গোপন কামনা হইতেই প্রেরিত হইয়াছে। এইভাবে—“প্রাণ বুদ্ধি ধর্ম”—অধিকারে ব্যক্তিত্বেব যে দ্বন্দ্বজটিল রূপ, কর্ণে তাহাই দেখাইবার চেষ্টা হইয়াছে।

(ঙ) “রাধেয়”—সত্তাটি কর্ণের—‘ধর্ম-সত্তা’ এবং তদপেক্ষা আরো কিছু বেশী। গুরু অভিগাণেই, কর্ণ যতক্ষণ “রাধেয়” ততক্ষণ ব্রহ্মাস্ত্রের অধিকারী—ততক্ষণ অপরাধেয়। কবচলকুণ্ডলহীন—‘একল্প’ হীন কর্ণের শেষ বর্ম রাধেয়ত্ব। একে একে কবচকুণ্ডল, “একল্প” এবং রাধেয়ত্ব সবই অপহৃত হইয়াছে। “রাধেয়-পরিচয়” যাইবার সময় কর্ণের মর্ম জ্বালাইয়া দিয়া গিয়াছে—“রাধেয়”-কর্ণকে কোন্তেয়-কর্ণে পরিণত করিয়াছে—কর্ণকে ভাঙিয়া ‘বাধেয়’ ও ‘কোন্তেয়’ দুইখণ্ড করিয়া দিয়াছে। একদিকে ধর্ম একদিকে মর্ম—দুইয়ের দ্বন্দ্ব কর্ণের জীবনও এক মহাকুরুক্ষেত্রে পরিণত হইয়াছে।

বাস্তবিকই, কর্ণ-চরিত্রের ‘সাধারণ পরিকল্পনা’টির মধ্যে অভিনবত্ব আছে।

এইবার দেখা যাক নাট্যকার চরিত্র-রূপায়ণে কিরূপ দক্ষতা দেখাইতে সক্ষম হইয়াছেন।

‘সূচনা’তে দেখা যায়—কর্ণ তাপসের উদ্ধৃত অভিশাপের সম্মুখে নির্ভীকভাবে মাথা পাতিয়া দিয়াছেন—নির্ভীকভাবে সত্য কথা বলিয়াছেন—“যুগধ্রমে বধিয়াছি ধেমু।” সত্যই প্রাণভয়ে কর্ণ সত্য গোপন করেন নাই—অভিশাপ-ভয়েও তিনি ভীত ন’ন। বাহিরের পরিচয়ে কর্ণ হস্তিনা নগরবাসী এবং কর্ণ নামে ‘প্রসিদ্ধ হইলেও এবং ভগবান রামের শিষ্য হইলেও কর্ণের আসল পরিচয় তাহার আবির্ভাবের ব্যক্ত হইয়াছে, তাপসের বিস্মিত বচনেই প্রকাশিত হইয়াছে—‘দেহধারী অংশুমালী, সম স্বভেজে স্বরূপ সুপ্রকাশ’ অস্তিত্বও সবিস্ময়ে কর্ণের বিস্ময়কর এবং রহস্যময় রূপটির প্রতি অজুলিনির্দেশ করিয়াছে—“সহজাত কবচকুণ্ডল, জ্যোতির্ময় স্তম্ভাম্বুদ্রের দেহধারী, সত্যবাদী, নির্ভীক দেবতারূপী নন। তাপস যেন নিয়তির মত সর্বজ্ঞ দৃষ্টি লইয়াই দেখেন—“এই বিশ্ণুমাঝে কোন শ্রেষ্ঠ ধর্মুর্ধ্বরে, পবাজিত করিতে সমরে” কর্ণ গোপনে বিচিত্র বিজ্ঞা শিখিয়াছেন এবং “সর্বদা সর্বথা সঙ্গে তার—রক্ষিরূপে দেহধারী ভ্রমে নারায়ণ” কিন্তু কর্ণকে তিনি অভিশাপ দিতে কুণ্ঠিত হন না—অভিশাপ দেন—“তোমার রথের চক্র গ্রাসিবে মেদিনী।” কর্ণ ঐ ঋষদের সহিত অভিশাপ গ্রহণ করেন। নিয়তি-প্রেরিত কর্ণ যদি,—আভ্যাস করিবেন তিনি কাহার উপর? কিন্তু সঙ্গে সঙ্গেই তাহার মনে হয়—ব্রাহ্মণ গাভীশোকে আত্মহারা, মোহাচ্ছন্ন স্বতরাং মোহাচ্ছন্নের অভিশাপে—“বিন্দুমাত্র ক্ষতি নাই হবে।” পুরুষকার মাথা তুলিয়া দাঁড়ায় মুখ্য ব্রাহ্মণের শাপের প্রলাপে তাহার শিক্ষা নিষ্ফল হইবে তাহা তিনি ভাবিতে পারেন না। শুধু ভাবিতে পারেন না তাহা নহে ব্রাহ্মণের-এই “সর্বদা সর্বথা সঙ্গে তার রক্ষিরূপে দেহধারী ভ্রমে নারায়ণ—কথাটিকে ক্ষিপ্তের উক্তি বলিয়া তিনি উপেক্ষা করেন; কারণ—‘সর্বত্রগ, অনির্দেশ্য, কুটস্থ অচল যেই ব্রহ্ম—আচ্ছাদন করে আছে অনন্ত ভুবন……সে পশেছে চৌদপোয়া ‘ঋর-পিঙ্করে’—এই কথা যে বলে সে “মূর্খ—মুগ্ধ—ক্ষিপ্ত” ছাড়া কি!

ভগবান পরশুরাম কর্ণকে খুঁজিতে খুঁজিতে সেইস্থানে আসিয়া উপস্থিত হন এবং তাঁহার উদ্দেশ্যের কারণ ব্যক্ত করেন—শঙ্কভেদী বাণ-শিকায় কোন ক্ষত্রিয় যে সফল লাভ করে নাই তাহার ইতিহাস শোনান।

কর্ণ সেই সব কাহিনী শুনিয়া মলিন ও বিচলিত হইয়া পড়েন। অনেক চেষ্টায় আত্ম-গোপন করিতে সক্ষম হন। পরশুরাম আনন্দিত চিত্তে কর্ণকে প্রশংসা করেন—বলেল—“কর্ণ। সহজাত কবচ-কুণ্ডলধারী তুমি—ধরাতলে সূর্যের সচল প্রতিমূর্তি। পূর্বে হ’তেই তুমি দেবতারও অজেয়—তার উপর এই শিক্ষা। এ ভুবনে তোমার তুল্য বীর আর হয়নি, হবে না, হ’তে পারে না।” কর্ণ বার বার গুরুকে প্রণাম করিয়া—সর্বার্থসিদ্ধির আনন্দ ব্যক্ত করেন।

এই পূর্ণ সিদ্ধির মুহূর্ত্তে, নিয়তির চক্র পরশুরামের নিদ্রাবেশ এবং বজ্র-কীটের মূর্ত্তি ধরিয়া আপন গতিপথে অগ্রসর হয়। পরশুরাম কর্ণের জাহ্নুতে মস্তক রাখিয়া গমন করিলে বজ্রকাট জাহ্নুভেদ করিতে থাকে। গুরুর নিদ্রা ভঙ্গ না হয়—এই জন্য কর্ণ “শত বৃশ্চিকের একসঙ্গে দংশন”—অচঞ্চল হইয়া সহ্য করেন। কিন্তু রক্তের স্পর্শে রাম অশুচি বোধ করেন এবং ক্রোধান্বিত হইয়া কর্ণের সত্য পরিচয় জিজ্ঞাসা করেন। কারণ—ব্রাহ্মণের এত বৈষ্য অসম্ভব। কর্ণ সত্য পরিচয় দিয়া বলেন—“আমি সূতপুত্র” এবং ‘ভার্গব’ পবিচয় দেওয়ার কারণও ব্যাখ্যা করেন। পরশুরামও (তাপসের মতই) কর্ণের জন্য আক্ষেপ প্রকাশ করেন—“সহজাত কবচ-কুণ্ডল, বিমল আদিত্য-জ্যোতি মুখে, নয়নে গায়ত্রী দীপ্তি, বুদ্ধির জননী—দেবতার আকাঙ্ক্ষিত সৌন্দর্য্য-সম্পদ দেহে বরে জীবন প্রারম্ভ পথে সর্বভাগ্য দিলি বিসর্জন।” কর্ণ করুণা ও ক্ষমা ভিক্ষা করেন—সূতপুত্র অপেক্ষা অধিক হীনতা যেন তাঁহার না হয়। রাম কিন্তু কিছুতেই স্বীকার করেন না—কর্ণ সূতপুত্র। তাঁহার দৃঢ় বিশ্বাস—“সূতপুত্র কত নহ তুমি”, (বিঃ ভঃ—নাটক হইতে কর্ণের আসল পরিচয় কর্ণ বা পাঠক এপর্য্যন্ত কেহই জানেন না, সূতরাং পরশুরামের দৃঢ় ঘোষণা—কৌতুহল আগায় বটে কিন্তু ইহাতে পরিচয় যিনি জানেন তাঁহার মধ্যে রসাস্বাদন

ঘটিবার যেরূপ সম্ভাবনা, যিনি না জানেন তাহার মধ্যে তেমন সম্ভাবনা নাই।)

শেষপর্বন্ত পরন্তুরায়ের অভিণাপও বর্ণিত হয়—

সতাই যদি হীন সূতপুত্রের শোণিতে
অশুচি হইয়া থাকি আমি,
এ পাপ না স্পর্শিবে তোমায়ে
নহে—দ্বিজ-পুল জ্ঞানে জগৎ কল্যাণে,
যে গুহাস্ত্র শিক্ষা দানে, প্রয়োগ সংহারে
তোমায়ে করেছি আমি অজ্ঞেয় ধরায়,
রে মুঢ়, সঙ্কটকালে—নির্মাণ সময়ে
সে অস্ত্র বিস্মৃত হবে তুমি।”

ইহাও কম তীব্র অভিণাপ নহে। তবে কর্ণের বিষাদ বিপুল হর্ষে পবিণত হয়, কারণ কর্ণ তো জানেন—“সত্য—সত্য—যথার্থ সূতপুত্র আমি।” *কিন্তু এখানেও বক্তব্য এই যে কর্ণ যে আসলে সূতপুত্র ন'ন—এই জ্ঞান পাঠক দর্শকের থাকা দরকার, না থাকিলে—অভিণাপের শোচনা তেমন জন্মিতে পারে না। নাট্যকাব কর্ণের জন্ম-বহুস্ত্র ব্যক্ত করিবার স্ত্রযোগ পান নাই বা স্ত্রযোগ করিয়া লইতে চাহেন নাই। কারণ তিনি বহুস্ত্রটি পরে ‘আবিষ্কার’ করিতে তথা ‘discovery of the unknown’ জন্মিত আনন্দ ব. করিতে চাহিয়াছেন। এইরূপ ক্ষেত্রে এই রীতি কতখানি সফল হয় বা হইয়াছে পবে আলোচনা করা যাইতেছে।)

দেখা যাইতেছে কর্ণের ‘পশ্চাতের আমি’তে আছে—(ক) ধনঞ্জয়-প্রতি-
দ্বন্দ্বিতা (খ) ‘নারায়ণ নরদেহধারী। দেহরক্ষী গাণ্ডীবী’—এই সত্যের
প্রতি অবিশ্বাস (গ) সহজ কবচকুণ্ডলধারী, সূতরাং দেবতারও অজ্ঞেয়—এই
অভিমান। (গ) ‘গো বধ’ জনিত অভিণাপের স্মৃতি (ঙ) গুরু অভিণাপের
স্মৃতি এবং তদনুপাতী ‘রাধেয়’—পরিচয়ের প্রতি পসক্তি।

এই “পশ্চাতের-আমি”-যুক্ত কর্ণকে প্রথমেই হস্তিনার সভামণ্ডপে—

‘দুর্যোধন-সখা’ রূপে দেখা যায়। নর-নারায়ণদ্বৈ-অবিখ্যাসী কর্ণ ভীষ্মের উক্তি—“ধনঞ্জয়-বাসুদেব—মায়্যাতিমানব

পূর্বদেহে দুইঋষি নর-নারায়ণ

এক আত্মা দ্বিধাকৃত ভিন্ন রূপে”—শুনিয়া উপেক্ষা প্রকাশ করেন ; “নরনারায়ণ—অশ্রদ্ধেয় মূল্যহীনপ্রলাপবাক্য।” ভীষ্ম কর্ণকে—‘হীনজাতি সূতপুত্র’ বলিয়া তিরস্কার করেন বটে কিন্তু কর্ণ আত্মপ্লাঘা প্রকাশ করিয়া দুর্যোধনকে যুদ্ধ করিবার জন্য প্ররোচনা দান করেন।

‘দুর্য্যতি সূতপুত্র’— কর্ণের আত্মপ্লাঘাকে ভীষ্ম আঘাত করেন—পাণ্ডবদের শক্তির প্রশংসা করিয়া এবং (গো-গ্রহণে ও ঘোষষাট্রা পূর্বাধ্যায়ে বর্ণিত) কর্ণের কাপুরুষতার দৃষ্টান্ত দেখাইয়া। বাক্যযুদ্ধে কর্ণও পশ্চাৎপদ হন না। নাট্যকার কর্ণের কাপুরুষতাকে অ-মহাভারতীয় যুক্তির দ্বারা ঢাকিতে চেষ্টা করিয়াছেন— দেখাইয়াছেন গো-গ্রহণের ব্যাপারে কর্ণ নারীবৈশী বৃহন্নলার সহিত যুদ্ধ করিতে ইচ্ছা করেন নাই, আর ঘোষষাট্রায় গন্ধর্ব্বগণের সহিত যুদ্ধ করেন নাই—“নারীহত্যা”র ভয়ে অর্থাৎ গো-হত্যার উপর নারীহত্যা করিয়া কর্ণ আর পাপবুদ্ধি করিতে চাহেন নাই। কর্ণের যুদ্ধ কামনা যেন আত্মপ্লাঘারূপে আত্মপ্রকাশ করিতে থাকে। দুর্যোধন যখন বলেন—‘বিনা যুদ্ধে আমি সূচ্যগ্র প্রমাণ ভূমি দিব না পাণ্ডবে’, কর্ণ “সাধুবাদ দ্বারা দুর্যোধনকে উৎসাহ তথা যুদ্ধের প্ররোচনা দান করেন” ॥ বীরদর্পে কর্ণ মুখর—“সৈন্য ল’য়ে একা আমি যাব রণস্থলে। অর্জুন বধের ভার লইলাম আমি।” অর্জুন-প্রতিদ্বন্দ্বী কর্ণ অর্জুনকে বধ করিয়া অপ্রতিদ্বন্দ্বীর কীতি লাভ করিতে উৎসাহিত কিন্তু ভীষ্মের তিরস্কারে—“ওরে কাল-হত-বুদ্ধি কর্ণ। ওরে হীন সূতপুত্র, আত্মপ্লাঘা কর কা’র কাছে ? (কাল-হত-বুদ্ধি কর্ণ। তুমি কেন আত্মপ্লাঘা করিতেছ ?— মহাভারত), কর্ণ ক্ষুব্ধ হইয়া প্রতিজ্ঞা করিয়া অস্ত্র পরিহার করেন—প্রতিজ্ঞা করেন—“যতদিন জীবিত রবেন পিতামহ, ততদিন কেহ না দেখিবে মোরে কোরব সভায়, কেহ না দেখিবে দাঁড়াইতে রণক্ষেত্রে। যে দিন সমরে পড়িবে

পিতামহ । সেইদিন অল্প পুনঃ করিব গ্রহণ ।” এবং সঙ্গে সঙ্গে অজ্জুন-নাশ সঙ্কল্প করিয়া—দানব্রত গ্রহণ করেন ।—“দেব, নর দ্বিজ দ্বিজেশ্বর—যে কেহ প্রার্থী আসিয়া আমার বাসে, যে বস্তু করিবে ভিক্ষা থাকিতে আমায় দেয়, না করিব নিরস্ত তাহারে ॥” (মহাভারতে এখানে কোন ব্রত গ্রহণের কথা নাই এবং কর্ণের দানব্রতের সহিত অজ্জুন-নাশ সঙ্কল্পেরও কোন যোগ নাই । কর্ণ স্বভাব-দাতা এবং তাহাতেই তাহার মহত্ব) গুরু অভিষাপের স্মৃতি জাগিয়া যায়—রাধেয়-পরিচয়ই যে কর্ণের অগ্রতম রক্ষা-কবচ । যতক্ষণ তিনি ‘রাধেয়’ ততক্ষণ তিনি অপরাধেয়—ব্রহ্মাশ্বের অধিকারী তাই কর্ণ ‘স্বতপুত্র’ তিরস্কারে গর্ভ অল্পভবই করেন এবং সেই অভিমানেই ‘সর্ব সভাঙ্গ মণ্ডলীকে’ জমাইয়া দেন—“সত্য যদি হই আমি রাধার নন্দন । সত্য যদি অধিরথ পিতা……এই স্বতপুত্র-কর-ক্ষিপ্ত বাণের প্রহারে, ওই ॥ তব গাণ্ডীবীর নিশ্চয় বিনাশ ॥” [নর-নারায়ণে—অবিশ্বাস+অজ্জুন-প্রতিদ্বন্দ্বিতা+“গুরু অভিষাপ”—স্মৃতির প্রেরণায় “রাধেয়”-অভিমান ও আত্মশ্লাঘা—এই তিন প্রবণতা প্রদর্শিত হইয়াছে] ।

বাসুদেব—নারায়ণ,—‘ধনঞ্জয়-বাসুদেব—নর-নারায়ণ’—কর্ণ একথা এতদিন বিশ্বাস করেন নাই বটে, কিন্তু, কৃষ্ণ দূত হইয়া হস্তিনায় আসিতেছেন—এই সংবাদ শুনিয়া কর্ণের মধ্যে, অন্তরায়ার বা মর্ষের নারায়ণ-প্রবণতা ‘বিশ্বাস’ এবং বুদ্ধির ‘অবিশ্বাস’ মিলিয়া একটি মহান্দোলন উপস্থিত হয় । ‘বুদ্ধির “যদি” যদিও লোপ পায় না—“বাসুদেব ! তুমি যদি সেই নারায়ণ, যদি এই অসম্ভব তাতাই সম্ভব হয়—ওই ক্ষুদ্র দেহের ভিতরে বিরাট পশিয়া করে লীলা”—তবু কর্ণের হৃদয় কিন্তু নারায়ণদর্শন-পরায়ণ । কর্ণের হির বিশ্বাস কোন দেহ-বাবরণই, হৃদয়ে নারায়ণ দর্শনে বাধা দিতে পারিবে না । কর্ণের গভীর-গাপন বাসনা প্রকাশ পায়—এখানেই তাহার “দানব্রত”-গ্রহণের এবং মজ্জুন প্রতিদ্বন্দ্বিতার নিগূঢ় কারণটি জানা যায় । কর্ণ ব্যক্ত করেন—ই সত্য আবিষ্কারের করেছি সর্বস্ব দানপণ । এই সত্য আবিষ্কারে

আমি জীবন মরণ যুদ্ধ করিতে চলেছি। একমাত্র প্রতিদ্বন্দ্বী তোমার সখায়।” অর্থাৎ কর্ণ অন্তরের নারায়ণ পরায়ণতা বশেই যেন অর্জুনের সহিত প্রতিদ্বন্দ্বিতা করিতে চাহেন (বিঃ দ্রঃ—আগের অর্জুন-প্রতিদ্বন্দ্বিতা প্রাণ-ধর্মের প্রেরণা হইতে ; এখনকার প্রতিদ্বন্দ্বিতার উৎস আরো গভীরে—নর-নারায়ণের সাক্ষাৎকারের আবেগই ইহার উৎস।) যুদ্ধ দ্বারাই তিনি সত্য আবিষ্কার করিতে চাহেন। কর্ণ “দেবেরও অবধ্য” স্তূতরাং মায়ী-মহুয়া-নারায়ণ-এরও অবধ্য। সেই “কবচকুণ্ডলধারী রাধার নন্দন” কর্ণ যদি বাহুদেব সখা অর্জুনের বাণে মরেন, তবেই তিনি বুঝিবেন বাহুদেব নারায়ণ ॥ যুদ্ধ দ্বারাই তিনি ধনঞ্জয় বাহুদেবের নর-নারায়ণত্ব যাচাই করিয়া লইতে চাহেন। [নারায়ণ কামনাই ধনঞ্জয় তথা বাহুদেব-বিরোধিতা রূপে প্রকাশিত]

কৃষ্ণের আগমনে পরীক্ষার সেই শুভদিন সমাগত। এই আনন্দ, স্ত্রী পদ্মাবতীর কাছে ব্যক্ত করিতে করিতে কর্ণ ‘নিকন্তর’ ও শূন্যদৃষ্টি ‘অন্যমনা’ হইয়া পড়েন। কর্ণ পদ্মাকে আজ সব গোপন কথা শুনাইতে প্রস্তুত।

পদ্মার তীর একটি কোতূহল—অতুল শক্তিদ্বর কর্ণ বর্তমানে দীন দ্বিজবেশী ধনঞ্জয় পাঞ্চালীকে কিভাবে লাভ করিল! কর্ণ পাঞ্চালীর সয়ম্বর-সভার ঘটনা—সঙ্গে জন্ম-অভিশাপ—জন্মিত বেদনাও ব্যক্ত করেন ॥ পদ্মার দ্বিতীয় কোতূহল সভামধ্যে জ্যোপদীর লাঞ্ছনা-বিষয়ে। কর্ণ স্বীকার করেন—“সমগ্র জগৎবাসী কভু করিবে না/আবার সে কার্য্য সমর্থন—করিবে না—করিতে পারে না।” সে এক অশুভ দিন। কর্ণ অন্তায় কার্যের জন্ম অহুতাপ (মহত্বও বটে) প্রকাশ করেন। কিন্তু পদ্মার কাছে কর্ণের বক্তব্য অত্যন্ত নিগূঢ়…… অন্তরের কথা।” এবং সেই অন্তরের কথা—যেদিন দৈবরথযুদ্ধে নিধন করিব আমি তৃতীয় পাণ্ডবে, সেদিন জানিব পদ্মাবতী শস্তুশিক্ষা সফল আমার।” পদ্মাবতী কর্ণের এই অর্জুন-বিষেষের নিগূঢ় কারণ বুঝিতে পারেন না, প্রশ্ন করেন—“কি হেতু জন্মিল প্রভু এমন বিধেব।” কর্ণ জানান—বিধেব কিছুই নাই, ধনঞ্জয়কে অন্তরে অন্তরে তিনি বীরত্বের জন্ম প্রদান করেন। শুধু প্রদানই নয়, ধনঞ্জয়কে

দেখিলে তাহার হৃদয়ে প্রীতি জাগে। কোন্সেয়-সত্তা তাহার অজ্ঞাতসারেই সক্রিয় হইয়া উঠে। কিন্তু তবু অর্জুনের সহিত শক্তি-পরীক্ষা তাহাকে করিতেই হইবে—‘দেবেরও অবধ্য’—ইহা সত্য কিনা সে পরীক্ষা অবশ্যই করিতে হইবে—যুদ্ধ-কামনার কারণ কর্ণ নিজেই ব্যাখ্যা করিয়া বলেন—“দেবেরও অবধ্য আমি। জলন্ত সঙ্কল্প সেই হেতু নিত্য মোরে করে উত্তেজিত বৃত্তিতে দৈবরথ-যুদ্ধে ধনঞ্জয় সনে ॥” ইহার অধিক ভাগ্য তিনি চাহেন না—এই শক্তি-পরীক্ষার বিনিময়ে তিনি বিশ্বের কর্তৃত্বও কামনা করেন না। যুদ্ধের প্রলোভন তাহার ঐকান্তিক। তাইতো কর্ণ দাঘোদনকে যুদ্ধে প্ররোচনা দেন—জীবিত থাকিতে সূচ্যগ্র প্রমাণ ভূমিও দিতে দিবেন না। ধনঞ্জয়ের সহিত যুদ্ধ তাহাব অবশ্যই চাই—কারণ ‘পশ্চাতে তাহার’—বাসুদেব।—‘অতি অশ্রদ্ধেয় বাণী’ বলিয়া কর্ণ হানিয়া উড়াইতে চাহেন বটে, কিন্তু পদ্মা যে ঋষিশ্রেষ্ঠ ব্যাস, সত্যবাদী পিতামহ এবং সর্বার্থদর্শী মহাত্মা সঞ্জয়ের নিকট ঐ বার্তা শুনিয়াছেন! অবিশ্বাসের কোটি হইতে মন বিশ্বাসের কোটির দিকে অগ্রসর হয়। কর্ণের নিগূঢ় কামনাটুকু ব্যক্ত হয়—“দ্বিগুণ উৎসাহে তবে, দ্বিগুণ আনন্দে.....বাসুদেব-সখা ধনঞ্জয়ে জীবন মরণ যুদ্ধে করিব আস্থান।” কারণ—“১-৪য়-বাসুদেব : নারায়ণ” ইহা কর্ণ সম্পূর্ণ অন্তর দিয়া বিশ্বাস করেন না। এই সম্বন্ধে তাহার মন দ্বিধা-গ্রস্ত; তাঁহার নর-নারায়ণ কিনা—যুদ্ধ করিয়া তিনি পরীক্ষা করিতে চাহেন। সঙ্গে সঙ্গে তাঁহার মনে জাগে পরশুরামের অভিশাপের স্মৃতি—যতক্ষণ তিনি রাধেয় ততক্ষণ ‘দেবেরও অবধ্য’ তিনি। ধনঞ্জয়-বাসুদেব; নর-নারায়ণ হইলেও কর্ণ নর-নারায়ণকেও পরাস্ত করিবার আশা রাখেন। অবচেতন মন হইতে তাই বার বার সন্দেহের বৃন্দ জাগে—“সত্য আমি হই যদি রাধার নন্দন।” [পদ্মাবতী কর্ণের এই উক্তিকে ‘সহসা জাগিয়া ওঠা’.....সন্দেহ বলি-নও ইহাকে ‘সন্দেহ’ না বলিয়া অভিশাপের স্মৃতি : তে উদগত—, অবধ্যত্বের অভিমান বলাই যেন ঠিক। কারণ “রাধেয়”-পরিচয় লইয়া সন্দেহ তাহার মনে এ পর্যন্ত জাগে নাই]।

কর্ণ বাহুদেব সখা ধনঞ্জয়ের সহিত জীবন-মরণ যুদ্ধ কামনা করেন।
 স্তবরাং সন্ধির প্রস্তাবকে তিনি আশঙ্কার চোখেই দেখেন। তাই তাঁহার ভবেনে
 “দুর্যোধন-দুঃশাসন-শকুনি’র আগমন সংবাদ শুনিয়া কর্ণ ভাবিত হইয়া পড়েন—
 “বাধা কি পড়িল যুদ্ধে?—অন্ধরাজ্য মোর অসাক্ষাতে পাণ্ডবে কি—তবে অন্ধ-
 রাজ্য দান করিল স্বীকার। এই শঙ্কিত প্রশ্নই মনে জাগে। দুর্যোধন
 সমর-সঙ্কল্পে অটল জানিয়া কর্ণ নিশ্চিত হন এবং কৃষ্ণকে বন্ধন করিয়া হস্তিনার
 কারাগারে আবদ্ধ করিবার তথা যুদ্ধকে অনিবার্য করিবার পরামর্শ দেন।
 দুর্যোধন আগেই বন্ধনের সঙ্কল্প করিয়া আসিয়াছেন,—কর্ণের পরামর্শ একরূপ
 লুফিয়াই ল’ন আর কর্ণও চিরকাম্য যুদ্ধের পথ প্রস্তুত করিতে পারিয়া নিশ্চিন্ত
 হন ॥ কিন্তু অগ্র চিন্তা মনকে অধিকার করিয়া বসে—কৃষ্ণের এ কী দুঃসাহস!
 দুর্যোধন একাদশ অক্ষৌহিণী-পতি তত্পরি দুর্মতি। এ সমস্ত জানিয়াও কৃষ্ণ
 হস্তিনা নগরে একাকী আসিয়াছেন। “এ সাহস যার—হয় সে নিতান্তই জড়
 নর-নারায়ণ ॥” ইহারও গভীরে—কৃষ্ণের বাণী শুনিতে পাইবেন না—কৃষ্ণের
 রূপ দেখিতে পারিবেন না—এ জগৎ কর্ণের মনে আক্কেপ জন্মে; তবে সাহস
 লাভ করেন এই মনে করিয়া যে বাহুদেব যদি অন্তর্যামী হন, তাহা হইলে
 নিশ্চয়ই তাঁহার অন্তরের ইচ্ছা তিনি অবগত হইবেন।—বলিতে বলিতে কর্ণ
 নিত্যাচ্ছন্ন হইয়া শয়ন করেন। দেখেন তাঁহার “চারিদিকে—জ্যোতির উৎসব”
 চলিতেছে; তাহার মধ্যে বাহুদেবের নবীন নীরোদ শ্রাম আয়তলোচন কিশোর
 মূর্তি। এখন কর্ণের অন্তরতম সত্তা—কৃষ্ণপরায়ণ-সত্তাটি জাগ্রত। সংজ্ঞান
 মন-বুদ্ধির নিজাবকাশে, অন্তরতম বিশ্বাসী সত্তার কণ্ঠে ধ্বনিত হয়—“কে
 বাঁধিবে? কে বেঁধেছে কবে?” কর্ণ “বুদ্ধি” অধিকারে স্বীকার না করিলেও,
 “মর্শ্ব”—অধিকারে বাহুদেবকে নারায়ণ বলিয়া স্বীকার করেন। (কৃষ্ণ দর্শনের
 কালব্যাপ্তি খুবই সীমাবদ্ধ) তবে কর্ণ শুধু বাহুদেবকেই দেখেন না; এ স্বপ্নালোকে
 স্বপ্নচোখে সূর্য্যকেও দেখেন—স্বপ্নকর্ণে সূর্য্যের কথাও শোনেন—স্বপ্নমুখে সূর্য্যের
 সহিত কথাবার্তাও বলেন। সূর্য্য কর্ণকে স্নেহবসে মায়াবশে সাবধান করিতে

অবিভূত হন—সাবধান করিয়া বলেন—“যদি জীবিত রহিতে থাকে বাসনা তোমার ইচ্ছা থাকে দৈবরথ সমরে, প্রতিযোদ্ধা অজ্ঞানে করিতে পরাজয়... দিয়ে না বাসবে ওই কবচকুণ্ডল।” কিন্তু ধর্মনিষ্ঠ কর্ণের কাছে—দাতাকর্ণের কাছে প্রাণের ও মানের অপেক্ষাও ধর্ম বড়। ব্রতভঙ্গ করিয়া, সত্যের আশ্রয়চ্যুত হইয়া তিনি এক মুহূর্ত্তও বাঁচিতে চাহেন না—এমন কি অজ্ঞানকে পরাজিত করিবার চিরবাহিত গোবর পর্য্যন্ত ত্যাগ করিতে প্রস্তুত। কর্ণ মনে করেন ইষ্ট সবিতা স্নেহবশেই বোধ হয় সতর্ক করিতে আসিয়াছেন কিন্তু সূর্য্য যখন বলেন—“হে সন্তান, মায়াবশে”, কর্ণের বিশ্বাস ও কৌতূহলের অবধি থাকে না। কর্ণ “দৈবকৃত রহস্য” জানিবার জন্য ব্যাকুল হন। কিন্তু রহস্য শুনােনো হয় না ; কর্ণ জাগিয়া উঠেন—পদ্মাবতীকে “বেদজ্ঞ ব্রাহ্মণ”কে খুঁজিয়া দেখিতে বলেন—তাঁহার ব্যাকুলতা যায় না। দ্বিজবেশী সবিতার উদ্দেশে কাতর প্রার্থনা জানান—“হে সবিতা রহস্য শুনায়ে যাও মোরে ॥” পদ্মাবতী দ্বিজবেশী ইন্দ্রকে লইয়া প্রবেশ করেন (পূর্বের কৌতূহল অকস্মাৎ প্রশমিত)। ইন্দ্র কবচকুণ্ডল প্রার্থনা করেন—কর্ণ কবচকুণ্ডল-বিনিময়ে স্ববর্ণ, প্রমদা, ধেনু, সাম্রাজ্য পৃথিবী সব দিতে চাহেন। কিন্তু ইন্দ্র কবচকুণ্ডল ছাড়া আর কিছুই চাইবেন না। অগত্যা কর্ণ “ছুরিকাযোগে কবচকুণ্ডল ছিন্ন করিয়া ইন্দ্রকে প্রদান করেন। ইন্দ্র দাতাকর্ণের মহত্ব দেখিয়া শ্রদ্ধায় অবনত হন এবং “এলুল” অস্ত্র দান করিয়া প্রস্থান করেন। * [কর্ণ-চরিত্র-চিত্রণে এইখানে যে ক্রটি লক্ষিত হয় তাহা এই যে এক বিষয় হইতে অন্য বিষয়ে পরিক্রমণের সন্ধিস্থলে ষে রূপ মানসিক অবস্থা প্রত্যাশিত তাহা পাওয়া যায় না। স্বপ্নের আরম্ভ বাসুদেব-দর্শনে, সামান্ত একটু ক্ষণের বাসুদেব-দর্শনের পরেই সূর্য্য-দর্শন আর সূর্য্যদর্শনের সঙ্গে সঙ্গেই বাসুদেবদর্শনের প্রতিক্রিয়া শুরু ; আবার সূর্য্যদর্শনের পরেই জাগ্রত অবস্থায় দ্বিজবেশী ইন্দ্রের সহিত কথোপকথন—এবং ৭৭তম প্রতিক্রিয়া অন্ত্যমত। পরেও ইহা লইয়া তেমন কোন মানসিক প্রতিক্রিয়া দেখানো হয় নাই।]

শ্রীকৃষ্ণ কুরুসভায় বিশ্বরূপ প্রদর্শন করিয়া নারায়ণের অলৌকিক মহিমা

দেখাইয়া সভা হইতে বিদায় লইলে দুর্ধ্যোধন যুদ্ধের উদ্যোগ করেন এবং ভীষ্মকে সেনাপতি পদে বরণ করেন। প্রশ্ন উঠে কে কতদিনে পাণ্ডবের সপ্ত অক্ষৌহিণী নাশ করিতে পারিবেন? ভীষ্মের উত্তর—একমাসে, দ্রোণেরও একই উত্তর। কৃপাচার্য্য পারিবেন—দুই মাসে, অশ্বখামা পারিবেন—দশদিনে। কর্ণ বলেন—তিনি পারিবেন পাঁচদিনে। কর্ণের আত্মপ্লাঘা শুনিয়া ভীষ্ম উত্তেজিত হইয়া উঠেন এবং কর্ণকে তিরস্কার করেন—অবশ্য কর্ণের আত্মপ্লাঘা বন্ধ হয় না—‘একল্প’ বানের সংহার-শক্তির দস্তে, কর্ণ মুগ্ধ হইয়া উঠেন।

ওদিকে কৃষ্ণের বিষ্ণুরূপ দর্শনের পরে সকলেই চিন্তিত। চিন্তিত দুঃশাসনকে কর্ণ বুঝাইয়া দেন—বিষ্ণুরূপ প্রদর্শন নিপুণ বাজীকরের মোহিনী-মায়ামাত্র;—ভীষ্ম বিদূর পূর্ব হইতেই সম্মোহিত; কৃষ্ণ বাহা দেখিতে বলিয়াছেন তাহাই দেখিয়াছেন। ধৃতরাষ্ট্র অঙ্ক—‘যা শুনেছেন কানে, অন্তর্দৃষ্টি দিয়া তাই করেছেন দর্শন।’ কর্ণের ভয়—“অদর্শন অবকাশে যদি সন্ধি করে ফেলে রাজা”।

দুঃশাসন চলিয়া গেলে কর্ণ বিষণ্ণা পদ্মাবতীকে প্রবোধ দিতে চেষ্টা করেন এবং দেবেন্দ্রকে দিক্কার দিতে নিষেধ করেন কারণ দেবেন্দ্র কবচকুণ্ডল হরণ করিয়া কর্ণকে একরূপ দঁয়াই করিয়াছেন—একটি মর্মপীড়ক অশাস্তি হরণ করিয়া লইয়াছেন—“নিভৃত চিন্তার এক নিষ্ঠুর প্রহার” হইতে কর্ণকে নিষ্কৃতি দিয়াছেন। এই নিভৃত চিন্তা—‘সেই চিরঘণ্য রাধার নন্দন, আমারে কি হেতু... দেবতাদুল্লভ এই দান?’ সহজাত কবচকুণ্ডল লইয়া অজ্ঞানকে বধ করিলে অভিজ্ঞাতেরা চীৎকার করিত—“ভীন স্তপুত্র বধেনি অর্জুনে। বধেছে তাহার ঐ কবচকুণ্ডল?” এখন আর সে কথা কেহ বলিতে পারিবে না। কর্ণ এখন পুরুষকার-সর্বস্ব। যতক্ষণ ‘রাধেয়’ উপাধির অধিকারী—রামশিষ্য কর্ণকে পরাজিত করিবে কে? পদ্মাবতীকে কর্ণ উল্লাস করিতে বলেন, কর্ণের গৃহিনীর মুখে বিষাদ মানায় না। কিন্তু পদ্মাবতীর মনের সংশয় কাটে না। পরাজয়ের সংশয়? পরাজয় হইবে—কর্ণ সে কথা ভাবিতেই পারেন না। স্তত্রাং পদ্মাবতীর সংশয়ের কারণ খুঁজিয়া পান না। মনে সংশয় আসিলে পদ্মাবতী যেন তখনই শুনাইয়া

দেন—“স্বামী মোর মহীয়সী রাধার নন্দন।” পদ্মাবতী খুলিয়াই বলেন, অনেকটা দিব্য-দৃষ্টি লইয়াই বলেন—‘মনে হয় সংশয়ের মূল ঘেন নিহিত রয়েছে ...তোমার রাধেয় পরিচয়ে। মনে হয় ওই পরিচয়-গর্ভে তোমার সমস্ত শক্তি রয়েছে নিহিত।’ কর্ণ পদ্মাবতীর কথা স্বীকার করেন—স্বীকার করেন—‘যত কিছু শক্তি মোর সমস্ত ওই ‘রাধেয়’ সংজ্ঞায়।’ পদ্মাবতীর মনে ‘তবে কি’ অর্থাৎ তবে কি তুমি ‘রাধেয়’ নও—এই প্রশ্ন জাগিতেই কর্ণের মাতৃস্নেহাতুর রাধার অপূর্ব মাতৃস্নেহের কথা মনে জাগে—পদ্মাবতীকে রাধেয়-পরিচয়ে সন্দেহ—মৃত্যুভয় ত্যাগ করিতে বলেন—বলেন—“নারাণিরোমণি রাধা জননী আমার।”

এই সময়েই অন্তর্যামী নারায়ণ কৃষ্ণ কর্ণের সহিত দেখা করিতে উপস্থিত হন, পরোক্ষভাবে কর্ণ কৃষ্ণকে নারায়ণ বলিয়াই সোধোধন করেন—বৃষকেতুকে পাঠাইয়া পদ্মাবতীকে সংবাদ দিতে বলেন—“বল তারে এসেছে তাহার ঘরে। বিনা নিমন্ত্রণে তার নারায়ণ”। কর্ণ মর্মে মর্মে কৃষ্ণকে ‘দিব্য’ পুরুষ বলিয়াই মানেন কিন্তু কৃষ্ণ কর্ণকে ‘আযা’ সোধোধন করিয়া নমস্কার জানাইলে কর্ণ বিস্মিত হন—মুগ্ধ হন, মনে করেন—ঐন্দ্রজালিক কৃষ্ণ তাহাকে ঐভাবে মস্তমুগ্ধ করিতে চাহেন! তাই তিনি দৃঢ়ভাবেই তাহার ‘রাধেয়’ পরিচয় ঘোষণা করেন।

কৃষ্ণ জানাইয়া দেন—কর্ণ রাধার নন্দন নহে। এই কথা শুনিয়াই কর্ণের সর্বোদ্রিয় শিথিল হইয়া পড়ে। কিন্তু অবিখ্যান করিবেন তাহারও উপায় নাই—কথা যে ‘সত্য-আবির্ভাব’ কৃষ্ণের কথা। আর সে কথা যে ব্রহ্মাস্ত্রের শক্তি লইয়া কর্ণের বক্ষ বিদীর্ণ করিয়া দিয়াছে—কর্ণকে সকলের বধা করিয়া তুলিয়াছে। কথা শুনিয়া কর্ণ বসিয়া পড়েন, কৃষ্ণের মুখ হইতে আর একবার তাহার পরিচয় জানিতে চাহেন। কৃষ্ণ জন্ম-রহস্য ব্যক্ত করিতেই কর্ণ উঠিয়া দাড়াইয়া কৌতুহল-কাতর প্রশ্ন করেন—আর্তনাদের স্বরেই জিজ্ঞাসা করেন—“জানিয়া পরম শত্রু মোরে বধিতে কি এলে কৃষ্ণ?” গাণ্ডীবী বাণের চেয়েও যে এক পরিচয়-কথা স্মৃতিস্তম্ভ ও মর্যাদাস্তম্ভ। কৃষ্ণ কর্ণের সম্মুখে—সিংহাসনের এবং

পাণ্ডবদের সেবার প্রলোভন তুলিয়া ধরেন। প্রতিদানে কর্ণ কৃষ্ণকে আলিঙ্গন করেন, স্নেহবশে শ্রীঅধর চুষন করেন এবং নরোত্তম কৃষ্ণকে তাহার প্রকৃতির কথা স্মরণ করাইয়া দেন—একটি অহুরোধও জ্ঞানান—‘যতদিন নাহি মরি আমি, এ নিষ্ঠুর ইতিহাস শুনায়ে না তাঁরে’ কারণ যুধিষ্ঠির এ কথা শুলিলেই গলবস্ত্রে পুজা করিতে ছুটিয়া আসিবেন—যুধিষ্ঠিরের অহুরোধ উপেক্ষা করা তাঁহার দ্বারা সম্ভব হইবে না। আর তাহা না হইলে কর্ণের সম্বল চূর্ণ হইয়া যাইবে।’ কর্ণের মধ্যে আবার ‘রাধেয়’ অভিমান প্রবল হয়। ‘কৌন্তেয়’ বলিয়া আত্মহান করিতে কৃষ্ণকে নিষেধ করেন। অভিমানের ক্ষোভে কর্ণের হৃদয় উজ্জ্বলিত হইয়া উঠে—পৃথিবী রসাতলে চলিয়া গেলেও তাহার কোন চিন্তা নাই—বরং তাহাই তিনি চাহেন। কৃষ্ণ মনঃক্ষোভের কথা বলিলে কর্ণ কৃষ্ণের কাছে সেই মনঃক্ষোভের স্বরূপটি—ক্ষোভের তীব্রতার মাত্রা জানিতে চাহেন—বুঝাইতে চাহেন তাহার মনঃক্ষোভের সহিত তুলনা হইতে পারে এমন মনঃক্ষোভ কোথাও নাই। এমন হৃদয়ের সম্মুখীন কে কবে হইয়াছে ‘স্বর্গ-মূল্যাহীন করা’ কৃষ্ণের ভ্রাতৃত্ব গ্রহণ করিতে তিনি অশক্ত, যে অর্জুনকে প্রতিযোদ্ধাজ্ঞানে এতকাল নিধন করিতে চাহিয়াছেন, অদৃষ্টের নিষ্ঠুর পরিহাসে সেই অর্জুন তাঁহার কনিষ্ঠ সৌদর। মুগ্ধ আলিঙ্গনে যাহাকে বক্ষে ধারণ করিবেন সেই প্রাণাধিক ধনঞ্জয়ে মর্মহীন শরে বিধিতে হইবে। কর্ণের জীবনে মর্ষের, সত্যের এবং মনুষ্যত্বের জটিল দ্বন্দ্ব উপস্থিত।—“মর্ম চায় পরাজয় সত্য চায় জয়, অনুষ্যত্ব চায় নিষ্ঠুরতা।

* * * * *

অজেয় মহাবীর ভীষ্মের পতনের পর দ্রোণাচার্য্য সেনাপতি হইয়াছেন। কর্ণের মনে চিন্তা—“ভীষ্ম যাহা পারিল না, দ্রোণ যাহা পারিবে না, সেই কার্য্য অর্জুন-বিনাশ—আমি কি পারিব?” রাধেয় ও কৌন্তেয় সত্তার মধ্যে দ্বন্দ্ব বা বুঝাপড়া চলে। কৌন্তেয়ের বত দুর্বলতা, রাধেয়ের তত সম্বল—অর্জুনের সহিত কর্ণের রক্তের সম্পর্ক—তবু তিনি অর্জুন-বিনাশে সমর্থ

হইবেন। তিনি যে হীন স্ততপুত্র—রাধেয়। বালক অভিমত্যা—পুত্রকে, যদি তিনি বধ করিতে পারিয়া থাকেন—অভিমত্যার পিতা অজ্জুনকেও পারিবেন। কর্ণ কৌন্তেয়ের দুর্বলতা জয় করিবার জন্ত রাধেয় সত্তাটিকে উত্তেজিত রাখিতে চেষ্টা করেন—অজ্জুনকে অভিজাত রাজপুত্র বলিয়া তাঁহার সহিত সমস্ত সম্পর্ক মুছিয়া ফেলেন এবং অজ্জুন বধের জন্ত সংকল্পকে একাগ্র করিয়া তুলেন।

এই চিন্তা ছাড়া আর একটা ঘটনাও কর্ণের মধ্যে ভাবান্তর সৃষ্টি করিয়াছে। ঘটনাটি “জয়দ্রথ-বধ”। আশ্চর্য্যকর এবং অলৌকিক ব্যাপার—বাসুদেবের নারায়ণ-স্ব-জ্ঞাপক ঘটনাই বটে—“সূর্য্য ঢেকেছিল সূর্যদর্শন।” এই কারণেই কর্ণের মুখ “বুড়ো ! গুপ্ত হইয়াছিল।” কিন্তু তবু কর্ণ কেশবকে নর বলিয়াই মনে করেন এবং বলেন—“সত্য যতদিন নিজে নাহি উপলব্ধি করি, ততদিন বিধাতাও দিলে সাক্ষী, মানব বলিব বাসুদেবে।” তবে স্বীকার করেন—“আসে নাই আর—এই পূর্ণ মানবতা”। দ্বার সহিত পরিহাস ছলে কর্ণ কৃষ্ণকে নারায়ণ-জ্ঞানে প্রণাম করেন—(বুদ্ধির বাধা এবং মর্মের সহজ প্রবণতার মধ্যে সূক্ষ্ম দ্বন্দের চমৎকার নিদর্শন)।

কুরুক্ষেত্রের রণাঙ্গণ হইতে কৌরবের মরণ চীৎকার কর্ণে প্রবেশ করে—কর্ণ বুঝিতে পারেন—জয়দ্রথকে বধ করিয়া অজ্জুন কর্ণকেই সম্মান করিতেছেন। পদ্মাবতীকে সাস্তুনা দেওয়ার ছলে নিজের গোপন আকাঙ্ক্ষাও ব্যক্ত করেন—‘তোমার সেই ইষ্ট নারায়ণে—যদি আজ প্রাণ মোর দিই উপহার ...’ কর্ণের পরাজয় পদ্মাবতী যেমন কল্পনা করিতে পারেন না, কর্ণ নিজেও পারেন না কিন্তু—সকলের উপরে—যে নিয়তি, “নিয়তির কার্য্য কোন কালে হয় নাই, মানবের কল্পনা-চালিত।”

এদিকে নিজের মৃত্যু যেমন অকল্পনীয়, তেমনি অন্তরিক দ্বন্দ্বের মৃত্যুর কল্পনা কর্ণের কাছে বেদনাদায়ক। প্রহেলিকার মত শুনাইলেও—তিনি পদ্মাবতীকে অজস্র অশ্রুর ধারায় কৌন্তেয়ের তর্পণ করিতে বলেন। প্রহেলিকা কি শুধু ইহাই? এক-বিধাতিনী শক্তি লাভ করিবার দিন হইতেই কর্ণ

রাত্রিকালে মনে করেন—‘এই অস্ত্র সঙ্গে ল’য়ে যাব রণস্থলে’ কিন্তু আশ্চর্যেরই ব্যাপার—শয্যাভ্যাগকালে যেই তিনি ইষ্টকে স্মরণ করেন, অমনি কেশব আসিয়া সম্মুখে দাঁড়ান এবং সঙ্কল্প হারাইয়া যায়—“অস্ত্র-কথা মুছে যায় স্মৃতি হ’তে ” এই কারণে আজ কর্ণ আগে হইতেই বক্ষের পঞ্জরের সঙ্গে অস্ত্র বাঁধিয়া রাখিয়াছেন। অজ্জুন-বধ—অনিবার্য। এক-বিঘাতিনী থাকিতে অজ্জুনকে রক্ষা করিবার সাধ্য কেশবেরও নাই। কিন্তু নিয়তির পরিহাসে কর্ণের মুখেও হানি দেখা দেয়—যাঁহার বিরুদ্ধে এত আয়োজন সেই ধনঞ্জয় যে তাঁহার সোদর! পদ্মাবতীকে তিনি জানাইয়া দেন—‘ধনঞ্জয় দেবর তোমার’—তিনি ‘রাধেয়’ ন’ন—‘কৌন্তেয়’।

পত্নীর নিকট হইতে কর্ণ বিনায় গ্রহণ করেন—ধনঞ্জয়-বধের সঙ্কল্প লইয়া। কিন্তু নিয়তির চক্রান্তে—হৃষোদনেব অন্তরোধে ‘ঘটোৎকচ’কে বধ করিতেই একদয় অস্ত্র প্রয়োগ করিতে হয়। কৃষ্ণের চক্রান্তে বর্ণের শেষ সমলটুকুও এইভাবে হাতছাড়া হইয়া যায়।

এদিকে কুরুক্ষেত্রের অপর পাশে—কর্ণের জীবনে ঋগ-তুংগের নূতন এক সঙ্কট উপস্থিত হয়। কর্ণ যুধিষ্ঠির—ভীম—নকুল—সহদেবকে যুদ্ধে পরাজিত করিয়াছেন। কর্ণের সম্মুখে চারিভ্রাতা নতমস্তকে উপবিষ্ট। চারিভ্রাতাকে কাছে পাইয়া কৌন্তেয়-কর্ণ মনে মনে আনন্দিত। যুধিষ্ঠির, নকুল ও সহদেবকে একে একে স্নেহগত তিরস্কারে বিদায় দিয়া বুথাগবী ভীমকে পুষ্কর তর্বাঙ্কোর কথা স্মরণ করাইয়া ভীমের বীরত্বের প্রতি কটাক্ষ করেন এবং ভীমের গলদেশে ধনু প্রবেশ করাইয়া আকবণ করিয়া মৃত্যুযজ্ঞদার-অধিক যজ্ঞদা দেন এবং শেষ-পর্যন্ত স্নেহবশে—ভীমের গণ্ডে চুষন করেন। নত মস্তকে ভীম প্রস্থান করিলে—কর্ণের হৃদয় বেদনায় বিদীর্ণ হইতে থাকে। কর্ণ ‘মা! মা!’ বলিয়া আর্তনাদ করেন—রাধাকে স্মরণ করিয়া ‘কৌন্তেয়-সন্তাকে’ বিশ্বস্ত হইতে চেষ্টা করেন কিন্তু রাধার স্থলে কুন্তী-মূর্তি সম্মুখে আসিয়া দাঁড়ায়—নিয়তিরূপা—মৃত্যুরূপা কুন্তী মাতার স্থান অধিকার করে।

ঘটোৎকচকে বধ করিতে কর্ণ ‘এক-বিঘাতিনী’ প্রয়োগ করিয়াছেন—‘শৈল-বিদারণ-শক্তিধারী’ এক-বিঘাতিনীকে তিনি বল্লীকের পিণ্ড চূর্ণ করিতে নিয়োগ করিয়াছেন। কর্ণের সম্মুখে নৈরাশের ঘোর অন্ধকার। কর্ণের মনে হয়—দূরে দাঁড়াইয়া তাঁহার আজন্ম প্রতিদ্বন্দ্বী অর্জুন হাসিতেছে—ঘটোৎকচের মত ত্রণ উৎপাটিত করিতে বজ্রবাহু ক্ষত করিতে, দেগিয়া হাসিতেছে। কর্ণের অজ্ঞাতসারে চোখ সজল হয়। এ অশ্রু বিঘাদের অশ্রু নয়—আনন্দেরই অশ্রু। কর্ণ অর্জুনের অন্তরালে অপূর্ণ দুইটি ককণাপূর্ণ আঁখি—যুগযুগান্তের আত্মীয়তা-উদ্ভাসক আঁখি—মধুভরা সম্পর্কের ইতিহাস-বলা আঁখি দেখিতে পান—বুঝিতে পারেন, তাম্রময় ‘কাঁদানো পরশ’ তাকে বিকল করিয়াছে। কর্ণ উল্লসিত হইতে চেষ্টা করেন।

কর্ণের জীবন সমাপ্তির শেষ দেখায় আসিয়া পৌঁছিয়াছে। অর্জুনের শক্তি যুদ্ধে—কর্ণের রণ মগ্ন হইয়াছে—নাগদত্ত মহাশাক্ত-অর্জুনকে বধ করিবার মত উত্তম—সব ব্যর্থ হইয়াছে,—‘মগ্নরথে পৃষ্ঠ দিয়া উপবিষ্ট কর্ণ’ মৃত্যুর অপেক্ষা কবিবেছেন।—কর্ণ যুদ্ধ-বিশ্বয়ে বাসুদেবের কীতি স্মরণ করেন। কপিধ্বজ রথকে ভূতলে প্রোথিত করিয়া বাসুদেব সগার জীবন রক্ষা করিয়াছেন—কর্ণের সমস্ত শর-শক্তি নিষ্ফল করিয়া দিয়াছেন; আর তো বাসুদেবকে মার বলা চলে না। কর্ণের মনে প্রশ্ন জাগে—কে আমি? কিরূপ আমি?.....কেন ছিদ্রপথে প্রবেশিয়া আমাকে করিল মৃত্যুগ্রাস? কর্ণ বুঝিতে পারেন—জন্ম—জন্ম—‘একমাত্র রক্তপথ ছিল ওইখানে।’ মৃত্যু আসিয়াও কর্ণের ‘জন্মের লাঞ্ছনা-স্মৃতি’ মুছাইতে পারিতেছে না। কর্ণের চারিদিকে—বিরাট শূন্য। এই বিরাট অসহ্য স্তব্ধ শূন্যকে দূর করিবার জন্য বাসুদেবের জন্য কাতর আহ্বান জানান।

কর্ণের অবস্থা দেখিয়া কৃষ্ণের চোখেও জল আসে। এই চোখের জল ‘বীরত্বের অভিমানী কর্ণের মরণের জন্য নয়—‘পৃথিবীর দৈত্য দেখে ঝরিতেছে আঁখি’; কারণ “আজি দাতাকর্ণ চলে যায় নিঃশব্দ ক’রে তারে।” কর্ণ এতদিনে

কৃষ্ণকে ‘ভগবান’ বলিয়া সম্বোধন করেন। কৃষ্ণ স্নেহাকাজী ভ্রাতা হইতে চাহিলেও—কর্ণ স্পষ্ট ভাষায় ঘোষণা করেন—‘তুমি ভগবান’…… ‘ভগবান হয় ভগবান’। কর্ণ ভীমকে আসিতে দেখিয়া কৃষ্ণের কাছে আত্মসমর্পণ করেন এবং সমাধিস্থ হন।

এই সমাধির পরে—যুধিষ্ঠিরাদি কর্ণের পদমূলে বসিলে—কর্ণ ‘বুখিত’ হন এবং ভীমসেনকে সম্বোধন করিয়া—আত্মকাহিনী বিবৃত করেন; শেষ পর্য্যন্ত বাসুদেবের সম্মুখে—নর-নারায়ণের সম্মুখে প্রাণত্যাগ করেন।

কর্ণ-চরিত্রের বিশ্লেষণ এই পর্য্যন্ত। এইবার—বিচার। পূর্বেই বলা হইয়াছে—কর্ণ-চরিত্রের ‘সাধারণ পরিকল্পনা’র মধ্যে নাট্যকার প্রাণঃসনীয় মৌলিক দৃষ্টির পরিচয় দিয়াছেন এবং কিছু কিছু অ-মহাভারতীয় উপাদান যোজন্য করিলেও মহাভারতেব সংস্কার অক্ষুণ্ণই আছে। রূপায়ণের বিচার মুখেও, আমরা গোড়াতেই কর্ণ চরিত্রের সৃষ্টির জ্ঞাত নাট্যকারকে প্রশংসা করিতে পারি। এষণায়—ভাবে ও ভাবনায় চরিত্রটি সর্বত্র নিখুঁত হইয়াছে—এ কথা বলা না গেলেও, চরিত্রটিতে নানা ব্যক্তিত্বের—আত্মা—মন ও প্রাণের, জটিল দ্বন্দ্বের যে রূপ অভিব্যক্ত হইয়াছে তাহাতে এ কথা অবশ্যই বলা যায়—বাংলা নাট্য সাহিত্যের উল্লেখযোগ্য চরিত্রগুলির মধ্যে কর্ণ-চরিত্র একটি বিশেষ স্থান লাভ করিবার অধিকারী। তবে চরিত্রটি যে সর্বতোভাবে অনবদ্য হয় নাই—ইহাও বলা দরকার। প্রথমতঃ জন্ম রহস্যকে গোড়ার দিকে পাঠক-দর্শকের কাছে ব্যক্ত না করায়—জন্ম-অভিশাপের রূপ ও ক্রিয়াটি খুব পরিস্ফুট হইতে পারে নাই এবং তজ্জনিত সম্ভাব্য রস-সৃষ্টিও যথেষ্টমাত্রায় ঘটে নাই। দ্বিতীয়তঃ—‘দনঞ্জয়-বাসুদেব নর-নারায়ণ’ এই সত্যে কর্ণের যে অবিশ্বাস তাহা বিশেষ তীব্র দ্বন্দ্বের মধ্য দিয়া, ধীরে ধীরে ক্ষয় পাইতে পাইতে, বিশ্বাসে পরিণত হয় নাই। মর্মের বিশ্বাস এবং বুদ্ধির অবিশ্বাস—এই দুইয়ের মধ্যে যে দ্বন্দ্ব পরিকল্পিত হইয়াছে তাহা সর্বত্র সঙ্গতিপূর্ণরূপে রূপায়িত হয় নাই। তৃতীয়তঃ—কৌশ্লেয়-সন্তান ভ্রাতৃস্নেহের যে অভিব্যক্তি দেওয়া

হইয়াছে তাহা কোন কোন স্থলে একটু মাত্রাতিরিক্তই হইয়াছে। **চতুর্থতঃ**—
চরিত্র অনেক স্থলে নিজেই নিজের ভাষ্যকার হইয়া পড়িয়াছে। **পঞ্চমতঃ**—
ভাব-কল্পনাকে রূপ দিতে গিয়া নাট্যকার সর্বদা সতর্ক দৃষ্টি রাখিতে পারেন
নাই। দৃষ্টান্তস্বরূপ বলা যাইতে পারে—অজ্জুন-বিদ্বেষের কারণ গোড়ার দিকে
একরূপ—শেষ দিকে অগ্নরূপ। নাট্যকার—প্রথম দিকের কারণটি ব্যক্ত করেন
নাই এবং শেষ দিকে যে কারণ নির্দেশ করিয়াছেন প্রথম দিকের কর্ণ-চরিত্রে
তাহার আভাস দেন নাই। যাহা হউক এইরূপ ত্রুটি থাকা সত্ত্বেও, **কর্ণ-
চরিত্র** চরিত্র-সৃষ্টি হিসাবে প্রশংসনীয়।

কর্ণের পক্ষে উল্লেখযোগ্য চরিত্র, পুরুষদিগের মধ্যে—“যুধিষ্ঠির” এবং
নারীদিগের মধ্যে—“দ্রৌপদী” ও “পদ্মাবতী।”

যুধিষ্ঠির : ‘যুধিষ্ঠির’ চরিত্রটি কর্ণের মত অত বিরাট ব্যাপ্তি লইয়া
নাটকে প্রকাশিত হয়; নাই বটে কিন্তু চরিত্রটির আকৃতি ছোট হইলেও প্রকৃতি
বেশ গুরুত্বপূর্ণ। যুধিষ্ঠির বাহিবের পরিচয়ে “ক্ষত্রিয়”; সেই হিসাবে ক্ষাত্রধর্ম
তাহার ধর্মকায়ার অগ্রতম অঙ্গ। এই ধর্মের প্রেরণাতেই—নষ্টরাজ্য উদ্ধার
করিতে যুধিষ্ঠির ব্যবসিত—এই ক্ষাত্রধর্মই তাঁহাকে—“নষ্টরাজ্য করিতে উদ্ধার
পলে পলেকরিছে উত্তেজিত” কিন্তু যুধিষ্ঠিরের ভিতরের পরিচয়—এই যে
যুধিষ্ঠির—“প্রকট ধর্মের মূর্তি”—যে উদ্দেশ্যে কেশবের আগমন সেই ধর্মেরই
—নৃবিগ্রহ। সমস্ত লোকধর্মের—বর্ণাশ্রম ধর্মের উর্দ্ধে এই ধর্মের অধিষ্ঠান।
করুণা—ক্ষমা শাস্তি দ্বারা এই ধর্মের আশ্রয় গঠিত। এই ধর্মগুণেই যুধিষ্ঠির
—‘প্রকট ধর্মের মূর্তি’—পরম ধামিক। যুধিষ্ঠির বহিরঙ্গে ‘ক্ষত্রিয়’, অন্ত-
রঙ্গে—‘ধামিক।’ ‘ক্ষত্রিয়’ যুদ্ধ করিতে চায় কিন্তু “ধামিক” যুদ্ধের কল্পনায়
শিশুহত্যা, গুরুহত্যা, বান্ধবহত্যার কল্পনায় শিহরিয়া উঠে—মহাভয়ে
তাঁহার হৃদয় মুহুমূহু কম্পিত হয়। কেশবের কাছে তাঁহার প্রার্থনা—‘তোমার
প্রসাদে ভাই, কৌরব পাণ্ডব আবার প্রশান্ত চিত্তে কত্র মিলিয়া পরমানন্দে
কাল যেন বরহে যাপন’। যুধিষ্ঠির ধর্মের প্রতীক এবং শাস্ত্রসের আলম্বন

বিভাব। তাই বলিয়া যুধিষ্ঠির দুর্বল বা অক্ষম নহেন। যুধিষ্ঠিরের শক্তি—
 ধর্মের শক্তি—শম-দম-তিত্তিকার শক্তি—শাস্ত করণার শক্তি। যুধিষ্ঠিরের
 ‘শাস্ত করণ দর্শনের সমক্ষে দাঁড়াইয়া প্রতিরোধ করিতে পারে এমন শক্তি
 কোথায়?’ কর্ণ কৃষ্ণের অহুরোধ প্রত্যাখ্যান করিতে সমর্থ হইলেও—বাসুদেবকে
 বলিয়াছেন—“ঠেলিলাম বাসুদেব তব অহুরোধ—পারিনা উপেক্ষা করিতে তাঁর।
 চির লোভনীয় সঙ্গ ধীর...।” দুর্ধ্যোধনের মত দুর্মতিও যুধিষ্ঠিরের প্রাণবধ
 করিবার সক্ষম মনে আনিতে চাহেন না। শকুনি পর্যন্ত এই ধর্মমহিমা উপলব্ধি
 করে—বলিতে বাধ্য হয়—“ধর্মরাজই বটে তুমি যুধিষ্ঠির—একটি বারের তরে
 দুর্ধ্যোধন—মুখ হতে বহির্গত হ’ল না তোমার নিধন-কথা।” তবে এ কথা
 স্বীকার করিতে হইবে—চরিত্রটি যত পরোক্ষভাবে উপস্থাপিত হইয়াছে তত
 প্রত্যক্ষভাবে রূপ পায় নাই।

জ্যোপদীঃ—অল্প অবসরে অধিক চিত্তাকর্ষক চরিত্রেব তালিকায়
 যুধিষ্ঠিরের পরেই জ্যোপদীর স্থান। জ্যোপদী যাজ্ঞশেনী—অগ্নিশিখা শিরে
 তাঁহার জন্ম।—‘দোপ্ত বহ্নিশিখা সম’ তেজস্বিনী। সংক্ষিপ্ত পরিচয় তাঁহার
 নিজের মুখেই শোনা যায়—“দ্রুপদনন্দিনী আমি, দীপ্ত বহ্নিশিখা সম
 ধৃষ্টদ্যুম্নের ভগিনী—বাসুদেব-প্রিয়সখী পাণ্ডুরাজ স্মৃণা—ভূমণ্ডলে অতুল
 সৌভাগ্যবতী নারী...”। কিন্তু এত সৌভাগ্য থাকা সত্ত্বেও—‘ভূবিজয়ক্ষম
 পঞ্চ স্বামীর সন্মুখে একবস্ত্রা’ জ্যোপদী লাজিতা হইয়াছেন। দুঃশাসনের কেশা-
 কর্ণণ, বস্ত্রহরণ, দুর্ধ্যোধনের উরু-প্রদর্শন—এত অসহ্য লাজনা সবই সহ্য
 করিয়াছেন। ত্রয়োদশ বর্ষ ধরিয়া প্রতিপলে জ্যোপদী—“অগ্নিজিহ্বা সহস্র ফণার
 বজ্রজালা প্রচণ্ড দংশন” সহ্য করিয়া আসিয়াছেন—আর, আসিয়াছেন ভীমের
 প্রতিজ্ঞার, অর্জুনের প্রতিজ্ঞার মুগের দিকে চাহিয়া—কিন্তু সেই ভীম-অর্জুনাদি
 প্রায় সকলকেই (সহদেব ছাড়া) শাস্তির প্রস্তাব করিতে দেখিয়া দ্যোপদীর তীব্র
 অভিমান স্নেহ—বক্রোক্তির সঞ্চারিভাবে, দৃঢ় তীব্র ভঙ্গিমায়া উৎক্লিষ্ট হয়।
 জ্যোপদী স্বামীদের মুখের দিকে না চাহিয়া নিজের লাজনার প্রতিশোধ লইতে

সকল করেন—স্বাস্থ্যসেনী জলিয়া উঠেন—“অগ্নিশিখা শিরে যদি জনম আমার,
উত্তাপ ভিক্ষায় আমি কেন দাঁপশিখা মুখে বাড়াইব কর ?”..... কৌরববিনাশে
নিজে যাব আমি ।’

কিন্তু এই বহিঃশিখা রূপ দ্রৌপদীর সবটুকু নহে। দ্রৌপদী ‘বাসুদেব-
প্রিয়সখী’ ‘পাণ্ডব-সখা’-রূপী কৃষ্ণের কৃপালাভ ধাত্রী। এই কৃষ্ণার নিঃশ্বাসেই
“সন্ধির সকল চেষ্টা করেছে নিষ্ফল”, কারণ বিধাতা সব সহিতে পারেন—শুধু
“অনাথ ক্রন্দন অনশনে জাতির মরণ” আর ‘কাষো বাক্যে লাঞ্ছনায় নারীর
লাঞ্ছনা’—সহিতে পারেন না।

দ্রৌপদী প্রতিমা কামনায়—লাঞ্ছনার জালায় যুধিষ্ঠিরকে তীব্র গজনারাক্য
বলিলেও যুধিষ্ঠিরের ধর্মনিষ্ঠা দেখিয়া বিমুগ্ধ এবং যত বিমুগ্ধ হইয়াছেন,
তত গজনা দেওয়ার জ্ঞান অত্যন্ত হইয়াছেন। ক্ষাত্তেজ এবং ধর্মনিষ্ঠা
মহিমা মিশিয়া দ্রৌপদী-চরিত্রটি চিত্তাকর্ষক হইয়া উঠিয়াছে।

পদ্মাবতী :—পদ্মাবতী কর্ণের জীবন-সঙ্গিনী—বীরশ্রেষ্ঠের যোগ্য সহধর্মিনী
কিন্তু এক স্থানে কর্ণের সহিত তাঁহার মত পার্থক্য আছে। যেখানে কর্ণ ধনজয়
বাসুদেবকে ধর-নারায়ণ বলিয়া স্বীকার করিতে প্রস্তুত নন পদ্মাবতী সেখানে
বাসুদেবকে শুধু নারায়ণ বলিয়া স্বীকার করিয়াই সন্তুষ্ট নহেন—পদ্মাবতী কৃষ্ণ
পরায়ণ। (কর্ণেরই আন্তিক সত্তা যেন! এই কৃষ্ণপরায়ণতার ফলেই
পদ্মাবতী যতটা ‘ভাবে ভরা’ হইয়াছেন ততটা রক্তমাংসের দেহ হইতে পারেন
নাই। স্বামীর জ্ঞান তাঁহার উদ্বেগ-উৎকর্ষ সবই আছে বটে, কিন্তু সকলে
উপরে আছে তাঁহার কৃষ্ণপ্রাণতা। চতুর্থ অঙ্কের দ্বিতীয় দৃশ্যে—পদ্মাবতীর
আচরণ দিব্যোন্মাদিনীরই মত। বৃষকেতুকে তিনি বলেন—“পাণ্ডবের সখা কৃষ্ণ
—সে যে সখা তোমার, সখা আমার, সখা তোমার মহাত্মা পিতার।” বৃষকেতুকে
তিনি “বাসুদেব! রক্ষা কর তোমার পাণ্ডবে।”—এই প্রার্থনায় যোগ দিতে
বলেন—বলেন—“পাণ্ডব-উল্লাস-সঙ্গে উল্লাসে উঠুক নচেৎ হৃদয় তোমার।।। ...
আমি তোকে আগে হতে করিয়াছি কৃষ্ণে সমর্পণ।” পদ্মাবতীর এই দিব্যোন্মা-

দিনী—মুন্ডি, কৃষ্ণ ভাবুকতায় যত পরিপূর্ণ ই হউক বাস্তবিক চরিত্র হিসাবে লঘু হইয়া পড়িয়াছে। পদ্মাবতী—অর্দ্রেক মানবী আর অর্দ্রেক যোগিনী—(কৃষ্ণযোগিনী)।

অশ্রু, চরিত্রে তেমন উল্লেখযোগ্য কোন জটিলতা নাই।

দুর্য্যোধনকে—‘অহঙ্কারজু-মুন্ডি’ রূপে ধৃতরাষ্ট্রকে—‘পুত্র মোহ গ্রস্ত’ রূপে, ভীষ্মকে—‘কৃষ্ণভক্ত, পাণ্ডবানুরাগী, কর্ণ-ভৎসনাবারী’ রূপে, গান্ধারীকে—‘ধর্ম্মানুরাগিনী’ রূপে, ভীমাজ্জুন—প্রভৃতিকে “ইষ্টমম জ্যেষ্ঠ যুধিষ্ঠিরের অমৃতগামী” রূপে এবং শকুনিকে—‘বাকচপল লঘু হাস্যবসিক’ রূপে উপস্থাপিত করা হইয়াছে।

রস-বিচার

নর-নারায়ণ নাটকে প্রধান রস—বীর-ভক্ত সন্মিলিত ‘বক’। ‘কর্ণ’ এই রসের অবলম্বন বিভাব। কর্ণে বীরত্ব আছে, কৃষ্ণের প্রতি আপাত অবিশ্বাসের তলে ভক্তির যজ্ঞবাবা আছে এবং সব কিছুই ভিতর দিয়া আছে জন্ম অভিশপ্তের মর্মবেদনা—নিযতির হস্তের দারুণ নিগ্রহ,—অভিশাপের উপর অভিশাপ—সমস্ত সাধনা ব্যর্থ করা অভিশাপ, নিজেবই এক সত্তাব সহিত অন্য সত্তার করুণ দ্বন্দ্ব—অবশ্যস্তাবী নিযতির বিরুদ্ধে নিষ্ফল সংগ্রামের শোচনীয় পরিণতি। কর্ণের বীরত্বে ও নিষ্ঠুরকতায় বীররসের উদ্দীপনা ঘটিয়াছে এবং কৃষ্ণবর্তির মধ্যে ভক্তিবর্ষের নিষ্পত্তি হইয়াছে বটে কিন্তু কর্ণের বীরত্ব, নিষ্ঠুরকতা, ধর্ম্মনিষ্ঠা এবং কৃষ্ণপরাধতা কর্ণকে যত মহিমায়িত করিয়াছে নিযতির সহিত কর্ণের নিষ্ফল সংগ্রামের শোচনাও তত তীব্র হইয়া উঠিয়াছে। বীর ও ভক্তিবর্ষের ধারা শেষ পর্যন্ত করুণরসের ধাবাটিকেই পবিপোষণ করিয়াছে—করুণরসের সহায়ক হিসাবেই উহার সার্থকতা লাভ করিয়াছে। কর্ণ যে পরিমাণে বীর ও ধর্ম্মনিষ্ঠ হইয়াছেন সেই পরিমাণেই আমাদের সহানুভূতি লাভ করিয়াছেন এবং সেই পরিমাণেই কর্ণের মর্মবেদনা পাঠক-দর্শকের কাছে শোচনীয় হইয়াছে।

কর্ণ যে পরিমাণ কৃষ্ণভক্ত হইয়াছেন—কৃষ্ণকে নারায়ণ বলিয়া স্বীকার করিয়াছেন সেই পরিমাণে কর্ণের শোচনাও বৃদ্ধি পাইয়াছে—কর্ণের তীব্র মনঃকোভ প্রকাশিত হইয়াছে—“স্বর্ণ-মূল্যহীন করা উপহার—ভ্রাতৃত্ব তোমার লইতে অশক্ত আমি।” এই সব কারণেই কর্ণ—অবলম্বনে বীর ও ভক্তিরসের সংযোগে করুণ রসই প্রধানভাবে নিম্পন্ন হইয়াছে।

অগ্ন্যস্ত্র রসের মধ্যে,—তাপস অবলম্বনে রৌদ্র-রস (জমে নাই), পরশুরাম অবলম্বনে করুণ,—মিশ্র রৌদ্র—দ্রোপদী-অবলম্বনে বীররস, দুর্যোধন অবলম্বনে বীররস, ভীম-অর্জুন-নকুল-সহদেব-সাহায্যে বীররস ও ভ্রাতৃভক্তি ; ভীষ্ম দ্রোণ অবলম্বনে শক্তিবীর ও ধর্মবীর রস, ধৃতরাষ্ট্র-বিভাবে বাৎসল্য, গান্ধারী বিভাবে ধর্মবীর-রস, বুধকেতু, পদ্মাবতী অবলম্বনে ভক্তিরস ও শকুনির অবলম্বনে হান্তরস সৃষ্টির চেষ্টা করা হইয়াছে। প্রায় ক্ষেত্রেই রসোদ্ভেকের মাত্রা সন্তোষজনক হয় নাই। কোন কোন ক্ষেত্রে রস আভাসিত হইয়াছে, কোন কোন ক্ষেত্রে অল্লাধিক ব্যক্ত হইয়াছে।

হান্তরস সৃষ্টির উদ্দেশ্যে—নাটকে একটি মাত্র চরিত্রই পরিকল্পিত হইয়াছে—সে “শকুনি”। ঘটোৎকচের উদ্দেশ্যে যাহাই হউক, ঘটোৎকচ তাহার রাক্ষস ভাষার ভঙ্গিমা দ্বারা হান্ত-রসের সৃষ্টি করিয়াছে। শকুনি হে হাসি সৃষ্টি করিয়াছে তাহা আকার বা চেষ্টার বিকৃতি-জনিত হাসি নয়, এই হাসি বাক-বিকৃতি জনিত হাসির অন্তর্গত—লঘু বক্তব্যকে গুরু-গম্ভীর ভাষার আডম্বরে প্রকাশ করিবার, লঘু আচরণকে গুরু-গম্ভীর-ভাবে দ্বারা আচ্ছাদিত করার চেষ্টা হইতে যে হাসির উদ্ভেক হয়, ইহা সেই হাসি ॥ এই হান্ত-রস সৃষ্টির চেষ্টা সব ক্ষেত্রে প্রশংসনীয় হয় নাই—বিশেষতঃ এ কথা বলা যায়—গুরুতর পরিস্থিতিতে শকুনির বাক্যোপলব্ধি ও স্থূল রসিকতা, রসদোষেরই নিদর্শন বলিয়া মনে করা যাইতে পারে।

উপসংহার। ‘প্রতাবনা’য় নাট্যকার ও তুলিয়াছেন—“দৈব কিংবা পুরুষকার—বিধ্বজ্য কোন্ রাজার ? কাহার বিরাত, কাহার স্বরাত। কাহার

প্রকাশ—সঙ্গোপন”। “নিবেদনে”—পরিকল্পনা ব্যক্ত করিয়াছেন—“এক দৈব-নিগূহীত পূর্ণ শক্তিধর মহাপুরুষের জীবন কাহিনী”—এবং নাটকে ঐ প্রব্লেমই উত্তর দিয়াছেন—উক্ত পরিকল্পনার সাহায্যে। পুরুষকারের অবতার কর্ণ ঘোষণা করিয়াছেন—“নিয়তির কাণ্ড্য, কোন কালে হয় নাই মানবের কল্পনা-চালিত” অর্থাৎ এই বিশ্বরাজ্য দৈবরই অধীন। অবিশ্বাসী কর্ণ শেষ পর্যন্ত স্বীকার করিয়াছেন - “ভগবান হয় ভগবান।’ এবং……‘ভগবান ইচ্ছা যদি করে’—‘নরদেহ ধারণ করিতে পারেন—নর-নারায়ণ রূপ পরিগ্রহ করিতে পারেন।

এই উত্তর দিতে গিয়া নাট্যকার কর্ণের জীবনে ‘প্রাণ-বুদ্ধি ধর্ম-অধিকারের যে ছটিল ক্রিয়া-প্রতিক্রিয়া দেখাইয়াছেন—আধ্যাত্মিক ও ভৌতিক সংস্কারের যে দ্বন্দ্ব উপস্থাপিত করিয়াছেন তাহা মানবের গভীর হৃদয়বেগই আবেদন করে এবং সেই আবেদনেই ‘নর-নারায়ণ’ নাটকের শৈল্পিক সার্থকতা।

॥ দ্বিজেন্দ্রলাল রায় ॥

॥ মেবার পতন ॥

বাংলা সাহিত্যে 'রোমান্টিক' ঐতিহ্য ও দ্বিজেন্দ্রলাল

'রোমান্টিক ঐতিহ্য' কথাটা, বলা বাহুল্য, ইংরেজি "Romantic Tradition" কথাটারই আংশিক অনুবাদ—অর্থাৎ 'রোমান্টিক' শব্দটাকে অপরিভাষিত রেখে যতটুকু অনুবাদ সম্ভব ততটুকুই। সাহিত্যসমালোচনায় বহু ব্যবহৃত এই 'রোমান্টিক' ও 'রোমান্টিসিজম' শব্দ দু'টি বাংলা পরিভাষার অভাবে, অধিকাংশই বাংলায় পাণ্ডিত্যেয় হয়ে গেছে—“রোমান্টিক” কবির ও কাব্যের বিশেষণ রূপে এবং “রোমান্টিসিজম” অজ্ঞাত “ইজ্জমের”ই মতো একটা সাহিত্যিক “ইজ্জমের” নাম রূপে। কিন্তু আসল সমস্তা উপযুক্ত পরিভাষা তৈরি করায় বা পাণ্ডিত্যেয় করে নেওয়ায় নয়; আসল সমস্তা সেখানেই যেখানে শব্দ দু'টি বহু ব্যবহৃত হওয়া সত্ত্বেও অনিদিষ্টার্থক। রোমান্টিসিজম বলতে যেমন একটিমাত্র এক নিদিষ্ট প্রবণতা বুঝায় না, তেমনি 'রোমান্টিক' বলতেও অনিদিষ্ট কোন বৈশিষ্ট্য বুঝায় না। দেখা যায়, সাহিত্য-সমালোচনার গ্রন্থে রোমান্টিসিজমের আগে পরস্পরবিরোধী নানা বিশেষণ বসে :—যেমন, national romanticism, reactionary romanticism, imitative romanticism এবং 'রোমান্টিক' শব্দটিকেও নানা তাৎপর্ষে প্রয়োগ করা হয়েছে, যেমন, romantic tradition, romantic subjectiveness, romantically conceived, Romantic. Historical Romantic plays ইত্যাদি। এমনি অর্থবৈচিত্র্য দেখে জনৈক সমালোচক বলেছেন—the word has been so tumbled about, battered out of shape and generally misused that the heart sinks at the very name of it." (Psychology and Literature—F. L. Lucas)। উক্ত গ্রন্থেই

সমালোচক শব্দটির বিভিন্ন সংজ্ঞা নিয়ে সমালোচনা করেছেন এবং নিজে নতুন একটা সংজ্ঞা দেওয়ার চেষ্টা করেছেন। প্রচলিত এই সংজ্ঞাগুলি তিনি উদ্ধৃত করেছেন :—

‘The revolt of Emotion against Reason’—

“Romanticism is the grotesque” (Hugo)

Reawakening of the Middle ages (Heine)

Addition of “strangeness” to beauty (Pater)

“A withdrawal from outer experience to concentrate on inner experience”—(Lascelles Abercrombie)

এবং এই সংজ্ঞাগুলি পরীক্ষা কবে সমালোচক দেখিয়েছেন—এদের কোন-টিই অব্যাপ্তিদোষ এড়াতে পারেনি। প্রথমতঃ, বুদ্ধির উপর আবেগের প্রাধান্যকে লক্ষণ হিসাবে গ্রহণ করলে, প্রায় সকল কবিকেই রোমান্টিক বলতে হবে, কারণ আবেগ বেশী কম সকলের মধ্যেই আছে। দ্বিতীয়তঃ, গেটের কথা অর্থাৎ Romanticism-কে ‘diseased’ বলে স্বীকার করলে ‘Ancient Mariner’-এব কী দণ্ড হবে? তৃতীয়তঃ “grotesque” যদি লক্ষণ হয়, তবে “La Belle Dame sans Merci” অবশ্যই বাদ পড়ে যাবে। চতুর্থতঃ মধ্য যুগের পুনর্জাগরণ যদি লক্ষণ হয় তা’ হ’লে ‘werther’ প্রভৃতিকে বাদ দিতে হয়।

পঞ্চমতঃ, ‘সুন্দরকে রহস্যময় কবে তোলা’ই যদি রোমান্টিসিজিমের লক্ষণ হয়, তা’হ’লেও সব ক্ষেত্রে লক্ষণটি উপযুক্ত হবে না। ষষ্ঠতঃ, ক্রেনেতিয়ের যে রোমান্টিসিজিমকে ‘সাহিত্যিক অহমিকার অন্ধ উচ্ছ্বাস’ বলেছেন তাও সম্পূর্ণ মানা যায় না, কারণ Ancient Mariner-কে ঠিক ‘অহমিকার উচ্ছ্বাস’ বলা চলে না। সপ্তমতঃ এবারকোম্ব মহাশয় ‘রোমান্টিসিজিম’কে যেভাবে বাস্তব-বাদের বিপরীত মতবাদ বলে ব্যাখ্যা করেছেন তাও ঠিক নয়, কারণ স্কটের অপ্রধান চরিত্রগুলির বাস্তবতা খুবই লক্ষণীয়; তারপর রোমান্টিসিজিম ও রিয়েলিজিমের অদ্ভুত সংমিশ্রণ পাওয়া যায় বালজাকে, ডিকেন্স প্রভৃতির মধ্যে।

অষ্টমতঃ, সমালোচক অধ্যাপক লাভজয়ের আলোচনার অবতারণা করেছেন। অধ্যাপক এ. ও. লাভজয় [তাঁর এসেস্ ইন দি হিস্ট্রী অফ্ আইডিয়্যাস গ্রন্থে (১৯৪৮)] প্রমাণ করতে চেষ্টা করেছেন—রোমান্টিসিজম বলতে একটি মাত্র অর্থ বা প্রবণতা বুঝায় না, স্তরসংগত একাধিক বর্জন করাই উচিত। ইংল্যাণ্ডে ১৮৬৬ খৃষ্টাব্দে স্যার উইলিয়াম টেম্পল চৈনিক উদ্ভাবনের “মনোহর অসামঞ্জস্য”—মুগ্ধ হয়ে এবং ১৭৪০ খৃঃ বেটি ল্যাঙ্কলে ও স্যার গ্যারসন মিলার “গথিক স্থাপত্য” পুনঃপ্রবর্তন করতে চেষ্টা করে রোমান্টিসিজমের যে প্রবণতা সৃষ্টি করেন, শেকসপীয়রের প্রভাব থেকে আসে তা’ থেকে সম্পূর্ণ ভিন্ন প্রবণতা, জে. ওয়াটসন যাকে বলেছেন—প্রকৃতিমূলক বন্যতা (wildness)। অন্তর্দিকে জার্মানীর রোমান্টিক এফ. শ্লেগেল অন্তর্ভাবে এগিয়েছেন। তিনি irregularity-র বা ‘wildness’-এর উপাসক নন, তাঁর মতে—প্রাচীন শিল্পকলা স্থিতিধর্মী (static) এবং সংকীর্ণ আধুনিক শিল্প গতিধর্মী, বিবর্তনকারী, প্রগতিশীল এবং সার্বজনীনতা-অভিলাষী। মোট কথা—জটিলতার অন্ত নেই। জটিলতা আরো বেড়েছে “প্রকৃতি”-পূজা বা অহুসার কথাটি নিয়ে। অধ্যাপক লাভজয় “প্রকৃতি”-পূজার ৬১ রকম অর্থ বা ব্যবহার আবিষ্কার করেছেন। এই অর্থ-অরাজকতার মধ্যে লুকাস নতুন ব্যাখ্যা যোজনা করতে চান—বলতে চান “there is a common factor in all Romanticism—and this factor is psychological”। তাঁর মতে অহুস (ইগো) তিনটি শক্তির অধীন : এক—প্রকৃতি (id) অর্থাৎ আদিম আবেগময় সত্তা—যার মুখে শুধু ‘চাই চাই’রব ; দুই নিরুত্তি (সুপার-ইগো বা ইগো-আইডিয়্যাল) অর্থাৎ বিবেক যে শুধু পেয়েই তুষ্ট নয়, সঙ্গে সঙ্গে ধর্মার্থ বিচার করে এবং তিন—বাস্তব-বৃত্তি (রিয়েলিটি প্রিন্সিপল)—যে আমাদের সতর্ক করে দিতে বলে—দেখতে সুন্দর বটে কিন্তু মায়া-ভাস্কর্য। লুকাস বলতে চেয়েছেন—It seems possible to suggest that in literature Realism corresponds to a dominance of the ‘reality principle’, classicism, very

roughly, to a dominance of the “Super-Ego”, Romanticism, also very roughly, to a dominance of impulses from the “id.”

লুকাসের এই সংজ্ঞাও সম্পূর্ণ অব্যাখ্যিদোষমুক্ত কি না বলা শক্ত, কারণ ‘dominance of impulses’ এবং ‘the revolution of Emotion against Reason’—মূলতঃ প্রায় একই কথা।

বিখ্যাত নাট্যতত্ত্বজ্ঞ এবং সমালোচক জন হাউয়ার্ডলসন মহাশয় ‘রোমান্টি-সিজম্’ সম্বন্ধে আলোচনা করতে গিয়ে লিখেছেন—শব্দটি ‘রোমান্স’ কথাটি থেকে ব্যুৎপন্ন এবং একাধিক অর্থে বা “aggregate of moods” বুঝাতে ব্যবহৃত। যেমন—

(১) যেহেতু ক্লাসিসিজিমের প্রতিক্রিয়াস্বরূপ অষ্টাদশ শতাব্দীর শেষে রোমান্টিসিজম্ দেখা দিয়েছিল ‘রোমান্টিসিজম্’ বলতে—প্রচলিত প্রথার বিরুদ্ধে বিদ্রোহ—বিধিসম্মত রূপের বা গঠনের প্রতি বিরাগ—“freedom from rigid conventions”, “disregard of form”—বুঝায়।

(২) আবার সম্পূর্ণ ভিন্ন অর্থে, অর্থাৎ জটিল ও কৃত্রিম রীতির রচনা। বুঝাতে—(to describe an elaborate and artificial style as opposed to a simple mode of expression—) শব্দটি ব্যবহৃত হয়।

(৩) তারপর, যে রচনায় কায়িক ক্রিয়ার ও অদ্ভুত ঘটনার বাহুল্য থাকে—‘works’ which abound in Physical action and picaresque incident—সেই জাতের রচনা বুঝায়।

(৪) বাস্তব পরিবেশ থেকে পালিয়ে যাওয়ার প্রবৃত্তি—মনগড়া ভাবের সাধনা বুঝাতে ব্যবহৃত হয় (escapism turning away from Physical reality, seeking after romantic illusion)।

(৫) স্বাধীন কল্পনাপ্রবণতা ও সৃষ্টি-কামনা প্রভৃতি (imagination

creativity as opposed to a pedestrian or pedantic quality)

—বুঝাতে প্রযুক্ত হয়।

(৬) দার্শনিক তাৎপর্ষে—পরাদর্শন-রহস্যের প্রতি প্রবণতা এবং বস্তুবাদ-বিমুখতা।

(৭) মনস্তাত্ত্বিক অর্থে—আত্মাভিমুখিতা—আত্মসংস্কৃতি (subjectiveness) বুঝায়—“subjective as opposed to an objective approach” বুঝায়,—emphasis upon emotion rather than upon commonplace activity—বুঝায়।

উল্লিখিত প্রবণতাগুলি নির্ধারণ করে লসন বলেছেন—সমালোচকরা শব্দটির পরস্পর বিরুদ্ধ অর্থের মধ্যে সমন্বয় সাধন করার চেষ্টা করেননি এবং করেননি এই কারণেই যে তাঁরা ‘has inherited the system of thought which constitutes romanticism’ এই চিন্তাতন্ত্রের মৌলিক বৈশিষ্ট্য দুটি; এক—ব্যক্তি-আত্মার নিরপেক্ষ স্বাভাবিক বিশ্বাস (idea of the uniqueness the individual soul, দুই ব্যক্তিত্বের—আবেগময়তায় বিশ্বাস (idea of personality as a final emotional entity)। এই ধরনের চিন্তায় যারা অভ্যস্ত তাঁরা অবশ্যই শিল্পকলাকে—“subjective and metaphysical” বলে গণ্য করবেন এবং এই বিশ্বাসেই আত্মা রাখবেন,—‘art is woven of the staff of imagination which is distinct from the staff of life, এবং এই সিদ্ধান্তই করবেন—art is necessarily a sublimation—seeking after illusion……free action can exist only in a dream world……since art is irrational it must escape from conventional forms……অধিকন্তু, সমালোচক লসন রোমান্টিক আন্দোলনের দ্বৈত প্রকৃতি সম্বন্ধে যে আলোচনা করেছেন তা’ বিশেষভাবেই উল্লেখযোগ্য। ক্লাসিসিজিমের বিরুদ্ধে যে বিদ্রোহ দেখা দিয়েছিল তা’কে “রোমান্টিক” আখ্যা দেওয়ার কারণ এই

যে রোমান্স-সাহিত্যের জন্ম হয়েছিল লাতিনের বিরুদ্ধে বিজ্রোহ ঘোষণা করেই—“This is important, because it indicates the dual nature of the romantic movement : it wished to break away from stuffy tradition to find a fuller and more natural life ; it suggested comparison with the medieval poets who broke away from Latin and spoke in the language of the people. But the fact that the romantic school was based on such a comparison also shows its regressive character, it looked for it in the past. Instead of facing the problem of man in relation to his environment it turned to the metaphysical question of man in relation to the universe,—

এই দ্বৈতপ্রকৃতিকতাকে ব্যাখ্যা ক’রে বুঝাতে গিয়ে লসন্ যে আলোচনার অবতারণা করেছেন, উনবিংশ ও বিংশ শতাব্দীর বাঙালী চিন্তের প্রকৃতি বিশ্লেষণে তা যথেষ্ট আলোকপাত করে। জার্মান রোমান্টিসিজমের প্রবণতা নিরূপণ করতে, তিনি লিখেছেন—একদিকে রয়েছে ব্যক্তিজীবনের পূর্ণবিকাশের আকাঙ্ক্ষা, বস্তুবিশ্বের সমস্ত সম্ভাবনাকে আবিষ্কার করার কামনা, অন্যদিকে রয়েছে এলটা নিরাপদ আশ্রয় খুঁজে পাওয়ার চেষ্টা—নিত্য সনাতন চিরস্থায়ী সত্তার সন্ধান। * (Combining a desire for a richer personal life, a desire to explore the possibilities of the real world with a tendency to seek a safe refuge, to find a principle of permanence.) উনবিংশ শতাব্দীর গোড়ার দিকে যে রোমান্টিক আন্দোলন দেখা দিয়েছিল তার মধ্যে যেমন ছিল এই দো-টানা ভাব, তেমনই ছিল, আগেই যা’ বলা হয়েছে, একটা অতীতনির্ভরতা—অতীত-মুখাপেক্ষিতা। George Brandes (তাঁর Main Currents in Nineteenth Century Litera-

ture ১২০৬) গ্রন্থে এ বিষয়ে আলোকপাত করে দেখিয়েছেন যে তদানীন্তন জাতীয়তাবাদের এবং রোমান্টিকতার মধ্যে অতীতনির্ভরতা ছিল। তাঁর মন্তব্য—The patriotism which in 1813 had driven the enemy out of the Country contained two radically different elements—a **historical retrospective tendency** which soon developed into romanticism, and a liberal minded progressive tendency, which developed into the **new liberalism**” অর্থাৎ তখনকার রোমান্টিকতায় দুটি প্রবণতা ছিল—একটি পুরাতন ইতিহাস স্মরণ অর্থাৎ ঐতিহ্য স্মরণ করে আত্মসংবিদ জাগানোর চেষ্টা; অণ্ডটি—উদার-মনা প্রগতিকামিতা—নব মানবতার চেতনা।

সমালোচক জন হাউয়ার্ড লসন মহাশয়ের আলোচনার ফলশ্রুতি হচ্ছে এই যে রোমান্টিকতার মধ্যে প্রগতিশীল উদার চিন্তাভাবনা যতই অন্তর্ভুক্ত হোক না কেন, রোমান্টিক দৃষ্টি ‘instead of facing the problem of man in relation to his environment’ মানুষের সমস্যাতে পরিবেশ-সাপেক্ষ করে না দেখে, সমস্যা সমাধানে পরিবেশের গুরুত্ব যথেষ্ট পাং মাণে স্বীকার না করে, আত্মার অনির্বচনীয় স্বরূপের মধ্যে, ব্যক্তিত্বের অনির্দেশ্য প্রকৃতির মধ্যে জীবন সমস্যার স্তূষ্ট সমাধান খুঁজে পেতে চায়। লসনের মতে প্রকৃত রিয়েলিটি তিনিই যিনি মানুষের জীবন সমস্যাতে ব্যক্তির আচরণকে “in relation to his environment” রূপ দিতে চান। অগুভাবে বললে বলা যায় যিনি মানুষের “uniqueness of soul” আত্মার অনির্বচনীয় স্বরূপ স্বীকার করেন না, ব্যক্তিত্বের নিরপেক্ষ স্বাভাব্য মাহিমা স্বীকার ও প্রচার করেন না। উনবিংশ শতাব্দীর শেষভাগে যে সব শাস্ত্রবাদী লেখক এসেছিলেন তাঁরাও—লসন বলেন—“did not achieve a clean break with romanticism—it was a new phase of the same system of

thought". এ কথা সত্য যে বাস্তববাদীরা অর্থনৈতিক ও সামাজিক সমস্যা-পীড়িত জীবনের রূপ উপস্থাপিত করার চেষ্টা করেছিলেন কিন্তু—"they evolved no integrated Conception which would explain and solve these problems". এমন কি বাস্তববাদীদের অগ্রণী যে ইবসেন তিনিও "Master Builder" নাটকে রোমাটিক প্রবৃত্তির সংস্কার কাটিয়ে উঠতে পারেননি। লসনের আলোচনা থেকে এই সিদ্ধান্ত অবশ্যই করা যেতে পারে যে প্রকৃত বাস্তববাদিতা তখনই সম্ভব যখন রোমাটিসিজমের সঙ্গে "clean break" অর্থাৎ পরিষ্কার বিচ্ছেদ ঘটে—সুসমঞ্জস বাস্তববাদী জীবন দর্শনের আলোকে জীবন সমস্যার সমাধানের চেষ্টা করা হয়। বলা বাহুল্য, এই ধরনের প্রকৃত বাস্তববাদিতার সঙ্গে কৃত্রিম বাস্তববাদিতার অর্থাৎ সাধারণ বাস্তব-প্রবণতার লক্ষণীয় পার্থক্য আছে। লুকাস যখন বলেন,—“Sometimes Romantics have called in Realism as an ally against the unreal Conventions of classicism, sometimes classicists have appealed to Realism against the fantastic dreams of Romanticism—তখন ‘realism’ শব্দে সাধারণ বাস্তবপ্রবণতার কথাই বলেন—বাস্তবিক রূপ দেখার বা আঁকার প্রবণতাই বুঝাতে চান।

এতক্ষণে আমরা নিশ্চয়ই এ কথাটা বুঝতে পেরেছি যে রোমাটিসিজমকে ছ’এক কথায় বুঝানো সম্ভব নয় এবং নানা মূনির নানা মতে এ ক্ষেত্রও কটকিত। আমরা দেখলাম—মূল লক্ষণ নির্ধারণে, এফ, এল, লুকাস এগিয়েছেন মনস্তত্ত্বকে ভিত্তি করে এবং জন হাউয়ার্ড লসন ভিত্তি করেছেন—দর্শনকে। কিন্তু পরিষ্কার করে বুঝে নেওয়ার দিকে আমরা যে খুব একটা এগিয়ে এসেছি এ কথা বলা চলে না। অতএব আমরা এখানে সূত্রগুলি শুধিয়ে নেওয়ার চেষ্টা করতে পারি।

‘রোমাটিক’ ও ‘রোমাটসিজম’ শব্দ দু’টি যদি ‘রোমান্স’ কথাটা থেকে ব্যুৎপন্ন হয়ে থাকে, তা’হলে রোমান্সের বৈশিষ্ট্যের মধ্যেই যে ‘রোমাটিকতা’র

—বৈশিষ্ট্য খুঁজে দেখা দরকার, এ বিষয়ে নিশ্চয়ই সকলে একমত হবেন। 'রোমান্টিক' বলতে, গোড়াতে নিশ্চয়ই 'রোমান্স স্কলড' বা 'রোমান্সের মতো' —এই অর্থ করা হয়েছে। অর্থাৎ যে রচনার গঠনরীতি রোমান্সের মতো তাকে বলা হয়েছে—রোমান্টিক; যার ঘটনাবিগ্রাস, পরিস্থিতিকল্পনা, চরিত্রের আচরণ রোমান্সের মতো তাকে বলা হয়েছে—রোমান্টিক; যার বিষয়বস্তু রোমান্সের বিষয়বস্তুর মতো তাকে বলা হয়েছে 'রোমান্টিক' এবং যে কবির মন রোমান্স-স্রষ্টার মনের মতো, তাঁকে বলা হয়েছে রোমান্টিক। প্রথমতঃ, রোমান্সের গঠন-রীতি প্রাচীন গঠন রীতি থেকে স্বতন্ত্র; রোমান্সে —“many actions of many men” উপস্থাপিত এবং প্রাচীন ঐক্য-বিধি —স্থান-কাল-কার্য-ঐক্য লঙ্ঘিত। এখানে প্রাচীন রূপ-রীতির [লাতিন ভাষা ও ঐক্যবিধি] বিরুদ্ধে লক্ষণীয় বিদ্রোহ দেখা গেছে। অতএব বিদ্রোহপ্রবণতা রোমান্টিকতার অন্ততম লক্ষণ হ'য়ে দাঁড়িয়েছে। দ্বিতীয়তঃ, রোমান্সের বিষয়বস্তু নাইটদের প্রেমবীরত্বের কাহিনী। এই বিষয়বস্তুর বৈশিষ্ট্য থেকে রোমান্টিকতার অত্র দু'টি লক্ষণ নির্ধারিত হয়েছে। নাইটদের প্রেম-বীরত্বের কাহিনীতে ঘটনাবিগ্রাস, পরিস্থিতিকল্পনা এবং চরিত্রের আচরণ আপেক্ষাকৃত চমকপ্রদ, অসাধারণ এবং অস্বাভাবিক। এই কারণে যে রচনার ঘটনাবিগ্রাসে চমক সৃষ্টির চেষ্টা থাকে, পরিস্থিতি কল্পনায় অসাধারণ স্থান-কাল ব্যবহার করার ঝোঁক দেখা যায়, এবং চরিত্রের আচরণে রক্তমাংসের স্বাভাবিক মানুষ্যের রীতি-নীতি প্রকাশ না পেয়ে ভাবাবেগ বা আদর্শনিষ্ঠার ঐকান্তিক আতিশয্য প্রকাশ পায়, সেই রচনাকে—'রোমান্টিক' বলে অভিহিত করা হয়ে থাকে। তাই অষ্টাদশ শতাব্দীর ফরাসী নাট্যকার-সমালোচক—দেনিস দিদোর 'রোমান্টিক' নাটকের সংজ্ঞা দিতে গিয়ে লিখেছেন—“A play is romantic when the marvelous is caused by coincidence, if we see Gods or men too malignant, if events and characters differ too greatly from what experience and history lead us

to expect and above all if the relation of cause and effect is too complicated or extraordinary” অর্থাৎ নাটক রোমান্টিক আখ্যা পাবে তখনই যখন অপ্রত্যাশিত ঘটনা দ্বারা চমৎকার সৃষ্টির চেষ্টা করা হবে, দেবতাকে বা মানুষকে অতিনিষ্ঠর দেখান হবে, ইতিহাসে এবং অভিজ্ঞতায় ঘটনা ও চরিত্রকে যেভাবে পাওয়া যায়, তা থেকে সম্পূর্ণ পৃথকভাবে চরিত্র এবং ঘটনা উপস্থাপিত করা হবে এবং ঘটনাবিন্যাসে কার্যকারণের সম্পর্ক যেখানে অতিজটিল বা অস্বাভাবিক।

সংক্ষেপে বলতে গেলে—ঘটনাবিন্যাসে ও চরিত্র সৃষ্টিতে পরিপাটি ঔচিত্যের তথা বাস্তবতার অভাব এবং চমৎকারিত্বসৃষ্টির জন্য আবেগাতিশয়া—যেখানে থাকে, সেখানেই সৃষ্টি ‘রোমান্টিক’ অর্থাৎ রোমান্সধর্মী হয়ে উঠে। রোমান্স কাহিনীর বাহ্য প্রকৃতি থেকে যেমন উপরোক্ত লক্ষণটি এসেছে, তেমনি বিষয়বস্তুর আস্তর প্রকৃতি থেকে আর একটি লক্ষণও পরিস্ফুট হয়েছে। এই লক্ষণটিকে সংক্ষেপে বলা চলে প্রেম ও সৌন্দর্যের অনির্দেশ্য পরাদর্শের জন্ম, পরম সন্তার জন্ম আতি। প্লেটোর ভাববাদে এবং খৃষ্টধর্মের নৈতিক বিধির প্রভাবে, মধ্যযুগে নাইটদের, প্রেম-বীরত্ব-গাথায়, কামগন্ধহীন প্রেমের ও সৌন্দর্যের ভাবমূর্তির আরাধনার আবেগ প্রকাশিত হয়। দাস্তে পেত্রার্ক, প্রভৃতির প্রেমে ও সৌন্দর্যের ভাবমূর্তি আরাধনার খাত বেয়ে তা’ ক্রমে ক্রমে অনির্দেশ্য ও অতীন্দ্রিয় সৌন্দর্য-সন্তার এবং পরম-সন্তার অমুরাগে রূপান্তরিত হয়। ফলে অনির্দেশ্য ও অতীন্দ্রিয় পরম সন্তাকে—সেই সন্তা স্বরূপে সত্য-শিব-মুন্দর বা সচ্চিদানন্দ যাই হোন না কেন,—পাওয়ার ব্যাকুলতা রোমান্টিক মনোভাব বলে গণ্য হয়। আত্মার রহস্যময় স্বরূপে—ব্যক্তিত্বের নিরপেক্ষ অস্তিত্বে বিশ্বাস এবং তজ্জনিত আবেগ, এই মনোভাবের সঙ্গে ওতপ্রোতভাবে সম্পৃক্ত বলে, উক্ত বিশ্বাস ও আবেগও রোমান্টিক নামে অভিহিত।

এইভাবে, রোমান্সের প্রকৃতি থেকে যেমন রোমান্টিকতার লক্ষণগুলি নিরূপিত করা সম্ভব, তেমনি রোমান্টিক আন্দোলনের ঐষতপ্রকৃতিকতাও ব্যাখ্যা

করা সম্ভব। মুক্তিকামনা অর্থাৎ স্বিতাবস্থার সীমাবদ্ধতা থেকে মুক্ত হয়ে সর্বাঙ্গীন মুক্তির স্বাচ্ছন্দ্য লাভের কামনা, রোমান্টিকের স্বাভাবিক মনোভাব বটে, কিন্তু তাই বলে সকল রোমান্টিকই যে মুক্তির আবেগে, সামনে এগিয়ে যেতে চান বর্তমান অবস্থার বাধা অতিক্রম করে, উজ্জল ও মুক্ত উদার ভবিষ্যতের ধ্যান করেন, তা নয়; কোন কোন রোমান্টিক চারিদিকের পাষণ্ড কারা ভেঙ্গে ফেলতে অসমর্থ হয়ে, অতীত অবস্থার মধ্যে অথবা আধ্যাত্মিকতার রাজ্যে মুক্তির কল্পলোক সৃষ্টি করে মুক্তির আবেগ চরিতার্থ করে থাকেন। এই ধরনের অতীতাসক্তি বা আধ্যাত্মিক-মুক্তি-বিলাসী মনোভাবকেই প্রতিক্রিয়াশীল রোমান্টিসিজম বলা হয়েছে। আর যে মুক্তিকামনা, জাতিগত ও ব্যক্তিগত পরাধীনতার সমস্ত বন্ধন ছিন্ন করে ফেলে মহত্ত্বের পূর্ণ মহিমা প্রতিষ্ঠা করতে চায়, সেই মুক্তির-আবেগকে বলা যেতে পারে “প্রগতিশীল রোমান্টিসিজম”। National Romanticism-এ প্রগতিমূলক মনোভাব অর্থাৎ জাতির মুক্তির আবেগ প্রকাশিত হয় বলে, গ্রাশনাল রোমান্টিসিজম প্রগতিশীল রোমান্টিসিজমের একটা বিশেষ রূপ।

তবে এই ‘গ্রাশনাল রোমান্টিসিজম অনেক ক্ষেত্রে অতীত কীর্তি কাহিনীকে আশ্রয় করে আত্মপ্রকাশ করে বলে কারো হয়তঃ একথা মনে আসতে পারে যে, যেহেতু এর মধ্যেও অতীতাসক্তি রয়েছে সেই হেতু তা’ প্রতিক্রিয়াশীল। অতীতাসক্ত হওয়া এবং অতীতাস্রয়ী হওয়া অর্থাৎ historical introspective tendency থাকা যে এক কথা নয়, এ সত্যটা একটু তুলিয়ে বুঝতে পারলেই, ঐ ধরনের কোন কথা আর মনে আসবে না। বর্তমানকে এড়িয়ে অতীতের মধ্যে মাথা গুঁজে পড়ে থাকা নিশ্চয়ই পলায়নী মনোবৃত্তি—কিন্তু বর্তমানের প্রয়োজনে অতীতকে ব্যবহার করা—অতীত কাহিনীর মাধ্যমে বর্তমানের প্রগতিকামনার চাহিদা পূরণ করা অবশ্যই প্রগতিশীল মনোভাব। “historical & prospective tendency”—জাতীয় চেতনার উন্মেষের সঙ্গে অবিচ্ছেদ্যভাবে যুক্ত। স্বাধীন জাতি

অতীতকে স্মরণ করে আত্মগৌরব ঘোষণা করার উদ্দেশ্যে—জাতির আত্মপ্রতিষ্ঠাকামনাকে আরো উদ্দীপিত করার জন্ত, আর পরাধীন জাতি অতীত কীর্তিকাহিনী স্মরণ করে—আত্মসংবিদ ফিরে পাওয়ার জন্ত, স্বাধীনতা কামনাকে জাতির চিন্তে সঞ্চার করে দেওয়ার জন্ত—জাতির মানসিক দুর্বলতা দূর ক'রে, পরোক্ষভাবে মুক্তিসংগ্রামে উদ্বুদ্ধ করার জন্ত। পরাধীন জাতির চিন্তে যখন নবজাগরণের সাড়া জাগে, যখন বন্ধন অসহিষ্ণুতার চাকুলো জাতি মুক্তির জন্ত চেষ্টিত হয় অথচ সম্মুখের বাধা ঠেলে ফেলে দিয়ে এগিয়ে যাওয়ার সাহস সঞ্চার করতে পারে পারে না, তখনই জাতির মনে historical introspective tendency বেশী করে দেখা দেয়।

“এই introspective tendency”রই অনিবার্ণ পরিণতি ঐতিহাসিক কাহিনীর—রোমান্টিক উপস্থাপনা। অর্থাৎ ইতিহাসের বাস্তবায়ন উপস্থাপনার পরিবর্তে, ভাববেগ-উচ্ছ্বাসিত, আদর্শনিস্থিত এবং জাতীয়চেতনাসঞ্চারী উপস্থাপনা। জাতির নব জাগরণের সঙ্গে—জাতির মুক্তি সংগ্রামের আবেগের সঙ্গে, ইতিহাস স্মরণের সম্পর্কে কি এবং গ্রাশনাল রোমান্টিসিজমে ইতিহাস পুনঃস্মরণ কেন হয়, নিশ্চয়ই তা' বেশী বুঝিয়ে বলার দরকার নেই। ‘রোমান্টিসিজম’ এবং ‘রোমান্টিক’ সম্বন্ধে যেটুকু সংস্কার থাকলে মেবার-পতন নাটকের রোমান্টিকত্ব এবং নাট্যকারের রোমান্টিক মনোভাব বিশ্লেষণ করা সম্ভব হবে, আশাকরি সেটুকু সংস্কার এই আলোচনার ভিতর দিয়ে গড়ে উঠেছে।

*

*

*

এবারে বাংলা সাহিত্যের ‘রোমান্টিক ঐতিহ্য’ এবং সেই ঐতিহ্যের সঙ্গে নাট্যকার দ্বিজেন্দ্রলালের সম্পর্ক কি সে সম্বন্ধে সামান্যভাবে হুঁচকার কথা বলে নেওয়া যাক। বলা বাহুল্য, এই আলোচনায় আমি, বাংলার নবজাগরণের সঙ্গে সঙ্গে বাঙালী সাহিত্যিকদের মধ্যে যে রোমান্টিক মনোভাবের অভিব্যক্তি

ঘটেছিল সেই অভিব্যক্তিরই বিশেষ প্রকৃতি বা বিশেষ রূপটি নির্দেশ করতে চেষ্টা করব। আরো নির্দিষ্টভাবে বললে বলা যায়—রঙ্গলাল, মধুসূদন, বঙ্কিমচন্দ্র, গিরিশচন্দ্র, ক্ষীরোদপ্রসাদ, রবীন্দ্রনাথ, দ্বিজেন্দ্রলাল প্রমুখ সাহিত্যিকদের—কবি-ঔপন্যাসিক-নাট্যকারদের রোমান্টিক মনোভাবের বৈশিষ্ট্য নিরূপণ করতে চেষ্টা করব। দ্বিজেন্দ্রলালের আগে বাংলা সাহিত্যে রোমান্টিকতার যে-সব লক্ষণ প্রকাশিত হয়েছে তাকেই আমি বলছি—বাংলার রোমান্টিক ঐতিহ্য এবং তারই পরিপ্রেক্ষিতে বিচার করতে চেষ্টা করছি এই ঐতিহ্যের সঙ্গে দ্বিজেন্দ্রলাল নতুন কোন ভাব বা লক্ষণ যোগ করতে পেরেছেন কি না, পুরাতন ঐতিহ্যকেই অনুসরণ করেছেন কি না, অথবা রোমান্টিক ঐতিহ্য থেকে সরে এসেছেন কি না, এই সব প্রশ্ন। আগেই বলেছি এই সব প্রশ্নের বিস্তারিত আলোচনার অবকাশ এখানে নেই। দিগ্‌দর্শনের জন্য ষতটুকু বলা দরকার ততটুকুই বলা হবে।

নবম দশম শতাব্দী থেকে অষ্টাদশ পর্য্যন্ত, বাংলার সংস্কৃতি ইতিহাস, বিশেষ করে সাহিত্যিক ইতিহাস পর্যালোচনা করলে, যে কথাটা বিশেষভাবে মনে জাগে, সে এই যে শ্রীচৈতন্যের জীবনকে আশ্রয় করে এবং আধ্যাত্মিক মুক্তির আবেগের রূপ ধরে বাংলার গণমানসে মুক্তির একটা ঐতীমুখী প্রবল আকৃতি আন্দোলিত হয়ে উঠেছিল বটে কিন্তু যেহেতু এই আন্দোলনের লক্ষ্য ছিল অতিজাগতিক বা অতিপ্রাকৃত সত্তার—অখিলরসামুদ্রমূর্তি শ্রীকৃষ্ণের কাছে আত্মসমর্পণ—এবং আন্দোলনের প্রকৃতিতে বৈরাগ্য সন্ন্যাস প্রভৃতি ইহবিমুখ আচরণের প্রাধান্য ছিল, সেইহেতু ঐ মুক্তির আন্দোলন অভীষিত উদ্দেশ্যে পৌছাতে পারেনি—এক কৃষ্ণভক্তি-স্বত্রে সমস্ত জাতিকে, সমস্ত বর্ণকে গোঁথে নিয়ে সাম্য-মৈত্রী-স্বাধীনতায় পরিপূর্ণ প্রেমময় আদর্শ সমাজ গঠন করতে পারেনি। তা না পারলেও—বর্ণাশ্রম ধর্মশাসিত এবং জাতিবিষেষ-সংকীর্ণ সমাজে যিনি মাহুঘের আধ্যাত্মিক ঐতিহ্যকে স্মরণ করিয়ে দিয়ে এবং বিশ্বজনীন প্রেমের মন্ত্রে দীক্ষিত করে

তুলে, ব্যক্তিবৈষম্যের ও জাতিবৈষম্যের বিরুদ্ধে, গতানুগতিক ধর্মবিশ্বাসের বিরুদ্ধে, সংগ্রাম করতে অবতীর্ণ হয়েছিলেন, তার আন্দোলন এবং তাঁকে ঘিরে যে আন্দোলন দেখা দিয়েছিল, তাব মধ্যে প্রগতিশীল রোমান্টিকতার উপাদান ছিল—এ কথা অবশ্য স্বীকার্য। খ্রীষ্টচৈতন্যদেবের এইবৈষ্ণব আন্দোলন ছাড়া, এই সময়ের মধ্যে বাংলা সাহিত্যে যেটুকু রোমান্টিকতার উপাদান পাওয়া যায়, তা পাওয়া যায় বাংলার লোক-সাহিত্যে (পূর্ববঙ্গগীতিকা—মৈমনসিংহ-গীতিকা নামক সংগ্রহ গ্রন্থের অন্তর্ভুক্ত নানা কাহিনীর মধ্যে)। এই সকল কাহিনীর মধ্যে—জীবনকে যে রূপে ও যে রীতিতে উপস্থাপিত করা হয়েছে তাকে সংক্ষেপে ‘রোমান্সমূলভ’ অর্থাৎ রোমান্টিকই বলা যেতে পারে। এদের নায়ক-নায়িকারা ‘পতঙ্গ যে রঙ্গে ধায়’ সেই রঙ্গেই, জীবনাবেগের তীব্র তাড়নায়, ধেয়ে চলেছে, বর্ণের বাধার—জাতির বাধার, Ego Ideal-এর গভী ভেঙ্গে, তাদের হৃদয়াবেগ উদ্দাম ও স্বচ্ছন্দ গতিতে একমাত্র কামনার প্রেরণা মেনেই অন্ধবেগে ছুটে চলেছে। তাদের কাছে সমাজ সংসার মিছে সব। জীবনাবেগের সহজ প্রবৃত্তির বিধি ছাড়া মানুষের গড়া কোন বিধিনিষেধ তারা মানতে চায় না। তারা যেন স্বচ্ছন্দচায়ী মুক্ত প্রেমের—মুক্ত জীবনের—শরীরী আকাঙ্ক্ষা, গতানুগতিক বিধিরুদ্ধ জীবনের বিরুদ্ধে মূর্ত বিদ্রোহ।

মহাপ্রভু খ্রীষ্টচৈতন্যদেবের আধ্যাত্মিক মুক্তির জন্ত—সাম্য ও মৈত্রীর জন্ত আন্দোলনে এবং লোকসাহিত্যের নায়ক নায়িকাদের জাতিকুলবিচারহীন প্রেমের ঐকান্তিক আবেগে—‘মনের মানুষের’ জন্ত জাতিকুলমান—সর্বস্বত্যাগে, বন্ধন-অসহিষ্ণু জীবনের জীবনসন্তোষেরই ঐকান্তিক আবেগ লক্ষ্য করা যায়। গতানুগতিক স্থিতিশীল জীবনযাত্রার মাঝখানে জীবন স্নাবেগের দীপ দৃষ্টি যেন মাথা উঁচু করে দাঁড়িয়ে আছে।

উনবিংশ শতাব্দীর প্রথমার্ধেই, ইংরেজি শাসনের চাপে, ইংরেজ জীবনের তাপে এবং ইংরেজী শাসন-সাহিত্যের প্রভাবে, বাঙ্গালীর জ্ঞান-অনুভব ইচ্ছার

মধ্যে পরিবর্তন দেখা দিতে থাকে—বাংলার বুকে নবজীবনের সাড়া জাগে—জাগ্রত বাঙালীর মনে জাতি হিসাবে প্রতিষ্ঠিত হওয়ার স্বপ্ন জাগে—এক কথায়, জাগ্রত বাঙালীর জীবনের অঙ্গনে মুক্তভাবে বিচরণ করতে চায়। কিন্তু ভিতরে-বাইরে সহস্র বন্ধনে সে তখন আবদ্ধ। বাইরে ব্রিটিশের আধিপত্য, রাজনৈতিক এবং অর্থনৈতিক পরাধীনতার বেটনী; ভিতরে সহস্র সংকীর্ণ বিধি-নিষেধের গণ্ডি দিয়ে ঘেরা অচলায়তন—কুসংস্কারের অপ্রতিহত প্রভাব। সিপাহীবিদ্রোহের অগ্নিস্ফুটনে ভারতের সামরিক শক্তি নির্বাণোন্মুখ প্রদীপের মতো একবার দগ্ধ করে জলে উঠেই নিভে যায় ১৮৫৮ খ্রীষ্টাব্দে; ভারতবাসী মহাবাহীর প্রাণ পরিণত হয়। কিন্তু সিপাহী বিদ্রোহের আগুন থেকে পরিবেশে যে তাপ সঞ্চারিত হয় তাতে অনেকেরই মনে তাপ সঞ্চিত হয়। এই আগুনের উত্তাপেই বাংলায় “গ্ৰাশনাল রোমান্টিসিজমের সূত্রপাত হয়। রঙ্গলালের ‘পদ্মিনী উপাখ্যান’—বিশেষতঃ “স্বাধীনতাহীনতায় কে বাঁচিতে চায় হে কে বাঁচিতে চায়?”—গানটি, ঐ নির্বাপিত বিদ্রোহাগ্নিরই সঞ্চারিত উত্তাপে উত্তপ্ত। এখান থেকেই, historical introspective tendency-এর সূচনা—ঐতিহাসিক কাহনীর আধারে—ঐতিহাসিক পাত্রপাত্রীকে মুখপাত্র করে স্বাধীনজীবনের মহিমাকে প্রচার করার চেষ্টা, পরাধীনতা অসহিষ্ণুতার চাকল্য, আরম্ভ হয়েছে। রঙ্গলালের সমসাময়িক মাইকেল মধুসূদনের জীবন এবং কাব্য সমান মাত্রায় রোমান্টিক। যেমন অদম্য তাঁর প্রাণাবেগ—জীবন সন্তোষের বাসনা, তেমনি তীব্র ঘৃণা স্থিতিধর্মী বদ্ধজীবনের জড়ত্বের উপরে। ঐ অস্থির অসহিষ্ণু প্রাণাবেগেরই অনিবার্ণ পরিণতি—খ্রীষ্টানধর্ম গ্রহণ, সমাজের সীমা, দেশের নীমা লঙ্ঘন করে, কক্ষচ্যুত নক্ষত্রের মতো ছুটে বেড়ান, যে পরশপাথরের স্পর্শে জীবন অব্যাহতমুক্তির সোণায় পরিণত হবে, সেই পরশপাথরের জগৎ ক্যাপার মতো দেশে-বিদেশে বিচরণ—এককথায় সমস্ত রকম প্রাণ (সাহিত্যিক ও সামাজিক) বাধার বাঁধ ভেঙ্গে জীবনকে মুক্ত করার আবেগ। অমিত্রাকর ছন্দে

প্রবর্তন করে ভাষার শৃঙ্খল মোচন করা, বিষয়-নির্বাচনে ও উপস্থাপনে প্রচলিত প্রথাকে অমাত্র করে কল্পনার স্বাধীনতা প্রতিষ্ঠা করা, মাতৃভাষার দৈন্ত তথা আত্মদৈন্ত, জাতীয় অবমাননা দূর করার জন্য অপূর্ব কাব্য নাটক কবিতাবলী রচনা করা, দুর্বলতা-বিরোধী বন্ধন অসহিষ্ণু ও আত্মপ্রতিষ্ঠাকামী প্রাণাবেগেরই অভিব্যক্তি। পৌরাণিক ও ঐতিহাসিক চরিত্রের সংকেত আশ্রয় করে মধুসূদন নতুন জীবনাদর্শেরই আবাহন করেছেন। স্বদেশপ্রেম ও স্বাধীনতার প্রশস্তি—এবং পরাধীনতার মনস্তাপ—“King Porus”-কে উপলক্ষ্য করে অতি তীব্রভাবে ব্যক্ত হয়েছে। রাজা পুরুষ উদ্দেশ্যে কবি লিখেছেন—

And where the noble hearts that bled
For freedom—with the heroic glow
In patriot bosoms•nourished—
Hearts eagle-like that recked not death
But shrank before foul Thralldom's breath ?
And where art thou fair freedom !

... ... '

The crown that once did deck thy brow
Is trampled down—and thou sunk low.
Thy pearls, the diamond and thy mine.
of glistening gold•no more is thine !
Alas—each conquering tyrant's lust
Has rodded thee of thy very dust !

পরাধীনতার জন্য এই অন্তর্দাহ, কৃষ্ণকুমারী-নাটকেও হিন্দুমহিমা-স্বরণের রূপ নিয়ে আত্মপ্রকাশ করেছে।

দেশের স্বাধীনতা রক্ষা করতে প্রাণ দেওয়ার চেয়ে মহত্তর পৌরব বীরের

পক্ষে যে আর কিছু হতে পারে না—এ কথা, মেঘনাদবধ-কাব্যে মধুসূদন প্রত্যক্ষভাবে ও পরোক্ষভাবে ঘোষণা করেছেন।

“দেশবৈরী নাশে যে সমরে,
 শুভক্ষণে জন্ম তার ; ধন্য বলে মানি
 হেন বীরপ্রসূনের প্রস্থ ভাগ্যবতী”—

অথবা
 —বীরমাতা তুমি,
 বীরকর্মে হত পুত্র-হেতু কি উচিত

ক্রন্দন ;—প্রভৃতি উক্তির কথা ছেড়েই দেওয়া যাক—

ইন্দ্রজিৎ চরিত্র পরিকল্পনার বাহ্য প্রেরণা, হেকটরের মতো একটি বীরের পতন দেখে দেবপ্রতিকূল পৌরুষের পরাজয় দেখানো হলেও, আভ্যন্তরিক প্রেরণা, কিন্তু, পৌরুষেরই তপা দেশপ্রীতিরই মহিমা প্রতিষ্ঠা করা ॥ ইন্দ্রজিৎ ধাত্রীর মুখে সংবাদ শুনে যে ভাষায় নিজেকে ধিক্কার দিয়েছিল তা' লক্ষণীয়—

—হা ধিক্‌মোরে ! বৈরিদল বেড়ে
 স্বর্ণলঙ্কা, হেথা আমি বামাদল মাঝে ?
 এই কি সাজে আমারে, দশাননঅঙ্গ—
 আমি ইন্দ্রজিৎ ।

‘ঘুচাব এ অপবাদ বধি রিপুকূলে ।’

এই ধিক্কার মাতৃভূমির বৈরিদলের বিরুদ্ধে সংগ্রাম করবার জন্ত যুবশক্তিকে উদ্দীপিত করে না কি ? বিভীষণের উক্তির প্রত্যুত্তরে ইন্দ্রজিৎের স্মরণীয় উক্তিও স্বদেশপ্রেমিক, স্বজাতিপ্রেমিক ইন্দ্রজিৎের প্রদীপ্ত তেজস্বিতাই বিকিরিত হয়েছে। ইন্দ্রজিৎের অভিষেকে নবজাগ্রত জাতীয় চেতনারই অভিষেক হয়েছে এবং ইন্দ্রজিৎের মৃত্যুতে মৃত্যুঞ্জয় বীরস্বেরই মহিমা ঘোষিত হয়েছে। ইন্দ্রজিত মৃত্যুহীন প্রাণ নিয়ে এসেছিল, মরণে সেই মৃত্যুহীন প্রাণকেই সে দান করে গেছে। মহৎ আদর্শের

জন্ম যার প্রাণ উৎসর্গীকৃত, মৃত্যু শুধু তার দেহটাকেই অধিকার করে। ইন্দ্রজিতের মধ্যে মধুসূদন এমনি একটি “মৃত্যুহীন প্রাণ”কেই প্রতিষ্ঠিত করেছেন। যে ‘মৃত্যুহীন প্রাণ’ের গুণেই রোমাণ্টিক ট্রাজেডিতে নায়ক—“turn death*itself into a triumph”, সেই গুণেই ইন্দ্রজিত মৃত্যুকে জয় করেছে। কেন মধুসূদন মেঘনাদের কাহিনী নির্বাচন করেছিলেন, তা নির্দেশ করতে গিয়ে ডঃ শীতাংশু মৈত্র মহাশয় লিখেছেন—“পৌরুষের এই অহেতুক পরাজয়ে মধুসূদনের চিত্র আলোড়িত হইল, কেন না এই পরাজয়, এই বার্থতা ও মধুসূদনের ব্যক্তিজীবনের নয়, তৎকালীন সমাজজীবনের অন্তর্গুঢ় সত্য। এবং এই বার্থতার বেদনাকে রূপ দিয়াছেন বলিয়াই মধুসূদন যুগন্ধর—যুগ-সত্যটিকে কাব্যে স্বাভাবিক ধারণা করিয়াছেন। কবিচিন্তে হয়ত তাঁহার অজ্ঞাতেই এই যুগসত্য প্রতিভাত হইয়াছিল বলিয়াই তিনি মেঘনাদের কাহিনী নির্বাচন করিয়াছিলেন এবং রাবণের মাধ্যমে প্রচণ্ড পৌরুষের অহেতুক বিনাশে মর্মভেদী বিলাপ করিয়াছেন।”.....

“বাঙালী মানস-মুকুল আগুনে ভাজিল। ইহারই প্রতিকলন মেঘনাদ বধে”.....মেঘনাদ—“রেনেসাঁর ব্যর্থতার চিত্র।” (“যুগন্ধর মধুসূদন”) মেঘনাদকে রেনেসাঁর ব্যর্থতার চিত্র না বলে—যদি শক্তি উদ্ধোধনের বা রোমাণ্টিক প্রাণাবেগের প্রতীক বলে মনে করা যায়, তা’হলেই বোধ হয়, ঠিক ব্যাখ্যা করা হয়। সে যাই হোক মাইকেল মধুসূদনের মধ্যে গ্রাশানালা রোমাণ্টিসিজমের সব লক্ষণই বেশী কম পাওয়া যায়। যেমন পাওয়া যায়—“historical introspective tendency”, তেমনি পাওয়া যায়—“liberal-minded progressive tendency which developed into the new liberalism”। আমরা দেখতে পাব, পরাধীন অবস্থার চাপে—“historical introspective tendency” বিংশ শতাব্দীর পঞ্চম দশক পর্যন্ত চলে এসেছে এবং “liberal-minded progressive tendency”—মানবতাবোধের

গভীরতা বৃদ্ধির ধারা ধরে বিশ্বমানবতাবোধে—সাম্য-মৈত্রী-স্বাধীনতার গভীরতর চেতনায় পরিণত হয়েছে।

রঙ্গলাল-মধুসূদনের পরে কবি বিহারীলালের মধ্যে, রোমান্টিক প্রবৃত্তির নিম্নলিখিত লক্ষণগুলি পরিস্ফুট আকারে দেখা যায়। (ক) "Romantic subjectiveness"—আত্মোপলব্ধিকে প্রকাশ করার ব্যাকুলতা—আত্মভাববিভোরতা। (খ) কল্পনাপ্রায়ণতা—কল্পনার পাখা মেলে, রূপ-রস-গন্ধ-শব্দ-স্পর্শের রাজ্যে অবাধ মানসপরিভ্রম। (গ) অপরূপ পরম সত্তার লীলা-রহস্য উপলব্ধি করার জগৎ ব্যাকুলতা—ইহবিমুখতা বা অধ্যাত্ম-কেন্দ্রিকতা এবং নির্বাণ অভ্যর্থনা।

বঙ্কিমচন্দ্রের মধ্যে, রোমান্টিক প্রবৃত্তি রোমান্টিক-রচনার খাত ধরে এগিয়ে, অতীত ইতিহাস আশ্রয় করে, জাতীয় চেতনায় উদ্বোধনে প্রবণায়িত হয়েছে। হেমচন্দ্রের এবং নবীনচন্দ্রের মধ্যে প্রধানতঃ জাতির আত্মসংবিদ ফিরিয়ে আনার চেষ্টায় স্বাধীন মহাভারতের প্রতিষ্ঠার ধ্যানে ও সঙ্কল্পে রোমান্টিক আবেগ প্রকাশিত হয়েছে। হেমচন্দ্রের 'বৃহৎসংহার' মহাকাব্যে, দেব-দানবের সংগ্রামের কাহিনীর রূপকে ঈশ্বরজ-অধিকৃত ভারতের মুক্তিসংগ্রামের কামনাকেই রূপ দেওয়া হয়েছে। নবীনচন্দ্রের পলাশীর যুদ্ধ, কুরুক্ষেত্রের রবতক-প্রভাস রচনার মধ্যে স্বাধীনতালাভের, জাতিধর্ম নিবিণে 'মহাভারত' প্রতিষ্ঠার আবেগই ঐকান্তিকভাবে ব্যক্ত হয়েছে।

হেমচন্দ্রের স্বদেশপ্ৰীতির আবেগোচ্ছ্বাস যেমন লক্ষণীয়, নবীনচন্দ্রে তেমন লক্ষণীয় স্বদেশপ্ৰীতির ঐকান্তিকতার সঙ্গে দার্শনিক চিন্তার গভীরতা, স্বদেশ প্ৰীতির সঙ্গে বিশ্বপ্ৰীতির বা বিশ্বমানবতার সমন্বয় সাধনের চেষ্টা। নাট্যকার গিরিশচন্দ্রের মধ্যে নবজাগরণের সাড়া পাওয়া যায়—প্রথমতঃ পৌরাণিক কাহিনীর সাহায্যে জাতিকে প্রকৃত ধর্মভূমিতে প্রতিষ্ঠিত করার চেষ্টায়, দ্বিতীয়তঃ সামাজিক কুসংস্কার বা অন্যায়ের দূর করার চেষ্টায়, তৃতীয়তঃ ঐতিহাসিক রোমান্টিক নাটকের সাহায্যে জাতির স্বাধীনতা কামনাকে উদ্দীপিত করার মধ্যে।

জাতিকে আধ্যাত্মিক ঐতিহ্যের সঙ্গে পরিচিত করে জাত্যাভিমান জাগ্রত করতে চেষ্টা করা, সমাজের কুসংস্কার দূর করে জাতিকে ভিতরে বাইরে সবল করার চেষ্টা করা এবং স্বাধীনতা রক্ষা করতে গিয়ে যে সব বীর সম্মুখ যুদ্ধে প্রাণ দিয়েছেন, তাঁদের কীতিকাহিনী জাতির চোখের সামনে তুলে ধরা—অবশ্যই নতুন ও মুক্তজীবনের কামনাকেই সূচিত করে। এখানেই গিরিশচন্দ্রের রোমাঞ্চিকতা।

রবীন্দ্রনাথের মধ্যে এসে রোমাঞ্চিক আবেগ নানা মুখে প্রবাহিত হয়েছে। বিহারালালের আধ্যাত্মিক আকৃতি ও কল্পনা কুশলতা রবীন্দ্রনাথের মধ্যে এসে আরো গভীর ও ব্যাপক হয়েছে—ভূমার অপরূপ-অনিবচনীয় স্বরূপে অবস্থান করার আবেগ আরো ঐকান্তিক হয়েছে, রূপে রূপে অপরূপকে সাক্ষাৎকার করার আকুলতা বেড়েছে—অথও জীবনের কামনা, বাবাবন্ধহীন মুক্তির পিপাসা তীব্রতর হয়েছে, সমগ্র জগতকে—বিশ্ব-প্রকৃতি, জীব-প্রকৃতি, মানব-প্রকৃতিকে—এক অথও সচ্চিদানন্দ সত্তার লীলাবিলাসের পরিপ্রেক্ষিতে দেখার তথা ব্রহ্মবিহারের ব্যাকুলতা বৃদ্ধ পেয়েছে। একদিকে এই ব্রহ্মবিহার—জগতের সমস্ত ক্ষয়-খতির উদ্দেশ্যে, “অনন্তের আনন্দ”কে স্থাপনা করে জাগতিক বন্ধ সংক্ষেপিত থেকে দূরে সরে যাওয়ার বা থাকার চেষ্টা—আধ্যাত্মিক প্রক্রিয়ায় সাস্থ্য লাভের প্রয়াস রয়েছে, অতীদিকে, জগতের অস্তিত্ব স্বীকার করার ফলে এবং নতুন যুগের চিন্তার ও চাহিদার চাপে—এক কথায় জীবনের দায়েই, সমাজ সমস্তার, জীবন-সমস্তার সমাধানে এগিয়ে আসতে হয়েছে, সামাজিক মূর্তির গুরুত্ব স্বীকার করতে হয়েছে—ব্যক্তি-মূর্তির সম্ভাবনাকে সামাজিক মূর্তির অবকাশেই ধারণা করতে হয়েছে। সব কিছূই ব্রহ্মতত্ত্বের অধীন, হুতরাং ব্রহ্মবিজ্ঞানেই জীবনের চরম সার্থকতা—এ কথা বললে আপাততঃ এ কথা মনে হতে পারে যে এই ধারণা ‘পলায়নী মনোবৃত্তি-কে’ই প্রত্যয় দেয়। কিন্তু রবীন্দ্রনাথের ব্রহ্মের ধারণার সঙ্গে বিশ্বপ্রকৃতি, জীবপ্রকৃতি এবং সমাজপ্রকৃতি অবিচ্ছেদ্যভাবে যুক্ত ব’লে, রবীন্দ্রদর্শনে

'পলায়নী মনোবৃত্তি' সৃষ্টির কোন অবকাশ নেই। তাঁর মুক্তি পরিকল্পনায় সমাজ সংসার উপেক্ষা করে মুক্তি পাওয়া সম্ভব নয় বলে, ব্রহ্মের সঙ্গে সমাজ-সংসারও সমান গুরুত্ব নিয়ে বিরাজ করছে।

তা'ই বলে, অবশ্য একথা বললে ভুল হবে যে, বস্তুবাদীর কাছে সমাজ-সংসারের যে পরিচয় বা ব্যাখ্যা পাওয়া যায় রবীন্দ্রনাথের কাছেও তা' পাওয়া যাবে। মানুষের সমস্যা—সমাজের সমস্যা—বস্তুবাদীরা যে দৃষ্টিকোণ থেকে দেখেন, এবং যতখানি অতিপ্রাকৃত-নিরপেক্ষ করে দেখেন, সেই দৃষ্টিকোণ বা ততখানি অতিপ্রাকৃত নিরপেক্ষতা রবীন্দ্রনাথে পাওয়া যাবে না। বস্তুবাদীরা যেখানে মানুষের আচরণে শুধু জৈবিক, মনোজৈবিক ও সামাজিক প্রবৃত্তির প্রেরণা স্বীকার করে ক্ষান্ত থাকবেন, রবীন্দ্রনাথ সেখানে সামাজিক ও জৈবিক প্রবৃত্তির প্রেরণা ছাড়াও আধ্যাত্মিক প্রেরণা স্বীকার বরবেন। খাঁটি রিয়েলিটির দৃষ্টির সঙ্গে রবীন্দ্রনাথের দৃষ্টির মৌলিক পার্থক্য এখানেই এবং এই কারণেই রবীন্দ্রনাথ মূলতঃ "রোমান্টিক"। অর্থাৎ রবীন্দ্রনাথ ব্যক্তির সমস্যা—অথবা সমাজ-সমস্যা—সমাজসাপেক্ষ করে না দেখে আধ্যাত্মিক-প্রকৃতি-সাপেক্ষ করে, সচ্চিদানন্দ স্বরূপ পরমাত্মার প্রেরণার বা মুক্তিনীলার পরিপ্রেক্ষিতে দেখতে চান। এই সংসারের প্রাণী যার মধ্যে থাকে, তাঁর "ইগো"তে, লুকাসের চিন্তা অনুসরণ করে বলা চলে—k-ality-principle অপেক্ষা "id"-এর প্রভাব বেশী হবেই, বস্তুকে স্বরূপ না দেখে ভাবানুরঞ্জিত করে প্রকাশ করতে তিনি প্রবণায়িত হবেনই।

এই ধরনের ভাবপ্রসক্তির স্বাভাবিক পরিণাম—subjectiveness-এর প্রাধান্য—রূপের বাস্তবিকতা অপেক্ষা ভাবের সংকেতনার দিকে ঝোঁক—বাস্তবানুগামিতার পরিবর্তে কল্পনানুগামিতা এবং সমাজসত্তার চেয়ে ব্যক্তিসত্তার প্রাধান্যকে বড় করে দেখা বা দেখানো। এ কথা সত্য যে রবীন্দ্রনাথের মধ্যে জাতীয়তা-মানবতা-বিশ্বমানবতার আবেগ শূন্যপারায় উচ্ছ্বসিত হয়েছে। এ কথাও সত্য যে রবীন্দ্রনাথ ব্যক্তির ও সমষ্টির মুক্তির মধ্যেই আদর্শ সমাজের

প্রাণকে ছাড়ি কল্পনা করেছেন, এক কথায় রবীন্দ্রনাথ সার্বজনীন মুক্তির আদর্শকেই জোরের সঙ্গে প্রকাশ করেছেন, কিন্তু এ কথাও মিথ্যা নয় যে রবীন্দ্রনাথের মানসে এবং দৃষ্টিতে স্বভাবগত ভাবালুতা থাকায়, তাঁর সৃষ্টিতে—শিল্পের ভাবে ও রূপে রোমান্টিকতার মায়া জড়িয়ে আছে। জীবন সমস্তার উপস্থাপনায় ও সমাধানে বাস্তব পরিকল্পনা না করে তিনি রোমান্টিক-স্তলভ কল্পনা করেছেন। শুধু যে কবিতা ও কাব্য রচনাতেই ‘সাবজেক্টিভিটি’র মাত্রা বেশী হয়েছে তা নয়, গল্প-উপন্যাস নাটক প্রভৃতির মত শিল্পের ক্ষেত্রেও, যেখানে শিল্পীকে অধিক মাত্রায় বিষয়নিষ্ঠ থাকতে হয়, সেখানেও আত্মাহুতরঞ্জনের মাত্রা—ভাবাদর্শের প্রভাব—লক্ষণীয় হয়ে উঠেছে। রবীন্দ্রনাথের মনের কেন্দ্রবিন্দুটি যে পরাদর্শনে গঠিত, তারই প্রভাবে বা আকর্ষণে রবীন্দ্রনাথের মধ্যে নিবিড় বাস্তবিকতার সংস্কার গড়ে উঠতে পারেনি। এবং তা’ পারেনি বলেই রবীন্দ্রনাথের মধ্যে যাকে বলে “clean break with Romanticism” তা’ কোনকালেই সম্ভব হয়নি। বিংশশতাব্দীর চতুর্থ দশকের শেষ পর্যন্ত এসেও, তাঁর প্রকৃতি বদলায়নি।

*নাট্যকার . দ্বিজেন্দ্রলাল রায় এবং তাঁর সমসাময়িক অন্যান্য নাট্যকাররাও, “গ্ৰাণনাল রোমান্টিসিজম”র ভরা জোয়ারের সময়েই বাংলা সাহিত্যক্ষেত্রে প্রবেশ করেন। জাতির চোখে তখন হুতরাঙ্গ পুনরুদ্ধারের স্বপ্নধোর। অন্তরে বাইরে জাতি মুক্তি চাইছে ঐকান্তিক আবেগে। আত্ম-শক্তিকে ও প্রাণশক্তিকে উদ্বোধিত করবার জন্ত জাতি তখন দিশেহারার মত পথ খুঁজছে। একদিকে প্রাচীন ভারতের উদার আধ্যাত্মিকতার এবং প্রতীচোর কাছ থেকে নতুন-করে পাওয়া মানবতার ও বিশ্বমানবতার প্রেরণা, অন্যদিকে জাতি হিসাবে আত্মপ্রতিষ্ঠা করার জন্ত প্রাণশক্তির এবং জাতীয়তাবাদের উত্তেজনা! একদিকে জাতীয়তার কেন্দ্রাঙ্গ শক্তির আকর্ষণ, অন্যদিকে বিশ্বমানবতার বা বিশ্বপ্রেমের কেন্দ্রাঙ্গ শক্তির আকর্ষণ—এই দুই শক্তির ক্রিয়া-প্রতিক্রিয়ার জাতির চিত্ত আন্দোলিত। জাতি হিসাবে মাথা উচু

করে দাঁড়াতে হ'লে জাতিকে অবশ্যই কুসংস্কার মুক্ত হতে হবে, সমাজে উদার বিধিবিধান চালু করতে হবে—জাতিকে দেহে-মনে স্বাধীনতালভের উপযুক্ত হয়ে উঠতে হবে—এক কথায় আবার “মাহুশ” হতে হবে। এই কারণে জাতির লুপ্ত “মহুশত্ব”কে উদ্ধার করার জন্ত—সর্বসংকীর্ণতামুক্ত মানবতার উদ্বোধনের জন্ত মুক্তিকামীরা তখন চেষ্টিত। নাট্যকারেরাও রসরূপ সৃষ্টির পথে জাতির এই মুক্তি প্রচেষ্টায় অংশ গ্রহণ করেছেন। হাশুরসের, করুণরসের, বীররসের, যে রসের হাঁচি তিনি গ্রহণ করুন, সকলেরই মধ্যে কিন্তু বেশী কম জাতীয় জীবনের সমালোচনার উদ্দেশ্যটি এবং সমালোচনার দ্বারা সমাজের দুর্বলতা দূর করার ইচ্ছা ও জাতির আত্মসংবিদ জাগিয়ে তোলার চেষ্টা ব্যক্ত হয়েছে। নাট্যকার দ্বিজেন্দ্রলালের নাট্য রচনা বিশ্লেষণ করলেও দেখা যায় নাট্যকার জ্ঞাতসারে বা অজ্ঞাতসারে যুগের দাবী মেটাতেই তাঁর প্রকাশ শক্তিকে প্রয়োগ করেছেন। কোথাও জাতির বা ব্যক্তির দুর্বলতার উপর ৷্যঙ্গের রশ্মি নিক্ষেপ করেছেন সংশোধনের অভিপ্রায়ে, কোথাও বা জাতির অতীত মহিমাকে উজ্জ্বল আলোকে উদ্ভাসিত করতে চেষ্টা করেছেন, জাতির মনে-প্রাণে আলো ও তাপ সঞ্চার করবার উদ্দেশ্যে। জাতীয়তাবাদী রোমাণ্টিকতার মধ্যে যে ‘সহজ ইতিহাস-শ্রবণ-প্রবণতা’ (Historical retrospective tendency) থাকে, দ্বিজেন্দ্রলাল রায়ের রচনাতেও সেই প্রবণতা পুরোমাত্রায় পাওয়া যায়। তাঁর ঐতিহাসিক নাটকগুলি তার উজ্জ্বল দৃষ্টান্ত। তারাবাই, প্রতাপসিংহ, দুর্গাদাস, নূরজাহান, মেবারপতন, সাজাহান, চন্দ্রগুপ্ত, সিংহল বিজয় প্রভৃতি নাটক রচনার মূলে আর যে প্রেরণাই থাক, এইগুলি মূলতঃ জাতীয়তাবাদী রোমাণ্টিক আবেগের প্রেরণাতেই রচিত। জাতীয়তাবোধজনিত উদ্দীপনার তাগিদেই নাট্যকারের মন সেই অতীত যুগে ফিরে গেছে এবং নির্বাচন করেছে সেই জীবন বেষণানে আছে আত্মপ্রতিষ্ঠার উদগ্র কামনা, প্রাণ রক্ষার চেয়ে মান রক্ষার আবেগ ঐকান্তিকতর এবং ব্যক্তিস্বার্থের উদ্দেশ্যে সমাজ স্বার্থের স্বীকৃতি। জাগ্রত চেতনা জাগ্রতকেই খুঁজে নিয়েছে, উদ্দীপিত

প্রাণ উদ্দীপ্তকেই আশ্রয় করতে চেষ্টা করেছে এবং দূরাভিষারী দূরাভিষাজীকেই নিজের মুখপাত্র করতে উৎসুক হয়েছে। কথায় বলে ‘যার যেমন মন তেমনি ধন’। প্রত্যেক নির্বাচনের মূলেই “আস্তরঃ কোহপি হেতুঃ” থাকে ; এক্ষেত্রেও আছে এবং সেই আস্তর হেতু কি তা’ আগেই বলেছি। এই আস্তর হেতুর প্রকৃতিটি বিশ্লেষণ করলে দেখা যাবে, তার ভিত্তিতে রয়েছে জাতীয়চেতনায় উদ্দীপনা সৃষ্টি করার প্রেরণা—জাতির শৌৰ্যবোধকে উদ্বোধিত ক’রে স্বাধীনতার কল্ল মরণপণ সংগ্রামে জাতিকে প্রস্তুত করে তোলার আবেগ। বলা বাহুল্য, এই আবেগটির মূলে স্বভাবতই ‘অয়ং নিজঃ পরো বোত’ গণনা আছে। জাতীয়তা-চেতনার স্বভাবেই এই আত্মপরায়ণতার সংকীর্ণতাটুকু আছে, কারণ ভিন্ন জাতির সঙ্গে প্রতিযোগিতা করে আত্মরক্ষা বা আত্মপ্রতিষ্ঠা করার প্রেরণা যে দেয়, “যোগ্যতমের উদ্বর্তন”-নীতি মেনে থাকে চলতে হয়, তার স্বভাবে স্বার্থপরায়ণতা এবং আনুষঙ্গিক মনোভাব অর্থাৎ ঈর্ষা, আক্রোশ, হিংসা প্রভৃতি একটু মিশে থাকবেই। ‘প্রবৃত্তিরেষো ভূতানাম্’। জাতীয়তা জাতির প্রবৃত্তি এবং প্রবৃত্তির মতোই সে স্বার্থপরায়ণ। তার প্ররোচনা শত্রুকে দেশ থেকে বিতাড়িত করা, ‘অপর জাতিকে কোণ-ঠাসা করা, স্বাধীনতাকে হুমকিত রাখতে জাত্যাভিমানকে সকলের উপরে সম্মানের আসন দেওয়া—বিজিগীষাকে ও শৌৰ্যকে প্রাশ্রয় দেওয়া এবং পারস্পরিক প্রতিযোগিতায় সকলের উপরে জাতিকে প্রতিষ্ঠিত করা। এই দিক থেকে দেখলে জাতীয়তাবোধের সঙ্গে বিশ্বশ্রেমিকতার বেশ একটু বিরোধ আছে। বিশ্বমানবতার প্রেরণা এর ঠিক বিপরীত। বিশ্বমানবতা প্ররোচনা দেয়—জাতির গত্তী ভেঙ্গে দিয়ে সমগ্র বিশ্ববাসীকে আপন ক’রে নিতে—জাত্যাভিমানের উপরে মহুশ্যত্বের অভিমানকে স্থাপনা করতে, বিজিগীষাকে দমন করতে, প্রতিযোগিতা বন্ধ করে, সকলের সঙ্গে সহযোগিতা করতে—এবং সাম্য-মৈত্রী-স্বাধীনতার ভিত্তির উপরে আনন্দোজ্জল মুক্ত মানবসমাজ প্রতিষ্ঠা করতে।

নাট্যকার দ্বিজেন্দ্রলালের মধ্যে জাতীয়তাবোধের সঙ্গে বিশ্বমানবতাবোধের

হৃন্দর একটি সমন্বয় ঘটেছে। এ কথা সত্য যে জাতীয়তাবোধের প্রেরণায় তিনি স্বজাতির স্বাধীনতা ও সার্বভৌম প্রতিষ্ঠা উচ্চকণ্ঠে দাবী করেছেন এবং সে দাবীর স্বরে মাঝে মাঝে অল্প জাতির প্রতি প্রচলিত অবজ্ঞার আমেজও ফুটে উঠেছে, কিন্তু এই সংকীর্ণতার আমেজটুকু কোন ক্ষেত্রেই বিশ্বমানবত্বের মহনীয় ধ্বনিকে আচ্ছন্ন করতে পারেনি। বিশেষ বিশেষ চরিত্রের মাধ্যমে, নাট্যকার বিশ্বমানবতার ধ্রুব আদর্শকে এত প্রোজ্জ্বল রূপে ব্যক্ত করেছেন যে, তাঁর হাতে জাতীয়তাবাদ কখনই সংকীর্ণ জাতিবিশেষে পর্ষবসিত হয়ে যায়নি। মহত্তর ভাবাদর্শের আকর্ষণের ফলে, পাঠকের বা দর্শকের চিত্ত কখনই সম্প্রদারণশীলতা বা বিদ্বেষ ফেলে না—জাতি-বিদ্বেষে সংকুচিত হয়ে যায় না। তবে, ভাবাদর্শের এই প্রাধান্যের ফলে নাটকের সর্বদা লক্ষণীয়রূপে রোমান্টিকতা সঞ্চারিত হয়েছে—চরিত্রগুলি যত না জীবনধর্মকে অনুসরণ করেছে তার চেয়ে বেশী অনুসরণ করেছে ভাবের আদর্শকে। যদিও সাহিত্যে ভাবই রূপ হয়ে ব্যক্ত হয় অর্থাৎ চরিত্রমাত্রই ব্যক্তিকে তথা বিশেষ বিশেষ ভাবকে ব্যক্ত করে, তবু এ কথাও মনে রাখতে হবে যে ভাব যেখানে আবেশে পরিণত হয়, চরিত্র যেখানে “reality principle”-এর সীমা লঙ্ঘন করে যায়, সেখানে ভাবটিরেক-দোষ তাকে স্পর্শ করে এবং বাস্তব পরিবেশ থেকে ব্যক্তি বিচ্ছিন্ন হ’য়ে পড়ে, অর্থাৎ নিজের বশে না থেকে—পরিহিতির সঙ্গে স্বাভাবিক ক্রিয়া প্রতিক্রিয়ার যোগে যুক্ত না থেকে, চরিত্র অস্তায় ভাবাবেশের তাগিদে আচরণ করে—চরিত্র “রোমান্টিক” হ’য়ে উঠে। ভাবাবেশের আতিশয্য থেকেই অবাস্তব পরিহিতির ও চরিত্রের পরিকল্পনা জন্ম গ্রহণ করে থাকে। এই আবেশ সঞ্চারিত হয়েই সৃষ্টির প্রকৃতিকে রোমান্টিক ক’রে তোলে।

বিজেঞ্জলালের নাট্যরচনা শুধু আকৃতিতেই নয়, প্রকৃতিতেও রোমান্টিক। এই প্রসঙ্গেই আকৃতিগত রোমান্টিকতা সর্বত্র সংক্ষেপে হ’ একটা কথা বলে নেওয়া দরকার। প্রকৃতিগত রোমান্টিকতার স্বরূপকে যেমন “রিয়েলিজম”-এর বিপরীত কোটিতে স্থাপনা করে দেখানোর চেষ্টা

হয়েছে—আকৃতিগত রোমাণ্টিকতাকেও তেমনি ক্লাসিসিজমের বিপরীতধর্মী বলা হয়েছে।

আগেই উল্লেখ করা হয়েছে—ক্লাসিকাল রীতি বলতে বুঝায় সেই ‘রীতিই ধা’ “ঐক্য”-বিধির প্রাচীন সূত্র মেনে চলে অর্থাৎ স্থান-ঐক্য, কাল-ঐক্য এবং ঘটনা-ঐক্য মেনে যেভাবে গ্রীসে নাটক রচনা করা হ’য়েছিল, সেইভাবে ঐক্য-বিধি মেনে চলতে চেষ্টা করে। প্রথমতঃ এই রীতিতে লেখা নাটকের বৃত্তে কোন উপধারা বা প্রাসঙ্গিক বৃত্ত (sub-plot) থাকে না।—কয়েকটি অপরিহার্য চরিত্রের সাহায্যে একটিমাত্র এবং একদিন-নিবর্তা কাৰ্যকে (action) নাট্যকার অনন্তমনা হ’য়ে উপস্থাপিত করেন। দ্বিতীয়তঃ ঘটনাগুলি একটিমাত্র স্থানে ঘটানোর দিকে এর বোঁক ঐকান্তিক। তৃতীয়তঃ বার ঘটনার বা চরিত্র ঘটনার ব্যাপ্তির মধ্যে সব ঘটনাকে ঠেসেঠুসে ধরানো—এর অগ্রতম বিলক্ষণ বৈশিষ্ট্য। এই নিয়মের প্রতি নিষ্ঠা যে রচনায় পাওয়া যায়, তাকে বল হয় “ক্লাসিকাল”-ধর্মী। সপ্তদশ শতাব্দীর ফরাসী নাট্যকারদের মধ্যে—কর্ণেই-রাসিনের নাটকে এই বৈশিষ্ট্য বা ধর্ম পাওয়া যায় ব’লে তাদের “ক্লাসিকাল” ব’লেই গণ্য করা হয়ে থাকে। এবং এলিজাবেথের যুগের ইংলণ্ডের নাট্যকারদের—মার্লে, শেক্সপীয়র প্রভৃতির নাটকে একাধিক উপবৃত্ত সমন্বিত বৃত্ত অর্থাৎ বৃত্তের আকৃতিগত রোমাণ্টিকতা থাকায় তাদের বলা হয়—রোমাণ্টিক। ঐ ধরনের রচনারীতি পাশ্চাত্য বা ক্রটিসম্মত হয়ে যাওয়ায়, আকৃতিগত রোমাণ্টিকতা আজ আর কোন নিন্দার কথা নয়। আজ আমরা বহু দেশ-কাল-পাত্র-পাত্রী সমন্বিত নাটক (orchestration of life) দেখতে এত অভ্যস্ত যে ক্লাসিকাল-ধর্মী কোন নাটক দেখে আমাদের মন ভরতে চায় না। রোমাণ্টিক রীতিই আজ সাধারণ বা সর্বজনগ্রাহ্য রীতি এবং যেখানে সবই রোমাণ্টিক সেখানে, বলা চলে, রোমাণ্টিক ব’লে কিছু নেই। ক্লাসিকাল গঠনের নাটক থেকে নতুন নাটককে রোমাণ্টিক ব’লে পৃথক করবার প্রয়োজন আজ আর

তখন অপরিহার্য নয় এবং নয় ব'লেই-নাটক-বিচারে আকৃতিগত অর্থাৎ গঠনগত রোমান্টিকতার উল্লেখ আজ নিশ্চয়োজন। উল্লেখের প্রয়োজন হবে সেইদিন যেদিন আবার ক্লাসিকাল-ধর্মী নাটক লেখার রীতি নতুন ক'রে দেখা দেবে। পরে যাই হোক এখানে রোমান্টিক গঠন সম্পর্কে বিশেষ করে যা জানবার আছে তা বলা হ'ল। দ্বিজেন্দ্রলালের নাটকগুলির—বিশেষ ক'রে পৌরাণিক ও ঐতিহাসিক নাটকগুলির গঠন যে রোমান্টিক এবং কোন কোন ক্ষেত্রে অতিরোমান্টিক এ বিষয়ে বেশী ব্যাখ্যা করে কিছু বলার প্রয়োজন নেই। সকলেই জানেন, আধিকারিক বৃত্তের সঙ্গে একাধিক প্রাসঙ্গিক বৃত্ত সংযুক্ত হওয়ার ফলে দ্বিজেন্দ্রলালের নাটক “many actions of many men”-এর জটিল ও বিরাট সমারোহপূর্ণ উপস্থাপনায় পরিণত হয়েছে। শুধু যে প্রধান কাহিনীর কাণ্ডেই ক্রমপরিণতি দেখানো হয়েছে তা নয়, অপ্রধান কাহিনীর কাণ্ডেও ক্রমপরিণতির ভিত্তি দিয়ে উপসংহারে পৌঁছে দেওয়ার চেষ্টা করা হয়েছে। এ কথা স্বীকার্য্য বটে—বহুর-সংযোগে একের যেন জটিল অস্তিত্ব, তাকে দৃশ্য করতে হ'লে, বহু দেশকালের ও পাত্রপাত্রীর সংযোগ অপেক্ষিত কিন্তু এ কথাও সঙ্গে সঙ্গে স্বীকার্য্য যে নাটকে “বহু”কে উপস্থাপিত করার বিশেষ উপায় এবং যাত্রা আছে। কাকে দৃশ্য করতে হবে, ক' ক' অদৃশ্য রাখতে হবে—সে সম্বন্ধে নাট্যকারের প্রতি সতর্ক দৃষ্টি রাখা দরকার। কারণ ঘটনার বা পরিস্থিতির ভেতর থেকে, সমর্থকে নির্বাচন করে নেওয়ার এবং অসমর্থকে পরিহার করার শক্তি যার নাই, তাঁর হাতে নাটক অনেকক্ষেত্রে দৃশ্যকারে উপভ্রাস হয়ে দাঁড়ায়। অর্থাৎ প্রত্যেকটি ঘটনাকে দৃশ্য করে তোলায় নাটকীয় সংহতির ও একাগ্রতার স্থূল উপভ্রাসের বিস্তারধর্মিতার প্রকাশ পায়। আপাততঃ মনে হতে পারে নাটকের মূল উদ্দেশ্য জীবনের রূপকে দৃশ্যকারে ব্যক্ত করা এবং সেই হিসাবে সব কিছুকে দৃশ্য করতে পারলেই তো নাটকের মূল উদ্দেশ্যকে সিদ্ধ করা হয়, কিন্তু তা যে হয় না এবং হয় না নাটকের ঐ দৃশ্যধর্মিতার জন্তই এই কথাটা তুলে গেলে চলবে না। অভিনয়কালের

পরিমাণ এবং দর্শকের গ্রহণশক্তির পরিধি বা ফোকাস দ্বারা নাটকের আয়তন বা গঠন সীমাবদ্ধ বলে, নাট্যকারকে সংহত ভাবে বৃত্ত রচনা করতে হয়—রসকেন্দ্র থেকে সরে আছে যে ঘটনা, সে ঘটনাকে বাদ দিতে হয় বা অল্প কৌশল প্রয়োগ করে বৃত্তের অন্তর্ভুক্ত করতে হয়। অবশ্য, দর্শকের গ্রহণশক্তি তথা সহিষ্ণুতা অভিনয়কালের পরিমাণ বা প্রথা দ্বারা অনেকটা নিয়ন্ত্রিত স্বতরাং বিস্তারধর্মিতা থাকলেই যে নাটক নিম্ননীয় হবে এমন কোন কথা হ'তে পারে না। সে যাই হোক, দ্বিজেন্দ্রলালের এবং তদানীন্তন নাট্যকারদের নাটকের গঠনে বিস্তারধর্মিতা একটু বেশী পরিমাণেই পাওয়া যায় এবং পাওয়া যায় এই কারণেই যে তখন অভিনয় চলত চার পাঁচ ঘণ্টা ধরে। এই দীর্ঘ সময়ের চাহিদা পূরণ করতে গিয়েই তখনকার নাট্যকাররা আবশ্যককে সর্বতোভাবে পরিহার করবার জন্তু তেমন কোন তাগিদ বা চাপ বোধ করেননি। তিন বা আড়াই ঘণ্টার বাঁধা-সময়ের চাপ থাকলে অবশ্যই তাঁরা বৃত্তকে সম্প্রসারিত না ক'রে সংহত করতেন—কিন্তু কিছু কাটছাঁট দিয়ে যাদের না-দিলে নয় শুধু তাদেরই উপস্থাপনা করতেন।—এত বেশী ক'রে “Orchestration of life” দেখাবার অথবা “art of gradual development” অবলম্বন করার সুযোগ পেতেন না। অস্বয়-ব্যাতিরেক সংক্ষেপে সংক্ষেপ অর্থাৎ এক থাকলে অল্প থাকবেই—এমন বিচিত্র ঘটনা ও চরিত্রের সমাবেশ দেখাতে গেলে, মূল কাহিনীর অগ্রগতি অপেক্ষাকৃত বিলম্বিত লয়ে ঘটবেই। শেকসপীয়রের নাটকের আদর্শে আমাদের নাটকের গঠন পরিকল্পিত ব'লে, এবং দেশীয় নাটকের—বিশেষ করে সংস্কৃত নাটকের মেজাজের সঙ্গে ঐ আদর্শের কোন বিরোধ ঘটেনি বলে, গোড়া থেকেই আমাদের নাটকে—বিশেষ করে ঐতিহাসিক নাটকে concentration-এর পরিবর্তে orchestration-এর খোঁক দেখা দিয়েছে। এই খোঁক কোন কোন ক্ষেত্রে মাত্রা ছাড়িয়ে গেছে এবং যেখানে বিশেষ কোন রস সূনিপ্পন্ন হয়নি অর্থাৎ বিচিত্র ঘটনা ও ভাবের উপস্থাপনার ফলে বিশেষ একটি

“ভাব” একাগ্র এবং সুস্পষ্ট ভাবে ফুটে উঠতে পারেনি, সেখানে নাটকের চেয়ে উপন্যাসের বা রোমান্সের ধর্মই বেশী ক’রে ব্যক্ত হয়েছে। তবে, এই প্রশ্নেই একটা কথা বলা দরকার এবং সে কথাটা এই যে, ক্লাসিকাল-ধর্মী নাটকের সংহত রূপের আবেদন একাগ্র ও তীব্রতর বটে, কিন্তু রোমান্টিক-ধর্মী বৃত্তের মধ্যে, বহু সম্পর্ক যুক্ত জীবনের জটিলতাকে যে পরিমাণে স্থান করে দেওয়া যায় তথা ব্যক্ত করা যায় ক্লাসিকাল-ধর্মী নাটকের বৃত্তে তা করা যায় না। ‘আধুনিক রুচি’ জীবনসম্পর্কের বিচিত্র ও জটিল রূপের উপস্থাপনা আশ্বাদন করতে অভ্যস্ত হয়ে গেছে। বিচিত্রের সমবায়ে যে সেই ‘এক্য’ই আজ সে জান্না করে, অতএব বিস্তৃত পটভূমিকায় জীবন সংগ্রামের রূপ উপস্থাপনা করবার চেষ্টা যেখানে আছে, তাকে অনাটক ব’লে উপেক্ষা করার কোন সম্ভব কারণ নেই! বাংলা নাটকের বিস্তারধর্মিতা দেখে যারা নাটকী কৃষ্ণন করেন, তাঁদের প্রথমেই ভেবে দেখতে অনুরোধ করছি—নাটকের ‘আদর্শ রূপ’ বলে কোন কিছু স্থানিধারিত ছাঁচ আছে কি না। ক্লাসিকাল ও রোমান্টিক রীতির মধ্যে কোনটিকে আমরা খাঁটি রূপ ব’লে মেনে নেব এবং রোমান্টিক ধর্মী গঠনকে স্বীকার করে নিলে, বিস্তাররোধকল্পে তিন-ঘণ্টা-নিম্নাঙ্ক অভিনয়ের সর্ব ছাড়া আর কোন সর্ব আরোপ করা উচিত কি না এই সব প্রশ্নের দিকে সতর্ক দৃষ্টি রাখলে এবং বিভিন্ন দেশের ও বিভিন্ন যুগের নাট্য রচনার রূপকল্প সম্বন্ধে সচেতন থাকলে উন্নাসিকতার মাত্রা অবশ্যই কমে যাবে।

ইতিহাস ও ঐতিহাসিক নাটক ও মেবার-পতন

সাহিত্য-শিল্পের স্বতন্ত্র এলেকার চতুঃসীমা নির্দেশ করতে গিয়ে, সাহিত্য-দার্শনিকেরা, অনেক আগেই, সাহিত্যের যে সীমান্তে ইতিহাস রয়েছে সেই সীমানার দিকে বিশেষ দৃষ্টি আকর্ষণ করেছেন এবং আমাদের সাবধান করে দিয়েছেন। আকর্ষণ করার হেতু এই যে ইতিহাসের সঙ্গে কাহিনী-মূলক

কাব্যের এমন একটা আপাত সাদৃশ্য আছে যা' দেখে অনেকেই মনে করতে পারেন যে ইতিহাস ও কাব্যের মধ্যে স্থনির্দিষ্ট সীমারেখা টেনে, উভয়কে পৃথক করা চলে না। আপাত সাদৃশ্য রয়েছে এখানেই যেখানে উভয়েই জীবনের ঘটনা প্রকাশ করতে চেষ্টা করে—দর্শন-বিজ্ঞানের মতো সাধারণ সিদ্ধান্তের বা তত্ত্বের অবতারণা করে না। এই কারণে দর্শন বিজ্ঞানকে যে অর্থে 'শাস্ত্র' বলা চলে, ইতিহাসকে সেই অর্থে পুরোপুরি শাস্ত্র বলা চলে না, যদিও দর্শন-বিজ্ঞানের মতো ইতিহাসেরও মূখ্য উদ্দেশ্য—জ্ঞানপ্রচার করা। জ্ঞানপ্রচারে ঐক্য থাকলেও, যেখানে দর্শন-বিজ্ঞান যোগায় তত্ত্ব-জ্ঞান (universal) সেখানে ইতিহাস যোগায় বিশেষ ব্যক্তির ও ঘটনার বিবরণ তথা অভীতির জ্ঞান—'particular'কে। ইতিহাসের সঙ্গে কাব্যের যেটুকু সাদৃশ্য তা' এখানেই—ঐ 'বিশেষ'কে প্রকাশ করাতেই—জীবন্ত মানুষের জীবনবৃন্দে—জীবনযাপনে—স্বপ্নদুঃখময় নানাবস্থার অহুলেখনে "Concrete living"-এর রূপ প্রকাশ করাতে।

কিন্তু এই আপাতসাদৃশ্যের অন্তরালে রয়েছে—মৌলিক পার্থক্যটুকু। ইতিহাসের উদ্দেশ্য যেখানে বিশেষের বিবরণ দেওয়া—যা ঘটে গেছে তার যথাযথ বিবরণ বা জ্ঞান প্রচার করা—কাব্যের উদ্দেশ্য, সেখানে বিশেষকে অবলম্বন করে অর্থাৎ উপাদান হিসাবে ব্যবহার করে, যা ঘটেছে শুধু তাকেই নয়, যা ঘটেতে পারে অর্থাৎ বিশেষ পরিস্থিতিতে ব্যক্তির আচরণের সম্ভাব্য রূপটিকে ব্যক্ত করা—ব্যক্তির পারস্পরিক সম্পর্কের সমস্ত সম্ভাবনা দেখানোর চেষ্টা করা—জীবনের ঘটনা নিয়ে একটা বৃত্ত (complete whole) তৈরী করা—রসরূপ সৃষ্টি করা। এক কথায় জীবনকে 'Idealize' করা, বিশেষ একটি ভাবের হাঁচে ঢালাই করতে চেষ্টা করা। এই কারণেই "art is more philosophical than history."

বাস্তবিকই, জীবনকে উপাদান ক'রে শিল্প সৃষ্টি করতে গেলে, উপাদানকে রসরূপে উপাদেয় ক'রে তুলতে হবে—এ কথাটা সব সময়ই মনে রাখতে

হবে। রূপমাত্রেই শিল্প নয়, শিল্প হচ্ছে রসরূপ—যে রূপ রসনীয় হয়েছে—কে রূপের সংযোগে বিশেষ কোন স্বায়িত্বাব অভিযুক্ত হয়েছে। উপাদান পুরাণ থেকেই সংগ্রহ করা হোক, বা ইতিহাস থেকেই নির্বাচন করা হোক অথবা সমসাময়িক জীবনের অভিজ্ঞতা থেকেই গ্রহণ করা হোক। বড় কথা এবং আসল কথা—উপাদানকে উপাদেয় রসরূপ দেওয়া—উপাদানের সাহায্যে বিশেষ কোন 'ভাব'কে ব্যক্ত করা। উপাদান নিমিত্ত-মাত্র। ব্যক্তি-রূপ, সে পৌরাণিক, ঐতিহাসিক, সামাজিক যাই হোক না কেন, ভাবের অঙ্গ' না হওয়া পর্যন্ত, আর যাই হোক শিল্প-স্থল নয়। কবি-মানসের প্রবণতা অঙ্গাঙ্গ এবং সামাজিক বাসনার চাহিদা অনুসারে পৌরাণিক, ঐতিহাসিক এবং সামাজিক বিষয়ের যে কোন একটি বিষয় নির্বাচিত হ'তে পারে, কিন্তু বিষয় নির্বাচনেই তো সৃষ্টির শেষ নয়। অর্থপূর্ণ বিষয়নির্বাচন অর্থাৎ যে বিষয়বস্তুর সামাজিক চাহিদা আছে—সমাজের মূল্যবোধকে যা' পরিপোষণ করে, তা নির্বাচন করা অবশ্যই প্রশংসার কথা বটে, কিন্তু শিল্পার পক্ষে কৃতিত্বের কথা—মূল্যবান বিষয়কে চিত্তাকর্ষক রসরূপে পরিণত করা। শিল্পীর দক্ষতা নির্ভর ক'রে চিত্তাকর্ষক রসরূপ সৃষ্টি করার উপরেই। পৌরাণিক কাহিনীর অথবা ঐতিহাসিক কাহিনীর কোতূহল-মূল্য যতই ৬ ১, অর্থাৎ সামাজিকের প্রত্ন কোতূহল বা ধর্মোদ্দীপনা মেটাবার উপযোগিতা তাদের যতই থাক, যতই তারা পুরাণের বা ইতিহাসের আনুগত্য রক্ষা করুক, যে পৰ্যন্ত না তারা "রস-রূপ" লাভ করে, সে পর্যন্ত তারা শিল্পের মৰ্যাদাই পায় না। এ সম্বন্ধে বিখ্যাত জার্মান সমালোচক গট হোল্ড এফ্রায়েম লেসিঙ যা বলেছেন তা' উদ্ধৃত করা যেতে পারে—Now, Aristotle has long ago decided how far the tragic poet need regard historical accuracy, not farther than it resembles a well-constructed fable where with he can combine his intentions. He does not make use of an event because it really happened, but because

it happened in such a manner as he will scarcely be able to invent more fitly for his present purpose. If he finds this fitness in a true case, then the true case is welcome ; but to search through history books does not reward his labour.....“(No, 19) ...In short, tragedy is not history in dialogue History is for tragedy nothing but a store-house of names wherewith we are used to associate certain characters. If the poet finds in history circumstances that are convenient for the adornment or individualizing of his subject ; well let him use them” (No. 24). আসল কথা, ঐতিহাসিক ব্যক্তির জীবন অবলম্বন করে নাটক রচনা করলেও নাট্যকারের উদ্দেশ্য দৃশ্যাকারে ইতিহাস রচনা নয়, উদ্দেশ্য ঐতিহাসিক ব্যক্তির রূপের মাধ্যমে জীবন-ভাষ্য রচনা করা। নাট্যকারের কাছে ইতিহাস রসসৃষ্টির উপাদান বা উপায় বিশেষ ; তার লক্ষ্য—রসসৃষ্টি, অর্থাৎ ঐতিহাসিক ব্যক্তির বিচিত্র ঘটনাময় জীবন থেকে ট্রাজেডির বা কমেডির বিশেষ একটি রস-মূর্তিকে উদ্ধার করা। ঈসপের কাহিনী এবং নাটকের পাঠ্যক্য নির্দেশ করতে গিয়ে লেসিঙ যা বলেছেন—তা আমাদের ব্যক্তব্যাকে স্পষ্টতর করবে ; তিনি বলেছেন—ঈসপের নীতিমূলক কাহিনী—“intends to bring a general moral axiom before our contemplation we are satisfied if this intention is fulfilled and it is the same to us whether this is so by means of a complete action that is in itself a rounded whole or no. The poet may conclude wherever he wills as soon as he sees his goal. It does not concern him what interest we may take in the persons through whom he works out his intention ; he does not want to

interest but to instruct us , he has to do with our reason not with our heart—this latter may or may not be satisfied so long as the other is illumined. অতঃপক্ষে নাটক—“makes no claim upon a single definite axiom flowing out of its story. It aims at passions which the course and events of its fable arouse and treat, or it aims at the pleasure accorded by a true and vivid delineation of characters and habits.—যদিও—“Both require a certain integrity of action, a certain harmonious end which we do not miss in the moral tale because our attention is solely directed to the general axiom of whose especial application the story affords such an obvious instance”. (No 35) । লেনিংটনের আলোচনার সারমর্ম এই যে ইতিহাস ঘটনার খথখথ বিবৃতিমাত্র ; ঘটনার স্থল বিব্রাসের সাহায্যে একটি সম্পূর্ণ বৃত্ত অর্থাৎ “a complete action that is in itself a rounded whole” রচনা করা ইতিহাসের উদ্দেশ্য নয় । নীতিমূলক কাহিনীতে বৃত্ত রচনার চেষ্টা থাকে বটে, কিন্তু তার মুখ্য উদ্দেশ্য—সাধারণ নীতি-সূত্র প্রচার করা—“general moral axiom” প্রচার করে নীতিশিক্ষা দেওয়া অর্থাৎ চরিত্র বা রসস্থিতি নীতিপ্রচারেরই উপায়মাত্র, স্তত্রাং গোণ । নীতিকথ্যাটিকে লোকের মনে অর্থাৎ বুদ্ধিতে ধরিয়ে দিতে পারলেই তার উদ্দেশ্য সিদ্ধ, সে সম্ভট । নাটক নীতিমূলক-কাহিনী থেকে আর এক ধাপ এগিয়ে যায় । ব্যক্তিজীবনের একটি সম্পূর্ণ বৃত্ত রচনা করায় সে ইতিহাস থেকে হয় পৃথক এবং নীতিপ্রচারের উদ্দেশ্য মুখ্য না থাকায়, নীতিমূলক কাহিনী থেকে হয় ভিন্ন । নাটককে এমন একটি বৃত্ত-রচনা করতে হয় যাকে ইংরেজিতে বলা চলে— “a complete action that is in itself a rounded whole” এবং তার মুখ্য উদ্দেশ্য চরিত্রের পারস্পরিক ক্রিয়া-প্রতিক্রিয়ার জীবন্তকল্প রূপ বা

জীবনালেখ্য সৃষ্টি করা তথা দর্শক-পাঠকের মনে রসের উত্তেক করা—এক কথায় রূপ ও রস সৃষ্টি করা। এই রূপ-মূল্য এবং রস-মূল্যই সাহিত্য শিল্পের আসল মূল্য। এই মূল্যে যা যত মূল্যবান তা' তত সার্থক সৃষ্টি। রূপের মাধ্যমে রসসৃষ্টি—এক কথায় যাকে বলা হয় 'রস-রূপ বা রমণীয় রূপ সৃষ্টি—এই মূখ্য উদ্দেশ্য থেকে যে শিল্পী যত দূরে সবে যান, শিল্প-শ্রমকে থেকে তিনি তত দূরে সবে যেতে থাকেন। প্রতিপাত্ত কোন তত্ত্ব (Idea) বা নীতি যেখানে রূপকে গুণীভূত করে ফেলে, সেখানে সৃষ্টি বিশুদ্ধ শিল্পের উচ্চ স্তর থেকে নেমে 'নীতিমূলক কাহিনী'র স্তরে এসে দাঁড়ায়। আবাব যেখানে রূপ-পরম্পরার ভিতর দিয়ে একটি সম্পূর্ণ বৃত্ত গড়ে উঠে না—রচনা এলোমেলো ঘটনাসমাবেশে—অর্থাৎ অস্বয়বিহীন রূপকল্পনায় পৰ্যবসিত হয়, সেখানেও বিশুদ্ধ শিল্পকর্মের মান থাকে না।

শিল্পের আত্মা রস এবং রসের মূলে/রই উপর তার আত্মিক মহিমা নির্ভর করে বটে কিন্তু 'রূপ' বেহেতু রসের আশ্রয়, রূপের স্বম্মা ও সার্থকতার মন্যেই সৃষ্টির উৎকর্ষ নিহিত থাকে। সমন্বয় গুণের উৎকর্ষে শিল্পের সমগ্র রূপটি স্বম্মা মণ্ডিত হয় এবং অর্থ (significance) প্রকাশের সত্যতাগ প্রত্যেকটি রূপ সার্থক হয়ে উঠে। প্রথমটি আসে বিভিন্ন অংশের অঙ্গাঙ্গিযোগেব ফলে, দ্বিতীয়টি দেখা দেয়—objectification বা concretization, characterisation বা individualization-এর চমৎকারিত্বের ফলে—প্রত্যেকটি রূপের পূর্ণ বিকাশের বা সৌন্দর্যের ফলে।

তবে, রসরূপ তৈরী করা শিল্পীর মূখ্য উদ্দেশ্য হলেও বিষয়ের বা উপাদানের প্রকৃতি দ্বারা শিল্পীর কল্পনাশক্তি নিয়ন্ত্রিত না হয়ে পারে না। পৌরাণিক বিষয় বা ঐতিহাসিক বিষয় নিয়ে যখন শিল্পীকে কাজ করতে হয়, তখন যেমন রসসৃষ্টির দিকে তাঁকে সতর্ক দৃষ্টি রাখতে হয়, তেমনি সচেতন থাকতে হয় উপযুক্ত পরিবেশ ও চরিত্র পরিকল্পনা বিষয়ে। একদিকে যুগ-পরিমণ্ডল সৃষ্টি করার দায়িত্ব থাকে, অন্যদিকে থাকে পুরাণ কথিত বা ইতিহাস

প্রথিত চরিত্রের বহুশ্রুত বৈশিষ্ট্য গতি ও পরিণতির প্রতি অমুগত থাকার দায়িত্ব। পৌরাণিক নাটকে যেমন আমরা পৌরাণিক যুগের পরিমণ্ডল এবং চরিত্রের যুগোচিত আচরণ প্রত্যাশা করি, ঐতিহাসিক নাটকেও তেমনি আমরা যুগ-পরিমণ্ডল এবং চরিত্রের যুগোচিত আচরণ প্রত্যাশা করে থাকি। এই প্রত্যাশা পূরণ করার দায়িত্ব নাট্যকারকে গ্রহণ করতে হয় এবং হয় রসনিষ্পত্তির খাতিরেই। আশ্বাদনে বা উপলব্ধিতে যা বাধা সৃষ্টি করে, শিল্পী তাকে পরিহার করেন। শিল্পীকে প্রথার বা সাধারণের অভিজ্ঞতার অমুগত করতে হয় এই কারণেই অর্থাৎ অবাধ রসনিষ্পত্তির জন্মই। পৌরাণিক বা ঐতিহাসিক চারিত্র সঙ্ক্ষে সাধারণের মনে মোটামুটি একটা ধারণা থাকেই। নাট্যকার যদি তার সম্পূর্ণ বিপরীত কোন ধারণা আমদানী করতে চেষ্টা করেন, তখন সাধারণের সংস্কারের সঙ্গে নাট্যকারের সৃষ্ট রূপের বিরোধ ঘটে, নাট্যকারের সৃষ্ট রূপ দর্শক-পাঠকের বাস্তবতাবোধে তথা ঔচিত্যবোধে ধাক্কা দেয় এবং রসনিষ্পত্তিতে ব্যাঘাত সৃষ্টি করে। ঘটনাকে ও চরিত্রকে নতুন করে ব্যাখ্যা করার স্বাধীনতা নাট্যকারের আছে—এ কথা সত্য বটে কিন্তু এ কথাও সত্য, সব কিছুকে বিপৰ্য্যাক্ত কল্পনা করার অধিকার নাট্যকারের নেই। বসস্তি থাকে করতে হবে তাঁকে লোকভাবের অমুগত করতেই হবে। ঐতিহাসিক নাটকের নাট্যকার যদি ইতিহাসের বিবরণ না মেনে চলেন গোড়াতেই তিনি দর্শকের বিরাগভাজন হওয়ার ঝুঁকি মাথায় তুলে নেন এবং অবাধ রসনিষ্পত্তির পথকেও বন্ধুর করে তোলেন। এই কারণেই, পৌরাণিক নাটকে পৌরাণিকত্বের এবং ঐতিহাসিক নাটকে ঐতিহাসিকত্বের পরিমাণ কত কি আছে না আছে তা যাচাই করতে যাওয়ার সমস্তা এড়িয়ে যাওয়া চলে না। অল্প কারণেও ঐতিহাসিকত্ব যাচাই করার প্রশ্ন উঠতে পারে। ঐতিহাসিক ব্যক্তির জীবন-কথা যেখানে প্রকাশ্য বিষয়, সেখানে প্রকাশের যাথাযথা বিচার করতে হ'লে ঐতিহাসিকত্বের হিসাব-নিকাশের প্রশ্ন একবার উঠবেই।

সাহিত্য কল্পনাময় সৃষ্টি হওয়া সত্ত্বেও, যেমন তার রূপকল্পের বাস্তবতা বিষয়ে প্রশ্ন উঠে থাকে অর্থাৎ কল্পিত রূপের সঙ্গে লৌকিক রূপের সাদৃশ্য যাচাই করে দেখার ইচ্ছা জেগে থাকে, তেমনি ঐতিহাসিক নাটক, স্বরূপতঃ রসরূপ হওয়া সত্ত্বেও, তার রূপের বিচার করবার সময়ে, সমালোচকরা রূপের রসোদ্দীপকতা বিচার করবার সঙ্গে সঙ্গে ঐতিহাসিকতা নির্ধারণ করার প্রয়োজনীয়তাও উপলব্ধি করে থাকেন। ঐতিহাসিক নাটকের ঘটনা বা ব্যক্তি সামান্য ঘটনা বা ব্যক্তি বটে, কিন্তু বিশেষতঃ তারা ঐতিহাসিক তথ্য। তাদের যাথাযথ বিচারে ঐতিহাসিকত্ব আছে কি নেই এ প্রশ্ন অবশ্যই উঠবে। বাস্তবতার বিচার যেমন রূপ 'How far true to life—এই প্রশ্নটিরই বিচার, তেমনি ঐতিহাসিকতার বিচার রূপ অর্থাৎ ঘটনা ও চরিত্র How far true to history এই প্রশ্নটিরই বিচার।

‘মেবার-পতন’ নাটকখানিতে রাজপুত-ইতিহাসের একটি বিশেষ অধ্যায়কে, চিরোরতশির মেবারের স্বাধীনতারক্ষাকল্পে প্রাণপণ সংগ্রাম এবং জাতির অস্ত্রনিহত দুর্বলতার জ্ঞান মেবারের শোচনীয় পতন—উপস্থাপিত করা হয়েছে। মেবার রাজস্থানের রাজ্যমালার মধ্যমণি। মেবারের রাণা রাজপুত ফুল-তিলক। মেবার শুধু একটি নাম নয়, ‘মেবার’ একটি প্রতীক—মরণপণ প্রতিরোধ-শক্তির ও ঐকান্তিক স্বাধীনতাকামনার প্রতীক। বাঙ্গার সময় (৪৮ সম্বত) থেকে আরম্ভ করে অমর সিংহের পরাজয় ও মোগল-অধীনতা স্বীকার (১৬১৩) পর্যন্ত মেবারের ইতিহাস পরম বিস্ময়কর বীরত্বের ও জলন্ত জাত্যাভিমানের ইতিহাস। অমর সিংহ, রাণা লক্ষণ সিংহ, ভীম সিংহ, পদ্মিণী, চণ্ড, রাণা কুন্ত, রাণা সঙ্গ, সংগ্রামসিংহ, প্রতাপ সিংহ, অমর সিংহ প্রমুখ বীর যোদ্ধাদের স্বরণীয় বীরত্বের ও আত্মত্যাগের মহিমায় মেবার যে ঐতিহ্য সৃষ্টি করেছিল, তাতে বীরত্ব, জাত্যাভিমান মৃত্যুপণ-সংগ্রাম প্রভৃতি গুণগুলি ‘মেবার’ নামের সার্থক হয়ে উঠেছিল। পাঠান-মোগলের বার বার আক্রমণে হিন্দু ভারতের শৌর্যবীৰ্য ক্রমে ক্রমে যখন নিভেজ ও পূর্ণদস্ত হয়ে

যাছিল, রাজস্থানের রাজ্যগুলি একে একে যখন মোগলের অধীনতাপাশে আবদ্ধ হইছিল, তখন একমাত্র মেবারই হিন্দু-ভারতের প্রাণের শিখাটি প্রজ্জ্বলিত রেখেছিল। প্রাণ দিয়ে মান বাঁচাতে—মৃত্যুপণে স্বাধীনতা রক্ষা করতে মেবার ছিল কৃতসংকল্প—ছিল স্বদীক্ষিত। রাজা প্রজা সকলের মন-প্রাণ এক সুরে বাঁধা। প্রাণ বিসর্জনে বিশ্বয়কর তাঁদের প্রতিস্পর্ধা। দিল্লীর সুলতান আলা-উদ্-দীন খিলজির (১৩০৩) অকথ্য নিষ্ঠুর অত্যাচার বা গুজরাটের বাহাদুর শাহের নিষ্ঠুর আক্রমণ (১৫৩৪-খৃঃ) মেবারের প্রাণশক্তিকে আঘাত করেছিল, সত্য কিন্তু তাকে নষ্ট করতে পারেনি। আকবর চিতোর অধিকার করে নিষ্ঠুরতম হত্যালীলায় জিঘাংস্ব আলা-উদ্-দীনকেও হার মানিয়েছিলেন—

“No such horrors were perpetrated by the brutal ‘Ala-ud-din’ (কেশ্বিজ হিষ্টি-অফ ইণ্ডিয়া—২২ পৃঃ), উদয় সিংহকে চিতোর ত্যাগ করে পালিয়ে যেতে বাধ্য করেছিলেন—সবই সত্য, কিন্তু একথাও তো অবিস্মরণীয় যে বীরকেশরী প্রতাপসিংহের অতুলনীয় তেজস্বীতা ও স্বদেশপ্রেমের আগুনকে কিছুতেই আকবর নির্বাপিত কবতে পারেননি। উদয়পুর, কমলমীর, চৌন্দ, ধর্মমতী, গোণ্ডগু একে একে সব দুর্গই প্রতাপের হস্তচ্যুত হয়েছিল, প্রতাপ প্রাস্তরে প্রাস্তরে, অরণ্যে অরণ্যে আশ্রয় অব্বেষণ ক’ব ফিরে-ছিলেন, অধর্বাহারে, অনাহারে দিনাতিপাত করেছিলেন, কিন্তু ৩৬ তিনি মোগলের কাছে আত্মসমর্পণ করেননি। আকবর সমস্ত রাজপুতবংশ কিনে নিয়েছিলেন, কিন্তু প্রতাপকে তিনি কিনতে পারেননি। ক্ষত্রিয়ের প্রধানতম পণ্য সকলেই বিক্রয় করেছিল, প্রতাপ সে হাটে যাননি এবং যাননি বলেই দুর্বার প্রাণশক্তির বলে ক্রমে ক্রমে, চিতোর দুর্গ ছাড়া, মেবারের প্রায় সমস্ত স্থানই অধিকার করেছিলেন। প্রতাপের এই অর্জুননায় শৌর্ধবীর্ষের কীর্তি দিয়ে মেবারের গৌরব-মুকুট মণ্ডিত। মেবার এই অপ্রতিদ্বন্দ্বী শৌর্ধবীর্ষেরই নামাস্তর। স্বাধীনতা ও স্বদেশপ্রেমেরই অপর নাম “মেবার”।

এমন যে মেবার, সেই মেবারেরই পতন ঘটেছিল প্রতাপসিংহের পুত্র অমর

সিংহের রাজত্বকালে। মৃত্যুকালে প্রতাপ নাকি ভবিষ্যদবাণী করেছিলেন “আমার প্রাণোপম পুত্র অমর বিলাসিতার বশীভূত হইবে, মিবারের দুরবস্থা তাহার স্মরণ থাকিবে না। অস্তিমকালে আমি এই যে কুটীরে অবস্থান করিতেছি এ স্থানে সুন্দর সুন্দর অট্টালিকা বিনিমিত হইবে। ক্রমাগত পঞ্চবিংশতিবর্ষ কঠোর ব্রতে ব্রতী থাকিয়া আমি যে সমস্ত সম্পত্তির পুনরুদ্ধার করিলাম অমর তাহা রক্ষা করিতে পারিবে না। আমার বোধ হইতেছে আত্মস্থখের জগু অমর চির স্বাধীনতা গৌরবে জলাঞ্জলি দিবে, (রাজস্থান) এবং সর্দারগণ প্রতাপের সম্মুখে শপথও করেছিলেন—“মহারাজ! বাপ্পার পবিত্র সিংহাসনের শপথ করিয়া বলিতেছি, একজনমাত্র রাজপুত জীবিত থাকিতে মিবারভূমি তুফির হস্তগত হইবে না, যতদিন আমরা জীবিত থাকিব, কুমার অমর সিংহ কখনই ততদিন আপনার আদেশ লঙ্ঘনে সমর্থ হইবেন না। মিবারের পূর্ব স্বাধীনতা যতদিন পূর্ণভাবে পুনরুদ্ধার না হয়, শপথ করিয়া বলিতেছি ততদিন এই সকল কুটীরে বাস করিয়াই আমরা পরিতৃপ্তি লাভ করিব, বিলাসিতা ও সুখসন্তোকে আমরা বঞ্চিত থাকিব। (রাজস্থান) সর্দারদের এই প্রতিজ্ঞা-বচন শুনে প্রতাপ কিছুটা স্বস্তিতে শেষ নিঃশ্বাস ত্যাগ করেছিলেন বটে, কিন্তু প্রতাপ মর্মে মর্মে বুঝেছিলেন—“আমা হইতে চিতোর উদ্ধার না; জন্মভূমিকে যখন কবল হইতে উদ্ধার করা আমার পুত্র অমর সিংহেরও সাধ্য নহে।”

যখন কবল হ’তে জন্মভূমির স্বাধীনতা রক্ষা করতে অমরসিংহ পারেননি— এ ঐতিহাসিক সত্য, কিন্তু বিলাসিতার বা ভীকৃতার জগুই পারেননি এ কথা সম্পূর্ণ সত্য ব’লে মেনে নেওয়া যায় না। যখনরা কিভাবে সাম-দান-ভেদ-দণ্ড প্রয়োগ করে ভারতের প্রায় সমস্তটাই কবলিত করতে চেষ্টা করছিল প্রতাপ নিজেই তা’ বুঝেছিলেন। রাজপুতদের মধ্যে তিনি একাই মাথা উচু রেখেছিলেন এবং তা’ রাখতে তাঁকে সব কিছুই ত্যাগ করতে হয়েছিল। তাঁর বাইরের শত্রু মোগল, ভিতরের শত্রু মোগলপদানত রাজপুতরা।

মোগলরা না করলেও, মোগলদাস রাজপুতরাই তাঁর উচ্চ শিরকে মোগলের কাছে অবনত করে দিতে চেষ্টা করবে। মোগল সাম্রাজ্যের বিরূপ অধিকারের মধ্যে, ছোট্ট একটি দ্বীপের মতো যোঝাযুঝি করে মাথা উচু করে থাকা, মেবারের পক্ষে বেশীদিন সম্ভব হবে না। হিন্দুর দুর্ভাগ্যেই শেষ হিন্দুর দুর্ভাগ্য ঘটবে। মেবারের পতনে রাজপুতবংশের শেষ দীপশিখাটি নিভে যাবে। হিন্দুর প্রতিরোধ শক্তির শেষ সংগ্রামের অবসান ঘটবে।

যাঁর পরাজয়ে মেবারের তথা সমস্ত রাজপুতের পতন সম্পূর্ণ হয়েছিল তিনি প্রতাপের ছোট্ট পুত্র অমরসিংহ। তিনি ১৫২৭ খৃষ্টাব্দে পিতৃরাজ্যে অভিষিক্ত হয়েছিলেন। তাঁর সম্পর্কে টড রচিত রাজস্থানে নিম্নলিখিত বিবরণ পাওয়া যায় :—

পিতৃসিংহাসনে আরোহণের পর অমরসিংহ নতন নতন নিয়ম, নতন নতন প্রথা ও নতন নতন কর স্থাপন করলেন এবং সামন্তদের নতন নতন ভূমিস্বত্তি দান করে রাজ্যকে বিলক্ষণ শৃঙ্খলাবদ্ধ ও সুদৃঢ় করে তুললেন। বহুদিন পর্যন্ত শান্তির ক্রোড়ে থেকে অমর আলস্তের বশীভূত হলেন। পিতার মৃত্যুকালীন আদেশ বিস্মৃত হলেন। পেশোলাতীরবর্তী পর্ণকুটীরগুলি ভেঙ্গে ফেলে, ‘অমরমহল’ নামে একটি বিলাসভবন নির্মাণ করলেন এবং চাটুকার পারিষদ-বর্গে পরিবেষ্টিত হয়ে সেই প্রাসাদে নিশ্চিন্ত মনে কালাতিপাত করতে লাগলেন। যেখানে ভারতের প্রায় সমস্ত নরপতি দিল্লীশ্বরের অহুগত সেখানে স্বাধীনতা রক্ষা করতে হ’লে যতখানি সামরিক প্রস্তুতি বা অহুশীলন ও সতর্ক দৃষ্টি অত্যাৱশ্যক, অমরসিংহের তা কিছুই ছিল না। অচিরেই তাঁর স্বখনিদ্রা ভেঙ্গে গেল। মেবারের দর্পচূর্ণ করবার জন্য জাহাঙ্গীর সৈন্যবাহিনী প্রেরণ করলেন।

অমর সিংহের স্বক্ষে দুই সন্ন্যাসী ভর করলেন। তিনি বিলাস সজোগ পরিত্যাগ করে অনর্থকর যুদ্ধবিভাতে লিপ্ত হ’তে অনিচ্ছা প্রকাশ করলেন। এক একবার যশোলিপ্সা মনে না জাগছিল তা’ নয়, কিন্তু পরক্ষণেই বিলাসিতার

মোহিনী ছায়া এসে তাঁকে আবৃত করছিল। চাটুকারেরা বার বার নিষেধ করতে লাগল; তাঁদের যুক্তি—সেনাবল নেই, অর্থবল নেই, সহায়-সম্বল নেই—ভারতের সমস্ত নরপতি মোগল সম্রাটের অচ্যবল—এমত অবস্থায় সন্ধিস্থাপনই বিধেয়। রাণাও যুক্তির সারবত্তা উপলব্ধি ক'রলেন—সন্ধিস্থাপনের সঙ্কল্প করলেন।

কিন্তু মেবারের সর্দারগণ যে প্রতাপের মৃত্যুশয্যার পাশে দাঁড়িয়ে প্রতিজ্ঞা গ্রহণ করেছিলেন! তাঁরা চিন্তানলে সমুপ্ত হ'তে লাগলেন। সামন্ত শিরোমণি চন্দাবৎকে পুরোবর্তী করে তাঁরা অমর মহলে উপস্থিত হ'লেন। চন্দাবৎ রাজাকে বললেন—“মহারাজ, প্রতাপসিংহের জ্যেষ্ঠপুত্র আপনি, এই সম্বট-কালে নিশ্চিত থাকা কি আপনার শোভা পায়? পবিত্র কুলগৌরব নষ্ট হবে বীরকেশরীর পুত্র হয়ে কিরূপে তা প্রত্যক্ষ করবেন? প্রচণ্ড মোগল শত্রু যখন আপনার শিয়রে দণ্ডায়মান আপনি তখন হীন চাটুকারদলে পরিবেষ্টিত হয়ে কাপুরুষের ন্যায় নিশ্চিন্ত রয়েছেন? যবনের হাতে মেবার রাজ্য ছারখার হবে, পবিত্র রাজপুত্রকুলললনার জীবন কলঙ্কিত হবে—কোন্ প্রাণে আপনি তা' সহ্য করবেন? পূর্বপুরুষগণের পবিত্র কীর্তি যদি অক্ষুণ্ণ রাখতে না পারবেন, তবে পবিত্র শিশোদায়িকুলে জন্মগ্রহণ করেছিলেন কেন? আপনার রাজ্যে ধিক, ঐশ্বৰ্যে ধিক, কুলগৌরবে ধিক।” সর্দারের এত তেজস্বিনী বক্তৃতাও রাণার মধ্যে কোন প্রতিক্রিয়া সৃষ্টি করল না। সর্দার অস্থির উত্তেজনায় শিলাখণ্ড কুড়িয়ে নিয়ে, সভাগৃহের ভিত্তিস্থিত মুকুরে প্রচণ্ড বেগে নিক্ষেপ করলেন। মুকুরখানি চূর্ণবিচূর্ণ হয়ে গেল। তাতেই তিনি ক্ষান্ত হলেন না। অমরসিংহের দক্ষিণ বাহু ধারণ করে চন্দাবৎ সর্দার সিংহাসন থেকে তাঁকে নামিয়ে আনলেন এবং সর্দারদের সম্বোধন করে বললেন—‘সর্দারগণ। প্রতাপের পুত্রকে কলঙ্ক হ'তে রক্ষা করতে এখনই যুদ্ধযাত্রা কর।’

চন্দাবতের আচরণে রাণা ভীষণ ক্রুদ্ধ হলেন, তাঁকে অপমানকারী, রাজদ্রোহী

প্রভৃতি নানা কটু ভাষায় ভৎসনা করতে লাগলেন। চন্দাবৎ সে কথায় কর্ণপাত করলেন না। সদারগণ পরম সন্তুষ্ট। রাণাকে নিয়ে সদলবলে তাঁরা যুদ্ধযাত্রা করলেন। জগন্নাথদেবের মন্দির পর্যন্ত গিয়েই রাণা নিজের নিবুদ্ধিতা ও অপরাধ বুঝতে পারলেন এবং চন্দাবৎ ক্রুর শত শত প্রশংসাবাদ করতে লাগলেন। দেবীরক্ষেত্রের ঘোরযুদ্ধে (১৬০৮ খৃঃ) প্রতাপের জ্যেষ্ঠ পুত্র জয়লাভ করে সগৌরবে রাজধানীতে ফিরে আসলেন। জাহাঙ্গীর পরাজিত হয়েছিলেন সত্য, কিন্তু নিরুৎসাহ হননি। এক বছর পরেই ১৬০৯ খৃঃ (১৬৬৬ অব্দের ফাল্গুন মাসে) তিনি সেনাপতি আবদুল্লাহর অধীনে, মেবারের বিরুদ্ধে এক বিরাট বাহিনী পাঠিয়ে দিলেন। ‘রণপুর’ নামক গিরিপথে তুমুল যুদ্ধ হ’ল এবং এবারেও মোগলবাহিনী পরাজিত হল। এই যুদ্ধে দেবগড়ের দুদো সজাবৎ, নারায়ণদাস, সূর্যমল্ল, ঐশকর্ম, পূর্ণমল্ল রাঠোর হরিদাস, সত্ৰিপতি ঝালা জপৎ, কহিরদাস কচ্ছবাহ, বৈদলার চৌহান কেশবদাস, মুকুন্দদাস রাঠোর ও জয়মলোট প্রভৃতি বীর প্রাণ বিসর্জন দিয়েছিলেন।

দু’ দু’বার পরাজিত হওয়ার পরে জাহাঙ্গীর মেবারকে জয় করবার জন্য নতুন কৌশল অবলম্বন করলেন। রাজপুত-কুলাঙ্গার সাগরজীকে সম্রাট চিতোরের ধ্বংসাবশেষের উপর রাণা নাম দিয়ে অভিষেক করলেন। চিতোরের ধ্বংসরাশির মধ্যে একদল মোগল সেনা কর্তৃক রক্ষিত হয়ে নতুন রাণা হ’তে লাগলেন। কিন্তু জাহাঙ্গীর যে উদ্দেশ্যে সাগরজীকে রাজপদে প্রতিষ্ঠিত করেছিলেন, সে উদ্দেশ্য সিদ্ধ হল না। মেবারবাসীরা অমরসিংহের পক্ষ পরিত্যাগ করে সাগরের নিকট উপস্থিত হল না। বরং তার নাম শোনামাত্র সকলে ঘৃণায় মুখভঙ্গী করত। এইভাবে সাত বৎসর অতীত হ’ল। স্বজাতির ঘৃণা ও বিদ্বেষবিষ পান করে তাঁর দেহমন জর্জরিত। “চিত্তার বিষদংশনে তিনি প্রপীড়িত হইতে লাগিলেন। কক্ষमध्ये শান্তিস্থ থ নাই, হৃদয়মন অধীর হইয়া উঠে। এক একবার তিনি সমুদ্র গগনভেদী অট্টালিকার ছাদে উখিত হইতেন, চিতোরের গৌরবস্তম্ভ দেখিয়া পূর্বপুরুষগণের গৌরবে

কথা শ্রবণ হইতে অমনি নিঃসংজ্ঞের স্থায় বসিয়া পড়িতেন, চারিদিক শূন্যময় বলিয়া বোধ হইত, জগৎসংসার তাঁহার নিকট ভীষণ নরককূপ বলিয়া প্রতীয়মান হইত, তৎক্ষণাৎ অবতরণ করিয়া পুনরায় কক্ষমধ্যে প্রবেশ করিতেন। •চিন্তার বিভীষিকায় প্রপীড়িত হইয়া সাগরজী ক্রমে ক্রমে উন্মত্ত প্রায় হইয়া উঠিলেন। একদিন রাজ্যিকালে একাকী কক্ষমধ্যে বসিয়া তিনি চিন্তার সহিত ক্রীড়া করিতেছেন সহসা এক ভীমকায় ভৈরবমূর্তি তাহার সম্মুখে আবির্ভূত হইল; গভীর নৈশ নিস্তব্ধতা ভঙ্গ করিয়া গভীরস্বরে সেই মূর্তি বলিয়া উঠিল—নরাদম! রাজপুত-কুলাঙ্গার! শীঘ্র এ পাপরাজ্য হইতে প্রস্থান কর। নতুবা তোর মঙ্গলের আশা নেই।” (রাজস্থান—বহুমতী কার্খালয় ১৩০৫ বঙ্গাব্দ)

ভৈরবের ভৈরবমূর্তি দেখেই হোক অথবা যে কারণেই হোক, সাগরজী আর চিতোরে থাকতে পারলেন না; ভ্রাতৃপুত্র অমরসিংহকে আহ্বান করে তিনি চিতোরের রাজ্যভার তাঁকে অর্পণ করলেন এবং বিজয় স্কন্দপর্বতের উচ্চতম শৃঙ্গে গিয়ে বিশ্রাম গ্রহণ করতে লাগলেন। শৈলশৃঙ্গেও সাগরজী শাস্তি পেলেন না। পুনরায় তিনি দিল্লীশ্বরের কাছে উপস্থিত হলেন। সম্রাট জাহাঙ্গীরের তিরস্কারবাক্যে তিনি আরো মর্মান্বিত হলেন এবং সভাস্থলেই বক্ষে তীক্ষ্ণ ছুরিকা বিদ্ধ করে আত্মহত্যা তথা প্রায়শ্চিত্ত করলেন।* (এই সাগরজীরই কুলাঙ্গার পুত্র—মহাবল্লভ খাঁ—জাহাঙ্গীরের স্বপ্রদত্ত দুঃসাহসী সেনাপতি)

চিতোর নগরী ফিরে পেয়ে অমরসিংহ আনন্দে মত্ত হয়ে উঠলেন। তখন মেবারের প্রায় আশীটি দুর্গ ও নগর তাঁর অধিকারে। পার্বত্য প্রদেশের দুর্গম দুর্গের উপরে দৃষ্টি না দিয়ে তিনি চিতোরের প্রাণষ্ট সৌন্দর্যের পুনরুদ্ধারে মনোনিবেশ করলেন। প্রতাপসিংহের ভবিষ্যদবাণী ফলতেও দেয়ী হল না। সম্রাট জাহাঙ্গীর আবার মেবারের বিরুদ্ধে সৈন্যবাহিনী প্রেরণ করলেন। সংবাদ পেয়ে অমরসিংহও সৈন্য সংগ্রহ করলেন এবং যুদ্ধের জগ্ন প্রস্তুত হলেন।

কিন্তু সমস্তা উপস্থিত হল সেনাদলের হিরোল চালনার (সম্মুখভাগ রক্ষণ) ক্ষমতা নিয়ে। শাক্তবং ও চন্দাবং—দুই প্রতিদ্বন্দ্বী দল। শত্রু সৈন্য আসছে অথচ দুই দলের মধ্যে মহাকলহ—মহাসমস্তাই বটে। সমস্তা সমাধান করতে অমরসিংহ বললেন—“সর্বাগ্রে যে দল অন্তলাদুর্গে প্রবেশ করতে পারবে, হিরোল রক্ষার ভার সেই দলেরই হস্তে অর্পিত হবে।” স্বন্দরভাবে সমস্তার সমাধান ঘটল—চন্দাবংগণ অন্তলা দুর্গ জয় করে হিরোল চালনার গৌরব অর্জন করলেন। অমরসিংহ সৈন্যবাহিনী নিয়ে আবাবল্লীব দ্বারস্বরূপ ‘ক্ষেমনর’-নামক গিরিপথে মোগলবাহিনীকে আক্রমণ করলেন (১৬১১ খৃঃ)। এই যুদ্ধে জাহাঙ্গীরের অগ্রতম পুত্র ‘পরভেজ’ ছিলেন সেনানী। রাজপুতদের দুর্বীর আক্রমণের মুখে মোগল সৈন্য পলায়ন করতে বাধ্য হল। পরভেজও অতিকষ্টে প্রাণ নিয়ে পলায়ন করলেন। জাহাঙ্গীরের ক্রোধের মাত্রা আরো বেড়ে গেল। এবার তিনি পরভেজের পুত্রকে সেনানী পদে বরণ করলেন এবং মহাবীর মহাবল্লভ খাঁকেও তাঁর সঙ্গে পাঠালেন। এ যুদ্ধেও সমস্তা বাহিনী পরাজিত হল। এমনি করে প্রতাপপুত্র অমরসিংহ ‘সপ্তদশবার’ মোগলের বিরুদ্ধে যুদ্ধ করে জয়লাভ করেছিলেন।

কিন্তু জাহাঙ্গীর মেবারের দর্প চূর্ণ করতে বদ্ধপরিকর। অনরায়ণ তাঁনি সমরায়োজন করলেন এবং অগ্রতম পুত্র ক্ষুরমকে (পরে শাজাহান মেবারের বিরুদ্ধে প্রেরণ করলেন (১৬১৩)। বীরত্বে, সাহসে ও বিক্রম ক্ষুরম ছিলেন সর্বত্র প্রসিদ্ধ। তাঁর দুর্ধর্ষ আক্রমণ—মেবারের কাছে এক মহা সমস্তা রূপেই দেখা দিল।

“কোষাগার অর্থশূন্য, দুর্গ সৈন্যশূন্য, অস্ত্রাগার অস্ত্রশূন্য!” তবু মেবারের আবাল-বৃদ্ধ-বণিতা সকলেই দৃঢ়প্রতিজ্ঞ—জীবন থাকতে মেবারভূমি যবনের হাতে তুলে দেবেন না। সকলে দলে দলে এসে অমরসিংহের কাছে উপস্থিত হলেন। ক্ষমতাহুমারে অর্থ সংগ্রহ করে রাস্তা-কাষে পাঠাতে লাগলেন। বীরাজনারা নিজ নিজ বসনভূষণ বিক্রয় করলেন। বণিকরা উদ্বৃত্ত অর্থরাশির

অধিকাংশই রাজকোষে দান করলেন। দেখতে দেখতে রাজকোষ অর্ধে পূর্ণ হয়ে উঠল। যুদ্ধের উপযুক্ত অস্ত্রশস্ত্রাদি প্রস্তুত হ'ল। রাণা অমরসিংহ মোগলের বিরুদ্ধে যুদ্ধযাত্রা করলেন। কিন্তু 'যে বিজয়বৈজয়ন্তী বহুকাল পর্যন্ত গিহলোট রাজগণের মন্তকোপরি বিরাজ করিত, বীরকেশরী বাপ্পার বংশধর ভিন্ন আর কেহ কখন যে বিজয় কেতন মন্তকোপরি সমুচ্চত করিতে সমর্থ হন নাই, আজ জাহাঙ্গীরের পুত্র জলতান ক্ষুরমের সম্মুখে তাহা অবনত হইয়া পড়িল। জাহাঙ্গীরের আত্ম কাহিনীতে এই পতনের কাহিনী সুন্দর ভাবে বর্ণিত আছে। তা'তে দেখা যায়—“রাণাও অধীনতা স্বীকারে সম্মত আছেন।.... রাণা হতাশ হইয়া শূপকর্ণ ও হরিদাস বালা নামক দুইটি সর্দারকে ক্ষুরমের নিকট প্রেরণ করেন।* সর্দারদ্বয়ের মুখেই প্রকাশ পায় রাণা বুদ্ধ, স্বয়ং আমার নিকট থাকিতে পারিবেন না, তজ্জন্য ক্ষমা প্রার্থনা করিয়াছেন, তাঁহার পুত্র কর্ণ আমার সম্মুখে উপস্থিত থাকিয়া যথাযথ নিয়ম প্রতিপালন করিবেন ... পুত্রের নিকটও বলিয়া পাঠাইলাম, রাণা সম্মানের পাত্র, কোন প্রকারে যেন তাঁহার সম্মানের ক্রটি না হয়, তাঁহার ইচ্ছানুসারেই যেন সকল বন্দোবস্ত করা হয়।” এই প্রথম মেবারের উচ্চ শির মোগলের পায়ে অবনত হ'ল।

টড বর্ণিত এই কাহিনীকে ভিত্তি করেই নাট্যকার মেবার পতন নাটকের “বৃত্ত” রচনা করেছেন। এই কাহিনীতে যে ঐতিহাসিক তথ্য বা মর্ম (spirit of history) প্রকাশ পেয়েছে তা' এই যে (ক) অমরসিংহ প্রতাপের অন্তিম মুহূর্তের আদেশ এবং বংশগৌরবের মহিমা রক্ষা করতে ইতস্ততঃ করলেও অটলপ্রতিজ্ঞ সর্দারদের স্বদেশপ্রীতির ও আত্মত্যাগের প্রেরণায় শেষ পর্যন্ত মোগল শক্তির বিরুদ্ধে অস্ত্র ধারণ করতে বাধ্য হয়েছিলেন। (খ) একাধিকবার তিনি মোগল শক্তিকে পরাজিত করেছিলেন এবং প্রতাপসিংহের পুত্রের উপযুক্ত পরিচয় দিয়েছিলেন। (গ) সগরসিংহকে চিতোরের রাণার পদে অধিষ্ঠিত করে এবং মেবারে গৃহযুদ্ধ বাধিয়ে কাঁটা দিয়ে কাঁটা তোলার কৌশল

প্রয়োগে জাহাঙ্গীর সিদ্ধকাম হননি। সগরসিংহ মেবারবাসীর কাছে ঘৃণা ছাড়া আর কিছুই পাননি। অত্যাচারে দগ্ধ হয়ে শেষ পর্যন্ত তিনি আত্মহত্যা করে প্রাণশ্চিভ্ত করেছিলেন। (ঘ) মোগল সম্রাট মেবারের যত বড় শত্রু ছিলেন, মেবারের তার চেয়েও বড় শত্রু ছিল সেই সব রাজপুত বংশ যারা আগেই মোগলের কাছে মস্তক ও বংশ গৌরব দুটোই বিক্রয় করেছিল; এমন কি কস্তা দান করে আত্মরক্ষা করার চেষ্টা করেছিল এবং সেই সব প্রসাদলোভী ধর্ম-ত্যাগীর দল যারা রাজপুত অভিমানকে—হিন্দু অভিমানকে—সমূলে বিনাশ করার জন্য বদ্ধপরিকর ছিল। গজসিংহ, মহাক্ষং খাঁ প্রভৃতি তাদেরই প্রতিনিধি। গজসিংহ মারবারের অধিপতি এবং জাতিতে হিন্দু হয়েও পাতিতে মুসলমান আর মহাক্ষং খাঁ ছিল (টডের মতে)—সগরসিংহের ধর্মত্যাগী সন্তান। জাতিতে রাজপুত হয়েও ধর্মে মুসলমান। (ঙ) শেষ সংগ্রামে মেবারের আবাল-বৃদ্ধ-বণিতা আত্মাহুতি দেওয়ার জন্য প্রস্তুত হয়েছিল এবং প্রত্যেক জেগার লোক—স্ত্রী পুরুষ নিবিষেণে—যথাসাধ্য অর্থ ও শ্রম দান করেছিল।

এই মূল তথ্য সম্বন্ধে পরবর্তী ইতিহাসে নিম্নলিখিত রূপ বিবরণ পাওয়া যায়—মাইন্টগুয়ার্ট এলফিনষ্টোন-কৃত “হিষ্ট্রি অফ ইণ্ডিয়া” (১৮৮২ খৃঃ) গ্রন্থে পাওয়া যায়—“Mahavat Khan, when first sent on that service, had gained a victory over the Rana, but was unable to do anything decisive from the strength of the country into which he, as usual, retreated. The same fortune attended Abdullah Khan afterwards appointed to succeed Mohavat; but Prince Khurram who was sent with an army of 20,000 men, evinced so much spirit in his attack on the Rajput troops……that the rana is at last induced to sue for peace, and his offer being readily accepted, he

waited on Shahjehan in person, made offerings in token of submission, and sent his son to accompany the prince to Delhi.....” এখানে দেখা যাচ্ছে—প্রথমবার মহাবৎ খাঁ, দ্বিতীয় বার আবদুল্লা খাঁ এবং তৃতীয় বার খুরম (শাহজাহান) মেবার আক্রমণের অধিনায়ক ছিলেন এবং খুরমের কাছেই রাণা পরাজয় স্বীকার করেছিলেন। “কেন্দিজ হিষ্ট্রি অফ ইণ্ডিয়া”র মোগল পর্বে এ বিষয়ে যে বিবরণ লেখা আছে তার সার কথা এই :—“Before his accession Jahangir had been deputed by his father to complete the conquest of Mewar, but had proceeded no farther than Fathpur Sikri. Early in his reign he sent his son Parviz with a large force commanded by Asaf Khan and accompanied by Raja Jagannath of Amber or Jaipur. Their plan was to instal, as Rana, Sagar, an uncle of the real chief Amar Singh and thus create internal feuds. Amar Sing, who had succeeded his father in 1597 had devoted himself to internal reforms, but had to some extent lost the martial vigour which had marked the rulers of Chitor. *Spurred by his nobles he roused himself, and though the forces sent against him were able to occupy several places and left Sagar in possession of Chitor, they were withdrawn when Khasrau rebelled.....Jahangir on his return from Kabul to Agra despatched a new force under Mahavat Khan.... After a year a fresh commander, Abdullah Khan who like Mahavat Khan had risen from the lowest rank, was appointed and had more success.....The Punjabi

Raja Basu who had replaced Abdullah Khan in the Mewar Campaign had not been successful in it...Jahangir now felt that he could leave the capital and be nearer the control of the campaign in Mewar... The Khan Azam... had been transferred to Mewar, and at his request Jahangir also deputed his own son Khurram, Raia Basu having died....This arrangement was not congenial to Khurram... Jahangir...removed Khan Azam from the Command.....Relieved of the presence of one whom he believed to be his enemy...Khurram pressed on the occupation of Mewar, establishing posts in a number of places..... And though losses were severe the injury to the defenders were greater. The families of many Rajput nobles were captured, and the fortitude of Rana himself.....was gradually sapped. *He sent overtures to Khurram offering to recognise Mughal supremacy, but begging that he might be excused attendance . Court owing to his ageIt was decided that Chitor should never again be fortified, but no matrimonial alliance was enforced... ” (পৃ: ১৬১ , এই বৃত্তান্ত থেকেও জানা যায়—

(ক) মেবার একাধিকবার আক্রান্ত হয়েছিল (খ) পরভেজ, মহাবৎ খাঁ, আবদুল্লা খাঁ, রাজা বহু, ফুরম প্রভৃতির অধীনে বার বার অভিযান চালনা করা হয়েছিল (গ) অমরসিংহ অমাত্য বা সর্দারদের প্ররোচনাতেই যুদ্ধ করতে প্রবৃত্ত হয়েছিলেন। (ঘ) ফুরমের হস্তে রাণা পরাজিত হয়েছিলেন এবং সম্মানজনক সর্তে বশতা স্বীকার করেছিলেন। (ঙ) মেবার আক্রমণে

অগ্রান্ত রাজপুত বংশের রাজাদের কেউ কেউ সম্রাট জাহাঙ্গীরের সৈন্যবাহিনীর সঙ্গে থাকতেন। (চ) গৃহযুদ্ধ বাধিয়ে দেওয়ার জন্য জাহাঙ্গীর প্রতাপসিংহের ভ্রাতা সাগরসিংহকে চিতোরের রাণা পদে অভিষিক্ত করেছিলেন। কিন্তু উদ্দেশ্য সিদ্ধ হয়নি।

সুতরাং বলা যেতে পারে—‘মেবার পতন’ নাটকে ইতিহাসের মূল কাঠামো বা মর্ম প্রায় ঠিকই আছে। সামন্তপতি চন্দাবৎ-এর স্থলে শালুস্থাপতি গোবিন্দসিংহ “একখানি পিতল খণ্ড উঠাইয়া কক্ষস্থ একখানি বৃহৎ আয়নায় ছুড়িয়া” মারলে এবং রাণাকে হাত ধরে সিংহাসন থেকে নামিয়ে আনলে, অথবা সৈন্যধ্যক্ষের অবীনস্থ কর্মচারীদেব নাম একটি এদিক-ওদিক হ’লে, অথবা টড-অম্বরসরণে মহাবৎ খাঁকে সাগরসিংহের পুত্র ব’লে এবং গোবিন্দসিংহের জামাতা ব’লে কল্পনা করলে ইতিহাসের মর্মে তেমন মাঝাক আঘাত লাগে না। অবশ্য, গোবিন্দসিংহের কন্যা “কল্যাণী”, অমরসিংহের কন্যা “মানসী” এবং সাগরসিংহের কন্যা “সত্যবতী” অস্তিত্বে দিক থেকে আপত্তিকর না হ’লেও এবং ভাবের প্রতিনিধি হিসাবে গুরুত্বময় হ’লেও, বাস্তব চরিত্র হিসাবে লঘু হ’য়ে পড়ায়, ঐতিহাসিক পরিমণ্ডলের প্রত্যাশিত বাস্তবতাকে তথা গুরুত্বকে আপত্তিকর মাত্রায় হ্রাস ক’রে দিয়েছে। কল্যাণীকে পতিব্রতা করা মানসীকে বিশ্বপ্রেমে-আত্মহারা করা এবং সত্যবতীকে স্বদেশপ্রেমে সর্বস্বত্যাগী করার স্বাধীনতা নাট্যকারের অবশ্যই আছে, কিন্তু স্বাধীনতা যেখানে অসংযমে পরিণত হয় সেখানেই ক্ষতিকর, ব্যক্তি সৃষ্টি করতে নিছক ভাবের প্রতীক সৃষ্টি করলে—অর্থাৎ দেশকাল নিরপেক্ষ ও মাত্রাহীন চরিত্র সৃষ্টি করলে সৃষ্টির সামগ্রিক ঐচ্ছিত্য ব্যাহত হয়। তা’ই ব’লে কল্পনামাত্রই দোষের নয়—বাস্তবতার পরিপন্থী নয়। গোবিন্দসিংহের মত জাত্যাভিমানী চরিত্র, যিনি স্বগীয় মহারাণা প্রতাপসিংহের পার্শ্বে দাঁড়িয়ে অন্ততঃ পঞ্চাশটা যুদ্ধ করেছেন—তিনি যদি মেবারের পতনে আগে মহাবৎ খাঁকে বন্দযুদ্ধে আব্দান করতে দহাবতের শিবিরে উপস্থিত হন এবং রাজপুত-কুলাকার কোন গজসিংহের

গুলিতে নিহত হন তা'হলে ইতিহাসের মর্ম আহত না হ'য়ে, বেশী ক'রেই প্রকাশিত হয়। তেমনি প্রকাশিত হয় যখন রাণা অমরসিংহ মহাবৎ খাঁর সঙ্গে সাক্ষাৎকার করেন এবং যে মহাবৎ খাঁয়ের দল মেবার ধ্বংস করেছে তাঁর হাতে তরবারি তুলে দিয়ে বলেন—“এই তরবারি নাও। এই তরবারি রাণা প্রতাপসিংহ মরবার সময়ে দিয়ে গিয়েছিলেন, বলেছিলেন—‘দেখো যেন তার অপমান না হয়।’ আমি তার অপমান করেছি। সে অপমান আমার রক্তে দৌত হয়ে থাক।” এবং শেষ পর্যন্ত মহাবৎ খাঁকে সম্মুখ যুদ্ধে আহ্বান করেন। এই দু'টি ঘটনা ইতিহাসকে আচ্ছন্ন করেনি, বরং ইতিহাসের মর্মটিকে উদ্ঘাটিতই করেছে—ইতিহাস যা' আভাষে বলেছে, নাট্যকার তা' উচ্চ ভাষায় বলেছেন। আপাত দৃষ্টিতে দেখলে মেবারের যুদ্ধ মোগলেরই বিরুদ্ধে যুদ্ধ বটে, কিন্তু একটু তলিয়ে দেখলে, মেবারের যুদ্ধ রাজপুতের বিরুদ্ধে রাজপুতদেরই যুদ্ধ—ভাইয়ে ভাইয়ে যুদ্ধ—অমরসিংহের বিরুদ্ধে মহাবৎ খাঁরই যুদ্ধ। ক্ষুরম-চালিত বিশ হাজার সৈন্যের অভিযান, মেবারের পতনের শেষ নিমিত্ত কারণ বটে, কিন্তু আসল কারণ—মোগল পদানত রাজপুত রাজাদের কুটিল চক্রান্ত, মহাবৎ খাঁর মত মহাবীর যোদ্ধার উদ্ভূত আক্রমণ। এই তো ইতিহাসের মর্ম বা আত্মা। নাট্যকার এই মর্মকেই ব্যক্ত করেছেন—ইতিহাসের সূক্ষ্ম দেহটিকে প্রকাশ করেছেন। এই কারণেই—সেনাপতি মহাবৎ খাঁ মেবারের বিরুদ্ধে অস্ত্র পরিত্যাগ ক'রে সম্রাটকে পত্র লিখেছেন; তাই সাহাজাদা খুরম এই যুদ্ধে স্বয়ং এসেছেন”—এই কল্পনা এবং গোবিন্দসিংহের এবং অমরসিংহের শেষ আচরণ ইতিহাসের প্রতিকূল কল্পনা হয়নি। তবে, তিন সিংহের তিন কন্যা ভাবাবেগে এবং আচরণে আর একটু সংঘত হ'লে ঐতিহাসিক ভাবশুদ্ধি কথা বস্তুবতার গুরুত্ব যে আরো বৃদ্ধি পেত সে বিষয়ে কোন সন্দেহ নেই।

বৃত্ত-পরিকল্পনা

মেবার-পতন নাটকের বিষয়বস্তু নির্বাচনের ব্যাপারে যে প্রেরণা কাজ করেছিল, সে সম্বন্ধে আগেই সামান্যভাবে আলোচনা করা হয়েছে। এখানে সে সম্বন্ধে বিশেষভাবে দু' একটা কথা বলে নিতে চাই। জাতীয় জীবনে উদ্দীপনা সৃষ্টি করা মূল উদ্দেশ্য হ'লেও, এই নাটকের বিশেষ উদ্দেশ্য ছিল—মেবার-পতন উপলক্ষ্য করে জাতীয় দুর্বলতার এবং পরাধীনতার মূল কারণ বিশ্লেষণ করা—জাতিকে আত্মসমালোচনায় প্রবৃত্ত করা, —জাতির ক্ষুদ্রতা, বদ্ধতা, ভ্রাতৃত্বোহিতা, বিজাতিবদ্বেষ—প্রাণহীন আচরণে কঙ্কাল উপাসনা প্রভৃতি মনুষ্যত্ববিরোধী দোষগুলির অর্থাৎ পতনের কাবণগুলি উপর আলোকপাত করা, এবং সঙ্গে সঙ্গে জাতির কাছে পুনরুজ্জীবনের ও প্রকৃত মুক্তির পথ—“হতাশাময় বর্তমান” থেকে মুক্তির উপরে নির্দেশ করা। মেবার-পতনের নাট্যকার একাধারে মেবারের মত একটা মহাজাতির পতনের কারণ এবং উত্থানের উপায় উপস্থাপিত করতে চেষ্টা করেছিলেন। জাতীয় চেতনার ক্রমবৃদ্ধির সঙ্গে সঙ্গে, মুক্তির জন্য ব্যাকুলতা বৃদ্ধির সঙ্গে সঙ্গে, জাতির অসহিষ্ণুতা যখন মুক্তির উপায় হিসাবে বিজাতি বাদ্বেষের ও হিংসার সহজ পথ খুঁজে নেওয়ার দিকে ঝুঁকেছিল - আত্মশুদ্ধির হুঁসখ্য সাধনাব প্রকৃত পথে না এগিয়ে সস্তায় কিস্তিমাংস করবার চেষ্টা করছিল, তখন নাট্যকার এবং সমসাময়িক বহু চিন্তাশীল ব্যক্তি জাতির কাছে আত্ম-সমালোচনার এবং আত্মশুদ্ধির আহ্বান জানিয়েছিলেন। তারা বলতে চেয়েছিলেন—“জাতীয় উন্নতির পথ শোণিতের প্রবাহের মধ্য দিয়ে নয়... জাতীয় উন্নতির পথ আলিঙ্গনের মধ্য দিয়ে.....নিজে নীচ, কুটিল, স্বার্থসেবী হ'য়ে... .. স্মৃতি মাথায় রেখে, অতীত গৌরবের নির্বাণ প্রদীপ কোলে ধরে চিরজীবন হাহাকার করলেও কিছু হবে না।” তারা বলতে চেয়েছিলেন—কোন

জাতির পতন হঠাৎ এবং একদিনে হয় না, জাতির পতন আরম্ভ হয় সেদিন থেকেই, যেদিন থেকে সে নিজের চোখ বেঁধে আচারের হাত ধরে চলে, যেদিন থেকে সে স্বাধীন চিন্তার শক্তি হারিয়ে ফেলে, জাতির জীবন-শ্রোত বন্ধ হয়ে যায় এবং সেই বন্ধজালায় নীচ স্বার্থ, ক্ষুদ্রতা, ভ্রাতৃত্বোহিতা, বিজাতিবিশেষ প্রভৃতি কীট বংশ বিস্তার করতে থাকে—ধর্মের আসনে প্রাণহীন আচারের কঙ্কাল তথা পাপকে বসিয়ে পূজা করে। তাঁরা বলতে চেয়েছিলেন—যখন একটা জাতি যায়—সে নিজের দোষেই যায়—... যখন জাত নির্জীব হ'য়ে পড়ে, তখন ব্যাধি প্রবল হ'য়ে উঠে আর—বিভীষণ তার ঘরে ঘরে জন্মায়।”—এই দোষ থেকে জাতিকে মুক্ত না ক'রলে স্বাধীনতা-সংগ্রামে জয়লাভ করা অসম্ভব। যেখানে ব্যক্তির মন সাম্প্রদায়িক চেতনার উর্ধ্বে উঠে, জাতীয়-চেতনার উদার আকাশে এক হ'তে পারে না, ধর্মীয় আচার-বিচারকে মনুষ্যত্বের উপরে স্থান দিতে কুণ্ঠিত হয় না, সেখানে সংঘবদ্ধ সংগ্রামের সংকল্প শূন্যে সৌধ নির্মাণেরই সমান। যেখানে ভাইয়ে ভাইয়ে বিবাদ, সেখানে মেই অধম জাতিকে রক্ষা করবে কে? যেখানে একজন বিধর্মী শত তপশ্চায় হিন্দু হ'তে পারে না, যেখানে ধর্ম ও জাতিকে এক ক'রে দেখা হয়, সেখানে হিন্দু-মুসলমান নির্বিশেষে এক জাতি গঠন—তা জাতীয় সংহতি হবে কি করে? ফাঁকি দিয়ে কোন মহৎ কাজ হয় না—হুঁ ও না। এই মহাব্যাধির প্রতিকারকল্পে এঁরা যে বিধান দিয়েছিলেন—তা' আমূল—আরোগ্য বিধান—নবধর্মের বিধান—বিশ্বপ্রেমের বিধান—বিশ্বমানবতা বোধের বিধান—তার সারমর্ম আপনাকে ছেড়ে, ক্রমে ভাইকে, জাতিকে, মনুষ্যকে, মনুষ্যত্বকে ভালবাসতে শিখতে হবে। “মনুষ্যত্ব জাগলে আর তাদের নিজের কিছুই করতে হবে না। ঈশ্বরের কোন অজ্ঞেয় নিয়মে তাদের ভবিষ্যৎ আপনিই গড়ে আসবে।” যেদিন “এ জাতি আবার মাহুষ হবে”—যেদিন “তারা এই অর্থব্ধ আচারের ক্রীতদাস না হ'য় নিজেরা আবার ভাবতে শিখবে; যেদিন তাদের অন্তরে আবার ভাবের শ্রোত বইবে, যেদিন তারা যা

উচিত কর্তব্য বিবেচনা কর্বে নির্ভয়ে তাই করে যাবে, কারো প্রশংসার অপেক্ষা রাখবে না, কারো ক্রুটির দিকে ক্রক্ষেপ করবে না। যেদিন তারা যুগজার্ণ পুঁথি ফেলে দিয়ে—নব ধর্মকে বরণ কর্বে।” সেদিন পরাধীনতার নগপাশ আপনা থেকেই খসে পড়ে যাবে, উজ্জল ভবিষ্যৎ কেউ ঠেকিয়ে রাখতে পারবে না। এই দিক থেকে হিসাব করে মহুশ্যত্ব উদ্বোধনের প্রয়োজন এঁরা এত বেশী করে উপলব্ধি করেছিলেন যে মহুশ্যত্বকেই ধর্মের আসনে বসিয়ে পূজা দিতে বিধান দিয়েছিলেন। এমন কি আপাত বিরুদ্ধ সিদ্ধান্ত করতেও ইতস্ততঃ করেননি। যে স্বাধীনতাভের ব্যাকুলতায় এত কথা, জাতীয় চেতনা উদ্দীপিত করার এত প্রয়াস, সেই বহুকাম্য স্বাধীনতা বা জাতীয়ত্বকে পর্যন্ত শিক্ষার দিতে কুণ্ঠিত হননি—বলতে চেয়েছিলেন “যেমন স্বার্থের চাইতে জাতীয়ত্ব বড়, তেমনি জাতীয়ত্বের চেয়ে মহুশ্যত্ব বড়। জাতীয়ত্ব যদি মহুশ্যত্বের বিরোধী হয় ত মহুশ্যত্বের মহাসমুদ্রে জাতীয়ত্ব বিলীন হয়ে যাক। দেশ স্বাধীনতা ডুবে যাক—এ জাতি আবার মাহুয হোক।” এই নিরপেক্ষ মহুশ্যত্ব-চর্চার এই আবেগ। জাতির মুক্তি-সংগ্রামের ক্ষেত্রে কতখানি সঙ্গত বা অসঙ্গত সে বিচারে এখানে প্রবেশ করে লাভ নেই, এখানে এটাই লক্ষণীয় যে তখন মহুশ্যত্বের মহত্তর আদর্শকেই শরণ্য বলে—মুক্তির স্বার্থ উপায় হিসাবে, গ্রহণ করবার জ্ঞান আবেদন করা হয়েছিল। তাঁদের শেষ আবেদন—“স্বজন দেশ ডুবিয়া যাক, আবার তোরা মাহুয হ’। তাঁদের কাছে মুক্তির বা স্বাধীনতা লাভের সমস্তা শেষ পর্যন্ত ‘মাহুয হওয়ার’ সমস্তা রূপেই প্রতিভাত হয়েছিল—তাঁরা মনে করেছিলেন ‘মাহুয’ হ’লেই—“শত্রু যিহাজ্ঞান তুলে গিয়ে, বিদেষ বর্জন ক’রে, নিজের কালিমা, দেশের কালিমা বিশ্বপ্রেমে ধৌত ক’রে দিয়ে”—মাহুয হতে পারলেই, সব সমস্তার সমাধান হয়ে যাবে।

এই ধারণাগুলি নাট্যকারের মনে ছিল এবং প্রকাশ পাওয়ার জ্ঞান স্বেচ্ছাগের অপেক্ষা করছিল। ‘মেবার-পতন’ কাহিনীটিকে তিনি উপযুক্ত

‘মাধ্যম’ বা বিষয় (Objective Co-relative) বলে মনে করেছিলেন এবং নির্বাচন করেছিলেন এবং তাকে কেন্দ্র করে একাধিক উপবৃত্তসম্বন্ধিত বৃত্তের পরিকল্পনা করেছিলেন। আগেই উল্লেখ করেছি, নাট্যকারের উদ্দেশ্য ছিল একাধারে মেবারের পতনের কারণ এবং পুনরুত্থানের উপায় নির্দেশ করা; আর এ কথাও বলেছি যে পতনের কারণ নাট্যকারের মতে—ক্ষুদ্রতা, ভ্রাতৃবিরোধ, জাতিবিশেষ—ভাইয়ে ভাইয়ে বিবাদ (হিন্দু-মুসলমানে বিবাদ) এক কথায় “মাছুষ হওয়া”। একদিকে মনুষ্যত্বহীন হ’য়েই যেমন বহু রাজপুত মোগলের দাস হয়ে, বংশমানের বিনিময়ে, স্বাধীনতার বিনিময়ে, প্রাণটুকু রক্ষা করতে চেষ্টা করেছিল, অন্যদিকে মনুষ্যত্বহীনতার জগুই, ধর্মান্তার জগুই মেবার তার বীর সন্তানদের অনেককে জাতিচ্যুত করে ঘৃণা ও অবজ্ঞা দিয়ে শত্রুপক্ষে ঠেলে দিয়েছিল—ধর্মত্যাগীকে জাতিচ্যুত করে শত্রুপক্ষের শক্তি বৃদ্ধি করেছিল। নাট্যকারের ধারণা—এই দোষেই রাজপুত জাতির পতন ঘটেছিল—“যখন একটা জাতি যায় সে নিজের দোষে যায়” এবং “যে জাতির মধ্যে এত ক্ষুদ্রতা সে জাতিকে ঈশ্বর রক্ষা করতে পারেন না, মাছুষ তো ছার”—যখন “ভাইয়ে ভাইয়ে বিবাদ, আর কে রক্ষা করে?” নাট্যকারের মতে মনুষ্যত্বহীনতাই সব কিছুর মূল কারণ, জাতি “মাছুষ” হ’লেই আবার তার উত্থান ঘটবে এবং স্বার্থের চেয়ে জাতীয়ত্ব বড়, জাতীয়ত্বের চেয়ে মনুষ্যত্ব আরো বড়। মোগলপদানত রাজপুতের মনুষ্যত্বহীনতা দেখানোর জন্য নাট্যকার সগর সিংহ, গজসিংহ প্রভৃতি চরিত্র সৃষ্টি করেছেন, ধর্মত্যাগী রাজপুতের প্রতিনিধি হিসাবে দাঁড় করেছেন মহাবংশীকে—এবং তাকে দিয়ে “হিন্দুর... জাতিগত বিশেষের প্রতিহিংসা নিতে” মেবার আক্রমণ করিয়েছেন, ‘ভাইয়ে ভাইয়ে’ যুদ্ধের—‘ধর্ম ধর্মে’ যুদ্ধের কল্পনাকে কার্যে পরিণত করেছেন। যে প্রতিপাককে তিনি এদের আলম্বন করে উপস্থাপিত করেছেন তা’ রাণার মুখেই ব্যক্ত হয়েছে—“ভারতবর্ষের সর্বনাশ করবে ত’র নিজের সন্তান। মনে কর তজশীলা। মনে কর জয়চাঁদ। মনে কর মানসিংহ আর শক্তসি

আর সঙ্গে সঙ্গে দেখে। এই মহাবৎ খাঁ আর গজসিংহকে।”...যখন জাত নিৰ্জীব হয়ে পড়ে, যখন ব্যাধি প্রবল হয়ে উঠে, আর এই রকম “বিভীষণ” তার ঘরে ঘরে জন্মায়। এদের মধ্যে গজসিংহ একদম্বরের বিভীষণ—তার হৃদয়ে একটি তারও উচু স্বরে বাঁধা নেই। মহাবৎ খাঁ এবং সগরসিংহ স্বার্থের নির্মোকে আবৃত হ’লেও তাদের হৃদয়ে উচ্চ প্রবৃত্তির দু’একটি তার উচু স্বরে বাঁধা আছে—হৃদয়ের অন্তস্তম্ভ প্রদেশে জাতি-অভিমানের কল্লখাবা প্রবাহিত রয়েছে। মহাবৎ খাঁর মধ্যে জাতি-অভিমান একেবারে মরে নি, রাজপুতের গৌরবে সে গৌরব অম্লভব করে, গৌরব করে বলে—“আমি ধর্মে মুসলমান হলেও আমি জাতিতে এই রাজপুত”। মহাবৎ খাঁকে দিয়ে নাট্যকার এক চিলে দুই পাখী মারবার চেষ্টা করেছেন। ধর্মত্যাগী মহাবৎকে নাট্যকার ক্ষমা কবতে পারেন নি এবং—অনেককে দিয়ে অনেক কড়া কথা শুনিয়েছেন বটে, কিন্তু তাঁকে দিয়েই তিনি নতুন জাতিবোধের অর্থাৎ ধর্মনিরপেক্ষ জাতি-চেতনার ধারণা প্রচার করতে চেষ্টা করেছেন, হিন্দুর সংকীর্ণ ধর্মভিত্তিক জাতি-চেতনার অর্থাৎ অম্লদার সমাজবিধির সমালোচনা করেছেন। ধর্মত্যাগীকে যতদূর অপদস্থ করতে হয় বা ভৎসনা করা দরকার নাট্যকার তা’ করেছেন, কিন্তু ধর্মত্যাগীকে বা বিধর্মীকে যারা বিজাতি ব’লে ঘৃণা করে এবং উপেক্ষার আঘাতে জাতির শত্রু ক’রে তোলে তাদের তিনি সমালোচনা করেছেন—মহাবতের কাছে ক্ষমা প্রার্থনা কবিয়েছেন। একাধারে পতনের কারণ এবং উত্থানের উপায় নির্দেশ করার চেষ্টা ছিল বলেই মহাবৎখাঁ সম্বন্ধে নাট্যকারের দোষমন্ডাব প্রকাশ পেয়েছে এবং ইতিহাস সম্বন্ধে উপসংহার যেখানে হওয়ার কথা সেখানে না হ’য়ে, অমর সিংহ ও মহাবতের সম্বন্ধে, বাকযুদ্ধে, অগ্নি-আফালনে এবং শেষ পর্যন্ত পারম্পরিক ক্ষমা প্রার্থনায় হয়েছে। মেবারের হিন্দু ও মুসলমান জাতি-অভিমাণে আবার এক হয়েছে—আবার মামুষ হতে চেয়েছে। এই উপসংহার দেখে সহজেই মনে হ’তে পারে যে—নাটকের root-

action অমরসিংহ-মহাবৎ খাঁর বিবাদ পরিহার করা তথা বিশ্বশ্রেমে বা মহুয়াঘে উদ্ধুদ্ধ হওয়া এবং মেবার পতন নাটকের root-idea হয়ে দাঁড়িয়েছে—“স্বজন দেশ ডুবিয়া যাক—আবার তোরা মাহুয হা।” এই “root-idea” এবং “root-action”-কে প্রতিপাদিত করার জন্য নাট্যকার দু’টি পক্ষের বা শিবিরের অধানে ঘটনা সাজিয়ে বৃত্ত রচনা করেছেন এবং পক্ষের বা শিবিরের মধ্যে এক বা একাধিক উপবৃত্ত কল্পনা করেছেন। পক্ষ দুটি এখানে মোগল সাম্রাজ্য ও মেবার; মোগলের প্রতিনিধি সম্রাট জাহাঙ্গীর এবং মেবারের প্রতিনিধি রাণা অমরসিংহ। মোগল পক্ষে আছে সম্রাটের সৈন্যাধ্যক্ষগণ আর আছে—রাজপুত কুলঙ্গার গজসিংহ ও সগরসিংহ এবং সগরসিংহের পুত্র মোগল সেনাপতি মহাবৎ খাঁ। অগ্রদিকে মেবারের পক্ষে আছে—গোবিন্দ সিংহ, সগর সিংহের কন্যা সত্যবতী, শঙ্কর, জয়সিংহ, কেশব প্রভৃতি রাজপুত সামন্তরা। আগেই বলেছি, জাতির ক্ষুদ্রতা ও দুর্বলতা দেখানোর জন্য নাট্যকার রাজপুতদের একাংশকে মোগলের দাস রূপে উপস্থাপিত করেছেন, একাংশকে ভীক ও সন্ধিকামী করেছেন এবং একাংশকে অটলপ্রতিজ্ঞ দেশৈকপ্রাণ করে গড়েছেন! মেবারের অন্তর্ভূত ও অন্তর্বিচ্ছেদের রূপটি তুলে ধরার জন্য নাট্যকার সগরসিংহের পরিবারটিকে বেছে নিয়েছেন। সগরসিংহ মোগলের কাছে আত্মবিক্রয় করে ন, তাঁর পুত্রটি মুসলমান ধর্ম গ্রহণ করে আরো একধাপ এগিয়ে গেছে—মহাবৎ খাঁ হয়ে মোগল সেনাপতি হয়েছে। অথচ সেই সগরসিংহেরই কন্যা সত্যবতী দেশের জন্য সন্ন্যাসিনী—চারণদের অধিনায়িকা। নাট্যকার এই পরিবারটিকে মেবার থেকে সম্পূর্ণ বিচ্ছিন্ন করেন নি। ষোলআনা-রাজপুত গোবিন্দ সিংহের পরিবারের সঙ্গে বৈবাহিক সূত্রে সংযুক্ত করে রেখেছেন, গোবিন্দ সিংহের কন্যা ‘কল্যাণী’কে মহাবতের পত্নীরূপে কল্পনা করেছেন। এই কল্পনা শুধু কাহিনীর জটিলতা সৃষ্টির জন্যই করেছেন তা নয় এই কল্পনাব্যবহা নাটকের “root idea”—কে পরিপোষণ করেছেন, জাতি-ধর্মের সংকীর্ণতার

উচ্চে প্রেমের আসন, এই তথ্যটিকে কল্যাণীর স্বামীর জন্ত আনন্দময় আত্মোৎসর্গের ভিতর দিয়ে প্রমাণ করতে চেষ্টা করেছেন। হৃদয়ের মিলনকে জাতি-ধর্মের বাধা দিয়ে ঠেকিয়ে রাখতে যারা চায় তারা মনুষ্যত্ব-বিরোধী কাজ করে, হৃদয়ের সহজযোগে হিন্দু-মুসলমান মিলিত হোক—সামাজিক মিলন ক্ষেত্র থেকে ধর্মের বাধা দূর হোক—এই বাণীটিই কল্যাণীর জীবন দিয়ে ফুটিয়ে তুলতে চেষ্টা করেছেন। চেষ্টা করেছেন—প্রেমকে মনুষ্যত্ব ব্যাপ্ত করতে—বিশ্বপ্রেমে পরিণত করতে, তথা জাতি-ধর্মের গভীর উর্ধ্বে হৃদয়ের মিলনক্ষেত্র রচনা করতে। মনুষ্যত্বের বা বিশ্বপ্রেমের মন্ত্র পাঠ বা প্রচার করবার জন্ত নাট্যকার উত্তরসাধিকাও সৃষ্টি করেছেন; সে মানসী—রাণা অমর সিংহের কন্যা। সে মনুষ্যত্বের ধ্যানে সমাহীতা, বিশ্বপ্রেমে আত্মহারা। নাটকের ঐ বা গীতি মানসীকে নাট্যকার অমরসিংহের পরিবারের মধ্যেই বা রাজপুরীতেই আবদ্ধ করে রাখে নি। আদর্শগতপ্রাণা হ'য়েও মানসী—গোবিন্দসিংহের পুত্র অজয়সিংহকে ভালবেসেছে—অজ্ঞাতসারে প্রাণ দিয়েছে। এইভাবে নাট্যকার তিনটি সিংহ-পরিবার সম্বন্ধ-মুক্ত দিয়ে সংযুক্ত করে রেখেছেন এবং প্রত্যেকটি চরিত্রকে মূলকার্ণের সঙ্গে প্রত্যক্ষভাবে বা পরোক্ষভাবে সম্বন্ধ করেছেন। কল্যাণী শুধুমাত্র পতিপ্রেমের আদর্শই নয়, কল্যাণী মহাবৎ খাঁয়ের মেবার অভিযানের অন্ততম প্রেরণা হয়েছে। মানসী শুধু বিশ্বপ্রেমেরই চারণী নয়, মানসী নাটকের উপসংহারকেও নিয়ন্ত্রিত করেছে। অমরসিংহ ও মহাবৎখাঁর উন্মুক্ত তরবারির মধ্যে উপস্থিত হয়ে, বিশ্বপ্রেমের মন্ত্রে উভয়ের আক্রোশ প্রশমিত করেছে—ধর্ম পৃথক হয়েও জাতিতে ঝাঁরা এক—সেই মুসলমান মহাবতকে ও হিন্দু অমরসিংহকে “আলিঙ্গনাবদ্ধ” করেছে। মানসীর কণ্ঠেই নাট্যকার শুনিয়েছেন, শিখিয়েছেন—জাতীয় পরাধীনতা-শোকের সাস্থনা হত্যা নহে—এর সাস্থনা—“আবার মানুষ হওয়া।”

যে মূল ভাবকে ব্যক্ত করার জন্ত একরূপ বৃত্ত পরিকল্পিত হয়েছে তা সবিস্তারেই বলা হয়েছে এবং এ কথাও বলা হয়েছে যে এই কারণেই মেবার

পতন ব্যাপারটির উপসংহার যেখানে প্রত্যাশিত ছিল সেখানে না হয়ে আরো খানিকটা এগিয়ে গিয়ে হয়েছে এবং তার জন্ম ইতিহাসকেও একটু বেকিয়ে নিতে হয়েছে। অর্থাৎ মোগলের কাছে অমরসিংহের আত্মসমর্পণে নাটকের উপসংহার না ঘটিলে, পতনের পরিশিষ্ট রচনা করে উত্থানের উপায়ের দিকে অঙ্গুলি নির্দেশ করা হয়েছে—মহাবৎ খাঁর সঙ্গে অমর সিংহের সাক্ষাৎকার ও বন্দযুদ্ধের উত্তম এবং শেষপর্বন্ত উভয়ের ক্ষমা প্রার্থনা দেখানো হয়েছে। এই পরিশিষ্ট পরিকল্পনায় বৃত্তের একাগ্রতা তথা রসনিষ্পত্তি ব্যাহত হয়েছে কি না তা' অবশ্য বিচার্য বিষয়। এখানে শুধু বৃত্তের একাগ্রতা সম্বন্ধেই আলোচনা করা হবে—রসনিষ্পত্তি সম্বন্ধে আলোচনা করা হবে রসবিচার অধ্যায়ে। বৃত্তের একাগ্রতা অঙ্গুল ধাকে সেখানেই যেখানে root-idea বা premise হয় সুস্পষ্ট এবং উপযুক্ত root action-এ নাটকের উপসংহার (লসনের মতে—climax) ঘটে। সুতরাং একাগ্রতা আছে কি নেই এই প্রশ্নের উত্তর দিতে হ'লে, প্রথমেই স্থির করতে হবে নাটকের মুখ্য প্রতিপাত্তি। এই নাটকের মুখ্য প্রতিপাত্তি কি তা' নাটকের নামকরণের মধ্যেই নিহিত আছে, নাটকের মধ্যেও পাত্রপাত্রীদের কণ্ঠে ঘোষিত হয়েছে। সিদ্ধান্তবাক্যের আকারে বললে বলতে হবে—যে জাতির মধ্যে এত ক্ষুদ্রতা—ভাইয়ে ভাইয়ে বিবাদ, যে জাতি মহুযাত হারিয়ে সংকীর্ণ স্বার্থে মগ্ন, সেই জাতির পতন অনিবার্য। এই প্রতিপাত্তি থেকে পাওয়া যাচ্ছে এই যে স্বাধীন রাজপুত জাতির শেষ প্রতিনিধি মেবার, রাজপুত রাজাদের ক্ষুদ্রতা ও অন্তর্বিরোধের ফলেই—মহুযাতহীনতার জন্মই, মোগলের কাছে পরাজয় স্বীকার করতে তথা মাথা নত করতে, স্বাধীনতা বিকিয়ে দিতে বাধ্য হয়েছে। রাজপুত রাজাদের মহুযাতহীনতা ও অন্তর্বিরোধের ফলে, রাজপুত জাতির স্বাধীনতা এবং তার শেষ প্রতিনিধি মেবারের প্রতিরোধ শক্তি ও স্বাধীনতা-পর্ব নষ্ট হয়ে গিয়েছিল, এই ঐতিহাসিক সত্যকে ব্যক্ত করাই নাটকের উদ্দেশ্য বটে কিন্তু অমর সিংহের পরাজয় ও মোগল-অধীনতা স্বীকারের সঙ্গে সঙ্গে মেবার

পতন ব্যাপারটি শেষ না হওয়ায় অর্থাৎ কার্যকে আরও খানিকটা টেনে নিয়ে যাওয়ায়—দুর্গের বাইরে গিয়ে সজ্ঞাটের ফরমান নেওয়ার অপমান (মড়ার উপর খাঁড়ার ঘা) বরণ করতে অমরসিংহের অসম্মতি, পুত্রকে সিংহাসনে বসিয়ে রাজ্য ত্যাগ ক'রে বনবাসে যাওয়ার নকল্প—আহাবৎ খাঁকে ডেকে পাঠিয়ে, মেবারের সঙ্গে সঙ্গে মেবারের রাণাকে শেষ করতে আহ্বান জানানো—শেষ পর্যন্ত শোকে ক্ষোভে মহাবৎ খাঁকে হৃদয়যুদ্ধে আহ্বান এবং মানসীর অহুপ্রেরণায় উভয়েই (মহাবৎ-অমরসিংহ) অস্ত্রত্যাগ ও ক্ষমা প্রার্থনা প্রভৃতি ব্যাপারে নাটকের উপসংহার ঘটায়, এবং বিশেষ ক'রে নতুন একটা ভাবের দিকে লক্ষণীয় ঝাঁক পড়ায়—যে দেশপ্রীতির অভাবের জন্য রাজপুত জাতির তথা মেবারের পতন সেই দেশপ্রেম জাতিপ্রেমকে ডুবিয়ে দিয়ে বিশ্বপ্রেম বা মনুষ্যত্বকে ভজনা করার জন্য আবেদন করায় (“স্বজন দেশ ডুবিয়া যাক আবার তোরা মানুষ হ”) এ কথা অবশ্যই মনে হতে পারে যে বৃত্তের একাগ্রতা ব্যাহত হয়েছে, নাট্যকার তাঁর মূলভাগ বা প্রতিপাদ্য থেকে দূরে সরে গেছেন। কিন্তু একটু তলিয়ে দেখলেই দেখা যাবে যে, মূলভাবের সুরের সঙ্গে অগ্রভাবের সুর মিশলেও মূলভাব আচ্ছন্ন হয়নি এবং বৃত্তের একাগ্রতাও নষ্ট হয়ে যায় নি। “স্বজন দেশ ডুবিয়া যাক আবার তোরা মানুষ হ” বা “গিয়াছে দেশ হুংখ নাই আবার তোরা মানুষ হ”—মেবার পতন জনিত মহাশোকের সাস্থনা বাক্য মাত্র। সাস্থনায় শোকের উপশম হয়, শোকের কারণ নষ্ট হয় না, এখানেও তা হয়নি। মানসীর সাস্থনা বাক্যে ‘অমরসিংহ-মহাবৎ খাঁ’ ‘আলিঙ্গনাবদ্ধ’ হয়েছে বটে, কিন্তু যে মেবারের শব সঙ্কে করে শোকক্ষিপ্ত অমরসিংহ মহাবৎকে হৃদয়যুদ্ধে আহ্বান করেছেন, তাঁদের আলিঙ্গনের ফলে সেই শব পুনর্জীবিত হয়ে উঠে নি। মেবার তাঁর হারানো স্বাধীনতা ফিরে পায় নি বা ভাইয়ে ভাইয়ে যেখানে বিবাদ সে জাতিকে কে রক্ষা করে?—এ প্রশ্নের গুরুত্বও নষ্ট হয়ে যায় নি বরং এই কথাটাই বেশী করে মনে হয় এই ‘আলিঙ্গন’ যুদ্ধের আগে হলে মেবারের এই শোচনীয় পতন ঘটত না। মেবারের

শবের সম্মুখে দাঁড়িয়ে উভয়ের ক্ষমা প্রার্থনা উভয়ের অপরাধকেই বড় করে তোলে।

এই সম্পর্কেই আর একটা কথা—মেবার পতন, বৃত্তের পরিণতি সম্বন্ধে একটি কথা বলতে চাই। আগে একাধিকবার বলেছি, মেবার-পতনের, প্রত্যাশিত উপসংহার বা root-action মেবারের পরাজয়ে—অমরসিংহের আত্মসমর্পণে শক্তিপ্রস্রাবে (শক্তি যত সম্মানজনক হোক, সোনার শিকলের মতই বন্ধন মাত্র) কিন্তু এই নাটকে মেবার-পতনে বৃত্তের পরিণতি সেখানে হয় নি, কারণ বৃত্তের পরিকল্পনা সে ভাবে করা হয় নি। মেবার-পতনের বৃত্তে মহাবৎখাঁই মেবার-পতনের প্রধান নিমিত্ত কারণ। মেবারকে ধ্বংস করেছে—মেবারের প্রতিরোধ-শক্তি নষ্ট করেছে মহাবৎখাঁই—ক্ষুরম এসে শুধু উদয়পুর দুর্গে প্রবেশ করেছেন। ভাইয়ে ভাইয়ে বিবাদের পরিণতিই—মেবার-পতন। তাই তো দেখা যায় (পঞ্চম অঙ্কেও প্রথম দৃশ্যে)—মেবার-পতনের পরেই যুদ্ধক্ষেত্রের মহাশ্মশানে দাঁড়িয়ে অমরসিংহ “মহাবৎখাঁ—গঙ্গসিংহ” বলে বার বার চাংকার করেছিলেন তাঁদের ডেকেছিলেন পরাজিত মেবারের রাণাকে শেষ করে দেওয়ার জন্ত—যারা মেবারকে ধ্বংস করেছে তাদেরই হাতে মরবার জন্ত। মেবারের শেষ বীর গোবিন্দসিংহও এই একই কারণে মহাবৎখাঁকে ধ্বংসযুদ্ধে আহ্বান করেছেন, “রাণা প্রতাপসিংহের পুত্র যোগলের গোলাম হবে, দেখবার আগে মরতে চেয়েছেন এবং চেয়েছেন তার হাতেই যে জামাই হয়েও পুত্রহস্তা—দেশের সম্মান হয়েও যে পরের গোলাম (নিজের) ধর্মের হয়েও যে মুসলমান—রাজার ভাই হয়েও যে তার শত্রু।” গোবিন্দ সিংহের মৃত্যু কামনা চরিতার্থ হয়েছে। অমরসিংহও মৃত্যু চান—দুর্গের বাইরে গিয়ে সম্রাটের ফরমাণ নেওয়া,—এ অপমানের চেয়ে মৃত্যু ভাল। নাট্যকার এই অপমানের অপমৃত্যু থেকে অমরসিংহকে মুক্ত রাখতে চেয়েছেন—ফরমাণ নেওয়ার আগেই রাজ্যভার ত্যাগ করিয়েছেন বটে কিন্তু সম্ভাবিত সম্রাটের চাকীতির্ময়গাঢ়তিরিচ্যুতে—“wounded spirit who can bear”

—রাণাও ডেকে পাঠিয়েছেন মহাবৎথাকে—সম্পূর্ণ ধ্বংসকার্কে সম্পূর্ণ করতে, মেবারের সঙ্গে মেবারের রাণাকেও শেষ করতে। এই পরিকল্পনা মেবার-পতন-বৃত্তেরই অতিস্বাভাবিক পরিণতি—সম্ভাব্য উপসংহার (Resolution)। অতএব এই পরিশিষ্ট কল্পনায় বৃত্তের একাগ্রতা, ব্যাহত হওয়া বলতে যা বুঝায় তা হয় নি। অর্থাৎ মানসীর দার্শনিক উচ্ছ্বাসের ধাক্কায় নাটক লক্ষ্যভ্রষ্ট হয়ে যায় নি।

এই প্রসঙ্গেই উল্লেখ করা যেতে পারে—নাটকের মূল কার্য ধারার অর্থাৎ রাজনৈতিক ঘটনার সঙ্গে, সামাজিক ও দার্শনিক-তত্ত্ব-বাহী উপধারা জুড়ে দিয়ে নাট্যকার একদিকে যেমন বৃত্তের জটিলতা ও আয়তন বৃদ্ধি করেছেন, অন্যদিকে তেমনি নাটকের ভাব বা মনন মূল্য বৃদ্ধি করেছেন; কিন্তু তত্ত্বকে বহন করার জন্ত যে সব পাত্রপাত্রী নির্বাচন বা নির্মাণ করেছেন তাদের অতিরোমাণ্টিক অবাস্তব আচরণে বৃত্তের গুরুত্ব হানি ঘটেছে। যদিও বৃত্ত পরিকল্পনা আসলে ঘটনার পর ঘটনা সাজিয়ে, ঘটনাকে নানা সন্ধিতে বা পর্বে গুছিয়ে একটা কার্যকে উপস্থাপিত করা—আদি-মধ্য-অন্ত যুক্ত একটা ঘটনা—বৃত্ত বা কাহিনী তৈরি করা, তবু এ কথাও মনে রাখতে হবে যেন তেন প্রকারেণ একটা কাহিনী গড়ে তোলাই যথেষ্ট নয়, বৃত্তের সামগ্রিক গুরুত্ব প্রত্যেকটি পরিস্থিতির, পাত্রপাত্রীর প্রতিটি আচরণের ঔচিত্যের উপর নির্ভর করে এবং উপবৃত্তের দুর্বলতায় প্রধান বৃত্তের গুরুত্ব হ্রাস পায়, পারিপাশ্রিক লঘুতা কেন্দ্রীয় গুরুত্বের উপর ছায়া ফেলে—গুরুত্বকে ক্ষুণ্ণ করে। ভাবের বা তত্ত্বের দার্শনিক গুরুত্ব যতই থাক, অহুচিত চরিত্রের মুখে তা, ছোট মুখে বড় কথা’রই মতো হয়ে হয়ে পড়ে। ভাবকে সূন্দর প্রতিক্রমে ব্যক্ত করায় কল্পনাশক্তির মহিমা প্রকাশিত হয় বটে, কিন্তু যে পরিকল্পনাশক্তির বলে রূপদন্ড জীবন্তরূপ সৃষ্টি করেন, সেই শক্তির পরিচয় পাওয়া যায় না। এই নাটকের বৃত্ত পরিকল্পনায় নাট্যকার অনবদ্য নির্মাণকৌশল দেখাতে পারেন নি—ঐতিহাসিক নাটকে যে পরিমাণ বাস্তবিকতার মায়্যা থাকা উচিত সেই পরিমাণ

মায়া (illusion of reality) সৃষ্টি করতে পারেন নি। ঘটনাবিত্তাস ও চরিত্রের আচরণ বিশ্লেষণ করলেই এই সিদ্ধান্তের সত্যতা বুঝতে পারা যাবে।

ঘটনাবিত্তাস বিশ্লেষণ :

নাটকের মূল কার্য—মেবারের বিরুদ্ধে মোগলবাহিনী কর্তৃক উপযুক্ত পরি আক্রমণ, মেবারের প্রতিরোধ এবং শেষ যুদ্ধে মেবারের পতন ও পতনের প্রতিক্রিয়া। মূলকার্য যেখানে মেবারের পতন, সেখানে নাটকের আরম্ভ (exposition) অবশ্যই আক্রমণের সূচনা দিয়েই হবে এবং নাটকের উপসংহার ঘটবে মেবার-পতনের প্রতিক্রিয়ায়। এই মূল কার্যধারাটিকে নাট্যকার পাচটি অঙ্কে ভাগ করে নিয়েছেন। প্রথম অঙ্কের উপস্থাপিত কার্য :—(ক) মোগল সৈন্য মেবার আক্রমণ করতে এসেছে (খ) রাণার ইচ্ছা সন্ধি করা—যুদ্ধে অনিচ্ছা (গ) সন্ধি প্রস্তাবের বিরুদ্ধে সেনাপতি গোবিন্দ সিংহের প্রতিক্রিয়া (ঘ) গোবিন্দ সিংহের প্ররোচনায় রাণার যুদ্ধযাত্রা ও দেবার যুদ্ধে জয়লাভ করে বিজয়গর্বে উদয়পুরে প্রবেশ। দ্বিতীয় অঙ্কের কার্য :—(ক) মেবার আক্রমণ করার জন্য নতুন মোগল সৈন্য এসেছে (খ) রাণার নৈরাশ্র ও যুদ্ধে অনিচ্ছা—সন্ধির সংকল্প (গ) সত্যবতীর দেশভক্তির উদ্দীপনায় রাণার সঙ্কল্প পরিবর্তিত—রাণার যুদ্ধপ্রস্তুতি। (ঘ) মোগল সেনার পরাজয় (ঙ) পরাজয়ের পরে, আবার সাহাজাদা পরভেজের অধীনে এবারে সৈন্য প্রেরণ। তৃতীয় অঙ্কের কার্য :—(ক) সামন্তদের বিজয়োল্লাস (খ) চিতোর দুর্গ অধিকার (বাহুবলে নয়, সগর সিংহের দানে) (গ) মহাবংশীর রাজপুত জাতি উচ্ছেদ করার, হিন্দু ধ্বংস করার সঙ্কল্প (ঘ) পরভেজের পরাজয়ে জাহান্নীর উত্তেজনা (ঙ) আত্মহত্যা করে সগর সিংহের প্রায়শ্চিত্তবিধান। চতুর্থ অঙ্কের কার্য :—(ক) মহাবংশী লক্ষাধিক সৈন্য নিয়ে যুদ্ধে এসেছেন নিরীহ গ্রামবাসীদের ঘর পুড়িয়ে দিচ্ছেন। (খ) প্রতিশোধের জন্য অমর সিংহের ও গোবিন্দ সিংহের শেষ সঙ্কল্প (গ) অস্ত্রান্ত সামন্তদের নিবেদন সত্ত্বেও রাণার যুদ্ধ ঘোষণা এবং যুদ্ধে পরাজয়।

পঞ্চম অঙ্কের কার্য :—(ক) পরাজিত অমরসিংহের উন্নতকরণ প্রতিজ্ঞিয়া যুত্বেবরণের ঐকান্তিক আকুলতা (খ) স্বাধীন মেবারকে যবনের পদদলিত দেখবার আগে গোবিন্দসিংহও মরতে চান এবং চান বলেই মহাবৎ থাঁকে দ্বন্দ্বযুদ্ধে আহ্বান জানান (গ) দুর্গের বাইরে গিয়ে সম্রাটের ‘ফরমান’ নিতে হবে বলে রাণা পুত্রকে সিংহাসনে বসিয়ে রাজ্যভার ত্যাগ করেছেন (ঘ) রাণা অমরসিংহ মহাবৎ থাঁকে ডেকে পাঠান এবং মেবারের সঙ্গে মেবারের রাণাকেও শেষ করবার জন্ত অমরোধ করেন—অমরোধ রক্ষা না করায় দ্বন্দ্বযুদ্ধে আহ্বান করেন—(ঙ) মানসী এসে দু’জনকে নিরস্ত করে এবং উভয়ে ক্ষোভ প্রকাশ ও ক্ষমা প্রার্থনা করে ‘আলিঙ্গনাবদ্ধ’ হয়। নাটকের মূল কার্য এইটুকুই। বলা বাহুল্য, শুধু এই কার্য উপস্থাপনা করার জন্ত যে বৃত্ত আবশ্যক তার খুব একটা বড় জটিল হওয়ার সম্ভাবনা নেই কিন্তু নাট্যকার মূল কার্যের সমান্তরালে একাধিক উপধারা সৃষ্টি করেছেন। এর ফলে নাটকের কাহিনীতে অভূত জটিলতার সৃষ্টি হয়েছে। আগেই বলা হয়েছে, প্রেমের মহিমা প্রতিষ্ঠিত করতে ‘কল্যাণী’কে, দেশপ্রেমের মহিমা দেখাতে ‘সত্যাবতী’কে এবং প্রেমের, বিশ্বপ্রেমের ও সেবাস্বর্ষের মহিমা প্রচার করতে ‘মানসী’কে সৃষ্টি করা হয়েছে। এদের ব্যক্তি-সম্পর্কের ক্ষেত্রে স্থাপনা করতে গিয়ে নাট্যকার কল্যাণীকে গোবিন্দসিংহের কন্যারূপে এবং মহাবৎ থাঁর পত্নীরূপে কল্পনা করেছেন, সত্যাবতীকে সগরসিংহের কন্যারূপে এবং মানসীকে অমরসিংহের কন্যারূপে এবং অজয়সিংহের প্রণয়িনীরূপে কল্পনা করেছেন। এইভাবে নাটকের বৃত্তটির মধ্যে একাধিক উপবৃত্ত গড়ে উঠেছে। ‘কল্যাণী-মহাবৎ থাঁ’, ‘মানসী-অজয়’ সত্যাবতী ও সগরসিংহকে কেন্দ্র করে কয়েকটি প্রাসঙ্গিক বৃত্ত রচিত হয়েছে। এই সব প্রাসঙ্গিক বৃত্তের কার্য উপস্থাপিত করতে এক একটি অঙ্কের মধ্যে একাধিক দৃশ্য কল্পনা করতে হয়েছে। প্রথম অঙ্কে রয়েছে ৮ দৃশ্য, দ্বিতীয় অঙ্কে—৭ দৃশ্য, তৃতীয় অঙ্কে ৫ দৃশ্য, চতুর্থ অঙ্কে—৬ দৃশ্য এবং পঞ্চম অঙ্কে—

৮ দৃশ্য ; মোট ৩৪ দৃশ্যে নাট্যকার সমস্ত কাৰ্যটি উপস্থাপিত করেছেন। কল্যাণী মহাবৎ খাঁকে এখনও স্বামী বলে মনে মনে পূজা করে ; পিতৃগৃহে থাকলেও, এমন একদিন আসে যেদিন সে পিতা বুঝে না, ভ্রাতা বুঝে না, ধর্ম বুঝে না, পতিকেই সে একমাত্র ধর্ম বলে বুঝে ; পতির কাছে আত্মসমর্পণ করতে সে ঘরের আশ্রয় ছেড়ে পথে বের হয়ে পড়ে। মহাবতের সঙ্গে তার পথেই দেখা হয়, কিন্তু মিলন হয় না। ভ্রাতার মৃতদেহ ও দেশবাসীর রক্তশ্রোত মিলনের পথে দুলভ্যা বাধা হয়ে দাঁড়ায়। মানসীর প্রেরণায় সে তার ব্যর্থ প্রেমকে মনুষ্যত্বে ব্যাপ্ত করে স্থখী হতে চেষ্টা করে।—এই সব ঘটনা নিয়ে কল্যাণী-উপবৃত্ত গড়ে উঠেছে। মানসী-অজয় উপবৃত্ত গড়ে উঠেছে নিম্নলিখিত ঘটনা নিয়ে :—মানসী রাজকন্যা। গোবিন্দসিংহের পুত্র অজয়কে সে ভালবাসে, ভালবাসতে চায় সে প্রত্যেক মনুষ্যকে। সমবেদনায় তার অন্তর পূর্ণ। সে বিবাহ করতে চায় না—বিবাহের চেয়েও মহৎ কাজ করতে চায়। অতিথিগণা খুলে দীন দুঃখীকে সেবা করে! যুদ্ধে যেতে চায়—আহতদের সেবা করতে। যুদ্ধে যায়ও এবং আহতদের সেবাও করে। অজয় তার আচরণে মুগ্ধ হয়—বিশ্মিত হয়। কুষ্ঠাশ্রম খুলেছে কুষ্ঠরোগীদের সেবা করতে। পিতা সঙ্গে সে জীবনদর্শন নিয়ে আলোচনা-আলোচনা করে এবং পিতার মায়াবাদী ভ্রান্ত চিন্তা খণ্ডন করে। অজয়ের মৃত্যু মানসীর ‘প্রেমভিখারিণী দুর্বলা রমণী’ রূপটি ব্যক্ত করে দেয়—মানসীর শোকের উচ্ছ্বাস সব সাস্থনা ছাপিয়ে উঠে। কিন্তু এই ঝড়ের পরে মানসী আবার তার কর্তব্য পথ বেছে নেয়—মহুগের কল্যাণে সে জীবন উৎসর্গ করতে সক্ষম করে। ‘সগরসিংহ-সত্যবতী-মহাবৎ’কে ঘিরে যে উপবৃত্ত রচিত হয়েছে তাতে রয়েছে :—সগরসিংহ রাণাপ্রতাপের ভাই হওয়া সত্ত্বেও মোগলদাস হয়ে আগ্রায় আছেন, সঙ্গে আছে তাঁর দৌহিত্র অরুণ—সত্যবতীর পুত্র। তিনি নামেই রাজপুত ও হিন্দু; যুদ্ধ তার কাছে আতঙ্ক; হিন্দু সংস্কৃতির সঙ্গে তার কোন পরিচয় নেই। কাঁটা দিয়ে কাঁটা তোলার উদ্দেশ্যেই সম্রাট

তাকে রাণা পদে অভিষিক্ত করে চিতোরে পাঠিয়ে দেন। কিন্তু কালক্রমে সগরসিংহের মধ্যে ভাবান্তর ঘটে। সত্যবতীর ভৎসনায় তাঁর চোখ ফোটে, মাকে তিনি চিনতে পারেন। চিতোর দুর্গ ত্যাগ করে তিনি সন্ন্যাসী হন—মহাবতের সঙ্গে দেখা করেন, পুত্রকেও পাপের প্রায়শ্চিত্ত করতে আহ্বান করেন। জাহাঙ্গীরের সামনে গিয়ে তিনি নির্ভীক চিত্তে সত্য ভাষণ করেন এবং পাপের প্রায়শ্চিত্ত করতে নিজ বক্ষে ছুরিকাঘাত করেন।

এই সব প্রাসঙ্গিক বৃত্তের ঘটনাকে স্থান দিতে নাট্যকারকে অনেকখানি অবকাশ সৃষ্টি করতে হয়েছে। দৃশ্যগুলি বিশ্লেষণ করলেই কে কতখানি স্থান নিয়েছেন পরিষ্কার বুঝা যাবে।

***প্রথম অঙ্কের প্রথম দৃশ্য—**(১) গোবিন্দসিংহের কুটিরে, গোবিন্দসিংহ অজয়সিংহের কথোপকথনের ভিতর দিয়ে প্রধান কাৰ্ধারার বীজস্থাপনা করা হয়েছে—জানানো হয়েছে—মোগল সৈন্য মেবার আক্রমণ করতে এসেছে (২) রাণার ইচ্ছা সন্ধি করা (৩) রাণা অমরসিংহ বিলাসী ও আরামপ্রিয়, যুদ্ধবিমুখ হয়েছেন। এই দৃশ্যেই ‘কল্যাণী’কে দেখানো হয়েছে—বটে, কিন্তু কল্যাণী তাঁর শেষ উক্তির মতোই—অশুভ। কল্যাণীর কান্নার অর্থ গোবিন্দসিংহ বুঝতে পারেননি, দর্শকরাও পারেন না। “যদি জানতে বাবা। যদি বুঝতে!”—শুধু এইটুকুই বুঝায় যে কল্যাণী ভয়ে কাঁদেনি, কেঁদেছে অল্প কোন কারণে। কল্যাণী যে মহাবৎখার পত্নী তা’ আমরা জানিনে এবং জানিনে ব’লেই ‘কারণ’টিও বুঝতে পারিনে, অবশ্য কল্যাণী সম্বন্ধে একটু কোতূহল সৃষ্টি হয়।

দ্বিতীয় দৃশ্য—উদয়পুরের পথ।

এই দৃশ্যে চরিত্রী সত্যবতীকে প্রথম উপস্থাপিত করা হয়েছে। এবং তার চরিত্রের বীজটিও স্থাপনা করা হয়েছে। সত্যবতীকে রাজসভায় নেওয়ার আগেই দর্শকদের সামনে উপস্থিত করা হয়েছে।

*[চরিত্রটি চূড়ান্ত রোমাণ্টিক—এক কথায় দেশপ্রেমের মূর্ত আবেগ। একদিন সকালে ‘মেবার মেবার’ বলে চৈতন্যে উঠে বেরিয়ে পড়েছিল, তারপর মেবারে এসে—গ্রামে উপত্যকায় মেবার-মহিমা গেয়ে বেড়াচ্ছে। এর অধিক পরিচয় কেউ জানে না, নিজেও সে কোন পরিচয় দেয়নি। অতএব দর্শকের কোতুলও অমার্জনীয়। তাই অজয় বা অমরসিংহ কেউ তাকে চেনে না]

তৃতীয় দৃশ্য—উদয়পুরের রাজসভা। (মন্ত্রণা সভা বলাই ঠিক) যুদ্ধের বিরুদ্ধে রাণার যুক্তি—জয়সিংহ-কেশব-কৃষ্ণদাস-শঙ্কর প্রমুখ সামন্তদের সেই যুক্তি খণ্ডন। গোবিন্দসিংহের উদ্দীপনাময় ভাষণ। তা’ সত্ত্বেও রাণার সন্ধিস্বাপনের সঙ্কল্প—সন্ধিপ্ৰস্তাব জানাতে মোগল দূতকে আহ্বান। সেই মুহূর্তে ‘বেগে সত্যবতীর প্রবেশ’ সন্ধিপ্ৰস্তাবে বাধা সৃষ্টি—সত্যবতীর অনমনীয় সঙ্কল্পে শেষ পর্যন্ত রাণার যুদ্ধযাত্রা। (আধিকারিক বুত্তের কার্য)।

চতুর্থ দৃশ্য—আগ্রায় মহাবৎ খাঁর গৃহ।

সেনাপতি মহাবৎ খাঁ এবং সৈন্যাধ্যক্ষ আবদুল্লাহর কথোপকথনের ভিতর দিয়ে একদিকে প্রথম যুদ্ধের সেনাপতি হেদায়েৎ আলি খাঁর ভীক প্রকৃতিটি অত্রদিকে মহাবৎ খাঁর পরিচয় ও প্রকৃতি সূচিত করা হয়েছে। মহঃ ৭ খাঁকে উপস্থাপিত বা প্রকাশিত করাই এখানে মুখ্য উদ্দেশ্য।

পঞ্চম দৃশ্য—মোগল শিবির। শিবির প্রান্তে খাঁ খানান হেদায়েৎ আলি খাঁ ও অধীনস্থ কর্মচারী হুসেনের আলাপ-আলোচনা। যুদ্ধ আসন্ন এই সংবাদটুকু দেওয়ার জন্য এবং হেদায়েৎকে দিয়ে লঘু পরিহাস সৃষ্টি করবার জন্যই দৃশ্যটি পরিকল্পিত।

ষষ্ঠ দৃশ্য—উদয়নাগরের ভীর। মানসী-অজয় উপবৃত্তের ভিত্তি এখানে স্থাপিত হয়েছে। ‘মানসী’ অজয়কে ভালবাসে শুধু—অজয়কেই নয়, মানসী ভালবাসে যাহ্নকেই—তার উদার হৃদয়ে ৭ মধ্যে সে বিশ্বজগৎকে আলিঙ্গন করতে চায়। মনে গ্রাণে সে যুদ্ধের বিরোধী। যুদ্ধ যদি অনিবার্যই

হয়, হত্যালীলা সে যদি বন্ধ নাই করতে পারে, তাহলে সে আহতদের শুশ্রূষা করতে তো পারে। সেবাত্র সে গ্রহণ করে।

আধিকারিক বৃত্ত স্পর্শ করে থাকলেও এই দৃশ্যটির একাংশে আছে অজয়-মানসী উপবৃত্তের কার্য, অত্র অংশে আছে—অমরসিংহের পারিবারিক বৃত্তের ব্যাপার—বিশেষ করে রাণী-চরিত্রের বীজহাপনা।

সপ্তম দৃশ্য—মেবার-যুদ্ধক্ষেত্র। শিবিরভাঙন্তরে হেদায়েৎ হুসেনের কথোপকথন। সেনাপতি হেদায়েৎকে দিয়ে হাশ্ররস সৃষ্টির এবং মোঘল শক্তির পরাজয়ের সংবাদ দেওয়ার চেষ্টা। [সেনাপতিকে এত লঘু বা ভাঁড়ে পরিণত করায়, ঐতিহাসিক ঘটনা হিসাবে যুদ্ধের যতখানি গুরুত্ব প্রত্যাশিত তা পাওয়া যায় না।]

দৃশ্যান্তর—যুদ্ধক্ষেত্র। সেবাত্রচারিণী মানসী অন্ধকারে যুদ্ধক্ষেত্রে এসেছে—আহতদের শুশ্রূষা করবার জন্ত; হত্যালীলার মধ্যে অমৃতবতীকার মত। এখানে অজয় এসেছে ‘সমৈত্তে’ এবং মানসীর মুখে অপূর্ব ‘জ্যোতি’ দেখে বিস্মিত হয়েছে।

[ভাবের নিরপেক্ষ প্রকাশ হিসাবে—মানসী সত্যিই “একটা সৌন্দর্য। একটা গরিমা। একটা বিশ্বয়।” কিন্তু মানসীর এই আচরণ কালাতিক্রমণ দোষে ছুট—অতি অবাস্তব করনা। ক্লোরেন্স নাইটিংলের মতো রাজকন্ডার যুদ্ধক্ষেত্রে শুশ্রূষা করতে যাওয়া, বিশেষতঃ এই যুদ্ধে—অতিশায়ী ভাবানুভারই নিদর্শন]

অষ্টম দৃশ্য—উদয়পুরের রাজপথ। গীতসহ বিজয় শোভাযাত্রা।

* [প্রথম আক্রমণ প্রতিহত করবার সঙ্গে সঙ্গে প্রথম অঙ্কের কার্য শেষ।]

* **দ্বিতীয় অঙ্ক—প্রথম দৃশ্য—**“আগ্রায় রাজা অমরসিংহের গৃহকক্ষ”
সগরসিংহ ও অরুণসিংহের কথোপকথনের ভিতর দিয়ে—আধিকারিক

বৃত্তের সঙ্গে অপরিহার্য যোগেযুক্ত সগরসিংহের উপস্থাপনা করা হয়েছে—তার চরিত্রের বৈশিষ্ট্য নির্দেশ করার চেষ্টা করা হয়েছে, সত্যবতীর বিশেষ পরিচয় দেওয়া হয়েছে—হিন্দুসমাজের গোঁড়ামীর ও সন্ধীর্ণতার সমালোচনা করা হয়েছে। মূল কার্যের অগ্রগতি দেখানো হয়েছে এই—দেবারযুদ্ধের পরে সম্রাট জাহাঙ্গীর সগরসিংহকে রাণার পদে অভিষিক্ত করে মেবারে পাঠাবার সঙ্কল্প করেছেন। [সগরসিংহের আত্মবিস্মৃত হিন্দুর দৃষ্টান্ত করতে গিয়ে নাট্যকার বাড়াবাড়ি করে ফেলেছেন। এখানে বান্দীকির বা রামায়ণের নাম না স্তনলেও মহাবৎকে ভৎসনা করার সময় (৩য়-৪র্থ দৃশ্য) ব্যাস, কপিল, শঙ্করাচার্য প্রভৃতির নাম ও ধর্মের মূলতত্ত্ব গড় গড় করে বলে গেছেন। এই সমস্তার সমাধান করতে বলা যেতে পারে—সন্ন্যাস নেওয়ার পরেই ও সব নামের সঙ্গে তিনি পরিচিত হয়েছিলেন। তা না বললে বলতে হবে এই যে অরুণের সঙ্গে যে কথোপকথন তা “পরিহাসবিজলিত”।

দ্বিতীয় অঙ্ক—দ্বিতীয় দৃশ্য—উদয়পুরের রাজ অন্তঃপুর। মানসী অজয়ের আলাপ-আলোচনা—মানসীর বিশ্বপ্রেমের আবেগে অজয়ের হতাশা—রাণীর প্রবেশে উভয়ের প্রেমালোচনে বাধা—রাণীর আদেশে মানসীর প্রস্থান—অজয়ের উপর রাণীর নিষেধাজ্ঞা—অজয়ের প্রস্থান। রাণীর প্রবেশ—মানসী সঙ্কে একটু সাবধান হয়ে কথা বলতে রাণীকে নির্দেশ—রাণীর প্রস্থান। এই পর্যন্ত মানসীর ব্যাপার অর্থাৎ প্রাসঙ্গিক বৃত্তের ঘটনা।

শেষাংশে অধিকারিক বৃত্তের কার্য :—রাণার মায়াবাদী ভাবুকতা দিয়ে সূচনা—গোবিন্দসিংহের প্রবেশ ও নতুন আক্রমণের সংবাদ জ্ঞাপন। রাণার হতাশা ও দৈন্ত—সত্যবতীর রাণার যুক্তি খণ্ডন করার চেষ্টা—রাণীকে মৃত্যুপণে স্বাধীনতা রক্ষা করার জন্ত প্রেরণা ও আত্মপরিচয় দান—সত্যবতীর আত্মোৎসর্গ দেখে রাণার উদ্দীপনা—যুদ্ধের জন্ত প্রস্তুত হতে আদেশদান।

* [অজয়ের সঙ্গে এক হয়ে আমরাও মানসী সঙ্কে বলতে পারি—“তুমি

এ জগতের নও, তুমি শরীরী মহিমা, একটা স্বর্গের কাহিনী। কিন্তু যে মানসী রাত্রিকালে যুদ্ধক্ষেত্রে গুপ্তাধী করতে গিয়েছে, যে মা'র সঙ্গে বিবাহ-ব্যাপারে কথাকাটাকাটি করতে লজ্জিত হয়নি, সে রাণীর আদেশ পাওয়ায়ই বিনা কথায় প্রস্থান করবে—একটু অপ্ৰত্যাশিতই বটে, মানসীকে নিয়ে শুধু অজয়ই ভাবে গদগদ হয়নি, রাণী অমরসিংহও বেশ বাড়াবাড়ি করে ফেলেছেন “ও কোথা থেকে এসেছে কিছু বুঝতে পাচ্ছি না”, “স্বর্গের একটা রশ্মি দয়া করে মর্তে নেমে এসেছে”—“অজ্ঞানী দ্বারা হতাশ প্রকাশ” করবারই মতো কথা। তারপর রাজ-অন্তঃপুরে সত্যবতীর প্রবেশ যদিও বা সমর্থন করা যায়, গোবিন্দসিংহের প্রবেশ সম্বন্ধে আপত্তি না উঠে পারে না। গোবিন্দসিংহ যত বুদ্ধিই হোন আর যত একপরিবারভুক্তই হোন, রাজনৈতিক ব্যাপার আলোচনা করতে অন্তঃপুরে প্রবেশ করবেন না।]

তৃতীয় দৃশ্য—মেবারে সায়েদ আবদুল্লাহর শিবির। আবদুল্লাহ, হুসেন ও হেদায়েতের লঘু কথোপকথন। রাজপুত্রের আক্রমণ করেছে—এই সংবাদটুকু দিয়েই দৃশ্যটি শেষ এবং ঐ সংবাদটুকুর ক্ষীণ সূত্রে দৃশ্যটি নাটকের মূল কার্যের সঙ্গে যুক্ত হয়ে আছে।

চতুর্থ দৃশ্য—চিতোর দুর্গাভ্যন্তর। সগরসিংহের প্রতিক্রিয়া—অন্তবিক্ষোভ—আত্মধিকার। উন্নত মস্তিষ্কের যবনিকার উপরে ভীমসিংহ জয়মল প্রতাপসিংহ প্রভৃতির মূর্তি দর্শন—চিতোরদুর্গ পরিত্যাগের সংকল্প। (পরিস্থিতির গাভী মাঝে মাঝে সগরসিংহের রসিকতাবাতিকে ব্যাহত হয়েছে।)

পঞ্চম দৃশ্য—উদয়পুরের রাজ-অন্তঃপুর। মানসা ও কল্যাণীর কথোপকথনে প্রকাশ—মানসী কুষ্ঠাশ্রম স্থাপন করে পরকে সুখী করে প্রকৃত সুখ পেতে চেষ্টা করেছে—অজয়কে সে ভালবাসে—অজয়কে বডই দেখতে ইচ্ছে করে।

এই দৃশ্যই, আগ্রাবাসিনী এক ছবি ওয়ালাকে প্রবেশ করিয়ে মহাবৎ খাঁর

ছবির সাহায্যে কল্যাণীর প্রেমায়িতে ইন্ধন যোগানোর আয়োজন করা হয়েছে এবং মানসীর মুখে ধর্মতত্ত্ব-আলোচনার ও প্রেমতত্ত্ব প্রচারের সুযোগ করে নেওয়া হয়েছে। মানসী বলেছে—“যেমন সব মানুষ এক ঈশ্বরের সন্তান, সেই রকম সব ধর্ম সেই এক ধর্মের সন্তান”—আর “প্রেমের রাজ্যে স্বন্দর কুৎসিত নাই, জাতিভেদ নাই। প্রেমের রাজ্য পাখিব নয়। প্রেম-বন্ধন ব্যবধান মানে না।” শুধু বলেই মানসী ক্ষান্ত হয় নি—প্রেমতত্ত্বমূলক একটি গানও করেছে।

গানের শেষে প্রবেশ করেছেন—রাণী। সাধারণ নারীর মতোই তিনি কন্যাকে সংপাদ্রে সম্প্রদান করতে চান। কিন্তু মানসী পরিণয়ের গভীর মধ্যে জীবনকে আনন্দ রূপে রাখতে অনিচ্ছুক; তার প্রেমের পরিধি তার চেয়ে অনেক বড়। মানসীর কথা শুনে রাণীর ঠিকই মনে হয়—মেয়েটা কি শেষে ক্ষেপে গেল না কি? মানসীর আচরণ নিয়ে রাণা ও রাণীর মধ্যে আলোচনা চলে, রাণী মন্তব্য করতে বাধ্য হন—‘মানসীর এ ক্ষেপামি পৈত্রিক।’

ষষ্ঠ দৃশ্য—গোবিন্দ সিংহের গৃহের অন্তঃপুর। দৃশ্যটির মূখ্য উদ্দেশ্য—কল্যাণীকে ‘স্বামীর জ্ঞা মহা আনন্দময় উৎসর্গের পথে এগিয়ে নিয়ে যাওয়া। স্বামীর জ্ঞা—পিতার সঙ্গে কল্যাণীর বিরোধ, পিতার আশ্রয় ত্যাগ ক’রে পত্তি সন্দর্শনে যাত্রা। আধিকারিক বৃত্তের সঙ্গে এর যোগ অতি সামান্যই; ঘটনার মাঝখানে—গোবিন্দসিংহ-অজয়সিংহের কথোপকথনের সাহায্যে ষষ্ঠদৃশ্যের অগ্রগতি ঘটানো হয়েছে—অর্থাৎ সংবাদ দেওয়া হয়েছে:—যোগল আবার মেবার আক্রমণ করেছে, সেনাপতি সাহাজাদা পরভেজ, সৈন্য—প্রায় লক্ষ। বাকী সমস্তটাই কল্যাণীর পতিপ্রেমের উচ্ছ্বাসে ভর্তি। এখানে মানসীর দীক্ষার ফল ফলেছে। কল্যাণী ও অজয় প্রেমের পূজারী হয়ে উঠেছে। কল্যাণীর কাছে—“যার পতিভক্তি সর্বকালে সর্ব-অবস্থায় বিশ্বাসের মত স্বচ্ছ, করুণার মত অবাচিত, মাতৃস্নেহের মত নিরপেক্ষ—সেই সাধনী স্ত্রী।” কল্যাণীর দৃষ্ট ঘোষণা—“আমি পিচ্ছা বুঝি না, জাতি বুঝি

না, ধর্ম বুঝি না, আমার ধর্ম পতি',.....মহাবৎ খাঁ। হিন্দু হোন, মুসলমান হোন নাস্তিক হোন, তিনি আর আমি একই পথের পথিক। তাঁর সঙ্গে এর জ্ঞান যদি নরকে যেতে হয় তাই আমি যেতে প্রস্তুত।” অজয়ও কল্যাণীর আবেগ সমর্থন করে—তার কাছেও—যেখানে প্রেমের পুণ্যলোক সেখানেই স্বর্গ। কিন্তু গোবিন্দসিংহের কাছে একমাত্র ধর্ম—দেশ। যে অস্তরে দেশের শত্রু তাঁর গৃহে তাঁর স্থান নেই। কল্যাণীকে তিনি বহিষ্কৃত করেন। অজয় স্বেচ্ছায় ভগিনীর জ্ঞান গৃহত্যাগ করে তার সঙ্গী হয়।

[এই বহিষ্কার-ব্যাপারটিকে নাট্যকার পরবর্তী দৃশ্যে আধিকারিক বৃত্তের সঙ্গে যুক্ত করতে চেষ্টা করেছেন। কল্যাণীকে বিতাড়িত করা হয়েছে—এই সংবাদ শুনে মহাবৎ গোবিন্দসিংহের মুসলমানবিদ্বেষ চূর্ণ করতে—যেবার ধ্বংস করতে কৃতসঙ্কল্প হয়েছেন।]

সপ্তম দৃশ্য—চিতোরের সন্নিক্ত অরণ্য। প্রথমাংশে সগরসিংহ-অরুণ সিংহের কথোপকথন—অরুণের অতীতস্মৃতিসম্ভোগ প্রবণতা দেখে সগরসিংহ আতঙ্কিত—অরুণ যত বড় হচ্ছে তত মায়ের আকার ধারণ করছে। অরুণকে তিনি আশ্রয় নিয়ে যেতে চান কিন্তু অরুণ চিতোর ছেড়ে যাবে না। কারণ তার কাছে—মোগলের পদতলে বসে রাজভোগ খাওয়ার চেয়ে দীনা জননীর কোলে বসে শাকার খাওয়া ভাল।.....পরের দৃশ্যে স্বর্ণভাণ্ডারের চেয়েও নিজের ভাইয়ের নিঃস্ব হাসিটাও মিষ্টি। শেষাংশে সত্যবতীর প্রবেশ। অরুণের কথা শুনে সত্যবতীর আনন্দ, পুত্রকে কোলে টেনে নিয়ে আশীর্বাদ—পিতাকে তীব্রতম ভৎসনা—ভৎসনার ফলে সগরসিংহের চৈতন্যোদয়—মা'কে চিনতে পারা—দেশের সঙ্গে দুঃখ-দারিদ্র্য-অনশন বেছে নেওয়া—সত্যবতী এক মুহূর্তে পুত্র ও পিতাকে ফিরে পেয়ে মহা আনন্দিত।

তৃতীয় অঙ্ক—প্রথম দৃশ্য—উদয়পুরের সভাগৃহ। পরভেজের পরাজয়ে সামন্তদের উল্লাস। সভাকবি কিশোর দাসের 'বিজয়গীতি'। রাণার নৈরাশ্য

জানিত “হিউমার”—সত্যবতীর প্রবেশ—দেশপ্রেমের ভাবাবেশে সে মুগ্ধ। তবে রাণার ‘নিরানন্দ চাউনি’, ‘নিরস আনন’ তার দৃষ্টি এড়ায় না—মেবারের গৌরবময় দিনে রাণাকে প্রাণ থেকে নৈরাশ্য ঝেড়ে ফেলতে বলে। কিন্তু রাণা মেবারের গৌরবময় দিনটিকে যারা গৌরব করেছে তাদের গৌরবময় দিন বলে মেনে নিতে পারছেন না—যারা যুদ্ধে প্রাণ দিয়েছে তাদের তিনি ভুলতে পারছেন না। স্পষ্টভাষায় সত্যবতীকে বলেছেন—“প্রকৃত যুদ্ধ তারা করে না সত্যবতী, যারা নিশান উড়িয়ে ডকা বাজিয়ে জয়ধ্বনি করতে করতে যুদ্ধ হতে ফেরে, আসল যুদ্ধ জয় করে তারা—যারা সেই যুদ্ধ মরে।”

রাণার সেই যুদ্ধ-বিরোধী মনোভাব বা বিষাদ খুবই অল্পকালস্থায়ী। সত্যবতী শুভ সংবাদ অর্থাৎ রাণা সগরসিংহ রাণার হস্তে চিতোরদুর্গ ছেড়ে দিয়েছেন এই সংবাদ দিতেই রাণা উৎফুল্ল ও উৎসাহিত হয়ে উঠেন এবং আদেশ দেন—“দুর্গ অধিকার কর—সেনাদল গঠন কর, অগ্রসর হও, আক্রমণ কর। শেষ পর্যন্ত যুদ্ধ কর।”

দ্বিতীয় দৃশ্য—গ্রাম্যপথপার্শ্বে একখানি অর্ধভগ্ন কুটার। কল্যাণী ও অজয়ের সঙ্গে পথে সগরসিংহের আকস্মিকভাবে দেখা ও পরিচয়। (সগরসিংহের মুখেই মহাবৎ খাঁ কল্যাণীর সংবাদ পায়)

তৃতীয় দৃশ্য—যোধপুরের মহারাজ গজসিংহের কক্ষ। গজসিংহ ও দূতবেশী অরুণ সিংহের সংলাপের সাহায্যে গজসিংহের ক্ষুদ্রতা ও নীচতা দেখানোর চেষ্টা করা হয়েছে। গজসিংহের কাছে যা “বিলোহ”, অরুণসিংহের কাছে তাই “স্বাধীনতা রক্ষা করার চেষ্টা”। অরুণকে এবং অমরকে মুখপাত্র করে নাট্যকার এখানে গজসিংহশ্রেণীর নীচমনা দেশভ্রোহীদের ভৎসনা করেছেন। গজসিংহের পুত্র অমরসিংহও পিতার অন্ত্যায় আচরণের (দূতকে বন্দী করা) বিরুদ্ধে প্রতিবাদ করেছে—এবং অতি অগ্রিয় সভ্য

বলে দিয়েছে—“মোগলের পদাঘাত আর করুণা একত্রে গলিয়ে আপনার যে সিংহাসনখানি তৈরী হয়েছে, সে সিংহাসনে বসবার জন্ত আমি আদৌ লালায়িত নই”। রাজপুত রক্তেরই কথা বটে !

চতুর্থ দৃশ্য :—মহাবৎ খাঁর বহিঃকক্ষ। মহাবৎ খাঁ কল্যাণীর ঐকান্তিক প্রেমের প্রত্যাখ্যান করে অহুতপ্ত ; কল্যাণীর কাছে তার জন্ত ক্ষমা চাইতেও প্রস্তুত। ‘কাপুরুষ অধম হীন মোগলের স্তাবক’ গজসিংহ সম্রাটের আয়তন জানাতে প্রবেশ করে এবং অন্তর্দ্বন্দ্বগ্রস্ত মহাবৎ খাঁকে বুঝাতে চেষ্টা করে——মেবার জন্মের মত পরিত্যাগ করেছেন। আপনি সে ধর্ম ত্যাগ করেছেন, মেবারের সঙ্গে বন্ধনের শেষগ্রন্থি আপনি মুসলমান হয়ে স্বয়ং ছিন্ন করেছেন। তবে আর এ দ্বিধা কেন ?

বহু যুক্তি দিয়ে গজসিংহ বুঝাতে তথা প্রেরোচিত করতে—মহাবৎ খাঁর মনটাকে মেবার-বিরোধী করতে, চেষ্টা করে।

সন্ন্যাসী বেশে সগরসিংহ প্রবেশ করেন। মহাবৎ পিতার ভাবান্তর দেখে বিস্মিত হন। পিতা-পুত্রে দেশ-জাতি নিয়ে তীব্র কথা কাটাকাটি চলে। প্রসঙ্গত কল্যাণীর কথা উঠে—এবং কল্যাণীর পিতা কল্যাণীকে নির্বাসিত করেছেন এই কথা শুনে মহাবৎ সনাতন হিন্দুধর্মের তীব্র সমালোচনা করে এবং হিন্দুর মুসলমান বিদ্বেষ চূর্ণ করবার জন্ত, হিন্দু ধ্বংস করবার জন্ত নতুন করে সঙ্কল্প গ্রহণ করে। (মহাবতের স্মৃতিতে কল্যাণী এতখানি স্থান জুড়ে আছে—না দেখলে কে বুঝবে ?)

[এই দৃশ্যে নাট্যকার একদিকে দেশ-জাতি-ধর্মের মহিমাকে উচ্চ তুলে ধরেছেন, বিজাতির-করুণাকণার-ভিখারী হওয়াকে দিক্কার দিয়েছেন, হিন্দুধর্মের মূলমন্ত্রের মাহাত্ম্য প্রচার করেছেন ; অন্যদিকে হিন্দু সমাজ-বিধানের গোঁড়ামির সংকীর্ণতাকেও আক্রমণ করেছেন। নাট্যকারের বিশেষ বক্তব্য—‘মুসলমান ধর্ম আর বাই হোক, তার এই মহত্বটুকু আছে, সে যে কোন বিধর্মীকে নিজে

বুকে করে আপনান্ন করে নিতে পারে। আর হিন্দুধর্ম?—একজন বিধর্মী—
শত তপস্যায় হিন্দু হ'তে পারে না।” এই সংকীর্ণ মনোভাবের পরিবর্তন না
ঘটলে হিন্দুর উন্নতির আশা নেই, হিন্দু-মুসলমানে সদ্ভাবের সম্ভাবনা নেই—
জাতীয় শ্রীবৃদ্ধিরও কোন আশা নেই।]

পঞ্চম দৃশ্য :—জাহাঙ্গীরের সভা।

প্রথমাংশে—পরভেজের পরাজয় সম্বন্ধে জাহাঙ্গীর ও হেদায়েৎ আলি খাঁর
আলাপ-আলোচনা। (সম্রাটের সঙ্গে হেদায়েৎ আলির রসিকতা, বিশেষতঃ
সভাগৃহে, অশোভন ও অসুচিত)। দ্বিতীয়াংশে জাহাঙ্গীর-সগর সিংহের বাক-
বন্দ, এবং দেশত্রয়ে স্বার্থের উর্ধ্ব স্থাপিত ক'রে সগর সিংহের আত্ম-
বলিদান বা প্রায়শ্চিত্ত—ত্যাগের রাজ্যের নাগরিকত্ব লাভ। [সগর সিংহের
উপবৃত্ত এখানেই শেষ হ'য়েছে।]

চতুর্থ অঙ্ক :—প্রথম দৃশ্য—উদয়সাগরের তীর। কাল জ্যোৎস্না রাজি।
দৃশ্যটির বিভাব রোমাণ্টিক ভাবের বা মায়াবাদী চিন্তারই উপযুক্ত এবং
রাণা অমর সিংহের মানসিক অবস্থাও মায়াবাদী চিন্তার উপযুক্ত জন্মভূমি।
তার কাছে অর্থাৎ যিনি সংসারকে দৃঢ় মৃষ্টিতে ধরতে পারছেন না, যার মনের
গভীরে নৈরাশ্র বাস। বেঁধে আছে—অবশ্যই “সংসার একটা প্রকাণ্ড ছলনা”
বলেই মনে হবে। সংসার ত্যাগ করবার বাসনা খুবই স্বাভাবিক। মানসী
আসতেই, উভয়ের মধ্যে গভীর দার্শনিক আলোচনা আরম্ভ হয়। মায়াবাদীরা
সংসারকে যত হয় দৃষ্টিতে দেখে, মানসী “সংসারকে অত খারাপ” ভাবতে পারে
না। সংসার তার কাছে “মনোহর মায়াময়”। বহিঃপ্রকৃতি স্কন্দর বটে, কিন্তু
প্রকৃতির বিবর্তন তো সেখানেই থেমে থাকেনি। একদিকে রয়েছে বহিঃ
প্রকৃতি, অন্যদিকে আছে “মাত্মশেষ চিন্তাজগত”—চিন্তালোক বা মনের জগত।
প্রকৃতির মধ্যেই সৌন্দর্য নিঃশেষ হয়ে যায়নি, মাত্মশেষ মধ্যেও সৌন্দর্য আছে।
তবে একথাও ঠিক—মাত্মশেষ লোভ আছে, ঈর্ষা আছে, ঘেঁষা আছে, মানসিক
ব্যাধি আছে। এখানেই মাত্মশেষ বড় দুঃখী, বড় দীন। মানসীর আবেদন—

“মাহুষ বড় ছুখী, তার ছুখ মোচন করতে হবে। সংসার বড় দীন, তাকে টেনে তুলতে হবে।” মানসী প্রস্থান করে বটে কিন্তু রাণার সৌন্দর্য্যবেগ বা মোহ কিছুতেই কাটতে চায় না—তার বোধহয়—অচেতন বস্তুও সৌন্দর্য্য অনুভব করে। তিনি জেগে জেগে স্বপ্ন দেখেন—সৌন্দর্য্যে আবিষ্ট হয়ে থাকা জেগে জেগে স্বপ্ন দেখাই বটে। রাণীর অতিবাস্তব সাংসারিক কথার ধাক্কা তার মোহ ভেঙ্গে যায়—“দৈনন্দিন গল্প, সংসার-নেমির কর্কশ-ঘর্ষের শব্দ, ঘটনার নিম্পেষণ”—এর মধ্যে প্রবেশ করতে হয়। প্রথমাংশে মানসীর বিয়ে নিয়ে স্বামী-স্ত্রীর মধ্যে কথা-কথাস্তর হয় এবং আলাপের শেষাংশে, রাজনৈতিক বিষয়ের দিকে মোড় ঘুরে যায়। দৃশ্যটির সমাপ্তি হয়—অঙ্কয়ের বিরহে মানসীর কাতরোক্তিতে ও গানে। (মানসীর উক্তিতে এই কথাই প্রকাশিত হয়েছে যে মানসীর মধ্যে রক্তমাংসের মাহুষও একজন আছে।)

দ্বিতীয় দৃশ্য :—মেবারে মহাবৎ খাঁর শিবির।

এই দৃশ্যের উদ্দেশ্য—(ক) মহাবৎ খাঁর সেনাপতিত্বেই মেবার অভিযান হয়েছে, এই ঘটনাটি উপস্থাপিত করা। (খ) হিন্দুই হিন্দুর বড় শত্রু—স্বজাতির উপর পীড়ন করে হিন্দুর যত আনন্দ, এত আনন্দ তার আর কিছুতে নয় এবং (গ) আসলে “এ জাতির সঙ্গে জাতির সংঘর্ষ নয়,—এ সংঘাত ধর্ম্মে ধর্ম্মে”। পরোক্ষত: সমাজ সমালোচনা করা।

তৃতীয় দৃশ্য :—উদয়পুরের রাজ-অন্তঃপুর কক্ষ। প্রথমাংশে—রাণা ও সত্যবতীর কথোপকথন—মহাবৎ খাঁ ও গজ সিংহ যুদ্ধে এসেছেন শুনে রাণার প্রতিক্রিয়া—অনিবার্য পরিণতির সম্মুখে দাঁড়িয়ে গভীর বেদনাকে প্রলাপ দিয়ে লুকিয়ে রাখার চেষ্টা। যে মূল কারণে মেবারের পতন, সেই কারণ সক্রিয় হয়েছে—ভাইজ্ঞ ভাইয়ে লড়াই শুরু হয়েছে; এখানেই তো আসল যুদ্ধের আরম্ভ। গজ সিংহ না আসলে স্বজনাশ সম্পূর্ণ হবে না, সেও এসেছে। রাণার

উক্তির ভিতর দিয়ে জাতীয় দুর্বলতার ক্ষত স্থানটি অনাবৃত করতে চেষ্টা করেছেন (ক) “ভারতবর্ষের সর্বনাশ করবে তার নিজের সম্ভান…… বিধাতার লিখন বার্থ হয় না।” (খ) “যখন একটা জাতি যায়—সে নিজের দোষে যায়…বিভীষণ তার ঘরে ঘরে জন্মায়।” দ্বিতীয়াংশে—গোবিন্দ সিংহের সঙ্গে রাণার দুনিবার আগ্রহ—মেবারের জন্ত প্রাণ দেওয়ার সম্বন্ধ।

তৃতীয়াংশে—রাণীর সঙ্গে রাণার প্রলাপ-বচন। (রাণীর কোন পরিবর্তন নেই—তার ধারণা “সমস্ত পরিবারটা ক্ষেপে গেল।” এই সঙ্কটের মুহূর্তে রাণীর লঘু আচরণ অস্বাভাবিক।) শেষাংশে মানসীর মুখে ধিক্কার বচন উচ্চারিত হয়েছে—“হারে অধম জাত। তোমার পতন হবে না ত কার হবে। যখন ভাইয়ে ভাইয়ে বিবাদ—আর কে রক্ষা করে।”

চতুর্থ দৃশ্য :—মেবারের একটি গ্রামস্থ পথ।

(প্রথমাংশে)—সত্যবতী-অরুণ গ্রামবাসীদের ডাকবার জন্ত গ্রাম-পরিক্রমায় বেরিয়েছে। (পল্লীর শাসকরা বা সর্দাররা কোথায়?)

(দ্বিতীয়াংশে)—গ্রামবাসীদের অসাড় ঔদাসীন্য—কোনরকমে প্রাণটা বাঁচিয়ে বেঁচে থাকার চেষ্টা।

(শেষাংশে)—শত্রুর প্রতিরোধ করতে অজয়-কল্যাণীর গ্রামবাসীদের আহ্বান—গ্রামবাসীদের পলায়ন—যুদ্ধে অজয়ের প্রাণদান। যার আদেশে এই হত্যা, গৃহদাহ, সেই সেনাপতি মহাবৎ খাঁর সঙ্গে দেখা করার জন্ত সৈনিকদের সঙ্গে কল্যাণীর গমন।

পঞ্চম দৃশ্য :—উদয়পুরের রাজসভা।

মেবারের অগণিত লোকস্বয় হয়েছে—সৈন্য সংখ্যা পাঁচ হাজারে এসে দাঁড়িয়েছে। সামন্তদের কেউ কেউ সন্ধির প্রস্তাব ওখাপন করেছেন কিন্তু রাণা

ও গোবিন্দ সিংহ অটল। রাণা যেচে যোগলের বন্ধুত্ব নিতে পারেন না ; গোবিন্দ সিংহ প্রাণ দেবেন তবু মান দেবেন না।

ষষ্ঠ দৃশ্য—মহাবৎ খাঁর শিবির।

প্রথমাংশে—মহাবৎ খাঁ-গজসিংহের কথোপকথন। রাণা অমরসিংহের বীরত্বে, রাজপুত জাতির শৌৰ্যবীর্যে মহাবৎ খাঁ গর্ব অনুভব করছেন ; ধর্ম মুসলমান হলেও জাতিতে তিনি রাজপুত। তিনি সেই রাজপুতদেরই একজন যাদের নির্ভীকতার ও স্বদেশপ্রাণতার কোন তুলনা নেই। এ আবহাওয়ায় গজসিংহের মত পতিত রাজপুতের বেশীক্ষণ থাকা সম্ভব নয়—সে প্রস্থান করে স্বস্তি পায়।

দ্বিতীয়াংশে—সৈন্য চতুষ্টিয়ের সঙ্গে কল্যাণীর প্রবেশ এবং স্বামী-সাক্ষাৎকার। যে সঙ্কল্প ও আদর্শ নিয়ে কল্যাণী পিতৃগৃহ ত্যাগ করেছিল, সেই আদর্শে অবিচলিত থাকা তার পক্ষে সম্ভব হয় না। তাঁর আরাধ্য দেবতার আসনে সে দেখে একজন ঘাতককে, একজন মনুষ্যত্বহীন ব্যক্তিস্বার্থ সর্বস্ব গর্বা মহাবৎ খাঁকে। তার মোহ ভেঙ্গে যায়। ‘অজ্ঞের মৃত্যু এবং স্বদেশের রক্তের ঢেউ উভয়ের মিলনের মধ্যে সমুদ্র-ব্যবধান সৃষ্টি ক’রেছে।

কল্যাণী ‘এক ক্ষেপে স্বামী আর ভাই’ দুই হারিয়ে ভাগ্যকে দিক্কার দেয়—এবং ‘নির্মম দেশদ্রোহী রক্তপিপাসু জল্লাদ’—‘নীচ হিংস্র ভাতৃহস্তাদের... দু’মুঠে উচ্ছিষ্টের কান্ডালদের’—অভিশাপ দিয়ে প্রস্থান করে।

*[কল্যাণীর আচরণের সাহায্যে নাট্যকার দেখাতে চেয়েছেন—
(ক) নির্বিচার আত্মোৎসর্গ অর্থাৎ দোষগুণ বিচার নিরপেক্ষ ভালবাসা কথার কথা (খ) ধর্মত্যাগ করলেই ব্যক্তি পতিত হয় না ; প্রকৃত পাতিত্যা ঘটে তখনই যখন ব্যক্তি হৃদয় হারিয়ে ফেলে—ব্যক্তিগত অভিমান চরিতার্থ করবার জন্য মনুষ্যত্বকে *বলি দেয়—অন্যায় নিষ্ঠুর কাজ করতে দ্বিধা করে না। আসল পাতিত্যা চরিত্রের বা ব্যক্তিত্বের হীনতা। কল্যাণী স্বামীর সঙ্গে

নরকে যেতে প্রস্তুত থেকেও, মহাবতের সঙ্গে মিলতে পারেনি এই কারণেই—
মহাবৎ খাঁর পাতিতাই মিলনের আসল বাধা ।]

পঞ্চম অঙ্ক—প্রথম দৃশ্য—উদয়পুরের রাজ-অন্তঃপুর ।

(ক) মানসী একাকী, গান গেয়ে মনের খেদ প্রকাশ করছে—‘কত
ভালবাসি তার—বলা হোলো না ।’

(খ) উদভ্রান্ত রাণার প্রবেশ । রাণার মূর্তি ও প্রলাপের সাহায্যে
মেবারের পতন ও তাঁর শোচনা ব্যক্ত করা হয়েছে । সমগ্র মেবারের আর্তনাদ
অমর সিংহের প্রলাপোক্তি হয়ে প্রকাশ পেয়েছে ।

*[উদভ্রান্ত ডাক্তার ভিতর দিয়ে যুদ্ধের রূপ, তার ভীষণতা পরাজয়ের
আর্তনাদ, মেবারের শোচনীয় অবস্থা অতি দক্ষতার সঙ্গে নাট্যকার ফুটিয়ে
তুলেছেন । বর্ণনাকে প্রত্যক্ষের স্থলাভিষিক্ত করতে পারা অবশ্যই শক্তিমত্তার
নিদর্শন । তবে, রাণার আচরণে দু’ একস্থলে বেশ বাড়াবাড়ি আছে । আর
রাণীর আচরণ—যদিও সামান্য—দেশ-কাল-পাত্র নিরপেক্ষ ।]

প্রথম অঙ্ক—দ্বিতীয় দৃশ্য :—মেবারের রাজ-অন্তঃপুরের একটি কক্ষের
বাহিরে যাতায়াত পথ । দুইজন পরিচারিকার কথোপকথনের সাহায্যে,
অজয়ের মৃতদেহ গোবিন্দ সিংহের বাড়ীতে আনা হয়েছে— ‘ তথ্যটি
জানানো হয়েছে এবং মানসীর আক্ষেপোক্তির তথা স্বীকারোক্তির সাহায্যে
দেখানো হয়েছে—মানসী মুখ ফুটে না বললেও, অজয়কে সে ভালবেসেছে ।
দৃষ্টিকে তৃতীয় দৃশ্যের প্রস্তুতি বলা চলে ।

তৃতীয় দৃশ্য :—গোবিন্দ সিংহের গৃহাঙ্গন । অজয়ের মৃত্যুতে গোবিন্দ
সিংহের শোক—সত্যবতীর সান্নিধ্য প্রদান, কল্যাণীর আগমনে গোবিন্দ সিংহের
প্রতিক্রিয়া, কল্যাণীর আত্মধিকার, গোবিন্দ সিংহের অল্পতাপ, মাতৃহীনা
অভাগিনী কন্যাকে বক্ষে গ্রহণ । শেষাংশে—অশ্লীল্যবিত্ত কেশা প্রস্তুতমান
মানসীর প্রবেশ, অজয়কে স্বামী বলে সম্বোধন, সকলের সম্মুখে ঘোষণা—

“অজয় সিংহের সঙ্গে আমার বিবাহ হয়েছিল, কেউ জাস্তে পারেনি—আমি নিজে জাস্তে পারিনি।” মানসীর শোক প্রকাশ, কল্যাণীর মুহূর্ত। গোবিন্দ সিংহের শোকের মাজা পূর্ণ। পুত্র, কন্যা, মেবার সব হারিয়ে তিনি সর্বস্বান্ত।

চতুর্থ দৃশ্য :—মেবারের পর্বতপ্রান্তে মহাবৎ খাঁর শিবির। গজ সিংহ ও মহাবৎ খাঁর কথোপকথনে গজ সিংহের নীচতা এবং মহাবতের রাজপুত অভিমান এবং সঙ্গে সঙ্গে হিন্দু ধর্মধ্বজীদের উপর আক্রোশ ব্যক্ত হয়েছে।

মহাবৎ খাঁ জানিয়েছেন—“আমি মোগল সৈন্য নিয়ে উদয়পুর দুর্গে প্রবেশ করতে চাই না।” এখানেই গোবিন্দ সিংহের প্রবেশ। গোবিন্দ সিংহ মহাবৎকে বন্দ্বধুন্ধে আহ্বান করেছেন। তাঁকে বধ না করা পর্যন্ত উদয়পুর দুর্গে তিনি মোগলকে প্রবেশ করতে দেবেন না, তিনি মরতে চান। তাঁর দৃষ্ট বোষণা—“আমার স্বাধীন মেবারকে যবনের পদদলিত দেখবার আগে আমি মরতে চাই। রাণা প্রতাপ সিংহের পুত্র মোগলের গোলাম হবে দেখবার আগে আমি মরতে চাই……” মহাবৎ অস্ত্র পরিত্যাগ করলে, গজসিংহ এসে গোবিন্দ সিংহকে গুলি করল। মেবারের শেষ প্রতিরোধ মাটিতে লুটিয়ে পড়ল। [গোবিন্দ সিংহের উপধারার এখানে উপসংহার হল।]

পঞ্চম দৃশ্য :—উদয়পুরের দুর্গের সম্মুখস্থ রাজপথ। দুর্গরক্ষক রাজপুত নৈনিক ও পুরবাসীর কথোপকথনের সাহায্যে—‘সাহাজাদা খুরম্ এই যুদ্ধে স্বয়ং এসেছেন। মোগলদূত সাহাজাদাব কাছ থেকে এক পত্র এনেছিল। শুনেছি তিনি সেই পত্রে রাণার বন্ধুত্ব ভিক্ষা করেন। মোগল দূত ফিরে গেলে রাণা—আজ প্রত্যুষে উঠে বোড়ায় চড়ে সাহাজাদার শিবিরের দিকে গেলেন।’—এই সংবাদটুকু জ্ঞাপন করা হয়েছে। শেষাংশে রাণা অমরসিংহ মোগল কুকুর গজসিংহকে পদাঘাত করে অতিথি সৎকার করেছেন।

বর্ষ দৃশ্য :—মেবারের গিরিপথ । সত্যবতী ও তাঁহার পুত্র অরুণ ও চারণীগণ । পতিত মেবারের মহাশ্রমশানে দাঁড়িয়ে মাতৃভূমির জন্ত গানের ভিতর দিয়ে আর্তনাদ করছে । হেদায়েৎ বিজ্রোহের গান গাইতে দেবে না—সত্যবতী ও অরুণ ‘আইন অমান্য’ করে গান গায় । হেদায়েৎ সত্যবতীকে বন্দী করতে গেলে অরুণ বাধা দেয় । সৈন্তরা অরুণকে আক্রমণ করে, অরুণ বীরের মত যুদ্ধ করে । এমন সময় প্রবেশ করেন মহাবৎ । ভাই-বোনের মধ্যে নানা অভিমানের দ্বন্দ্ব চলে—মহাবৎ স্বীকার করেন—তিনি পাপ করেছেন—নিজের হাতে নিজের ঘরে আগুন দিয়েছেন এবং পৈশাচিক উল্লাসে তার ধুমরাশি দেখেছেন । তবে মুসলমান হওয়া—বিশ্বাস অমুসারে ধর্ম গ্রহণ করা কোন পাপ কাজ—এ কথা মহাবৎ স্বীকার করেন না । আর ধর্মাস্তর গ্রহণ যদি পাপও হয় মহাবৎ জিজ্ঞাসা করেন—“সে পাপ কি এত ভয়ানক যে সে পাপ মানুষের হৃদয় থেকে সব কোমল প্রবৃত্তিকে মুছে ফেলে দিতে পারে ? আচারের নিয়ম কি এতই কঠোর যে এই নারীর হৃদয়কেও পাষণ করে দিতে পারে ? সমাজসম্পর্কের উপরে হৃদয়-সম্পর্ক জয়ী হয় । সত্যবতী মহাবৎকে—ছোট ভাই মহীপৎকে—ভাই বলে গ্রহণ করেন ।

কিন্তু হেদায়েৎ ‘আইন-অমান্য কারিগী’কে বন্দী করতে উদ্যত । মহাবৎ বাধা দিলে হেদায়েৎ মহাবৎকে সেনাপতি বলে স্বীকারই করে না । সাজাহান এসে হেদায়েৎকে শাস্ত করেন—বুঝিয়ে দেন গানটি বিজ্রোহের গান নয়, গানটি “হতাশাময় গভীর দুঃখের গান” । অস্বাভাবিক উদারতাবশে সাজাহান ঘোষণা করেন—মোগলসম্রাট কখন কোন সঙ্গত জ্বায়েচিত ভক্তি-পবিত্র মাতৃপূজায় বাধা দিবে না । তার জন্ত যদি তার এ সাম্রাজ্য দিতে হয়—দিবে । শুধু এইটুকু বলেই সাজাহান ক্ষান্ত হন না ; তিনি নিজে গানে যোগ দেন এবং হেদায়েৎকে পর্যন্ত যোগ দিতে আদেশ করেন ।

[সত্যবতীর মুখে—“মোগলের জয় হোক...মোগলের সঙ্গে আর আমাদের

বিবাদ নাই...” এই সংলাপ দেওয়া ঠিক হয়নি। সত্যবতী ‘আইন অমান্য করে জেলে যাবে, কিন্তু প্রাণ থাকতেও কথা বলবে না। হেদায়েৎ আলিকে “রাজপুরুষ” বলে বেশ চেনা যায় বটে কিন্তু সাহাজানের মতিগতি এক কথায় “অদ্ভুত”। ‘মোগল’ সাম্রাজ্য ভারতবাসীর গাঢ় স্নেহের উপর প্রতিষ্ঠিত হ’লেও, সাজাহান ভারতবর্ষের সন্তানদের মায়ের নাম গাইতে উৎসাহিত করবেন এবং চারণীদের সঙ্গে গানে যোগ দেবেন—রোমাঞ্চকর কল্পনাই বটে। মায়ের নাম গানে উৎসাহ দেওয়ার জন্তই করুন আর মুসলমান সাজাহানকে উদার প্রতিপন্ন করার জন্ত তথা মুসলমানদের সন্তুষ্ট করার জন্তই করুন, এই কল্পনা আপত্তিকর মাত্রায় অসুচিত। [আর একটা কথাও বক্তব্য—হিন্দু মুসলমান সম্ভার যত সহজ সমাধান এখানে করা হয়েছে, সমাধান তত সহজ নয়। জাতি-পরিচয়ে ও সমাজ-সম্পর্কে ধর্মের যে প্রভাব বা প্রতিপত্তি রয়েছে তা’ মুখের কথায় বা নিছক ভাবাবেগে তিরোহিত হ’তে পারে না।

জাতিধর্ম নিরপেক্ষ হৃদয়ধর্মের প্রশস্তি যতই করা হোক, ধর্মনিরপেক্ষ জাতি তৈরি করতে হলে ধর্মবিধি থেকে সমাজবিধিকে পৃথক করে যে রূপ বিধি-ব্যবস্থা আবশ্যক তা’ প্রবর্তিত না হওয়া পর্যন্ত হিন্দু মুসলমানের সমবায়ে জাতি বা সমাজগঠনের সফল দিবা স্বপ্নের স্তরেই থেকে যাবে।* এখনও রাষ্ট্রনায়করা রোমাণ্টিক সমাধানের অধিক কিছু করতে পারেননি।]

সপ্তম দৃশ্য :—উদয় সাগরের তীর। মানসী দেখতে পেয়েছে—জীবনের ক্ষুদ্র সুখহৃৎখের সীমা ছাড়িয়ে কর্তব্যপথ বহুদূরে প্রসারিত। দুঃখকে সে বশীভূত করেছে—দুঃখকে বিপরিণত করে মহুশ্য-কল্যাণের আবেগে রূপান্তরিত করেছে। কল্যাণীকেও দুঃখকে কল্যাণত্রে উর্ধ্বায়িত করে সুখী হওয়ার প্রেরণা দিয়েছে। প্রেমকে মহুশ্যে ব্যাপ্ত করতে নির্দেশ দিয়েছে।

সত্যবতী^১ প্রবেশ করে ঘটনাকে মূল কার্যধারায় ফিরিয়ে এনেছে। মানসী ও সত্যবতীর সংলাপে জানানো হয়েছে—সাহাজাদা চান যে রাণা দুর্গের

বাইরে গিয়ে সম্রাটের কর্মান নেন এবং প্রতাপসিংহের পুত্রের পক্ষে তা মৃত্যুর অধিক। তাই রাণা পুত্রকে সিংহাসনে বসিয়ে রাজ্যভার ত্যাগ করেছেন। রাজ্য ছেড়ে গিয়ে বসবাস করবার সঙ্কল্প করেছেন। সত্যবতী বলে—‘আজ মেবারের পতন হল মানসী।’ মানসী বলে—পতন বহুদিন পূর্বে হতে আরম্ভ হয়েছে। এ পতন সেই পরম্পরার একটি গ্রন্থিমাাত্র। মানসী ব্যাখ্যা করে বুঝিয়ে দেয়—কবে এবং কেন পতন হয়েছে। * [এখানেই মানসীকে মুখপাত্র করে নাট্যকার প্রাণভরে নিজের কথা বলে নিয়েছেন। নাট্যকারের মতে জাতির পতন আরম্ভ হয় সেদিন “থেকেই যেদিন থেকে সে নিজের চোখ বেঁচে আচারের হাত ধরে চলেছে, যেদিন থেকে সে ভাবতে ভুলে গিয়েছে।” জাতীর জীবনশ্রোত বন্ধ হ’য়ে গেলেই বন্ধ জলার মতো জাতির দেহেও নীচ স্বার্থ, ক্ষুদ্রতা, ভ্রাতৃবিরোধ, বিজাতি বিদ্বেষ জন্মে। ধর্ম হারিয়ে কোন জাতি বড় হ’তে পারে না। নৈতিক বল যার নেই তার পতন হবেই। ধর্মকে জীবনের ধ্রুবতারা না করলে জাতির মুক্তি কোনকালেই হবে না। যেমন স্বার্থ চাইতে জাতীয়ত্ব বড়, তেমনি জাতীয়ত্বের চেয়ে মনুষ্যত্ব বড়। জাতীয়ত্ব যদি মনুষ্যত্বের বিরোধী হয় ত মনুষ্যত্বের মহাসমুদ্রে জাতীয়ত্ব বিলীন হয়ে যাক। এ জাতি আবার মানুষ হবে—“যেদিন” তারা এই অর্থব আচারের ক্রীতদাস না হয়ে নিজেরা আবার ভাবতে শিখবে, যেদিন তাদের অন্তরে আবার ভাবের শ্রোত বৈবে, যেদিন তারা যা উচিত কর্তব্য বিবেচনা কাষে নির্ভয়ে তাই করে যাবে, কারো প্রশংসার অপেক্ষা রাখবে না, কারো ভ্রুকুটির দিকে ভ্রক্ষেপ করবে না। সেদিন তারা যুগজীর্ঘ পুঁথি ফেলে দেবে এবং ধর্মকে বরণ করবে। সেই নবধর্ম ভালবাসা—আপনাকে ছেড়ে ক্রমে ভাইকে, জাতিকে, মনুষ্যকে, মনুষ্যত্বকে ভালবাসতে শিখতে হবে। তারপরে আর—তাদের—নিজের কিছু কর্তে হবে না। *জাতীয় উন্নতির পথ শোণিতের প্রবাহের মধ্য দিয়ে নয়—জাতীয় উন্নতির পথ আলিঙ্গনের মধ্য দিয়ে।

অষ্টম দৃশ্য—উদয়নাগরের তীর। কাল—মেঘাচ্ছন্ন সন্ধ্যা। (মেবার-পতনের শোক প্রকাশের উপযুক্ত বিভাব)। রাণা অমর সিংহ আর্তনাদ করছেন—“আমার হাতে আমার মেবার, রাণা প্রতাপের মেবারের আজ পতন হল ওঃ।” এমন সময় প্রবেশ করেন—মহাবৎ খাঁ। কারণ রাণা একবার তাঁর সাক্ষাৎ চেয়েছেন। চেয়েছেন এই কথাই বলতে—“তুমি মেবার ধ্বংস করেছ। সে কাজ এখনও পূর্ণ হয়নি, তার সঙ্গে মেবারের রাণাকেও শেষ কর।” মহাবৎ অস্বীকার করলে রাণা তাঁকে ‘ভীকু ...য়েচ্ছ...কুলান্দার’ বলে ভৎসনা তথা যুদ্ধ করতে উত্তেজিত করেন। উত্তেজিত মহাবৎ অগত্যা তরবারি নিষ্কাশিত করেন।

এই উত্তত তরবারির সামনে এসে দাঁড়ান মানসী। তার মুখে এক কথা—শোকের সাস্থনা হত্যা নহে—এর সাস্থনা আবার মানুষ হওয়া। উভয়েই মানসীর বিশ্বপ্রেমের বাণী শুনে শান্ত হন। চারুণীদের গানে উভয়ের চোখ খুলে যায়। একে অন্নের কাছে ক্ষমা প্রার্থনা করেন এবং ‘আলিঙ্গনাবদ্ধ’ হন। এখানেই বৃত্তের উপসংহার—রীতিমত রোমাণ্টিক উপসংহার।

এই বৃত্ত-পরিকল্পনা, সম্বন্ধে আগেই বলা হয়েছে—বৃত্তটি রোমান্সধর্মী অর্থাৎ বহু লোকের বহু কাজকে বৃত্তে দৃশ্য করাবার চেষ্টা করা হয়েছে; ফলে এক একটি অঙ্কে পাঁচ সাতটি কোন কোনটিতে আটটি দৃশ্য যোজনা করতে হয়েছে। সুতরাং বৃত্তে নাটকীয় সংহতির স্থলে উপজ্ঞাসের বিস্তৃতি দেখা দিয়েছে এবং ঘটনার অগ্রসরণে (progression) উপজ্ঞাসের slow বা ‘gradual development’—প্রকাশ পেয়েছে।

দ্বিতীয়তঃ বৃত্ত-রচনা যেহেতু ঘটনাবলীর বিশ্লেষণ, বৃত্ত-বিচারে অবশ্যই ঘটনা-বিশ্লেষণের দোষ-গুণের কথা বলা দরকার। দৃশ্য-কল্পনার বিবরণ দিতে গিয়ে আমি ঘটনাবিশ্লেষণের দোষত্রুটির দিকে দৃষ্টি আকর্ষণ করেছি এবং অসুচিত ঘটনার প্রতি অভুলিনির্দেশ করেছি। এখানে তার পুনরুল্লেখ বাহ্যল্যমাত্র।

অঙ্গী-রসবিচার ও জাতি বিচার

বৃত্ত-পরিকল্পনার দোষগুণ সম্বন্ধে আলোচনা করতে গিয়ে আমি তত্ত্বগত একটি প্রশ্ন উত্থাপন করেছি এবং সেই প্রশ্নটি এই—নাটকে যে বৃত্ত রচনা করা হয়েছে তা'তে প্রতিপাত্ত (premise) অতিরিক্ত কিছু ব্যক্ত হয়েছে কিনা—মূল প্রতিপাত্ত থেকে দৃষ্টি সরে গেছে কি না এবং তার ফলে নাটকের রস-নিষ্পত্তিতে ব্যাঘাত ঘটেছে কি না? এই প্রশ্নটির আংশিক উত্তর সেখানেই দিয়েছি, এখানে আলোচনা করছি—রসনিষ্পত্তি ব্যাহত হয়েছে কি না? নাট্যকার ট্র্যাজেডি লিখতে কমেডি লিখে ফেলেছেন কি না অথবা নাটকখানি মেলোড্রামা জ্ঞেয় নাটকে পরিণত হয়েছে কি না?

এ কথা অবশ্য স্বীকার্য যে প্রত্যেক বড় সৃষ্টির মধ্যেই বড় 'ভাব' (idea) প্রতিপাত্ত হিসাবে থাকে, কিন্তু এ কথাও স্বীকার্য যে শুধু 'ভাব' (concept or idea) থাকলেই বড় রস-সাহিত্য হয় না, ভাবকে ব্যক্ত করার জন্ত যে রূপকল্পনা করা হয় তাকে রসাত্মক করে তুলতে হয় এবং তবেই তা'র রসরূপে পরিণত হয়। রূপকে রসাত্মক করে তোলার অর্থ—রূপকে ভাবের (আবেগের) বাহনে পরিণত করা—অর্থাৎ রূপের সাহায্যে বিশেষ বিশেষ 'ভাব'কে এবং নানা ভাবের ভিতর থেকে একটি বিশেষ ভাবকে প্রশংসা ও স্থায়ী করে তুলতে পারা। এই স্থায়ীভাবের ভিত্তিতেই রচনাকে নানা স্বেভাগ করা হয়ে থাকে। সংস্কৃত সাহিত্যশাস্ত্রে শৃঙ্গার-হাস্য-করুণ,—রৌদ্র বীর-ভয়ানক-বীভৎস-অদ্ভুত ইত্যাদি রসের নির্ধারণ ভাবের ভিত্তিতেই করা হয়েছে।

ইউরোপীয় সাহিত্যশাস্ত্রে ভাব-সংবেদনার (sensations) ভিত্তিতে যে শ্রেণী বিভাগ করা হয়েছে তা'র এক মেরুতে রয়েছে বিশুদ্ধ ট্র্যাজেডি অর্থাৎ তাঁত্র বেদনাত্মক পরিণামের 'রচনা', অপর মেরুতে আছে—লঘু বা স্থূল কমেডি বা 'প্রহসন'। পরিভাষার কচকচি বাদ দিয়ে ট্র্যাজেডি-কমেডি জ্ঞেয়ীর বিভাগের ধারণা করতে গেলে, বেদনা বা আনন্দ সংবেদনার ভিত্তিতেই করতে

হবে। সেই ভাবে করাও হয়েছে। যে রচনার ঘটনা বেদনাজনক অর্থাৎ যা 'arousing pity and fear' তাই ট্রাজেডি শ্রেণীর অন্তর্গত, আর যার ঘটনা আনন্দজনক বা হাস্যজনক তাই কমেডি শ্রেণীর অন্তর্ভুক্ত। এখানেই প্রশ্ন উঠে থাকে—বেদনা-পরিণাম রচনামাত্রকেই আমরা 'ট্রাজেডি' পদবাচ্য করতে পারি কি না? বলাবাহুল্য, এই প্রশ্নের পরিপাটি বিচারে প্রবৃত্ত হওয়ার অবকাশ এখানে নেই, তবু অতি সংক্ষেপে এবং সিদ্ধান্তের আকাশে বলে নেওয়া দরকার—'প্যাথটিক' ও 'ট্রাজিক'র মধ্যে সীমারেখা টানার চেষ্টা করা হয়েছে বটে, কিন্তু সে সীমারেখা সুস্পষ্ট বা অবিসংবাদিত হয়নি। গ্রীক ট্রাজেডি থেকে আরম্ভ করে আধুনিক কাল পর্যন্ত যত ট্রাজেডি লেখা হয়েছে, তাদের বিশ্লেষণ করলে অবশ্যই এই বিষয়টি স্পষ্টাকারে প্রতিভাত হবে যে, প্রত্যেক ট্রাজেডি লেখক তার নায়কের জ্ঞাত 'pity' জাগানোর এবং নায়কের ভাগ্যবিপর্যয় যে "unmerited suffering"—এই ধারণা জাগানোর চেষ্টা করেছেন। যে বিশেষ বিশেষ বোধের সঙ্গে যুক্ত থেকে বেদনা ট্রাজেডি পদবাচ্য হয়, সেই বোধের সম্পূর্ণ তালিকা এখনও তৈরি হয়নি বটে, কিন্তু যা' হয়েছে তা থেকে জানা যায় যে ট্রাজেডি মূলতঃ শোচনীয় ভাগ্য-বিপর্যয়ের ও তাঁর বেদনার দৃশ্য—এক কথায়, করুণ রসাত্মক রচনা। অবশ্য করুণরসাত্মক একটি আক্ষেপ বা বিলাপকে ট্রাজেডি বলতে হবে, এ কথা বলছিলেন কিন্তু যেখানে অজ্ঞেয় ও দুর্নিবাবশক্তির প্রভাবে অথবা পরিবেশের সঙ্গে বুঝাপড়া করতে গিয়ে বা প্রবৃত্তির তাড়নায় মানুষের জীবন শোচনীয় ভাগ্য-বিপর্যয়ের আবর্তে তলিয়ে যায় এবং সেই বিপর্যয় আমাদের মনে শোচনার উদ্ভেক করে সেখানে আমাদের মধ্যে ট্রাজেডি-বোধই জাগে। করুণ রসাত্মক মাত্রই ট্রাজেডি—এ সিদ্ধান্ত যদিও বা না করা যায়, ট্রাজেডি মাত্রই যে করুণ রসাত্মক এ বিষয়ে কোন সন্দেহ নেই।

এই আলোচনার পরিপ্রেক্ষিতে মেবার-পতন নাটকের অদ্বীপ বা জাতি

বিচার করতে চেষ্টা করা যাক ! নাটকখানি সার্থক ট্রাজেডি হয়েছে কি হয়নি বা মেলোড্রামা হয়েছে কি না, এই সব প্রশ্নের উত্তর দিতে, চেষ্টা না করেও, যে কথাটা আপাতদৃষ্টিতে এবং নাটকের নাম দেখেই বলা যায় সে এই যে নাটকখানি লঘু আমোদ প্রমোদ দেওয়ার উদ্দেশ্যে লেখা হয়নি—ট্রাজেডির ছাঁচে ঘটনার বিবৃতি করা হয়েছে—মেবার-পতনের মতো একটি বেদনাদায়ক গুরুত্বপূর্ণ ঘটনাকে নাটকে উপস্থাপিত করা হয়েছে। এবার আপাতদৃষ্টির স্বর অতিক্রম করে—নাটকের স্থায়ীভাব (dominant impression) বিশ্লেষণ করে দেখা যাক, ট্রাজেডির ছাঁচে ঘটনা ঢালাই করলেও নাট্যকার ট্রাজেডি-সংবেদনা সৃষ্টি করতে সক্ষম হয়েছেন কি না অর্থাৎ ট্রাজেডি সংবেদনার জন্ত যে ধরণের বোধ ও যে পরিমাণ বেদনা জাগা দরকার তা' এখানে জেগেছে কি না, অল্প কোন অগত্বেক বিরোধী ভাব এসে রসনায় বাধা সৃষ্টি করেছে কি না! প্রথমত বোধের কথাই বলা যাক। মেবার-পতন নাটকের ঘটনা যে শোচনীয় এবং ভাগ্য বিপর্যয়ের ঘটনা এ কথা প্রমাণ করার কোন প্রয়োজন নেই। তবে প্রশ্ন—কার ভাগ্যবিপর্যয়ের ঘটনা? অমরসিংহের? না মেবারের? নাট্যকারের উত্তর যদি নামকরণের মধ্যেই নিহিত থেকে থাকে তবে তিনি বলতে চান—মেবারের পতন বা ভাগ্য-বিপর্যয়ের ঘটনা। অর্থাৎ শৌর্য পীঠ-স্বাধীনতার বিরূপ ঐতিহ্যের অধিকারী যে মেবার, সেই মেবারের ভাগ্য বিপর্যয় উপস্থাপনা করাই নাট্যকারের উদ্দেশ্য। কিন্তু মেবার তো একটি দেশ বা জাতির সংকেতমাত্র। দেশ বা জাতির ঐতিহ্য সৃষ্টি হয় দেশবাসীরই প্রচেষ্টার ভিতর দিয়ে। যেহেতু ব্যক্তি বা ব্যক্তিসমষ্টিই দেশের প্রতিনিধি, কোন দেশের ভাগ্য-বিপর্যয় ঘটে তার প্রতিনিধি স্থানীয় ব্যক্তির বা ব্যক্তি সমষ্টিরই ভাগ্য বিপর্যয়ের ভিতর দিয়ে। অমরসিংহের পরাজয়ই মেবারের শোচনীয় পতনের নিমিত্ত কারণ। অমরসিংহ তাই নিমিত্তমাত্র। তাঁর পতন বা পরাজয় আমাদের কাছে ট্রাজিক সংবেদনা জাগায় এই কারণেই যে

তার পরাজয়েই অপরাজেয় মেবার পরাজয় স্বীকারে বাধ্য হয়েছে—তার হাতে রাণা প্রতাপের মেবার মোগলের দাসত্ব স্বীকার করেছে—তার চিরোন্নত শির অবনত করেছে। স্মৃতরাং অমর সিংহের নায়কোচিত যোগ্যতা আছে কি নে এ প্রশ্নের বিচারের চেয়েও বড় কাজ, মেবারের পতনে অমর সিংহের ভূমিকা কি, অমর সিংহের ট্রাজেডি অথবা মেবারের ট্রাজেডি দেখানো নাট্যকারের উদ্দেশ্য—এই সব প্রশ্ন সম্যকভাবে বিচার ক’রে দেখা। আমি মনে করি—এই নাটকে মেবার একটি জীবন্ত ব্যক্তি-সত্যায় পরিণত হয়েছে। এই ব্যক্তির আসন কীর্তি-খ্যাতির উচ্চ চূড়ায় প্রতিষ্ঠিত। সে অপরাজেয় ও চিরস্বাধীন। শৌর্ধে-বীর্যে সে অতুলনীয়। বহু রাণার জলন্ত দেশপ্রীতি দিয়ে—বিশেষতঃ রাণা প্রতাপের প্রতাপ ও বীর্য দিয়ে তার ব্যক্তিত্ব গঠিত হয়েছে। সকলের শির যেখানে অবনত, তাঁর শির সেখানে উন্নত। এ হেন মেবারকে দুর্নিবার শক্তি নিয়ে মোগল-সম্রাট পরিবেষ্টন করেছে তার স্বাধীন ও উন্নত শিরকে অবনত করবার জন্য। অক্রমণকারী মোগল শক্তির বিরুদ্ধে সংগ্রাম করে করে মেবার ক্ষতবিক্ষত ক্লান্ত ও হীনবল। বড় দুর্বলতা তার অন্তর্বিরোধ—মোগলপদানত রাজপুতদের এবং মুসলমান ধর্ম গ্রহণকারী মেবারীদের চক্রান্ত ও ঈর্ষা। অমরসিংহ যেন মেবারের যুদ্ধক্লান্ত ও কংকর্তব্যবিমূঢ় সন্তারই প্রতিনিধি। এই সত্তাটিতে সঙ্কল্পের শৈথিল্য পরিস্ফুট। অন্তর্গত গোবিন্দ সিংহ মেবারের অটুট সঙ্কল্পের প্রতিনিধি। সংকট মুহূর্তে এই দুই সত্তার দ্বন্দ্ব মেবারেরই অন্তর্দ্বন্দ্ব ব্যক্ত হয়েছে এবং গোবিন্দ সিংহের জয়ে মেবারের স্বাধীনতচেতা অপরাজেয় সন্তারই জয় হয়েছে। কিন্তু অমরসিংহ—গোবিন্দসিংহকে এক কথায় মেবারকে, আসল সংগ্রাম করতে হয়েছে—বাইরে মোগলের বিরুদ্ধে এবং ভিতরে স্বজাতিজোহী রাজপুতদের সঙ্গে। এই দ্বন্দ্বই মেবারের প্রকৃত অন্তর্দ্বন্দ্ব। এই দ্বন্দ্বই মেবার হীনবল হয়েছে বেশী। মেবারের ব্যক্তিত্বই যেন ছিন্ন বিছিন্ন হয়েছে। সগর সিংহ,

মহাবৎ খাঁ, গজ সিংহ মেবারের জাতি-দেহ থেকে বিচ্ছিন্ন হয়ে শত্রুশিবিরে যোগ দিয়েছে। ভিতরকার এই দুর্বলতা নিয়ে শুধু দেশপ্রীতি সম্বল ক'রে তার ক্ষুদ্র শক্তি নিয়ে মেবার বাইরের বিরাট শক্তির বিরুদ্ধে সংগ্রাম করেছে—তার স্বাধীনতা ও অপরাধের বিরুদ্ধে খ্যাতি রক্ষা করবার জন্য সমস্ত শক্তি নিয়োগ করেছে। কিন্তু শোচনীয় ব্যাপার এই যে মেবারকে তার চিরোন্নতশির যোগলের কাছে অবনত করতে হয়েছে—বহুবীরত্বের-ঐতিহ্যে মণ্ডিত রক্ত পতাকাকে তার দুর্গচূড়া থেকে নামিয়ে নিতে হয়েছে—মেবার মৌভাগ্যের শিখরদেশ থেকে দুর্ভাগ্যের গভীর গহ্বরে পতিত হয়েছে। এই দিক থেকে দেখলে—মেবার-পতন কোন ব্যক্তির ট্রাজেডি নয়, স্বাধীনতাসর্বস্ব একটা জাতির ভাগ্য-বিপর্যয়ের ট্রাজেডি—যে জাতি সব কিছুর উর্ধ্বে দেশের স্বাধীনতাকে স্থান দিয়েছে, কোনরূপ স্থখ ঐশ্বর্যের বিনিময়ে এবং শত্রু বিপাকেও স্বাধীনতা বিক্রয় করেনি, প্রাণের চেয়ে মানকে যে জাতি বড় বলে মনে এসেছে, তেমন একটি জাতির স্বাধীনতা হারানোর ট্রাজেডি।

এই নাটকের সার্বজনীন আবেদনের কেন্দ্র এখানেই। যে পরিমাণে মেবার চিরোন্নতশির স্বাধীনতাকামী জাতির প্রতীক হ'য়ে উঠেছে, সেই পরিমাণেই মেবার-পতনের বেদনা সর্বকালের ও সর্বজনের চিত্তকে স্পর্শ করেছে সমর্থ হয়েছে। একটা স্বাধীন জাতির স্বাধীনতা হারানোর আত্ননাদ ও অন্তর্দাহের মধ্যে “terrible suffering” রূপ যে পরিমাণে ব্যক্ত হয়েছে, সেই পরিমাণেই নাটকের আবেদন সার্বজনীন হয়েছে।

অমরসিংহ এই বিরাট অতীত ঐতিহ্য সম্পন্ন মেবারের রাণা বা অধিনায়ক। তাঁর আচরণেই মেবারের আদরণ—তাঁর দ্বিধায় মেবারের দ্বিধা, তাঁর সঙ্কল্পে মেবারের সঙ্কল্প; তাঁর জয়ে মেবারের জয় এবং তাঁর পরাজয়েই মেবারের পরাজয়। অমরসিংহ মেবারের প্রতিভা এবং তাতেই নাটকে তার ঔপচারিক নায়কত্ব। অমরসিংহের ট্রাজেডি এই যে তাঁকেই মেবার-পতনের নিমিত্ত

ক'তে হয়েছে।—তার হাতেই মেবারের—প্রতাপের মেবারের—পতন ঘটেছে। তাঁর দুর্ভাগ্য—তাঁর শাসনাধিকারেই জাতীয় জীবনের তেমন এক মহাসংকট দেখা দিয়েছে যাঁতে জাতির বহুকালসঞ্চিত কীর্তি ধূলায় লুটিয়ে পড়েছে। নিয়তিব মতো এক অনিবার্য পরিণতির বিরুদ্ধে নিঃসহায় তথা নিষ্ফল সংগ্রাম ক'রে ধনে-প্রাণে মানে নিঃস্ব হ'তে হয়েছে। মরণের অধিক যে পরাধীনতা সেই পরাধীনতা স্বীকার করতে হয়েছে।

অমরসিংহ যে প্রতিকূল শক্তির বিরুদ্ধে সংগ্রাম করেছেন তা' মোগল-সাম্রাজ্যের বিরূপ ও সংহত সামরিক শক্তি। এই শক্তি একদিকে পুষ্ট হয়েছে সমগ্র সাম্রাজ্যের ধনবল ও জনবল দ্বারা, অগ্ৰদিকে পুষ্ট হয়েছে মোগলপদানত রাজপুতদের প্রত্যক্ষ ও পরোক্ষ সহযোগিতা দ্বারা। সম্ভ্রমখীর ব্যূহের মধ্যে নিঃসহায় অভিমুখ্যর নিকৃষ্ট সংগ্রামের মতোই বিরূপ মোগল বাহিনীর বিরুদ্ধে অমরসিংহের সংগ্রাম—অনিবার্য নিয়তির বিরুদ্ধে নিষ্ফল সংগ্রামের মতোই শোচনীয়। অমরসিংহের মধ্যে বিলাসপ্রবণতা, সংগ্রামে বিমুখতা এবং সন্ধির মনোবৃত্তি দেখা দিয়েছিল বটে, কিন্তু সেই সব মনোবৃত্তি কখনই জয়ী হতে পারেনি এবং পারেনি বলেই প্রতিবারেই অমরসিংহ প্রতাপসিংহের পুত্রের উপর বৈষম্যেরই পরিচয় দিয়েছেন। একাধিকবার মোগলের বিরূপ বাহিনীর আক্রমণ প্রতিহত করেছেন এবং তিনি যে ভীক বা সমরকাতর নন তার প্রমাণ দিয়েছেন। শৌর্য-বীর্যের নানা প্রমাণ থাকতেই অমরসিংহের ক্ষণিক বিধা বা যুদ্ধ বিমুখতা তাঁর চরিত্রে দূরপন্থের কলঙ্ক হ'য়ে উঠেনি। বিনা যুদ্ধে তিনি যদি বশতা স্বীকার করতেন বা যুদ্ধক্ষেত্রে থেকে পালিয়ে আসতেন তবেই আমরা তাঁকে অযোগ্য বলতে পারতাম। বলতে পারতাম—অমরসিংহের ভীকতার জন্তই মেবারের পতন ঘটেছে এবং অযোগ্যের ভাগ্যবিপর্যয়ে শোচনা জাগতে পারে না। কিন্তু অমরসিংহকে সেই হিসাবে অযোগ্য বলা চলে না। তাঁর মধ্যে যে বিধা দেখা যায় তা' নিছক কাপুরুষের যত্নাভয় নয়, অনিবার্য

সর্বনাশের সম্মুখে নিরুপায় ব্যর্থ প্রয়াসের যে দ্বিধা এ সেই দ্বিধা। এই দ্বিধাকে গীতায় শ্রীকৃষ্ণের ভাষায় বলা যেতে পারে “ক্ষুদ্র হৃদয়দৌর্বল্য”। কার্যকালে এই দৌর্বল্য তিনি ত্যাগ করেছেন; বার বার যুদ্ধে গেছেন, মরিয়া হয়ে যুদ্ধ করেছেন এবং একাধিকবার যুদ্ধে জয়লাভও করেছেন। কিন্তু ট্র্যাজেডি সেখানেই যেখানে মেবারের স্বাধীনতা রক্ষা করতে তিনি সর্বশক্তি নিয়োগ করেও মেবারের ক্ষুদ্র শক্তি দিয়ে মোগলের অসংখ্য সেনার প্রচণ্ড শক্তিকে তিনি প্রতিরোধ করতে পারেননি। তাঁর শৌর্ষের অভাবে মেবারের পতন ঘটেনি, মেবারের পতন ঘটেছে এমন কয়েকটি শক্তির চাপে যার বিরুদ্ধে নিষ্ফল সংগ্রাম ছাড়া আর কিছুই তিনি করতে পাবেননি। মেবার-পতনে তিনি অসহ যন্ত্রনা ভোগ করেছেন। তাঁর বক্ষ থেকে হৃদয়ভেদী আর্তনাদ উঠেছে—“আমার হাতে আমার মেবার, রাণা প্রতাপের মেবারের আজ পতন হ’ল। ওঃ।” মেবারের আকাশ ক্রুদ্ধ দৃষ্টিতে তাকে ভৎসনা করেছে, মেবার পাহাড়ের লজ্জিত মুখ তাকে কশাঘাত করেছে, মেবারের কুলদেবতারারাও যে মুখ ফিরিয়ে নিয়ে তাকে দিক্কার দিয়েছেন—মৃত দেশমাতার শব স্বন্ধে করে তিনি উন্মত্তের মত হাহাকার করেছেন। বিজয়ী মহাবংশীকে বন্দ যুদ্ধে আহ্বান ক’রে মৃত্যু বরণ করতে একান্তিষ্ক চেষ্টা করেছেন। তাঁর অন্তর্দাহ ও বিক্ষোভ অবশ্যই শোচনীয় হয়ে উঠেছে। মেবারের রাণা জাম্বু পেতে মোগল সম্রাটের ফরমান গ্রহণ করবেন—এ যেমন মেবারের মর্যাস্তিক ট্র্যাজেডি, রাণা প্রতাপের পুত্র হয়ে অমরসিংহ মোগল সম্রাটের প্রতিনিধির কাছে মস্তক অবনত করবেন, সেও কম মর্যাস্তিক ব্যাপার নয়। যদিও অমরসিংহের ব্যক্তিগত ভাগ্যবিপর্যয় এখানে গৌণ, মেবারের পতনই মুখ্য, তবু অমরসিংহের ভাগ্যের সহিত মেবারের ভাগ্য অবিচ্ছেদ্যভাবে জড়িত ব’লে অমরসিংহের শোচনীয় ভাগ্য বিপর্যয় না ঘট: পর্যন্ত মেবারের ট্র্যাজেডি সম্পূর্ণ হ’তে পারেনি। মেবার একটি দেশ বা জাতি হিসাবে—বিদেহী

(abstract), অমরসিংহই তার প্রতিনিধি বা শরীরী অভিব্যক্তি। সুতরাং এই নাটকের অশরীরী নায়ক মেবার (spirit of Mewar) বটে, কিন্তু শরীরী নায়ক—অমরসিংহ।

...

...

...

...

আগেই বলেছি ট্রাজেডির রসাদর্শে নাটকখানি লেখা। এখন প্রশ্ন—আদর্শটি যথাযথভাবে ব্যক্ত হয়েছে কি না? বাহ্যতঃ যে রসেরই আদর্শ ফুটে উঠুক, আদর্শকে মর্মতঃ ব্যক্ত করতে পারাই বড় কথা। অর্থাৎ শুধু রূপে ট্রাজেডিকল্প হওয়াই যথেষ্ট নয়, রসে ট্রাজেডি হয়েছে কি না সেইটাই বড় বিচার। প্রধানতঃ দুই কারণে ট্রাজেডি রসাদর্শ ক্ষুণ্ণ হ'তে পারে। এক—ভাবশবলতা অর্থাৎ নানাভাবে সংমিশ্রণে স্থায়ীভাবে গুণীভাব, দুই ঘটনা ও চরিত্রের অসম্ভবতা ও কৃত্রিমতা অর্থাৎ মেলোড্রামাস্থলভ অবাস্তবতার লঘুতা। অল্পভাবের সংমিশ্রণে স্থায়ীভাবে গুণীভূত হ'লে অথবা তিরোহিত হ'লে সংবেদন ধেমন ব্যাহত অথবা অগুরুপ হ'য়ে যায়, তেমনি আবার ঘটনা ও চরিত্রের বাস্তবতানু থাকলে উপস্থাপ্য বিষয়ের অর্থ-গুরুত্ব হ্রাস পায়, বিষয়টি তেজ বা তুচ্ছ হয়ে দাঁড়ায় এবং রসানিম্পত্তি যথেষ্টমাত্রায় ঘটে না। এই নাটকের শেষ অংশে নতুন একটি ভাবকে অধিকমাত্রায় মিশিয়ে দেওয়ার ফলে ভাবশবলতার সম্ভাবনা দেখা দিয়েছে—এ কথা ঠিক, কিন্তু নতুন ভাবটি স্থায়ীভাবে সামান্য মাত্রায় আচ্ছন্ন করলেও, সম্পূর্ণ তিরোহিত করেনি এ কথাও অস্বীকার করা চলে না।

এ কথা অবশ্য স্বীকার্য যে নাটকের শেষ দিকে নাট্যকার পতনের বেদনা সঞ্চার করার চেয়ে পতনের কারণ বিশ্লেষণ করার দিকেই একটু বেশী ঝুঁকে পড়েছেন, জাতিপ্রীতির উপরে মানবতা প্রীতির উচ্চতর আদর্শের মহিমাকে স্থাপন করতে চেষ্টা করেছেন এবং মহাবৎ ধর্ম ও অমরসিংহ দুই মেবারীকেই মহত্বের উচ্চতর আদর্শে অনুপ্রাণিত ক'রে অমৃতপ্ত ও 'আলিঙ্গনাবদ্ধ'

করেছেন। ফলে মেবার পতন জনিত বেদনা অবাধে ব্যক্ত বা সঞ্চারিত হ'তে পারেনি। মনে রাখা দরকার—দেশ ও জাতি প্রেমের গৌরব অধিক বলেই তো মেবারের পতন শোচনীয়। জাতিপ্রেমের বা দেশপ্রেমের গৌরব যে অল্পপাতে ক্ষুণ্ণ করা হবে, সেই অল্পপাতেই মেবার-পতনের শোচনীয়ত্ব কমে যাবে। জাতিপ্রেমের বা দেশপ্রেমের ভাববন্ধকে নিরপেক্ষ মর্ষাদা না দিলে পরাধীনতার বেদনাকে কিছুতেই তীব্রসংবাদী ক'রে তোলা যাবে না। নাটকের শেষাংশে নাট্যকারের মুখপাত্র “মানসী” মনুষ্যত্বের মহিমাকে বড় করতে গিয়ে সে ভাবে ‘স্বজন দেশ’ ডুবিয়ে দিয়েছেন, তা'তে দর্শক পাঠকের মনে শোচনার ও মনুষ্যত্ব-প্রীতির আবেগের পারস্পরিক বন্দ না এসে যায় না এবং তা'তে মেবার পতনজনিত শোচনার বেগও কিছুটা স্তিমিত হয়ে পড়ে। কিন্তু কোন আবেগের স্তিমিত হওয়া এক কথা, তিরোহিত বা মারাত্মক মাত্রায় আচ্ছন্ন হওয়া ভিন্ন কথা। মানসীর মনুষ্যত্বপ্রেমের উচ্ছ্বাস মেবার-পতনের শোকাবেগকে স্তিমিত করছে বটে, কিন্তু তিরোহিত করতে পারেনি। গোবিন্দসিংহের এবং অমরসিংহের অন্তর্দর্শ ও আত্ননাদ এবং শোকগ্নিস্তম্ভিতের উদভ্রান্ত আচরণে মেবার-পতনজনিত শোচনা যথেষ্টমাত্রায় সঞ্চারিত হয়ে থাকে। এমন কি মহাবংশী অমরসিংহের পারম্পরিক ক্রমা প্রার্থনায় এবং খালিকনে মনুষ্যত্বপ্রীতির জয় সূচিত হ'লেও এবং হিন্দু-মুসলমান দুই সম্প্রদায়ের ধর্মের উর্ধ্বে উঠে একজাতি-চেতনায় উদ্বুদ্ধ হওয়ার সংকল্প সংকেতিত হ'লেও, অর্থাৎ আপাতদৃষ্টিতে কমেডির আবহাওয়া চোখে পড়লেও, মেবার-পতনের অপূরণীয় ক্ষতির বেদনা অবিরাম বাজতেই থাকে এবং থাকে বলেই নাটকটির পরিণাম বেদনাত্মক। অতএব পরিণামের দিক থেকে বিচার করতে গেলে, নাটকখানিকে বেদনাত্মকই অর্থাৎ ট্রাজেডিই বলতে হবে।

এবার অল্প একটি প্রশ্নের আলোচনায় প্রবৃত্ত হচ্ছি যাক। স্বীকার করা যাক—নাটকখানির ঘটনা-বিস্তার করা হয়েছে ট্রাজেডির আদর্শেই (pattern)

এবং নাটকখানিও উপসংহারও বেদনাত্মক হয়েছে; কিন্তু প্রশ্ন এই—ঘটনা প্রকৃতিতে এবং চরিত্রের আচরণে ট্রাজেডির গুরুগাভীর্ষ অক্ষুণ্ণ রয়েছে কি না, যে মনোভাব (attitude) নিয়ে বিশিষ্ট রসিকরা ট্রাজেডিকে গ্রহণ করে থাকেন সেই মনোভাব এখানে থাকে কি না। আরো স্পষ্ট করে এবং নাটক-বিচারের পরিভাষা ব্যবহার করে বলা যায়—নাটকখানি ট্রাজেডির গভীরতা ও গাভীর্ষ হারিয়ে মেলোড্রামার মতো রোমাঞ্চকর-ঘটনাসর্ব্ব্ব হয়ে দাঁড়িয়েছে কি না। এই প্রশ্নটির আলোচনা করবার সময় প্রথমতঃ এই কথাটি আমাদের মনে রাখতে হবে যে, ঔচিত্য ও বাস্তবতা—নাটকের প্রাণস্বরূপ হ'লেও ঔচিত্যবোধ ও বাস্তবতাবোধ অভিজ্ঞতাসাপেক্ষ তথা আপেক্ষিক—যুগপরিবর্তনের সঙ্গে তাদেরও পরিবর্তন ঘটে। বলা বাহুল্য অতীতে এবং রোমান্টিক যুগে যে সমস্ত নাটকাদি লেখা হয়েছে, তাদের ঘটনা ও চরিত্রকে আজকের 'logic and reality'-র মান দিয়ে বিচার করলে অনেক অসঙ্গতি বেরিয়ে পড়বে—বহুক্ষেত্রেই “মেলোড্রামাটিক” মনে হবে। এলিজাবেথের রোমান্টিক ট্রাজেডিগুলি বিশ্লেষণ করতে গেলেই দেখা যাবে—ঘটনার ও চরিত্রের আচরণগত ঔচিত্য তথা বাস্তবতা অনেকক্ষেত্রেই ক্ষুণ্ণ হয়ে গেছে। তাই সমালোচকরা “রোমান্টিক” আখ্যা দিয়ে এদের স্বতন্ত্র পংক্তিতে স্থান করে দিয়ে থাকেন এবং কোন কোন বিষয়ে ‘লাইসেন্স’ দিয়েই বিচারে শ্রবৃত্ত হয়ে থাকেন। আমি বলতে চাই—ইয়োহান্নাস, রোমান্টিক ট্রাজেডিকে যে সব স্রষ্টা স্রষ্টিবিধা দেওয়া হয়েছে থাকে আমাদের রোমান্টিক ট্রাজেডিগুলিকে তা থেকে বঞ্চিত করা সম্ভবত কষ্ট হ'বে না। অবশ্য তা'ই বলে কেউ যেন মনে না করেন—স্বদেশের কুকুরকেও ঠাকুর বলতে হবে—বাংলাভাষায় সব মেলোড্রামাকেই ট্রাজেডির পংক্তিতে স্থান দিতে হবে, আমরা সেই কথাই বলছি। আমি বলছি এই যে রোমান্টিক নাটকে ঘটনার চমৎকারিষের এবং ভাবোচ্ছ্বাসের দিকে যেটুকু বেশী ঝোঁক

থাকে তাকে স্বীকার করে নিয়েই আমাদের রোমান্টিক নাটকগুলি বিচার করতে হবে। দ্বিতীয়ত মনে রাখা দরকার কোন কোন ঘটনায় বা চরিত্রের আচরণে মেলোড্রামা-স্বলভ কল্পিততা ও রোমাঞ্চকতা থাকলেই নাটককে মেলোড্রামা আখ্যা দেওয়া অশাস্ত্রীয় কাজ। মেবার-পতন নাটকের একাধিক চরিত্রে মেলোড্রামাটিক আভিষ্য (গ্রাম্য প্রয়োগে-আধিষ্ঠ্যতা) আছে এবং তা' ঐতিহাসিক নাটকের গুরুত্ব-গাভীষের পক্ষে অপকর্ষকও বটে, কিন্তু মেলোড্রামা বলাব আগে বিচার করতে হবে সেই দোষ-ত্রুটি এত মারাত্মক হ'য়ে উঠেছে কি না যাতে বলা যেতে পারে—বিষয়-বস্তুর গুরুত্বকে সম্পূর্ণ নষ্ট ক'রে দিয়ে, সৃষ্টিকে অনাসৃষ্টিতে—লঘু ও নিরর্থক ঘটনা চমৎকারে—পরিণত করেছে, ঘটনা-চমৎকারেই নাটকের আবেদন শেষ হ'য়ে যায় এবং আমাদের জ্ঞানে-অভুভবে-বাসনায় নাটকখানি কোনরূপ স্থায়ী আবেদন সৃষ্টি করে না। আগেই বলা হয়েছে রচনাটি 'মেবার-পতন'-রূপ ঐতিহাসিক ঘটনার (হিন্দু-অভিমানের কাছে অবশ্যই শোচনীয় ঘটনা) রোমান্টিক উপস্থাপনা এবং এ কথাও অস্বীকার করার উপায় নেই যে একাধিক চরিত্রের আচরণে মেলোড্রামা-স্বলভ এমন উচ্ছ্বাস ও তন্দ্রাচ্য বা অবাস্তবতা রয়েছে যাতে আধুনিকরূচি অর্থাৎ অবাস্তবতা সহিষ্ণু সমালোচক নাটকখানির উপস্থাপনাকে 'রোমান্টিক' না বলে মেলোড্রামাটিক বলতেই বেশী ঝোঁক দিতে পারেন। তা' পারেন এ বিষয়ে যেমন কোন সন্দেহ নেই, তেমনি এ কথাও উপেক্ষণীয় নয় যে উপস্থাপনায় মেলোড্রামার লক্ষণ প্রকাশ পাওয়া এবং সমগ্র সৃষ্টির মেলোড্রামায় পশবসিত হওয়া এক কথা নয়। যতখানি গুরুত্ব থাকলে নাটকের ট্র্যাজেডি-মহাদা অঙ্গুল থাকে, ততখানি গুরুত্ব যদি থেকে থাকে তা' হলে নাটককে মেলোড্রামা না ব'লে ট্র্যাজেডি বলাই যুক্তিযুক্ত।

দেখা যাক এই গুরুত্ব আছে কি নেই। বহা বাহুল্য—এই গুরুত্বের বিচার শুধু

মস্তিষ্কের নৈসর্গিক বুদ্ধির উপরে নয়, হৃদয়ের গ্রহণশক্তির উপরেও নির্ভর করে। লগ্ন-গুরু-বোধ ও অম্লভবের সংযোগে তৈরি একটি মানসিক অবস্থা বিশেষ। গৃহীত বিষয় যেখানে বিষয়ীর জ্ঞান-অম্লভব-বাসনাশ্রক মানস সত্তায় আবেদন ক'রে এমন একটি অবস্থার সৃষ্টি করে যা বিষয়ীর চেতনাবন্ধকে তীব্রভাবে উত্তেজিত ক'রে তোলে সেই অবস্থাতেই বিষয়ী বিষয়কে গুরুত্বপূর্ণ (serious) বলে স্বীকার করে থাকে। 'গ্রাহ্য—বিষয় এবং গ্রহীতা বিষয়ী', উভয়ের প্রকৃতির দ্বারা বোধসমূহ নিয়ন্ত্রিত হয়ে থাকে। মেবার-পতন নাটকের বিষয়-বস্তুর প্রকৃতি (রাজপুত জাতির বা হিন্দুশক্তির আত্মরক্ষার সংগ্রাম— বা সংকট—অর্থাৎ একটা জাতির স্বাধীনতা রক্ষার প্রাণপণ সংগ্রাম—এবং শোচনীয় পরাজয়) উচ্চগ্রামীন ভাবাদর্শে-অম্লপ্রাণিত পাত্র-পাত্রীদের আচরণে, জীবনের তীব্র-গভীর আবেগের প্রকাশ, সূক্ষ্ম অম্লভূতির অভিব্যক্তি এবং মহত্তম আদর্শকে জীবনে প্রতিষ্ঠিত করার ব্যাকুলতা—সামাজিকের চেতনা-বন্ধে ও বেদনাবন্ধে গুরুত্ব-বোধক আবেদনই সৃষ্টি করে থাকে। একথা স্বীকার করতেই হবে যে নাটকখানির সামগ্রিক আবেদন [(Pleasure-Value + influence Value), (Beauty-Value + Social Utility)] শুধুমাত্র কাহিনী কোতূহলের সংকীর্ণ সীমাতে পৌছেই শেষ হয়ে যায় না—চেতনাকে ও বেদনাকে যথেষ্টমাত্রায় নাড়া দেয়। নাটকের শেষ বিচার যে আদলতে হয় সেই অভিনয়ের সাক্ষ্য-প্রমাণ থেকেও এর সমর্থন পাওয়া যায়। অভিনয়ে নাটকখানির সামগ্রিক আবেদনের যে মাত্রা ধরা পড়েছে এবং এগনও পড়ে, তা'তে এই সিদ্ধান্তই করা উচিত—নাটকখানির উপস্থাপনা অতিরোমাণ্টিক—হ'লেও নাটকখানিকে “মেলোড্রামা” বলা চলে না। উচ্চাঙ্গ ট্র্যাজেডির পংক্তিতে এর কোন স্থান নেই এ কথা যত সত্য, তত সত্য এই কথাটিও যে ট্র্যাজেডির গভীর বাইরে ঠেলে ফেলে দেওয়ার বা একেবারে অপাংক্ত্য করার মতও নয়।

নাটকের অঙ্গী-রস বিচার এখানেই শেষ ।

বা' হোক এই সিদ্ধান্তে পৌছানো গেল—মেবার-পতন নাটকের ‘অঙ্গী-রস’ করুণ বা ‘ট্রাজিক’ এবং দেশরতিকে আশ্রয় ক’রেই ধর্মাঘাতজনিত এবং শোকার্কৃত করুণ নিষ্পন্ন হয়েছে । দেশের স্বাধীনতা রক্ষা করতে কৃতসংকল্প হ’য়েই অমরসিংহ ও গোবিন্দসিংহ শোচনীয় ভাগ্যবিপর্যয়ের আবর্তে তলিয়ে গেছেন, দেশপ্রাণ সত্যবতীর স্বপ্নের ঘোর ভেঙ্গে গেছে, জীবনবীণার তার ছিঁড়ে গেছে, পরাধীন মেবারের মহাশ্মশানে দাঁড়িয়ে ভগ্নপ্রাণে সত্যবতী অর্তনাদ করেছে । জীবন-ব্যাপী দেশপ্রোহিতার প্রায়শ্চিত্ত করে সগরসিংহ জাহাঙ্গীরের সম্মুখে আত্মসমর্পণ করেছেন । মৃত্যুর ভিতর দিয়ে দেশপ্রীতির মহিমা প্রতিষ্ঠিত করে গেছেন । এমনকি জাতিতে-রাজপুত হ’লেও যে ধর্মে মুসলমান সেই মহাবৎ খাঁ পর্যন্ত, শেষপর্যন্ত দেশপ্রীতির, জাতিপ্রীতির প্রেরণাতেই, অন্ততাপ প্রকাশ করেছে, স্বীকার করেছে—নিজের হাতে নিজের ঘরে আগুন দেওয়া, পৈশাচিক উল্লাসে তার উথিত ধূমরাশি দেখা—মহাপাপ এবং সেই মহাপাপ সে করেছে । তার মধ্যে অবদমিত দেশরতি ও জাতিপ্রীতির সঙ্গে অগ্রান্ত প্রবৃত্তির বা অভিমানের দ্বন্দ্ব ঘটেছে এবং শেষ পর্যন্ত দেশরতিই প্রাধান্য লাভ করেছে । মোট কথা দেশরতি বা জাতিপ্রীতিই এই নাটকের মূল ভাব এবং উল্লিখিত চরিত্রগুলির বৈশিষ্ট্য এই ভাবটির সম্ভাবের এবং অভাবের মাত্রা দ্বারা নিয়ন্ত্রিত হয়েছে । অমরসিংহের সঙ্গে দেশরতির সম্ভাব আছে বটে, কিন্তু পরিস্থিতি চেতনা ও অগ্রান্ত চিন্তাও আছে অর্থাৎ বাস্তব অবস্থার চেতনাও কম প্রবল নয় । ফলে, তার আচরণে দেশরতির নিরপেক্ষ, ঐকান্তিক এবং অবোধ প্রকাশ পাওয়া যায় না ; বাস্তব পরিস্থিতি চেতনা এসে বারে বারে দেশরতির অবোধ স্মৃতিকে বাধা দিয়েছে । তবে শেষ পর্যন্ত দেশরতিই প্রাধান্য লাভ করেছে ।

গোবিন্দসিংহ দেশরতির নিরপেক্ষ ও ঐকান্তিক অভিব্যক্তি । পুত্র-কন্যা

স্বার্থ, প্রাণ সব কিছুর উচ্ছেদ তাঁর দেশ। দেশরতির ঐকান্তিক ও উন্নতপ্রায় আবেগ দিয়েই গোবিন্দসিংহের জীবনের আদি-মধ্য-অন্ত গঠিত। কোন ভয়ংকর বাস্তব পরিস্থিতি এসে তাঁর আবেগকে স্তিমিত করতে পারে না। অনিবার্য মৃত্যু সম্মুখে এসে দাঁড়িয়েও তাঁর চিন্তে দ্বিধা জাগাতে পারে না। সত্যাবতী গোবিন্দসিংহেরই ভিন্ন মূর্তি, চারণী-মূর্তি, সঞ্চারণী মূর্তিমতী “দেশরতি”। সত্যাবতীর কাছেও পিতা নেই, পুত্র নেই, ভ্রাতা নেই, আছে শুধু “দেশ”। পিতা তখনই পিতা যখন পিতা দেশভক্ত, পুত্র তখনই পুত্র যখন সে দেশকে ভালবাসে, ভ্রাতা তখনই ভ্রাতা যখন দেশেব জন্ম তার প্রাণ কাঁদে। দেশের গৌরবই তার প্রাণ এবং তার গৌরবহানিতেই তাব মহতী বিনষ্টি। সগরসিংহের চরিত্রে দেশরতিরই অভাবাত্মক প্রকৃতিটি ব্যক্ত করা হয়েছে। দেশরতিকে ক্ষুদ্র স্বার্থের সাধনা দ্বারা অবদমিত করার ফলে সগরসিংহের মধ্যে দেশরতি অসংকল্প হ’য়ে দাঁড়িয়েছিল; সগরসিংহ বিকৃত জীবন যাপন করেছিলেন। কিন্তু যা সং তার অভাব অর্থাৎ সম্পূর্ণ অভাব সম্ভব নয় এবং তা’ নয় বলেই অবস্থাচক্রে একদিন দেশরতি মুক্ত হ’ল—আপন গতিবেগে স্বার্থের সব সঞ্চয় ভাসিয়ে নিয়ে গেল। প্রাণ দেওয়ার শক্তি হারিয়ে প্রাণের ভয়েই যিনি সঙ্কুচিত হ’য়েছিলেন, প্রাণের বিনিময়ে মান বিক্রয় করেছিলেন, নিজের হাতে প্রাণ বিসর্জন দিয়েই তিনি মানের মহিমাকে উচ্ছেদ তুলে ধরলেন। সগরসিংহের উচ্ছা-শক্তি বিকৃত হয়েছিল, উচ্ছার মজ্জাটিতে পচনও ধরেছিল বটে, কিন্তু যাকে বলে গোড়া পচে যাওয়া তেমন কিছু হয়নি। গোড়া পচে গিয়েছিল গজসিংহের। গজসিংহ দেশরতির অভাবের নিদর্শন—অতি-কোটিক নিদর্শন—হাস্তোদ্দীপক বিকৃতি। মহৎ কাম্য এবং মহামূল্য দেশপ্রীতির বিপরীত ভাবে হাশাস্ত্রমুদ্র করবার জন্মই গজসিংহের সৃষ্টি। কিন্তু মহাবৎ খা দেশরতির অভাবের নিদর্শন হ’লেও, তার চরিত্র সগরসিংহের বা গজসিংহের চরিত্র থেকে স্বতন্ত্র এবং শতগুণে জটিল। এই জটিলতার কারণ তার বিশেষ

পরিস্থিতি—তার দ্বিধাবিভক্ত সত্তাটি। মহাবৎ জাতিতে রাজপুত, কিন্তু ধর্ম মুসলমান। অতএব, যে যুগে ধর্ম ও জাতি এক, এবং ধর্মত্যাগের অর্থই জাতি-চ্যুতি সেই যুগের মহাবৎ খাঁর জীবনে সংকট অনিবার্য। একদিকে বিবেকসম্মত ধর্ম ত্যাগ করলে বিবেক বিসর্জন দিতে হয়, অতীত জাতির বিরুদ্ধে কোন কাজ করতে হ'লে জাত্যাভিমান আঘাত লাগে, স্নেহ-প্রেম-প্রীতির সম্পর্কের বিরুদ্ধে নিজের হৃদয়েরই বিরুদ্ধে হৃদয় করতে হয়—আত্মঘাতী সংগ্রামে প্রবৃত্ত হ'তে হয়। মহাবৎ অবস্থাচক্রে এমন একটি ধর্ম গ্রহণ করেছে যা' মোগল সম্রাটের ধর্ম এবং যা' গ্রহণ করায় সে রাজপুত ব'লে পরিচয় দেওয়ার অধিকার হারিয়ে মোগল সম্রাটের সশাসন করতে বাধ্য হয়েছে এবং মোগল বাহিনীর অন্ততম সেনাপতি হয়ে স্বদেশ মেবারেরই বিরুদ্ধে অস্ত্র ধারণ করতে বাধ্য হয়েছে। দেশরতি বা জাতিপ্রীতি থাকা সত্ত্বেও তাকে এমন কাজ করতে হয়েছে যা' উৎকট দেশদ্রোহিতারই পরিচায়ক, যা'—মহাবৎ খাঁর নিজেরই ভাষায়—নিজের হাতে নিজের ঘরে আগুন দেওয়া। স্বজাতির সংকীর্ণতায় ক্ষুব্ধ হ'য়ে গব্বী মহাবৎ অভিমান চরিতার্থ করতে অথবা স্বজাতিকে চরম শিক্ষা দিতে যা ক'রেছে তাকে দেশদ্রোহিতার নিদর্শন অর্থাৎ দেশরতির অভাবের নিদর্শন ছাড়া আর কিছুই বলা চলে না। ঘর পরিষ্কার করতে ঘরে আগুন দেওয়া যে ধরনের বিকার, মহাবতের আচরণেও তেমনি বিপরীত বুদ্ধির পরিচয় পাওয়া যায়। মহাবতের বিকৃতি সমীক্ষণ করে একথা বলা যায় যে ধর্ম ও জাত্যাভিমানের সামঞ্জস্য ঘটতে পারেনি ব'লেই জাতি-প্রীতির আবেগ অবদমিত হয়েছে এবং হ'তে হ'তে জাতিরই বিরুদ্ধে 'আক্রোশ'-ভাববল্লভে পরিণত হয়েছে এবং মারাত্মক নিষ্ঠুর আক্রমণের রূপে সেই আক্রোশ আত্মপ্রকাশ করেছে। কিন্তু বাইরের সমস্ত নিষ্ঠুর আচরণের অন্তরালে রয়েছে সেই রাজপুতটি যে কল্যাণীকৈ গ্রহণ করতে চায় সঙ্গিনী রূপে, সত্যবতীর হৃদয়ের স্নেহ পেতে চায় ছোট ভাই মইপৎ রূপে, মেবারের রাণা অমরা—হুকে যে ভাই ব'লে গব-

বোঝ করে—আলিঙ্গন করতে চায় এবং যে মনেপ্রাণে মেবারের রাণার জয় কামনা করে। অথচ তার ট্র্যাজেডি, সকলেই বাইরে থেকে দেখে মহাবৎখাঁকে, সকলেই তাকে ঘৃণা করে বিধর্মী ও দেশভ্রোহী বলে; কিন্তু ভিতরকার ঐ রাজপুত্রটিকে কেউই দেখে না, কেউই ভালবাসে না—ভালবাসতে পারে না। কেউ তলিয়ে দেখতে যায় না যে মহাবৎ যে আজ শত্রুশিবিরে সে শুধু মহাবতেরই একার দোষে নয়, যে বাহু রাজপুত্র সৈন্তের বাহুর সঙ্গে যুক্ত হ'লে মেবার কোনদিনই পতিত হ'ত না সেই বাহুকে ঘৃণা ও উপেক্ষা দিয়ে দূরে ঠেলে দিয়েছে মেবার নিজেই।

যা' হোক মহাবৎ শত্রুশিবিরে যোগ দিয়ে আক্রোশবশে নিজের ঘরে নিজের হাতে আশ্রয় দিয়েছে—এ পাপের জন্ত সে অবশ্যই দায়ী এবং পাপ বা অত্যাচার বলে স্বীকারও করেছে সে। অমরসিংহের কাছে এর জন্ত ক্ষমা প্রার্থনাও সে করেছে। কিন্তু মেবারও কম অপরাধী নয়। মেবারের পক্ষ থেকে অমরসিংহ ক্ষমা প্রার্থনা করেছেন। কিন্তু মেবারের ট্র্যাজেডি এই যে অমরসিংহ-মহাবতের ভুল বুঝাবুঝির অবসান হয়েছে—পতিত মেবারের শেষের পাশে দাঁড়িয়ে—আশানে এসে। এ কথা স্বীকার করতেই হবে—মেবারের স্বাধীনতা-সংগ্রামের ফলে, যে জীবনগুলি ট্র্যাজেডির আবর্তে তলিয়ে গেছে বা আবর্তিত হ'তে হ'তে, সংঘাতে সংঘাতে, ক্ষতবিক্ষত হয়েছে, তাদের তালিকায় মহাবতেরও নাম অন্তর্ভুক্ত। অবশ্য এ কথাও স্বীকার যে অমরসিংহ গোবিন্দসিংহের জীবনে যে বিপর্যয় ঘটেছে তা' যতখানি 'ট্র্যাজিক' পদবাচ্য, সত্যবতীর এবং মহাবতের মনস্তাপ ততখানি 'ট্র্যাজিক'-পরিণতি লাভ করেনি। মহাবতের চরিত্র বা প্রকৃতির সব দিক যতখানি পরিষ্কৃত হ'লে, তার অন্তর্দ্বন্দ্বের রূপ তীব্রতর ও শোচনীয় আকারে ব্যক্ত হ'তে পারত তা' এখানে হয়নি এবং হয়নি বলেই মহাবতের জীবনের ট্র্যাজেডি অনেকটা অহুমানগম্য হয়ে আছে। যে-ধরণের বিপত্তি ঘটলে পরিণামকে যথার্থ ট্র্যাজিক বলা যায়

তা' ঠিক ঘটেনি। তবে তাই ব'লে তাকে কমেডিও বলা চলে না—তাকে 'স্থখী ব্যক্তি' বলে গণ্য করা যায় না। বুদ্ধিসমূহের যে সামঞ্জস্যে 'স্থখের' উদয় হয় সে সামঞ্জস্য তার চরিত্রে ঘটেনি। যেমন তা ঘটেনি কল্যাণীর এবং মানসীর জীবনে।

কল্যাণীর জীবনে প্রেমের দাবী খুবই ঐকান্তিক। কিন্তু সেই দাবী অপূর্ণই রয়ে গেছে অর্থাৎ কল্যাণীর জীবন তার আলস অর্থাৎ হারিয়ে ফেলেছে। যদিও মানসীও পেরণায়, মহুজের কল্যাণে জীবন উৎসর্গ ক'রে কল্যাণী বার্থ-প্রেমকে পূর্ণ করতে চেয়েছে, উচ্চতর ভাবের ভূমিতে সার্বকতা লাভের চেষ্টা করেছে, তবু তার জীবনকে কিছুতেই স্থখী জীবন বলা যায় না। এ কথা কিছুতেই বলা চলে না—কল্যাণীর জীবন সার্বকতায় পরিপূর্ণ, সমস্ত চুঃখ ঘন্থের শেষে নিকটবেগ আনন্দের বা সন্তোষের জীবনে পরিণত হয়েছে। মানসী সম্বন্ধেও প্রায় একই কথা বলা যায়। যদিও মানসীর জীবনে উচ্চতর ভাব-রতির আধিক্য বা প্রাধাণ্য রয়েছে, যদিও মানসী পরার্থে জীবন উৎসর্গ ক'রে বেশী স্থখ অমুভব করে এবং যদিও সে দেখেছে—তার কর্তব্যাপথ জীবনের ক্ষুদ্র স্থখচুঃখের সীমা ছাড়িয়ে বহুদূরে প্রসারিত, অর্থাৎ যদিও মানসী মহন্তর ভাবের দাবী মেটানোর মধ্যে “আপনাকে” অর্থাৎ জীবনের সার্বক খুঁজে পেতে সচেষ্ট, তবু শত মুখের কথা বা ঘোষণা সবেও তার অন্তরের নিগূঢ় ব্যাধার কথা ভুলে যায় না। অজয়ের মৃতদেহের পাশে “দীনতম ভিখারিণীর চেয়েও দীন” যে মানসীকে আমরা দেখেছি, তার যে শোকোন্মত্ত—“প্রেম-ভিখারিণী দুর্বলা রমণীর” রূপ আমরা দেখেছি, তা'তে ব্যর্থ প্রেমকে মহুজ্ঞে ব্যাপ্ত করার হাজার চেষ্টা দেখলেও মানসীকে কেউ প্রকৃত স্থখী ব'লে মনে করতে পারবে না। সেবা-স্থখের যত হাসিই তার মুখে ফুটে থাক, কল্পকতির বেদনা থেকে সে সম্পূর্ণ মুক্ত নয়, বিবাদের ছায়ায় তার জীবন আচ্ছন্ন।

মহুজ্ঞ-ভাব-রতির প্রাধাণ্য থাকার ফলে যদিও মানসীকে আমরা

বিশ্বপ্রের-রসের অবলম্বন বলে গণ্য করতে প্রবণান্বিত হই, কিন্তু একথাও সন্দেহ নহে যেন হয় যে ট্রাজেডি-কমেডির দুই কোটির কোন একটিতে মানসী-চরিত্রকে অন্তর্ভুক্ত করতে হলে, কমেডির চেয়ে ট্রাজেডির কোটিকেই বেছে নেওয়ার বৌদ্ধিক আভাবিক এবং সঙ্গত ।

এখানেই রস ও চরিত্র আলোচনার উপসংহার করা যাক । অজ্ঞান রস এবং চরিত্র সম্বন্ধে গঠন-বিশ্লেষণ প্রসঙ্গে যেটুকু বলা হয়েছে, আশা করি তা' থেকেই কোতূহলী পাঠকের জিজ্ঞাসা তৃপ্ত হবে ।

(সমাপ্ত)